





机警編

北京大學《儒藏》編纂與研究中心

#### 圖書在版編目(CIP)數據

儒藏. 精華編. 四五 /北京大學《儒藏》編纂與研究中心編. 一北京:北京大學出版社,2012.8

ISBN 978-7-301-11763-7

I.①儒··· Ⅱ.①北··· Ⅲ.①儒家 Ⅳ.①B222

中國版本圖書館 CIP 數據核字(2012)第 163380 號

書 名: 儒藏(精華編四五)

著作責任者:北京大學《儒藏》編纂與研究中心 編

責任編輯:王應

標 準 書 號: ISBN 978-7-301-11763-7/B • 0449

出版發行:北京大學出版社

地 址:北京市海淀區成府路 205 號 100871

組 址: http://www.pup.cn

電子信箱: dianjiwenhua@163.com

電 話: 郵購部 62752015 發行部 62750672 編輯部 62756449

出版部 62754962

印 刷 者:北京中科印刷有限公司

經 銷 者:新華書店

787 毫米×1092 毫米 16 開本 63.5 印張 620 千字

2012年8月第1版 2012年8月第1次印刷

定 價:500.00元

未經許可,不得以任何方式複製或抄襲本書之部分或全部内容。

版權所有,侵權必究 舉報電話: 010-62752024

電子信箱: fd@pup. pku. edu. cn

北京 大學,「九八、五、工程。」 重點 項目國家 了社會。 科學,基金、重、大、項目、「十一五」國家重點圖書出版規劃項目,重大工程出版規劃



# 《儒藏》精華編第四五册

首席總編纂 季羨林

項目首席專家

湯一介

湯一介 龎

總

編

纂

本

册

主

編

彭

林

樸

孫欽善

安平秋 (按年齡排序)

## 精華編凡例

則的 爲儒家經典和反映儒家思想、體現儒家經世做人原 典籍的 、中國傳統文化以儒家思想爲中心。《儒藏》 叢編。 收書時限自先秦至清代結束。

爲主,酌校異同。

校記力求規範、精

煉

一、《儒藏》精華編爲《儒藏》的一部分,選收《儒

外,其他一

律省略

藏

》中的精要書籍

互見。 寫者一律收其釋文文本。 漢文寫作的儒學著作,編爲海外文獻部類 已收入入選的個人叢書或全集者,僅存目録,並 分類法分類,大類、小類基本參照《中國叢書綜録》和 土文獻。 中國古籍善本書目》,於個別處略作調整。 三、《儒藏》精華編所收書籍,包括傳世文獻和 出土文獻單列爲 傳世文獻按《四庫全書總目》經史子集四 韓國、日 個部類,原件以古文字書 本、越南儒學者用 凡單書 注 明 部 出

> 編,不改編,保持原書的完整性 和 獨 立性

四、所收書籍的篇目卷次,一仍底本原貌,不

選

勘價值的版本爲校本。 確定内容完足、精確率 Ŧi. 、對人選書籍進行簡要校勘。 高的版本爲 出校堅持少而精 底本,精選 以對校爲主, 以以 校正 有校

例,進行規範化標點。 六、根據現行標點符號用法,結合古籍標 專名號除書名號用角號(《》) 點通

落。 一般不分段。 正文原已分段者,不作改動。 七、對較長的篇章,根據文字内容,適當劃分段 千字以内的短文

及其他有關情況。 出現順序前詳後略 及整理時所確定的底本、校本(舉全稱後括注簡稱 介紹作者生平、該書成書背景、主要内容及影響,以 八、各書卷端由整理者撰寫《校點說明》,簡要 重複出現的作者,其生平事 蹟 按

九、本書用繁體漢字豎排,小注一律排爲單行。

凡

例

謝

《儒藏》精華編惠蒙善助,共襄斯文,謹列如左,用伸謝忱。

本焕 法師

智海企業集團董事長 馮建新先生

NE·TIGER 時裝有限公司董事長 張志峰先生

《優品》雜誌主編

《精品購物指南》報社常務副總編

王明亮先生

壹佰 萬元

壹佰 萬元

貳拾萬元

壹佰萬元

北京大學《儒藏》編纂與研究中心

本册責任編委 谷建 苯纯芳

# 《儒藏》精華編第四五册

經 儀禮之屬 部 類

749

1

- <del>-</del>	- ナ - ナ t	- L C		ーニナ	ーニュー	L ナ	L - 1	・・・・・・・・・・・・・・・・・・・・・・・・・・・・・・・・・・・・・	ニブ	ミラブ				_	_				
特牲饋食禮第十五	儀禮集説卷十五	士虞禮第十四	儀禮集説卷十四	既夕禮第十三	儀禮集説卷十三	士喪禮第十二 ············ l	儀禮集説卷十二	儀禮集説卷十一下	喪服第十一	儀禮集説卷十一上	覲禮第十	<b>儀禮集説卷十</b>	公食大夫禮第九	儀禮集説卷九	儀禮集説卷八下	聘禮第八	儀禮集説卷八上	大射儀第七	<b>儀禮集説卷七</b>
六二三	六二三	五九二	五九二	五四七	五四七	四九七	四九七	四五七	四二二	四三三	四〇七	四〇七	:八〇	八〇	三五五	二八六	二八六	二三六	三三六

後序	有司徹第十七	儀禮集説卷十七	少牢饋食禮第十六	儀禮集説卷十六
七三四	六九三	六九三	六六五	六六五

儀禮集説

〔元〕敖繼公 撰

		•
•	•	
•		

目録		熊禮第六	<b>儀禮集説卷六</b> 一九七	<b>儀禮集説卷五下 一七〇</b>	鄉射禮第五 一二九	<b>儀禮集説卷五上</b> 一二九	鄉飲酒禮第四 九一	<b>儀禮集説卷四 九一</b>	士 相 見 禮 第 三 · · · · · · · · · · · · · · · · · ·		士 昏禮 第二 · · · · · · · · · · · · · · · · · ·			L *	豊美党	きまれ	交點说月 一		目録		
	特性饋食禮第十五 六二三	0 0 0 0 0 0 0 0 0 0 0 0 0 0 0 0 0 0 0 0	土 厚禮 第十四	多言·考一 P		<ul><li>3. サービー・・・・・・・・・・・・・・・・・・・・・・・・・・・・・・・・・・・</li></ul>		土喪禮第十一 四九七	<b>儀禮集説卷十二</b> 四九七	<b>儀禮集説卷十一下</b> 四五七	喪服第十一 四二二	<b>儀禮集説卷十一上</b> 四二二	観禮第十 四○七	<b>儀禮集説卷十</b> 四〇七	公食大夫禮第九 三八〇	<b>儀禮集説卷九</b> 三八〇	T	聘禮第八 二八六	<b>儀禮集説卷八上</b> 二八六	大射儀第七 二三六	<b>儀禮集説卷七</b> 二三六

後序	有司徹第十七	儀禮集説卷十七	少牢饋食禮第十六	儀禮集説卷十六
七三四	六九三	六九三	六六五	六六五

### 校點説明

林傳》) 任當補京官,讓於弟。 善。福· 從之游,趙孟頫嘗師之。(參柯劭忞《新元史・ 案》卷五十二《艮齊學案》) 敖氏深通經學,吴士多 信州教授,未任而卒。 遂不仕。成宗大德中,因江浙平章高彦敬舉薦,授 建長樂人,寓居於吴興。 儀 禮集説》,元代敖繼公撰。 (參黄宗羲、全祖望《宋元學 尋擢進士,因對策忤時 初仕定成尉,以 敖繼公,字 相 儒 君 父

讀,自宋王安石廢科舉《儀禮》房, 微,雖有朱熹等人承繼絶學,但《儀禮》終 》成於元大德五年(一三〇一),前有自序,稱 元代經學不振,研習禮經者更爲乏人。《儀禮 (儀禮》一書,文古義奧,唐代 禮 韓 愈即 經 學 嘆其 未 E 爲 益 式 顯 難

籬

的 義 代,姚際恒《儀 爲 的 敖氏《集説》解經簡明,曾風 或考辨經文,部分卷末附有正誤,考辨字句 鄭 或 合於經者,而存其不謬者, 意義有未足,則 禮經本義》等多引敖說,清初三禮 儀禮節解》,受敖氏影響,對鄭玄注多有駁斥。 禮 疏》,說經也多宗敖氏。 重要的地位。 禮經研究影響深廣,在元明清禮學史上,具有 先儒之説以 注「疵多而 經學研究,多受敖氏此書的影響,罕越 此書共十七卷,列鄭注或賈疏,或解釋經義。 醇 禮通論》、方苞《儀禮析疑》、蔡德晉 補 少,學者不察也」,於是「報刪 明代禮經學 之 又未足則附之以 可以 靡 更爲式微,有郝敬 一時,對 説,明代和 館 編撰之《儀 明、 一得 清兩 清 取 頗 之見 其 前期 其 疏 詳。 較 代 藩 禮 清 撰 不 記

書通故》等禮學著作也多引敖說,皆爲其徵。該書乏真知灼見,清人胡培學《儀禮正義》、黄以周《禮義,其於禮學傳承之功甚偉。書中頗有勝義,更不義、其於禮學傳承之功甚偉。書中頗有勝義,更不

對於禮學研究具有重要的參考價值。

其 就 在與康成立異」、「穿鑿支離、破碎 睹 廷 而大亂真」,錢大昕亦批評敖氏「甚且改經文以 獨 不同,各自抒其心得,初非 加 儀禮義疏》對 其 (異同 堪、黄以周等禮家對敖說亦多駁正。 注 掊 逐字研求、務暢厥旨、實能有所發 公於禮,所得頗深,其不合於舊說者,不過 闡發,頗能得經之曲折」。 義」(多《儀禮 疏之面,而隨聲佐鬭者,有不同也。 擊,務求立異,後世對此褒貶不 敖氏受宋 矣。」而皆者 儒 繼公頗爲推揚、謂之「細心密理,決 懷 管見 亦 疑 夥。 經 • 注 序》)。 如 矯激以争名,故與 風習之熏染,對 **四** 清人 庫提要》云: 此外,胡 褚 滅裂,實彌 揮,則 寅亮 清 培量 責其 亦 鄭 初官修 所見 近 不 繼 目 注 淩 似 維 病 未 蓋 多 曲 公

博物院。 有 ,元刊本。 一元代大德間 儀 禮 《國立中央圖書館善本書目》載一元大德 集説》的版本,可考者有以下數 國 官刊本,十六册,今藏於臺灣故 立 故宫博物院善本舊籍總 種。 目 第 官 載

(簡稱 本)。 本); 集説》尚有清抄本,十七卷,今藏 説》加以精校,收入《四庫全書薈要》,(簡 本)儘管是在元刊本基礎上刻印,然版刻漫漶不 上可得的大陸所 和卷十一又分别折爲上、下兩 期,納蘭性德對敖書加以校勘,收入《通志堂經解 華再造善本》即影印此本。 德間刻本爲底本重修而成(底本蓋即香港大學 學 間 元刊本爲祖本。 臺灣所藏之大德間刊本),今藏於國家 二,元刻明修本(簡稱明本),十七卷,是明代 堂續跋》卷二所云之元刊本,今藏於香港大學。 十六册,此本與臺灣所藏之本同屬一 馮平山圖 刊本,十册,今藏臺灣「中央圖 · 曹要本和庫本將原書篇幅較長的卷五、卷 稍後《儀 通本)、據《儀願堂續 書館藏善本書録》載 禮 乾 藏諸本中, 集説》收 隆年間 入《四 跋》卷二所云,此本是 第三,清刻本。 明本(國 四 部 庫 分。 庫全書》(簡 戜 書館」。 一元大德間 館 家 臣 家 此 圖 源, 圖 對《儀 書 外、《儀 書 《香 即《儀 書 館。 稱 清 館 刊 館 稱 薈 禮 《中 港大 代 以 本 清 藏 以 禮 庫 以 前 與 大 第 要 集 頋

本。 在相應位置出校説明。 庫館臣校記數則,今一並删去。其校改有誤者, 值不大,故不再作爲參校本。底本每卷後原附 本),並吸取了阮元的校勘成果。 刻《十三經注疏》的《儀 及影印文淵閣四庫本爲參校本,同時參校阮元校 二年富文齋刊刻的通志堂本爲通校本,以明修本 以看出薈要本經過精心校勘,錯誤較少,爲較佳之 以之爲底本。將通本、養要本和庫本相互比較,可 之處較多,加以存在脱頁、版刻訛字等現象,故不 故道次校點,以薈要本爲底本,而以清同治十 禮注疏》部分(簡 清抄本的版本價 稱 注 四 疏 則

校點者 曹建墩

### 儀禮集説序

也,而 公之書也。 詳備,非聖人莫能 公之書。又以其書考之,辭意簡嚴 樂,以致太平。 爲 所 也。 中十七篇,《冠》、《昏》、《相見》、《鄉 此 武 作,愚亦意其或然 ^ 事 王始有天下,然其時已老矣,必未 何人所作 王朝之禮 儀 也。 禮 然周 至 何 周 也? 不 故 代之書 公此 公相 與焉 以 爲,益有以 其 日,先 也。 書, 成 時 也 何 王,乃 考之,則當 何以言之? 乃 儒 ? 以 爲 見其 皆 知 日, 始 侯 以 其 制 周 或 果 然 爲 品品 飲》、 之 也 爲 是 禮 周 而 周 暇 作 書 周 節 作 周

故 是 之禮。 下 加 冠、昏、射、御、朝、聘,聖人以禮示之,故天 本於天, 殺於 熨 決爲侯國之書無 諸 侯與諸侯之大夫爲 禮,然主於諸侯而言也。 侯及公子、大夫、士之服詳矣,其 食》上、下二篇, 食》凡九篇,皆言侯 鄉 聘》、《食》、《燕》、《大射》 藏之有司,以 當 書 國家 作 侯與其大夫而言 射 是 也 此 可得 書者 惟《 時,天下 聖 人 覲 而 何 喪 其 地,列 禮》一篇則言諸侯 也? IE \*\ \( \) 爲 五 以 也。」以夫子此言證之,則 疑 既 典 等之國,莫 皆言侯國之大夫禮 爲 也。 天子之服,然亦 矣。 於鬼 夫子有言曰 國之士禮。 夕》、《士虞 籍。 正 然則聖人必 由是 天 《喪服》篇 神、達於喪、祭 無事, 四篇,皆言諸 下 觀之,則 之 不 《》、《特: :「夫禮 寳 具 則 間 朝 ^ 其 守 也 中言 皆 天子之 少 雖 是 爲 君 歟 牢 此 主 有 牲 侯 必 書 於 諸 諸 饋 饋 侯

者 道 朝 平 以 班 絶 籍之不便 相 或 者 或 之 如 者,不 與 丁,其 縫 於 講 無 私 於 異 明 其 傳 以 而 復 放 於 之, 禮 國 於民 幸 是 縱 藏 己 存 乎 家 以 有 於 而 間矣。 而 以至今日 1 無 有 教 事 皆 憚 殊 其後 其 司 去 於 則 俗 人 矣。 之, 皆 檢 此十七 兵 王室衰 據 也 束 則 曏 此 寢 此 其 也 有 刑 之 以 篇之所 曏之 微 周 措 藏 行 於 諸 盛 禮 於 受 是 以 時 以 有 於 惡 又 侯 躋 不 司 王 太 典 不 所 目

者 耳 其 經 具 其 如 前 其公饗大夫之禮也,而 也 之言士禮 禮之 者 本 平 數 或 其 類 ? 但 日 公食 昏 : 考之,恐 如 日 禮、喪禮 特 此 是 大夫 詳,其 + 而 是 七篇爲侯國之書, 已乎? 不 禮 其 則 可 \*\frac{1}{2} 於 篇 無聞 大 知 數 夫 今之經 也 抑 本 焉,此 設 則 或 不 洗 但 但 有 11-乃 L 以 如 必 見 此 固 其 經 逸 無 饗 其 也 也 是 1 祭 文 而 禮 禮 謂 逸 是 與 豊 不

是

之多

也

去

古既

遠

而

其

所

存

者

乃

不

能

者,豈 禮 若 《記》有之曰: 無 則 經 間 知 經 其 之 皆 相 用 焉 》、《少 之篇 貴 所 禮 諸 間 所 有 無 食 久 於 則 賤 謂 之 所 侯 嘗 聞 E 又 面 即 其 是 禮,又 既 朝 闕 曲 數 有 言、 焉,是亦 後 (儀))所 逸之 事 十七 合 耳, 去其籍之後即失之邪 禮 本 不 失 禮 無 則  $\pm$ 不 盡 之也, 篇之 若 諸 也 大 事 之 則 朝 記 「經禮 止 然 其 其 明 侯 小 所 有 之 又 與 一於十 者 亡 矣。 亦 邦 口 所 類 類 在 侯 是 皆 三百 乎? 逸者 當 交 遺 也,其數 推 是 經 或 七 有 皆 有 亦 又 者 二,曲 也 禮 之 禮 故 亦 不 也。 喪 諸 當 由 而 之 禮 其 以 可見矣。 禮 禮 可 有 侯 此 知 先王之世, 外 mi 乃 數 行 三千。」 、祭禮 然此但 之 得 相 言 之也 言 者 之。 至 不 有 朝 抑傳之民 之, 而 之歟 於三 容 覲 如 考 <del>前</del> 相 蓋 但 不 所 則 以 面 禮 ^ 矣。 内 百 如 以 謂 是 況 經 今 仴

\_==

若此 説 則 閒 又 呼 足,則取 不合於經 用 足之蹈 晚 者 什 而 卷,則心目之間 無 曹安可 附 疵 將 一、固不 ! 之 讀 用 與之揖 多 之以 说,尚 ,設使盡 何 此 於今爲説 也 自 予之所玩 而 如 而 書, 沉 不 知 疏 可 可 醇少, 不自 者 耶 盡 讓 記 蕪 復見矣。 勝 何足以 ? 周 心 得 或先儒之説以補之; 陋 得三百、三千之條 而 潛 歎 知者。 而 而 旋 者 之見焉, 學者不察也。 此 存 哉! 固 既 絶 如親見古人於千載之上, 講 於 ,僅十七篇 書 其 不 之也。 久,忽若有得,每 明之乎 其 蔕芥於胷 舊有鄭 不謬者; 夫如 其幸存 敢 (間焉) 夫 以示 其 因 是,則其無用有 繼 1 名 已廢 康成 而 知禮之君子, 耳 蓋 公半 曰《儀 予今聊 固 中哉! 目 有手之舞、 未泯者 意 不宜 而 注, 生游 又未足, 而 義 其意已 丽 讀之, 禮集 然 删 有 以 亡 吾 學 開 其 未 其 嗚 其 逸

> 初 學之士,或 大 德 辛 丑 孟 有 秋 取 望 焉, 日 亦 長 未 樂 必 敖 無 繼 小 公謹 補 云

序。

爾

然

#### 士冠禮第

元 敖繼公 撰

士。 服 鄭 弁素積。古者四民世事,士之子恒 ,則是 注曰 冠於五禮屬嘉 . 諸侯之士。 童子年二十而 禮 天子之士,朝 冠。 主人玄冠 服 爲 皮 朝

乃天子爲諸侯制之,以爲其國之典籍者諸侯之士,其言大夫禮者亦然。蓋此經冠者,加冠之稱。凡經言士禮者,皆謂此士云者,據其子而立文也,下篇放此。繼公謂:此篇主言士冠其適子之禮。然

儀禮集説卷

撰 主曰: 您,以賽問古刘

筮于

廟

門。

士冠禮。冠

,古亂反,篇内不音者並同

也

,故不及王朝

大夫士之禮

此目下文所言之禮也,後篇皆放此

禰廟。

注曰:筮,以蓍問吉凶於《易》也。廟,謂

者,明其求於外神也 廟門者,爲將有事於 者,不悉見之。 繼公謂: 此目筮 筮 日之事也。 日 廟 者, 中故 重 凡經 也。 冠 事 必于 文 也 類 門 此

西面。冠如字。朝音潮,下同。轉音畢。主人玄冠,朝服,緇帶,素轉,即位于門東,

朝。 H 下 注曰:素轉,白韋轉,長三尺,上廣一尺, 天子與其 視朝。 廣二尺,其頸五寸,肩革帶博二寸。 諸 侯 凡染黑,五人爲緅,七人爲緇 臣 與 其 玄冕 (臣,皮 以 弁 視 以 朔,皮弁以 視 朔, 朝 服 日 以 視

玄 則 六 人與

古者 玄端 裳 如 有 帶下長 爲 裳 繒 繼 合而辟其帶下之垂者,故謂之緇帶。 色也 體,其 鞸 爲 也。 委貌 公謂 田 以 而 爲 士朝 蔽 變 也。 狩 三尺,其屈垂者二尺。 正 博 者 主人,將 前 而 士 四 之鞸 乃大 服 朝 食 緇 後,後世聖人易之以布帛 寸, 服 以 其 帶 筮,敬其神也。 ,十五升之玄布 異 率 肉,衣其皮,先以兩皮 又以緇 冠者之父也。 緇繒 也。 象裳色,或 帶, **鞸之義**,説者 繒之博 士帶 素 轉, 近 玄冠, 二寸 士 以 衣 焉, 襌 服 而 者 謂 惟 象 練 以 素 黑

有 司 猶 如 存 主 其 蔽 人服,即位 前 示 不忘古 于西 方,東 云 面,北 上。

有 司 即 筮者、占者、宰、宗人之類

筮與 (席、所 卦者,具饌于西塾。饌,土戀反。 塾

音孰。

喪》 者, 席, 蓍亦當南鄉, 有席, 燋 繼 西 注 公謂: 塾, 日 浦 쓨 所 0 門 日 以 筵也,士用 筮 在龜 外 畫 之 蓍 謂 西 禮 地 而 堂 蓍 席在 東」,然則 記 굸 云筮 也 也 爻及 「奠龜 蒲 其 者,以其所用名之。 具, 門 後, 席,神人同。 書 側之堂 于西塾上,南首 俱 此 卦之具 脯 也 時具饌之位 所 謂 卦者則 饌 也。《 之塾 所卦 陳 也 1 在

布席 蓍右 于門中, ,亦變於筮 闑 西 閾 時 外 也 西 面 闃, 魚 列 反。

音域。

注 日 : 闑 門 橛 0 閾, 闖 也

也。 繼公謂 惟 此 席 : 闡 西 西 於 矣 翼 東 西 乃 節 云 也 門 中, 閾 外, 則 南 扉 北 節

筴音筮 鞭音獨,

筮

人

執

筴

抽

上

韇

兼

執之,

進

受

命

於

主

間

有

闑

明

14

閾

韇丸也。兼,并也。進,前也,自西方而注曰: 韇,藏筮之器,今時藏弓矢者謂之

前。

執之」。 《少牢》日 下 疏 日 鄉 . 上 言上轒 承 史「左執筮,右抽上韇,兼與筮 之。 者,其制有上下。 上者,從上 鄉 下 韜之也。 下者,從

筮宜 牲》、《少牢禮》皆云「執筮」,益可見矣。 也。 牢饋食禮》言爲大夫筮者,史也,此 繼公謂:  $\overline{Z}$ 筮與席,下 則此「筴」字乃 亦如之。 執筴,當 筮人,有司之共筮 云徹 史而 作執筮,筮 筮 云筮人者,因 傳 、席,以 寫 亦謂 誤 事 其 也。 者 蓍 上 也。 又《特 下文徵 也。 事名之 爲士  $\wedge$ 小

「贊幣自左,詔辭自右。」注曰:自,由也。贊,左也。《少儀》曰:

宰自右少退,贊

命

蓋曰:「某將以來日某,加布於其子某之 主人之右。 繼公謂: 曏者· 贊 宰亦 命,爲主人釋辭 在 有 司 位 也。 至 是 其 乃 辭 來

首,敢筮。」

注曰:即,就也。東面受命,右還北行就左,卒筮,書卦。還音旋,下同。 卦者在筮人許諾,右還,即席坐,西面。卦者在

南則北 席。 不言坐,則是立也,其亦 在 爻書卦者也。 再,乃成爻六,爻備而成卦。 掛 諸 筮也。凡卜筮 繼公謂:筮人即席,抽下韇,乃釋之而 (, 揲而) 鬼神 左,坐,卦以木,卒筮 卒,已也。 也 面,蓋以西北陰方,故鄉之以 歸 奇焉。 쓨 《少牢饋食禮》曰:「卦 于門者皆西面,筮 用 四 又以所餘 + 九 書 士禮異與? 蓍, 桂 蓍如 卦者,主 分 于木。」此 而 Ŀ 宅 爲 法 於 者 識 者 求 兆 坐

則 卦 時 乃 坐 既 則 興

執 以 執之不言筮人,文省也。 反之,反於筮 示主人。主人受眡,反之。 眡音視

筮人還,東面。 旅占,卒,進告吉。

注曰:旅,衆也。

繼公謂:筮人東面而言還,明其位亦 在

占者,欲盡衆人之見也,其人數未聞。 者,占所遇之卦若其爻之吉凶也。 有司中也。● 旅占,與有司旅占之。 占 必旅

若不吉,則筮遠日,如初儀。

士之占卜者,則三人告吉,亦執卦。

儀 遠日,去初筮者蓋 而以後丁、後己爲遠日,則可見矣。初 同,故謂之遠 () 筮人執筮以下者也。 日。《少牢》「日用丁己」, 旬 有 凡 日 經言 也,以其干 不吉 而

> 凡筮賓、筮尸、卜日 又不吉,則直用 其後之遠 之屬 日,不 皆 類 此,議 復 筮

特性》篇張子説中。

徹筮席。徹,直列反,下並同

筮,蓍也。蓋既筮 則釋于闡 西,今乃并

與 席徹去之。

宗人告事畢。

注曰:宗人,有司主禮者。

使給事於私家者也。 繼公謂:宰、宗人、筮人之屬,皆公家所 告事畢,東北 面

右筮日

《特牲禮》,宗人東北

面告濯

具。

主人 、戒賓。 賓禮 辭,許。 主人再拜,賓答

拜。

0 「亦」,原作「人」,今據庫本改

改筮者,皆不至於再重瀆神也。

此筮若

有所 後也。 耳。凡 告之使知其事,且欲勞之也。 注 而以將 有賓主爲禮一節,與宿賓者同,文不具 繼公謂 曰:戒,警也,告也。 别異也。 爲筮者爲先,餘人亦各以次爲先 [賓之與冠事者,主人皆親 是時主人皆親戒之者,未筮則未 : 賓者,主人同鄉之士 戒賓亦朝服。 禮辭, 也。 此上更當 凡既筮 辭 戒之, 戒者 呵 丽

主人退,賓拜送。

擯者傳之。宿賓放此,説見《特牲》篇。

者,其義皆然。

此雖親相見,其辭則皆

有事,如戒宿之類,皆因

쓨

服

無

變也

賓許而主人再拜,謝其許

也,後禮

類此

於迎也。吉禮,拜送者必再拜,經或不者,皆於其既退乃拜之,故不答拜,亦異也。必拜送者,所以謝之。凡拜送客此言戒賓之儀略者,蓋以宿賓之儀見之

見之,文省耳

#### 右戒賓

前 過再筮 賓 事。」 猶筮之者,蓋慮其異日或以他故而不及 而即以第三者爲正賓,亦以初筮者爲次 次者爲正賓,若次者又不吉,則不復筮 期者也。 期三日,筮寳,如求日之儀 某爲賓,敢筮。」言如求日之儀,是亦 繼公謂: 曰:「古者冠禮筮日、筮賓,所 注曰:筮賓,筮其可使冠子者。 乃云前期三日,未詳。 某以來日某,加布於其子某之首,將以 也。 一而已。 主人於賓,既 前猶先也。 此 所 初筮者若不吉,則改筮其 空者,但爲期之一 次第 期,即下文所謂 筮賓之辭蓋曰: 其 八先後 以 《冠義》 矣,然 日 敬 耳 爲 冠

以 與 或先後易位,有 者,故不可不問於神, 爲 則 嫌 將 也 廢 冠 事 此 不能 乃非人 盡 而 如人意者,亦 用 舍壹 之所 聽 能 之, 預 不 雖 知

#### 右 筮 賓

乃 主人東 宿 賓。 面 答拜 賓 如 主 人 服 出 門左, 西 面 再 拜

注 左,人以東爲右 曰 : 主人朝服。 左,東也。 出以 東爲

目下 朱子曰:此云宿賓,言主人往 事, 如篇首言筮于廟門,後 而 宿之, 亦 多 有 以

此

例

也。

尊,故主人親宿之。 速也 速一而 公謂: 一,既 曰「宿」者,以 戒 既 之, 筮 即 則 宿賓,故云乃宿之,爲言 宜 速之 、 其事· 出 門 使 在 左,出大門 來 異 也。 日 也 不 而 賓 曰

> 左也。 西 面 再 拜 拜 其 辱 也 禮 又 謂 之

乃宿賓,賓許。 拜迎。

主人再拜,

賓答拜。

主人

退,賓拜送。

注

曰:乃宿賓者,親相見致其

宿贊冠者一人,亦如之。

耳。 别於尊者也 同 相 親宿之也。 於正 不著之。 繼公謂: 注 介之儀,而於衆賓 惟 類。 曰: 贊冠者,佐賓爲冠事 若衆賓,則 賓,如《鄉飲酒》之介然,故主人 以 宿賓及 先後  $\sim$ 贊冠者一人,贊者之長也, 鄉 經之所言,乃主 爲 飲 此贊 或使人宿,其禮: 别。 酒 則 禮 冠者,其 | | | | | | | 衆賓 闕焉,其 不親 者 主 一人親 禮 例 人 宿 簡, 與 戒 正 辭 與 賓 宿 尊次 故 此 及 者 經 亦

#### 右宿賓

東。 厥明 兄弟在 夕,爲 期于廟門之外。 其南,少退,西面,北上。 主人立于門 有司

皆如宿服,立于西方,東面,北上。

注曰: 宿服,朝服。兄弟,主人親戚也。

疏曰:期,加冠之期也。

繼公謂 云有司皆如宿服, 則主人及兄

弟可知矣。

擯者請期,宰告曰:「質明行事。」擯,必刃反。

注曰:擯者,有司佐禮者。質,正也。旦

日正 明 行 冠事。

繼公謂: 請期,東西。●《少牢禮》,主人

告兄弟及有 司。

南面,宗人北面請祭期

注曰 : 擯者告也。

疏 曰:上文兄弟、有司皆已在位,此復告

者,禮取審慎之義也

西北面也。《特牲饋食禮》曰宗人「東北 繼公謂:此告兄弟蓋東北面,告有司蓋

面 告濯具」。

告事畢,擯者告期于賓之家。

别言擯者,事 更端也。賓,謂賓及衆賓

也。

#### 右爲期

夙 興,設洗,直于東榮,南北以堂深。 水在

洗 東。直音值。 注曰:夙,早也。 興,起也。 洗,承 盤 洗

深,式鴆反。

者棄水器也。

疏 日 :堂深,從堂廉北至房室之壁。 南

0 西」皆作「面」。 西 |佐《儀禮集編》、黄以周《禮書通故》引敖氏此説 諸本同,疑當作「面」。 褚寅亮《儀禮管見》、盛

七

淺。 此爲度。 北 以 假令堂深二丈,洗亦 堂 深 者, 洗 去堂 遠 近 去堂二丈, 取 於 堂 E 以 深

洗 者也,其器則國 堂深者,謂設 屋,故以 東榮,謂遥當之。周制 而爲之。 夏屋,故其設洗以 梁」,然則榮者,乃梁東西之兩 榮」,又曰 繼公謂:《説文》曰「 在東 方, 東 深, 「梠,楣也」,《爾 則 霤 沃 謂 洗 爲 君及· 南 洗者宜 其 節 東榮 北 修 其 大夫用罍, 之節 屋梠之兩 也。 處 爲 西 同 卿大夫以 雅》曰 節。 視堂 面,故 水,所以 也 人 端 頭 士未 水 深 南 君 楣 起 也 之度 在 盤 下爲 北 爲 者 謂 聞 洗 洗 之 以 殿 直 爲

陳服于房中西墉下,東領,北上。

東。

其先取在南者也。 埔,牆也。東領,統於主位也。北上,便

爵弁服: 纁裳,純衣,緇帶,靺韐。纁,香云反。

純如字。韎音妹。韐音闇。

尊,則謂之韍 **轉者**,尊之,異 韎者,韋之蒨 於衣上者,以其 語》云「今也純,儉」,此其徵矣。 衣 繼公謂: 而緇 色者也。 爵弁服,士之上服也。 者也。 其名 與冕服之裳同,尊之也。 《周官》云「純 耳,其在 韐 之制 如 冕 轉,不 帛」,《 服者 言纁裳 純 衣 尤 論 絲

皮弁服:素積,緇帶,素鞸

辟也,以素爲裳,辟蹙其要中。注曰:皮弁者,以白鹿皮爲冠也。積,猶

用絲者,宜别於冠服也,冠服之衣用布。其衣蓋亦絲衣,而色如其裳。二弁之衣繼公謂:皮弁次於爵弁,亦士之尊服也。

協反。

此

裳之辟積亦

幅

三袧

玄端: 裳而皆爵轉,近裳色也。 裳、雜裳 色純,故言於雜裳之上。 或前黄後玄也。 玄裳,亦許其用 謂玄端之服,其裳以玄者爲正也。 繼公謂 以玄冠名服者,是爲緇布冠陳之。 注曰:玄端,即朝服之衣,易其裳耳。不 玄裳,黄裳、雜裳可也。 : 玄端,士之正服也。 可 也。 黄裳若雜裳,故曰「黄 黄裳雖貶於玄裳,然其 雜裳者,或前玄後 玄裳、黄裳、雜 緇帶,爵 玄端玄裳 若無 黄 韠

士用象

疏曰:二弁之笄,天子、諸侯用玉,大夫、

邊,同篋。冠如字,下同。缺如字。屬音燭。纚,山買幅,長六尺,皮弁笄,爵弁笄,緇組紘,纁緇布冠缺項,青組纓屬于缺,緇纚,廣終

反。廣,古曠反。長,直亮反。笄音雞。紘音宏。篋,苦

之矣。 充也。 注曰: 同箧,謂此以上凡六物。 笄,今之簪。 繼 屬猶著也。 幅,長六尺,足 纚,今之幘梁 纁邊,組 隋方曰 以韜 側赤也。 篋 也。 髮 而結 終,

之法 制如 頣 以固冠,其兩相又皆以纓屬之,而結於 也。其兩端有 故名之曰 項者,蓋别以 手執前」,則是冠後亦謂之項也。 繼公謂:下經言賓受冠,「右手執項,左 下以 而 此 自固。 爲之也。 ,後世之冠縫著於武 缺 項,謂 緇 蓋太 細,别以物貫穿而 布 繅, 八古始 其 條 舊説 (當冠 車 知爲冠之時,其 謂繒 冠,而後 項之 亦 爲之,繼 因缺 處 連 不合, 此 結 則 之 缺 項 缺

幅 繫也,以組一條爲之。 笄之間,以見三加同 古者布帛幅廣二尺。 ,則圍髮際而不足,或亦缺 六尺,則固足以韜其髮矣。然廣惟 — 纙 經言繼於缺 冠用纓,弁用紘, 也。 其 紘,弁之 後 項、二 與與 ?

櫛實于簞。蒲筵二,在南。櫛,莊乙反。簞音

各從其便也。

注曰:筵,席也。

丹。

疏曰:二者,一冠一醴。

繼公謂:簞,笥類也。南,謂簞南。

**栖。脯醢,南上。甒音武。鱓,之豉反。柶音四。側尊一甒醴,在服北。有篚實勺、鱓、角** 

醢音海。

爵三升曰觶。柶狀如匕,以角爲之,欲篚,竹器如笭者。勺,尊升,所以斟酒也。注曰:側猶特也。服北者,纁裳北也。

滑也。

在北。 司》所謂「挑匕」者也。 於房,臣禮也,國 繼公謂 尊,設尊 案:注云「柶狀 || 君則 也。 於東 甒,瓦甒。 如匕」,蓋如《有 箱。 南 醴尊 設 醢

站,丁念反。南,南面,東上。賓升則東面。區,素管反。南,南面,東上。賓升則東面。區,素管反。

者,有司也。站在堂角。注曰: 匴,竹器名,今之冠箱也。執之

言王與諸侯及孤卿大夫之弁,飾以玉繼公謂:爵弁、皮弁,其制同也。《周禮》

夫以 與? 者, 東面 文殘缺,未能定 名則以尊卑而 者,於爵弁之外 弁,其説近是。今考經傳見物色之言爵 者,皆主人之贊者也。 蓋 絲與布之類,則皆絶 東西堂之南。 又無象邸也。此三冠特别。 琪,各以其等爲之。 以賓專掌冠事,使若賓之物然。 以是參之,則 上之服 則北上矣,不言者,可 然禮經言士之服則曰爵弁、言大 則 異、蓋 日 也 惟曰 案:陳氏以爲 韋弁,是 爵 又有象邸,則 不聞 必有義 弁 于西方 爵 南 其 韠、 其 其 面 果 爵 存焉。 或 知 一而東 物 而 以 韋 爵 也。 以 士之弁 雖 統 韋 爵 耳。 分即 上,及 同, 於賓 坫 爲 執 名之 但 無 禮 之 若 韋 在 算 玉 而

寸。絢,其予反。繶音億。純,章允反,下同。 屨,夏用葛。玄端黑屨,青絢、繶、純,純博

注曰:屨順裳色,玄端黑屨,以玄裳爲正

同,屨 純 縫 疏 紃 也 日 亦 中 也 以 有 約 與裳 屨順裳色者,禮之通 絛 純 絛爲之。 狀 紃 線也。 如 同也。 也。 刀衣 博寸謂純之廣也 緣 鼻,在 縫 三者皆青。 謂 中紃 繞 屨 口 緣 頭 謂 例: 邊也。 博, 相 繶, 接 衣與冠 廣 之處 縫 也 絇 中

素積 頭 繼公謂:絢,取屈中之義而名之,綴於屨 白 以 爲 屨 飾 以 也 魁 村之, 緇 約、繶、純, 純 博

魁、柎、皆未詳。注云:「魁、蜃蛤。柎、

注之。」

寸。

爵弁纁屨,黑絇、繶、純,純博寸。

焉。 錯 白,而白非 黑 屨青 綜以爲文也。 此見屨 飾 白白 所 者 以 屨 或言衣,或言裳 爲 緇 先卑而後尊,以三加之 飾 飾 則 也,故越 此 纁 之而 屨 ,或言冠 當 用黑 飾 以

次言之也。 三屨陳之,蓋在其裳之西。

冬,皮屨可也。

不言與? 若春秋,則或先皮後葛,或先葛後皮,故 惟云冬夏者,蓋 皆可冠矣。又此及《士喪禮》篇,其於屨 知。上言夏,此言冬,則是周之禮,四時 繼公謂:皮屨不見其色與 疏曰: 冬時寒,許用皮,故云可也。 以純用皮葛之時言之。 飾,同於上可

不屨繐屨。 總音歲

後,朱子移之於此,今從之。 屨之可。 者,以之爲屨則 之重者,是以不宜屨此屨。 時冠或得用之。繐非吉布,而冠則 不屨之屨,著屨 白「屨 輕凉也。 之稱 夏用葛」至 也。 言此者, 總乃布之 若燕居 此, 本在 嘉 嫌 則 禮 疏 或 夏

#### 右陳服器

主人玄端爵 輝, 立 一于阼 階 下, 直 東序,西

面。直音值

謂之牆 下者謂之壁,在房室者謂之墉,在庭者 于阼」是也。凡牆在堂上者謂之序,堂 主位謂之阼,故東階謂之阼階,下云 繼公謂:此言玄端亦不言冠者,可知 注曰:堂東西牆謂之序。 二禮 也。

忍反。 兄弟畢袗玄,立于洗東,西 面、北上。 袗,之

别稱 畢 服玄端也。 猶 也。 盡 也。 玄,玄端也。 洗東,於主人爲東南。 **袗如袗絺綌之袗,乃被** 畢袗玄者,謂 派服之

擯者玄端,負東塾。

此見其少東於入門右之位也。 東塾、 西

立於塾北而云負,則塾之崇其過於堂塾,其北蓋與東西堂相對,而廣亦如之。

與? 士之堂崇三尺。

注曰:采衣、未冠者所服。《玉藻》曰:將冠者采衣、紒、在房中、南面。紒音計。

紐,錦束髮,皆朱錦也。」紒,結髮。「童子之節也,緇布衣,錦緣,錦紳,并

过者在房户當当而立也。 朱子曰:房户宜當南壁東西之中,而將

冠者在房中當户而立也。

吉時謂之紒。《内則》言男子未冠者亦於衣矣。紒,露髮爲紒也,凶時謂之髽,禮》曰:「童子不衣裘、裳。」不裳則連裳繼公謂:童子之衣蓋亦深衣制也。《曲

右即位

用

繩。

此乃紒者,爲將冠去之。

賓如主人服,贊者玄端從之,立于外門之

外。

注曰:從猶隨也。外門,大門。

互文也。贊者,贊冠者。而下之衆賓也繼公謂:賓言如主人服,贊者言玄端,亦

擯者告。

外門之外西方,東面,北上。

皆俟于賓之門,賓出,乃從之,立于主人

也。此賓乃主人戒宿而來,故不出請之將命者入告擯者,擯者東面以告主人上言擯者負東塾,則在廟也。至是則賓

事。

答拜不言再,可知也。凡答再拜而不言主人迎,出門左,西面再拜。賓答拜。

其數者,皆放此。

注曰:與賓揖,先入道之。贊者隨賓。主人揖贊者,與賓揖,先入。

繼公謂:揖贊者,尊正賓也。

=

每 曲 揖

之禮然,其餘則否。 而 東面而立,主人折而東,又折而北,又折 尊卑同之。主人迎賓入門右, 凡主人以賓 人閤門,主人人門右,賓入門左,接 東,又折而南,與主人相鄉 凡所行 每 立,賓入門左東 曲揖 西,與賓相鄉而前,乃北行 曲折之處則相揖 謂大門之内廟門之外,賓主 入而有每 面,乃 曲 折 揖者 也。 前 圃 北 前 ,惟將入廟 人禰 周 乃 左宗 西 又 廟 面 西 東 折 也。 於 塾 行 而 而

至于廟門,揖入,三揖。

揖 入門左,贊者皆 北揖,凡經言「揖人,三揖」者放此 之位揖,參分庭一在南揖,參分庭 人乃與賓三揖也。 入,主人 揖而· 人門左,東 先入 三揖者,於入門左 、門右, 面 西 ,北上,主 面 也。 在 右 賓

至于階,三讓

尊亦然。 之法: 賓主敵,則主人先讓而先升,主人 既則主人先升一等,而賓從之。 讓 ,據主人言也。 若客尊,則客先讓而先升也。 主人三讓 而 客三辭 凡讓升

主人升,立于序端,西面。 惟天子之使則不讓 賓西序,東面

注曰:序端,東序頭

省文。 辟子之坐,且不參冠 在西序,負序也。 繼公謂:主人立于序端,北當序 主人不立于 禮 也。 賓 東 不言升, 也。 序 賓

右 迎 賓

盤音管 **贊者盥于洗西,升,立于房中,西面,南上。** 

注曰 立于房中,近其事

也

四

朱子曰: 贊者西面,則負東墉而在將冠

者之東矣。

辟正賓而盥於此也,不然則否。升,升清也。盥于洗西者,以洗西無篚,故得繼公謂:盥者,重冠禮,故將執事而自潔

賓位也。《特牲饋食》,内賓東面于西墉自西階也,不言者,可知也。房中南上,

下,亦南上是也。

主人之贊者筵于東序,少北,西面。

注曰:筵,布席也。

東序,主人位也。

適

子冠於阼,少北,辟主人。

繼公謂:主人之贊者,私臣也。此席南

七。

將冠者出房,南面。

注曰:南面,立于房外之西,待賓命。

**贊者奠纚、笄、櫛于筵南端。** 

注曰: 贊者,賓之贊冠者也。奠,停也。

此不言,故知是賓之贊冠者也。又凡言主人之贊者,即加「主人」字,今疏曰:不言餘物及篋簞者,皆來可知也。

賓揖將冠者,將冠者即筵坐。贊者坐,櫛,

設纙。

下文凡揖者多類此。贊者坐櫛設纚,宜繼公謂:揖者,欲其即筵,以揖見意也,疏曰:此二事皆勞役之事,故贊者爲之。

賓降,主人降。

於筵後爲之,不言者,可知也。

作階東,當東序,西面。 皆然,其異者則别見之。主人降亦立于 上而從之也,後放此。凡賓主從降之義 主人降,以賓爲己事而降,則不敢安於

賓辭,主人對。

<u>五</u>

注 曰 . 辭 對之 辭未聞

於階前辭之。 繼公謂 者 主人少進,既則復位 ,謂主人無 事不必降也,蓋

盤 卒, 壹揖,壹讓,升。 主人升, 復 初

位 賓

也。 之不然。 而 賓盥,當於洗南,北面也。 賓從之。 讓,禮宜殺於 惟云主人復初 初 也。 位,所 升亦 揖, 以 主 揖 見 賓 賓 進

升一等,東 賓筵前坐,正纚,興,降西階一等。 面授賓。 冠如字。 執 冠 者

注 百三 正纚者,將加冠宜親之。 冠,緇 布

冠 也。

賓西 繼公謂: 等,蓋 面受之也。 并堂爲 士階三等,堂不 二等. 授冠 也。 時亦以 -與焉。 東 算 面 既 授 此降 則 以 階 則

匴

退矣。

賓右手執 初,乃冠。 項,左手執 興,復位。 前, 贊者卒。 進容, 乃祝。 祝,之又反,下 坐 如

同。 注曰: 進容者,行 翔 而 前 鶬 焉, 至 則

文

祝。 坐如 初,坐筵 前 復 位 西

卒, 謂設缺項、結纓也

疏 日 項謂 冠 後。 翔謂 行而 張拱 也 鶬

與 蹌 同

繼公謂:

右手執項,以冠時進右手便也

容者,示之以威儀

冠者興,賓揖之。 適房,服 玄 端、 爵 韠, 出

房,南 面

亦待賓 服玄端、爵韠,亦贊者爲之。 命也。 不言帶與 屨, 出 可 知 房 也,下 南 面,

皆 放 此

初 賓揖之,即 "降二等,受皮弁,右 筵坐。 櫛,設笄。 執 項,左執 賓盥 正 前 纙 進 如

如加皮弁之儀

祝,加之如初,復位。 贊者卒紘

注曰: 如初,爲不見者言也。卒紘,謂繫

屬之。

端,繞頤下而上,復繫一端於笄之右端 之事也。其設之也,先繫一端於笄之左 所以固弁也。 纓及設纚,可知 前,則此笄之度其短 繼公謂:笄,皮弁笄也。設笄于加弁之 也。 卒紘,謂終其設紘 與? 不言去冠、去

興,賓揖之。適房,服素積、素鞸,容,出

房,南面。

文也。 曰:「敬爾威儀。」此言容出房,見其奉賓 上不見皮弁之衣,故此亦不言之,皆省 容與 進容之意 同。 再加 祝 辭

其他 賓降 三等,受爵弁,加之。 服纁裳、韎韐。

戒也。

注曰:降三等,下至地

設笄、容、出、卒紘之事,惟與再加 凡所不見者也。云如皮弁之儀者,以有 純衣,亦文省。他,謂賓揖之即筵 其義似與此所受冠弁之差相類。不言 受爵弁服於門内霤,皮弁服於中庭,朝 服於階,玄端於堂,亦尊者遠而卑者近, 就而受之。《雜記》言襚者受服之節,云 繼公謂:受爵弁降三等者,以其最尊,故 者同 而下

也。

徹皮弁、冠、櫛、筵,人于房。冠如字。 篋。 者徹篋簞,主人贊者徹筵。 缺、纓、笄、紘,與冠弁同 繼公謂:再加去冠,三加去皮弁,亦置 注曰:徹者,主人之贊者爲之。 此所徹者,篋與櫛之簞也。 處 口 知。 賓贊 不言 于

## 加

右冠

筵于户西,南面

義,惟於冠時見之。此席東上。 之。不因冠位者,遠辟主人也。 繼公謂:户西,即户牖 注曰:筵、主人之贊者。 ,西,客位也。筵於此者,以其 間 户西,室户西 也,後皆放此。 成人,尊 著代之

贊者洗于房中,側酌醴,加柶,覆之,面葉。 注曰: 面,前也。 葉, 柶大端。 古文葉爲

擖。

覆之面 側,明無佐之酌者。 繼公謂: 士昏·記》詳之。 葉,爲冠者祭時當覆手執 洗,洗觶也。 酌 一體,蓋 房中有洗在北 面葉,葉鄉 西 面 也。 枋 外 也。 也。 堂, 云

賓揖 凡 贊者酌醴皆側 冠者就筵,筵 也,特於此見之。 一西,南 面。 賓受醴 于

> 户 東, 注曰 , 加 : 户東,室户東。 [栖,面] 枋,筵前 北 今文枋爲柄 画。 枋音 柄

者而訝受,辟君 矣。言面枋、見其訝受也、非 之者,見其更爲之也。 故受醴于室户東,與主人受醴之處 繼公謂:贊者出房,西面。賓由西序往, 禮 也。 筵前北 固 加 机矣, 所與 面,欲其 乃 行 禮 異

受於席也。

冠者筵西拜受觶,賓東 注曰: 筵西拜,南 面 拜 面答拜。 也。賓還答拜於

亦以 孤子之冠行主人禮,賓則北面答拜于西 繼公謂:受觶 西序之位 其 質 也。 于筵前乃復 東面 答拜,别於答 位。 醴 孤 用 觶 子。

薦 脯 醢。

階上。

注 三三 贊冠者也。 薦,進也。

繼公謂:不言於席前,可知也。薦脯醢,

脯在西。

冠者即筵坐,左執觶,右祭脯醢,以柶祭醴

注曰:祭於脯醢之豆間。必祭者,示有

所先也。

造此食者也。注云有所先,即先世之又扱再祭」也。注云有所先,即先世之疏曰:祭醴三者,如《昏禮》「始扱一祭,

古人飲食,於其重者 繼公謂: 祭脯 醢 以以 脯 則 祭擂 有 祭 禮 醢 丽 既祭, 祭 之。

不言右執觶者,可知也。

拜,執觶興。賓答拜。冠者奠觶于薦東。興,筵末坐,啐醴,建柶,興,降筵,坐奠觶,

注曰"啐,當也。其拜皆如初。

啐,七内反。

繼公謂:筵末,席之西端也。亦以柶兼

此。 禮不 冠者 葉下 脯醢,故因其事而名之,省文耳,後皆放 觶者之節也。 卒爵,故既啐則拜,其意與拜既爵者同。 則不復執之也。 諸 觶 主於飲也。 升筵乃奠鱓,不 枋,與扱時 乃 坐 啐 醴。 籩豆 異,又 降筵,坐於筵西也。不 于薦東者 建 而云薦者,上經云 猶 卒爵 以明其 立 也。 而奠之者,此 ,堂上自奠其 云建者,上 已入于 觶, 薦

右醴

降筵,北面坐取脯,降自西階,適東壁,北

面

見于

母。

見,賢遍反。

取 之,且明其 其受賜 則是時母位在此 加加 亦方 也。 禮 取而左奉之。 執 成 脯見于母,因有 與 也。 云適 必取 東 壁 脯 而 脯 見之, 者, 而爲 見

九

母 ·拜受,子拜送,母又拜

者則俠拜。 母於其子乃俠拜者,重冠禮也。子拜送 而言之耳。 亦再拜。 此拜非主於受送也,亦因 凡婦人與丈夫爲禮,其禮 有 重 脯

右見于母

值。 賓降,直西序,東面 主人降,復初位。 直音

冠者立于西階東,南

面。

賓字之,冠者對。

東直東序之位 但云直西序,則當南於階。 初位, 阼階

注 曰: 對辭未聞

繼公謂:賓當少進乃字之。

右字

賓出,主人送于廟門外。

賓出 而贊 者不從, 以其當 與 冠 者 爲 禮

也。

請醴賓。 賓禮辭,許。 賓就次。

注曰: 醴賓者,謝其勤勞也。 次,門 外更

同。 昏 醴,亦謂以醴飲之也。請醴之辭則《士 衣處也,以帷幕、簟席爲之。 繼公謂:請者,有白於人而恭孫之辭也。 • 記》有之,此禮雖與彼異,辭宜略 醴者,亦因用醴而名之。 醴賓之禮壹獻,有 俎有幣,似饗矣,

右賓出就次

乃曰

贊者, 見」、「見母」、「見于」、「見於」並同。 冠者見于兄弟,兄弟再拜,冠者答拜。 西 面拜,亦如之。 見,並賢遍反。 下「人 見

注曰: 疏曰:亦如之者,言贊者先拜而冠者答 見贊者西面拜,則見兄弟東面拜。

之也。

也。 闕之。 亦見也,若復行禮則幾於褻。 於凡所見者,皆不先拜而 禮也。 當然爾。 次。 乃不見父者,以難爲禮 亦 繼公謂: 西 不見賓者,賓既 此時兄弟之在 當 且父爲冠主,雖 兄弟 西序。 父,至尊也,是禮 兄弟與贊者皆先拜之,亦 位 贊者 在 洗東,贊者位在 廟者,冠 爲禮竟則亦出 醴之則 也。 不見之,亦無 答拜,乃其 有不可行,故 蓋此時冠者 交拜矣,是 者皆見之。 一西方, 而 重冠 禮 嫌 就

入見姑、姊,如見母。

可, 哲學步、 逐手 儿。 注曰:人, 人寢門也。如見母者, 亦北

面,姑與姊亦俠拜也。

皆年二十乃冠笄,其説見《喪服》。妹者,未成人則不與爲禮也。古者男女繼公謂:見姑、姊于寢,未詳其處。不見

# 右見兄弟、贊者、姑、姊

遂以贄見於鄉大夫、鄉先生。冠如字。 贊音乃易服,服玄冠、玄端、爵鞸,奠贄見于君,

注曰:贄,雉也。

至。

辱。」見於先生之禮亦宜如之。 之。 大夫,終辭 齒俱尊者也。 夫即主治 繼公謂 緇布 疏曰: 朝服者,以其未仕也。 奠贄,再拜稽首也。 冠也。 鄉大夫,鄉之異 鄉先生,即《鄉飲酒》所謂先生。 此玄端更言玄冠者,别於曏之 鄉者,未 其 奠贄見於君,謂 **1** 贄。 相見禮》曰: 於其人也,一拜其 見於君亦玄端而 知 爵 所見者亦玄端 孰 者 也 是。 執 或 「士見 先 贄至,下 日 生,德 鄉 於 大 見 不

# 右見君,見鄉大夫、鄉先生

乃醴 賓以 壹獻之禮

注 飲,重醴 日 此 ,稻醴清糟,黍 醴賓,沸 其 醴。 醴 清 内 糟 則 粱 **>** 醴 日

糟。」凡醴事,質者用糟,文者用清

公謂

醴賓之時,贊者皆與,贊冠

者爲

賓介而下皆然也。 與《鄉 飲酒》相 類。 共獻 則 及 是壹獻之禮 酢 酬 9 亦略

如《鄉飲酒》之儀與?

主人酬賓,東帛儷皮。 儷音麗

申 注 E 暢厚意也。 飲賓客 凡物十日 一而從 之以 束。 財貨 日 東帛,十端 酬 所 以

也。 儷,兩也。 皮,鹿皮。

之也。 未卒爵之前 繼公謂: 此酬賓之禮 醴之 猶食 而有俎,又酬 禮 當當 既受侑幣乃卒食 行於賓受獻之後 以 皮帛 重謝

也

贊者皆與,贊冠者爲介。 與音預

賓也。 賓席 以副 繼 也。 言此於酬賓之後者,明酬 介,有衆賓。 賓而 贊者. 于 於正賓 ·户牖 西 衆賓之位亦在堂。 亦兼贊冠 間 名之。 此贊冠者爲 介席于西 者 飲 而 酒之禮 言。 幣惟 序, 介,其餘爲衆 ^ 鄉 衆賓 介, 用 有賓,有 飲 於 酒 副 之席 正賓 禮 也,

賓出。 使人 其盛者,所以厚禮之。 注 日 歸 主人送于外門外,再拜。 諸 獻之 賓 家 禮 也。 有 薦 古 者 有 與 俎 人飲 其 歸賓 牲 食 未 俎 必 聞。

右 醴 賓

0 一共」,諸本同,按文氣,疑當作「其」。 醴 原作「禮」,今據明本、通本、庫本、注疏本改。

之而用酒 此 禮 若不 用 醴,蓋 與? 醴 子 而 因 用酒 醮 醴 子用 則爲響 則 此 醴 禮 也 亦 圃 爲 因

若不醴,則醮 用 酒 醮,子 召反

異。 言若者,文質在人用之,惟所欲耳。 故後世聖人又 者,蓋冠禮之始 此 醮 上既見醴禮矣,此復言不 與醴大意略同,惟用酒而儀物繁爲 爲 惟 此 醴 醮 而已,然少近於質, 禮 與之並 醴 一行焉。 則 醮

勺,南枋。 尊于房户之閒,兩甒,有禁。玄酒在西, 加

尊之器也。 注曰:房户間者,房西室户東也。 玄酒 ,新水也,雖今不用,猶 禁,承

者其節 繼公謂: 同,亦於陳服之後爲之。 此 醮 而 設 酒 1 無,與 醴 而 設 兩甒 醴 甒

設之,不忘古也。

在西,上也。

執之便也。《少牢饋食禮》曰:「主人北 以無用待之也。 他篇 尊 面 酌 尊之上而覆之也。 西上者,以冠者之位在其 酒一玄酒也。 酒。 不見者,其 義皆放此。 南枋,爲酌者北面覆手 玄酒在西,尊西上也。 玄尊亦加勺者,不 西,故順之。 加勺,加於

洗,有篚在西,南順。

注曰:洗、庭洗。 篚陳於洗西。 南順,北

爲上也。 順,從也。

不醴則服 **篚爲異,此見其異** 繼公謂: 醮 北 而設洗 無甒,又無 (者耳。 之節 篚,惟有三加之 亦 篚 與 以 醴 盛 同, 爵也。 惟有

加 豆 遵也。 醮, 用 下篚之爵三。 脯 醢。 賓降,

如 始 初。 卒洗,升,酌。 取 爵 于篚

辭降

注曰:一升曰爵。 辭降如初, 如將冠 時

降盥,辭主人降也。

布冠一章之禮。醮用脯醢,乃題下事,朱子曰:「始加」二字,乃疊見前始加緇

其實賓答拜後乃薦之也。 賓升時,冠者

猶在出房南面之位。

繼公謂:贊者筵于户西,賓乃降也。用

爵,醮禮文也。卒洗亦當壹揖壹讓乃升。

冠者拜受,賓答拜如初。

面拜受,賓授爵,東面答拜,如醴禮也。注曰:賓升,揖冠者就筵。乃酌,冠者南

房。於賓答拜,贊者則亦薦之。凡薦出自東

繼公謂:初醴時之儀也。言如初,所以

儀也

下

條

放

此。

再

醮

攝

酒

其

他

皆

如

見其先有醴後

有

醮

筵末坐,啐酒,降筵,拜。賓答拜。冠者奠冠者升筵坐,左執爵,右祭脯醢,祭酒,興,

爵于薦東,立于筵西。

注曰:冠者立俟賓命,賓揖之,則就東序

之筵。

徹薦、爵,筵、尊不徹。

注曰:徹薦與爵者,辟後加也。

不

徹

筵

尊,三加可相因,由便也。

必徹薦、爵者,所以新後醮之禮,若不相繼公謂:徹之亦贊冠者也。每醮禮畢,

因然。徹薦、爵蓋入于房。

加皮弁,如初儀。再醮,攝酒,其他皆如

初。

注曰:攝猶整也。整酒,謂撓之。

朱子曰:此如初儀者,如前再加一章之

初,言唯攝酒異於始醮,其他皆如之也。

繼公謂:攝酒亦示新之之意。

加爵 之,其他 弁, 如初。 如 初 儀 乾音干。  $\equiv$ 醮, 折,之設反。 有乾 肉 嚌,才計反。 折 俎 嚌

pų

矣。 注 日 : 乾 肉、牲 體 之脯 也, 如 今涼 州 烏 翅

朱子曰 初儀,見上。三醮,唯攝酒及有

覆之。

繼公謂 之。唯言嚌,省 尹 盛 乾 末,其所 醢之南。 縮 性體 肉 祭半 折 之折者,故名曰 俎嚌之爲異,其他皆如 | 齊即 《士虞禮》曰: 乾肉折俎 尹。」 祭半尹者也,亦 此 文耳。 乾 ,猶言乾肉 肉 亦縮 「有乾肉折俎,二 物 折俎,設之於脯 至 俎 监 振祭,乃 始 而 俎 謂 三左朐· 醮 也 之齊, 也 嚌 右 俎

北 面 取 脯 ,見于母。

知其

味謂之嘗。

40

著此者,見其與醴同也,下放此。

#### 右 醮 禮

若 鼏 扃 則 ,古螢反。 特豚,載合升, 鼏, 眉 狄反 離 肺 實 一于鼎, 設扃

> 不提 也。 注 日 心。 . 離, 特, 割 扃,鼎. 也。 也。 離 扛,所以舉之者也。 合升,合左右 肺,小 而長,午割之, 胖升於鼎 鼏

夫禮》。 子,則舉鼎陳于門外,此不陳,惟俟時 豚,四 亦可見其 醮 祭則嚌之,故又名嚌肺,其與 數 則謂之舉肺。 繼公謂: 錯 也。 ,後言殺 于 .鬄去蹄,兩胉,脊。」此其合升之體 阼 肺離之者,使絶 載,衍文。 尚文之意也。 階 聖人制 前 鼎設扃,是亦舉之也。 也。 禮 《士喪禮》曰:「 是 篇 之而爲祭也。 愈變 鼏, 始言 見《公食大 則 脊同舉者 醴 愈 盛,此 次 言 孤 既 特 而

始 醮 如初。

再 醮, 朱子曰: 兩 豆 : 初,謂前章之始 葵菹、嬴 醢; 醮 兩 也。 籩

菹 ,莊魚反。 嬴 ,力禾反。

注 嬴,螔蝓,今文嬴爲蝸

三醮,攝 故於此 因 在 示 祭之之儀亦與祭脯醢者略異。 俎之禮言之,則醢在菹東,栗在菹西,脯 繼公謂 禮隆 栗南也。 而位則亦放之與? 酒 有 即 如 此見其異於上者爾,是禮愈文 漸 加 再 也。 此薦雖不 其 醮,加俎,嚌之,皆如初。 籩 网 豆,以 豆 兩籩之位 與三醮有俎者 起三 又籩 豆有. 醮之禮 嬴未詳。 一、若以 加 ~, 則 相 有 且

嚌肺

注

日

攝

酒

如

再

醮,則再

醮亦

攝之矣。

\*

釋上 有 朱子曰: 肺,故又特言之,而 一嚌之爲肺也。 初,謂: 上章之始醮 上 章之 不 嫌於 也 俎 無 複 嚌肺者, 出 肺 而 此 凡

繼公謂: 攝 酒 如 再醮,此與不殺之禮 互

言之法多此

類

嚌者 於不殺者也,不殺則祭用乾肉而嚌之。 醮之禮也。 此再醮、三醮之所不見者、皆 謂 故三醮而後者愈盛,禮宜相 言 也,設之當菹醢 也。 絶祭, 嚌之不言祭者 必祭,祭者不 加 俎 云嚌肺者,又明其所嚌之異 治者,謂: 之南。 於籩 必 嚌 豆  $\equiv$ 也。 之外 亦文省。 加後 稱 皆 如 也。 又 如初, 者 不 加 彌 殺 肺之 嚌之 豚 尊 始 謂 俎

卒醮,取籩脯 以降,如初

加俎 者耳。三 亦 籩脯,謂其在籩者也,言此,以 盛之。 馬 醮亦兩豆、兩籩,如 俎 圃 兩豆、 兩籩,變於常禮 再 别 醮 於所 而 又

右 一般性 而 醮

若孤子,則父兄戒、宿

父,伯父、叔父也。兄,親兄也。 無 則 疏

者亦 與 賓、爲期之事,皆將冠者自主之可 若兄爲之。 (成人 可。 爲 禮於外,故戒宿賓 孤子雖尊於家,然未冠 惟言父兄戒、宿, 客, 則 筮 則 則 知 月 諸 不 父 筮 口

端,皆如冠主,禮於阼。冠之日,主人紒而迎賓,拜,揖,讓,立于序

與? 皆於 阼, 行禮 端者,因 兄不主其事者,家 冠 必云紒者,嫌 故 之禮者,無父則得伸其尊也。 者親父也。 也。 也,蓋指 冠 亦見其異於父在者, 然則若 主之位 三加 與 孤子未 父在 禮若醮,皆因冠 與醴之類而 無二主 也。這禮,謂 冠,而 者 異 也。 也 於此 0 以 必主 賓 言。 冠 席 其 與 諸 乃 主, 爲主 一于序 爲 父若 行 冠 行 > 禮 者 成 將

凡拜,北面于阼階上。賓亦北面于西階上

豐皆熊寺軍受之領也。凡拜,謂主人於此賓主相拜之正位也。凡拜,謂主人於

"段,则暑肃東戶引卜,宜東啟,比面"體若醮時拜受之類也。

若殺,則舉鼎陳于門外,直東塾,北面。直音

值。

鼎於門外,皆 是禮爲主人而 凡鼎,既 其 鼎 注 繼 公謂 南 不 曰 陳 也 孤子尊,得伸禮,盛之。 於門 升乃舉 鼎 殺,謂 陳 外。 北 於 設,故得如禮。 醮 面 此,亦 而 ,惟喪: 圃 别 殺 陳之者,正禮 牲 俟 奠乃 也 時 而 西面 直 大夫士陳 人 父在,有 東 耳, 錯 塾 之。 當當 也 國

# 右孤子冠

君

陳

鼎

南

面,天子未聞

若

庶

子,則冠於房外,南

面

遂

醮焉

也。不醮於客位,成而不尊。注曰:房外,謂尊東也。不於阼,非代

父在而冠,宜别於適,父没則其禮同矣。 見其文者耳。 適子之禮同,惟以冠 醮,略無異文,則是三加、三醮皆與上 同處,可以不必别布席。 不醮而醴,其位亦如之,經不言醴者,蓋 繼公謂: 言遂者,見其因 此言庶子,指父在 醮在房外爲異。 冠 經惟言冠而 席也,冠、 1者也。 若 文 醮 遂

# 右庶子冠

凡冠者於廟。

冠者母 以 授人脯,正禮也。 言於此者,見以上冠者之禮同 於階下,婦人則於門外云。 在者,或已没,或疾病,或見出,皆是也。 母 在 不在 者爲主也。 ,則使人受脯于西 此正禮乃後言之者, 授人脯之禮,男子則 階 也。 母不

# 右母不在

戒賓,曰:「某有子某,將加布於其首,

子之教之也。」 注曰: 吾子,相親之辭。子,男子之美

稱。 上某,主人名。 下某,子之名。

疏曰: 布,緇布冠也。教之者,以加冠行禮爲

教之也。

之,此以下所載諸 加而質者言之,謙 繼公謂"冠禮三加,乃惟云布者,取其始 也。 辭,皆當爲《記》文,乃 又以《士昏禮》例

賓對曰:「某不敏,恐不能共事,以病吾子, 在經後《記》前,亦未詳。

敢

辭。」共音恭。

病猶辱也。 不 能 共 事, 則冠禮 不 成,故云病吾子。

二八

曰:「吾子重有命,某敢不從!」重,直用反。 主人曰:「某猶願吾子之終教之也。」賓對

重,再也

宿曰:「某將加布於某之首,吾子將莅之, 敢宿。」賓對曰:「某敢不夙興。」

之親宿與否别之耳。莅,臨也。 止賓而下,其宿之之辭皆同,惟以主人

始加,祝曰:「令月吉日,始加元服。

朱子曰:諸辭皆當以古音讀之,其韻乃 注曰:令、吉皆善也。元,首也。

叶。 ha.

弃爾幼志,順爾成德。 壽考惟祺,介爾景

福。」 注曰:棋,祥也。介、景,皆大也。 大女之大福也。 而戒,且勸之。女如是,則有壽考之祥 因 冠

朱子曰: 順古與慎通 用。

> 勉之也。 幼志,即傳所謂童心。成德,成人之德。 繼公謂: 棄爾幼志,戒之也。 言先去幼志而後能 慎 慎爾成德, 成德也。

再加,曰:「吉月令辰,乃申爾服。

注曰:辰,子丑也。 申,重也。

敬爾威儀,淑慎爾德。 眉壽 萬年,永受胡

福。」

繼公謂 注曰:胡猶遐也,遠也。 有威而 可畏謂之威,有儀 丽 可

心之謂。德者,内也。 象謂之儀。 德者,得也,行道 威儀者,外也。 而 有得於

其外,亦未必能保其 學者固當以德爲先,威儀爲後。然不重 此先言敬威儀,乃後言慎德。 中之所有者也,故 淑,善也

者。

眉壽,豪眉也,人年老者必有豪眉秀出

三加,曰: 「以歲之正,以月之令,咸加 爾

二九

服

注曰:咸,皆也。 皆加女之三服,謂緇布

冠、皮弁、爵弁也。

男子二十而冠,歲言正而月言令言吉, 則周禮冠無常月又可見矣。 繼公謂:嵗之正,謂當冠之年也。古者

兄弟具在,以成厥德。

身齊家之事也。 厥者,指兄弟而言,能成兄弟之德,則正 以此勉之,其所以責成

黄者無疆,受天之慶。」 看音荷。

人之道也深矣。

注曰:黄,黄髮也,耇,凍梨也,皆壽徵

也。疆,竟。

醴辭日 :「甘醴惟厚,嘉薦令芳。

注曰:嘉,善也。

善薦,謂脯醢芳香也。

繼公謂:醴,謂以醴飲冠者也。言厚,見

其未沸。

「拜受祭之,以定爾祥。承天之休,壽考不

忘。

注曰:休,美也。不忘,長有令名。

繼公謂:言拜受祭之,亦教之也。 然則

時與? 壽考不忘者,謂至於壽考而人 賓釋此辭,其在筵前北面,冠者未拜之

不能忘之也。 此蓋古人祝頌之常

《詩》亦多用之。

醮辭 曰:「旨酒既清、嘉薦亶時。亶,丁但

反。

注曰:旨,美也。 亶,誠 也。

繼公謂:進此 醮 辭,當 與 醴 辭之節 同。

亶時,謂誠得成熟之時也

「始加元服、兄弟具來。孝友時格、永乃保

0 「但」,原作「旦」,今據明本、通本、庫本改。

此乃能保之。也。格,至也。永,長也。保,安也。行也。格,至也。永,長也。保,安也。行注曰:善父母爲孝,善兄弟爲友。時,是

同也。 之序,以明 也。 亦 三加皆 常常保守此德,而勿失之,美而 之德,有以感格之也。 女方加 繼公謂:具,俱也。 祝 明矣。 一加則 云如 經於醮禮始加 元 服,而 其各有 醮禮文,故以多儀 初 醮,故每醮之辭 **人儀**,乃見醮禮,則是醮者 兄 所 弟皆來者,蓋女孝 保,守而有之也。 爲,而 無異文,於再 然自今以 不 爲貴。 嫌 輙 復戒 與 見 後、當 祝 加 加 辭 冠 之 友

再醮,曰:「旨酒既湑,嘉薦伊脯。湑,思呂反。」亦必明多一酌礼文。故以多信爲貴

注

曰:湑,清也。

伊,惟也

繼公謂 醢 所 上 者 醮 辭 言 獨言脯者,欲協音耳,亦 蓋主 也 爲不殺者而作 凡 籩 豆, ··, 故 則 先 其 但 脯 舉 其 如 後

> 此。 以以 若 其 殺 亦 則 有脯 遵 豆 故 有 也 加 乃 因 用 之 而 不 改

祜。」祜音户。 「乃申爾服,禮儀有序。祭此嘉爵,承天之

序,謂始加、再加之次第。祜,福也。

注曰:楚,陳列之貌。

三醮,曰:「旨酒令芳,籩豆有楚。

咸加爾服,肴升折俎。承天之慶,受福無

肴,謂乾肉若豚也。《詩》曰:「爾殺伊

脯。

疆。

爰字孔嘉,髦士攸宜。宜之于假。假音嘏。字辭曰:「禮儀既備,令月吉日,昭告爾字。

髦,俊也。攸,所也。于,猶爲也。注曰"昭,明也。爰,於也。孔,甚也。

士,才德過人之稱。言髦士乃與嘉字相繼公謂:假,《通典》作嘏,今從之。髦

宜,若宜之則爲嘏矣。 嘏 福 也。

·永受保之,曰伯某甫。」仲、叔、季,唯其所

當。

作「父」。 注 甫,宋大夫有孔甫,是其類。 夫之美稱。 曰:伯、仲、叔、季,長幼之稱。 孔子 爲 尼 甫,周大 甫」字 夫 甫是丈 有

或

嘉

伯休父、仲山甫之類。 李微之曰:伯某甫,仲、叔、季唯所當, 如

唯其所當,謂其第。若當在仲,則 繼公謂:永受保之,●謂字也。 甫也,叔季亦然。 仲 云 叔 仲 季

《記》。 布,齊 聞也,冠 則緇之。其緌也,孔子曰: 冠義。 而敝之可也。」始冠,古亂反。 始冠,緇 布之冠 也。 「吾未之 「冠而」同 大古 冠

注曰:大古,唐虞以上。 緌,纓飾。 未之 大音泰。

齊

,側皆反。矮,如誰反

聞 ,大古質,蓋 亦 無 飾。 重古, 始冠 冠

其

=

齊冠

疏曰:凡言記者,皆是記經不備,及經外

也。 聞其矮也。 緇布二冠耳。後世冠制既與大古異,則 矮之,則失之矣。 飾、後世若或用 未之聞」者,謂大古之時,冠但有纓,未 緇布冠之類 古冠廢矣。然有故 之,以變於無事時也,是大古惟有白 以白布爲之,初無吉凶之異,至齊 繼公謂:大古冠 遠古之言。 云冠義者,記冠中之義 古者之纓足 矮者,以纓之餘長爲 是 也 古冠,亦宜 布,謂始知作冠之 《玉藻》曰:「緇 以固 則 「其緌 或 冠則 亦 也,孔 用 存古 已,未 之,如 子曰 意 布 飾 知 則 冠 始 時 若 爲 者 吾 冠 緇 但

0 「受保」,原誤作「保受」,今據明本、通本、庫本改

敝之猶可,則不復用可知。既不復用,與? 冠,謂始加之後也。敝猶毀壞也。綏諸侯之冠也。」此其夫子之所非者

適子冠於阼,以著代也。 適,丁歷反。則亦何必以緌爲飾乎?

反,下並同。

著,明也。著代,明其代父也。

醮於客位,加有成也。

謂有成人之道也。尊其有成,故以客禮時尚文之意。加猶尚也、尊也。有成,冠禮或醴或醮,此《記》惟言醮,亦見當

待之。

三加彌尊,諭其志也。

其最尊者在後,蓋諭其志而然也。諭,凡人之志,皆欲自卑而尊,故三加之禮

冠而字之,敬其名也。謂深曉之。彌,益也。

益丈,女效之也。 注曰:名者,質,所受於父母,冠,成人,

益文,故敬之也。

氏之道也。毋追,舊音牟堆。 委貌,周道也。章甫,殷道也。毋追,夏后

注曰:其制之異同未之聞。

冠,古亂

制也。三冠之名義未聞。繼公謂:此言三代之冠各不同也。道猶

周弁,殷冔,夏收。冔,況甫反。

注曰:其制之異同亦未聞。

是亦弁之類也,其名義亦未聞。繼公謂:弁,爵弁也。冔、收與弁同

稱

三王共皮弁、素積。

三王共之者,以其制善,不可得而變也。

相從,然後言同者耳,蓋文法宜然。《記》言此於爵弁之下者,欲令異者以類

爵,何大夫冠禮之有?無大夫冠禮,而有其昏禮。古者五十而后

改取,有昏禮是也。 注曰: 五十乃爵,重官人也。大夫或時

於未 雖 也。 五 禮 經 繼公謂: 遠,而 之意 + 圃 冠 後 而 言 世雖 也。 爵者,以其年艾德盛乃可服 也。 而 猶 無大夫冠 爲 不 古者, 其 未必五十而后爵,然亦 大 别立大夫冠禮 下二句,所 夫,故作《記》之時, 謂 禮 始有 而有其昏禮 以 冠禮 也。 釋 無大 之時 官 去 不 夫 據 也 政 至 冠 禮

公侯之有冠禮也,夏之末造 禮異 爲諸 也。 有 也,則是公侯父 造,作也。 幼 此 而 然夏初以前 侯矣,則 嗣 所以 位者, 下文云 至 及 夏 其 是 死 法未有: 末 一繼世 冠 雖 子 而 繼,其 也,不容不 未 此禮者 始作 以 冠 也 而 立諸 公侯 來 1,其義 其 久 侯, 與 矣。 之 爵 則 土 冠 固 未 禮 賢 冠 或

聞。

注曰:元子,世子也。 天子之元子猶士也,天下無生而貴者也

也。 故 冠 繼公謂:元子,長子也。天子之元子, 也。 時 猶 舉天子之元子以見其 士 未 有 而用士禮,以 爵 而 自 異 其 於 士,是 未即 餘。 位 ·生 則 而 無

益。 繼世以 殺 也。 殺,色界反。諡,時志反。 死 立 諸 圃 侯,象 溢 今也。 賢 也 古 者 以 官爵 生 無 爵 人, 死 德之

之也。 時矣。 立也 爲之爵等,此 子以繼之,其後 時,各推其 蓋老子 朱子曰:此於冠義無所當, ,但象似其 又至於周 至于中古,乃在 不 尚賢 賢 者 則德之衰 貴 遂以 「奉以 賢 而 因 而 有謚 爲諸侯。 任之意, 已,非故 爲君、没 上者 殺 法 门,則 不 擇 疑 言 生 及 擇 然 則 人 錯 上古 上 賢 其 而 任 復 簡 子 有 古 耐 奉 官 也 之 立 其 mi

如古矣,故曰「古者生無爵,死無謚」。 贈以官爵人已不如古,死而有謚則愈不繼公謂:古,惟謂上古也。《記》之意,蓋繼公謂:古,惟謂上古也。《記》之意,蓋。如古矣,故里言古今之變也。

儀禮集說卷一

---

五五

# 儀禮集説卷二

敖繼公

取也。用鴈者、先儒謂

取其不再偶義,

女家已許,乃敢

納

其采女之禮。

采者,

下達,惟納徵之禮

或 異

耳。

媒

妁傳言,

士

昏禮第二

元 撰

恐或然。

《春秋

傳》曰「鄭徐吾犯之妹

日入三商爲昏。 注曰:娶妻之禮,以昏爲期,因以名之。 於五禮屬嘉 禮。

娶必以昏者,取其近夜也。 繼公謂:此篇主言士之適子娶妻之禮

首尾。

昏禮。

此不言士者,辟下達之文也。

下達,納采用鴈。

也。 此謂自天子下達於庶人,納采皆用 經惟有士昏禮,故因以下達之文見 鴈

> 主人筵于户西,西上,右几。 注曰:主人,女父也。 有几、筵者,以其廟受,宜依神也。 筵,爲神布

用鴈也,此其徵矣。

美,公孫黑使强委禽焉」,是大夫納采亦

有首尾。 疏曰:《公食•記》言「席卷自末」,是席

席于廟之室户西也。 乃云主人者,對使者立文也。 繼公謂:主人筵于户西,謂主人之家布 天子設斧依于户牖之間」,其語意與此 筵之者,有司也。 《覲 禮 \*\frac{1}{5}

三六

之也。

以此

推之,則餘禮之用鴈者

皆當

席

也。

席有

敬其 東塾,下禮放此 時,主人立于阼階 行禮者,必設神位於客位,示 居客位。凡受禮於廟 於生人也。 南 相 面 類 「几在 事也。 ,下文放此。 席西端也。 神位於室則居主位,於堂則 士用 東,而 几 漆几,亦神 漆 加 席西上,右几,變 几 擯者亦玄端負 不 也。 於户 人 有 右几,席 牖之間 同。 所 尊且

使者玄端至。使,色更反。

謂至于門外。禮,則玄端亦不獨爲士之正服矣。至,者也。此士之家臣也,乃服玄端以行使者,壻父之家臣,奉壻父之命而爲使

擯者出請事,入告。

凡實,非主人之所戒速而來者,則有請出請事也,其辭蓋曰:「某也使某請事。」此亦賓之將命者入告。 擯者告主人,乃

大夫、士之禮也 乃入告。 事之禮。 凡請 擯 者 事 請 事,賓 者 西 面 執 鴈 入告者 納 采, 東面 擯者

拜者,使事未致,不敢以私禮雜之也。門,大門。拜迎之禮主於使者,乃不答主人如賓服,迎於門外,再拜,賓不答拜。

揖人。

不著之者,此與上篇皆士禮,其同可知,與賓揖,先入也。揖入之後,亦每曲揖。

下文放此。

命。主人阼階上北面再拜。人以賓升,西面。賓升西階,當阿,東面致至于廟門,揖入。三揖,至于階,三讓。主

之辭也。阿,未詳。 西階之下似有脱字。致命,謂致其主人主人以賓升,謂主人先升而賓從之也。

授于楹間,南面。授音受。

文承主人之下,則授宜 作受。受者

此

不 面 南面者,辟君使於大夫之禮也。授受 ,則授者北 面矣。爲 人 使 圃 授于 堂 乃

于楹 間 敵 也。 使者 雖賤於主人,然主

人士 也,其爵卑,未足以 自别 ,故使者 無

敵者禮也。主人拜受,而賓 降等之嫌,而得與主人於楹 不 間 拜送,以 相授,用

其非己物也,此與上文不答拜之意

賓降,出。主人降,授老鴈。 凡爲使之禮皆放此

授鴈於階下,既則進立於中庭。 出,出廟門。老,室老,大夫、士之貴臣

## 右納采

擯 者出 請

請 請 事 也。 下 文放此

資執 鴈,請問名。 主人許。 賓人,授,如初

禮

南

繼公謂: 注曰:問名者,將歸卜其吉凶 問名,問女之名也。擯者入告,

主人許,乃出告賓

m

賓

人也。

初禮,三

揖, 揖以下之儀也。 與聘禮同。 此雖俟於中庭,亦有三

右問名

擯者出請,賓告事畢。 入告,出請 禮賓。

行 醴 與醴子之醴同。 重禮者,事畢則醴之,所 凡自敵以下其使之 以見殷 勤 也。

則主人自請之。

擯者

請

醴賓,亦

以其降等

也。

若敵者

賓禮 辭,許。主人徹几改筵,東上。 側尊

甒 醴 于房中。 徹,直 列反

尊,亦言無 注 曰 徹几 玄酒。 改筵者、曏爲神、今爲 側尊於房中,亦有 人。 篚 側

三八

南設之。

有籩豆,●如冠禮之設。

主人迎賓于廟門外,揖讓如初,升。主人繼公謂:改筵者,易他筵而布之也。

北面再拜,賓西階上北面答拜。

疏曰:初,納采時也。主人再拜,拜至

也。

至,賓答拜,禮爲己也。凡爲使者之禮與賓行禮,先爲此以發之也。主人拜繼公謂:復迎之禮,更端也。拜至者,將

注曰:拂,拭也。拭几者,尊賓,新之。于坐,左之,西階上答拜。校,下孝反。辟音避。主人拂几,授校,拜送。賓以几辟,北面設

受之。及其設之,皆旋几從執,乃於坐疏曰:拂几,亦外拂几三也。凡授几,横

辟,逡巡。

送,亦於阼階上北 左廉 《有司徹》執几之法推之,則校者,其 於左,便其 盡見之也。左之,在席上之東也。 也。凡自敵以下,其於拜者皆辟,經 主人猶進之,崇優厚也。 且爲恭也。 繼公謂:几者,所以安體。 與? 云以几辟者,嫌辟時或釋 (右也。 凡拂几以袂。 授几於筵前, 面。 設几之法、《 拂 几校未詳,以 賓雖不隱几, 几者,新之 西 有 設 面 不 几 几 謂 司 拜

徹》備之矣。

類此者,皆可以意推之。

贊者酌醴,加角柶,面葉,出于房。

注曰: 贊者亦洗酌,加角柶,覆之,如冠

復位。主人阼階上拜送。主人受醴,面枋,筵前西北面。賓拜受醴,禮矣。出房南面,待主人迎受。

▶ 上「有」字,原脱,今據明本、注疏本補。

門者 1,外門 也

右 一體資

納吉, 用 鴈, 如 納 采 禮

注 姻之事於是定。 曰 歸 1, 得 吉 兆 復使使者往告,昏

繼公謂 如納采禮 ,兼醴賓而言也,下禮

以

**栖祭醴三**,西階上北

面

坐,

啐醴,

建

柶

**贊者薦脯醢。** 

賓即筵坐,左執

解,祭脯

醢

如之。

賓拜亦於西階上,復位,俟既

薦

乃升席。

於賓之拜也,主人少退,主人拜送,賓亦

醴

子、醴婦皆北面

者

以

其立

一於席一

西

也

西

北

面

以

賓

在

西

階

上,不

可

興,坐奠觶,遂拜。

主人答

拜。

祭不言右

,可知也,後文類此者皆同。

放此。

右納吉

賓即筵,奠于薦左,降筵,北

面

坐

取

脯

主

納徵,玄纁束帛、儷 皮, 如 納吉

爲 庭實。

注

日

徴,

成

也。

執

東帛

以

致

命

兩

皮

0

復納其 用 東帛,玄、纁 繼公謂:納吉則成昏矣,故於納吉之後, 皮 帛 成昏之禮。 而 不 各五 用 鴈 也。 六 也。 禮 玄、 惟 纁 此 官》曰: 合 最 而 重 **一**,故特 爲 元凡 网

背 之 也 繼 公謂

而 取之,則以不腆辭之。 主人辭者,蓋見賓珍己之物

貴相變也。

公謂

即

筵奠觶者,以取

水脯當北

面

一; 禮

注

日

取脯

者,尊主人之賜

也

賓降 注 授 日 人脯 人,謂使者從者,授於階下西 出。 主人送于門外 ,再拜。

面

端

^

周

四〇

蒙之。 則玄而 嫁子 則 也,下言如納徵禮 加 當 庭 實 取妻,人幣 至 乃云 先 廟 不 纁 人 門,主人揖 設 也,與此 如者,以 也 純 如如 類 帛,無過 此 是則 異。 先人,賓乃 其 異 納 用 者 五 言禮 東 兩。」云純 可 八帛、儷· 得 執 不 東帛 而 足 皮, 見 以

### 右納徴

禮。請期,用鴈。主人辭,賓許,告期,如納徵

/往 家 注 來 日 ,解即告之。 也 : 主 人辭者,陽倡 夫家ト 之得 陰 吉日, 和 , 期 乃 日 使 宜 使 由 者 夫

告期」者也 繼 尊之也。 女家,而 公謂: 必請之者,示聽 壻家既 許告期, 得 即 吉日,乃不 《記》 命 所謂「某敢不 於 女家之意, 敢 直 一以告

### 右請期

飪 上。 期 肺 也。 爲不 正 也。 注 升者,近竅,賤 面 0 初 北 其 曰 設扃鼏。 十五 昏, 純,全也,合升左右 絜 : 實特豚,合升 上 魚 每皆二者,夫婦各一 期, 一,鄉 清 + 陳 而 也。 有 取 鼎,減 内 去,起吕反。 妻之日。 四。 鼎 相 也。 舉 隨 于 一爲 肺脊者,食時 腊 也 寢 飪,孰 去蹄,舉 純, 門 髀,步米反。 十四者,欲 寢,壻之室也。 去蹄 外 胖 也。 東 耳。 髀 曰 肺 方 蹄甲 不升。 純 今文扃作 飪,而 、脊二,祭 凡 所 北 其 -不用 魚 先 髀 敵 甚反。 面 之 舉 不 偶 北 北

疏曰:命士以上,父子異宫,壻自别鉉。

有

寢

繼公謂:初昏,謂日方人之時。東方,直

也。

四

法宜然· 豚,惟 之肺 肺 者,所 鼏 左右 此 以 之,每飯則啗之。 也。 不言四鬄、兩 者也。其實,鼎實也。 東 腊 土 略 其 也 塾 鼏 如 喪 催 之。 祭。 少少 胖者,亦異昏 北 和康 性骨」,然則 去髀 (禮))曰 在 舉之肺 主 他 也。 面 上 南 一於祭 凡 士禮 肺 北 爲異。 也 也 食 去蹄者,指 亦祭,此 上, 舶 脊 四 腊 ൬ 而 者 腊 陳 「鬄去 使 也。此 已,無 用 有牲俎者,皆 脊,正脊也。 此 禮 所 去 、《士喪禮》有 鼎 其 用 髀 也。 腊之體骨亦略放 (蹄)是 東 乃 人設,亦臣 胖, 之物 則 合升者,用 直以 兩 方 他 二者先 《特性 肩、兩 用 此 用 大 也。 未 肫 祭名之者 也,故又謂 夫、 詳,《 也 純 有祭肺。 祭肺, 成文,故 髀 飯 舉 禮 士 乃 記 圃 少牢 則 肺 之 設 豚 之 於 用 日 切 舉 脊 異 禮

> 洗 於 阼 階 東 南

設 設 洗之節詳於前篇 故此

心略之。

黍稷 饌 于房 四 中 敦,皆蓋。 醯 醬二豆,菹 饌,士戀 反。 醢 四 醯 一豆,兼 呼 西 反。 巾之。

對 ,下並同

豆共 注 曰:醯醬者,以醯和醬。兼巾之者,六 巾 也,爲 禦塵, 蓋 爲 尚 温 《周

日 「食齊視春時。」

繼公謂:此饌蓋順其設之先後也, 豆敦皆二以 並 一面醯 醬二豆其 在 南 與 然 則

菹 醢,葵菹、 蝸 醢 也。 蓋 以 會

大羹消

在爨。

大音泰。

消音泣

爨,七亂反

注 曰:爨,竈 也。《周 禮》曰: 羹齊 視夏

時。」今文湇皆作汁

當用 他牲 繼 公謂:大羹,上牲之肉 肉 故 也 日 大。 此 上牲謂 云大羹復 豚。 汁 云 爨,烹豚 也 湇 以 者 其 之竈 嫌 重 於

Ž

也 不言鑊者,可 知 也

幂。 尊于室 加勺,皆南枋。 中 北 墉 下, 幂,眉狄反。 有 禁。 玄 酒 在 西 綌

注曰: 給,麤葛。幂,覆尊巾

繼 其器,如上篇 下,當户。」此 公謂 《士虞禮 可知。 東 西之節宜 》曰:「尊于室 以 巾覆物謂之幂。 篚在南,實四爵 如之。 尊不言 中 北 墉

才用反。二乘,繩證反。

尊于房户之東,無玄酒。

**合卺**。 齊音謹

夫婦各三酳 注曰:合巹,破匏也。 四爵兩巹凡六,爲

爲 婦 繼 幂,皆遠下尊者也。 酒,用一尊,且不 鄉飲酒 之耳。 也。 公謂: 乃設於此者,非常禮,因 禮》曰 凡 無玄酒, 設 : 此 設篚于禁南,東肆。」 齊 篚 尊 則 于堂者,必在尊 于 惟 房 尊而已。 户 之間 「有尊 一、又不 酳 無 南 玄 而 夫

> 云合者 门,謂 合而實之也

#### 右 陳器 饌

墨 主人爵弁,纁裳 |車,從車二乘,執燭前 緇 袘。 馬。 從 者畢 施,以豉反。 玄端。 從,並 乘

也。 夫以 注曰:主人,壻也。 執燭前 有司 士 也。 上 馬,使徒役持炬火居前炤道, 而 親 乘 乘 迎 墨 貢 冕 車,從 車,攝 服。 袘,謂 爵弁,玄冕之次,大 行 盛 者 也。 也。 緣 也。 燭,燋 畢,猶 從者 也 燭 皆

用 蒸

從 從者 言緇袘,不言衣、帶、鞸,與前篇 繼公謂:此禮據 車 爵弁者,以 謂 二乘與乘車而 在車及執 親 壻 燭 迎,當用 家 三,士之車數於此 者也,從者棧 而 言,故 上 服 以 互見 也。 **壻爲** 車 也 也 此 È 可

夫車也。《巾車》職曰:「大夫乘墨車。」色,漆之而已。 案:注云攝盛,謂乘大見。墨車,加黑色而漆之。棧車不加黑

婦車亦如之,有談。

被,昌占反。

儀也。 則未聞 裧,在下曰裳帷,此惟 男子之車也。 繼公謂: 有談者,婦 喪時婦車 如之者,如從者畢玄端 談亦以布爲之,在 一、談用: 人重自 有裧 疏 一藏,且 圃 布 已,其 以 而 上 形 下之 别 制 日 於

至于門外。

主人筵于户西,西上,右几。注曰:婦家大門之外。

注曰:主人,女父也。

繼公謂:此主於女家而言,故復以女父

編次」。注曰:次,首飾也。《周禮》追師掌「爲副

耳。 於衣 中亦當户。 人之嫁者用 曰 繼公謂: 喪大記》曰「婦人 纁 袡 而 嫁時特服 異其色之稱,此緇 也。婦人衣裳異 次之形制亦未 純衣,説見前篇。 神,亦不獨 此衣者,亦所以重之。 復,不 士 詳。 以袡」, 妻 色者,惟 衣 也。 丽 袡 者,裳 纁 然則 立 滅裳,故 此 一于房 婦 時 連

姆繼、笄、宵衣,在其右。姆音茂

注曰: 纚亦廣充幅,長六尺。姆在女右

當詔以禮。

尺二寸。《少牢饋食禮》「主婦被緣衣」,繼公謂:姆,女師也。此笄,象笄也,長

差之,則宵衣次於褖衣矣,亦用布爲之, (特牲 其 所 饋食禮》「主婦 異於緣者 ,則未之聞 · 纚、笄、宵衣」,以是

但

以

オ用 女從者畢袗玄,繼笄,被 反。 被、皮義反。 顯,若迥 反。 顈 黼 黼,在 音 甫 其 後。 從

注曰: 女從者 ,謂娣姪 也

用 上 額 而 潁 繼 公謂: 一, 亦 言。 絅 潁 黼 者 同。 黼 猶 ^ 婦 考工記》 以 《玉藻》曰:「禪 玄者,玄衣也,其亦宵 不 之加 黼 登 爲 車 景然 襌 日 乃被之者, 衣 : 也。 卢 而 被之於 爲 與 昏禮尚 絅。 黑 遠 謂 玄衣 别 蓋 衣 之 飾,故 於 黼 指 與? 之 婦 衣

者,以其正 也 被 潁 黼 也。 則 玄 在其 衣 (後,蓋 不 見 矣,必 東 Ļ 言 袗 玄

主人玄端,迎 于門外, 西 面 再拜。 賓 東 面

賓, 壻 也 亦 擯 者 出 請, 入告, 乃 出 迎

> 主人揖 之人 服異 、廟耳。 此 者,主人不正 人,賓執 時賓爵 拜之者,迎賓之禮 鴈從。 弁服 與 丽 賓爲 主 至于廟 人玄端,不 禮,特 門,揖 也 迎 嫌 丽 道 於

自 升 三揖,至于階,三讓。 、北面 西 階。 奠鴈,再 主人不降送。 拜稽 首,降,出。 稽音啟 主人升, 西 婦從, 面 賓 降

女耳。 注 日 : 主人不降送, 禮不參 賓升奠鴈拜,主人不答,明主爲授

繼公謂 凡 拜 加 時 鴈,以女在房也。 伽 書》 於左 爲之, 而 兩 幣,爲禮 日「拜 手至地,左 已,於其 手之上。 : 賓於外門外 重昏禮之始也。 者 手稽首」是也。 卒 至 手在上,若稽 拜, 再 廟 稽首, 拜稽 門 則 即執 乃 因 首者 頭下至手也,拜 執之。 源,别  $\sim$ 而 昏 此 遂 始 義 首 禮之重者 稽 於幣 ₩ E 北 則 拜 首焉 面 以 則 也 但 奠 再 頭

降出,謂出外門俟。上經云至于門外,拜奠鴈」,蓋受之於父母,是亦一義也。

是 之,是壻女二人爲禮矣,故主人不參之。 者,據凡行禮者言也。 女」者,謂 婦 車 亦 在 奠鴈以授女也。 大門外 也。 此壻迎女而女從 **案** 云「禮不參」 注 云 「授

注曰:壻,御者,親而下之。綏,所以引壻御婦車,授綏,姆辭不受。壻,悉許反。

升車者。僕人之禮,必授人綏。

人綏。若僕者降等則受,不然則否。」此繼公謂:《曲禮》曰:「凡僕人之禮,必授

乃至綏。既,則女自取之以升。等者也,故姆辭不受。於姆之辭也,壻

壻爲御,故如僕人之禮而授綏。

然非

降

婦乘以几,姆加景。乃驅,御者代。乘,繩證

注曰:加景,以爲行道禦塵,令衣鮮明

反。

御者乃代壻。也。景,亦明也。驅,行也。行輪三周

禪縠爲之。 疏曰:乘以几者,謂登車時也。景,蓋以

脱額 制,亦 乃加 之。 姆爲加之,是姆亦與女同 也。 云「衣錦褧衣,裳錦褧裳」,然則此景之 繼公謂:此乘,升車之稱也。 <sup>《</sup>曲 衣名以景者,取其 黼,蓋於下車之後 景,則未下車其脱之與? 連衣裳爲之,與 禮》曰 「尸乘 必以 解明之意。 其 車 他上衣同矣。 几, 也。 乘以几, 亦 女從者 已登車 此 尊 意

壻乘其車先,俟于門外。

注曰: 壻車在大門外,乘之先者,道之

先,然後從之。繼公謂: 御者既代,止車以俟,壻乘其車也。門外,壻家大門外。

### 右親迎

尊西,南面。媵、御沃盥交。媵,以證反。西階。媵布席于奥。夫人于室,即席。婦婦至,主人揖婦以入。及寢門,揖入,升自

注曰:升自西階,道婦人也。媵,送也,

謂女從者也。

繼公謂:與,室中西墉下少南也。布席東李微之曰:御,壻家之女侍也。

面北上,宜變於神席也。

夫婦既

升

而

並

俟

也。婦立于尊西,則尊亦當户明矣。交者,于堂,媵既布席乃入也。即席,立于席上

禮,相下相親之義也。此盥蓋於北洗。一次,人,如沃媵盥,媵沃御盥也。居室之始即行此

# 右夫婦人室

贊者徹尊幂。徹,直列反,下並同。

事已至也。

舉者盥,出,除幂,舉鼎入,陳于阼階南,西

面

北

上。

鼏者,右人也。除鼏而后舉鼎,吉禮也。盥北面,盥於南洗也。幂,當作鼏。除

異者,當東序耳。 陳鼎於内而當階, 少牢禮》「陳 抽扃,委于鼎北, 八鼎,南 士禮 丽 於洗 西 也。 面 西 于 」, 其 既 鼎 陳 東 與 鼎則右 以俟。 土 褿

匕、俎從設。 匕,必履反。

設,謂設俎也,既設俎則各加 匕、俎者,從鼎 司三人各兼執一 東枋,遂退。 匕,所以 出 鼎實 此三七、三俎 人而設於其 匕一俎與? 也。 俎, 所 從 以 鼎之西 設 L 載 於其 ,則是有 也。 也。

北面載,執而俟。

注曰:執俎而立,俟豆先設。

四七

俟 爲 進鬐,三列。 亞,脊肺在於中,皆進柢」,「載 載 面 二列 時 公謂 豚 匕。 而 云 升。 此 也。 載 北 載, 兩 面 載 腊進 以 髀 載 腊 俎 于 者,左人也。 如 低」。 承物之稱。 兩 豚, 端, 此魚 惟 兩 無 肩 肺 十有四,則 《士喪 右人則 魚,左首 耳。 亞 兩 俟 禮 舶 西

匕者逆退,復位于門東,北面西上。 逆退 牲 私 言復位,見其初位在此門東,北面 退 物 匕者,乃右人以匕出鼎實者也。 饋 臣之位也,此亦因 '則匕下鼎者在先,'匕上鼎者在後 而 者 食 謂之匕,亦 • 記》曰: 由便 也,亦 因其 私 便其 臣 文而見之耳。 所用 門 復位 東 者稱 北 也。 面 之。 西 以匕出 西 凡 上。 《特 Ŀ, 也。 逆 逆

> 于豆東,魚次,腊特 于俎北

注 曰 豆,菹醢

明不與 見特俎之位也。 腊,則此俎云者,指 繼 公謂 豚 菹醢 俎 爲 在 列, 當 醬 豚 豚 北,南上 亦 俎 俎也,經蓋 横 北端而 設 之。 也。 凡俎 云特者, 因 别 文以 見 數 魚

贊設黍于醬東,稷在其東,設消于醬南 奇,故於其下者特設之。

黍在豚南,稷在魚 豆 可 知。  $\wedge$ 少牢禮》曰 南。 . 淯不言其器 進 二豆湇 一,在

設對醬于東。

注曰:對醬,婦醬也

在 繼公謂:下文云設黍于腊北,而此醬宜 黍 東 則 於特俎 爲 東 北 也

菹 醢 在 其 南、北 上。

設黍于腊北,其西 豆豆 在醬南,俱當特俎之東也。 稷

贊者設醬于席前,葅

醢

在

其北。

俎人,設

退

丽

復位

者,其義皆然

ДЦ 八 贊

啟

會,卻

于敦

南

,對敦于北。

會如字。

腊 黍 對 腊 之西北,而 云腊北 饌東西 北 即 醬 可 南 西 北 見特俎亦横設之也。 遥當壻醢之北矣。惟於設 也。 之節 必云 也。 腊 稷 北 在 者 黍 西, 所 則 以 在 見

設消于醬北。

此豆敦之位,其左右皆與壻饌同,惟南

御布對席。

北爲異。

西 壻 席 設乃布婦席,示尊卑之義 於《少牢》下篇見之。 前者,其所上率與席之所上相變,此禮 則 對席,婦 ,御布婦席,見其事之之意 此 席爲少北,不正相 ,故云對 對席南上矣。 席 耳。 也。 對醬之類 經於婦之菹 凡設豆於生人之席 未設 鄉,特 亦 而 然。 也。 取 醢 布 其一 也。 壻 云北上, 媵 席, 東 此 布 於 夫 已

> 繼公謂 之會,則卻于敦北 注 日 4 : 啟 卻,仰也。 ,發也。 會,合也,謂 也。其南北之會,各 對敦于北 謂 敦 蓋 啟婦敦 也

當其消之東西。

贊告具,揖婦。即對筵,皆坐,皆祭,祭薦

黍、稷、肺。

注曰:贊者西面告饌具也。

也。 稷,取於其敦而祭之。 此 繼公謂: 也祭薦,以 祭薦、 攢 黍、稷、肺 揖 / 菹擩 婦 使 于 即 醢 席者, 釋 肺,祭肺也,亦皆 而 上 祭 以 所 也。 主 謂 此 祭黍 祭 禮 故

祭于豆祭。

贊爾黍,授肺脊。皆食以湇、醬,皆祭舉

皆食、食黍也。以,用·注曰:爾,近也,近之食舉也。

之置席上便其食也

繼公謂:古文邇、爾通。惟爾黍者,夫婦

也。

四九

之。 南,西 舉,謂啗之,再飯三飯 先食舉之,因 食舉,故用此 皆食,謂一飯也。 見之。授肺脊,兼舉而授之也。 敦者,皆右之於席上,經特於《少牢禮 各有二敦,故但取其尊者而 右手,惟飯 一飯乃祭 面,婦則於饌北,東面 時則左執之也。 安食耳。 名之曰舉。 舉,異 以消醬,皆謂 於饋食 ,則皆食舉,不復 舉謂 祭謂 ,皆訝受之。 **贊授夫於饌** 食之。 肺脊,以 禮 振祭, 师之,未 皆受以 也。 凡爾 其 食 嚌

飯、卒食。飯、扶晚反。

以

消醬矣。

文省。 之饋食九飯 三飯而卒食,其遠下饋食之禮 飯,隨文便耳。不言贊者受肺脊, 而 止。飯,猶食也,或言食, 與? 士

#### 右

面 贊洗爵 答拜 酳 婦 酳主人。主人拜受,贊户内北 亦如之。 皆祭。 酳 ,以刃反。

注 日 酳 酌· 内尊。

皆在 繼也。 酒。 其禮如是,所以見殷勤 酒,故因以爲名,取其 繼公謂:洗爵,洗于庭也。 酯之言 他也 席。 凡酳皆坐受爵 其字從酉,蓋既食之而復繼之以 户内,户内之西也。祭,謂祭 酒食相續之意也 也。 此 拜受者,

贊以肝從,皆振祭,嚌肝,皆實于菹豆。

注

曰:肝,肝炙也。

肝擩 之。二肝蓋 振祭者,執 繼公謂:以肝從,謂以肝 于鹽乃振祭。 而 共 振 俎 動 圃 之以 肝從之法,《少牢 進 本 爲祭 ·, 贊 俎從於酒 則 也 一, 此 縮 執之。 亦以 而進 饋

之故也。

由是觀之,足以見其立言之意

長則皆不曰

酳

而

日

獻,以食禮非二人主

禮,進酒於尸者,惟主人言醑,主

食禮》備之矣。

卒爵,皆拜。贊答拜,受爵。

亦一 卒爵而 拜也。 拜,拜其飲己之賜 受爵 出,奠于篚,乃復洗他 也。 贊答拜,

爵以升。

再酳如初,無從。

初者, 初酳 時洗 爵 以 下之儀也。 無 從,

見其異於初耳。

酳用卺,亦如之。

也。 故皆謂之酳。《少牢》、《特牲 牢之禮,贊主其 親之意 至是乃用巹者,昏禮將終,示 食後進酒至于再、三猶云酳 也。 亦如之者,亦 事,而此酒則皆贊進之, 如 初 以合體 饋食》之 圃 者,同 無 相 從

拜。 **贊洗爵,酌于户外尊,入户,西** 皆答拜。 坐祭,卒爵,拜。 北 皆 面 ·答拜。 | 奠爵,

興。

拜,則 注曰: 酌外尊則可見矣。 興,謂夫婦也。上「户」字疑衍,下云贊 凡此時夫婦室中之拜,皆順其東、西面 洗 酢之禮代人酢己耳。 繼公謂:三酳乃自酢,變於常禮也。 也。 象同酢之也,故主人不必親 贊酌者自酢也。 奠爵 拜者,象受也。 洗爵者,象其 夫婦皆答 爲 酌。 自

右酳

主 人出,婦復位

一婦、賓

注 曰:復尊西南面之位

繼公謂:主人出,爲將説服于房也。 婦

 $\mathcal{H}$ 

但當説服于室,故不出,惟變位而已。

乃徹于房中,如設于室,尊否。

食之。 敢寡、及,肩卜寡己。 注曰:徹室中之饌,設于房中,爲媵、御

餕之。徹尊不設,有外尊也。

其饌與席之位也,亦皆東西相鄉。繼公謂:徹之者,亦贊也。如設于室,謂

姆授巾。説,並吐活反,下同。主人説服于房,媵受。婦説服于室,御受。

注曰:巾,所以自絜清。

室,男女宜異處,亦重褻也。《記》云「母繼公謂:説服,皆謂去上服也。于房、于

服,御亦併受此物,故姆還以他巾授之。施衿結帨」,是婦自有帨巾也。今既説

御衽于奥,媵衽良席在東,皆有枕,北止。

衽,而甚反。

覵良人之所之。」●止,足也,古文止作注曰:婦人稱夫曰良。《孟子》曰:「將

趾。

者,變於坐席也。也,亦猶布筵而謂之筵矣。夫東婦西繼公謂:卧席謂之衽,此衽云者,謂設衽

主人人,親説婦之纓。

也。 云其制 纓 疏 纓」,此幼 」,示有從人之端也,即 曰 《内則》云「男女未冠笄者,總角 : 纓 未聞 有 時 \_\_\_\_ 纓 也、皆與男子冠纓異、故 ^ 曲禮》云「女子許嫁, 此 説纓之纓 衿

繼公謂:主人親説之者,明此纓爲己而

<sup>♪ 「</sup>文」,原誤作「人」,今據明本改。
・ 「覵」,明本、通本、注疏本作「見」,庫本作「瞯」。

燭出

注曰 : 昏禮畢,將卧息。

餕音俊 媵**餕主人之餘**,御 餕婦餘,贊酌外尊酳之。

御當 勝御 尊,房户東之尊。 之儀,惟拜受拜送而已,不拜既爵。 也。 養者之位也。 食人之餘 各餕 西面 此餕之位,媵當東面而 而長者 夫 曰 餕。 婦之餘者,見 不洗 在北 餘,謂其所嘗食者 而 略 酌,略賤 如《少牢饋 其惠之及之 長者在南, 也。 此 食》 也。 外 酳

媵侍于户外,呼則聞。

注曰: 不 凡主人有事皆媵爲之。此侍于户外,乃 繼公謂:媵雖婦之從者,然自婦至之後, 使 御 爲尊者有所徵求。 而 使 媵 者,亦主於夫也。 今文侍作待。 呼 則

> 寢與? 聞, 待,其義 釋所以侍于户外之意也。 亦通,若然則昏禮既畢,其 今文侍 就 内 作

右昏禮成

夙 與 婦 沐浴, **飊笄、宵衣** 以 俟見。 見,賢

反,下同。

繼公謂: 注曰:夙,昏明日之晨。 士妻之纚笄、宵衣, 猶 士 之

端,又云婦事舅姑如事父母,則宵衣者, 亦士妻事舅姑之常服耳。 冠、玄端也。 ^ 内 則》言子事 婦之始嫁 父 母 服 即 玄

己之寢。 舅姑 也。 俟見者,質明乃見,此時俟於 以此服

見,而不爲之加

者,昏

禮

不

主

於

席 質明,贊見婦 于房外, 南面 于舅姑。 「姑即 席 席 于阼, 舅即席。

禮集說卷二

儀

玄

五四

注曰:房外,房户外之西。

經 則 即 舅姑,夫之父母也。 繼公謂 或 西 席,亦立于席也。凡設席,其在東者 面,其 不見之者,以其可 見者,通言於舅 在西者則 作 席` 東 知 也 面,南北放 亦 姑 西 使得 面 見 舅 此 也 姑

婦執笲棗、栗自門人,升自西階,進拜奠于

席。

算音順<sup>0</sup>

矣。● 奠之者,舅尊,不敢授也。注曰:笲,竹器,其形蓋如今之筥簋籚

拜 門入者,嫌 隋 禮》曰「卷幣實于笲」,然則笲之制,蓋 面 繼公謂:笲棗、栗,二物同 者, 方如 則 可 拜 處 知 婦 近 也 人出 於席,不當階矣。 門,舅姑寢門也。 始執笲,用二手, 人 當 由 閳 器器 門 也。 也。 不 必云 及 言 進 拜 自 聘 東 乃 亦

則》曰:「凡女拜,尚右手。」掌據地,故右手執物而可以拜也。《内

舅坐撫之,興,答拜。婦還又拜。

注曰:還又拜者,還於先拜處拜

也。婦還者,婦於筵前少立,俟舅卒拜繼公謂:撫之,示受也。興而後拜,敬

而後還也。又拜者,俠拜也。

降階

,受笲腶脩,升,進,北

面

拜,奠于

席

姑坐,舉以興,拜,授人。殿,丁亂反。

算以起,答婦拜,授有司徹之,舅則宰徹 注曰: 腶脩,擣肉之脯。人,有司。姑執

也。進北面拜者,既入堂深,東行,當於姑惟用腶脩而受於階下,皆輕重之差繼公謂:婦於舅並用棗、栗而執於門外,之。

時

則

惟

右手執之。

凡婦人之拜,

以

左

0

席,乃 不敢同於舅也。 敵則奠之,亦示親授 奠之而不敢授者,凡相見之禮,尊卑不 也。 則 **棗、栗、腶** 拜時亦不釋笲矣。 北 面 圃 拜 脩,●所以爲贄 舉 也。 以 奠于 也。此不撫之者, 興 乃拜,既拜乃授 席, 也 亦 不 乃 敢 皆 授

#### 婦 見舅姑

#### 贊 醴 婦。

行禮 費爲 也。 自 是時 之者,於其始至,宜示 於己也。 舅姑醴婦也。 舅姑皆立于席。 婦見醴乃成爲婦。 舅姑必醴之者,答其 以尊卑之禮 舅不

席于户 , 牖間

注曰: 室户 西 [牖東 南 面 位

故 也。

疏

E

醴

子、

醴

婦

醴賓客,皆以

此

尊之

側 尊 甒 醴 于房 中。

亦 有 篚 遵 豆在其北。 惟

云側尊,文省

婦 疑立于席西。 是時已東西立。「疑」字未詳。 疑,舊魚乞反。

費者 婦 東 酌 面 醴, 拜 受, 加 贊 柶,面 西 階上 枋,出房,席 北 面 拜 送。 前 北 婦 面 又

拜。

疏 日 東面拜者,以舅姑在東,宜鄉之拜

也。

醴己 繼公謂: 也。 婦於贊 婦 又 拜 蓋 乃 俠拜 執觶 者, 拜 重 也。 其 其 爲 下二 舅 姑

薦 脯 醢

拜亦然。

亦 費 (薦之。

婦 升席 左執 解,右 祭 脯 醢 以 柶 祭 醴

0 脩」,原作「修」,今據明本、通本、庫本改

五五

拜 降 席 婦 東 又拜,奠于 面 坐, 啐 醴, 薦 東, 建 北 柶 面 興 坐 取 拜。 脯 降, 攢 答

出,授人于門外。

注曰:奠于薦東,升席奠之。人,謂婦氏

人

授人於外,變於男子之禮。繼公謂:拜,皆執觶拜也。門,寢門也

右醴婦

**己禮畢也。 舅姑入于室。** 

婦盤饋。

謂之饋。適婦之禮在養舅姑,故即行饋於既授脯,即反而行饋禮也。以食食人

禮以見其意。

其 特 他 豚 如取女禮。 合升, 側 載, 取,七注反 無 魚 腊, 無 稷,並 南 上。

> 姑 注 俎 曰 異 : 側 尊卑。 載者 右胖 女,謂 載之舅俎,左 婦 也 如 取 一胖 婦 載 禮 之

同牢時。

疏

曰

自「側

城以

下,「南

上以

上,

與

取

:

禮 他 黍」以一 於北 共 北 也。 見舅姑之皆東面,且明席之北 繼公謂 俎,左胖載之姑俎,以異尊卑也 女 有 **》**言 豚 俎,則是每 上,則舅在北,姑在 異。 七段也 南上之文,主於 解 方者, 辟婦 豚 至「卒食」也。 周人吉禮尚 :二俎載之乃 而 解之法 載 於 俎 皆有肩、髀、胉、脊, 一俎者 之位 兩 右、故 肩、 此 菹 云側者, 也。 特豚 南矣。姑 略異 兩髀、兩舶 醢 蓋 知右胖 其 合升 矣。 他, 特 以 E 不别 也。 舉 無 載 而 謂 士 與 與 載 此 魚 喪 其 席 之 爾 席 以 腊

婦贊成祭。

授祭,而 此 祭, 謂祭薦、黍、稷、肺也。 此云成者,其爲之祭而不授 凡贊 祭必

與?

卒食,一酳,無從。

在户西北面也。 之南,姑於席前之北,皆西面。其拜亦 禮之當然也。 同牢之禮,俎則無魚腊,敦則無稷,至是 卒食,亦三飯而止也。 而酌于室中北墉下之尊。 又惟一酳,以其一酳,故無肝從,是皆其 。婦之酳也,當洗於北堂, 舅姑亦皆答拜于其席。 此禮每節皆殺於 **酳舅於席前** 

席于北墉下。

此席當在尊西而東上。

婦徹,設席前如初,西上。

之面位不同之耳。 此所設者,皆如饋之設,但易處,則所上

婦餕,舅辭,易醬。

繼公謂:舅辭者,見婦即席將餕已饌,故 注曰:婦餕者,即席將餕也。

下經云婦餕姑之饌,則是從舅命矣。 辭之。婦不言對,不敢與尊者爲禮 也。 易

醬,易姑醬也,蓋御爲之。

婦餕姑之饌,御攢祭豆、黍、肺,舉肺、脊。 肺、脊,其姑之所已舉者與? 而直爲之祭矣。 豆祭亦贊之,則是此三祭亦皆不授之, 祭肺,亦祭切肺也。 亦御者

乃食,卒。

以授之。

食,謂食黍也,亦以湇、醬。 祭舉,食舉,

**姑酳之**,婦拜受, 姑拜送。 三飯而卒食也。

坐祭,卒爵,姑

受,奠之。

注曰:奠之,奠于篚。

五七

駆

右婦饋舅姑

下 繼 東面之位 公謂 婦 拜于 也。 卒爵 席 南 耐 面,姑亦 姑受,亦 拜 不 于 拜既 西 墉

爵 矣。 餕禮輕

婦 徹 于房中,媵、御 餕

注 日 : 媵 餕舅 餘,御 餕 姑餘也

繼 公謂 此與上經徹下皆不云設,未詳

其 設之當略如 同牢禮

姑

之。

雖

無娣

勝先。

無 兄之子。娣,女弟也。 注 娣,猶先媵,客之也。 日 古者嫁女必姪娣從,謂之媵。 娣 尊姪卑。 若或 姪,

繼 公謂 此 酳 亦酌外尊。

於是

與始飯之錯。

錯音措。

於是 此 也 句未詳,尋其語脉文 若然,則「與始飯」三字皆誤與 乎 改 設之,如 饋之 (意,似 錯 也 謂 錯 既 猶 酳 設 則

> 舅 姑 共 響 婦以一 獻 之禮 舅洗 于 南 洗 姑姑

洗 于 北 洗 奠酬

注

曰

南

洗在

庭、北洗在北堂。

疏 日 舅獻姑 酬,共成 獻

繼公謂 答其 饋 也。其舅洗 飲 人 圃 用 洗 牲焉 爵 以 日 響。 獻 也 饗 姑 婦, 洗 蓋

洗觶以 怬 也。 婦酢舅亦 洗 于北 洗,皆不

辭 洗,不拜洗。 其獻酢,則各 于其 (席前。

舅 面 拜 姑酬 于阼 婦 階上,北 則于主人之席北 面 0 婦 拜 而 于 席 奠觶 西 于 東

奠之於薦東也。 婦之薦 西。 奠酬 必言此者,明其禮止於 者,婦 取姑之酬 酒,而

是也。 云 厥 明」,此不言者,文不具耳 不 燕者,尊卑之分嚴也。

舅姑先降自西階,婦降自阼階。

五八

明將授之室也。 舅姑先降自西階,然後

婦 乃 敢 降 自 作階 ,蓋達尊者之意也。

歸 婦 俎 于婦氏 人。

繼 以 注 公謂:此牲俎 EI: 婦俎,當以反命於女之父母。 婦氏人,丈夫送婦者。 ,其亦用豚與? 使有司歸

右舅姑饗婦

舅饗送者以一獻之禮 酬 以東帛。

注曰:送者,女家有 司 也

以東帛,其節當與冠禮醴賓者同。 繼公謂:饗之而用帛,亦重謝之也。 怬

姑饗婦人送者,酬以東帛

注曰: 疏 曰 : 《左氏傳》云:「士有隷子弟。」尊 婦人送者,隷子弟之妻妾。

妾。

無送卑,故知

婦人送者是隷子弟之妻

若異邦,則贈丈夫送者以東帛。

注 日 贈之就賓館

得取於異邦,則大夫可知矣。 贈以此 繼公謂: 幣,以其勞於道路 以物魄 將 行 者 日 故 贈 也。 獨云贈 酬 古之士 之外又

右禮送者

夫,則是古者婦人不越疆而送嫁也。

若舅姑既没,則婦人三月乃奠菜。●

崔靈恩曰 若舅姑偏有没者,厥 明 盥 饋

於其存者,三月又庿見於其亡者。

乃奠菜者,三月一時天氣變,故以之爲 繼公謂:乃奠菜,亦題下事也。 必 三月

節也

席于庿 奥,東面,右几。 席于北方, 南面

「入」,原誤作「人」,今據通本、庫本改。

五九

注曰:北方,墉下。

菜,異

於生時之贄

也

云

帥

婦

以

人,

是

婦

亦升

自

西階也。

此

時

婦

室,

西

面,

疏曰:生時見舅姑,舅姑别席異面,是今

亦别席異面,象生也。

舅姑,舅不用几,此有之者,異其神也 上 繼公謂: 面 在席之上端。 一,南 其西上與? 面者東上,鬼神則變之。 右几,見席南上也。 舅席東 生人室中之席東面 面 而南 上,姑 凡設几例, 生時 者 席 見 北 南

姑席無几,几主於尊者也。是亦質明行

事。

人。祝告,稱婦之姓曰:「某氏來婦,敢奠祝盥。婦盥于門外。婦執笲菜,祝帥婦以

嘉菜于皇舅某子。」

注曰:帥,道也。

人,人室也。

來婦,言

尊之。菜蓋用堇。

來爲婦。

嘉,美也。

皇,君也。

言君者,

繼公謂:執笲菜亦於門外。庿見用笲

耳。 "这就在左而爲之告也。某氏者,高、國之权在左而爲之告也。某氏者,高、國之不成在左而爲之告也。某氏者,高、國之其,其一人之稱。某子者,某,謚也,猶以其一人之稱。某氏者,高、國之人,與曰姜氏,季、孟之女則曰姬氏。皇

婦拜,扱地,坐奠菜于几東席上,還,又拜

如

初。

扱,初合反

拜也。 於《聘禮》及《特牲》、《少牢饋食禮 見設几之節矣。 于几東席上,則 婦 拜,拜于其位也。扱地,未詳。 此又拜者,接神禮 是几 還又拜,亦反於 前 猶 然 有 也。 餘席 其 故 例 位 亦 奠菜 見 復 可

告于皇姑某氏。」奠菜于席,如初禮。婦降堂,取笲菜人。祝曰::「某氏來婦,敢

于姑 注 曰 : 降堂 階 上 也 0 於姑言 政告, 舅尊

也 堂、遠近之差、禮亦宜然。 行禮於室也。 繼公謂:取,猶受也。 祝亦在左告之。 在 堂 則 如 降堂取笲菜,以其 降 初禮,拜 階 在 室 而 圃

婦出 ,祝闔牖户。

席上之右,還又拜也。

疏 入于房矣。 繼公謂:婦出 日 先牖後户者,先闔牖後闔户也。 户 則老釋辭請 ..... 醴之,而 婦

老醴 禮 者 醴 婦 姑,見上贊者爲代舅姑 既 則 在 婦之禮,蓋達神意 婦于房中,南面 一之處 庿 老 見 其 而 也。 西 老醴之,象舅 面 上云 拜 ,如舅姑 與? 婦 贊 也。不于堂,辟尊 醴 醴之也 禮婦 婦,此云 姑 見醴乃成爲 生 之禮 時, 房 如 中 使 舅 行 費

> 壻饗婦送者丈夫、婦· 婦,若庿見舅姑之偏没者 人,如舅姑饗禮 ,恐無此禮

疏曰:舅姑没,故壻兼饗丈夫、婦人。

謂行之於老醴婦之後也。 之時,因言庿見而及之,故其文在 皆酬之以 繼公謂 : 壻饗丈夫、婦人,亦當異 東帛也。 此禮之節宜 在始 此,非 (日, 而 嫁

奠于

北面

則

降

右舅姑已没之禮

庿。 《記》。 昕音欣。 士昏禮,凡行事,必用昏昕,受諸禰 禰,乃禮 反。

注 日 用昕,使者。 用昏 「, 壻 也

請 疏 期,五者皆用昕,即《詩》所謂「旭日始 曰 用昕,謂 納采、問名、納吉、納徵

旦也。 昏,親 迎 時 也

也。 繼公謂: 經凡言士禮多主於一庿者,一 禰 庿 父 庿 也。 庿受, 重 其 庿 則 事

祖禰皆在焉。惟云禰,主於禰也。蓋祖

尊而禰親,受昏禮宜於親者。

辭無不腆,無辱。腆,他典反。

腆,善也,言當善其辭又不可以辱命也。

贄不用死。

注曰: 贄,鴈也。

繼公謂:此文在皮帛之前,則是指納采

之稱也。納吉之類,禮雖用鴈,然遣使之類言也。夫贄云者,親奉其物以相見

過也。且不用死之云,亦似長語。古人爲之,固不可謂之贄。以贄爲言,記者

非昏禮而用鴈,豈有用死者乎? 似重

失之。

皮帛必可制。

注曰:儷皮、束帛也。

繼公謂:制,制爲衣裘也。然則他禮之

用皮帛者,其有不可制者乎?

亦

似長

語矣。

腊必用鮮。

惟云腊必用鮮,是魚用薨矣。

腊而用

鮮,亦異昏禮也。

魚用鮒,必殺全。 鮒音附。

注曰: 殺全者,不餒敗,不剥傷。

繼公謂:他時魚或用鱄,此則惟許用鮒。

云必殽全,語亦似過,他禮用魚,豈

有不

殽全者乎?

女子許嫁,笄而醴之,稱字。

注曰:許嫁,已受納徵禮也。笄女之禮

猶冠男也,女賓執其禮

謂以醴飲之也。字,若伯姬、仲氏之類繼公謂:此禮當於房中行之。醴之,亦

矣。女子之笄有二節,一則成人之笄,

並同,惟以稱字與否爲異。《周易・屯》一則許嫁之笄。 其醴之而婦人執其禮

六

明矣。古者女子成人乃許嫁。言許嫁乃字也,然則未許嫁而笄者不字六二之辭曰「女子貞,不字,十年乃字」,

則教于宗室。 祖庿未毁,教于公宫三月。若祖庿已毁,

宗室之家與?● 庿已毁而教于宗室,然則異姓者亦教于李微之曰:此言公族之爲士者也。若祖

所自出 祖 五 繼公謂:此據士族之貴者言也。 庿之道 則 庿,太祖之庿不毁,其餘先君,若 毀其 ,易檐可 之君也。 庿 而遷之,未毀者,以其猶 也,改塗可 毁,壞 也。 也。」禮,國 《傳》曰:「壞 祖,女 過 高 君 在

> 若太祖 也。 於祖 與既 今君四親庿之中也。 凡别子之庿,亦皆三世若 也 毁 者同 去今君五 祖 庿 既 祖 毁 庿 世 丽 未 庿 其 教 毁 於 雖 與 而 宗室,統于宗 教 不毁,其禮亦 君共太祖者, 於公宫,統 四世 而

乃

毁。

賓 問名之儀,主人以賓升,西 拜,進受鴈 西 (亦還 階,東面,問名。 於 西 于 階 楹 上 間, 東 主人阼階上北 還 面 於 主 阼 画。 人對,賓受 階 上 賓 西 升 面 面 自 再

疏曰:始扱壹祭及又扱,則分爲兩祭,是祭醴,始扱壹祭,又扱再祭。

命

,乃俱降

也。

● 「室」,明本、通本作「子」。

爲祭醴三也。

賓右取脯,左奉之,乃歸,執以反命。奉,芳也。 一扱而可,以再祭則柶葉如勺矣。繼公謂:始扱一祭,又扱則再祭,示隆殺

者於西階下,乃歸。疏曰:右手取脯,左手兼奉之以降,授從

勇反。

也。 也。 之賓反,其禮亦如之可知 此醴賓之禮故也。若納吉、納徵、請 據納采、問名之賓而言耳,蓋經文 命,謂至于壻父之門外,乃受之以反 公謂:以疏説考之,則《記》文 此《記》在問名下,納徵上,則 右取脯左奉之,不游手也。 執 似 惟 是 以 不 命 期 見 但 反 備

注曰:兼執足者,左手執前兩足,右手執入,西上,參分庭一在南。攝,之涉反,下同。納徵,執皮,攝之,内文,兼執足,左首。隨

流曰: 色宝内,女云内文。 後兩足。 隨入,不並行也。

疏曰:毛在内,故云内文。

也。 文也。 執皮 人屈 之位,亦當在西方。 者,參分庭深,而所立之處當其參 内文,兼執足,攝之之法也。 上也。云隨人者,以其並設,嫌亦 繼公謂:先儒讀攝爲摺,則 一,故二分在北,一分在南也。 物 西上,統於賓 攝之者,中屈其皮,疊而 内文者,事未至也。 而疊之謂之摺,古之遺言與? 也。 參分 訓疊也。今 文,獸毛之 左首,爲 庭 執之也。 此設皮 了分之 並 在南 西 行

適東壁。見,賢遍反。者自東出于後,自左受,遂坐攝皮,逆退,賓致命,釋外足見文。 主人受幣。 士受皮

節。 注曰:賓致命,主人受幣,庭實所用爲

足,主人堂上受幣,則主人之士於堂 意 執之,足遠身爲 疏 謂 曰 : 賓升堂致命, 經云釋外足見文者,人以足鄉 外,釋之則文見 則庭 和執 皮 者 也 釋 外 下 注 Ŀ

受皮,是庭實所用爲節

考。 退由 後 之私臣,非指有爵者也。 受之節宜示之,他 左,便其先執前 而 文者,事已至也。 「賓出 繼公謂: 與左,皆據執皮者言也。 來 便也。 也。 ,當之坐,攝之。」逆 釋外足見文,所謂 士之私臣其 此《記》與《聘禮》互見,當參 乃執後也。《 皮以 時 則 位 文爲 否。 在 退在東者,先 自東,自門東 門東 受者居客之 張 士,謂 美 聘禮》曰: 皮 故 也。 北 當 主 面 人 授 見

反。 《迎者,母南面于房外。迎,魚敬父醴女而俟迎者,母南面于房外。迎,魚敬

注 東,立于位 面 了, 蓋 日 母 女既次 薦 而 焉, 俟 純衣,父醴之于房中, 重香 肾。 禮 壻至,父出。 也。 女奠爵于薦 母 出 南

疏曰:舅姑共饗婦而姑薦,故知父醴女南面于房外,示親授壻。

亦

7母薦

若笄。 女出 如之。 繼公謂 婦,西面答拜」,此父醴 于母左,父西 母戒諸 其儀則略與贊醴婦之禮同 ... 《特牲饋食禮》「主人致爵 西階上,不降。 面 戒之,必有正焉,若衣 女于房中,位 于 主 宜

就父, 今乃復正之者,欲其以此爲識 正其笄而 左 繼公謂 注曰:必有正焉者,以託戒使勿忘。 而 就 則 之,東面 母東面于西階上,俟女至 戒之。 是時父立于阼階 一受戒。 且女之衣笄固 父乃正 上,女出 耳。 其 自 衣,或 女既 正矣, 而 於母 戒

禮 集 説

之,以 也。 往送之門戒之。」或此禮至後 《孟子》曰:「女子之嫁也,母 女當 降自 西 階 也。 母 不 降送, 世 命之, 而變 尊

婦乘以几,從者二人坐持几,相對。 乘,繩 箭

與?

反。 從,才用反。

尊,棄餘水于堂下階間,如勺。 婦人寢門。 注曰:持几者,重慎之。 贊者徹尊幂, 酌玄酒,三屬于 屬音燭。

新,故事至乃取之。 注曰:屬,注也。 玄酒,貴 新,昏禮 又貴

棄餘水者,不欲人褻用之也。 並設,故亦以酒名之。 繼公謂:玄酒,清水也。玄,水色。 云酌,則 以勺也。 徹 幂 與酒 加

笲,緇被纁裏,加于橋。 注曰:被,表也。 **猝有衣者**,婦見舅姑 舅答拜,宰徹

勺,兼指二尊而言。

之。舅既答拜而興,宰乃徹笲,節也 主於棗栗、腶脩者,其 繼 以 公謂 飾 爲敬。 緇 被 橋, 所 纁 裏,竹 以 庪笲,其制 實奠菜之笲亦 器 之飾 也。 未 聞 此 如 文

婦席、薦饌于房。

注曰:醴婦、饗婦之席、薦也。

饗婦,姑薦焉。 繼公謂:亦如冠禮席在南,籩豆在北

也。

注曰:舅姑共饗婦,舅獻爵,姑薦

直音值 婦洗在 北堂,直室東隅,篚在 東、北一 脯 面 盥

半以 與 注曰: 洗在北堂,所謂 隅 間 北 洗 南 北 直室東隅,東西直 北 洗。 北堂,房中 房

室東隅 室相 疏曰:房無北壁,故得北堂之名。 連 爲之,而無 北壁,是以得設 洗直 房與

六六

避。

辭 故 嫌於南 與 者之位,皆如此。《記》主爲婦禮發之, 洗,内洗也,亦曰 舅 東,則水在 中設洗,水在洗東,篚在洗西,此篚 繼公謂 也。 隅 ,未必有據。 惟云婦 間 無嫌於不洗,故惟 」,言直二者之間 洗。 室之東隅有二,云在 **篚盛爵鱓,爲** 洗西矣。 北洗。 案:注 盥,爲將 婦 云「東西直房户 凡其設之與盥 以 酢 也,亦意之之 盥 姑 北 洗爵 見之。 酬 堂,故 也 以 在 此 洗 酢 庭 無

婦酢舅,更爵,自薦。酢音览。

承 舅者,饗婦則婦 凡 婦 卑者受尊者獻 人爵也。 自薦者,爲姑親 如賓 則 不敢 也 酢。 更爵, 此 薦己,故 男子不 婦 乃 酢

不敢辭洗,舅降則辟于房,不敢拜洗。辟音

不

敢使人薦舅,行禮欲其稱

也。

辭,可 説, 也。 於丈 也。 於堂上,故宜辟 此 而 拜 謂 則是謂 記者於此乃有不敢 舅 夫則無之,以 洗,丈夫於敵者之禮 婦 以 辟于房者,既 將 拜洗 獻 婦人於舅可 婦 圃 之時 不 也。從降 敢 是禮 也。 拜 不從降,又不 與? 以辭 不可 辭洗、 也。 而 舅 降, 辭洗,升 得 洗 亦 若婦 似 而 拜 謂 而 異 洗 敢 不 降 行 人 於 敢 堂 之 之 故 安 洗

禮意矣。

凡

婦人相饗

無降。

注曰: 姑饗婦人送者于房,無降者,以北

洗篚在上。

姑特饗婦者也,故以凡言之。 言婦 繼公謂: 記》所謂 無 降 此謂姑饗婦人送者,與舅 明 舅 降 男 是也 女相 饗則 有降者, 没 如上 人 相 而

婦人三月,然後祭行。

必至是乃舉其常祭,欲令婦得助祭 婦之義 行也。婦人三月然後可以入庿,故 人,人夫之室也。祭行,謂夫家之祭方 也。 凡舅姑之存若没,其禮 夫家 丽 皆 成

庶婦則使人醮之,婦不饋

注曰:庶婦,庶子之婦也。使人醮之,亦 有脯醢。不饋者,共養統於適也。

見之禮、則醮之之位,其亦在户牖 舅席于阼,姑席于房外,當於受適 繼公謂:使人醮之,則不必贊矣。是時 婦 間 之

異,故不取尚文之義,而輕 與? 此儀物亦皆與醴同,惟以用 於 醴 也 酒 婦 爲

事 不饋,則舅姑亦不饗之矣。 ,以下專記辭,不欲其相亂也 此以 上 再記

昏辭,曰:「吾子有惠,貺室某也

注曰:昏辭,告擯者請事之辭。

吾子,謂

繼公謂:有惠,有貺室某之惠也。

言貺室也

疏曰:壻家舊已有辭,女家見許,故今得

公冶長可妻也。

某,壻名。

女父也。

貺,賜也。室,猶妻也。

子謂

「某有先人之禮,使某也請納采。」

注曰:某,壻父名也。 繼公謂。云先人之禮,言其前世行之已 某也,使者名也。

之,某不敢辭。」意,失容反。 對曰:「某之子惷愚,又弗能教。 吾子 命

注曰:對曰者,擯者出納賓之辭。某,女

敏,己又弗能教之,言其不足采也。 繼公謂: 父名也。吾子,謂使者 惷愚,謂不敏也。

女之性既不

致命,曰:「敢納采。」

謂納采。

疏曰:此使者升堂致命於主人之辭。

問名,曰:「某既受命,將加諸卜,敢請女爲繼公謂:此不言對,則是主人惟拜而已。

誰氏?」

注曰:某,使者名也。

疏曰:此賓升堂致命之辭也。

伯仲也。戴嬀爲仲氏,亦其一耳。問名諸卜,謂指女名以問卜也。氏,謂女之繼公謂:命,謂已受其納采之禮也。加

而云誰氏,不敢褻之,敬也。此亦使者伯仲也。戴嬀爲仲氏,亦其一耳。問名

告擯者請事之辭。

對曰:「吾子有命,且以備數而擇之,某不

敢辭。」

專采己女然,謙也。此擯者傳主人許之命,謂問女名也。備數而擇之,若曰不

離氏」。主人則以女名對之。 辭也。賓致命於堂,宜亦曰「敢請女爲

人之禮,請醴從者。」爲,于僞反。從,才用反。醴,曰:「子爲事故,至於某之室。某有先

注曰:言從者,謙不敢斥也。

繼公謂:醴,請醴賓也

對曰:「某既得將事矣,敢辭。」

此言己之事畢,不敢復溷主人也。如

行。

「先人之禮,敢固以請。」

注曰:主人辭。

繼公渭:凡清與辭,自再以後 注日 · 当人屬

繼公謂:凡請與辭,自再以後皆謂之固。

某辭不得命,敢不從也。」

注曰: 賓辭也。不得命者,不得許己之

命。

謂「請醴賓,賓禮辭,許」者也。繼公謂:此皆擯者傳賓主之辭,即經所

「許」,原誤作「醉」,今據明本、通本、庫本、注疏本改。

0

六九

吉,使某也敢告。」納吉,曰:「吾子有貺命,某加諸卜,占曰

注曰:貺命,謂許以女名也。某,壻父

對曰:「某之子不教,唯恐弗堪,子有吉,我

也。

與在,某不敢辭。」與音預。

賓主之辭也。賓致命亦宜曰:「某敢納取婦嫁女之家,吉凶共之。此亦擯者傳之」之「與」。與在,謂己亦在吉中也。弗堪,謂不能盡婦道也。與,如「與聞弗堪,謂不能盡婦道也。與,如「與聞

先人之禮,儷皮束帛,使某也請納徵。」致納徵,曰:「吾子有嘉命」,貺室某也。 某有

命,曰:「某敢納徵。」

徵」,是升堂致命辭也。 致命曰「某敢納是門外鄉擯者辭也。致命曰「某敢納疏曰:「吾子有嘉命」以下至「請納徵」,

後,蓋因而遂記之耳。其次則見於納故顯之。致命之辭宜在「敢不承命」之物,此乃言儷皮束帛者,以其盛於他禮,繼公謂:納采之屬,使者皆不言行禮之

對曰:「吾子順先典,脫某重禮,某不敢辭采。

敢不承命?」

請期,曰:「吾子有賜命,某既申受命矣。也。主人於堂,亦惟拜命而已,無辭。也。主人於堂,亦惟拜命而已,無辭。先典,即彼所謂先人之禮也。納徵於六

從曾祖之親也。從父之親,齊衰、大功也。族有親者之稱三族,謂從父、從祖、命,今亦宜然,言此者,欲女家以日告之繼公謂:既申受命,謂曏者重受女家之繼公謂:既申受命,謂曏者重受女家之權之。疾有親者之稱三族,謂卒有死喪。

耳。有凶服則廢嘉禮,故欲及今之吉恕麻也。喪服不止於此,但舉三者言之也。從祖之親,小功也。從曾祖之親,

對曰:「某既前受命矣,唯命是聽。」也。或曰三族謂父、母、妻之族。

注曰:前受命者,申前事也。

繼公謂: 言前此皆受壻家之命,今則亦

惟命是聽也。

曰:「某命某聽命于吾子。」

注曰: 曰某,壻父名也。

命,吾子不許,某敢不告期! 曰某日。」對曰:「某固唯命是聽。其曰:「某使某受

賓,許告期。」云許告期,則是在門外之者所傳者也。經云:「請期用鴈,主人辭曰某日,堂上致命之辭也。其上則皆擯

對曰:「某敢不敬須!」,時,但許告之而未告也。

凡使者歸,反命曰:「某既得將事矣,敢以此乃主人堂上受命時語也。須,待也。

禮告。」

者,以其辭各異,故不備載之,省文爾。使者既釋此辭,乃以禮告。《記》不見之禮,即女家所受納采、問名之類是也。

主人曰:●「聞命矣。」

命,謂使者之言也。

主曰:子,肾也。谯之典父醮子。

注曰:子,壻也。醮之禮,如冠醮與?

其異者,於寢爾。

不禮者,變於遣女之禮。繼公謂:醮之者,重昏禮也,亦母薦焉。

相、息亮反。命之曰:「往迎爾相、承我宗事。迎、魚敬反。

● 「主」,原誤作「三」,今據庫本、注疏本改。

七

注曰:相,助也。宗事,宗庿之事。

繼公謂:相謂内助,宗事未詳。

注曰:勖,勉也。若,猶女也。「勖帥以敬,先妣之嗣,若則有常。」勵,許玉反。

繼公謂:此言夫婦之間不可不敬,然夫

續我先妣之事矣。既又戒之,使常敬先之也。彼能敬,則盡婦道,而可以嗣倡則婦從,故汝當勉帥之以敬,謂以身

子曰:「諾,唯恐弗堪,不敢忘命。」

也。

父命之,亦當在筵前北面之時。

恭之辭。子既對,乃拜受鱓。 堪,任也。唯恐不任帥以敬之事,蓋謙

須。」昏,使某將,請承命。」對曰:「某固敬具以昏,使某將,請承命。」對曰:「某固敬具以賓至,擯者請,對曰:「吾子命某,以兹初

也。將,行也。使某行昏禮來迎。注曰"賓,壻也。命某,壻父名。兹,此

送女,命之曰:「戒之敬之,夙夜毋違家之命亦可也。將,未詳。期日自壻家出,而婦家許之,雖以爲婦期、不敢自專,若受命於婦家然也。然繼公謂:壻家告期,而賓乃云吾子命之繼

命。」 父送女,命之曰:「戒之敬之,夙夜毋違

事。」於,其鳩反。帨,舒锐反。 母施衿結帨,曰:「勉之敬之,夙夜無違宫母施衿結帨,曰:「勉之敬之,夙夜無違宫此終而言耳。命,謂舅姑與夫之命。此即正衣若笄時之語也。夙夜,舉一日

帨,佩巾。衿,未詳。 也。婦人無外事,故惟以是戒之。 之命也。婦人無外事,故惟以是戒之。 之命也。婦人無外事,故惟以是戒之。無 之命也。婦人無外事,故惟以是戒之。無 之命也。婦人無外事,故惟以是戒之。無

<sup>● 「</sup>識」,原誤作「職」,今據明本、通本、庫本改。

曰:「敬恭聽,宗爾父母之言。夙夜無愆,庶母及門内,施鞶,申之以父母之命,命之

視諸衿鞶。」鞶,步干反。

整革女鞶絲。宗,尊也。愆,過也。諸, 望可:庶母,父之妾也。鞶,鞶囊也。男

之也。 也。 不 欲其識己之語,云鞶足矣,乃及於衿者, 父母之戒 與鞶耳。 儿 戒,惟舉尊者之言以重告之,使敬從之 之以父母之命命之,庶母 故送之及門内。 繼公謂:門內,庿門內也。 而言也。 敢專以己之所施者爲言,亦敬也。 而言也,言若欲夙 曰「敬恭聽宗爾父母之言」,指此 蓋視此,則或能識己之語,而 「夙夜 固 自不能忘,而 無 施 您,視諸衿鞶」,指異 鞶 夜 與施 無 可 愆,但當視衿 賤,不敢 庶母位在 衿意 以 無 同 愆 有 也。 下, 時 所 申

宗子無父,母命之。親皆没,己躬命之。 尊,不統於族人也。 命之。雖有諸父諸兄不稱之者,宗子 繼公謂:宗子,大宗子也。親皆没,己自 代其父爲宗子,其取也,父命之。 言宗子無父,是有有父者。 注 而傳,八十齊喪之事不及。若是者,子 命之,則「宋公使公孫壽來納幣」是也。 紀裂繻來逆女」是也。 曰:命之,命使者。 此見無 母命之,在《春秋》 躬,猶親 父 禮,七十老 而 母 也。 命使 親

支子,則稱其宗。

矣。

者之禮,則是父没而

母存,亦不可親

迎

與親兄者而言。宗,亦大宗子也。稱其支子,謂宗子之族人也。此指其無父母

集説

此支子與《喪服》傳所云者不同。非宗子自命之矣,下文弟稱其兄亦然。宗子命使者,宗子尊也。言稱其宗,則

弟,稱其兄。

尚親也。有兄則不稱宗子者,宗子,猶稱之也。有兄則不稱宗子者,弟,謂凡無父母而有親兄者也。兄雖非

下並同。觀音狄。以得爲外昏姻,請觀。」迎,魚敬反。見,賢遍反,若不親迎,則婦人三月然後壻見,曰:「某

迎壻 承命 《記》曰父醮子而命之迎、《昏義》 壻見,見於婦之父 若無父,則子無所承命,故其禮不 不親 亦見婦之父母矣。若不親迎,則壻須別 以 以 迎,謂使人迎之,此 人,母立于房外,壻奠鴈 迎」,是親 迎者必受父之命 也 親 指無 迎之時,主人 父者 耐 降,是 ·可行。 百子 也。 也。

> 通稱。覿者,卑見尊之辭。 得濯摡於祭祀」,然則此在廟見之後,祭家,亦以之爲節也。下文云「某之子未家,亦以之爲節也。下文云「某之子未以,然以此稱之行禮於婦別,故於此時爲之。必俟三月者,婦無見,故於此時爲之。必俟三月者,婦無

概,古代反。 「某之子未得濯概於祭祀,是以未敢見。 言此者,明己當往見也。主人,妻父也。 主人對曰:「某以得爲外昏姻之數,

也。 也。 辭 言此者,明己所以未往見也。 婦,故云然 先見 壻,此 也。 此非主婦之事,乃言某之子,亦謙 濯 摡 其意蓋以爲女未與祭,則未成爲 於祭 蓋 謙 祀, 辭。 謂祭祀則 濯 洗洗 也。 濯概 外 | 舅不 祭 器 拭 必

「今吾子辱,請吾子之就宫,某將走見。」

言此 者,不敢 當壻之先見 己 也。 辱, 謂

自 屈 辱 而 來。 宫,猶家也。

對曰 見。」 某 以 非他故,不足以辱命,請終賜

注曰 : 命,謂將走見之言。

繼公謂:前已言云得爲外昏姻故,此但

云 非 他故,不欲重言之耳。

對 日 「某 得 以 爲外昏姻之故,不敢固

敢不從。」

客,所以不 此所謂禮辭 敢 也。 古 辭 得爲昏 也。 **先辭** 姻,則異 其 見 而 於賓 後 不

辭其贄,亦異 於賓客。 此賓主之辭 皆擯

又 此云「之故」,上云「之數」,疑有一誤。

者

傳之。

「得

以」宜從上文作「以

得」。

主 出門左,西面。 壻人門,東面,奠贄

再 出

注 出門,出内門。入門,入大門。 出

> 寢。 内 門不 贅 出 者, 壻有 大門者,異於賓客也。 子道,不敢授也。贄, 壻見於

雉也

北 禮》私觀、私面必北 也。 贄而 壻於主人,長幼不敵,如降等者然,故奠 矣。 繼 人門,亦入門左也,設似脱一「左」字。 公謂 面奠之是其例乎? 東面 不授。恐主人先拜,故不敢入庭 此異於見賓客之位,蓋親之也。 主人 奠贄,象其 出 門左, 面 東 授幣。 此賓主服玄端。 面訝 西 面 其始也,或 授也。 則 近 於  $\sim$ 聘 深 門

擯者以贄出,請受。

東 受,謂主人欲親受之也。 日 面 「某也使某請受。」 取贄 以出,西面于 門東。 壻既 其辭 擯 蓋 者

壻禮辭. , 許, 受贄, 人。

壻東 面辭,既許則進,訝受其贄,人立于

寢 門 外之右,東面 「,鄉 主人 也。

主人 再拜受。壻再拜送,出

主人拜于位,進,訝受于門中,皆 西 面

壻復位,東面 拜送。

見主婦,主婦闔扉,立于其内。 扉音非。

上似脱一「東」字。 之,則謂之門,單言之,則謂之扉。 主婦,主人之妻也。 闔東扉立于其内,示 扉,門、 扇也。 「扉」

請 内外之限也。不言 入告,主婦乃位于此,然後壻人。 西 面 可可 知。 擯者出 必

此 時 亦纚、笄、宵衣

出乃入者,禮更端,不敢

由

便

也。

主婦

壻 立 于門外, 東 面。 主 婦 拜,壻答 拜。

主 婦 又拜,壻出

主人 主 婦 與 壻行禮 乃 俠拜者,重 元始見: 也

請 醴 及揖 讓 入,醴以 獻之禮。 主

婦

薦。

奠酬

,無幣。

及音乃

辱也。 其或 於薦 許。 賓 饗婦之禮 讓 門與寢 示夫婦共此禮也。 主人送于門外,因請醴之。 「及」,當作「乃」,字之誤 升。 東也。 用幣,有爲爲之耳。 獻之爲也。 主人乃與之揖而入也。 門也。 《記》大略言之耳。 醴之而 而無俎,其他 必云無幣者,嫌其如 入寢門 一獻,親之也。 士之飲 奠酬,壻奠主婦酬 則三揖 異者 也。 賓,不 此禮 醴之,亦謝其 ,則以意 壻 人,謂入大 至于階,三 於 略 必 亦禮 主婦薦, 壻 如 士 用 之出 (舅姑 冠 觶

之。

壻出,主人送,再拜。

壻奠酬 即出 。送,謂送於外門外。

儀 禮 集説卷二

酬以束帛。

辟,不當用錦。宜從古文皆作「帛」。 不用帛者,辟主國君之幣也。此無所 「帛」。繼公案:《聘禮》使介行禮用錦, 鄭本作「東錦」,注曰:古文「錦」皆爲

外昏姻之故。

文。 鄭本無「外」字,注曰:古文曰「外昏姻」。 繼公案:上云外昏姻,此不宜異,當從古

-50

腊一純。

當作「純」明矣。今以或本爲正,改「肫」 牢饋食禮》云「腊一純者二」,然則此亦 鄭本「純」作「肫」,注曰:「肫」或作「純」。 則是當時或本有作「肫」者也。案:《少

# 儀禮集説卷三

爲其難

生得

也。

冬言雉,夏言腒,文互

土

贄

用

雉

其義

未

聞。

必

用

死

元 敖 繼

撰

# 士相見禮第三

注曰: 相見於五禮屬賓禮。

公謂 此篇主言士相見之禮,其 他 禮

則亦因而及之也。

之。腒,其居反。奉,芳勇反 士相見之禮。贄、冬用雉、夏用腒、左頭奉

注曰: 贄,所執以至者,君 子見於所 尊

敬,必執贄以將其厚意

也。

夏用腒,備

腐臭也。

繼公謂:贄者,所依以相見者也,故先言

也。 知。 者,頭宜鄉内也。 屢然與? 左頭奉之,亦但言其執之之 蓋 法如是,其實此 嫌其爲他 見耳。乾禽謂之腒,猶乾獸 春則先從冬,後從夏,秋則反之,亦若 此乾雉乃泛言,腒者與雉互見,不 物 也。 惟見冬夏而 時賓未 不言服者,亦玄端 執也。 不言春秋, 而謂之腊 必 左 頭 可

見。」見,並賢遍反,下不出者皆同 曰:「某也願見,無 由達,某子以命命某

以命者,稱述主人之意。 注曰:無由達,言久無 因緣以 自達也。

命也。 某,所因 繼公謂:此答擯者請事之辭也。某子之 言某子以主人之命,命某見,乃 緣者之姓也。 以 命,以 主人之

敢見也,恭孫之辭。

主人對曰:「某子命某見,吾子有辱,請吾

子之就家也,某將走見。」

子有辱者,不敢當其先見己也。有辱,言某子命某見者,明己宜先往見也。吾

謂有所屈辱也。賓來見己是自屈辱。

走,言其不敢緩。

賓對曰:「某不足以辱命,請終賜見。」

主人對曰:「某不敢爲儀,固請吾子之就家命,謂請吾子就家之言。

爲儀,徒爲辭讓之儀也。再請之,故曰

也,某將走見。」

固。

賓對曰:「某不敢爲儀,固以請。」

請,請終賜見也。

聞吾子稱贄,敢辭贄。」 (主人對曰:「某也固辭,不得命,將走見。

注曰:不得命者,不得見許之命也。

舉也。

繼公謂:許其見,復辭其贄。賓客之禮

尚辭讓也。

賓對曰:「某不以贄不敢見。」

注曰:見於所尊敬而無贄,嫌太簡

也。故主人再辭,但以不足以習禮言繼公謂:賓言此者,謂始相見不可無贄

之。

主人對曰:「某不足以習禮,敢固辭。」

禮,謂授受往來之禮,蓋指用贄而言

賓對曰:「某也不依於贄不敢見,固以請。」

注曰:言依於贄,謙自卑也。

繼公謂:依於贄,言託之以爲重。

以上賓主之辭,皆擯者傳之,不言者,可

七九

知也,後放此。

拜送贄,出。門右。賓奉贄,入門左,主人再拜受,賓再門右。賓奉贄,入門左,主人再拜受,賓再出迎于門外,再拜,賓答再拜。主人揖,入

者,因問及之,非相見之正禮。 位在大門内,大夫、士之禮也。士惟 贊則東西訝授于門中。此賓主相見而 贊則東西訝授于門中。此賓主相見而 對則東西訝授于門中。此賓主相見而

拜。下「見」如字。主人請見,賓反見,退,主人送于門外,再

之,其於主人之堂與? 此禮未聞。請見於賓,答賓之見於己也。賓反見

右士相見

主人復見之以其贄,曰:「曏者吾子辱,使

某見,請還贄於將命者。」上「見」如字。

也。以其贄,謂曏時所執來者也。曏,注曰:復,報也。復見之者,禮尚往來

繼公謂:使某見,謂因其見己,而使得於囊也。將,猶傳也。傳命者,謂擯相者。

家見之也。云請還贄於將命者,不敢斥

主人對曰:「某也既得見矣,敢辭。」主人。

此云主人者,據前賓今在己家而言。 疏曰:上言主人者,據前爲主人而言。

繼公謂:贊,所依以見者也。既得見,則

賓對曰:「某也非敢求見,請還事畢矣,故辭其還贄。

贄于將

命

注曰: 言不敢求見,嫌褻主人。

曰:「某不敢以聞,固以請於將命者。」主人對曰:「某也既得見矣,敢固辭。」賓對

於將命者耳。請,謂請還之。謂不敢以還贄之辭聞於主人,特固以請

E人封目:「耒也固辞,下导命,效下從於將命者耳。請,謂請還之。

主人送于門外,再拜。 宣奉贄人,主人再拜受,賓再拜送贄,出。主人對曰:「某也固辭,不得命,敢不從。」

其所,如上可知。 亦復見之禮異於始見者與? 授受不著即自入,蓋急欲還贄,且尊主人也。是即自入,蓋急欲還贄,且尊主人也。是

#### 右復見

士見於大夫,終辭其贄。於其人也,一拜

4

其辱也。賓退,送,再拜。

也。士於大夫,降等者也,受贄而不答,繼公謂:終辭,謂主人三辭,則賓不復請

答

而受其贄,惟君於

臣

耳

注

日

終辭其贄,以將不親答也。

凡不

之禮皆然, 拜,喪禮 人一拜,而送乃再拜,則是 迎,人一 拜,則士或答再拜與? 辱,亦於大門内之東爲之。大夫云一 又疑於待舊臣,是以終辭之也。 則疑於君,答之則 也 拜,又不出送,亦以其降等也。 古 不 可 疑 得 於敵,使人 而 大夫於士,不出 殺 也。 凡 拜 送 還 而送者 之則 而 拜其

## 右士見於大夫

得命,不敢固辭。」若嘗爲臣者,則禮辭其贄,曰:「某也辭,不

而聽其以贄入,有臣道也。 注曰:禮辭,一辭其贄而許也。将不答

繼公謂 獨 公臣者也。 始相見者爲然。 :當爲臣者,謂 然則士 禮 大夫以 辭之者,異於見爲 曏 爲 | 贄相| 其 家 見,亦不 臣,今爲

臣者也,見爲臣則不辭之。

賓人,奠贄,再拜,主人答壹拜。

注曰:奠贄,尊卑異,不親授也。

東面也。答一拜者,主人尊也。言主人繼公謂:人,亦人門左也。奠贄再拜,亦

答拜,是不拜其辱矣。

賓出,使擯者還其贄于門外,曰:「某也使

某還贄。」

注曰:還其贄者,辟正君也。

繼公謂: 賓退而主人不拜送,亦異於不

爲臣者也。以其不見爲臣,故當還贄。

某也,大夫名。

賓對曰:「某也既得見矣,敢辭。」

亦辭其還贄。

擯者對曰:「某也命某,某非敢爲儀也,敢

命某,謂命某還贊也。非敢爲儀,言必

以

請。

自爲之辭,亦以主人尊也。 還贄而擯者

賓對曰:「某也,夫子之賤私,不足以踐禮,

敢固辭。」

私,謂私屬。《春秋傳》曰:「邾、滕,人之耳巨竇」

還贄而言。踐,行也。

私也。」禮,

與

上文習禮之禮同

意,亦指

擯者對曰:「某也使某,不敢爲儀也,固以

請。」

賓對曰:「某固辭,不得命,敢不從。」再拜使,猶命也。

受。

再拜者,象受於主人也,亦訝受之。

右士嘗爲大夫臣者見於大夫

如執雉。見如字,下「相見」並同。下大夫相見,以鴈,飾之以布,維之以索,

注 日 飾之以 布, 謂 裁縫 衣其身也

謂 繋聯 其足。

疏曰: 如執雉,亦左頭奉之。

繼公謂:下大夫贄用鴈,其義未聞。 云

羔、鴈者以繢,則此布其 績 者 與? 維

飾之以

布,

則

非 白

布

也。

曲

禮

E

飾

朝

服

之,謂繫聯其足、翼也。

上大夫相見,以羔,飾之以布, 四 維之, 結

于面,左頭,如麛執之。麝音迷。

之者、秋獻靡、有 足,交出背上,於胷前結之也。 注曰:上大夫,卿也。面,前也。 成禮,如之,蓋 謂 如麝 繋聨 左執 執 四

繼公謂:上大夫之贄以羔,其義未聞。

前足,右執後足。

如士相見之禮

注曰: 繼公謂: 大夫雖贄異,其儀猶 此 相見之禮、蓋兼復見者言之 如士。

> 也。 謂其得相見者僅止於是也。 不言之者,蒙士 上、下大夫 禮 亦 故 當 惟 有 見其 互 相 敵者 見 大夫相見 之 焉 禮 非 經

### 右大夫相見

始見于君,執贄,至下,容彌蹙。 恭,士、大夫一也。 注曰:蹙,猶促也。 促,恭慤貌也。 蹙,子六反。 其爲

也。 蹙,如踧踖 至下之爲 子貢觀之,曰「高、仰,驕也」。 秋傳》日邾子來朝,「執 奉者當心,提者當帶」,此執物高下之節 繼公謂:至下,謂當帶也。《曲禮》曰「凡 執贄當帶,見至尊者之禮 恭 屏 氣 也明矣。 之類。 彌,猶 玉 高,其 甚 然則 也。 容 也。 仰 執 ^ 督

庶人見於君,不爲容,進退走。

不爲容,則又甚於彌蹙者矣。進退走,

亦見其不爲容也。

士、大夫則奠贄,再拜稽首。君答壹拜。稽

音啟,下同。

於君者,其不用贄與?

右大夫、士、庶人見於君

敢辭。」再拜稽首,受。使某還贄。」賓對曰:「君不有其外臣,臣不使某還贄。」賓對曰:「君不有其外臣,臣不若他邦之人,則使擯者還其贄,曰:「寡君

臣也。此於己臣惟以還贄爲異,則是曏人,蓋通大夫、士而言。還其贄者,非己

之類。《春秋傳》「公會晉師于瓦」,晉大 受,亦若受於君前。 言外之也。不敢辭,尊君也。再拜稽首 其爲使、介,且幣又隆於贄故也。 夫執贄以見"非舊禮也。 國君者,如去國 覿,乃終不許其奠幣, 者亦奠贄矣。 主君 而 適 於聘使與上介之私 然他邦之人以 他國,若卿見 而必親受之者,重 不有, 贄見 朝 君

右他邦之人見於君

正方,不疑君。疑音擬。凡燕見于君,必辯君之南面。若不得,則

處邪鄉之。此謂特見圖事,非立賓主之不然,當正東面若正西面,不得疑君所注曰:君南面,則臣見正北面。君或時

燕也。疑,度之。

繼公謂:辯,猶視也。

下文放此。

八四

忠信。孝弟音悌。

君在堂,升見無方階,辯君所在。

注曰:升見,升堂見於君也。君近東,則

升東階。 君近西,則升西階。

之燕見未必專在堂。 此云君在堂,則上

# 右燕見于君

凡言,非對也,妥而後傳言。妥,他果反。

注曰:傳言,猶出言也。

也,謂安和其志氣乃言,不可忽遽也。繼公謂:凡言,謂凡與人言也。妥,安

《易大傳》曰「君子易其心而後語」,惟有

所對答,則或可忽遽言之。

父兄。與衆言,言慈祥。與居官者言,言老者言,言使弟子。與幼者言,言孝弟于與君言,言使臣。與大人言,言事君。與

之禮 事君 注 日 以忠也。祥,善也。居官,謂士以 也。 博 ·陳言 大人,卿 語之儀 大夫也。 也。 使臣 事 君 者,使 者, 臣 臣

下。

凡與大人言,始視面,中視抱,卒視面,毋於一端者,亦但舉其切要者以爲法與?繼公謂:此陳與人言之義,而言則各主

改,終皆若是。

中視抱,容其思之且爲敬也。卒視面,注曰:始視面,謂觀其顏色可傳言未也。

察其納己言否也。

云,亦不可以久故而或改之也。是,謂與言之時,自初至終皆當如上所不可變亂其三視先後之序也。終皆若不可變亂其三視先後之序也。終皆若繼公謂:大人,亦謂卿大夫也。毋改,謂

掌反。下,户嫁反。若父,則遊目,毋上於面,毋下於帶。上,時

八五

帶,視抱時 乃著之者,嫌遊目則或不然也。 目 此 耳。 謂與父言之時也。 毋上於面,視 也。 此 與 視大人者 其異於大人者, 面 時 也。 無以異, 毋 下 遊目而 於 遊

視足、視膝,異於言時,且益恭也。若不言,立則視足,坐則視膝。

不上於面,孝且敬也。

# 右言視之法

凡侍坐於君子,君子欠伸,問日之蚤晏,以 食具告。 久也。 志 注 請 者,蓋欲 繼公謂:以食具告,謂以所食之具告從 退,而 倦則欠,體倦 曰: 君子,謂卿大夫及 改居,謂自變動 改居,則請退可也。 食也。 此乃得 卑幼之於尊長,請見不 請 則 伸 退者,緣 也 問 日 國中賢 蚤音早。 君子意 蚤 晏,近 者 也。 也 於

> 夜侍坐,問夜,膳葷,請退 注 疏 葷,辛物,葱薤之屬,食之以 可者,許之之辭,明其異於常禮 日 曰 注云時數者,謂若鐘皷漏刻之數 問 夜,問 其 時 數 可也。 也。 山旭 膳,謂 葷,香云反。 食之。

# 右侍坐於君子

若君賜之食,則君祭先飯,徧嘗膳,

飲

而

俟,君命之食,然後

食。

飯,扶晚反

繼 不正嘗食,故注云示爲君嘗食。 侍食者自嘗自己前食,既不嘗君 火齊不得,下文是也。 疏 庶羞,既嘗庶羞則飲,俟君之徧嘗也 爲君嘗食也。 注曰: 君祭先飯,謂君祭食,臣先飯,示 公謂: 賓主共食,則賓當祭。 日 凡君將食,必有膳宰嘗君之食,備 此謂君與之禮食。 此 膳宰不 此 食,則 在,則 膳 君 臣 謂

八六

君命之食,然後食,則臣食或先於君 既 共食,君祭 不祭,又先飯 而 臣 而嘗膳,所以 否 所 以别 尊卑也。 明 臣 禮 矣。 也 臣

若有將食者,則俟君之食,然後食。

君若不命之,則亦俟君之食乃食與?

食,王乃食。」 食 注 ,則臣不嘗食。 日 將食,猶進 《周禮·膳夫》:「品嘗 食,謂膳宰也。 膳宰進

以 繼公謂:君食然後食,臣侍君食之正禮 其不嘗膳,故君不必命之。

户嫁反。 若君賜之爵,則下席,再拜稽首,受爵,升 席祭,卒爵而俟,君卒爵,然後授虚爵。下,

興 爵 降 賜之爵,使人授之於其席也。 ,授人爵 ,君答再拜,乃升席,坐祭酒 席者,降 也。 m 當席 臣先卒爵,亦先飯嘗膳 末 也。 既 拜, 下,降 ,既卒爵 興,受 也。

> 之意。 於燕之無算爵者,禮貴相變也。 於君矣。 君卒爵 。此受爵、卒爵,授爵之節 而 授虚爵,則是授爵 皆 凡 亦 升 異 先

退,坐取屨,隱辟 席、降席皆由 下。 而後 層。 辟,匹

]亦反。

跪而舉之也。 繼公謂:是時 注 就屨跪 曰:謂君若食之飲之而 而舉之,屏於側」,此 屨在 隱 辟 西階下。《曲 即 屏 退也。 於側 坐 之時 取 禮 也 曰

君爲之興,則曰:「君無 君若降送之,則不敢顧辭,遂出。 屨,謂納 屨 爲 興, 臣

不

·敢辭。」

爲,並

于

僞

反。

之,其禮太崇,故益不敢當。 之亦當至門。 云不敢辭者,明己不敢與君爲 君於· 士尊卑懸 絶, 禮 乃降送 也。 送

八七

大夫則辭,退,下,比及門,三辭。下,戶嫁反。

即

比,必利反。

明矣。 辭。 也。 大夫起而退,則君興,下階,則君降, 則君送,於此 此著大夫,則上之不 大夫位 尊,不 三節皆辭之,故 嫌 與君 ·敢辭 爲 禮 者, 故 爲 得 日 及 士 辭

# 右士、大夫侍飲食於君

見之。見之,並如字。「先見」之「先」亦當音「走」。則曰:「某無以見,辭不得命,將走見。」先若先生、異爵者請見之,則辭。辭不得命,

注曰:異爵,謂卿大夫也。

以 也。 行之速也。 異 繼 公謂 見 一言其 辭 不得命, 辭 卿大夫之爵,於士爲踰等,故 者,謂其 非 先見之,先亦當作走,蓋既 敵 謂三 不可 以尊就卑,己不敢 辭而不見許 以 接 見之。 也。 走 無

> 傳言 亦當如見於大夫之禮明矣。 見於士,其禮同,則士之以贄見於先生, 先生、異 即 走而見之也 爵者之後。 ,此禮當· 又先 生、 在 異 以 爵 贄 者之 見

右先生、異爵者見於士

君之老」。使,贩吏反。非以君命使,則不稱寡。大夫士,則曰「富

注曰:謂擯贊者辭也君之老」。使,成吏反。

之同而誤也。未審是否。大夫、士之文宜易處,蓋傳寫者因寡字繼公謂:此文不可强通。或曰君之老與

右自稱於他邦之辭

儀耳。 注曰:不趨,主慎也。以進而凡執幣者,不趨,容彌蹙以爲儀。

益恭爲

威

八八八

以容彌蹙爲儀,故不趨也。惟著凡執幣凡者,通尊卑言之。行而張足曰趨。蓋繼公謂:執幣,謂以幣相見及爲使者也。

大失执資于10岁,其義乃與北司。者之儀如是,則執贄者或不然矣。 士、

大夫執贄于君前,其儀乃與此同。

執玉者則唯舒武,舉前曳踵。

迹也。舉前曳踵,備躔跆也。注曰:唯舒武者,重玉器,尤慎也。武,

舉前曳踵,見其舒武之法也。踵,足後行禮之時也。唯舒武,謂僅舒其武耳。繼公謂:執玉,謂朝君與聘使執圭璧以

狹可知,此又不止於不趨而已。也。足之前起,而後不離地,則步之促

右執幣玉之儀

邦則曰「市井之臣」,在野則曰「草茅之凡自稱於君、士、大夫則曰「下臣」,宅者在

丁子子。则为苏克。臣」,庶人則曰「刺草之臣」。 他國之人

則

曰「外臣」。刺,七亦反。

注曰:刺,猶剗除也

者,未仕而家居者也。他國之人,亦謂繼公謂: 士、大夫,謂見爲臣者也。宅

士、大夫。

右自稱於君

禮集說卷三

儀

正誤

終皆若是。

「終」。繼公謂:「衆」字無意義,宜作鄭本「終」作「衆」,注曰:今文「衆」作

與衆言、言慈祥。

「終」。

注爲據删之。 有「言忠信」三字而誤衍之也。今以彼無「忠信」字,今有之者,蓋後人因下文無「忠信」字,今有之者,蓋後人因下文

# 儀禮集説卷四

#### 鄉 飲酒禮第四

注曰:

此於五禮屬嘉禮

繼公謂

鄉飲

酒

者

,士與其同鄉之士大

夫會聚于鄉學而

飲酒之禮也

敖繼公

撰

'元

主人退,賓拜辱。

賓也,其辭卒曰「請子爲賓」。

此即拜送也。 拜迎、拜送皆言拜辱者,

也。 略者,亦以《士冠禮》宿賓之儀見之也, 蓋 儀 辱者,據彼言也。 而 兼 一義 也。 此經言戒賓之儀 迎送者,據己言

鄉

飲

酒之禮。主人就先生而謀賓、介。

將與其鄉

人飲

酒

乃於衆賓之中擇其最

賢者爲賓,其次者爲介。

謀,

謂 商

度其

下速賓放此,後篇同

孰優

也。

必就先生謀之者,不敢擅

自 口

否去取,且示有所尊也。

介亦如之。

注曰:如戒賓也。

禮辭,許。 主人戒賓,賓拜辱。 注曰:拜辱,拜其自屈辱至己門也 也。 繼公謂:主人戒賓,言主人爲戒賓 此拜辱即拜迎也。 主人再拜,賓答拜。 主人答拜,乃請賓,賓 請,謂致 以戒辭於 而 來

右謀賓介

九

### 右戒賓介

オ 刑 領

疏曰:《鄉射》云:「席賓,南面,東上,衆注曰:席衆賓於賓席之西。

賓之席繼而西。」

之閒明矣。此席亦東上。凡席,皆有司是觀之,則賓位在户西牖東,而當兩楹也。必不屬者,爲其升降皆由下也。以繼公謂:衆賓,衆賓長三人也。屬,連接

榮。水在洗東,篚在洗西,南肆。深,式鴆反。設洗于阼階東南,南北以堂深,東西當東

右設席器

羹定。

下以爲節。注曰:肉謂之羹。定猶孰也。著之者,

● 「斯」,原誤作「肆」,今據明本、通本、庫本改。

尊兩壺于房户閒,斯禁。

有玄酒,在

西。

設之。

九

疏曰:孰云定者,孰即定止故也。

案:注云「下以爲節」者,謂下事以此爲繼公謂:此時肉與湇同在鑊,故謂之羹。

節也,諸篇凡言羹定者皆然。

主人速賓,賓拜辱。主人答拜,還,賓拜

注曰:速,召也。還猶退。

辱。

速賓之儀與戒賓同,此經文又略也。賓繼公謂:召之而云速者,欲其來之速也。

不遂從之者,爲主人復當速介。

介亦如之。

· · · ·

注曰:如速賓也。

不言,故下云賓及衆賓皆從之。 疏曰:是日必當遺人戒速衆賓,但略而

繼公謂:衆賓亦戒速,而經惟言賓、介者、

亦以主人親爲之,其禮重,故特著之爾。

賓及衆賓皆從之。

繼公謂:主人既速介即先歸,介及衆賓注曰:言及衆賓,介亦在其中矣。

皆至于賓之門外,俟賓同往也。

右速賓介

主人一相迎于門外。再拜賓,賓答拜。拜

介,介答拜。相,息亮反。

注曰:相,擯贊傳命者。

繼公謂。亦相者入告,主人乃出迎之。

有司給事於飲射之禮者,變擯言相,見拜介亦再拜,文省耳。 一相,蓋學中之

人飲射必於學宫者,以其深廣,且有司其不獨爲擯者之事而已也。古者與鄉

揖衆賓。

及器用

皆備具故也。

了。 注曰:差卑也。拜介、揖衆賓,皆西南

画。

μŤ

九四

主人揖,先入。

楣,北

面答拜。

楣音眉

注曰:楣,前梁

也。

注曰:揖,揖賓也。

繼公謂:不言入門右,可知也,亦以賓入

門左見之。

賓厭介,人門左,介厭衆賓,人。衆賓皆人

門左、北上。厭、一涉反。

注曰: 賓之屬相厭,變於主人也。

推手

繼公謂:厭之使人,禮之也,下放此。

日

揖,引手曰厭。

《鄉射禮》曰:「東面北上。」

主人與賓三揖至于階,三讓,主人升,賓

升。

禮》曰:「主人升一等,賓升。」三揖,三讓,説皆見《士冠禮》。《鄉射

右迎賓

主人阼階上當楣,北面再拜。賓西階上當

賓對。

右拜至

繼公謂:此拜至也,説見《士昏禮》。

主人坐取爵于篚,降洗。

下文類此者,不悉見之。取爵蓋北面也。爲洗而降,故云降洗,

賓降。

注曰:從主人也。

繼公謂:賓降之位,見下文。

主人坐奠爵于階前,辭。

注曰: 重以己事煩賓也。

繼公謂:賓從降而主人辭,亦尚辭讓也,

雜,且爲敬也。西面坐奠爵,興,辭。下放此。奠爵乃辭者,事異則不宜相

注 曰: 賓主之辭 未 聞。

繼公謂:對時 亦 少進位,下文云「賓對復

疏曰:

上直云賓降,不言處所,於此見

注曰: 言復位者,明始降時位在

此。

之,是舉下以明上之義

位」是也。

主人坐取爵,興, 適洗,南 面 坐, 奠爵 于篚

下,盥洗。

繼公謂 南面坐于洗北,乃奠爵于篚南

洗之也。 不敢由便 凡洗者必 也 盥洗,既 盥,經不悉見之也。 盤 復坐取爵而將

盥、洗皆立。

賓進,東北面,辭 洗 ---

進者,少 南行也。 南於洗 西 乃 止 而 東北

面,鄉主人。 辭洗之意 與 辭 降 司 凡言

既 洗則何以 辭 爲

洗於辭洗之前,皆將洗

而

未洗者也。若

主人坐奠 爵 于 篚, 興,對。 賓復位,當 西

注曰: 篚下, 篚南。

主人坐取爵,沃洗者西 北 面。沃,烏毒反。

當西序,東西節也。

下文云賓降立于階

繼公謂:此奠爵于篚,爲將洗而致敬也。

西,當序。

沃洗,謂 面,宜鄉洗者也,既 以 枓 褲 水 前 則 沃 西 洗 面于水東。主 爵 者 也。 西北

其 人南面洗而西北 〔西南面沃之與? 沃洗者先亦沃盥。 面沃,此則北面洗者

卒洗、主人壹揖、壹讓、升。

升,亦主人先而賓從之。

賓拜洗,主人坐奠爵,遂拜,降盥

拜洗者,謝其爲己 洗 也。 必 盤 者,爲將

酌 不無坋汙也。《内則》曰:「凡男拜尚左 也 既 拜 而 盤,爲 拜時 以 右 掌據地

九五

手。一

賓降,主人辭,賓對,復位,當西序。

對時違其位,故云復,下主人對放此

卒盥,揖讓升,賓西階上疑立。疑,舊魚乞反

下並同

疏曰:不言一揖 一讓,從上可 知。

主人坐取爵,實之賓之席前,西北面 出獻賓。

注 曰:獻,進也。進酒於賓。

之類此者,則因而放之耳。 者,亦以將授賓而不宜背之也。 繼公謂:實者,實以酒,謂酌 也。 其 西 下 北 禮 面

賓西階上拜,主人少退。

注 曰:少退,少辟。

西階上,而主人乃少退,則是凡拜皆 繼公謂:主人西北 面於賓席前,賓 拜 有 於

相之者矣。

賓進受爵,以 復位。 主人阼階上拜送爵

賓少退。

注曰: 疏 曰 : 位,西階上位。 《鄉射》云:「賓進,受爵于席

設反。

薦脯

醢。

賓升席自西方,乃設折

俎

折,之

前

賓席亦東上,西方,下也

主人阼階東疑立。 賓坐,左執爵,祭脯 醢

立於阼階上之東者,事未至,宜辟拜

處

也。

奠爵于薦西,興,右手取肺, 坐,弗繚,右絕末 以祭,尚左手,嚌之。 卻 左手執 本

加于俎。 繚音了。

注曰: 繚猶 紾 也。 離肺,上爲本,下爲

末。

繼公謂: 執 本卻 左手,●則 絶末覆 右手

0

授口嚌之也。將嚌乃尚左手,則祭時不手,嚌之,謂舉其左手而右手在下,以末以爲祭也,此與振祭之意相類。尚左矣。絶末以祭者,絶其末不没之處,所

坐捝手,遂祭酒。脱,舒鋭反。然矣。加于俎,以右手。

有帨巾以拭也。 疏曰:《内則》事佩之中有帨,則賓客自

興,席末坐,啐酒。

席末,席西端也。無後事而啐酒者,欲

知其旨而告之也。

降席,坐奠爵,拜,告旨。執爵,興。主人

阼階上答拜。

注曰:降席,席西也。旨,美也。

繼公謂:拜乃告旨,謝其以旨酒飲己也。

於拜既也。既拜,則坐以告旨。降席即拜者,欲近於啐酒之處,且以别

賓西階上北面坐,卒爵,興,坐奠爵,遂拜,於拜既也。既拜,則坐以告旨。

執爵、興。主人阼階上答拜。

此拜受故也。 卒,盡也。必西階上卒爵者,以曏者於

右獻賓

賓降洗,主人降。

注曰:亦從賓也。降,立阼階東,西面。

賓坐奠爵,興,辭。

注曰:西階前也。

主人對。賓坐取爵,適洗南,北面

洗南北面,别於主人也。於賓之取爵

也,主人復位。

興,對。主人復阼階東,西面。主人阼階東,南面辭洗。賓坐奠爵于篚

九七

有有多言

已。此主人辭洗在賓盥之先,與他禮微南面辭洗猶不離阼階東,示違其位而

異,未詳。

賓東北面盥,坐取爵,卒洗,揖讓如初,升。

未詳,疑「東」衍文也。初,一揖一讓也。凡盥洗於洗南者,皆北面。此云東北,

如主人禮,謂如上文降盥以至坐取爵之主人拜洗,賓答拜,興,降盥,如主人禮。

儀,但面位異耳。

賓實爵主人之席前,東南面酢主人。主人

西階上拜送爵,薦脯醢。主人升席自北

阼階

E

拜,賓少退,主人進受爵,復位

賓

方,設折俎,祭如賓禮。

注曰: 酢,報也。祭者,祭薦俎及酒,亦

嚌啐。

上。 繼公謂:北方,席下也。主人、介席皆南

不告旨。

流司:云不告言,明如

繼公謂:酒,主人之物也。其不告旨,不疏曰:云不告旨,明亦啐也。

也。主人不告旨乃亦啐酒者,若欲知其言可知。乃必言之者,宜别於如賓禮

美惡以拜崇酒然。

爵,遂拜,執爵興。賓西階上答拜。自席前適 阼階上北面,坐卒爵,興,坐奠

自席前者,啐酒席末,故從北方降也。

從北方降,正也。

主人坐奠爵于序端, 作階上北面再拜崇

酒。賓西階上答拜。

奠爵 則 所 嫌 而 拜,則 若 于序端,拜崇酒之禮 禮 畢 嫌 丽 若 更端,故 拜 既 爵 奠于 以 然也。 奠 篚 於 此 而 奠於 爲 後 其 節 拜

而飲之,既也故拜謝之。卒爵乃拜者,云。崇,重也,謂賓崇重己酒,不嫌其薄

九八

#### 若 目 己飲之乃審知其薄

# 右賓酢主人

主人 /坐取 觶于篚,降洗。 賓降,主 一人辭 降。

賓不辭洗,立當西序,東面 注曰:不辭洗者,以其將自飲。

者,如上禮 繼公謂: 主人辭,不言奠觶,又不言賓對 可 知。 自飲乃洗者,亦象賓

之飲己也

興。 興,坐奠 觶,酬賓,阼 卒洗,揖讓升。 賓 西 介觶,遂 階 階上 E 2拜,執 答 賓 北 拜。 西 面 觶 階 坐祭,遂 坐奠鱓,遂拜 興。 上疑 賓 立。 西 飲,卒觶 階上答 主人實 執執 觶

注 日 ë 酬 勸 酒 也 拜。

受之於人者同 繼公謂 此象賓之飲己,故其拜 亦 皆與

> 主 人降洗,賓降辭,如獻禮,升,不拜洗。

注 日 不拜洗,殺於獻

賓 (西階 繼公謂 Ŀ 立,主 如獻禮,如其降後升前之儀 人實鱓賓之席前 北 面, 賓

西 階 上 拜,主人 少退,卒拜,進,坐奠鱓 于

薦 西。

席前 同。 酬尸與賓皆授觶 之,重勞賓 未即舉者,主人皆奠之而不授,其意 于薦西者, 《燕》與《大射》及《少牢》下篇,主人 北 面, 變於 也。 主人 凡 以 ,與士禮異。 獻 酬 此 以 酒 觶 其 有 不 不授 卒不舉者, 舉,不敢 也。 親 奠 有 則 授 觶

賓辭,坐取鱓,復位

之。 辭,辭 辭 然奠而 及取鱓皆當東面。 辭 其奠 之而 不授 小,亦 觶 不獲 也。 不 命, 能 奠 乃 復位,待主人拜。 無 輝, 坐 降 酬 等 取 之正 觶 之嫌,故辭 示受也。 禮 也

復位

主

作階

上拜送,賓北面坐奠觶于薦東,

北 各從其便也。 爲禮也。 物,必取而遷之,以示其不敢當之意,且 面奠 解, 堂上則左之,堂下則右之,亦 由 便。 凡賓於 主人所奠之

# 右主人酬賓

主人揖,降。 東。 上也。賓降之位,其南北之節,皆於階 主人將與介、與衆賓爲禮,故不敢居堂 主人將降 西,至此始見之也。主人降,西面 賓降,立于階西,當序,東面 而揖,所以 禮 賓。 賓降者,以 門

辭降,介辭洗,如賓禮

降之位在賓南。 者,賓降至壹揖壹讓升之儀也。 禮又與之相接,故 爵,即曏之所奠者也。 乃用其 介統於賓, 一爵焉。 此時介 賓 面 禮 其

升,不拜洗。

介西階上立。 注曰:不言疑者,省文。

位。 主人實爵介之席前,西南 上北面拜,主人少退。介進,北面受爵,復 面 一獻介。 介西 階

受。主人獻賓,賓其東面受與? 爵,以是推之,則賓酢主人,主人 主人西南面獻介, 而介乃 北 面 亦 正方受 北 面

主人獻介,乃拜於其右者,以其尊降於

主人介右,北面拜送爵,介少退。

主人坐取爵于東序端,降洗。

介降,主人

介入門左,止於其位,至是乃進。

主人以介揖讓升,拜如賓禮。

00

賓也。 凡堂 上之獻 酢 皆 分 階 而 拜者,

賓、主二人而已。 其餘則否。

主人立于西階東。

此稍違其拜處,與既 獻賓而立于阼階東

之意同。 西階上非 其正位,故即辟之。

薦 脯 醢

南上,則此薦當 下云介升席自北方,是介席南上也。席 脯 在 北方,與《少牢》下

篇設侑之豆同矣。

介升席自北方,設折俎。祭如賓禮,不嚌

肺,不啐酒,不告旨。 ----

矣,乃著之者,詳言之也。 凡所不者,下賓。不啐酒 ¨; 則 凡 經 必 文有詳 不 告旨

自 南方降席,北 言者,有略言者,其例不一。 面坐,卒爵,興,坐奠爵,遂

降席,適 西 階上 也。 自南方降者,介尊, 拜,執爵興。

主人

介右答拜。

於禮 席自北方」,以其卑於介也。 人介右答拜, 輕者, 或 復西就之,《有 得 由 便也, È 人 可》曰「侑降 亦

主

右獻 介

介降洗,主人復阼階,降辭如初。

注曰:如賓酢之時

也。 繼公謂:洗,爲主人 初,謂賓酢之時。 、將自 主人降以下至坐 酢

也。

復,反

卒洗,主人盥

取爵,卒洗之禮也。

注曰: 盤者,當爲 介酌

繼公謂:主人自飲而盥者,達介意也。

介揖讓升,授主人爵于兩楹之間

之,主人既盥,乃揖而行也。 上。於主人之盥 以後篇大夫禮例之,「介」字宜在 也,介立於洗 介授主人 南以俟 「授」字

儀 禮 集 説

意 爵 爲殺,故 餘則或所獻者自酢焉。此介雖尊,視賓 也。 者,不敢 凡受獻 其酢禮如此。 酢 也。 而 親 主人受之者,亦達 酢者,一人 然其初乃得爲主 而已,其 介

人洗爵,亦其異者也。

再拜,崇酒。介答拜。 右坐奠爵,遂拜,執爵,興。介答拜。 坐祭,遂飲,卒爵,興,坐奠爵,遂拜,執爵, 介西階上立。主人實爵,酢于西階上,介 介答拜。主人坐奠爵于西楹南,介右 主人

崇酒亦至是乃爲之者,因賓禮也。 也,其意則與曏之奠于序端者同 主人拜於西階而奠爵于西 楹南,以 其 拜 近

# 右主人自酢

主人復 西南 面三拜衆賓,衆賓皆答壹拜。 作階 ,揖降,介 降 立于賓 南。 主 人

> 注 日。三拜,示 徧 也

拜。 皆答壹拜,亦答旅拜之法也。此禮,大 之意相類。三拜者,旅拜之法也。衆賓 少南行,近於門東,乃西南 繼公謂: 拜衆賓,爲將獻之, 是時衆賓皆在門内之西,主人 與賓 面,鄉之而 升而 拜至

爵,于西階上獻衆賓。 主人揖升,坐取爵 夫、士同之。 于 西楹 衆賓之長升,拜受

下,降

洗,

升

實

者三人。長,知丈反。

主人 其拜者亦北 次升受之。 西階上獻衆賓,總言之也。 于一字衍 蓋 執爵 不獻 西南 画。 長,其年之差尊者。後 面 于 于 席前,辟尊者禮 西階 L 此 ,衆賓則以 獻 之儀, 也。

主人拜送

注曰:於衆賓右。

坐祭,立飲,不 拜既爵。 授主人爵,降 復

位。

既,卒 堂下之位,介之南也。 人揖升之時,衆賓其皆進與? 飲。《記》曰:「立卒爵者不拜既爵。」位 勞主人之答己也。 而 不拜既爵,差卑也,自别於尊者,且 也。 不 拜 既 爵, 不拜既爵,故但立 卒爵 於此云復, 不 拜 也。 則主 重 獻

衆賓獻,則不拜受爵,坐祭,立飲。

反。

自第四以下又不拜受爵,愈自别於尊者

-- \$ ·

也。

每 一人獻,則薦諸其席。

疏曰: **注** 日 謂三人也。 席謂席前。

繼 公謂 此薦之節 當 在 坐 祭立飲之後

飲乃薦,遠下賓、介也。不言不祭者,可 與《特牲 饋食》之衆賓同。 無 俎 矣,又既

> 知 也。

衆賓辯有 注曰: 每 脯 獻 醢。 薦於其位,位在 辯音遍

下。

今文辯

繼公謂: 衆賓,三人之外者也。 衆賓長

皆作

徧

升,介厭衆賓升,衆賓序 主人以爵降,奠于篚。 以下,其堂下之位,繼賓介之位 揖讓升。 升,即 席。 而 賓 南 厭, 厭 介 涉

介厭 升也 揖 以次序而升耳。 讓 衆 升者,謂 賓 賓 升亦然。 厭 介升 主人獨 即席,立于席上 者, 與實一 一賓長 賓 既 厭 則 揖一 介 不 相 乃 讓 厭,但 升 圃 也 先

右獻 衆賓

人洗,升,舉觶于賓。

亦相者使之也。 獻禮 既備 即 舉 觶 爲旅

者。 膕 始,示留賓之意 既洗乃升, 則 用 也 下 篚 之觶 人, 主人 也 之 此 舉 誊

觶者,代主人行禮耳。《中庸》曰:「旅酬

下爲上,所以逮賤也。」舉觶猶揚觶。

拜,執觶興,賓答拜。 末答拜。坐祭,遂飲,卒觶興,坐奠觶,遂實觶,西階上坐奠觶,遂拜,執觶,興,賓席

之禮同。 席答之者, 舉 觶者自飲,洗且拜, 賓席 以 其 末 鼷 拜 示示 也。 違其 其 下二人舉 意 位 與主人 也 觶 梱 不 降 放 賓

降洗,升實觶,立于西階上,賓拜。

此。

舉觶者

拜

亦當

楣

注曰: 賓拜,將受鱓。

繼公謂:立者,俟賓拜。

進 ,坐奠觶于薦 之意亦略與 奠觶者,亦以 上同。 賓未 西。 即飲 賓辭,坐受以 此 實取 故 也。 之而 賓 興 經 辭 굸 奠 受 觶

> 矣。 者 則又指其 原賓意 凡 此 時 事 也。 耳。 之 在 然經 云坐受,是寳 席 者, 於此 皆 無 類 事 亦 已拜即 或言 則 興 取 興 經

文略也。

舉觶者西階 故 於薦 西 别於不舉者也。主人酬 下 ,賓取而奠于薦東,其鱓卒不復舉 處 經 云賓 也 西 爲 必 少 坐 上 拜送,賓坐,奠觶于其 南 奠于其所者,降於主人,且 取 俎 ,乃云其所 西之觶 即即 賓,奠觶于 者 此 明 觶 其近 也。 所 薦 於 其

舉觶者降。

右一人舉觶于賓

注曰:側邊曰廉。

也 公謂: 《鄉 射》云「席 此云 設 席 工于 F 堂 西 廉,言其 階上, 少東」, 南 北 節

言其東西節也,文互見耳。席東上而下

者,當西階上少東。

擔之。 瑟者 子相 越,瑟下孔,所以發越其聲也。 者。後首者,變於君也。 注 相,扶工也,衆賓之少者 曰 《鄉射禮》曰「弟子相工如初 工使視瞭者,工,瞽矇也,故有扶之 則爲之持瑟。 二瑟,二人鼓瑟,則二人歌 其相 歌 挎,持也。 爲 者,徒 之, 内 每工 人」,天 弦, 相 也 也 側 相

禮 言 疏 繼公謂:瑟先歌後,行時以後爲尊,亦工 》相對 也。 EI: 相歌者亦二人,以空手無 注 「、《燕禮》面鼓,此後首 云變於君者 鄉 飲 ,是相變。 酒 事 》與《燕 T,故不

> 挎,以 鄉 以 當 乃有工有笙者,蓋亦公家之樂官給學中 禮之異者也。 身 Ē 以 也。 擘承 右 指鈎之也。 手也。 右手 下廉 在肩 而三指挎 相者,便也。 後首,瑟之首在 後越去瑟 日 何。 越 也 左 廉 士之飲 何 差 内 瑟,爲相 近,故 後 弦 弦 也

注曰:正,長也。樂正,於天子樂師樂正先升,立于西階東。

飲

射之事者與?

凡樂掌其序事

,樂成則告備

師 升,立于工席之西」,亦與此文互見也。 者之重 繼 案:注云「樂正、於天子樂師也」,天子樂 明其不與工序也。《鄉 師 以 公謂 惟當用上士、下士,然則此使之給事 下大夫、上士、下士爲之,諸侯之樂 樂正 禮 也。 當從工,乃先升 此先升而 射禮》云「樂正先 立于 者 西階東,亦 ,變於尊

下士 與?

遂授瑟,乃降。相,息亮反。 工人,升自西階。 北 面 坐。 相者東 面坐,

注 曰:降立于西方。

疏 曰:《鄉射》云「樂正適西方,命弟子贊

工遷樂」,故知立于西方。

繼公謂:相者東面坐,於其席前之西也

授瑟,以瑟首鄉東授之。

工歌《鹿鳴》、《四牡》、《皇皇者華》。 《文王》、《大明》、《緜》,兩君相見之樂 一者、《小雅》之首篇也。《春秋傳》曰: 華音花。

相飲得歌《小雅》,差之宜也。 也。」兩君相見,得歌《大雅》,則士、大夫 此凡 所歌

者樂賓耳。 者,皆不取其《詩》之義,但以其所 不言瑟者,瑟依歌,其 得用 司 可

詠。」禮又有頌磬、頌 知。 《書》 日 :「夏擊鳴 鐘,頌猶 球,搏 拊 歌 琴瑟 也。 然 以

> 不言者,主於歌也,下放此 則工歌之時,亦 奏堂下之樂 以 應之矣,

受爵。主人阼階上拜送爵。 卒歌,主人獻工。 工左瑟,一人拜,不興,

注曰: 左瑟,便其右,且辟主人授爵也。 一人,工之長也,賤,故不爲之洗

乃歌者 也。 獨拜 也。 亦有贊告之者。 不得拜於其 瑟者事未至,乃爲之變者,節也。 繼公謂:左瑟,置其瑟於左,爲受爵變 主人亦坐授之。主人先獻歌者,其 于阼階 瑟宜前育,故左之。一人,工之長, 也。 行右也。 上 不興受爵,瞽者不能 者,以工拜受於其 凡主人與工 爲禮 (位,故 主人 如 禮

薦 脯 醢

亦與成人之禮異也 工 雖 賤,以其受爵于席,故每獻 輙 薦之,

使 人相 相,息亮反。

注 日 : 使扶工 者、相其祭薦、祭酒。

繼公謂:此亦祭薦者,殊其長也。

飲,不拜既爵,授主人爵。

注 曰:坐授之。

衆 工則不拜,受爵,祭飲。

注曰:祭飲、獻酒重、無不祭也。

繼公謂: 不拜而受,差賤也,其意與不拜

既 爵同。 祭飲 ,祭酒乃飲也

辯 有脯醢,不祭。辯音遍

注 曰:賤者禮簡。 ----

大師 ,則爲之洗。賓、介降, 主人辭降。 工

不辭 洗。 大音泰。爲,于僞反。

注曰:爲之洗,尊之也。賓、介降,從主 也。工,大師 也

繼 夫爲之,諸侯則宜用上<u>士也。爲之洗,</u> 公謂"大師,工之長也,《周官》以下大

> 人既洗,亦與賓、介揖 别於賓、介也。 於己黨也。 以其 有爵,異之。 主人辭賓亦對。 工不辭洗,亦不降。 賓、介從降者,同大師 丽 俱升。 衆賓不降,

笙入堂下, 磬南, 北 華》、《華黍》。白華音花 面立。 樂《南陔》、《白

《頌》各得其所」,謂當時在者而 也。 孔子曰「吾自衛反魯,然後樂正、《 衰微,幽、厲尤甚,禮樂之書稍稍 通情,相風切也,其有此篇明矣。 制禮作樂,采時世之詩以爲樂歌,所 也,今亡,其義未聞。 注曰:笙,吹笙者也,以笙吹此詩以爲樂 《南陔》、《白華》、《華黍》,《小雅》篇 昔周之興也 復 一周公 廢棄, 後世 雅》、 重 雜 以

先王。至孔子二百年之間五篇

而已,此

校商之名頌十二篇于周太師,歸

以

祀其

亂者也,惡能存其亡者乎?

且正

考父

其信 也

笙者,若特縣則一之。 凡樂自判縣而上,其鐘磬乃分別頌者、 應之矣。不言者,主於笙也,下放此。 磬、笙鐘,則吹笙之時 也。《詩》曰「笙磬同音」,而《禮》有笙 亦東上,如工立于磬南,近其 繼公謂: 磬南, 作階 西南 亦 也。 奏 鐘 北 所應之 磬之屬 面 <u>寸</u> 蓋

堂,受爵,主人拜送爵。 不拜既爵,升授主人爵。盡,子忍反 主人獻之于西階上。一人拜,盡階,不升 階 前坐祭,立飲

下。 注曰:一人,笙之長者。笙三人,和 人,凡四人。《鄉射禮》曰:「笙一人拜于

已拜 升堂,賤 繼公謂:主人獻時亦 ,然後降。 也。 既受爵 主人拜亦北面。 ,階上少立 西南面 也。 一,俟 升授 盡 主 階 主 不

> 人 、爵,亦 盡 階不升堂

衆 笙 則 不 辯音遍 拜,受爵,坐 立 飲。 辯 有

脯

醢 ,不祭。

注曰:薦之皆於其位。●

繼公謂:《鄉射禮》曰:「主人以 爵 降

魚》,笙《崇丘》,歌《南山有臺》,笙《由儀 乃閒,歌《魚麗》,笙《由庚》,歌《南 于篚,反升就 席。」

有

嘉

間,古莧反。麗,力馳反。

《小雅》篇也。《由庚》、《崇丘》、《由 注曰:間、代也、謂一歌則一吹。 六者皆

今亡,其義 未 聞

雎,七余反。 耳》,《召南》:《鵲 乃合樂、《周 覃,大南反。 南》  $\sim$ 巢》、《采 卷,九轉反。 關 雎 》、《葛 蘩》、《采蘋 召 音 覃 》、《卷

<sup>0</sup> 其位」下,庫本、注疏本有「磐南」二字。

間 爲 王、大姒之化而成德者屬之《召 外之詩 化者屬之《周 主内治 朱子曰:"二《南》之分,唯程子以 **冷得之。** ,被于江 言列 故 謂之南者,言其化 以 漢之域, 國諸 南 畿内之詩言文王、  $\approx$ 侯、大夫之室家 召 自 公掌諸侯,故 北 而 南 自 也 岐 大姒 爲 南》,此 雍之  $\sim$ 被 以 周 詩 文 之 畿 公

歌 重 樂於《小雅》爲輕 與此文互見耳。 樂而已,下文息司 雅》者不 繼公謂:樂,即此六篇詩也。 文王》之三爲兩君相見之樂,指其始歌 周南》、《召 《小 後 輕 雅》 也。 同 與 也。 南》 鄉 鄉 樂,若 飲 而  $\sim$ 二風乃合 燕禮彩 酒 也 正是也。 歌之,與曏之惟歌《 雅先 其 士 禮 禮 日 之 輕 而 《春秋 而 遂歌 盛 者 鄉 歌之者,鄉 合樂,謂合 者 樂後,先 則 鄉 傳》 也 樂 惟 一, 故 謂 小 鄉

> 樂歌 雅 侯相 者 侯,亦當如 宜於祭用之與? 影而 也。 輕重 見其 下。 始 歌《大雅》,則合《小雅》矣,諸 之差矣。 歌如此,及與 國君 以 是 數 相見之樂, 大夫樂歌蓋 者觀 然則天 之, 臣 燕則但自《 子 而 可 《頌》 如 之燕 以 土 見 則 享 君 小 惟 臣

工告于樂正曰:「正歌備。」樂正告于賓,乃

日

「以雅

以南」,即謂

此

也。

降。

無事也。降立西階東,北面。注曰:備亦成也。樂正降者,以正歌備,

其他。 者,蓋 爲 備,故告備於合樂之後焉。 繼 風》、《雅》之正也。 樂 公謂: 介實 以己之所 故 必 工,其長也。 也。 告于賓者, 有 事 凡歌, 飲酒 者 正歌 ௱ 主 言 謂 惟 以 於賓, 故不 告 既 所 合樂 IE 歌 及 歌 歌 者 平 備 爲 皆 亦

案:注云「備亦成也」者,蓋據《樂師》職

在是也。 西階東,北 凡樂成則告備」之文也。 面」,雖無所據,以意度之,當 注又云「降 文

#### 右 樂

主人降席自南方。

注 曰:不由北方 ,由便。

繼 公謂 此降席自南方,其義與介同。

側降。

注曰: 賓、介不從。

繼公謂: 此側降而 賓不從,則主人降之

意皆可得 而見矣。●

作相 正答拜。 爲司 主人升,復席。 正,司正禮辭,許諾。主人拜,司 相,息亮反。2

賓,爲 注曰: 有解情,立司正 作,使也。 禮 樂之 以監之,察 正 既 成, 儀 將 法 留

也。

意也。 於上,宜新之也。 司正皆有事焉。於此立之,亦示留賓之 正之職亦主於相爾,乃更其名者,禮異 繼公謂:主人自作之者,辟君禮也。 疏 日 謂之司正者,以其正此飲酒之禮 相,即上經云一相者也 自是以後,禮節凡五,

司 而名之與?

主人。主人曰:「請安于賓。」司正告于賓, 正洗觶,升自西階,阼階上北面受命于

賓禮辭,許。

注曰:告賓於西階 上。

於此 命于主人以安之。安賓而賓辭,則是賓 繼公謂:司正缘主人意,必欲安賓,故受 時果有不安之心矣。 辭者,蓋 以 主

0 主人」, 原爲小注「闕」,明本、通本爲墨丁,今據庫本

「息」,原作「席」,今據明本、通本、庫本改。

司

人有旨酒嘉肴,己已受賜,爲辭也,執鱓

受命,贊辭,變於君。

上答拜。司正立于楹間以相拜,皆揖,復司正告于主人,主人阼階上再拜,賓西階

席。相,息亮反。

以相拜。相,謂贊主人及賓相拜之辭。注曰:司正既以賓許告主人,遂立楹間

賓、主人既拜,相揖就席。

司正實觶,降自西階,階間北面坐奠觶,南,凡相拜皆有相之者,經不悉見之。繼公謂:楹間,東西節也,宜於楹爲少

退,共,少立。共音拱。

繼公謂 注曰 立 也 奠觶不拜 ,以其位在是 南 奠鱓,表其位 :階間,東 面奠 者, 獨 觶 也 行禮則不象受觶之儀 西 亦 也。 節 變於 燕 與大射 , 共,拱 亦所謂 君 禮 手也 則 中庭也 其 退 位 而 少 少

進,亦異者也。

拜,執觶興,洗,北面坐奠觶于其所,退立坐取觶,不祭,遂飲,卒觶,興,坐奠觶,遂

于觶南。

也。 也。 因 不與 坐取 而 者,變於獻 以 司 爲 酒,主人之物也。 虚 正 觶 觶 禮,則不敢當 乃 亦 識 實 進 刪 其 觶 坐, 也。 位 自 取 也 飲者,所以 卒觶 觶 也。 洗 而 主人不答拜者, 拜 觶奠之,不敢 主人請立司 反 者,宜謝 坐 爲識,又 也。 主 不 荷 欲 正

右

文

司

正

注 繼 公謂 日 初 起 俎 西, 旅 酬 於薦 也 西 旅酬 爲 少 同 南 階 禮 上經 殺。 惟

舉之觶 云 奠觶 于其所 亦取而遷之者,以其代主 ,故此明之。 賓於 人所

禮故 也

賓坐 授主人。 祭,立飲,不拜,卒觶。 奠觶,遂拜,執觶,興,主人答拜。 不洗,實鱓,東南 不 面

以 注 鄉主人,將授。 曰:此所不者 酬 丽 禮 殺也。 賓 更 酌

繼公謂:不拜卒觶,猶言 東 南 面 於阼階上、《 鄉射 禮 不 **>** 無 拜 授 既 爵 主 也。

送于主人之西。賓揖,復席 主人阼階上拜賓,少退,主人受觶。 賓拜

|字,或曰「授」亦當作「酬

揖 而 復席,禮之也。

主人 人之西,如賓酬主人之禮。 惟既實觶則西南面酬介,異於賓禮也。 西 階上酬 介,介降席自南方,立 主人揖,復席 于主

> 席。 司 Œ 相,息亮反。 升 相旅, 日 ; 某子受酬。」受酬 者 降

也。 介, 見耳。 受酬 繼 以 以 注 正乃升也。 公謂 伯仲别之,又同則以其字别之。 次 日 司正不升,則 、序相 若有遵者,則先 他皆放此。 旅,序也。 即 相旅 其 酬 事 謂 某者,衆賓姓也, 也。 於是介酬衆賓,衆 相 惟相之於下耳, 於賓酬主人,主人 或言旅,或言酬, 旅酬之禮,曰「 衆賓酬 之,既 同 尊之 某子 則 姓 賓 酬 司 則 又 互.

司正退立于序端,東面。

注 始升相 曰 : 辟受酬者, 西 階 西 北 又便 面 其 後篇 贊 注 上 又 贊 云 下 退

然,自是以後,於凡 繼公謂:序端 立,俟受酬者」。 東面惟退,而俟事之 作受酬

者

則皆

少

違

時

則

此位,堂上者北 面 作之,堂下者南 面 作

之,既則皆復此位也。

受酬者自介右。

注曰: 由介東也

者不同,明介尊,不與衆 繼公謂: 受介酬者,獨居其右,與他受酬 賓序 也。 若 尊

者受介酬亦然。 自介右,則介當東 南 面

酬之。

衆受酬者受自左。

注 曰:後將受酬者,皆由西也。

疏 曰:衆受酬者,謂堂上衆賓,自第二以

下,并堂下衆賓也

拜,興,飲,皆如賓酬主人之禮 繼公謂:受自左,賓黨受酬者之正位也。

注 曰 嫌以下異 也

繼公謂 亦惟受酬 者立于酬者之西,及

梱 實觶 進 西 南面爲異耳。

> 辯,卒受者以觶降,坐奠于篚。 注曰:《 鄉 射 禮》曰:「辯,遂酬,在下者 辯 音遍。

者無所旅,自飲于上,乃降 射禮》所云是也,經蓋有脱文耳。 酬在下者之禮,然後及於卒受者 繼 皆升,受酬于西階上。」 公謂:辯,辯衆賓之在上者,其後當 ,如《鄉

司 正 降 復位

右旅酬

拜。 使二人舉觶 上皆坐奠觶,遂拜,執觶興。 皆坐祭,遂飲,卒觶,興,坐 于賓、 介,洗,升 賓、介 實 觶, 奠觶,遂 席 于 末 西 答 階

拜,執觶興,賓、介席末答拜 注曰:二人,主人之贊者。

騰爵者立于洗南,西 面 北 上, 序進 盤

 $\wedge$ 

燕

禮

曰

疏曰:舉觶,爲無算爵始也。答拜,賓南

面,介東面。

輝于介者,異之也。正言賓、介者,明雖 繼公謂:亦代主人行事也。至是乃併舉

有大夫,猶及介。後「于」字亦衍。

拜。逆降,洗,升實鱓,皆立于西階上,賓、介皆

注曰:於席末拜。

繼公謂:《鄉射禮》曰:「立于西階上,北

面東上。」

薦南奠之。介坐受以興。退,皆拜送,降,皆進,薦西奠之,賓辭,坐取觶以興。介則

賓、介奠于其所

所則 大夫辭,介宜與彼 介亦辭,文不具耳。《鄉射禮》曰 賓云取,介云受,經文錯綜以 興,不言者,亦文不 大 大月 具耳。 也。」既奠于其 見其 「賓 **《鄉** 同 也。 射 與

> 者,賓則 禮》曰 俎南,如於一人舉觶者之爲 未 奠 而 降,變於 「賓、 少 南 大夫坐,反奠于 而當 上禮 俎西,介 也。 也 此 則 其所, 奠 少 東 于 其 而 興 所

其説已見於上。此條有與一人舉觶之儀相類右二人舉觶于賓介

坐于賓。」賓辭以俎。司正升自西階,受命於主人。主人曰:「請

武之道。 者猶倦 注曰:至此盛禮俱成,賓主百拜,强有 焉。 請 坐者,將 張 而 不 弛, 弛 以 賓 燕 而 也 不張 力

倦,故請坐于賓。」
也。」又曰:「自此以上皆立行禮,人皆勞受命于主人,適西階上,北面請坐于賓
疏曰:《鄉射》:「司正升自西階,阼階上

<u>\_\_\_</u>

繼公謂: 坐謂燕 坐 丽 飲 也。 辭 以俎者,

也。 而燕坐,是褻之也。司正於是又反命於 以 俎辭其 俎肴之貴者,燕坐則 請坐之命,謂俎 在 禮殺矣,當俎 此,不敢坐

主人。 記》文也,亦甚言其拜之多耳,非謂真有 案: 註云「賓主百拜」,用《樂

百拜也。

主人請徹俎 賓許。 徹,直列反,下同。

注曰: 亦司正傳請告之。

而賓許之,是許其坐矣。 繼公謂: 賓曏者辭以俎,今主人請徹俎

司 IE 降階前 ,命弟子俟徹俎。

注曰: 西階前也。 弟子,賓之少者。

繼公謂:俟徹俎者,俟尊者徹俎乃受之

也。

司 正升,立于序端。

注 待事。

> 賓降席,北 面

北 面 于俎南,以當先取俎。

北 主人降席, 阼階上北面。介降席, 西階上 山。 遵者降席,席東,南 面

也。 主人請之來與此會者也。謂之遵者,以 主人、介、遵皆近其席而 遵者,乃此鄉之人,仕至公卿大夫, 立,俟取 俎之節

言尊也,大夫尊於士,故以 是名之,未知 其遵承主人之命而來與?

或日遵之爲

孰是。 遵者席西上降席,而立于席東,

便也。

賓取俎,還授司正,司正以降,賓從之。 還音

旋,下同。

之。 北面 明就而受之。 賓降,立于西階西。 取俎、還、南面授司正、必言還者、 司正受賓俎者,賓尊宜異

主人取俎,還授弟子,弟子以降自西階,主

Ŧi.

如 降,介從之。 人 賓禮。 降 自 阼 衆賓皆降 階 若 介 有諸 取 俎, 公大夫,則 還 授 弟子 使 人受 弟 子 俎 以

退。 謂 俎 節 此 南,大夫在 子」是也。 八乃以 取俎 取 弟子、《鄉射禮》曰「大夫取 俎 與升受俎者, 降 不 主人降立 自 言 一介南 西 所 [階者 鄉, ,衆賓又 如 于阼階 辟 皆以 賓 君 可 在 先者 禮 知。 大夫南 東,介在賓 俎,還授弟 也。 既 主 人 降 亦 之 小 爲

#### 右徹俎

者,爲燕當坐也。 注曰: 説屨,主人先左,賓先右。説屨説屨,揖讓如初。升,坐。説,吐活反。

於堂 繼 公謂: 而 説 説 屨 屨者,各於其 於 上者,惟 尊 階 長 側 則 北 然。 面 此 坐

> 賓、主 揖 先左,賓先右」,謂 厭衆賓,亦以次而 之屨,亦北 右 人先説左屨,主人 屨,是亦鄭氏以意言之耳。 讓也。 一人,其 上 賓則 尊 也。 相 敵 升。 厭介,介厭大夫,大 賓 揖 在賓之右 故 讓 在主人之左,故 謂 皆説 案:注云「主 主 於 「故賓 人與 下 o 先 賓 賓 主 夫

右説屨升坐

乃羞。

進者,狗胾醢也。 注曰:設啗具以案酒也。羞,進也。所

醢 牲 繼公 注 此 故 時 云「所進者,狗胾 歌蜜 謂 知此禮當放之也。 食 之 亦當 羞者,羞 庶 羞 祭薦,文不 皆 以其 庶羞於 醢 也」,《 牲 具耳。 凡 肉 少牢》、《特 有 爲 胾, 薦 者 也

無算爵。

繼公謂:無算爵者,行其奠觶,終而以注曰:算,數也。爵行無數,醉而止。

始,無定數也。《鄉射禮》曰「使二人舉繼公謂:無算爵者,行其奠觶,終而復

觶,反奠于賓與大夫」,此異於彼者,舉 鱓于賓與大夫」,又曰「執鱓者洗,升,實

**鱓亦以之主人,介鱓則以之大夫,其餘鱓及反奠者不於大夫而於介耳。其賓** 

皆可以類推之也。

無算樂。

爵行則奏樂,爵止則樂闋,故爵無算而

樂亦無算也。歌與間、合,所用未聞。

右無算爵

賓出,奏《陔》。陔,古才反。

「以鐘鼓奏九《夏》」,是奏《陔夏》則有鐘注曰:《陔》,《陔夏》也。《周禮•鐘師》

《陔》、賓降及階、《陔》作、賓出、衆賓皆鼓矣。《鄉射禮》曰:「賓興、樂正命奏

出。

繼公謂:

《陔夏》,有聲無辭之樂,金奏之

一者也,其名義未詳。

王人送于門外,再拜。

主人送于門外,再拜。

注曰:門東,西面拜也。

初。賓、主人以下,亦當屨而後出,經文繼公謂:再拜,送賓也。不拜送介,殺於

又略也。

右賓出

賓若有遵者,諸公、大夫,則既一人舉鱓

乃人。

注曰:大國有孤,四命謂之公。

繼公謂:此謂遵先俟于門外,以一人既

解爲人之節。大國有孤,其官或與天

舉

無,或來或否,不定故也。 人之前。乃於是言之者,以其或有或 人告之與? 公、大夫若皆來,則 于先生君子」,然則主人於遵者,其亦使 大夫,兼卿言也。息司正之禮云「以 師、大傅,亦可見 子之三公同 人,其人之節在一人舉觶之後,衆 名,故亦 矣。 諸者,不定之辭。 謂之公。 晉有 I 同 未 告 大 時

席于賓東,公三重,大夫再重。重,並直龍反。 重 繼公謂"席此於賓東,尊之,不與正賓 此二者又在酒尊之東,但繼賓而言耳 大夫,雖 齒,亦不加尊於其正賓也。 疏曰:賓在户牖之間,酒尊又在户東,席 一,皆 齒,三者之義並 [蒲席 禮再命,則不齒于鄉里,若爵爲 非 緇 再 布 命 純者 猶 行 不齒 而 也。 不相悖,於斯見 也。 上下之席 貴貴、尊賢 三重、再 同

> 於士,而公宜異於大夫也。 之。公三重,大夫 物,故不 · 必 言 加 再重者 此 重 席 以以 亦 兼 大夫宜 卷 而 異 設

復初位。主人迎,揖讓升,公升如賓禮。公如大夫人,主人降,賓、介降,衆賓皆降

注曰:主人迎之於門内。

禮也。 人也。 禮,如其獻禮也。 其在門内也。迎於門内而拜,降等者之 正賓也。 南之位也。迎不拜者,别於賓、介,亦 以下皆降,其意 繼公謂:公如大夫人,猶言若公若大夫 公於主人爲踰等,乃後升者,非 人謂於門左也。主人迎遵者,賓 升階正法,客尊則先升。 與 上同。 初位, 階西 如賓 以 以

辭一席,主人去之。去,起呂反,下同。

席而二,此席雖非加,而數則過於二焉,辭一席,不敢當也。諸侯之加席與其下

故辭之,而主人亦許而徹之也。遵者辭

席之節,見《鄉射禮》。

端,主人不徹 大夫 人對,不去加席 ) 則如· 介禮 有諸 無諸 公, 公, 則 則 大 辭 夫辭 加 席 加 委 席 于 席 主

之也。 注曰: 也 爲之,非正禮。 .亦 徹之也。 禮宜如之,所 大 酢 繼 公謂 謂 夫之酢,其儀 ,則主人於公、大夫 己宜辟之。 去之者,士亦 有 不使人去之也。 加席,上席也。 諸公, 席端, 如 主 介禮 人對,不 則自 席 以 主 無 北 辟 與 一, 亦 委 一重,異 諸 人 端 正 此 如 子 公, 介同。 不 許其 也 賓 大夫席再 大夫 其 席 徹 也。 也 則 獻 端 辭 不 爵 主 明 禮 辭 者,公 委,卷 也。 徹,不使人 諸公雖尊, 者不 ^ 其 耳。 加 鄉 重 不 有 席 射》言 不去, 若其 可 聽 爲 惟 脯 以 其 而 再 謙 置

> 也。 者, 東, 席者,皆近 画。 無 所 但 南 云「辭 凡加 别 取 面 也。 其 席 有諸 席 在 加 與 無 上故爾, 爲之也。 席 其 公,則 諸 委于 (下席 公, 席 則 異 非 席 此 在主人之北, 大夫之席 物, 謂 端 重 此 席 而 則 席 乃 長半之, 即 是 云 加 凡 在 加 席 席 辭 尊 西

### 右遵者之禮

重席

則

否

明日,賓鄉服以拜賜。

拜 者 乃 鄉 鄉 ,賜,拜 見其 ,禮主於賓也。 朝服者,放 服 鄉 與 謝 飲 昨 酒 其 日 之 君 飲 同 服 之燕禮,故 己之 凡 也。 拜 即 賜 賜者 朝 鄉 也 服 飲 ,例不見。 也。 酒 如 介不拜 其服 士禮 變 朝 也, 也 賜 言

主人如賓服以拜辱。

注曰:《鄉射禮》曰:「賓朝服以拜賜于

0

門 外 ,主人不見。 如 賓服,遂從之,拜 唇

于門外,乃退。」

辱者,敵 繼公謂: 辱,拜 也 凡 賜 尊 之辱 卑不敵 也。 則 主 不答 人 往 拜 拜 賜 賓

右 拜 賜 拜辱

主 釋服

注 曰 • 釋 朝 服 更服玄端也。 古文釋作

舍。

乃息司 正

注 日 息,勞也,勞賜昨 日贊 執 事 者。 獨

云司 正,司正,庭長 也

工記 繼 公 ₩ E 謂 息字 張獸 未 侯,則王以 詳 疑 即 燕 息 之異 燕」是也,此 名,《 考

禮 勞之而待之之禮,又殺於賓黨故也。 亦於學宮行之。 必息司正者,以昨 釋 H

> 無 介,不殺。

是其徵矣。

父文伯飲

南

宫

敬

叔

酒

以

路

堵

父爲

是禮雖主於

司

Ē,

未

必 以

司

正

爲

濱,公

服

乃息之者,此

無所放,故

服

其

Ī

服

也。

皆貶於飲

酒

薦 脯 醢

薦 同 也

94...

羞唯所 有

注 日 : 在 有 何 物

徴 唯 所 欲。

注 曰:徵,召 也

以告于先生、君子可 先 生 一説見 首 篇 君 子, 或 中 有 德 有

也。

者也

一,亦使

人告之。

云可

者

嫌

其

禮

輕,

爵

不 必告也。 惟言告,是不請矣,不 請 則

不

速

可知,皆異於賓也。

其來若

否,

則

其在無算爵之時乎?

子若與,其位蓋如遵。 但語告者,以復命於主人與? 先生、君

賓、介不與。與音預

不敢以輕禮凂昨日之尊客。 古文與爲

豫。

鄉樂唯欲。

《大雅》、《頌》爲天子之樂。 正禮輕,故唯用其正樂耳。《鄉射禮》云 進取,故《鄉飲酒》升歌《小雅》也。 爲大夫、士之樂、《小雅》爲諸侯之樂, 次也,是亦純用鄉樂之異者耳。《國風》 其所欲,則使工歌之,不如昨日之有節 鄉樂者,凡《國 「一人舉觶,遂無算爵」,然則工入之節, 風》皆是也。 禮盛者可以 唯欲者, 息司 唯

> 《記》。 鄉,朝服 而謀賓、介。 朝,直遥反。

右息司正

明之。 鄉, 之始,故即服其服,經不見其服,故《記 先言特牲饋食之類也。 如《燕禮・記》先言燕、《特牲饋食・記》 祭、鄉、相見」,皆其徵也。於此云鄉者, 子曰「吾觀於鄉」、《王制》曰「冠、昏、喪、 鄉飲酒 也。 不言飲酒,省文耳。 謀賓、介爲 飲酒 孔

皆使能,不宿戒。

其能,乃使之,故如此。 也。此於當日乃戒之,故曰不宿戒,知 善於禮者也。● 皆,皆賓、介也,其下者亦存焉。 宿戒者,前期日 然則他禮有宿 圃 能, 戒之 謂

0 謂」,原作「爲」,今據明本、通本、庫本改。

戒者、皆慮其或有所未能也與?

蒲筵,緇布純。純,章允反。

緇布純」,此不言常,則其度或短與?純,緣也。《公食大夫‧記》云「蒲筵常,

尊給幂,賓至徹之。徹,直列反。

賓 婦 人 至 于 徹 室,贊 幂 臣 者徹 禮 之 尊 節 幂。 也。  $\wedge$  $\sim$ 特 1 牲 昏 禮 禮 夫

即位而徹幂,皆與此類。

其牲,狗也。

也 用 一而 狗 者, 燕於 用 君 燕 禮 禮 爲 之 差輕,鄉 牲 也 鄉 飲 飲 於 與 臣 禮 燕 爲 類

亨于堂東北。亨音烹。

差重,故牲

亦不嫌其同

焉。 於堂 煑也。 東北 凡學宫惟 堂東 堂 東 北 門,故 北 即 東 爨 牲 夾 所 之東 爨 在 不 也 於 北 就 門 也 外 而 學 而 亨

宫

有

左右房,則

亦當

有

夾室。

獻用爵,其他用鱓。

其 意 他 謂 失 於 酬 不 及 舉 備 觶 之 夫 屬 酢 也 亦 用 爵 也 記 **>** 之文 何

=

獻哉

?

此

上

篚

之

爵

觶

下

É

之

觶

薦脯五挺,横祭于其上,出自左房。挺,大頂

反。

注曰

 $\sim$ 

曲

禮

**>** 

Ĕ

以

脯脩置者,左

施

右

:

末。」

爲縮。 案:注引《曲禮》者,欲見此脯疏曰:此横祭于其上者,於脯爲横,於人

繼公謂:脯之祭者半挺,使人以爲祭也與《曲禮》脯脩,其設之皆横於人前。

首 右 云横 房 尾 與? 可 祭,是五 知 左 房,東房也。 挺 者 縮 籩 也, 有 然 左 則 房 遵 則 亦 有

俎由東壁,自西階升。

則 是 云 而 來。 俎 亨于堂 亦 必 未 言 離 東 由 於 北 其 東 而 壁 所 不 者 也,故其 別言 嫌 俎 陳俎之處 設 當 自 時 門 由 東

體,進腠。將音格。腠,七奏反。肺。介俎:脊、脅、胳、肺。肺皆離,皆右賓俎:脊、脅、肩、肺。主人俎:脊、脅、臂、

也。

云自

西

階

升者,明賓

全三同

也。 周 爲 注 者俎卑骨。 後脛骨二,膊、胳也。● 所 主,骨有 日 今文胳爲骼 上也。 凡 性,前 貴賤。」 《祭統》曰 腠, 脛骨三,肩、 理 凡前 也。 : 「凡爲 貴後 尊者俎 進 理,謂 臂、臑 賤。 俎者,以骨 尊骨,卑 前 右體, 其本 也

肺,飲 故 凡 繼 脊脅 公謂: 於三俎用之。 酒 不 IE 肺言皆 謂之體。 禮 也。 離 介俎用胳者,欲以臑爲 皆, 右 明 體 皆 無 者,吉禮 肩、臂、 切 肺 0 祭以 所尚, 胳 也 離

> 牲後 後皆 者狗 也。 骨 肺 也。 諸 自三以 亦 在 公俎 = 、牲之俎,其載之法宜 此俎 脛骨二,肫、胳也」,此 於 後 若 所 者 無 下皆用左體 肫爲大夫俎 髀、肫、胳 先 爲設者爲右。 遵 便其 脊、 者 1,介俎 脅而 取之也 是亦 也。 後 猶 也。 髀 IE 用 與他牲異乎? 體 示其相下之意 胳 雖 語不 凡 遵者若多 案: 贵 ,不爲之變 俎 或不 備、後 注 横 堂上 升, 謂 設 元 脛 其 尊 則

不可以爲非脛骨。

以爵

拜者不徒

作。

注曰:徒猶空也。作,起也。

聲」,皆非脛骨之義,蓋假借用之。 與「肫」 膊」不再出校。 膊」, ·字,今注疏刊本俱誤作「膊」、「膊」以專爲聲,不得 原誤作「膊」, 通 用。」據 頯也,从肉,屯聲」,「膞,切 阮 阮校云: 校 以 下 「按「膊」即「肫 誤作「膊」者, 專、屯同音、膞、肫 肉也,从肉,專 」字、《説

0

言以爵,則其意亦可見矣。 之以生義,似失之。 之節,其意 己者爲禮,故曰不徒作。然此拜乃 繼 爵,而奠 公謂 爵 以 未必與後 拜 爵 者也。 拜,蓋指賓、主、介、遵 又經言奠爵,此 既拜 禮相通。 圃 興,則 《記》乃合 前 與 既 乃 飲 禮 卒

坐卒爵者拜既爵,立卒爵者不拜既爵。

注

曰:唯工不從此禮。

飲》、《鄉射》之禮言之則可,若推於他《記》蓋言其例耳。又此與下條惟以《鄉拜則立飲也。是二儀者,經已具之,之意,坐近於拜,故當拜則坐飲,而不當繼公謂:此蓋於卒爵之時,見其拜不拜

凡奠者於左。

禮,則有不盡然者矣。

繼公謂:此禮,其奠者一而已矣,言凡,注曰:不飲者,不欲其妨。

字 未詳。

注曰:便其舉也。

衆賓之長一人辭洗,如賓禮。長,知丈反。

「主人取爵于西楹下降洗」是也。一人主人獻衆賓,惟於始者一爲之洗,經云

立者東面北上。若有北面者,則東上。辭之者,禮主於已也。

上」之「東」,當讀作「西」。

上。 有北 庭南,介以下又居其南,衆賓若 此謂在門内位之時也。 賓入門左,位 上自爲列者耳。 云東者,字誤也。 面者。北面者與 東 門 面 西 者 北 相 面,而 多,則 繼 當當 東 近 西 容

樂正與立者,皆薦以齒。

以薦明飲也。既飲,皆薦於其位,樂正注曰:謂其飲之次也。不言飲而言薦,

「東

位 ,西階東,北 面

又不立於西方,嫌其禮異,故明之。 繼公謂:此樂正乃公有司,非衆賓 也。

凡舉爵,三作而不徒爵

注曰:謂獻賓、獻大夫、獻工,皆有薦。

繼公謂:言此者,明獻禮重,無有不薦者

也。

案: ,兼笙者也。 注云獻寶、謂賓、介及衆賓也、云獻

樂作,大夫不入。

工

者也。 若樂既作,則獻工 此謂大夫之來也後,不及一人舉觶之節 樂作之時,不可亂 與笙矣,大夫之獻又 之,故不人。

不宜後於工也

獻 注曰: Τ. 繼公謂:既獻 | 與笙,取爵于上篚,既獻,奠于下篚。 如是,則獻大夫亦然。 工,則奠于上篚。 上篚 既獻笙, 一爵。

> 節 爵于西楹 乃奠于下篚 異則 不 南 相因 也。 也。 案: 不仍用獻大夫之爵者, 既 注云「獻大夫亦然 獻 大 夫 丽 酢,則奠

者 「惟謂 亦 取 爵 于上篚耳。

其 笙 ,則獻諸 西 階 上。

此《記》乃與 經 同者,特因上文而言之

耳。

反。

磬,階間縮霤,北面鼓之。 縮,所六反。

注 曰: 霤以東西爲從。 鼓猶擊也。 射則

磬在東。

霤也。 繼 磬、鐘、鑮及鼓、鼙。 亦如之,故於雷爲縮。 公謂: 前 縮 霤 如 兩 縮 端 俎之縮。 東 西 惟言磬者,以其爲 此禮特縣,●則有 鄉 ,設磬當 縮 霤 者,縮 其下, 於

0 此」,原作「比」,今據庫本改。

\_ h

雷,力又

一二六

北面鼓之,明磬南面設,磬蓋在阼階西,縣之主而居首,且可以取節於霤故也。

主人、介,凡升席自北方,降自南方。

鼓

在西階東。

阼階上,是其降亦未必皆自南方也。乃則似失之,且經於主人之酢云自席前適其降由上者,由便耳。若例指爲正禮,見者言也。二席南上,升降皆當由下,此儀各一見於經,《記》云凡者,似爲不此儀各一見於經,《記》云凡者,似爲不

司正,既舉觶而薦諸其位。

言凡,何與?

注曰:無獻,因其舉觶而薦之,薦於觶

南。

繼公謂:不獻者,異於衆賓。有薦者,別

於其黨。

注曰:敬殺也。

繼公謂:凡,凡尊卑也。

不洗者,不祭。

不洗者亦祭之。 此承上文惟爲旅者言也。若獻酒,

既旅,士不入。

也,其入則以齒立于西方,主人不迎。而《記》見此,則是未旅以前皆可以入而《記》見此,則是未旅以前皆可以入也。士賤於大夫,可以不獻,然不與旅,也。士賤於大夫,可以不獻,然不與旅,此式就是此,則是未旅以前皆可以入

從者。從,才用反。

徹俎,賓、介、遵者之俎,受者以降,遂出授

者皆不入門。

授從者云出,則

是

飲酒之禮,他人無事

主人之俎,以東。

東,適東壁也。

才反。 樂正命奏《陔》,賓出至于階,《陔》作。 陔,古

此見命之之人與奏之之節也。《鄉射

若有諸公,則大夫於主人之北,西面。禮》曰:「賓降及階,《陔》作。」

注曰:其西面者,北上統於公。

疏曰: 若無諸公,則南面,西上。

繼公謂:有諸公,則大夫位於此,尊諸公

也。

注曰:贊者,佐助主人禮事,徹幂、沃盥、主人之贊者,西面,北上,不與。與音預,下同。

設薦俎者也。

不與者,獻及旅酬也。是句似有脱文。位與其禮也。下言無算爵然後與,則此所謂爲之。西面之位,其在洗東南與? 與,謂繼公謂:此贊者,蓋以學中之有司及私臣

獻次兄弟。」 案:注釋贊者亦未備。面東上,獻次衆賓。私臣,門東北面西上,也。《特牲饋食・記》曰:「公有司門西,北西面,且不與獻酬,亦飲酒于學之禮異者

無筭爵,然後與。

參考經文,似當以此爲正。 馬。」是謂沃洗者得與旅酬,與此異矣。 所,介酬衆賓,少長以齒,終於沃洗者也。《鄉飲酒義》曰:「賓酬主人,主人酬也。《鄉飲酒義》曰:「賓酬主人,主人酬此遠下於賓黨也。《鄉射禮》云無筭爵此遠下於賓黨也。《鄉射禮》云無筭爵

儀禮集說卷四

二七

正誤

介俎:脊、脅、胳、肺。

之。 以或本爲據,所以皆誤。今從《通解》删 之者,故二本並行。其後石經與印本但 矣,是蓋後人妄增之,而當時無有是正 疏之時,或本已有兩言「肫胳」二字者 上固無「肫」字。又考疏之後説,則是作 音之。今據《釋文》與疏之前説,則「胳」 案:疏云「介用胳」,又云「或有肫胳,兩 今印本與石經「胳」上有「肫」字。繼公 言者」云云,又《釋文》此處無肫音,至下乃

94...

J. .

# 儀禮集説卷五上

敖 繼公 撰

元

無介。

雖不入門,亦謂之迎。

似

脱一「賓」字。

迎者

二, 出

見之之稱,故

無

介者,以

介尊次於賓,同

於大夫,射

時

難爲耦也。

右戒賓

鄉

射禮第五

乃席賓,南面 東上。

東上,經不悉見之也,惟爲神席則西上。 於室之户牖間也明矣。 東房」,有東房、西房,則中有室,而席賓 不言户牖間 者,可知 也。《記》云「出 凡席於此者,皆 自

衆賓之席繼而西。

也。 亦皆不屬 衆賓,亦衆賓之長三人也。 云繼者,明其以次 而東上。 圃 西。 繼, 衆賓之席 繼賓席

席主人於阼階上,西面。

射言者,主於射也。

同小異,惟多射一節

耳,亦飲酒,而

但以

聚

于學宫,飲酒

而習射也。

此與

上

一篇大

繼公謂:

鄉 射

者,士與

其

鄉

之士

大

大會

注

日

於五禮屬嘉禮。

人答 鄉射之禮:主人戒賓。 再拜,乃請。 賓禮 辭,許。 賓出 迎,再拜。 主人再拜, 主

賓答再拜。 請 ,亦謂致戒辭而請之爲賓也。 主人退,賓送,再拜。 「請」下

儀禮集説卷五上

阼階上,東西節也,南北當東序。凡主

位皆然。

尊于賓席之東,兩壺,斯禁。左玄酒,皆加

勺。篚在其南,東肆。

注曰: 設尊者北面,西曰左。

繼公謂:賓席之東,即房户之閒也。此

亦與前篇互見其文。

北 榮,水在 設 洗於作階東南 西 面 洗 深、式鳩 東, 篚 反 在 南北 洗 縣音玄。 西 以堂深, 南南 肆。 縣 東 于 西 當 洗 東 東

注曰:縣於東方,辟射位也。

疏曰:《鄉飲》無射事,縣於階閒。

繼

公

謂

縣不

近

階者

權移

於

此,宜

辟

東

武

· 迹也。

中人之迹尺二寸。

東。 縣 之 正 縣 謂 位 也。 縣 鐘  $\wedge$ 磬 大 射 與 鑮 東縣 於筍 在 簴 阼 也 階 鼓 之

縣鐘磬,半爲堵,全爲肆」,又曰「天子宫鼙之屬亦存焉。《周官・小胥》職曰「凡

《陔》。 鼓 南。 特 亦有鐘、鼓、 曰: E E 則 方之縣,先磬,次鐘,次鑮,鼓、鼙 縣,諸侯軒縣 在 而 凡 南、略放《大射》西 下經云:「不 别 爲 掌金奏之鼓。」此 掌 《陔夏》,金奏之一也。 於其 士者之樂, 以 鐘 鑮明矣。 上 鼓 卿 耳。 奏 大夫 九 鼓不釋。」《鐘 皆 ^ 大射 ^ 得 判 其設之, 磬在 方之縣 與 夏 縣 縣,士特縣 上 **%** 儀 鐘 篇皆賓 ~ 與 \( \frac{1}{2} \) 然則 鎛 へ 磬, 或 師 師 是 出 在 君 惟 **>** 禮 奏 職 其 職 西 然

乃張侯,下綱不及地武。

注曰:侯,謂所射布也。綱,持舌繩也。

漢 植 出 疏 禮 者 舌 尋,縜 云 也。」「中人之迹尺二寸」  $\sim$ 五 周 武成步,步六尺,或據此 禮 寸焉。」注云: 梓 人》云:「上 綱 所 綱 以 無 與 正 而言 侯 下 文。 於 緇

也。

謂之乏者」,《射人》職

云「王射三容」是

也。

名而不改與? 下綱,謂已繋者也。綱不寧侯,遂以名之也。諸侯以下則因其繼公謂:射布而曰侯者,王朝射之以威

不繫左下綱,中掩束之。繋,古帝反。不及地武,則下个亦然。

之,是所掩者二尺五寸也。 而以綱東之也。下个出於躬五尺,中掩左下綱也。中掩東之者,中掩左下个, 整公謂:侯以左爲尊,故事未至則未繫

疏曰:參,謂三分之。黨,旁也。云「容侯道五十步,此乏去侯北十丈,西三丈。注曰:容謂之乏,所以爲獲者御矢也。●乏參侯道,居侯黨之一,西五步。

直遥反。

也。 也。 取 之西邊 者云如今牀頭 繼公謂:乏、《爾雅 其侯西十,北十。」乏義未詳 與侯黨相當與? 節 於侯黨也。 乃云侯黨者,明 然則此乏,其南十丈,其東三丈,乃 而言。此乏參分侯道而 小曲 西 《大射儀》曰:「乏各去 当 日 Ŧi. 屏 雖 步,亦謂 風 . 取 也。 「乏謂之防。」説 數 於侯道, 侯黨,指 侯黨之西 居其一 實 侯

### 右設席器張侯

再拜。主人答再拜,退,賓送,再拜。朝,並羹定。主人朝服,乃速賓。賓朝服出迎,

朝 禮,戒、 服 可 知 速 同 服,此  $\wedge$ 鄉 射》 速賓 而 朝服,其義 朝服,則 戒時 與 鄉 亦

「爲」,原誤作「謂」,今據庫本、注疏本改。

飲》同。

賓及衆賓遂從之。

皆行也。 主人既退,衆賓乃 云遂者, 雖 至 相 於賓之 去 有 門,而 間 前 事 與 之 則

實相接也。

右速賓

《鄉飲酒禮》同者,不重釋之。自此以後,經文及《記》文有與

再拜。 衆賓,衆賓皆入門左,東面北上。 及門,主人一相 揖衆賓。 出 主人以賓 迎 于門 外。 揖,先人。 再 拜, 賓少進。 賓厭 賓 答

注曰:以猶與也。少進,差在前。

相,息亮反。厭,乙涉反,篇内同

繼公謂:門,學門也。賓厭衆賓入門左,

主人以賓三揖,皆行。及階,三讓,主人升此脱三字爾。少進謂少東。

一等,賓升。

升,敵者之禮也。 皆行,言無,先後也。主人升一等賓乃

右迎賓

主人阼階上當楣北面再拜,賓西階上當楣

北面答再拜。

右拜至

階前 賓進,東北面辭洗。 取爵,興,適洗,南面 主人坐取 西 面 坐奠爵,興 爵 於 上 篚 坐奠爵于篚下,盥洗。 以 辭 主人坐奠爵于篚,興 降。 降。 賓對。 賓降。 主人坐 主人阼

對,賓反位。

「當西序東面。」

注曰: 反從降之位也。

**《鄉** 

飲

酒

日

主人卒洗, 壹揖壹讓以賓升。 賓西階上北

右獻賓❶

降。 反,下同 爵,實之,賓席之前,西北 揖壹讓升,賓升,西階上疑 面 拜 洗,主 賓降,主人 人 作階 辭 降,賓對。 E 北 面 面 奠 立。 獻賓。疑,舊魚乞 爵,遂答 主人卒盥 主人坐取 拜 乃

俎。 退。 祭酒 祭脯 上北 賓西階上北面 左手,嚌之,興,加于俎,坐捝 于席前,復位。 「席之」,當作「之席」。 ,興,席末坐啐酒。 薦 主人阼階上答拜 面 醢,奠爵于薦 主人阼階東疑立。 執爵興,主人阼階上答拜。 坐 脯 醢。 ,卒爵,興,坐奠爵,遂拜, 賓升 拜,主人少退。 主人阼 西, 席, 興 階 降席,坐奠爵,拜 自 取 賓坐,左執爵,右 上拜送 西方。 肺,坐絶祭。 手,執爵 賓進, 爵, 乃設 賓西 受爵 執 賓 遂 階 尚 爵 折 小

> 洗,北 奠 主人反位。 階之東,南面 賓以虚 爵 面 興,辭 一爵降。 坐奠爵 降。 辭 主人降。 于篚 洗,賓坐奠爵于篚,興對 主人 下,興,盤 對。 賓 西 賓 階 洗。 坐 前 取 東 主人作 爵, 面 適 坐

拜,興,降盥,如主人之禮。賓升,實爵。賓卒洗,揖讓如初,升。主人拜洗,賓答濱卒洗,揖讓如初,升。主人拜洗,賓答

《鄉飲酒》無「升」字。

設折 上 拜,賓少退。 主人之席前,東南面酢主人。主人阼階 拜送爵,薦 俎 祭如賓禮,不告旨。 主人 脯 醢。 進 主人升席 一受爵 復 位 自 自 席 北 賓 前 方 西 適 乃 阼 階 上

「寶」,原誤作「爵」,今據明本、通本、庫本改。

=

三四四

拜。 序端 興。 階 上 北 賓西 阼 面 階 階 坐卒爵,興,坐奠爵 上 上 再 北 拜 面 崇 答 酒。 拜。 賓 主 西 人 、遂拜,執 坐 階 上 奠 答 爵 再 于 爵

### 右賓酢主人

拜,執 主 坐 實 如 賓 祭,遂飲,卒觶,興,坐奠觶,遂拜 不 主人實觶, 辭 主 觶 獻 西 辭 降,賓對,東 人坐取 介觶 阼 禮 階 賓之席 洗。 觶 上北 階 于 興,賓西階上北 升,不 觶 卒洗, 薦 Ł 酬之,阼 西 前, 于篚,以降,賓降。 面 拜 答 面 送。 拜洗 賓 北 揖 拜。 立。 辭, 面 讓 . 階 上 賓 升, 主 主 賓 賓 坐 北 取 西 人 面答拜。 人坐取解,洗,賓 西 北 面 賓 觶 階 降 階 坐 西 面 以 上 L 洗 坐 階 主人奠觶 奠 興 拜。 立。 奠觶 執觶興 賓 上 主人坐 (),反位 觶 降 疑 于 主人 主人 遂 辭 立。 薦

東,反位。

#### 右酬賓

主人揖降。賓降,東面立于西階西,當西

注曰:主人將與衆賓爲禮,賓不敢獨居

堂。

人 爵 主人拜送。坐祭,立飲,不拜 階 主人西南面三拜衆賓、衆賓皆答一拜。 揖 ,降復位。長,知丈反。 上 獻 升 一、坐取 衆賓。衆賓之長升,拜受者三人。 爵于序端,降洗,升, 既 爵,授主人 實爵,西 主

位,亦堂下之位,賓之南也。

獻 賓皆升 虚 衆賓皆不拜,受爵,坐祭, 爵 ,則薦諸 降 就席。 奠于 其 席。 篚。 辯音遍 衆賓 揖 讓 升,實 辯 有脯 立 厭衆賓升 飲。 主人 每 人 以

#### 右獻衆賓

解,拜,執觶 人洗,舉觶 興。 于賓。 賓席末答拜。 升,實鱓,西階上坐奠 舉 觶 者 坐

賓答拜,降洗,升實之,西階上 祭,遂飲,卒鱓,興。 坐奠觶,拜,執 觶 興。 賓

拜。 舉觶者 進,坐奠觶于薦西。 賓辭,

坐

取 以 興。

注曰: 若親受然。

繼公謂:前篇言受,此言取,互文也。 賓反奠于其所。

觶 者降。 舉

解者

西

階上拜送。

鄉飲酒》曰:「坐奠鱓于其所。」

右一人舉觶

大夫若有遵者,則入門左。

若 有遵者,謂若有與此會而爲遵者也。

> 外 人門左,則 别於正賓。 曏者 賓人之位 也。

> > 不俟於門

主人降。

注曰:

迎大夫於門内。

賓及衆賓皆降,復初位。

初位,階西以南,當序之位。

人以 主人揖讓,以大夫升,拜至,大夫答拜。主 爵降,大夫降。 主人辭降。 大夫 辭

洗,如賓禮

此賓禮,自三揖三讓以至于一揖一讓,

席 于尊東。 升之儀也。

舉

也。又此言設席之節與《鄉飲酒》不同 此言尊東、《鄉飲酒》言賓東,亦文互見

未知當以何者爲正。

升,不 大夫西階上拜,進受爵,反位。 ·拜洗。 主 人 實 (爵,席 前 獻于大夫。 主人大夫

拜送。

**《鄉** 席前獻,其西北 亦立于 飲酒》之介禮。 階 東。 此 面 與 與? 其 薦 不釋 脯 主人既拜送, 醢 者,以意求 以 下, 皆 如 則

讓升。

大夫授主人爵于兩楹間,復位

大夫辭加席,主人對,不去加席。 禮、諸公不與、又説見《鄉飲酒禮》。 此惟主言無諸公之大夫,則是鄉 公,則大夫辭加席,主人對,不去加席。」 則辭加席,委于席端,主人不徹。 《鄉飲酒禮》曰:「大夫則如介禮,有諸公 去,起吕反。 射之 無諸

禮 乃薦脯醢。 ,不嚌肺,不啐酒,不告旨,西階上卒爵, 大夫升席。 設折俎。 祭如賓

注曰:大夫升席由東方。

拜。主人答拜。

大夫降洗 繼公謂:主人答拜,亦於大夫之右。

> 主人復阼階,降辭 大夫若衆,則主人辯獻之,長乃洗。 如初。卒洗,主人盥

揖 鄉飲、鄉射之禮,則屈於正賓,其禮但 授主人爵于兩楹間者,大夫雖尊,若與 比

於介,故此授受之節,亦惟與介同

主人復阼階,揖降。 坐奠爵于西楹南,再拜崇酒,大夫答拜。 夫答拜。坐祭,卒爵,拜,大夫答拜。 主人實爵,以酢於西階上。坐奠爵,拜,大 大夫降,立于賓南 主人

鄉飲之禮,公與大夫若與,則皆下於介, 之也。 必降者,宜與 鄉射之禮,大夫若與,則下於賓。 賓序升也。 立 一于賓 (南,下

席。 主人 蓋 揖 | 其禮皆主於士故也 讓,以賓升,大夫及衆賓皆升,就

賓 (亦厭大夫,大夫亦厭衆賓,乃升也。

# 衆賓,其長三人也。

### 右遵者之禮

先升,立于西階東。」西,猶未至階也。《鄉飲酒禮》曰:「樂正四,據工之下席而言也。樂正立于其

<sup>亮反。何,户我反。</sup>面東上。工坐,相者坐授之,乃降。相,並息鼓,執越,内弦,右手相。人,升自西階,北鼓,執越,内弦,若手相。从,升自西階,北工四人,二瑟,瑟先。相者皆左何瑟,面

也。言執者,手人之淺也。 注曰:面,前也。可鼓者在前,變於君

射,君禮,而後首。此臣禮,前首,故云疏曰:變於君者,鄉射與大射相對,大

執之而已。面鼓,亦變於飲酒。繼公謂:前越,去廉差遠,故不可挎,但

笙人,立于縣中,西面。縣音玄。

注曰: 堂下樂相從也。

繼公謂:此與《鄉飲》立於磬南之意同。

乃合樂,《周南》:《關唯》 縣中,蓋縣中之西也。

《召南》:《鵲巢》、《采蘩》、《采蘋》。召音邵。乃合樂、《周南》:《關雎》、《葛覃》、《卷耳》,

正樂也,不可略其正也。南》,國風也。國風爲鄉樂,大夫、士之略於樂也。不略合樂者,《周南》、《召不歌、不間、不笙者,爲射事繁且久,故

工不興,告于樂正曰:「正歌備。」樂正告于

賓,乃降。

注曰:不興者,瞽矇禮

略也。

合鄉樂矣,故雖不歌《小雅》,亦可謂之繼公謂:凡歌,至於合鄉樂乃爲備。此

備。

賓降,主人辭降。大音泰。爲,于爲反。主人取爵于上篚,獻工。大師,則爲之洗。

事

而

廢

禮

也

大夫不降,亦别於賓。

工不辭洗。卒洗,升實爵。

大師之禮異也,餘則與非大師者同。主人卒洗,亦與賓揖讓乃升。此以上著

工不興,左瑟,一人拜受爵。

注曰: 一人,無大師,則工之長者。

爵,祭飲,辯有脯醢,不祭。不洗,遂獻笙工飲,不拜既爵,授主人爵。衆工不拜受主人阼階上拜送爵。薦脯醢。使人相祭。

于

西

階上。

相,息亮反。

辯音遍,下並

同

《鄉飲酒禮》笙人,樂《南陔》、《白華》、師,蓋以下士爲之。言遂者,承工後也。洗者,正使笙師猶不洗也。諸侯之笙非大師,則工之長亦不洗矣。乃著笙不非大師,則工之長亦不洗矣。乃著笙不

注

日

楹内,楹

北。

人自爲射,故而略於樂耳,不可以其無《華黍》,乃獻之。此不笙亦獻之者,主

辯有 反升,就席。盡,子忍反。 授 拜送爵。 笙 主 一人拜于下,盡階,不升堂。受爵,主人 脯 人 爵。 醢,不祭。 階前 衆笙 坐祭,立飲,不拜既爵,升, 不拜,受爵,坐祭,立 主人以 爵 降,奠于篚。 飲,

右樂

主人降席自南方,側降。

注曰

:賓不從降

主人。 拜,司 升自 作 相 西階,由楹 爲 正答拜。 相,息亮反 司正。 司正 主人 内 適 禮 升 作階上,北面受命于 辭, 就 席。 許 司 正 主 洗 人 再

三八

酒

並同。

疏 曰:受命,謂受主人請安賓之命

繼公謂:楹,謂兩楹

西 階上北面請安于賓。

注 日 傳主人之命。

嫌於不安,乃亦請安于賓者,飲酒之節 繼公謂:賓爲射事而來,此時未射,若無

宜然也。

以 拜,皆揖就席。相,息亮反。 賓禮辭,許。 相 拜。 主人阼階上再拜,賓西階 司正告于主人,遂立于楹 上答再 間

司 Ē 賓辭者,亦不敢必主人之終行射事也 實 解,降自 西 階,中庭北面 坐奠觶,

興,退,少立。

時司 此中庭,其阼階 司 射之南,則此位 》司正之位也。 正 爲 司 馬,至 前南北 必不在階間, 誘 射之後,方易 之中與? 如《鄉飲 位 蓋 於 射

> 興,少退,北 進,坐取 坐奠觶,拜,執觶興,洗,北 觶, 與, 反 面立于觶南 坐,不祭,遂卒觶,興。 面 坐奠于其所

右立司 正

未旅。

射之正禮以此爲節,上下同 《大射儀》亦司正 事既畢,始見旅酬之儀,則是時 已定位即 行 也。 射 事 未 經 旅 於 然 射 則 口

耦俟于堂西,南面,東上。

知。乃言之者,亦經文過於詳耳。

《記》云「三耦,使弟子,司射前戒之」,至

乘矢,升自西階。 司 弓矢既具,有司 射適堂西、祖、決、遂、取弓于階西、 是乃立於此,以俟其比也。 請射。」挾音接。 階上北 面

告

于

日

兼挾

乘,繩證反,下

三九

儀 禮 集 説

鉤弦。」 曰: 骨爲 注 持弦矢曰 之拾。拾、斂也、所以蔽膚斂衣也。 遂、射韝也,以朱韋爲之,著左臂,亦謂 日 「挾乘矢於弓外,見鏃於弣,右巨指 之, 袒 挾。 左免衣 右大擘指 乘 矢, 也。 四矢也。 決, 以 鉤 猶 弦 闦 闦 《大射》 也 體 以 也。 方 象

也。 詳。 射,示己不敢 兼,皆也。 也。 繼公謂: 階上北面位,當少東。 或曰既設決乃遂、設拾,因以稱焉。 設決謂之決。 司射,蓋學中之有司給射事者 未射則不搢三挾 擅 其 設遂謂之遂,遂義 事 也。 異 言有司 案 於 注 耦 云 請

反。 賓對 袒,左免衣也」,以射則左執弓故 曰:「某不能,爲二三子許諾。」爲,于僞

注曰 : 言某不能,謙也。 一三子,謂衆賓

以下

射而來,故至是不敢辭,但謙遜 諾,見所以不辭 繼公謂: 不能 謂 而 不 即許之意。 善 射 也 爲二三子許 曏者賓爲 而已。

射于賓,賓許。」

司

射適作階上,東

北

面告于主人, 曰:「請

公。 尊賓之意也。 告,變於君也。 上北面受命于主人足以見之矣。 人,當北面,「東」似衍文,上言 矣,必告之者,禮當 不請射於主人,惟告以賓許者,缘主 大射儀司射東面請 賓許之辭,主人 然 也。 阼 階 司 與 上 Œ 聞 射于 告 北 阼 之 階 主 面

右 請 射

也

司 射 注 E 降 自 弟子,賓黨之年少者也。 西 階 階 前 西 面 ,命弟子 納 納猶人 射

也 也 0 射器,弓、矢、決、拾、中、籌、 賓黨東面,主人之黨西 面。 楅 豐

乃 納射器,皆在堂西。

則陳其弓矢如下文所云。 初納之時,總置於堂西,未有所分别,既

賓與大夫之弓倚于西序,矢在弓下,北

衆弓倚于堂西,矢在其上。

注曰:上,堂西廉。矢亦北括。 疏曰:北括,順射時矢南行。

文云東序東,則此「序」、下似脱一「西」字 繼公謂:此以弓位之上下見尊卑也。下

主人之弓矢在東序東。 也。序西、堂西之弓,其亦皆北上與?

如賓弓矢可知。

右納射器

司 射 不釋弓矢,遂以 比 耦於堂 西。  $\equiv$ 耦

> 射 之南,北面,命上射曰:「某御於子。」命下 日 「子與某子射。」比,毗二反,下並同

也。 注曰 尊卑也。 下射相配謂之耦。 繼公謂:比猶合也,謂合之而爲耦也,上 後,故不復變位。 下比衆耦放此。 . 御猶侍也。 其命之,惟 既 古文曰「某從於子」。 命上下射之辭異,示 命耦乃定,所謂 以 所 立之序爲先 比

右比三 耦

司 位,其西面於觶 以其始與射事,故名爲司 IE 辟君禮也。 爲司馬。

0 拾」下,庫本、注疏本有「旌」字。

故。

大射儀司馬二人,司正如

南與? 司正爲司馬,遠

馬。

此

時之

四

司馬命張侯,弟子説束,遂繫左下綱。説,吐

活反。繋,古帝反

注曰:事至也。

繼公謂:命之繫左下綱耳,乃云張侯者,

司馬又命獲者倚旌于侯中。以張侯之事成於此故也。

注曰:獲者亦弟子也。謂之獲者,以事

名之。

獲者由西方坐取旌,倚于侯中,乃退。

示射者以中地然。退,反于西方之位也。侯中,侯之中央也。倚之於此,若云坐取旌,見其偃于地也。旌,所獲者

於耦射也,且行事亦宜有漸。

也。

倚旌

而未負侯,蓋當誘射之節

則異

右繫綱倚旌

樂正適西方,命弟子贊工,遷樂于下。

繼公謂: 注 日 當辟 適西方,自 射 也。 贊,佐 西階東 也。 而往 遷, 西 徙 階 也 前

也。樂,謂瑟也。亦西面命之。

東南,堂前三笴,西面北上坐。相,息亮反。弟子相工,如初入。降自西階,阼階下之

笴,古老反。

注曰:笴、矢榦也、長三尺。

繼公謂:如初人,謂何瑟之儀與後先之序

也。必空三笴者,辟主人往來堂東之路也。堂,東堂也。堂前三笴,坐處之北

樂正北面立于其南。

也。位於堂下而坐,惟工耳。

亦無席。

平口司。 北面者,蓋變於堂上之位。堂上則樂正

與工同面。

右遷樂

司射猶挾乘矢,以命三耦:「各與其耦讓取

弓矢,拾。」拾,其劫反。

也。 之也。司射以此二者命之。 猶者,言其未變改 拾,更也。 取 云拾者,謂 也。 讓 者,下 更 迭 讓 其 而 取 上

三耦皆袒、決、遂。有司左執殆,右執弦,

而授弓。

注曰: 驸, 弓把。

繼公謂:有司,弟子主授受弓矢者。如

北上而俟。

此授之,是並授也。

遂授矢。

此時復執以授之。 矣。弟子乃留于堂西,主授受之事,故于堂西,矢在其上,是既納射器則陳之云遂,則亦授弓者授之也。上云衆弓倚

司射先立于所設中之西南,東面。注曰:播,插也,插於帶右。个猶枚也。三耦皆執弓,搢三而挾一个。潛音晉。

少南 未習其禮也 弓矢乃適其位者,以三耦皆弟子,備 此、欲三耦知其 南當福 下 經云設福于中庭,南當洗,又云設中, 於 西西 洗 丽 當西序,然則 西當 (位也。 榮與? 司射俟三耦畢 此 時 司 司 射 射之位, 先 立 或 取 於

三耦皆進,由司射之西,立于其西南,東面

爲節也。俟,俟作射。之儀也。立于其西南,又以司射所立進,亦每耦並行,上射在左,如退適堂

處

右三耦就射位

西也。立於此者,示三耦以揖進之節而後搢三挾一也。三耦之北,其正位之復云東面者,以其違於舊處,且明既還司射東面立于三耦之北,搢三而挾一个。

西

耳。

則 揖 其物 近 其 鄉 矣。 爲 也。 也。 人迎 注 鉤 進 而 而 此言之,則三者之學,其 公謂 於 故 射 物 東 鄉 當階, 楹 日 定 以以 當 序則 誘射 何 爲 學 序 賓 之在堂有深 内,堂則由 者,或 周 州 棟 是也。 于 哉 名 其 庠 以 自 也 鉤 北 而 丽 物 黨 庠 門 揖 楹 就 面 有 之學。 蓋 其 當 爲 堂 外 黨屬 内, 進 揖。 左物 楹 近於序者,故 君 禮 楣 鄉 則 是 有 以 外。 子 乃 學。 謂 也。 也 由 及 於州, 下皆 淺故爾。 者, 堂 之居 繞楹 及 階 楹 當左 ^ 於 即 蓋 左物 外 亦以 揖,升 鄉 教 小大深 之東 州 於 州 射 謂謂 庠 飲 物,北 三耦 下 者 屬 是 也 其 黨之學者 酒 夫此 其 循 堂 射 鄉 必 而 於 義 物 爲 淺 鄭 以 楹 揖 面 也 履 北 鄉 一 也 篇 或 主 射 之 可 氏 揖 各 物, 有 以 南 黨 以 知 以 以 儀 主 序

> 俯 及 物 Ē 注 禮 隨 足。 揖。 焉。 曰 其 居 還音旋 志 此 之 左足 在於 其 所 所以 近 履 射。 物,不 丽 不 因 容 南 便 方足,還,視 不 面 會 異 視 聚 也 侯 於 之中, 其 中 侯 乃 以 中, 俯 行

視併 此文略,亦當 疏 日 正 與梓 案《大射》納 其 足。 人 在 升 方猶 納射器 自 北 併 射器之下, 階 也 後 兩 也 楹 間 即 言工工 畫

既 時 退, 履從 南 必先立,故言此 足,未暇 繼公謂: ,右足其 視 面 則 畫 侯 也 也 履 中 北 及物揖 右 乃 物 亦 《大射 面 還 者, 俯 在 而 者 從 視 ,揖履 以 立 當 儀》 畫 而 爲 明 也 履 而 正 之。 下 日 其 物 少 足 射 他 司 也。 從 退 還, 宜 時 射 則 書 與? 凡 向 左足履物 謂 「由下物 視 矣。 欲 上 侯 右 正足, 射 還 中 還 也。 之 而 少

謂 左右 各履横 畫之兩 端 也,亦 左先 圃 右

次之。

不去旌。去,起吕反。

倚旌於侯而 不去者, 以誘射不主於中,

且 不獲也。

誘射。

誘,引導也,亦有教之之意。

將乘矢。

言此者,明四矢盡發也。《大射儀》誘射

以四矢射三侯。 將,行也。

執弓不挾,右執弦

弓者,以右 執弓,左執弣 巨指 也。 鉤 不挾, 弦 也。 明事 此不挾,則 畢也。 但 挾

執弦而已。

南 面 揖,揖如升射。 降,出 于其位南,適 堂

西 一改取 一个,挾之。

南 面揖,揖退也。 揖如升射,謂如其當

> 否。 者,皆由於此,惟發於其位及反位 外,凡南行而適堂西與堂西 未 物升堂之揖 有 改,更也。 司 馬西方之位 也。云出 挾一个之説見後。 也。 于 其 自 位 賓 南,見 出 與 大 而 北 者 夫之 是 則 行 時

遂適階西,取扑,搢之,以反位。 扑,普卜反。❶

扑作教刑。」

注

日

扑, 所

以撻犯教者。《書》云:

繼公謂:搢扑者,以三

耦

將射

也。

右誘射

司 馬 命獲者 執旌以 角侯。

使之執 旌 於 侯 中 以 示射者,若謂 中 侯 則

舉此 而 言獲然。

獲者適侯,執旌負侯而俟。

0 普」,原誤作「晉」,今據通本、庫本改。

74 Fi.

疏曰:俟司馬命去侯。

司射還,當上耦,西面作上耦射。還音旋。

注曰"還,左還也。作,使也。

繼公謂:當,謂當上下射之間。

階,北面揖,及階揖。上射先升三等,下射司射反位,上耦揖進,上射在左,並行。當

從之,中等。中,丁仲反。

注曰:並,併也。中猶間也。

同階升者,前後相當,宜空一等,以相遠上射差尊,故先升。中等,空一等也。繼公謂"上射在左,以其當就上物也。

然則凡升階者,必於其中央與?

爲敬,與異階升者之義不同,其降亦然。

少左者,爲下射升堂則當在右也。上射升堂,少左。下射升,上射揖,並行。

還,視侯中,合足而俟。還音旋。皆當其物,北面揖,及物揖。皆左足履物

疏曰:俟司馬命去侯。

右並立於横畫,即上所謂正足也。繼公謂:不云不方足,省文耳。合足,左

司馬適堂西,不決、遂,袒,執弓。

也。經文亦或言袒以包二者,故以此明矣,乃先言之者,嫌執弓者袒必決、遂變於大射也。云袒執弓,則固不決、遂變於大射也。云袒執弓,則固不決、遂

後,西南面立于物間。右執簫,南揚弓,命出于司射之南,升自西階,鉤楹,由上射之

去侯。

執下末。《大射》曰:「左執弣。」注曰:簫,弓末也。揚猶舉也。揚弓者,

於射者也。物間,前從畫之間也。右執繼公謂:鉤楹,即鉤楹内也。西南面,别

爲 簫 以弓之上端南鄉而 執弓之時 ,爲欲揚 獲者在 左執驸,右 侯 弓也 故 也。 至 舉之也。 去, 是 執 弦 乃 離 矣。 云 也。 執 必南之者, 簫 南 命 揚弓, 去侯 則 初

面 獲者執旌許諾 偃旌,●興 而 俟。 ,聲不 絶,以 至于乏,坐,東

者,令辟

射

且當獲

也

注 日 : 偃 猶 仆 也

繼公謂 矣。 折 變於大射 北 俟,俟中 而 就乏東 聲不絶,不 也。 則 此去侯,亦 面 獲 也。 偃 以宫商,不 薩,是  $\wedge$ 大射儀》 宜 趨 旌 直 絶 亦 西,乃 圃 東 日 首

興,共而俟。」

由 司 馬出 司 泛南。 射之南 于下射之南,還其後,降 還 ,適堂西,釋弓, ,户貫反 襲,反位 自 西 一,立于 「階,反

車 下 射 脯 降 者, 往 來 相 變以爲儀也。 司

射

也,此 反,謂 升射,司 也。 而 司 射之南 司 則皆裼矣。 虚 往 射 射主射事,尊之。 位 《玉藻》曰「尸襲,執玉 言也, 故 也。 襲對 復其 則前 也。 馬乃變其 方有此 袒 是 故 是或 立于司 此 圃 時 道 猶在 言。 司 也。 位 儀 射 例 而言 言反位 射之南,北 觶 與? 上衣雖裼,猶 不 司 而定其位 南之位 在 射 反,以曏者 之 此 龜 而著 南、皆 襲」,非 也 一, 亦 上 襲, 其 也, 異 爲 由 上 在 復 指 於 是 耦 以 是 司 襲 衣 其

亦反。 獲。」上射揖 階之東,北面 司 射 進,與 司 司 .視上射,命曰:「無射獲,無獵 馬交于階前,相左,由堂下 射退,反位。「射獲」之「射」,食 西

注曰: 獵,矢從旁。

画 原誤作「西」,今據庫本、注疏本改。

繼

公

謂:

司

'射進'與司馬交於階前'著

其

進之節 也。 相 左,著其行之方 也 司

南 行 司 射 北 行 而 相過,故謂之交。 司

馬 在 西,司射在東,故謂之相左,蓋南 行

此。 者以東爲左,北行 由堂下者,自堂下而 者以 西爲左也,下放 少東 行 也。 西

階之東,當上物之南也,其於堂中爲 西,故取節於西階也。 惟命上射者,以 少

其 丽 下射從之,且下射共聞之矣,

者,獲近於侯,舉近以見其遠也。 故不復戒。 戒其射獲、獵獲 而不及其他 揖,以

揖受其戒

乃射。 發 ,以將乘矢。 上射既 發,挾弓矢,而后下射射, 拾,其劫反

是射 也。 弓」字衍文。挾矢則挾弓可知,不必言 時乃傅矢 《大射儀》無「弓」字。 也,此亦可 以 既 見其節 發 而 挾矢, 矣。

> 射射 其 云拾發者,亦見下射既 儀從容而不迫,大抵類此 也。 古之射者 丁,其 發 序整 挾 (矢, 而 齊 而 後

獲者坐 而 獲

注 日 射者中, 則坐言

獲。

獲,

得

也

中乃獲之。必坐而獲者,旌 乃舉之以獲也,且示有所變。 繼公謂:獲者於射時,則坐以 射,講武師 田之類,是以 中爲 獲 在 後其 也 地,須 中 也, 坐

舉 ·旌以 宫,偃旌以 商。

注 再言獲 也。

疏 E : 以宫,大言 「獲也。 以 商, 小言獲

也。

繼公謂:此一

中

而

兩

言

獲

也

獲 而 未釋 獲。

注曰: 繼公謂:是時 但言獲,未 未立釋獲者 釋其 算。 則 未釋

獲

口

ĮЦ 八

知,經言此者,亦過於詳耳。

卒射,皆執弓,不挾,南面揖,揖如升射。

注曰: 不挾,亦右執弦,如司射。

活反。

繼公謂:不挾者,變於大射。

上射降三等,下射少右,從之,中等。中,丁

仲反。

堂上並行,下射在左,今降階必少右,乃

當上射之後也。

並行,上射於左。

謂上射先降,少左,下射降,乃並行,而

在左,退亦宜然。堂上各發於其物,不上射於左也。上射必於左者,進時上射

之。此將適堂西也,上射乃不於右,便可得而變。降時有先後,故因既降而爲

其反位者,以有釋弓等事,而未即反故

也。

與升射者相左,交于階前,相揖。由司馬

西,南面,東上。三耦卒射,亦如之。說,吐之南適堂西,釋弓,説決、拾,襲而俟于堂

事耳。 二,字之誤也。 於用時也。俟,俟司 以己初射之事畢也。 之北,故以 南 進退者交則相揖,以 下耦與此異者,無與升射者相左相揖之 司 馬之位,又在 ,即曏者所謂司射之南 之爲 二耦,謂 司 節 射之南,正 耳。 其事 説 射命也。三,當作 釋弓,説 遂而言拾者,别 次耦、 也。 同也。 下 當 此時 決、拾 往 司 ·耦也。 來者 馬之 已有

寶,曰:「三耦卒射。」賓揖。去,起日反。司射去扑,倚于西階之西,升堂,北面告于

注曰:以揖然之。

之,敬也。士之射禮,賓主之,故司射獨繼公謂:扑,刑器也。將告尊者,必去

以是告賓

#### 右初射

弓,由其位南進 司 之。 則是 射降, 司 射將反位,司馬將升堂,而 其 搢 去 扑,反 扑 與 ,與司射交于階前,相 袒 位 執 弓之 司 馬 事, 適 堂 交于階前 亦 西, 相 接 袒 爲 執

西南面,揖弓,命取矢。升自西階,鉤楹,自右物之後,立于物間,

注曰:揖,推之也。

皆 故 其 言,是弓亦西 公謂: 在 Ê 推 而 西南故 下其弓以别之。 下之之謂,與去侯取矢之事 揖弓與揚弓,相變爲文,則揖者 也。 南鄉 揖弓者、蓋 矣,蓋 揖 弓 以 右執弦。 繼 獲 者 西 與 南 弟 面 異 子 īffi

注曰:俟弟子取矢,以旌指教之。

也。獲者審於視矢,雖不親取而主其繼公謂:獲者許諾者,取矢之事,己主之

事。聲不絶以至於侯。

通堂前,北面立于所設福之南,命弟子設司馬出于左物之南,還其後,降自西階,遂

从设愿也。凡言斤及甚香, 异胃器之民繼公謂:司馬立於所設楅之南, 示弟子

以設 奉 設 中,今司馬北面 福 者 處也。 也。 而出與? 曏 凡言所設某者,皆謂器 者,射器 弟子在西,司馬 命 設之,則是時 納 于堂 西 北 弟子已 楅 面,不 之未 在 其

乃設楅于中庭,南當洗,東肆。

必

鄉

而

命之。

福之名義未詳

也,後放此。東肆,龍首在西也。必東中庭,東西節也。南當洗,不言北,文省

獲者執旌許諾,聲不絕,以旌負侯而俟。

<u>E</u>.

肆者,以上射在西也。司馬不以弓爲畢

者,辟大射禮也。

位。 司馬由司射之南退,釋弓于堂西,襲,反

在其位之北,故以司射爲節。司馬所由者,亦其位南也。是時,司射

繼公謂:司馬是時不執弓,無嫌於不襲,

此「襲」字蓋衍。

曰:「取矢不索。」索,悉各反。若矢不備,則司馬又袒執弓如初,升,命

如初也。適堂西,亦由其位南。索,猶盡也。此自適堂西以至揖弓,皆

弟子自西方應曰:「諾。」乃復求矢,加于

福。應,「應對」之「應」。復,扶又反。

初,此經文略也。 如初。弟子既加矢于楅,司馬進撫之如取矢,司馬乃降,由司射之南,執弓反位政矢,司馬乃降,由司射之南,執弓反位此時獲者猶負侯,而取矢之弟子已退在此時獲者猶負侯,而取矢之弟子已退在

## 右取矢加于楅

司射倚扑于階西,升,請射于賓如初。賓

許諾

上,北 釋獲,亦示聽命于賓之意。 此請射,請三耦之外皆射也。 有司 面 請 告 射」耳。 也, 後 放 如 此。 初 者 此 升 請 射 自 其 與 西 辭 下 階 蓋 請 階 日

#### 右再請射

寳、主人、大夫若皆與射,則遂告于賓,適

作階上告于主人,主人與賓爲耦。「與射」之

「與」音預。

賓曰:「主人御於子。」告主人曰:「子與注曰:言若者,或射或否,在時欲耳。告

賓射。」

耦 禮也。 欲,固 矣。 繼 然則上言請射于賓者,非獨爲請賓射 賓若不與射,則雖許諾 公謂: ,蓋不可 云若皆與 已前告司射 假令或有一人不欲射 言遂者,謂承賓許諾之後 與餘人爲耦故爾。 射 而 矣。 後 告,是其或欲 主人與賓爲 丽 司射 7,則闕 告于主人 亦不告。 此 或 耦 也。 明

遂告于大夫,大夫雖衆,皆與士爲耦。以

預。

亦

北

面

注曰:大夫爲下射而云御於子,尊大夫耦告于大夫曰:「某御於子。」

也。

下射,不敢俱以大夫爲之。 之射也。 堂下者焉。 爲耦 繼 公謂: 若 衆 土 此賓、主人皆士、於衆耦之上 則 謂 大夫不自爲耦者 以 衆賓也。 次 而 爲之,不 大夫宜 「變於 足 與 介衆 乃 君 及 賓 所 於 長

西階上北面作衆賓射。

司射降,搢扑,由司馬之南適堂西,立,比作衆賓射,使之降而爲射事也。

衆耦。

繼三耦而立,東上。大夫之耦爲上。與音衆賓將與射者皆降,由司馬之南,適堂西,之之事,俟衆賓降而後爲之。立,比衆耦,謂立於此,爲比衆耦耳。比立,比衆耦,謂立於此,爲比衆耦耳。比

不與 南 云 適 一將與,則或有不與者矣,《記》曰 射 堂 者不 西 降 而堂下之衆賓皆從之,不 是也。 降 者 由 司 一衆賓 馬 之

立、居其西也。 言者,可知也。此雖未執弓矢,亦 之耦爲上可知。 司馬之南者,異於大夫也。 衆賓之立以 乃著之者,嫌其 齒,則大 繼 不 必 與 耦 粗 夫 由 而

若有東面者,則北上。

並

立,則或變於有耦者也。

之,則當東面于西壁 謂 者,見堂下之士多寡無定數也。 衆賓若多,堂 西 南 而 面之位不 北 上 也 足 言若有 以

賓、主人與大夫皆未降。

司射乃比衆耦,辯。辯音遍

尊者事至乃降也。

· ----

之耦則先命之,其辭曰;「子與某子射。」 皆已立于司射之北若西,然 爲耦者也、大夫之耦亦存焉。 乃者,言其方有事也。衆耦,謂衆 不言命之之辭者,如 上耦可知也。 後 是時 可 比之, 大夫 、賓自 衆賓

> 與他 耦 上射之辭 異。 云 辯者,爲下節

也。

右比 衆耦

遂命三耦拾取矢,司射反位。 拾,其劫反。

注曰:反位者,俟其袒、決、遂來。

馬之西南。

|耦拾|

取矢,皆袒、決、遂,執弓,進立于司

朱子曰:此「拾取矢」疑衍。

大射者與? 繼公謂:惟云執弓,是亦不挾 此所立者,即 其 (故位 也 ,亦變於 一更以

司馬 爲 節,近故 爾。 曏 者 司 馬未 在此,

故以司 射爲節。

司 射作上耦取矢。 司 射反位。 上耦揖進,

當 注曰 楅 北 面 當福,福正南之東 揖 及 福揖

繼公謂:當楅北面揖者,當楅 南 則折而

西。

五四

北 行 故 北 面 揖 也。 及 楅 揖 者,爲

射 將 折 而 西 東 也

上 東 面 下 射 西 面

東 兼 上 一射揖 諸 面 上 揖 驸 射 順 在 進、坐、横弓、卻 州音 西,下射在 羽, 府。 且 還音旋。 興,執 東,如 弦而 手自弓下取 一个, 其物之位 左還,退反位 也

矢於弣 注 者,手放而 表,右手從裏取之,便也。 曰 卻 手 當 下,備 由 順 弓下取矢者,以左手在 羽 ";既 不 整 又當 理 也 執 兼,并也,并 弦 也。 順 羽

也。 疏 日 言 順 羽 且 興者,謂 順 羽之時 則 興

也。 此。 繼公 而 横 謂 横弓,亦便 矢 弓,踣 : 南 進 鄉 坐 弓 人 不 也。 也 於 言 楅 北 覆手横之,以上端 此 南 面 横 北 可 弓, 面 知 覆 取 也 手 之, 下 下 也。 便 放

> 者,惟 挾 兼諸 興,皆變於大射云 位 福前必左還者,以 執 鄉 也 不言毋周,是亦左 驸 下 驸, 射,敬 兼 取矢之時 左還者,以左體向 矢 明左手并執 於驸 之也。 則 即 楅 然 弓下, 矢也。 還 順 東 也。 也。 羽 肆 右 弦 執 興, 凡執弓者左 宜 此 而 驸 弓者,言 順之。 與 還 則是横 之下 也。 順 羽 也 反 於 不 且

下 其 他 射進,坐,横弓,覆手自弓上取一个, 如 上射。覆,芳服反 興

注 日 覆手由弓上 取 矢者 , 以 左 手 在

裏,右手從表取之,亦

便

人於弓 他 上端 凡 繼公謂:此横弓卻手也,卻手横之,亦 清謂 覆 手、卻 鄉 兼諸弣而下也,惟 皆爲 上 射 手 也。 横 而 也。 横 人北 弓,其弦皆 弓上,弦 鄉 西 面揖 弓 驸 東 鄉 異爾 之上也。 西 身與? 鄉,於 以

既 拾 取 乘矢,揖,皆左還,南 面 揖 還音旋,下

並 同。

少 不 /進,當. 捆 矢,不 楅 兼挾,皆左還,亦變於大射 南 皆 皆 左還,北 面,播三挾

福之位 進 一,謂 東 西 北 行 面 而 乃 搢挾 相 立也。 者 禮貴變也 當 楅 南, 曏 及

揖 ,皆左還,上射於右。

上射 其 當 射 退者,其曲 可 福之位 而 固居 知故 退 輔 也。 亦揖,不言者,無 右 居 折 矣,復言之者,嫌 左 皆與 凡每 也。 進 耦既射,若既 自此 時 同 少 以 南 爲節 行 或 至 當 取 矢 亦 於 如 以 曏 m 卒

與進者相 左,相 揖 ,反位。

注 日 相 左者,由 進者之北。

公謂 其 東 此 西 惟 相 云 過 相 左 可 而 知 不 也 著 然 所 則 交 上 之處 粗

> 退 者,亦以 於曏當 事 福之位 同 也 , 次 耦 乃 揖 進 與 相

> > 揖

矢,兼乘矢而取之,以 耦 拾 取 矢, 亦 如 之。 授 有 後 司 者 于 遂 西 取 方,而 誘 射 之 后

反位。拾,其劫反。

:

方,亦 是也。 繼公謂 司,而 兼取 注曰 北 其 者 又下耦亦 見之者, 一十喪 因 面 東 誘射之四矢,皆兼諸 面 留 其 挾 禮 取誘射之矢,挾 下 位 微 主 》以 三亦當作二、《大射》云「二耦 可 一个以反 無 耦之下射,於既拾 之後,以 一授受於堂西,故 也。 與進者 知 東 堂 忧 有 下 司 位 相 此 乘 即即 西 一,此 左 Ŧi. 西 矢 堂下 相 方, 个。 弟 方 驸。 就 見其 揖 此 子之納 即 以 而 爲 取之後, 之事,經不 下射出於 至幅· 四 堂 授 異 東 矢授 之也 西也。 者 方、 射 南 也 器 有 13 西

一五六

反位。」亦謂就而授之。《大射儀》曰:「以授有司于次中,皆襲

# 右三耦取矢于楅

北上。大夫之耦爲上。拾,其劫反。 衆賓未拾取矢,皆袒、決、遂,執弓,搢三挾 一个,由堂西進,繼三耦之南而 取矢固 之禮,故俟三耦取矢之事畢 位,以射事至也。 讓 取之後,嫌當如之也。 未拾取矢,謂於堂西取 拾,故此云未也。 取弓矢拾,如曏者三耦之爲。 不拾矣,乃言之者,以 衆賓未有拾取 是時 其後取矢於楅 矢不 雖 未拾 而後進。 拾 立,東 繼三 也。 取 矢于 進立 矢, 耦 堂 面 福 射 亦 拾 乃 西

## 右衆耦皆就射位

司

射作射如

初,一耦揖升如初,司馬命去

命去侯以下不蒙如初者,可知也。侯,獲者許諾。司馬降,釋弓反位。

升,請釋獲于賓。去,起呂反。司射猶挾一个,去扑,與司馬交于階前,

賓許。降, 播扑, 西面立于所設中之東, 北 面 命釋獲者設中,●遂視之。 則去 事也。 也。 相 官以司射爲名,故執弓必挾矢,以掌射 司射於誘射之後改挾一 左,不言升及堂上所立處,亦文省。 小省 必云猶者,嫌既 先去扑乃進,與 於 西 方 加 不 久則可 於階 司 个,至此時猶然 馬 下矣。 交于 以 不挾也。 階前 不言

注曰:視之,當教之。

設之之處,如前設楅之爲也。釋獲者在繼公謂:西面立于所設中之東,亦示以

❶ 「釋獲」下,原衍「獲」字,今據庫本、注疏本删

算。

釋 獲 者 坐 取 中之八 算, 改 實 八 算 于 中

中 堂 -,實算 之器 北 也。 名之日 中 者 取 其 中

西

故

面

命

之,

既

則

復

西

面

視

之。

於侯 而後 釋 算 也。 此不以弓爲 畢,亦 辟

大射 禮

釋 獲者 執 鹿 中, 一人執算以 從之。

鹿中者 ,以主人士也,《記》曰「士鹿中」。

釋獲者自執中

而不執算,亦變於君禮

釋 興受算,坐實 獲者 坐 設 中,南 八算于中 當 楅 横委其餘 西 當當 西 序, 于中 東 西, 面

南 末,興,共 而俟。共音拱

興受算,東面,並 括 而 南 鏃 也。 俟,待其 业受也。 將 南末,象矢之北 射 乃 ,執算。

可 射 射 揖。 遂 進 ,由堂下北 司 射退,反位 面 命 曰 「不貫不 釋。

不脱。 惟 云堂 言此者, 下,文省也 明 一,後 雖 中 放 而 此。 不 貫 貫 猶 謂 不 中 釋 而

:

執

而

俟

注 日 執所取算。

知 疏 中 : 否 八算者,人四矢,一耦 要 須一矢則一 算。 八矢。 改實 八算 雖不

擬後 來者用之。

執,二手共執之也。 繼公謂: 右取 算以 予左手,乃改實之。 俟,謂 俟 射 中乃 釋

算。

釋 乃射。若中, 算。上射於右,下射於左,若有餘算, 則釋獲者坐 而 釋 獲,每一个

則 反 委之。中,丁仲反

注 日 委餘算,禮尚 異 也。 委之,合於中

西

繼公 則 地 獲 獲 謂 者 則 言 用 乃 此 獲 射 算 此 謂 則 故 堂 釋之。 因 下拾 名 此 發矢 釋 算 謂 也。 日 獲。 置 算 若 於 中 坐

覆言 圃 釋 釋獲之法 獲, 既 釋 則 也。 興。 一个,謂一 云每 个 矢中 釋 算 也。

言數獲,謂奇者縮之,然則此每釋一算於右、於左,象其堂上南面之位也。下

亦縮之與? 蓋中西之算横,則釋者縮

卒射乃反委之,既則興,共而俟。亦宜也。餘算,釋之不盡者也。於一耦

案:注云中西,謂中西之算。

俟。 又取中之八算,改實八算於中,興,執而

如初禮可知。此一節在於次耦升而將射之時也,後皆

三耦卒射。

至二耦卒射,皆不言其儀,亦不以如初言此者,著繼射者之節也。自上耦乃射

蒙之者,亦以其可知,故省文也。

賓、主人、大夫揖,皆由其階降,揖。

主人

西亦如之。 堂東袒、決、遂、執弓,搢三挾一个,賓於

皆於堂下執弓挾矢,蓋有司取以授之。 之弓,各倚于其序,矢在其下,而二人乃 堂東,東堂之下也,堂 由 司 大夫亦降者,别於不與射者也 其 射不告賓、主人射者、辟君禮 階,謂主 一人東 階,賓、大夫 西 亦 然。 西 賓、主人 也。 階 也。 皆

皆當其物北面揖,及物揖,乃射。皆由其階,階下揖,升堂揖。主人爲下射,

之而 者,如三耦可 賓且不失其位也。 言之耳,下 文放此。 復言皆由其階者,賓主射禮,嫌 升 降於 西 知 階 也。 不言履物及射之儀 主人爲下射者,尊 既 揖 乃 升 階 主 此 一人從 豫

凡耦之升降,皆上射先而下射後。此賓卒,南面揖,皆由其階,階上揖,降階揖。

如常 别 爲 見 上射 禮 其 ,亦與其他爲耦者不同 升降之序,則 ,主人爲 下射,乃分 是主 人先 階 也 而 而 行, 賓後 又不

反。 賓序 反位 一升,及 西 「,主人 階 八序東。 揖 , 升 堂揖,皆就 皆釋弓,説決、拾 席。 説, 吐 襲 活

出 大 夫 其 也。 大 自 反位 賓序 决、遂,執 于司射之西,就其耦。 相 階東,賓階西 夫 耦 袒、決、遂,執弓,搢三挾一个,由堂 側 待 階升 ,亦由其西,而 大夫執弓,亦有司授之於堂西。 與 而 升 西, 升 賓 謂 主 降者,經皆不見之。 也 弓 同 反 人 矢,亦尊 降, ,當序之位 位 序 此 東,自 而 止 升堂揖,揖 後 立于其南也,故云大 於 升 者事 堂 大夫爲下射 釋弓 也。 也。 西,至 至 就席也。 於故 反立於此 位 而 是乃 者,主人 後爲 處 袒 就 也 之 凡 西

> 義也。 射, 夫爲下射。 則太不敵,故與 大夫於士 大夫 爲下 尊 士 高耦 固 射者,以 尊矣,若復 則必 貴下賤之 爲之下 爲上

皆釋弓于堂 卒射,揖 揖進,耦 射。 少退。 如 升 西 射。 「襲。 揖 如三耦。 耦 耦遂止于堂西。 先降, 及階, 降 階

耦

少退

大夫

耦

先

升。

升就席

言揖 射,明 耦於庭 降,少左,俟 其 也。 釋弓於堂 耦 揖 儀 先 如三 與先 如三耦、蓋 揖 升,升三等 八升時 相 如升射,謂 少退,宜尊大夫,且 西,亦過 升 亦有 謂 大夫 同 當 亦 堂上三揖矣。耦先降 而 階 先 降階 與 堂上三揖也。 司 大 及 行 上文互見之也。 夫 馬之南 階二 乃 耦 從之,上 行 少 **一**揖 變於大射 也。 退 而後爲之。 也 者, 於此 言如 射之禮 及 耦 階 也 不 既 升

大夫爲 既 亦于 爾。 大 則 夫 堂 有 釋弓,亦先説決、拾也。 亦 耦之儀,其異於三耦者,惟 司 西 由 爲 者,統於上射,不敢異之也。 司馬之南者,爲與 倚之於序西。 此經言 大夫釋弓 耦 俱行 於 士 庭 與 故

衆賓繼射。

少退耳,則其他皆同可知。

不言如三耦,可知也。

釋獲皆如初。

司射所作,惟上耦。皆,皆賓、主人以下也。

嫌作射亦在如初中,故以明之,亦經文

過於詳耳。

反。 位 階,不升堂,告于賓 卒射,釋獲者遂以所執餘獲,升自西 坐 共音拱 委餘 獲于中西, 日 興, 「左右卒射 共 丽 俟。 盡,子 降 階 盡 忽

乃數之。 而言之,下文放此。俟右,猶言上下射也,此 有 釋獲者,乃告卒射 繼公謂:後射者既 事者也。不升堂,降於 也。 由司 俟, 亦 馬 執 謂 據 之南 獲以 司射也。 俟 其 司 所 而 告, 射 立 適 之物 視 己 堂 左 所 西

右再射

以茅,上 位,弟子 許 司 諾,以 馬 袒、決,執弓升,命取矢,如 握 委 旌負侯,如 焉。 矢 如 司馬 初。 初。 乘矢如 大夫之矢,則兼 司 初。 馬降,釋弓,反 初。 東之 獲者

注曰:握,謂中央也。

繼公謂:禮無決而不遂者,此「決」字當

是不進束矣,亦異於大射禮也。 東之,即爲大夫矢矣。至上人之矢不 公家共之與? 此大夫之矢,未必 器」,然則古之射於學宫者,其射器 云「面鏃」是也。《周官・郷 爲 則其爲士又益 所自有 共射器 兼束,大夫矢異之也。 由 遂,袒,執弓」,此宜如之也。 握之處也。 司 衍文。上經云「司馬<br/>
適堂 射之南,釋弓于堂 也,但於衆矢之中,取乘 ,州共賓 矢以鏃爲上,括爲下,下經 可知。 器, 鄉 乘矢惟言如 上握,謂上於手 共吉 西,襲乃 師》職 N N 西,不決、 司 禮 矢 馬降亦 反位 初, 日「黨 大夫 丽 亦皆 樂 > 兼 則

#### 右 再取 矢

東,立于中 司 射 遂 適 西 南、北面視算。 階 西,釋弓, 去扑,襲,進 去,起吕反 由 中

> 注 曰:算,獲算也

明於階西直進也。 故 時,可以并去之也。 也。 中有 也。 繼公謂:云遂者,由釋 襲。 必釋弓矢者,射 尊者之獲,不敢 釋弓并矢去之,去 不言説決、拾、文省。 事 佩 不執弓則不宜袒, 獲者之西而北行 已矣,因 刑 扑 器 而 云由 以 視 視之,敬 算 去扑之 中東, 爲 算

獲者東面 于中西 坐,先數右獲。 數,所主

右獲。

反。

注

日

固

東

面矣,復言之者,爲其少南就

釋

一算爲純 繼公謂: 先數右獲,尊上射也。

注 純 猶全也。

純 以取,實于左手。

取 ,謂以右手數,即取之。

則縮而委之。

注 曰:縮,從也。 於數者東西爲從。

繼公謂:委之,當在所釋右獲之南。

每委異之。

注曰:易校數。

繼公謂:異之者,又在其南。

有餘純,則横於下。

注曰:又異之也,自近爲下。

之西。横之者,宜變於 繼公謂:有餘純,不成十者也。 上。 純自二以 下,謂 委

上,則亦每純異之,以次而西。 此横者,

亦南末也。其縮者,東末與?

同。 算爲奇,奇則又縮諸純下。奇,居宜反,下並

注曰: 奇猶虧也。

興,自前 適左,東面

注曰:更端,故起由中東就左獲,少北於

故,東面鄉之。

坐,兼斂算,實於左手,一 一純以委,十則異

之。

注曰:變於右。

其餘如右獲。

注曰: 謂所縮所横者 繼公謂: 如其所縮所横及每委異之也

司射復位。

異之則次而北與?

之事與此相接故也。 視算事畢 乃不執弓、搢扑者,以 復位,以俟釋獲者 命 設 豐

之反。

釋獲者遂進取賢獲,執 以 升,自 西階, 盡

階,不升堂,告于賓。盡,子忍反。

文也。 其算之多寡,卒,進取其所餘者,二手共 賢獲,勝黨所餘之算也。言賢者,因下 既數左獲,少退,當中之正西,校

或委,一如前法。

執之以升。

曰:「左賢於右。」以純數告。 若有奇者亦若右勝,則曰:「右賢於左。」 若左勝,則

百音。 日音。

注曰:賢猶勝也。告曰某賢於某若干

純、若干奇。

者謂若十算則曰五純,九算則曰九奇繼公謂:以純數告,若有奇者亦曰奇,説

也。

若左右鈞,則左右皆執一算以告,曰:「左

右鈞。」

以告。

注曰: 鈞猶等也。等則左右手各執一算

于中西,興,共而俟。共音拱。降復位,坐,兼斂算,實八算于中,委其餘

疏曰:此將爲第三番射,故豫設之,或實

于中西者而執之也。 繼公謂:兼斂算者,兼斂左右之算,及横

右告獲

司射適堂西,命弟子設豐。

注曰:豐形蓋似豆而卑。

繼公謂:命設豐乃不搢扑者,以尊者亦

當飲此豐上之鱓故也。

弟子奉豐升、設於西楹之西、乃降。奉,芳勇

反。

降,反於堂西。

勝者之弟子洗觶升酌,南面坐奠於豐上。

降,袒執弓,反位。

繼公謂:弟子不待司射命之而洗觶升酌注曰:勝者之弟子,其少者也。

命之而弟子知其爲勝黨者,蓋於釋獲者者,設豐實觶,其事相因可知也。此不

一六三

者,主於飲不勝者也。 升告之時已與聞之矣。勝者之黨實 有執爵者爲之。 然亦惟 發 端 以 授 觶 見 辱也。 也。 弛弓而

位。 ,辟飲尊者之禮 此時「袒執弓」,於禮無所當,三字 也。 反位,反堂 一西之

其意耳,故後

酌

者

不

疑 衍、《大射儀》無之。

張弓。 之南,命三耦及衆賓勝者皆袒、決、遂,執 司射 遂袒執弓,挾一个,搢扑,北面于三耦

注 三三 執張 马,右手執 弦 7,如卒 射。

張弓,射時執弓之常法也

繼公謂:

司射袒亦決、遂,經文省耳。

執

於其 不勝者皆襲,説決、拾,卻左手,右加 (上,遂以 執驸。 説,吐活反。 弛 马

明言之,不然則嫌亦袒、決、遂與之同 決、拾矣。復言之者,承命勝者之後,宜 此 亦司射以是命之也。不勝者固襲,説

> 與? 左手卻執驸,則右手其覆 又横執之,皆變於常, 執 且 簫 示

司射先反位,三耦及衆射者皆與其耦進立

于射位,北上。 三耦以下,皆如 司 射 所 命 而後 進

大

夫之耦,亦當進立于三耦之南

射。 司射作升飲者,如作射。 及階,勝者先升,升堂,少右。 一耦進,揖 如 升

注曰:少右,辟飲者也。

也。 酌、不授,乃同 先者少右,辟飲者,變於射 階,乃以勝負分先後,蓋屈伸之節 勝者從之也。上下射在庭如 繼公謂:先升,道之。勝者升三等,而不 1.升而並立者,示相飲之意 時 也。 初 儀,至 然爾。 耦不

不勝者進,北面 坐取豐上之觶,與,少退,

立卒鱓,進,坐奠于豐下,興,揖。

注曰:右手執觶,左手執弓。

與勝者並,乃飲也。耦不酌、不授,故飲奠觶,則亦當南面取觶也。少退者,欲繼公謂:進固北面矣,乃言之者,嫌南面

豐下之南。

者惟立卒觶而已,皆罰爵異也。

豐下,

不勝者先降。

射時。既降而少右,上射則少左,庭中之行如者從降,亦中等。不勝著若下射也,則者從降,亦中等。不勝著若下射也,則者為主,故勝者先升。不勝者先降,勝

之南、遂適堂西、釋弓、襲而俟。與升飲者相左、交于階前、相揖、出于司馬

也,經文省爾。俟,謂南面東上以俟司不勝者釋弓而已,勝者又説決、拾而襲

有執爵者。

有執爵者。

自西階,立于序端。 注曰: 贊者代弟子酌也。於既升飲而

升

飲之時,立于序端以俟之也。繼公謂:執爵者之升,似當在上耦未升

注曰:每者輙酌,以至於徧。執爵者坐取觶,實之,反奠于豐上。

繼公謂:取鱓北面,奠之亦南

为之,从至今扁五。案:注意蓋謂每人既飲,則執爵者輒爲繼公謂:取觶北面,奠之亦南面。

之,以授於席前。 不勝,則不執弓,執爵者取觶,降洗,升實升飲者如初。三耦卒飲。賓、主人、大夫善酌之,以至於徧也。

注曰:優尊者也。

則酌賓,授于席前。賓、主人則於其右,繼公謂:上射勝則酌主人、大夫,下射勝

大 (夫則於其左,皆邪鄉之。

受觶,以適西階上,北面立飲。

位 西 也。 階上,亦楹西少南,此飲罰 以是禮主於罰爵,故雖尊,亦當 爵者之 IE.

就此而飲。

卒觶,授執爵者,反就席。

必授之者,宜反於其所受者也。

大夫飲,則耦不升。

繼公謂:不升,立於射位也。 注曰"以賓、主人飲,耦在上,嫌其升。

大夫既飲,

則徑適堂西而釋弓與?

若大夫之耦不勝,則亦執弛弓,特升飲。

言特升飲 而耦不升,則耦 ,明大夫在席自若也。大夫飲 飲 而大夫不 ·與亦 宜 爾。

執弛弓而升飲,衆賓之不勝者,其 禮 然,

衆賓繼飲 故不得 以所與爲耦者之異而變也。 ,射爵者辯,乃徹豐與觶。 辯音遍。

徹,直列反。

注曰: 徹猶? 除 也。 設豐者,反豐於堂

執爵者反 解於篚

右鈎 豐以下皆言勝者飲不勝者之禮。 繼公謂:衆賓繼飲皆如三耦也。 ,則無此 而即獻獲 者與? 自命設 若左

## 右飲不勝者

司 獻時蓋西南面。 馬洗爵 獲者負侯 獲者受命於司馬,故司馬 ,升實之以降,獻獲者于侯。 未退,就而 大射之禮,獻獲者于侯 獻之,辟君 主獻之。 禮也。 是時

西北三步。

薦 之,亦當侯中,在獲者之前。皆三祭,爲 先設薦俎乃受爵,亦變於君禮也。 脯醢,設折俎,俎與薦皆三祭。 其 設

其將祭於侯之三處也。

薦有三祭,謂脯

之半職者三也。● 俎祭,謂刌肺也。 薦

俎皆北面設之,俎在薦南。

不同面者,明其異於常禮也。
旌乃拜,且嫌受獻或異面也。此拜送爵趙負侯北面矣,復言之者,明其還而倚

設薦俎。个如字,舊讀作幹,非。獲者執爵,使人執其薦與俎從之,適右个,

禮矣。 言 上右也。 侯北,薦在俎 注 而 繼公謂: [獲者 祭其 日 ,非爲侯故耳。 人,謂主人贊者,上設薦俎者也。 其設薦之位,亦 薦 南 薦俎不統於侯者,此獻主於獲 獲者因射侯而得獻,❷故就 俎 面 坐祭薦,乃祭俎,則 與酒焉,❸示不忘本 北,而獲者又在 个之名義未詳。 脯 西 一萬北 而 醢 是 也 東,蓋 如如 俎 常常 下 侯 在

市,怪系,遂系酉。獲者南面坐,左執爵,祭脯醢,執爵興,

取

肺,坐祭,遂祭酒。

取離肺者必奠爵乃興。必云執爵興者,見其所取者非離肺

也,

興,適左个,中亦如之。

同。

<sup>● 「</sup>臓」,原誤作「職」,今據庫本改。

<sup>) 「</sup>侯」,原無,今據明本、通本、庫本補。

<sup>「</sup>設」,原誤作「適」,今據明本、通本、庫本、注疏本改。「故」上,原衍「獻」字,今據明本、通本、庫本刪。

之而 飲於薦右,亦變於大射禮也。 故 曏 執 以 爵 西 有 先 爲 面 立于 設于其東也。 耐 受于侯,今執 此 而東 面 一、執薦 薦 爵 右,脯 宜 俎者又從 以違其位 居 南 正 也。 位

而南,故復言東面。

來與? 之後,即北面立于侯之西北以俟獲者之己叛,即北面立于侯之西北以俟獲者之司馬於此方言復位,則是既獻獲者于侯司馬受爵,奠于篚,復位。

位 設。 謂 則 繼公謂: 一、辟旌。 離 不 敢 於故 必 就 徒 獲者於此 手 處 乏者,宜 而 也 勞人 ,此改設于乏南,故云辟 自 近其位 也。 執 辟 其 如 薦者,已授爵 也, 不當其 辟奠之辟,

獲者負侯而俟。

事未畢而受獻,故反而卒之。俟,俟

去侯。

右獻獲者

其位少南,薦脯醢,折俎,有祭。襲,適洗,洗爵,升實之以降,獻釋獲者于司射適西階西,釋弓矢,去扑,説決、拾,

注曰:不當其位,辟中。

禮也。不執弓矢,則當襲矣。 言者,文省也。. 釋獲者聽命於司射,故司射 不可佩刑器也。説決、拾,襲,當於堂西,不 主獻之。獻時 繼公謂:釋弓矢,説決、拾,爲將洗酌 折」上當有「設」字,蓋文脱也。 蓋 西 北 面,既授乃北 去扑者,獻 有祭脯與 面 而 也。 則

●「宜」,原作「且」,今據明本、通本、庫本改

勤勞之事,於此乃得獻,則其他弟子,於獻切肺也。獲者與釋獲者,皆賓之弟子,以有

衆賓之時亦不與明矣。

爵,釋獲者就其薦坐,左執爵,祭脯醢,興釋獲者薦右東面拜受爵,司射北面拜送

取肺,坐祭,遂祭酒。

就其薦,謂於薦西也。

興,司射之西,北面立飲,不拜既爵。司射

受爵,奠于篚。

與司射俱北面,則宜並立也。拜受立飲司射之西,則又少南於薦右之位矣,蓋

釋獲者少西辟薦,反位。辟音闢。

不同面者,異於堂上之獻也,獲者亦然。

算也,亦辟俎。 注曰:辟薦少西之者,爲復射妨司射視

薦,據釋獲者所執而言也。 辟俎則有司繼公謂: 辟與上經辟設之意同,惟云辟

爲之。

司射適堂西,袒、決、遂,取弓於階西,挾

个, 搢扑, 以反位。

既奠爵于篚,乃遂適堂西俟。爲獻事畢也。至此乃言反位,則曏者於

右獻釋獲者

儀禮集說卷五上

六九

# 儀禮集説卷五下

元 敖繼公 撰

實許。去,起吕反。 司 射去扑,倚于階西,升,請射于賓如 初。

也。 者,不宜與獻賤者之禮 扑 不於未播 而即去,反位 扑 而 而即 遂 相因 請 往,皆禮 者,有 也。 事

節

當

然

於

尊

### 右三請射

及衆賓:「皆袒、決、遂,執弓,就位 司射降, 於階西播扑,乃由 示不敢由便也。 搢扑,由司 馬之南適堂西,命三 司 馬之南適堂西者, 耦

> 弓,各以其耦進,反于射位。 司射先反位。三 耦及衆賓皆祖、決、遂,執

亦並 以其耦進,謂上射先而 行。 若大夫之耦, 下射從之也,進 則 亦 以 序 圃

獨

司射作拾取矢,三耦拾取矢如初,反位。 進,下文云大夫就其耦是也。

拾,並其劫反。 司射亦惟作上耦也。 亦射位。

位

賓、主人、大夫降揖如初

主人堂東,賓堂西,皆袒、決、遂,執弓,皆 云揖如初,則是亦兼堂上者言也。

進、階前揖。

及楅揖,拾取矢如三耦。 進至階前相俟,●乃南 面 拾,其劫反。 而揖行也。

注曰:及福,當福東西 也。

0 階」,原誤作「西」,今據庫本改。 大夫袒、決、遂,執弓,就其耦。

南,及福揖 繼公謂: 乃西 面,賓乃東面 及楅 而止,所止之處,即拾取 揖,亦 南 拾取 面 揖 矢。 也。 階前 既 揖,主 矢之 揖 而

卒,北面,播三挾一个。

儀異 卒即 不同 於於 北 也 面 耦 而 爲此,是猶未離其 者 蓋 退 於北, 與 退於南 位 也。 者 此

揖退。

一揖而退,又略於初也。

賓堂西,主人堂東,皆釋弓矢,襲,及階揖,

升堂揖,就席。

然則經文之類此者,皆可得而見矣。卒射時也。不言説決、拾者,可知也。賓、主人釋弓矢不於序之西東者,變於

繼公謂:祖、決、遂,蓋於賓既出堂西而注曰:祖、決、遂於堂西,就其耦於射位。

爲之。

揖皆進,如三耦。

無堂上、堂下之異,故不得如升射之儀如三耦,則耦不少退也,以其行事於庭,

也。

興,反位。而後耦揖進。說,吐活反。 耦東面,大夫西面。大夫進,坐,説矢束,

其異者 爲之; 當拾 大夫即 事 大夫進及反位皆不揖,以 凡大夫之取 也 取 其與士爲耦者,即 也。 也。 位 乃 説矢東不 其自爲耦者,並 進説 矢于楅者,必説其矢束,以 矢束,以其爲下射 ·言北 位而後爲之,此 非 與 面,亦文省。 行 稱行禮之 至 福南 也。 即

坐兼取乘矢,順羽而興,反位,揖。 大夫進

坐 ,亦兼取乘矢,如其耦

耦兼取乘矢不 敢拾取 者, 以 其 非 敵 也

羽,是亦兼 敵者共取矢於楅 諸弣矣。 則 此 拾以 與 三耦異 爲儀 者, 言 惟 順

不拾取矢耳,餘則同。

北 面, 播三挾一个。

注曰: 亦於三耦爲之位。

揖退。

惟 云揖退,亦以其如三 耦可知 也。

耦反位。 大夫遂適序西,釋弓矢,襲 升 即

注曰:大夫不序於下,尊也

席。

矢於故 繼公謂:適序西者,以其獨往,故得 處 ,亦爲變於卒射之時 也。 釋弓

反。 衆賓繼拾取 矢,皆如三耦,以反位。

拾

,其劫

右射者皆取矢于楅

升如初

司

射猶挾一

个以進,作上射如

初

耦

揖

言作「升射」,蓋後 字似衍 有 注曰: 適南爲進者,凡進退之文無常,大抵 繼公謂 事於彼爲進、卒事 進,前一 ,否則其下當有 進,由 也。 司馬之東而 今文或言作「升射 人亦 而 反爲 「耦」字。 疑 其誤 進 退 也。 也。 而 今文或 此 以 以

矣。或曰「進」字亦衍

司馬升,命去侯,獲者許諾。 司 馬 降

弓,反位。

樂樂于賓。 司 射與 亦皆如初可知。 司 馬交于階前、去扑、襲、升、請 賓許諾。 去,起吕反。「樂于」之「樂

以

音「洛」,下同 若也,似不宜襲,此言「襲」,蓋衍文。 司射惟去扑耳,其決、遂、執弓、挾矢 自 以

故 日 「請 用 樂 以 爲 樂 歡 樂 樂 于 \*賓」,《 也 以 大射 此 請 儀 之于 **>**  $\Box$ 

「請以樂」。

司射降, 搢扑, 東面命樂正曰: 「請以樂樂

于賓,賓許。」

注曰:東面,於西階之前也。樂正亦許

諾

也。

司射

遂適

階閒,堂下北

面

命曰:「不鼓

不

繼公謂:必搢扑而後命樂正者,辟併敬

釋。」上射揖,司射退反位

注曰: 節、《 應節 無 **二當於五** 投壺》其 爲 難 不與鼓 鼓 聲,五聲不得不和。」凡射之鼓 (存者 亦樂之節。 節相 也 應,不 《周禮》射 《學記》曰 釋 算 也 说節,天 射用 鼓

繼公謂:不鼓不釋,言不與鼓節相應,雖

子

九,諸侯七,卿

大夫以

下五

也。 貫 乘矢焉,《射人》職 五 歌之終,乃奏鼓 節,其三節先以聽,而二節之閒,捨 猶 王之大射, 不 釋 算 也。 九 不言 節 鄉 所 五 射之歌 謂「 貫 IE 者 諸 五節二正」 可 五 侯七節 知 終, 也 而 是 發 鼓 每

正,卿大夫與士同。

樂正 大 師 注 國風 日 東面命大師曰:「奏《騶虞》,閒若一。」 不興,許諾。 召南》之詩篇 東面者 ,進還 樂正 鄉 退 也。 大師 反位。 閒 也。 若 大,並 一者,調 騶虞》, 一音泰。

其聲之疏數,重節。

如一,則是重樂節也。疏曰:閒若一,謂五節之閒,長短希數是

卿大夫以《采蘋》,士以《采蘩》。」此 也,此惟 繼公謂:言命 》職曰:「王 據 有 大 以《翳虞》,諸 大師者,見所 師者言之。 侯 命者  $\sim$ 以《 周 官 必其長 貍 首 士 • 射 射

一七四

大夫、衆賓繼射,釋獲如初。卒射,降。乃奏《騶虞》以射。三耦卒射。賓、主人、之樂乃得奏《騶虞》,亦其異者。

釋獲者執餘獲,升告左右卒射,如初。升告之節也。《大射儀》曰:「降反位。」降,指衆耦之最後者而言,以見釋獲者

#### 右三射

如 射釋弓、視算 反 司 初 位 馬升,命取矢,獲者許諾。 、降復位 弟子委矢,司馬 如 初。 釋 獲者以賢 乘之,皆 司 馬降, 獲 如 與 初 鈞 釋弓 告 司

第于中之事矣,蓋以其不復射故 節 言如初,又言降 心,亦 以見其 所 復位,爲司 如 者止 於此, 射命設豐 也。 無 復 之 實

## 右取矢告獲如初

執張弓,不勝者執弛弓,升飲如初。司射命設豐,設豐、實鱓如初。遂命勝者

此脱一句也。《大射儀》此下云「卒、退豐與觶,如初」,

## 右飲不勝者如初

<sup>劫反。</sup> 弦,面鏃,適堂西,以命拾取矢,如初。拾,其弦,面鏃,適堂西,以命拾取矢,如初。拾,其司射猶袒、決、遂,左執弓,右執一个,兼諸

於弦,尚其鏃,將止,變於射也。注曰:側持弦矢曰執。面猶上

也。

并

矢

則執 也。 者,蓋示之以 上。凡射者於矢,將用之則挾,不 於弦矣。 繼公謂:右手先執矢,乃又執弦,則 兼矢於弓者皆 兼矢於弦,面鏃,以 此節執 面 一矢之法 鏃,蓋 矢 命 而 以 拾 不 · 用之 鏃 必 取 兼 矢 挾 矢 辯拾取矢,揖,皆升就席。

辯音遍。拾,其劫反。

驸以退,不反位,遂授有司于堂西。拾,其劫袒、決、遂,拾取矢,如初。矢不挾,兼諸弦司射反位。三耦及賓、主人、大夫、衆賓皆

疏曰:兼諸弦弣者,一矢兼弦,三矢兼

反。

者也。 于 其 矢也。 如司 西之位爲之。位,射位也。不反位,但 由 則兼諸弣自若,亦象 面 繼公謂: 驸 堂 耦 司 ,則不挾矢,但 亦 馬 西,主人則以授有司于堂東 射之戒也。 存焉。 此文主於三耦及衆賓也,大夫 之南 必授之者,射事 拾取 加 若賓,則自階下以授有 過 時猶皆兼諸州,至楅南 也。 賓與主人則亦於福 取 授有司,授之以 搢三挾一之儀, 矢兼諸 止則宜反 弦、餘三矢 也 於所受 與 且 北 司 東

> 揖皆升 必俟 方,如未射之時矣。 其辯也。三人既升,則餘人以次立于西 大夫,則既授弓矢即 拾 就 取 席 矢者辯 謂 衆賓三人也。 而 後 升如 升。 初 若主 禮, 衆賓三人 固不俟 人、賓、

# 右射者復皆取矢于楅

反位。去,起吕反。説,吐活反,下同。司射乃適堂西,釋弓,去扑,説決、拾,襲,

司馬命弟子説侯之左下綱而釋之。

注曰:説,解也。

變於射與未射之時。繼公謂、云釋,則是不東也。説而釋之,

者退中與算而俟。命獲者以旌退,命弟子退楅。司射命釋獲

注曰:備復射也。獲者、釋獲者亦退其

薦俎。

案:注云「獲者、釋獲者亦退其薦俎」,此 西 繼 據《大射儀》而言也。 公謂 以 俟,其 旌退于西方 人則皆復于西 退薦俎 楅 與中、算退于 方之位 ,各當其位 也 堂

司馬反爲司正,退復觶南而立。

之前與?

時鱓不徹,是時司射亦當復東方之位。射事已而復其故職也。云復鱓南,見射

也,升自西階,反坐。相,息亮反。

樂正

命弟子贊工

即

位。

弟子

相

工

一如其

降

注曰:降時如初人。樂正反于西階東,

北

面

謂反其故位而坐也。工既坐,弟子亦降其降,亦謂後先及相之之儀也。反坐,繼公謂:命弟子,亦適西方命之也。如

立于西方。

右射事止

酬主人之禮 拜,執 上 主人。主人降席,立于賓東。 北面拜送。賓揖,就席。 面 拜,不洗,實之,進東 賓北面 膕 拜,賓少退。,主人進受鱓,賓主人之西, 大夫,大夫降席,立于主人之西, 觶興,主人答拜。 坐,取俎 西之觶,興,阼 南 面。 主人以鱓適西階 賓不祭,卒鱓,不 主人阼階上北 賓 階上北 坐 一奠觶 如賓 面 怬

之。長,知丈反。主人揖,就席。,若無大夫,則長受酬,亦如主人揖,就席。,若無大夫,則長受酬,亦如注曰:其既實鱓進,西南面,立鄉所酬。

司正升自西階,相旅,作受酬者曰:「某酬而言。大夫若衆,則相酬辯乃及長。長,謂衆賓之長也,此惟據主人所酬者

知。

某子。」相,息亮反。

秋傳》曰"「字不若子。」注曰"某者,字也。某子者,氏也。《春

者、緣酬者意欲尊敬之、故於此言字、於 子,彼此之辭也。 也。 繼公謂:此謂大夫酬長若 司正 稱 酬 者之字, 此主爲 稱受 酬 長 者 酬 相 命受 者 怬 之時 日 酬 某

辯,遂酬在下者,皆升,受酬于西階上。辯音衆受酬者拜,興、飲,皆如賓酬主人之禮。受酬者降席。司正退立于西序端,東面。

彼言子,所以不同。

曰:「主人之贊者西面,北上,不與。無注曰:在下,謂賓黨也。《鄉飲酒・記》

遍。

繼公謂:在下者迭升受酬,亦如上禮可

算爵,然後與。」此異於賓。

卒受者以觶降,奠于篚。司正降復位

#### 右旅酬

使二人舉觶于賓與大夫。

輝,拜,執觶興。賓與大夫皆答拜。 學與者皆洗觶,升,實之,西階上北面,皆 學觶,拜,執觶興。賓與大夫皆席末答 坐奠觶,拜,執觶興。賓與大夫皆席末答

大夫席末,席東端也。

北面東上。賓與大夫拜。舉觶者皆進,舉觶者逆降,洗,升實觶,皆立于西階上,

以其將奠觶也。東上,主賓者在右也。至是乃言之者

坐,奠于薦右。

賓與大夫辭,坐受觶

以興。

坐,反奠于其所,興。 舉觶者退反位,皆拜送,乃降。賓與大夫

之西 此 也 于其所,亦皆少違其故 於此云興,見其 無 處 事 而 則 在 不 其 坐 俎

若無大夫,則唯 賓

也。

言此 禮 雖 唯當行於尊者耳。 日 者,明 正禮,然若無大夫,則闕一人,以其 不舉鱓於賓長。 此二人舉 觶

#### 右二人舉 觶

司 正 升 自 西 階 阼 階 上 一受命 于主人, 適 西

階 上,北 面 請 坐 于賓。

賓 解 司 以 正適阵階上北面而受命。 俎。 反命于主人。主人曰:

請徹

俎 。」賓許。 徹,直列反,下同

備 注 耳。 日 : 上言請坐于賓,此言主人曰 1,互相

司 正 降自 西階,階前命弟子俟徹 俎。 司正

> 受俎,降自西階以東。 俎 階 自 升,立于序端。 面 出 南 賓從之降,遂立于階西, 賓取 ,授從者。 方, 阼階上北 俎, 還 主人取俎,還授弟子,弟子 賓降席,北 授 画。 司 Ę 主人降自 大夫降席, 司 面。 東 正 面。 以 主 作階,西 降 席 人 司 自 東 降 正 以 西 南 席

面 主人取俎,未必在 立。 還,並音旋,下同。 從者,才用反

蓋終言之耳。 西面立 階東,當序位 門之後,上文 也。

司

正

出

者,才用反。 遂 大夫取俎,還授 衆賓皆降,●立于大夫之南,少退,北上。從 出 ,授從 者。 弟子。 大夫 從之 弟子以 降, 立 降 于 自 賓 西 階, 南。

説見前篇《記》

0 皆降」,原誤作「降皆」。今據庫本、注疏本改。

#### 右徹俎

主人以賓揖讓、説屨、乃升。大夫及衆賓

皆説屨,升坐。説,並吐活反。

異耳。 亦當説屨乃揖讓,如飲酒之禮,特立文

## 右説屨升坐

興,取奠觶,飲,卒觶,不拜。 乃羞,無算爵。 使二人舉觶,賓與大夫不

矣,著之者,嫌坐卒爵者拜既爵。此坐于西階上,當執鱓也。卒鱓者固不拜注曰:二人,謂曏者二人也。使之升,立

事也,其位蓋在西序端,北上。若無大酌之,即下文所云執觶者受觶遂實之之繼公謂:使之亦司正也。此舉觶謂取而

于席,禮既殺,不復崇。

## 夫則惟一人。

夫之觶長受,而錯,皆不拜。 長,知丈反,下同。執觶者受觶,遂實之。 賓觶以之主人,大

錯,七洛反。

注曰:皆不拜受,禮又殺也。

行之。 也。 拜,禮蓋 與? 所以然者,以二 夫,乃及衆賓,蓋先尊而 若惟一人,則衆賓長先受其觶,以 夫之觶長受而錯,則賓觶但至主人 繼公謂:錯,謂以 觶故爾。 若無大夫,乃行 大夫若有二人以上,則皆及 相 因 先者不拜而 也。 次更迭而受也。 主 觶 人之解,爲 飲,故受者皆不 後 並 卑 行, 也 難 其 爲 而 굸 於大 次 大夫 大 無 旅 止

遍。辯,卒受者興,以旅在下者于西階上。辯章

注曰:執觶者酌,在上辯,降復位。

一七九

者,衆賓長之末者也。其受于席末,飲,繼公謂:辯,謂堂上皆已受爵也。卒受

興,以旅在下者,乃飲,如下文所云是

已。云卒受者興,見惟行一觶也。

長受酬。酬者不拜,乃飲,卒鱓,以實之。

注曰: 言酬者不拜者, 嫌酬堂下異位當

拜也。乃猶而也。

繼公謂:長,謂堂下賓黨之長也。言酬

者不拜者,嫌親酬當拜也。實之,謂自

實之。

受酬者不拜受。

曏者旅酬有拜而飲者,拜而受者,故於

此一一明之。

辯旅,皆不拜。辯音遍。

注曰:主人之贊者於此始旅,嫌有拜。

執觶者皆與旅。與音預。

注曰:亦自以齒與於旅也。

旅酬之時,主人之贊者不與,信矣。繼公謂:於此言執觶者皆與旅,則曏者

卒受者以虚觶降,奠于篚。

大單子其七人寫斤筐具? 此以降者,一鱓也,然則主人所飲之鱓,

執觶者其先以奠于篚與?

而復始、儀亦如之、至醉而止、所謂無算下之儀、不言者、可知也。此後酒行終工輝元在賓與大夫不興、取奠觶飲以工觶元在賓與大夫之前、故云反奠、餘執觶者洗、升實觶、反奠于賓與大夫。

爵也。

此無算樂,亦宜與《鄉飲》者同。無算樂。

右無算爵

賓出,衆賓皆出,主人送于門外,再拜。賓興,樂正命奏《陔》。賓降及階,《陔》作。

# 降,謂降堂。及階,至階上也。

#### 右賓出

遥反。見,賢遍反。 如賓服,遂從之,拜辱于門外,乃退。朝,直明日,賓朝服以拜賜于門外。 主人不見,

主人辭不見,賓乃拜,主人拜辱亦如之。拜賜之禮,賓至於門外,擯者出請入告,

# 右賓拜賜主人拜辱

注曰:此已下皆記禮之異者。主人釋服,乃息司正。無介。

乃言之者,嫌不射而飲或用介也。繼公謂:昨日正禮已無介,則此可知矣,

不殺。使人速。

迎于門外,不拜。人,升,不拜至。不亦當使人戒乃速,經文略也。

拜

酒。

人不崇酒,則賓亦不告旨矣。其他不見俎也。《士冠》、《士虞》以乾肉折俎。主言不殺,復言無俎者,嫌不殺者亦或有

不拜衆賓。

者,可以意求之。

獻,則衆賓亦拜受爵,而主人答之。 此謂不拜之於庭,指將獻之時也。若

既獻衆賓,一人舉觶,遂無算爵

賓降説屨升坐矣。不言遂請坐者,請坐于其所,擯者遂受命于主人,請坐于賓,注曰:言遂者,明其間闕也。賓坐奠觶

繼公謂 爵始也。言遂無算爵,明其説屨升 與正禮之舉觶 此一 人舉 爲 旅 觶 酬 在 始者同,實 獻衆賓之後, 爲 坐 無 即 算 雖

主於無算爵。

舉觶之後,無算爵之前,其閒工人、升歌取此觶飲也。 案:注云明其閒闕,謂

等禮皆闕也。

無司

正

注曰:使擯者而已,不立之。

賓不與。與音預。

公謂:

此禮·

一略,無所用之,故不立。

昨日正賓,不可褻也。

徵唯所欲。以告于先生、君子可也。羞唯

所有,鄉樂唯欲。

此與前篇息司正之禮亦同,但文有詳略

爾。

右息司正

《記》。大夫與,則公士爲賓。與音預。

可用處士者,以處士去大夫之尊遠故《記》言此者,恐其或用處士也。所以不

來觀 當以 夫之與此會者,乃亦主人請之明矣。 士皆 也。 乃人,主人必無臨 可。 禮,非也。 公士爲之。 鄉飲 舊説 酒之禮,大夫若與,其賓 謂 大夫於一人既舉 大夫不與,則公士若 鄉 時易賓之理。 飲酒、鄉射 一大 大 然則 觶 夫 介 于 大 賓 自 亦

使能,不宿戒。其牲,狗也。

用狗者,因大射之牲也,其義與鄉飲酒

同。此下有不釋者,見前篇《記

布 亨于堂 純。 西 東 序 北 之席北上。亨音烹。 尊綌幂,賓至徹之。 徹, 蒲 直 筵 列 反。 緇

經言衆賓長升就席者,三人耳。又曰衆純,之允反。

者,此《記》未詳。

賓之席繼

而

西,是未必有西序之席北

脯用籩,五膱,祭半膱,横于上。醢以豆,獻用爵,其他用觶。以爵拜者不徒作。薦

出 注 自 日 東 房。 脯 用 膱 籩,籩宜乾物也。 長尺二寸。 膱 音職。 醢 長,直 以 豆,豆豆 亮反。

膱 宜 、挺皆取 濡 物 也。 直貌 職或謂 焉。 之挺,爲記 祭横于上,殊之也 者異耳。

於人爲縮。 膱 廣狹 未聞

미 虞 末」,是膱長尺二寸而中屈之也。《士 繼 以見其制矣。 公謂:《 記》有乾 曲 禮》曰「以脯脩置者,左 肉 折俎,亦 祭半 膱 ,則不屈之。 日「朐在南 二,此 胸 右

肺。 俎 由 主人俎,脊、脅、臂、 東 壁,自西階升。 凄。 腠,七奏反。 肺。 賓俎,脊、脅、肩、 肺皆離,皆右

注 尊者 日 賓俎 用 肩,主人用臂,尊賓也。 若 體

也

進

繼公謂: 有 ,則俎其餘體也 不言大夫俎者 有 無 不定 也

凡 舉 者於右。 平爵,三 作而 衆賓之長,一人辭洗,如賓禮 不徒 爵。 凡奠者於左,將

> 若 公,則大夫如賓禮 有諸 公, 則 如 賓 。 長,知丈反 禮 大大 夫 如 介 禮

> > 無

諸

者也。 《記》乃著有諸公之禮,皆似失之。 見大夫禮,而略不及公,則無諸公明矣。 不以諸公之有無而 如賓禮 此經所言遵者、大夫之儀,正指 與《鄉飲酒》之經合,似也。 賓禮、介禮 大夫如賓禮,其言大與此經 有諸公則 乎? 而其 如 一亦謂 儀亦 賓 蓋 禮 大夫之禮 無 ,大夫如 其受獻時之儀耳。云 以 爲隆殺。 異於介,烏 宜降於賓, 介禮,其 違,則非矣。 云無諸 又經惟 在其 無諸公 言略 公則 屢 固 爲

樂作,大夫不入。 樂正與立者齒

矣,惟位則異。 但 云與立者齒 則 獻 薦 與 旅皆 在 其 中

三笙 和 而 成聲。 和,胡卧反。

三人吹笙,而 一人歌其所 吹之詩 以 和

八匹

之。 故 無算 不奏之。 樂之時 衈 後 笙 之 乎 辭 ? 顯 笙之人 且 成 也,以 聲 也 將射之, 此 其 在

西

「則此、

文意已在

其中

矣,似不必言也。

經

於司

射取弓、

挾

矢、

取扑,皆著其

在

階

其笙則獻諸西階上。立者東面北上。獻工與笙,取爵于上篚。既獻,奠于下篚。

注曰: 賓黨也。

繼公謂:門内堂下之位同。

遂

命

倚

旌

司

子,司射前戒之。司正既舉觶而薦諸其位。三耦者,使弟

射請戒之。 注曰:弟子,賓黨之少者也。

前

戒,謂

先

弟子 不使長者,嫌其 有教之之意,故 繼公謂:三耦射則在先,立則 ·爲之者,爲 司 待之淺 以 射 少 者 當誘射 爲 也 三耦 故 惟 居前 也 前 而 戒、故 誘 乃 誘 以 射

司射之弓矢與扑,倚于西階之西。

同

時

行

事

非

相繼

爲之。

經

不

·明言,

故

不

待

命

而先俟

于

西

射既袒、決、遂而升,司馬階前命張侯,

意又似失之不備矣。

矢亦不盡

倚于階

西

也。

然則《記》之文

經又著司射適堂西挾一个,則是司射之

案: 階前 下 也 司 司 繼公謂: 事 射 射 注云「著並 故 ,下云命負侯者由其位,文互見 然經文所 升 比三耦之後、《記》言此,以 爾。 請 經言司馬 射 階前,即 於 以 行」者,謂 賓之時,非若 如彼者,欲終 命張侯及倚旌, 觶 南之處 此 時 司 經文之 也。 E 射 事 明 乃 其 乃 司 此 也 次 馬 在

《記》著之也。

大夫 凡 凡侯,天子熊侯,白質; 畫 布 者,丹質。 侯,畫 以 糜音迷。 虎豹; 畫,胡卦反 士布侯, 諸侯麋 畫 侯,赤質; 以 鹿

非 其 爲 夫、士之鄉射,於布侯之上但 侯 獸皮之全者二夾置於基質之旁也,凡皮 故記之於此。 射,其燕射則皆用 侯 射 天子、諸 此 而 體 之制 川則 飾 畫 謂 則 不不 也 矢至」是也。 亦 爠 王 如 侯也。 布 亦然, 以 以 侯 鄉 質亦 也。 皮 息 射 則 也。 之禮 惟 燕」,是天子、諸侯 爲 云熊 的 此 其於大夫、士則 燕射 不 名,《荀子》 云 此  $\sim$ 鄉射之禮,而張此侯 」、《梓人》職 質 畫 圉人》職 侯、麋侯者,皆 云 也。 一,見 而 布,見熊、 鵠 熊、麋  $\wedge$ 爲 日 日 畫 異 |「射則 質 爲 日 麋 此 爾。 雖 鄉 侯之 張 的 四 以 無 共 侯 具 其 潤 鄉 潤

並言 其質 辟其 者以 《記》云「禮 君 不以 用 則新 則熊 丹者 椹 不 大射之禮,王則虎侯、熊侯、豹 豹、鹿、豕之侯皆以丹質,言其 飾 (周官》及《考工記》言射者,皆以 同 燕 質」、《考工 卿大夫之侯,大夫士 且相 科, 熊 大 侯。 射 也 ,質上所 木爲之,而 侯、豹侯、 是其 射 之 與 別異 此 此天子用 也。 侯 麋 不 射 堅 射 畫 爲 司 一記》日 也。 亦禮 類 塗之色,各因 豻 不主 畫 物, 也。 其 侯而 一者,雖 潤 侯, 凡畫 射 所以 其三 方 者 「利射 皮」,此皮 也 禮 卿 如 畫 者 又但 變 射 大 不 侯之 潤二 鵠 遠下之也。 丹質 革 用 乃 不 於 夫 與? 其 與質」, 用 主皮,爲 皮,猶不 用 畫 者,亦宜 次 則 所 謂 質者, 謂 侯,諸 ),諸侯 皮者 質 麇 丽 質與 宜 白、赤 革 同 己,皆 侯, 畫虎 以爲 則質 也。 也 也 革 力 下 與 夾 侯 又

禮 集 説

其近故與? 侯近, 則質雖堅而易貫,故

與主皮之義 異

射自 武。長,直亮反,下同。箭,古可反。 楹閒,物長如笴,其閒容弓,距 隨長

也。 也。 時 注 所 曰:楹閒,中央東西之節也。 距隨者,物横畫也。武尺二寸。 立 長三尺,與距 處 也。 長如笴者,謂從畫之長 相應,射者進退之節 物,謂 射 短

之距 矣。 繼公謂: 隨長 射者南面,還 其閒容弓,爲從畫言也。 武,則上下射之相去不及五 視侯中之後,先以 横 左 畫 尺

至則右足從之也。 之,故名東端 足履物之東端,乃以右足履其西端 爲距 ,西端爲隨,取其左 距,至也 隨,猶 而 從 足 合

也。 物之名義未詳。

序則物當棟,堂則物當楣

注曰: 是制五架之屋也。 正中曰棟,次

> 日 楣 ,前曰展。

與? 繼 公謂: 堂之庭深於序,故進 當棟、當楣,其以庭之深淺 退其物 以 而 異

命負侯者,由其位

侯道之數。此侯道五十弓。

疏

曰:司馬自在己位,遥命之。

離其位者,以射事未至,略之,由便也。 繼公謂:位,觶南也。 此與前二命皆不

夫降階,遂西取弓矢。 凡適堂 西,皆出入于司馬之南,唯賓與大

旌,各以其物。 退,乃由此者,統於上射,非正禮也。 爲節。云賓 故取弓矢於堂西,不由之。大夫卒射而 馬之位 入於此者,近於其位也。 凡,凡司射、司馬、三耦、衆耦也。 爲南、於耦之射位 無射 位,大夫不立於射位, 此於司 爲 北 ,故以之 射、 必 司

注曰:旌,總名也。雜帛爲物,大夫士之

所建也。

之物云各,則是三等之士,其物亦有不繼公謂:《記》據士之爲主人者言也。士

同者矣。《士喪禮》曰「爲銘、各以其

者,有挾四矢、五矢者。

物」,亦此意也。

鴻,鳥之長脰者也。八尺曰尋。注曰:此翿旌也。糅,雜也。杠,橦也。

凡挾矢,於二指之間横之。

則以餘指分挾之。凡挾矢,有挾一矢寡,其法皆然。寡則挾以食指、將指,多兼左右手言也。云凡者,謂挾矢或多或

有有事而不執弓之時、《記》蓋大略言之司馬將升堂而有事,乃執弓,非是,則亦司射在司馬之北。司馬無事不執弓。

耳。

始射,

獲而未釋獲。

復,釋獲。

復,用樂行

之。復,並扶又反

亦不可以徒釋之也。至次射 較勝負,且三耦之外皆未射,難 當言獲。 三番射時。 前言復,謂第二番射時。後言復,謂 始射,謂第一番三耦射時。 未 三耦始射,志在 釋獲者,此 如習 復,又射也 於 射 ,則賓主而 然,未 中,中 以 相 宜 則

有 其事已熟,乃可 下 皆 漸,且示先質後文之意。 繼 射 乃 可 以 以 樂爲節 釋 獲。 也。 及第 此皆行 三射, 事 則

上射於右。

注曰:於右物射

楅長如笴,博三寸,厚寸有半,龍首,其 中

蛇交、韋當。長、直亮反。

端爲首,則下端爲尾明矣,經云東肆,是 者,其以當矢而名之與? 如蛇交然。 其證也。蛇交者,以兩木屈曲爲之,狀 其上端作龍首之狀爲識 長如笴,兩端相去之度也。 相閒,必通設韋當於其上,乃可以承 必屈曲爲之者,象弓也。 ,且以飾 福身蛇交,廣 龍首者, 也。 當 上 刻

福髤,横 矢。 而 奉 之,南 面 坐 而奠之,南北當

洗

**髤音休**。

奉,芳勇反。

注 日 : 髤,赤黑漆 也

繼公謂: 言奉之,明執其兩端也

射者有過,則撻之。撻,吐達 反。

而已。《書》曰:「扑作教刑。」 傷害之心遠,是以輕之,以扑 撻於中庭

當刑之。今此射者中人,本意在侯,其

注曰:過,謂矢揚中人。凡射時矢中人,

此科也。 乃爲之,則是尊者之射,雖有過,固 考司射之行事,其有關 扑以涖事,然則撻之者,其 之教,而犯其 繼公謂:射者有過,謂或不能盡 所命者也。 於尊者,必去扑 射 司射與? 時, 司 循 不在 射 司 又 搢 射

衆賓不與射者不降。與音預。

時堂下無衆賓不射者之位故 衆賓,在三人之中者也。 人、大夫皆降,而 此 衆賓或 射 不降者,以是 時, 也。 賓、 又考 主

賓、主人、大夫或有時不與矣。此《記》經言賓、主人、大夫若皆與射之禮,則是

也。以是觀之,則堂上者可以不與,而又言衆賓不與射者不降,皆以堂上者言

在下之衆賓無有不與者乎?

乘矢而取之。拾,其劫反。取誘射之矢者,既拾取矢,而后兼誘射之

經云後者遂取誘射之矢,此則見其於既

拾取己矢乃爲之。

使司馬擯其升降,主於射。 注曰"擯賓、主人升降者,皆尊之也。不

則取矢亦當然也。將擯而去扑,搢之乃繼公謂:擯,謂以辭贊之。射時擯升降,

鹿中、鬃、前足跪、鑿背、容八算。釋獲者

反位。

奉之,先首。奉,芳勇反

疏曰:屈前足以受負,若今駞受負則四注曰:前足跪者,象教擾之獸受負也。

足俱屈之類也。

大夫降,立于堂西以俟射。

以大夫不可與士並立于射位也。

大夫與士射,袒薰襦。

注曰:不肉袒、殊於耦。

襦,尊者不見體也。襦,先著於衣内,袒繼公謂:薰,讀爲纁,古字通用也。袒纁

統於上射,而不宜異之也。矣。乃以與士射爲言者,嫌爲下射或當時則出之。大夫非射於君所,固不肉袒

耦少退于物。

也。且侍射於君,乃退于物,尊君也。上則伸,然則似未必有此少退于物之儀經言耦於大夫,射時之禮,在下則屈,在

大 夫之耦,此 禮 亦 不 宜 與 君 之耦 同

《記》似過矣。

司 也。 者 事已,因去扑之節而并去之也。 司 射 而 者併言之也。 釋弓矢,視算, 釋弓 二者之意義不同 於射事未畢 矢者,爲 視算 與 丽 獻 有洗 唯 而去弓矢者,爲射 此 釋獲者釋弓矢。 酌答拜 二事釋弓矢,故 等 獻 事 釋 故 獲

禮射不主皮。主皮之射者,勝者又射,不

勝

者

降

侯,張獸皮而射之。天子大射張皮侯 不勝者 注 日 禮射、大射、賓射、燕射是 降,則不 復 升 射 也。 主皮者 矣。 言 無

之類是 侯,而 繼 公謂 加正 也。 禮射 鵠。 禮 謂 射 主皮之射則不用正 則張 此 篇 皮侯,若采侯 所 載 與大射、燕 與點 鵠 射

賓射張五采之侯,燕射張

熠

侯

但欲 禮射者也,其相飲之禮有無則未聞 皮之射,以又射與不射示榮辱,者言又射,不勝者言降,文互見 故禮射則不主皮,爲力不同科故也。 也,其爲物堅厚,惟 指此而言也。 之皮不同,蓋以中甲之革爲之,《周官》 云「射甲革」、《樂記》云「貫革之射」,皆 射中其皮耳。 中甲之革,犀兕若牛之皮 强 此皮與 有力者乃能貫之, 示榮辱,亦 八所謂 也。 皮侯者 異 於 勝 主

主人亦飲于 西階. 上。

經文已 明。

獲者之俎,折脊、脅、肺

也。 堂上之俎矣。 餘 注曰:折,以大夫之餘體 體 公謂:折,謂 無 此俎先言 大夫,則 肺,離肺也,下同 折 臑 折 分其 折。 訓 其載之次 牲 有 大 體 不不 夫, 又異 則 用

折

其

全

東方謂之右个。

注曰:侯,以鄉堂爲面也。

下俎言皆有祭,承獲者之俎而言也,則此繼公謂:於此釋右个者,順經文也。或曰

釋獲者之俎,折脊、脅、肺,皆有祭。 文原不在是,後人移之耳。未知是否。

注曰:皆,皆獲者也。祭,祭肺也。

之。二俎有離肺,復有祭肺者,爲獲者言之者,以此云肺,嫌爲祭肺也,是以明二俎也。經於二俎已見其有祭,《記》復繼公謂:此折與獲者共一體與? 皆,皆

加祭肺一也。

祭於三處

而

加之,釋獲者俎遂因之,亦

經文亦已明。 大夫説矢束,坐説之。説,並吐活反

注曰:每一耦射,歌五終也。歌《騶虞》若《采蘋》,皆五終。

幾公謂:若《采蘋》,亦與《周官》異者也。

射無算。

射者多寡隨宜,無定數也

古者於旅也語。

上也。於旅而語,以敬殺也。然則周之言古者,以見周禮之不然。古,謂殷以「君於於甘言

禮,其燕坐乃語與?

大夫後出,主人送于門外,再拜。

夫亦各得伸其尊也。主人送賓入門,大人各得盡其待賓與大夫之禮,而賓與大大夫後出,與其後人之意同,亦欲使主

鄉侯、上个五尋。个如字。

已。《鄉飲酒》尊者之禮,亦當如此。

た。 注曰:上个,謂最上幅也。 上幅用布四

九

中十尺。

二尺二寸,旁削一寸。《考工記》曰「梓注曰:方者也,用布五丈,今官布幅廣長

人爲侯,廣與崇方」,謂中也。

見其必然。又鄭氏於他注,或謂幅廣二蓋謂周布之廣當如漢布也,然亦未有以繼公案:注云「今官布幅廣二尺二寸」,

尺,與此不同,則是鄭氏之説亦未定也。

姑闕之。

侯道五十弓,弓二寸以爲侯中。

注曰: 言侯中取數也。正二寸, 骹中之

博也。

謂弓弣把側骨之處博二寸,故於此處取疏曰:《周禮・弓人》云「骹中有變焉」,

數焉。

弓之博爲侯中也。繼公謂:言以五十弓之長爲侯道,五十

倍中以爲躬。

注曰:躬,身也。謂中之上下幅也,用布一口以則

各二丈。

疏曰:躬,謂中,上中下各横接一幅布

者。

倍躬以爲左右舌。

疏曰:此兩个,躬外兩相各出一丈。注曰:謂上个也。左右出謂之舌。

下舌半上舌。

尺。道九十弓之侯,用布三十六丈。計。道七十弓之侯,用布二十五丈二凡鄉侯用布十六丈,數起侯道五十弓以注曰:半者,半其出於躬者,用布三丈。

中五幅,幅一丈,用布五丈,上下躬,總用布侯用布十六丈,數起侯道五十弓以計」者,尺,通躬二丈,故云用布三丈也。云「凡鄉疏曰:上舌兩相各一丈,今下舌兩相各五

九

四尺,通用布三十六丈也。 用布七丈二尺,上个亦七丈二尺,下个五丈 云「道九十弓之侯用布三十六丈」者,中九 丈也。云「道七十弓之侯用布二十五丈二 幅,幅丈八尺,用布十六丈二尺,上下躬,總 下个四丈二尺,通用布二十五丈二尺也。 上下躬,總用布五丈六尺,上个五丈六尺, 尺」者,中七幅,幅丈四尺,用布九丈八尺: 四丈,上个四丈,下个三丈,是通用布十六

記》曰:「上綱與下綱出舌尋,縜寸焉。」 於往來者也。下舌之長君如上舌,則兩植 相去五丈六尺有餘矣,故須半之也。《考工 繼公謂:下舌所以半上舌者,慮其植之妨

箭籌八十。

注曰:箭、篠也。 籌,算也。

於八十,則是此射者雖多,亦不過十耦 繼公謂:上《記》云射無算,而箭籌惟止

> 也。 釋獲者之執算,各視射者之矢數。

長尺有握,握素。長,直亮反,下同

注曰:握,本所持處也。 素,謂刊之也

刊一本膚。

《投壺》云「室中五扶」,注云「鋪四指 疏曰:《公羊傳》何休云「側手爲膚」,又

扶,一指案寸」,皆謂布四指

云握者,亦見其爲所握處也。

繼公謂: 尺有握,猶言尺有四寸也。

必

楚扑長如笴,刊本尺。

注 日 刊其可持處。

君射,則爲下射,上射退于物一笴,既發則

答君 「而俟。

注 曰:退于物一笴,不敢與君併也。

0 氏作『刊一本膚』。」 本」,明本、庫本、注疏本作「本一」,阮校云:「

九四

對 也,此 以下雜記也。

俟,待君發也 時進,左手微背於君,故既射則還對之。 射,賓也。答君,謂東面立而對之。 宜 且下射之物在東,亦不失其主位也。 繼公謂:君爲下射者,降尊以就卑,則不 | 與卑者序,而從尊卑爲耦之常法 也。 射 上

君樂作而後就物,君袒朱襦以射。 襦音儒

注曰: 君尊也。

因 即用樂行之,亦變於大射也。 乃後見君之射儀,則是君之燕射,於再射 也。 繼公謂:君樂作乃就物,亦以樂節多故 飲酒 樂,謂奏《貍首》也。 脯 爲之,於其再投即用樂,此意其 此《記》先言樂 投壺之禮,

小臣以巾執矢以授。

類之乎?

鄉射三射,乃用樂行之。

注 曰:君尊,不搢矢,不挾矢,授之稍屬。

> 《大射儀》曰:「小臣師以巾内拂矢而授 矢于公,稍屬。」蓋以巾拂之, 繼公謂:以巾執矢,敬君物,不敢褻 而 又 藉 也。

以執之也

若飲君,如燕則夾爵。飲,於鴆反。

君既卒爵,復自酌。 注 燕,賓騰觶于公之禮,則夾爵 曰 謂君在不勝之黨也。 賓飲 夾爵者, 君 如如

《大射儀》考之,飲君之禮 以此言之,亦大略之説也 燕賓之勝觶者,於獨夾爵 繼公謂:夾爵,謂夾君爵而 而 一其所 른 自飲也。 以異 《記》但 以 於

君國中射,則皮樹中,以翿旌獲,白羽與朱 糅。 翻,徒刀反。

羽

注曰 國中,城中也。 皮樹,獸名

此國中射也。必云國中者,對郊竟而言也。 繼公謂:《燕禮》、《大射儀》皆射於公宫,即

於郊,則間中,以旌獲。

蹄。《周書》曰北堂以間,●析羽爲旌。注曰:閭,獸名,如驢一角。或曰如驢歧

於竟,則虎中,龍旜。

也。 注曰 旌者,亦有燕射而用虎中、龍旜者矣。 者,惟繫於地之遠近,不繫於射之大小 丽 言君之中與所獲者,有國中、郊竟之異, 繼公謂: 不言爲某射於某所, 若然,則固 : 畫龍 虎中、龍旜、遠則彌 於旜,尚文章也。 有 大射而 則是其 用皮樹中、翻 文也。 通帛 (所以 爲旜 《記》 異

注曰:兕、獸名、似牛一角。大夫、兕中、各以其物獲。兕、徐履反。

之異,故物亦有差。《司常》職曰:「大繼公謂:其指大夫而言。大夫有上中下

士鹿中,翻旌以獲。 夫、士建物。」

羽糅」,此直見翻旌而已,蓋記者雜也。士禮云「旌各以其物,無物則以白羽與朱翻旌,即白羽與朱羽糅者也。上《記》言

惟君有射於國中,其餘否。

惟見尊君之意,亦其勢然爾 國 射則必於鄉州之學 人臣之家,其庭淺隘,器用又未必備,故 有射於國中者,以其於公宫爲之也。 其餘否,謂人臣 ,而欲射於其 不 中, 爲 亦 行 射主於國 不 事焉,是雖 미 得 也。 中 也。 居 此 不 於 君

君在,大夫射則肉袒。

不袒纁襦,遠下君。

儀禮集說卷五下

「堂」、庫本、注疏本作「唐」。

九五

九

正誤

序則鉤楹外。

《記》亦以序與堂對言,宜從今文。「序」。繼公謂:序之文意明白於豫,且鄭本「序」作「豫」,注曰:今文「豫」作

「臑」字。又古文云「釋獲者之俎,折脊、今本「肺」下有「臑」字。繼公謂:臑在肺下,非其次,且與折文不合,蓋傳寫者因下,非其次,且與折文不合,蓋傳寫者因

《大射》注删之。

脅、肺」,則此俎不當言臑亦明矣。今據

### 燕禮第六

注曰:

諸

侯與羣臣燕飲之禮也。

屬

嘉

禮

元 敖 繼公 撰

於五禮

燕禮 0 小臣戒與者。 與音類。

之與此燕者也, 君所主與之燕者 小臣,於天子太僕之屬也。 與者, 亦 羣 存 臣

音雷。

膳宰具官饌于寢東。

焉。

其戒之節於朝於家則未聞

者 注 也。 日 膳宰,天子曰 寢,路寢。 膳夫,掌君飲食膳羞

南

之、《大射》云「官饌」是也。

也。

寢東,蓋其東壁之東

也。

此

時

所

具

繼公謂:

具官饌,謂具諸官所當

饌

之物

者,其薦羞乎?

及既設賓席,官乃

改饌

樂人縣。縣音玄。

篚在 設洗、篚於阼階 於其 鑮次而 東。 此縣蓋· 酒 洗西, • 記》曰:「磬,階間縮霤,北面鼓之。」 或 日 西。 君 在階間,磬在阼階西,南面。 乃 南肆。 燕禮輕 縣 建鼓 之, 東南,當東霤 設膳篚 在西 加 於 大 與 階東南 射, 常 在 其北, 時 故 一, 罍 同。 ,鼓鼙 不 水在東, 備樂,且 西  $\wedge$ 面。罍 鄉 在 飲 其

以 注 堂深。 日 肆,或言西 當 東霤者,人君爲殿屋也,亦 君 物 日 膳,膳之言善也。 或言 南 北

疏 曰:漢時殿屋 四 鄉 流水,故舉漢以况

面,異其文也。

儀禮集説卷六

九七

周。

節,故 下 **篚者,實** 大 曰 見《大射》與《少牢禮》,此經省文耳。 則 文類此者,皆以是推之。 膳者,以其 膳 此 篚 君之象 可 洗 後 與 知 設也。 善於諸 矣。 罍蓋 觚、 先 瓦 象觶 臣 設 設 爲 四 所 之,下云 洗 者 用 器 西 也。 者 亦司宫也, 之篚 而 君 君 言 物 以 尊 也 膳 而 爲 瓦

泰。 上。 司宫 南,南上。 幂,眉狄反。 公尊 尊于東 瓦大兩,有豐,幂用給 尊士旅食于門 楹之西,兩方壺,左玄酒, 西 兩 若錫 買 壺。 在 大音 尊. 南

其 之南 也 用 注 爲字從豆曲聲,近似 綌 日 旅,衆也 也。 若錫,冬夏異 豐以了 尊 承 士 尊 旅 士 也,説者 一衆食,謂 食 也。 者 豆、大而卑矣。 用 在尊南 以爲若井鹿 景 未得 壶 !',在方 正禄, 變 盧 所 方 壺

> 耳。 朱子 疏 謂 庶 曰 日 人 庶 在官者也。 在 人在官者 尊 南 者,謂 謂 賤無玄酒 府史胥徒 瓦大在方壺之南

與? 多矣, 臣 也。 南 之,則爲右矣。 瓦大,瓦甒也 西 宜遠别之也。左玄酒,據設尊者 壺,又以 公尊,與 繼公謂: 惟君面尊」,是尊鼻東 之禮 上,故 五 面,故玄酒 升,去其半, 蓋 惟 尊皆南上 異也,《大射儀》放 凡設尊者 、順之。 方者, 上文後設 君 先尊方壺於楹 尊, 在南 且 者,統 則 此尊乃不統於賓者, 而 皆 無 或 W 膳 篚 而爲左。 加灰之布 幂,爲 面 謂之大, 於君位 之意! 向 其鼻、《玉藻》 西以爲 也。 此。 與君尊 同 也,君 ,用 若 豈 也。 此 錫 節 制 以 設 瓦 臣 者, 相 幂 尊 而 位 或 甒 尊 尊 乃 或 麻 君 亦 異 者 者 設 日

《大射》同,惟設之深淺異耳。方、圜壺錫若絺。此尊士旅食之尊亦當北面,與以綌,亦見其貶於大射耳。大射之幂用

司宫筵賓于户西,東上,無加席也。亦皆瓦爲之。旅食未詳,且從注疏。

注曰: 賓席用蒲筵, 緇布純。

右具設器饌。

射人告具。

注曰:告事具於君。

疏曰:《大射》「告具」之上有「羹定」,此

不言者,文不具也。

人と句言と。繼公謂:是時公蓋在阼階東南,南鄉,射

人北面告之。

小臣設公席於阼階上,西鄉、設加席。

公

升,即位于席,西鄉。鄉,並許亮反,下同。

注曰:《周禮》諸侯昨席,莞筵紛純,加繅

席畫純。

疏曰:《周禮•司几筵》之文也。彼諸侯

祭祀受酢之席,此燕飲之席與彼同。

也,亦可見設加席之法矣。羣臣未入,繼公謂:加席别言設,見其更取而設之

公先升即位,尊者之禮也。

面。士旅食者立于門西,東上。 東,北面東上。小臣師一人在東堂下,南上。士立于西方,東面北上。祝史立于門上。士立于西方,東面北上。祝史立于門

注曰"小臣師,小臣正之佐也。

疏曰:此卿大夫之位皆是擬君揖位,故

一九九

經君爾之始就庭位也。

下

面、西 門也 少南 近 二三子其人也。] 卿大夫人門右之位,蓋 庭 公謂: 南 而 門 面者北上,皆統於君。 東 而當階。 西 納卿大 亦如之。 西則當西序門東之位,近於 大夫之 士西方之位 此 辭 北 蓋 面 日 :「君須 者東上,東 一,亦宜於庭 凡己之臣 矣,

公降立於阼階之東南,南鄉,爾卿。卿西

子入門而左右,皆由闑東。

注曰:爾,近也,揖而近之也。大夫猶北面,北上,爾大夫。大夫皆少進。

面少前

君於卿與大夫各旅揖之。 尊之義 近於己也。 繼公謂: 小臣師韶揖諸公、卿大夫。」 也。 古文爾、 公俟其人乃降 大夫不 邇 西面 通。 爾 ,自别於卿也。 《大射 而 揖之,使進 揖之,明降 儀》 而

右即位

射人請賓。

注曰:射人爲擯者。

繼公謂:請於君、謂使誰爲賓也。

公曰:「命某爲賓。」

注曰:某,大夫名也。

注曰:禮辭,辭不敏也,

繼公謂:命賓者,南面鄉之,其辭蓋曰:

案:注云「辭不敏」者,以《士冠》之賓辭「君命子爲賓。」少進者,宜違其位。

反命。

日

某也不敏」,故意此賓亦然。

注曰:射人以賓之辭告於君。

公不許其辭,故射人復命之。賓又命之。賓再拜稽首,許諾。

再

拜稽

100

北

面

東上。

首,爲受君命也。

射人反命。

注曰:告賓許。

賓出,立于門外,東面。

注曰:當更以賓禮人。

繼公謂:《大射儀》云北面,此「東」字蓋

誤也。

公揖卿大夫,乃升就席。

小臣自阼階下,北面,請執幂者與羞膳者。揖之乃升,禮之也,亦異揖之。

注曰:執幂者,執瓦大之幂也。方、園壺

無幂。羞膳,羞於公。

之者,蓋白之於君,然後敢命之也。膳繼公謂:士之掌此二事者有常職,乃請

乃命執幂者,執幂者升自西階,立于尊南,亦謂君物,此雖指羞而言,然薦亦存焉。

中西面南上,不言之者,不升堂,略之玄酒之幂爲上也。羞膳者升自北階,房注曰:以公命於西階前命之也。東上,

也。

之也。云不升堂者,但不從南方升也,也」,士位在西方,東面,故知西階前命疏曰:下《記》云「羞膳者與執幂者皆士

升自北階是亦升堂也。

繼公謂。立於尊南上者,當尊與?

膳宰請羞于諸公卿者。

注曰:膳宰請者,異於君也。

右命賓及執事者

射人納賓。賓人,及庭,公降一等揖之。

公升就席。

及庭,既人門而左没霤時也。一等者,納賓之辭蓋曰:「君須矣,吾子其人也。」

説

《大射儀》云「賓辟」。 階也,并堂爲二等矣。 揖之,使之升也

### 右賓入

至 賓升自西階,主人亦升自西階。 再拜,賓答再拜。 賓右北面

天子,膳夫爲獻主 注曰:主人,宰夫也。 宰夫,太宰之屬。

夫爲 疏曰:知主人是宰夫者,《燕義》云「使宰 獻 主」是也。

所以 也。 位 繼公 亦 在 明 謂:諸侯之宰夫,蓋以士爲之。 君 君 與 西方,故賓進則主人因從而升 臣 臣 一之義, 燕,乃使 然 宰夫爲主人者,固 亦以當 獻者衆,尊 其

者

不能親

其勞也。

至再

拜者,於賓始至

而

·拜之,所謂拜至也,其義見《士昏禮》。

### 右拜至

主人降洗,洗南 西北 面

注 日 賓將從降,鄉之。 不於北,辟正

主。

賓降階 階 |西東| 西,東 面, 東西亦當序。 面 主人辭降,賓 此賓降 對

對,亦少進,既則復位。

於洗南辭之,則其降之節

亦可見矣。

而主人

主人北 面 盤,坐 取 觚洗。 賓 少 進, 辭 洗

主人坐奠觚于篚,興對。 賓反位。 觚音孤

注 曰:獻不以爵,辟正主也。

疏 日 : 正主、《鄉飲》、《鄉射》之主人也

繼公謂:

獻公用象

則

此

乃

角

也,

主人興對亦西北面。 下放此。 賓 少進者,少 觚 南行 觚 而 東 面 觚 也。

主人卒洗,賓揖,乃升。

主 人升,賓拜洗。 賓 每 先升者,以 宰夫是士,且 主人賓 右 奠 非 觚 正 答 主也 拜 降

盤。賓降,主人辭,賓對。

降辭之位皆如初可知。

卒盥,賓揖升,主人升,坐取觚。執幂者舉

幂,主人酌膳,執幂者反幂。

則酌 餘 賓者,君之所 皆放此。 君尊, 蓋達 舉幂 命者也,故主 以 君之意也。 下之儀,詳見後篇 人 酌 代 膳 君 東 飲 之, 面,

位。 主 人 筵前 主人 湾 獻 賓,賓 右 拜 送 西 爵 階 上拜,筵前 膳 宰 薦 脯 受爵 醢 賓 反

升筵,膳宰設折俎。

獻賓蓋亦西北面,與《鄉飲酒》同,故不

著之。

執 取 賓 肺 坐,左執 遂 坐 祭 絶 爵, 酒, 祭 興,席末坐, 右 嚌之,興, 祭 脯 醢 奠 加 啐 于 爵 俎 酒,降席, 于 坐 薦 捝 右 興

> > 捝,舒

此賓乃大夫也,亦絶肺以祭,而下文又

云公祭如賓禮,則是自上至下此禮同

其不 也。 考諸 舊 説 謂 此 大 乎 ? 夫 以 於 上繚 此 乃言 祭,惟 爵 者, 土 絶 上 文

此。 已 明 凡 , 不 觚 嫌 、觶、角、 其 異, 散 故 亦 隨 通 文 稱 便 爵 耳 下 酒 文 非 放 主

賓西階上北面坐卒爵,興,坐奠爵,遂拜。人之物,賓乃告旨者,以其爲獻主也。

主人答拜。

答者 執 爵 興 興,主人乃 乃 爲之。 答拜。 經 或 不 凡 言 答 其 拜,皆 興, 文省 於 所

爾

右主人獻賓

賓以虚爵降。主人降。賓洗南坐奠觚,少

二〇四

進 解降。 主人東面對

少進,對。」 注曰:《大射禮》曰: 「主人 西 階 西 東 面

繼公謂:奠觚,亦奠於地 也。 坐奠觚

固東面矣,乃言東面 興,少進,皆西北面 對者,嫌 主人降立於階 進而 對 西 或

易鄉也。

賓坐取觚,奠于篚下,盥洗。

此言奠于篚下,則曏者少南奠之矣。

主人辭洗。

辭,亦宜少進如賓也,於賓既對, 則反

位。

賓坐, 奠觚 于 篚, 興對,卒洗,及階,揖升。

主人升,拜洗如賓禮

乃 及階乃揖,以己當先 離 其位,然 則賓於主人卒洗之時,固 升也。賓揖,主

不待

其及

階

而

揖

升矣。

如

賓

禮,謂

迭

如賓於主人之儀也。

拜

賓降盥,主人降, 賓 辭降。 卒 盥 揖 升

酌

膳,執幂如初

亦以其代君飲己,尊之也。 酌膳者,主人酌此獻賓,故賓酢亦如之, 執幂,執幂

者舉反之節也

以 酢主人于西階上。 主人北面拜受爵,賓

主人之左拜送爵。

賓親酢者,伸其尊,亦以君不親 賓酢主人,蓋 亦 西 南 面 授之,乃之左。 酢,故無

所辟也。.

主人坐祭,不啐酒。

不拜酒,不告旨。

注

曰:辟正主也。

物,則無是二禮可 拜酒,謂拜謝其以旨酒飲己也。 知,乃著之者,嫌

酒

非 賓

亦當

遂卒爵,興,坐奠爵,拜,執 爵興。 賓答拜。

主人不崇酒,以虚爵降奠于篚

不崇酒者,無 崇酒· 之拜 也。 酒 非 己 物

故是禮亦不可得 而 行。

賓降,立于西階西

己之獻酢禮畢,而主人又將 與 君 爲禮

故不敢居堂。

射人升賓,賓升,立于序内,東面

注曰:《大射禮》曰:「擯者以命升賓。」

君也。 繼公謂:升賓者,優之也。 然則君位亦在東序内明矣。 序内東面 鄉鄉

#### 右賓酢 主人

主人盥,洗象觚,升實之。

注 日 : 象觚 ,觚有象骨飾也。 取象 觚者,

東 面

繼 公謂: 亦 酌 膳 執 幂如初,不言者,可. 知

> 也。 案:注 云象骨,恐當作象齒。

東北 面 獻于公。

主人爲獻主故也。 酒乃君物,主人進之於君 公在席而 而 日 東 獻 北 者 面 酳 獻 以

之,亦因獻賓之儀而爲之也。 在席者多矣,獨 此 與《大射》 見 經言獻 獻 公之

儀,若是,則其他之獻酳者,皆正

鄉

其

席

與?

公拜受爵。

疏曰: 皆受酬者先拜,公乃答 凡此篇 内,舉旅 行 拜,尊公故 酬 公應先拜者, 也。

此公先拜受爵者,獻禮 重故 也。

主人降自

西階, 阼階下北

面

拜送爵

首,亦獻禮 公拜也。 拜於下者,臣 拜 然也,其他 也 則 不稽首,答公拜 此 惟 則 否。 拜 加 凡臣 已, 丽 先 蓋 不 拜 稽 答

其君,皆再拜 稽首

士薦脯醢,膳宰設折俎,升自西階。

注曰:《大射禮》曰:「宰胥薦脯醢,由左

房。」

繼公謂:升自西階者,俎也,著之者,嫌

設公俎宜由阼也。此公俎似當用肩,賓

俎用

臂,與《鄉飲

酒》賓主之俎異。

膳宰

既設俎,則少退東面而俟,既贊授肺,乃

降。

公祭如賓禮。

祭,謂祭薦、祭肺、祭酒也。其異者,於

下見之。

膳宰贊授肺。不拜酒,立卒爵,坐奠爵,

拜,執爵興。

言授 興 贊授肺者,以授 取 行但 肺 一, 未 見 其 祭 則 耳。 授 肺 之,既祭則受之。 而贊之也。 不 拜 酒者 以以 君尊,不 其 惟 爲

己物也。

不拜

酒

,則亦不啐酒。

凡男子

其君 立卒 之,坐 一卒爵 禮 爵 與 而 ? 執 者 爵 公於其臣乃先拜既者,亦 奠爵 拜。 此 乃 拜。 立 卒 爵 婦 人 耐 之 奠 爵 尊 拜, 者,

獻禮重也。

云奠於膳篚,見曏者取之亦在此也。主人答拜,升,受爵以降,奠于膳篚。

右主

大

献

公

面,坐奠爵,再拜稽首。公答再拜。更爵洗,升,酌膳酒以降,酢于阼階下,北

注曰:更,易也。

成公意也。雖更爵亦酌君之膳酒者,明楊志仁曰:君尊,不酢其臣,主人自酢,

繼公謂:更爵者,改取酢之之意出於君也。

有者,衍也。用君器也。上下文酌膳皆無「酒」字,此繼公謂:更爵者,改取南篚之觚,蓋不敢

主人坐祭,遂卒爵,再拜稽首。公答再拜,

主人奠爵于篚。

亦興、坐奠爵,乃再拜稽首,執爵興

### 右主人自酢

同。 主人盥洗,升,騰觚于賓,酌散。思但反,下並

等故 繼 注曰 其 酬 則 者,亦取其自下而上之意。 正 主人因 賓之飲 主者 公謂 將 賓 曰 自飲。 爾。 也, : 舉觶」,於君禮則 散者,方壺酒也。 也。 在 己也。 乃云騰 云騰 洗,洗角 下遂盤 凡卑者之酌酬 騰猶 觶 下 觶 於賓者,題 揚 洗,故賓不降,亦異 觶 文類此者,其義皆然。 者,以 也 也。 日 觚,當作 騰 自 於膳爲 È 酒 飲 人 其 酌散者,以 觶」云。 ,其於臣禮 於賓 而 事 散 盥 耳。 觶。 洗 爲 象 於 降 此 騰

繼公謂:《大射儀》曰:「賓西階上北面

答拜。」

洗,揖升。 主人降洗,賓降。 主人坐祭,遂飲,賓辭。 不敢復 禮》曰: 乃更酌 公之禮 賓見主 之。 也。 煩主人之更酌己,且遠辟騰爵於 人將飲,故辭之,蓋欲 「卒爵興,坐奠爵拜 云卒爵 騰爵於公者,亦皆先自飲 主人辭降,賓辭洗。 拜,省文也。 卒爵拜,賓答拜。 ,執爵 即受此 興。」 《大射 觶 卒

此皆如獻禮也。

不拜洗,主人酌膳,賓西階上拜。

受爵于筵前,反位,主人拜送爵。拜,爲將受之,是時主人已在筵前北面

子0:

者也。主人拜亦於賓右。《少牢》下篇主人酬賓不奠,乃授之者,亦與士禮異

酬尸、酬賓亦皆親授觶。

賓升席,坐祭酒,遂奠于薦東。

賓升席祭酒,尊君物也。遂奠之,由便。

主人降,復位。

位,至既獻大夫而薦乃有之。 位,西方東面也。此時未有洗北西面

賓降筵西,東南面立。

李微之曰:東南面立,鄉君也。

而君命升之,故此時惟降筵而已,恐褻繼公謂:降,降筵也。曩者賓降于階下

禮而重煩君命也。不立於序内者,升降

異

處

,以相變爲敬

右主人酬賓

小臣自阼階下請騰爵者,公命長。長,知丈

反。

長也。此但云命長,不言下大夫者,其此騰爵以爲旅酬始也。長,謂下大夫之

以下大夫騰鱓有常職故與?

小臣作下大夫二人騰爵。

注曰:作,使也,卿爲上大夫,不使之者。

爲其尊。

作之者,其亦南面與?也。大夫在入門左之位,北面,則小臣繼公謂:以公命作之也。二人,所謂長

騰爵者阼階下皆北面,再拜稽首,公答再作之者,其亦南面與?

**并**。

拜。

繼公謂:北面亦東上。

注曰:再拜稽首,拜君命也。

降,阼階下皆奠鱓,再拜稽首,執觶興。公角觶,升自西階,序進,酌散,交于楹北,騰爵者立于洗南,西面,北上,序進,盥,洗

答再拜。

酌者交於西楹北,俟於西階上乃降。注曰:序,次第也。先者既酌而反,與後

也。 時俱降之法然爾。 亦先者降三等,後者乃降,蓋同階 者在東,進者在西,以相右爲 惟言交者,皆謂 階上也。 洗者也。 繼公謂: 先者既洗即升,立於西階 序進之節,先者既 交於楹 酌散更言序進,明其 相 北,交相右也。 右 也。 階 洗,後者 上之位,退 便。 復發 上以 凡經文 降 而 於 俟 乃進 西 同 時 後

稽首,執觶興。公答再拜。騰爵者執觶待騰爵者皆坐祭,遂卒觶,興,坐奠觶,再拜

注曰:待君命也。

于洗南。

繼公謂:洗南,西面,曏者之位。

小臣請致者。

小臣至是復請致者之數。致如致爵之繼公謂: 曏者公但命長,不定言二人,故注曰: 請使一人與? 二人與?

若君命皆致,則序進,奠觶于篚,阼階下皆致。酒,君物也,以進於君,故謂之致。

乃序進。 云若命長致,與此互見也,亦小臣命之皆,皆二人也。言若者,不定之辭,下文再拜稽首,公答再拜。

南、北上、降、阼階下皆再拜稽首、送鱓。腾爵者洗象觶、升實之、序進、坐奠于薦

公答再拜。

曰:「騰爵者皆退反位。」注曰:序進,往來由尊北。《大射儀》

時奠觶之處與? 云序進,而不言其所立於尊所乃行也。奠于薦南,其辟公酬繼公謂:實之乃云序進,見其既酌而並

: 0 九

此 交之處,是東 進 與 拜 退皆不相待於西階上,蓋急於爲君 送 也 至楹: 北 前 無 以爲 節故 也

# 右下大夫騰觶于公

酌

階 公坐,取大夫所 下 注 辭之,於禮若未成然。 日 再拜稽首。 一. 升成拜, 復再 騰輝,興 公命-小臣 拜稽首也。 以 辭 柵 1 賓。 賓降, 成拜 先時 君 西

階 也。 而 情 繼 栖 公謂: 曏者君與賓各受主人之獻,其 下 意猶未接,至是公乃酬賓而與之爲 之也 再 興以 拜 酬 稽 酬賓亦不 賓,謂興立於席,舉 首,雖爲賓,不 下席,君尊也。 敢 不 盡 觶 鄉 臣 禮 禮 西 賓

> 拜,小臣辭。 既。 拜,蓋君臣飲燕之禮然。無所成也,下文放此。賓 於初 降拜者亦然。 奠觶,蓋 盡見之也。 賓未卒拜而小臣辭之,亦異 也,其或 也。 奠於薦 此不言成拜者、未卒拜 拜,或 賓升,再拜稽首。下,户嫁反。 小臣 右也。 再 拜 辭,亦公命之,經不 稽首,不定也,言 賓受公酬 下拜者,降 禮,旅 쨈 而 於下, 而 不 每先 拜 拜

降奠于篚,易觶洗 公坐奠觶,答再拜,執 解興。 賓進受虚

也。 薦北。 受之者,臣事君之禮也。受時 賓受虚爵於君席之前,故云進。 或言更,或言易,互文耳。 篚, 謂 膳 易觶 謂 更 蓋 取 必就 東 角 面 觶 於 而

公有命,則不易不洗。 命,謂使之仍用象觶 也。 賓則不易之,

公坐奠觶,答再拜,執觶興,立卒觶。賓下

賓升成拜,順君賓已之意

也

也。

辭

者,不受其

拜下之禮

,賓之也。

後 不 而 敢違君意 復洗之,則 也。 嫌若不以爲絜然 不洗者,嫌也。 承 尊者

反升酌膳觶

以爲公所酬,亦達其意 觶 字衍文、《大射儀 也,雖 無之。 易 酌 觶 膳 猶 酌

膳。

下 拜, 小 臣 辭。 賓升, 再 拜稽首。 公答再

拜。 下,户嫁反。

注 日 : 於是賓請旅侍臣。

疏 日 : 云「於是賓 請 旅侍臣」者,見下

《記》與《大射禮》。

---

繼公謂:亦奠爵乃再拜 稽 首 執爵興,不

言者,文省也,後放此

賓以 旅酬于西階上。

疏 日 此 自旅酬之事 下云! 射 人作大夫

長」,以 下 乃言 其法。

射 人作大夫長升受旅。 長,知丈反。

> 也。 長 如若長之長。 此 惟據受賓 酬 大夫長,謂 者而言,若有 上 一卿若 諸 諸公 公則

先酬之。

賓大夫之右 坐奠 觶, 拜, 執 觶 興, 大 夫 答

拜。

未獻乃先受旅者,此酬 惟云大夫者,諸公與卿亦大夫耳。大夫 禮 不主於己,故

無嫌。

賓坐祭,立飲,卒觶,不拜。

賓獨 祭酬酒者, 以此酒 爲公所酬, 異之

也。

若膳觶 也, 則 降 更 觶 洗, 升實散,大 夫 拜

受,賓拜送。

及乎其他, 拜送,則就席。 者,亦爲 公優所酬者, 更 介輝 是 新 或 以 之也,餘 使 更 得用 用 角 象 觶 則 解,而 不 洗。 旅 MM 不 賓 而 可 既 以 洗

大夫辯受酬 如射人作升受旅以下之儀也 ,如受賓酬之禮。 辯音編,下並 同

不祭。

疏曰:不祭者,酬禮殺。

其正禮。 繼公謂:此見其異者也。 賓之祭者,有爲爲之耳。 酬酒不祭,乃

卒受者以 虚 解降, 奠于篚。

注曰: 卒猶 後 也。《大射禮》曰:「 奠於

篚,復位。」

所酬,獨 繼公謂:卒受者,下大夫之末者 飲於西階上,不言復位,文省, 也。 無

下放此。

右公爲賓舉旅

主人洗,升,實散,獻 實散 ,降於賓也。 凡獻於西階上皆西 卿于西階上。 南

面

司 宫兼卷重席,設于賓左,東上。

注 曰:席,蒲筵緇布純 也。 席卿東上,統

於君 也。 席自房來。

席。 者,席也,其位亦如之。 二席之長短同,故得由便爲之爾。 布之矣。此固異於設加席之法,亦 也,其卷亦自末,執時兼卷,是設 繼公謂: 兼卷,謂以兩席相重而并卷之 每獻一人 時 八則設 東 以 亦 其 兼

卿升,拜受觚,主人拜送. 觚

拜送不言卿右,可知 也,下放此

卿 辭重席,司宫徹之。徹,直列反。

注 百 重席雖非加,猶爲其重累去之,辟

故 繼公謂: 君 也。 去其上席。

辭之者,去君差近,宜辟之。 徹去上席 爲卿 設 也。 重席,正禮也。必 卿 以重席爲

爵 遂 乃 薦 **,興,坐奠爵,拜,執爵興**。 酒,不 脯 醢 啐 卿 酒 升席坐,左執爵,右祭脯 ,降席 西西 階 主人答拜,受 上北 面 坐 醢 卒

爵。

卿

降

復位

卿 於賓者 不 遠 ·啐酒 下 - 賓也。 也。 ,則不拜 無 卿 俎者,燕禮 酒、不告旨可知,此亦 升降席皆自 輕 西 於大射, 方。 故 降

辯獻卿,主人以虚爵降,奠于篚。

主人既奠爵,復位於西方。辯獻卿,如實散以下之儀,惟不洗耳。

射人乃升卿,卿皆升就席之

薦反。 若 有 卿 諸公, 既 獻 乃 則先卿獻之,如 升 就 席,亦見其 獻 降於賓也。 卿 之禮。先,悉

下 有 此 ,蓋上公之國 禮 則無之也。 通 五. 等侯 先 國言之,故 乃有四命之孤,侯伯 卿 獻之,謂 於諸 先獻公, 公云若 乃 以

席于阼階西,北面,東上,無加席。獻卿,亦既獻則升就席,不與卿序升也。

於君所 諸公在 也。 於公乃云無 而 者,以太近 尊 阼階之 席之於此 不待其辭 也。 禮 ,加席尊於重 而 .君之左,卿在君之右,蓋 西, 東上者, 用 於君 於君 以 也。 加 兩 其 席焉, 席 故 (尊於 者, 上爲 亦 席 設 統 爲 席 則當 明 卿 卿 時 於 西 其 設 即 (君也。 而 南, 有 尊於卿。 不與 重 不 加席 直 席 敢 其 之 與 丽 無 而 以 之同 已,而 左 序 若 加 非 左 也 也 或 席 爲 重

## 右主人獻諸公卿

小 臣又請 臣 上 命皆致,今猶有 又請之者,此騰 經云皆致,是猶 騰 爵者,二大夫 奠觶 觶 有 之節 騰 奠 爵 耳。 觶 若 如 未 惟 初 舉 蓋曏者公 命長致 也。 小

則 奠 ,皆當騰爵 觶 無 矣, 蓋 故於是 以 爲 時, 節 也 不 以 初 奠 觶 執 觶 之 有

長,知丈反,下並同。請致者,若命長致,則騰爵者奠觶于篚。

於洗南以上之儀。

定 以 前 爵 之無過與不及耳。此經之所明言者,乃 偶,皆互爲進退,以 前 注 命 若,則或有命皆致者矣。 繼公謂: 致爵 數 多 包 ,然大夫致 , 君凡三行 日 之。 後寡 而 7者,或 命長致者,使長者一人致也 小 長,二人中之尊者。 若 者 臣 然, 也。 猶 爵之節,惟 酬 前 則 ,則大夫所致 請 多 其所 此 則 之者,當由 取足於三 時 後 不 寡,或 之當致 見者 止 蓋 於 説 觶之數,使 再,故公之 君 者 前 屨 命 則皆言 者,蓋 命 當 奇 升 長 則 而 有 坐 致 不 有 若 後 以 云

人待于洗南。

注曰:不致者。

洗 洗 長 致,致 南者二人皆再拜稽首送觶,公答再拜。 象 輝, 升實之, 者阼階 下 坐奠于 再 拜 稽 薦 首, 南 ,降,與 公答 再 立 拜。 于

處。

注曰:

奠於薦南者,於公所用酬賓觶之

宜終之也。亦拜於阼階下。繼公謂:不致者亦拜,以始者並受君

右下大夫再騰觶于公

公又行一爵,若賓若長,唯公所酬。以旅

于西階上,如初:

疏

日

初,爲賓舉旅之禮

者之下 之上鱓也。 繼公謂: 輝。 先若二人致,則 長,公若卿之尊者 先若 一人致,則 此 此 爵 也。 乃 後 乃 至是 致 先 者 致

敢

自專也

命

酬之,是亦賓之也,故其爲禮與正賓同。云若長者,公卿已在堂,故君得酬之,君

尊者之所欲耳。公卿既受獻,君乃爲之此酬主於公若卿,乃或又酬賓者,容遂

舉酬,禮之序也,下於大夫之禮亦然。

旅者,賓則以酬長,長則以酬賓。在堂

者酬訖,大夫乃升受旅以辩。

言大夫卒受,以見士不與也。大夫卒受者以虚觶降,奠于篚。

# 右公爲諸公卿舉旅

主人洗,升,獻大夫于西階上。

不言酌散者

,可知也,後皆放此。

大夫,

中下大夫也。中大夫即小卿。

大夫升,拜受觚。主人拜送觚

拜位亦如獻賓。

大夫坐祭,立卒爵,不拜既爵。主人受爵。

大夫降復位

獻而不拜既爵,亦差卑也。

胥薦主人于洗北,西面,脯醢,無膋。晉,之

丞反。

注曰: 脅,俎實。

者,以其爵本賤也。宰夫之位本在西其爲主人,異之也。不於賓酢而薦之繼公謂:宰夫,士也,先大夫薦之者,以

方,亦以其爲主人,故至是而薦之於洗

獻而易位者同。洗北,於正主阼階東之北,因使之易位焉,其意與卿大夫士既

位,爲近主人,居之亦宜也。薦西面,主原三人,

行禮或當有之。胥亦宰胥也。已無脀矣,乃於主人見之者,嫌其與賓人在其東也。無脀者,賤也。自卿已下

辯獻大夫,遂薦之,繼賓以西,東上。

辯獻乃布席,布席然後薦,是皆變於卿

儀 禮 集 説

其席 於篚,而立於洗北之位 者 也。 亦如之。 繼賓以 主人辯獻大夫,則降奠爵 西,東上,言其薦之次也 ,下禮放此

卒,射人乃升大夫。大夫皆升,就席。 此而不見者,以意求之。 卒,謂薦畢也,言此者,爲下節也,後類

### 右主人獻大夫

于其 何,户我反。相,息亮反 自西階,北面東上坐。 左何瑟,面鼓,執越,内弦,右手相。人,升 席 İ 西。 一
于
西 小 階 臣 上,少東。 一納 工。 工四人,二瑟。小臣 小臣坐授瑟,乃降。 樂正先升,北 面,立

用 樂正先升,亦變於射禮也。北面立於其 文互見也。 西,亦與《大射儀》「樂正立于西階東」之 四人而 己。 君 與臣燕,其禮輕,故工但 面 鼓,亦變於 於射也。 乃

> 降 亦其異者也。《序官》云:「小臣,上士四 臣,乃多於《周官》所言天子小臣之數, 謂 相者四人俱 降 也。 此 諸侯之小

工歌《鹿鳴》、《四牡》、《皇皇者華》。 意同。 輕,故但自《小雅》而下,而先歌此三篇 下,皆得而用之。● 此君與 《春秋傳》曰:《文王》、《大明》、《緜 也,其意與《鄉飲酒》息司正 君相見之樂」。是諸侯之樂自《大雅》而 而 臣 用 燕, 其 華音 鄉 禮

卒歌,主人洗,升獻工。

洗 其 此不辨工之爲大師與否,皆爲之洗,以 獻 取 觚 笙,其義 於洗西之篚,宜因 亦然。 **《鄉** 飲酒》、《鄉射》 而洗之也。

<sup>0</sup> 「而」,明本爲墨丁,通本爲空格,庫本無此字。

非獻大師則不洗者,以其取爵於上篚,

故不特爲賤者降也。

卒爵。辯有脯醢,不祭。主人受爵,降奠拜,主人受爵。衆工不拜,受爵,坐祭,遂拜送爵。薦脯醢。使人相祭。卒爵,不工不興,左瑟,一人拜受爵。主人西階上

見也。工之長云不興,此云坐祭,遂卒爵,文互

于篚。

右工歌

初。 公又舉奠觶,唯公所賜,以旅于西階上,如

公所賜,則是觶或及於大夫矣,以此節賜與酬其禮同,特經之立文異耳。言唯

卒。

爲大夫舉旅故

也。

卒,旅畢也

## 右公爲大夫舉旅

黍》。縣音玄。白華音花。 笙人,立于縣中,奏《南陔》、《白華》、《華

注曰:縣中,縣中央也。《鄉飲黍》。縣音玄。白華音花。

酒

禮

北面」之文互見也。磬南而云縣中者,繼公謂:此云縣中,蓋與《鄉飲酒》「磬南曰:「磬南北面。」

主人洗,升,獻笙于西階上。一人拜,盡階縣主於磬也。

不升堂,受爵,降。主人拜送爵。階前坐

祭,立卒爵,不拜既爵,升授主人。

射禮》之所云,此文脱耳。

末句之下當有「爵」字,如《鄉飲酒》、《

鄉

醢,不祭。乃間,歌《魚麗》,笙《由庚》,歌衆笙不拜受爵,降,坐祭,立卒爵。辯有脯

二七

覃》、《卷 采蘋》。 由 南 儀 有 嘉 魚》,笙《崇丘》; 耳 間,古莧反。 遂歌 **∀**; 《 召 鄉樂,《 南》: 雁,力馳反。 周 歌《南· 南 鵲 巢 卷,九轉反。 Ш 》、《采蘩 關 有臺》, 雎 小《葛 召 笙

此云歌,故曰鄉樂,文順也。

上照反。

東楹之東告于公,乃降復位。大師告于樂正曰:「正歌備。」樂正由楹内、

初位 過 由  $\overline{Z}$ 也。 楹 ,與鄉禮異 内,堂上東 樂正降,立西階東,北 其立於堂廉,嫌 告於公亦北 初位 一、未詳 也。 行者之節 画。 其 云 或 處。 復 不告賓者,臣 由 位,則 面 也。  $\sim$ 便 鄉 而 飲 是 自 必 \酒》注 著 反 楹 其 統 外 之

### 右笙間合

射人自阼階下請立司正,公許。射人遂爲

司正。

以 許 射 其 有 而 人 有 射 以 不安之心,故 常 人 君 即 職  $\equiv$ 故 自爲司 舉 也 觶, 請 正 正,不待君命之者, 立司 禮 已 正以安之。公 備 慮 在堂 者

不 日 之東受 司 安! :「以我安。」] 卿大夫皆對曰:「諾。 正 洗 命,西 角 觶 . 階 上 南 面 北 坐 画, 奠于中庭,升, 命卿大夫:「 東 君 楹 敢

命者, 之也。 公、卿大夫」,此不言賓、諸公者,文省 也。 意 不位於階間 中庭,亦南北之中,蓋 以我爲司正,所以安汝也」,蓋達君 而 受命亦 自爲之 君命尊, 洗角 解,爲 北 者,以 辭。 画。 不 敢 將 大射儀》曰「命賓、諸 燕 以 執 酌 亦 作階 我 也。 觶, 有時 安」云者,若 奠之乃 由 前 而 便以 也。 射,宜 受之 升 司 之 受 辟  $\Box$ E

耳,下文放此。敢不者,奉命之辭。

音旋。 南 南 坐不祭,卒鱓,奠之,興,再拜稽首,左還, 司 面 面 正降自西階,南面,坐取觶,升酌散,降, .坐奠觶,右還,北面少立,坐取觶,興, 坐 取觶,洗,南面,反奠于其所。還,並

注曰: 坐奠鱓於中庭 故處

也。 再拜稽首,謝君惠也。 東者,變於在堂者升席、降席之儀而由上 面 如此。將於觶南北 也,或其節當然與? 繼公謂: ,則左還,皆欲從觶東往來也。必 司正之位東上少立者,定其位 南面 坐奠觶,以曏者南面取之故 面,則右還,於解北 酒,君物也 卒觶北 面奠,意亦 從 也。 觶 南

### 右立司 正安諸臣

升自 西階,東楹之東請徹俎,降,公許。

直列反,下同

告于賓,賓北面 敢辭以俎,今司正請徹之,所以達其意。 正受命安賓,諸公、卿大夫、賓奉 此「降」乃衍文,《大射儀》無之。 取俎以出。膳宰徹公俎, 曏者司 命 而不

降自阼階以東。

物也。 膳宰徹公俎,降自阼階者,爲其已爲君 燕,賓乃執俎 告於賓,亦西 而 階 出者,臣 上 北 面 告之,既 也,出授從者 則 降。

卿大夫皆降,東面,北 疏 日 東面北上,西階下位也 Ŀ

### 右徹爼

賓及卿大夫皆坐,乃安。 賓反人,及卿大夫皆説 疏曰:《少儀》云:「排闔説屨於户内者 屨,升 説,吐活反。 就席。

: 九

户 上席側 内。 加 已。」 今此 知 燕 彼 在 據 尊者 堂 上,則 坐在 君尊説 室, 則 屨 説 於 屨 堂 於

미

禮 賓乃 心 無 及 繼公謂: 事 卿 者、皆跣也、至醉而退、乃屨。 至是乃安也。 及 時 大夫皆 亦 卿 立也。 賓人少立於卿之北,司正升賓 大 坐, 夫 説 則是自此 自此 乃安,謂賓及卿大夫之 屨 圃 以後,有升降 升也。 以 前 云公以 雖 公於 而

羞庶 羞

注 疏 味 曰 可 曰:羞,進也。 進者也。 :此及《大射》,其牲皆用狗 所 進衆 庶,衆也。庶羞,衆 羞謂 狗 胾 醢 故 知 有 珍

獻 繼公謂:亦先賓乃及公,而後及其餘,未 士 而 羞 此 ,則是不及於在下者矣。

此

狗

胾

也

大夫祭薦

及卿大夫皆興、對曰:「諾。 司正升受命,皆命:「君 獻 者,宜終此禮 時 不得祭薦 ,然後可 故 至是乃爲之。 曰 议食 『無不 庶羞 敢不醉! 也 醉。」 必 祭之 占皆

注 必降席。 曰:皆命者,命賓命卿大夫也。 起 對

反

坐。

繼公謂: 如上文可知 惟云受命、皆命,又不著其所 既對則司正 降 而復位。

右説屨升 坐

爵。 觚 主人洗,升,獻 ,主人拜 其他不拜,坐祭,立飲。 送 .觚。 士 于西 士 坐 階 祭, 上。 長,知丈反 立 士長 飲,不 升, 拜 拜 既

不拜之下不言受爵,皆以其可知也 繼公謂: 不言主人受爵及士降,又其 他

注曰:他、謂衆士也,亦升受爵不拜

乃 薦 司正與射人一人、司士一人、執幂二

人,立於觶南,東上。

諸侯則上士,其人數亦如之。司正爲 注曰:天子射人、司士,皆下大夫二人。

上。

故也。云司正爲上者,以其爲庭長故 司士掌羣士爵禄廢置之事,爲士中之尊 疏曰:此等皆士而先薦者,皆有事故也。

者既薦 之,薦不與士序者,亦異之也。 位正當觶 繼公謂:此皆士也,獻與士序,每獻 復立於尊 南,射人而下以次而西, 司士之 執 則薦 幂

辯獻士。 士既獻者,立于東方,西 面,北

則

南

上。 乃薦士。

注曰:每已獻 而 即位於東方、蓋尊之、畢

,薦於其位。

位,亦當有命之者,非必士之自往。 君,故既獻而立於此,所以尊之。 而 繼公謂:士既 位於上者,意 獻立于東方,與大夫辯獻 微 相 類。 東方 稍 此易 近 於

祝史、小臣師,亦就其位 而薦之。

薦也。 注曰:亦者,亦士也。次士獻之,辯獻乃 不變位,位自在東方。

疏曰:上設位時,祝史在門東,小臣在東

堂下。

也。

繼公謂:此見其既獻 而不變位耳。 其獻

則當與士序。

主人就旅食之尊而獻之。旅食,不拜受

爵,坐祭立飲。

注曰: 亦畢獻乃薦之。主人執虚 爵奠于

篚,復位。

繼公謂: 此尊北

面,則

南

鄉

酌

之也。

之於尊南,亦 西南 面 既 授 則 西 面

之儀

與《大射

儀》略同。

乃云

如

鄉

射

乃 賤 於 洗 小,亦必 [略賤 繼士 者 篚 也 因 獻之,而遂因 也 獻 爲之洗 凡 士之爵 取 爵 於 旅 而 士爵, 下 食 遂 篚 者 用 之, 與 且 雖 士 不 所 不 異 殊其長 爲 復 尊 别 酌 取

#### 右主 一人獻士

皆

若 射主 旜 賓 及 射器 其 注 爲 卿大 「告弓矢既 日 ,則大射正 一於飲 亦 耦 而 大射 (夫,其 其 張 酒 侯,其 異 鄉 正 者 爲司 爲 射 具 一, 射· 也 告 司 • 至 人之長 射 請 Œ 記 薦 退 如如 者 先 当自 旅 於君 亦 鄉 中 食 者 爲 射之禮 乃 與 君 也 一乃以 算也 射 司 射 馬, 者 如 至 是 命 君 賓 燕 龍 與 納 如

者

也

此

《記》及《

鄉

射

記

**>** 

言

君

燕

射

公謂

此大

射

IE

即

上

經

所

謂

射人

人

異者。 惟 郊若 旜 也。 以 或有 司 麋侯,納射器,其 禮》也。 禮皆與《鄉射 皆在堂西也 禮 鄉 記》之注 鄉 命賓 旌 Œ 者 亦其 射禮》爲據,謂 射》 竟,君 又云《 與 者 以 不 及 中 亦 可以 司 先徹 其惟 異 爲 案:注云「納射器 不 卿大夫」,言其 則 者 皆得 者也」,詳其 鄉射 同 司 異 也 相 階 》大同小 馬 疑 如 於 通者 侯, 而 間 是 再射即 云「其告請 鄉射 記》自『君 此 燕 君 之縣,遷 此 侯 則 射 爲 與賓爲 亦 此 異 自 道 得之。 者 納 如《鄉 意 所以 前 用 君 五 也。 與《 射 射之外 十号, 樂 於 圃 蓋 耦」,言 於《大射》則 器 鄉 先 惟蒙《鄉 行之,亦 東 張侯,其 射」至「 但 此 射 謂 射》異 乃 於 方 其 》之禮 意 或 而 張 君, 前 與 中 其 乃 凡 射 侯 彼 龍 乃 與 爲 其 射 他

至

也。

異。 張侯 張侯乃納射器,其節蓋與《鄉射》不得 之縣,遷於東方,乃始張 恐不必以之爲據。此禮 似 繫左下綱,其侯道 未 爲 鄭氏於此,蓋偶考之不詳耳。 者,謂繫左下綱耳,非謂 當。  $\wedge$ 鄉 射》於 亦惟 納 五. 則當先徹階 麋侯,赤質,並 射器之後 十弓而已,既 始張侯也, 云命 不 前

### 右燕射

賓降洗,升騰觚于公。 觚,當之豉反。 也。 也。 注 古者「觶」字或作 酬之禮皆用觶,此 賓受公賜多矣,禮將終, 角旁氏,由 言觚 者 字 宜 此誤 之誤 勸 公

於是時爲之者,不敢以賓自處,恭敬之 繼公謂: 騰觶於公,乃下大夫之事,而 賓 爾。

酌散,下拜。 下,户嫁反

執觶以下, 如下大夫騰觶者之爲,但拜

於西階下異耳。

再拜。 公降一等,小臣辭。 賓升,再拜稽首,公答

重其騰觶之禮也。 公降一等,❶禮之也。至是乃降一等者, 賓從命則公升矣。

賓坐祭,卒爵,再拜稽首。 公答再拜。

此拜不下者,拜受拜既,本同一節,不敢

再煩君命也。

賓降,洗象觶,升酌膳,坐奠于薦南,

降 拜。 賓降,奠角觶於篚,乃洗象觶 小臣 辭。 賓 升成拜。 公答再拜。

賓反位

注曰 : 反位,反席也。

0 降 原誤作「觶」,今據通本改。

繼公謂 此 降拜已再拜稽首,故下云成

右賓騰觶于公

公坐取賓所騰鱓,興,唯公所賜。

此酬主於 土 而 所 賜 則不及之,以其賤

而在下也。

受者如初受酬之禮。 初受酬者,賓也。

降,更爵洗。

曏者三舉觶,其末皆云如初,此乃别云

更爵洗,蓋先時公或命之勿易觶,此

則

明其餘無拜者也。

全不命之,亦以禮殺也。

升,酌膳,下拜,小臣辭,升成拜。

公答拜。

此經文略,蓋以上已有成禮也。

乃就席,坐行之。 下,户嫁反

有執爵者。

士故也。

故於是可以略而坐行之,亦以此酬主於

繼公謂:賓、公卿大夫立

而旅酬者屢矣,

注曰:坐行之,若今坐相勸酒。

注曰:士有盥升主酌授之者。

繼公謂: 坐而 行酒,故須有執爵者代酌

授之。

唯受于公者拜。

注曰:公所賜者也,其餘則否。

繼公謂:此儀已見於上,至是復言之者,

士。」辯音遍。 司 正命執爵者。「爵辯,卒受者興,以 司正 堂上,則告大夫卒受者,使之興以酬士, 爵辯,卒受者興以酬士,謂行爵已辯於 以是命執爵者也。 必命執爵者告 悃

рц

之者,備有未知者也,是後則司正不命,

而執爵者亦不復告之。

大夫卒受者以爵興,西階上酬士。

士升,大夫奠爵拜,士答拜。大夫立卒爵,於是執爵者降,以己亦當與旅也。

不拜,實之。士拜受,大夫拜送。

此旅酬之正禮也。士始受旅,故從其正

禮,至無算爵,則旅不拜矣。

士旅于西階上,辩。

注曰:祝史、小臣、旅食皆及焉。

繼公謂:其旅皆如大夫酬士之儀,卒受

者亦以觶降奠于篚。

士旅酌。卒。

注曰:士以次序自酌相酬,無執爵者。

右公爲士舉旅

主人洗,升自西階,獻庶子于阼階上,如獻

皆于阼階上,如獻庶子之禮。士之禮。辯,降洗,遂獻左右正與内

小

注曰:凡獻皆薦也。

此者也。《燕義》以此爲諸子之官,似失子。《周官》亦多以庶子繼士而言,正指繼公謂:庶猶衆也,庶子,謂卿大夫士之

也。庶子未必皆有爵,乃先左右正獻之之。獻之於阼階上,變於其父所飲之處

者,明不與之序也。左右正,未詳其官,

然與内小臣同獻,則意其亦爲内臣也。

降洗乃獻,以其尊於庶子,故更新之,與

子於阼階之義不同。

獻於阼階上,則以别內外也。

此與獻庶

右獻庶子、左右正、内小臣

亦各序進盥洗其鱓以升。無算爵。士也,有執膳爵者,有執散爵者。

執膳爵者酌以進公,公不拜受。

云進公,是授之,此授受皆坐。

執散爵者酌以之公,命所賜。

酌亦酌膳也,已酌而少立於尊西俟公

所賜者興,受爵,降席下,奠爵,再拜稽首。 公答再拜。

者,宜别於公所親酬者也。

降,降席也。此不降階而惟拜於席下

受賜爵者以爵就席坐,公卒爵,然後飲。

異觶並行而代舉,君臣之禮也。 受賜爵

必先飲之也。 《士相見禮》言「卒爵 而

者不先卒爵而俟者,膳酒之酌久矣,不

俟」者,始飲酒,若爲君嘗之然。

執膳爵者受公爵,酌,反奠之。

處,則亦在薦南與? 未當公飲之節,故奠之,此不言所奠之 士既終旅,則君自

受賜爵者興,授執散爵,執散爵者乃酌

之。《大射》云「授執散爵者」,此脱 以次行之。惟已飲賜爵者,則不復授 若卿若大夫也,則此觶先以之賓,餘皆 此觶先以之諸公若卿,受賜爵者若諸公 必興授者,以曏者亦興受也。非賜爵 謂每授之於席也。受賜爵者若賓也,則 者,受授則皆坐。 酌者,酌散也。行之,

「者」字。.

惟受爵于公者拜。卒受爵者興,以酬士于 西階上。士升,大夫不拜,乃飲,實爵。

注曰:乃猶而也。

疏曰:此執爵者皆酌行之以徧,唯卒受

爵者興以酬士,自酌與之。

繼公謂:大夫自實爵,旅酬之禮也。

於是

士不拜,受爵。大夫就席。士旅酌,亦如執爵者降以酬者,自酌且己亦與旅也。

東上 公有 拜。大夫皆辟。 如其不拜而飲,不拜而受,及自酌也 一,再拜 命 徹 幂 稽 則 首。 卿 音 避。 大夫皆降, 公命小 臣 西階 辭。 下, 公答再 北 面

其在 不自異 與 又云 正 公乃答拜。卒拜於下而不升成拜,臣之 升拜,辭之而不敢從命,小臣 士不拜,賤不敢與君爲禮也。云有命, 遂徹之也。 幂,兩甒之幂也。 羣 禮 也。 臣 則,見其然否不定 大夫就席之時乎? 皆卒拜於下,禮宜 也。 必 辭之者,以 在堂者皆降拜,謝 徹之者,示 命徹 賓 幂者, 與 也。 然也 在 臣 辭者,辭之使 其 徹 以復于公, 下 命執 中 同 幂之節 君 於此 也。 意 此 幂 也。 酒 賓 云 者

> 辟者,嫌 公,文省。 始末兩著之,以見其餘也 旅 凡 拜 則 小 不 臣 必 辭 辟 皆公命之, 也。 不言賓 經 特於 及諸

遂升,反坐。士終旅于上,如初。

旅酌亦如之之儀 大夫而降,至是 上者,嫌 云士終旅 既 於上,則 降則 乃升旅於上也。 宜 是 遂 施 徹 於 幂之時 下也。 必言 初,即 蓋 於 先

燭于 無算 樂。 西 階上, 宵則 甸 庶子執 人執 大燭 燭于 于庭 阼 階 影 上, 司 爲 宫 大 執

燭于門外。

燭 注 大燭,爲位 以 曰:宵,夜也。 俟賓客 一廣也。 出 甸人,掌供 閽 人, 門· 人也。 薪 蒸者。 爲 大 庭

右無算爵

賓醉,北面坐取其薦脯以降。

者皆以賓爲節也。 未 醉不敢起,既醉不敢留,餘人之出 賓至是取 其薦脯 以

賜鐘 人,則古之以禮飲燕者,其於所薦

之豆 籩,亦惟祭之而 不食,斯可見矣。

取脯,説見《士冠禮》。

遂出。 奏《陔》。賓所執脯,以賜鐘人於門内 卿大夫皆出

也。《周禮》:鐘師掌以鐘鼓奏九《夏》。 者,先立於此,因過 奏《陔》之鐘人,乃其黨之在旅食之位 賜之者,賜其爲己奏樂也。此非擊鐘以 而賜之,以其 同事

公不送。

也。 不爲獻主,猶送之。 公與其臣燕而不送者,以其不爲 若於異國之臣,雖不爲正賓,君 太太主 雖

右賓出

公與客燕

注曰:謂四方之使者。

日 :「寡君有不腆之酒,以請吾子之與寡君

須臾焉,使某也以請。」 爵。 注曰:君使人戒客辭也。 寡,鮮也,猶言少德,謙也。 禮使人各以其

上介出

請入告。

繼公謂:須臾者,言其不敢久。

臣,臣敢辭。」使,所吏反,下「使臣 對曰:「寡君、君之私也。 君無所辱賜于使 並

注曰: 上介出答主國使者辭也。 無所 辱

賜,謙不敢當也。

邾賦六百乘,君之私也。」此可見矣。 吴人之言曰:「魯賦八百乘,君之貳也。 傳》載叔孫穆子之言曰: 也,我,列國也,何故視之?」茅夷鴻告 李微之曰:私之言屬也,謙辭也。《春秋 「邾、滕,人之私

繼公謂:客自謙,不敢以敵國之使自處,

故云然。

「寡君固曰不腆,使某固以請。」

注曰:重傳命。

「寡君,君之私也。 君無所辱賜于使臣,臣

敢固辭。」

朱子曰:客對辭。

寡君固曰不腆,使某固以請。」「某固辭,

不得命,敢不從。」

注曰:許之也。於是出見主國使者。

朱子曰:「某固辭」以下是客對辭。

繼公謂:賓於是出拜辱,大夫不答拜,致

命云云。

致命曰:「寡君使某,有不腆之酒,以請吾

子之與寡君須臾焉。」

注曰:親相見,致君命辭也。

fi。 | 君貺寡君多矣,又辱賜于使臣,臣

敢拜賜

命。」

繼公謂:賓既對,遂再拜稽首,所謂拜賜朱子曰:客對辭。

命也。於是大夫還,賓遂從之。

右公與客燕

《記》。燕,朝服於寢。朝,直遥反。

緇帶、素韠、白屨,士之朝服也。 大夫冠朝服兼君臣而言也。 玄冠、玄端、素裳、

衣之屬,皆與士同,惟雜帶以玄黄爲異,

若人君則又朱緑帶也。其餘亦與士同。

其異也。燕於路寢,禮差輕。 大夫玄黄,士緇,辟二寸,再繚四寸。」是《玉藻》曰:「大帶四寸。雜帶,君朱緑,

其牲,狗也。

主九

狗 於 牲 爲 賤, 而 君之燕禮 差 輕,故一 用 之。

大 射禮 放 此

亨于門 外 東 方。 亨音烹

門 者 寢 外 廟 東 之門 方 7,爨 外皆有 所 在 也 爨,吉則 故於 焉亨之。 在 東,凶 古 則

若 與 四

在

西。

方 之賓 燕, 則公迎之于大 門内 揖

讓 升。

注曰: 於拜至,皆如《公食》。 上,羣臣 四方之賓,謂來聘者也。 即 位 如 燕 也 介門 西 北 自戒 面 西 至

賓爲 嚌肺,不啐酒,其介爲賓。 苟敬,席于阼階之西, 北面。 有脅,不

苟 雖 介、遵矣。 燕者之稱 不爲正賓,而 誠 也,實 號 此 也 也 燕 主 實爲主君之所敬,故 其 荷敬 爲 類 賓 者 亦 而 猶 國 設,賓於是 君 鄉 於外 飲 酒 臣 以 之 時 所

> 大夫爲 《記》言與卿 賓爲 以 爲 稽首 者以 皆尊異之。不 西,諸公之位 賓爲賓而以上介爲 之。賓,卿也,上介,大夫也,此其 公卿,而 爲賓者 者納賓,皆如羣臣 賓答拜 同 È 聘 而 使 荷敬也 國之大夫爲之與 命命上介爲賓,上介禮辭,許,再 ,公答拜,上介出,公乃升 東 賓 ¨, 禮 之禮,若 ,公乃揖賓,各就 上。公與賓既 以 此 大夫, 一,君與 燕則大夫爲賓,與大夫 以 也 此 嚌 一,席 大 介 雖燕異 席當有 臣 啐者,辟正 爲賓之禮。 夫 爲 荷敬 燕,其爲賓者, 賓 爲 賓, 揖 聘 也 國之臣,宜 其 加 固 於是, 讓 使 與? 席。 席, 足 升,公拜至, 必以上 賓。 以 則 與食 就 且 公降,擯 阼 燕 明 有 席 又下 賓 階 不 其 燕 不 亦 禮 擯 其 卿 以 以 介 如 拜 者

無膳 尊 ,無膳爵

膳尊,瓦大也。膳爵,象觚、象鱓也。所

燕者非己臣子,故不宜自異,然則尊篚

與卿燕則大夫爲賓,與大夫燕亦大夫爲

之數皆減矣。

賓。

酒,以路堵父爲客,此之謂也。心,賓主敬也。公父文伯飲南宫敬叔注曰:不以所與燕者爲賓者,燕爲序歡

以公卿爲之者,以其太尊於主人故也。等,如上例也。必以大夫爲賓者,強爲賓者或當降於所燕者一夫爲賓者,嫌爲賓者或當降於所燕者一於堂,且與君爲禮,宜用稍尊者也。不於堂,且與君爲禮,宜用稍尊者也。不以公卿爲之者,以其太尊於主人故也。

爵,故《記》明之,下放此。經但云請執幂者與羞膳者耳,而不見其

羞膳者與執幂者皆士也。

羞卿者,小膳宰也。

注曰:膳宰之佐也。

酒,主人答拜而樂闋。苦穴反。若以樂納賓,則賓及庭,奏《肆夏》。 賓拜

《周禮》曰:「賓出人,奏《肆夏》。」注曰:《肆夏》,樂章,今亡。闋,止也。

也。 爲獻禮一節之終也。 闋,辟君也。 庭而奏《肆夏》,尊賓也。 繼公謂:君 其或於此用樂者,在君所欲耳。及 與臣燕,不以樂納賓,常禮 必於此 《肆夏》,亦金 而樂闋者,亦 未卒爵 奏樂 以 圃 其 樂

爵以下而樂闋。 公拜受爵而奏《肆夏》,公卒爵,主人升受

名。

爲終始,亦足以見尊君之義矣。 乃闋,獻禮之終也。此蓋以樂與其禮相公受爵而奏,以其獻禮始於此也。卒爵

升歌《鹿鳴》。

也。凡升歌皆歌三篇,不止一篇而已。 歌《鹿鳴》之三也,《大射》云「三終」是

下管亦然。

下管《新宫》。下,户嫁反。

注曰:《新宫》、《小雅》逸篇也

終、《大射儀》曰:「太師及少師、上工皆 繼公謂:歌者降而以管奏《新宫》,亦三

宫》,三終。」足以明之矣。舊説謂管如 降,立於鼓北,羣工陪于後,乃 管《新

篴而小,併兩而吹之。 此樂奏《肆夏》且 下管,如《大射》之禮,則其縣亦宜如之,

蓋燕有時而射,故當闕中縣也

笙人三成。

於歌與管但言篇名,於笙言三成,文互 三成,謂奏《南陔》、《白華》、《華黍》也。

見也。

遂合鄉樂。

注曰:鄉樂、《周南》、《召南》六篇。

言遂

者,不間也。

繼公謂:不間者,或以樂已盛於上,故於

此殺之與? 獻時不奏《肆夏》,則不下

管,乃有間。

若舞則《勺》。舊音酌

唯公與賓有俎。

《勺》者,舞名,但不詳其爲何代之樂耳

經文已明,《記》復言之者,嫌所與燕者

獻公,曰:「臣敢奏爵以聽命。」 或當有俎,如異國之賓然也。

注曰:授公釋此辭,不敢必受之。

疏曰:謂主人也。

繼公謂:奏,進也。

命謂君受與否之命。

凡公所辭,皆栗階

注曰:栗,越也,越等也。

上曰栗階,下曰躇階。栗與歷聲相近。繼公謂:辭之而升,其禮則然。越等而

凡栗階,不過二等。

注曰:其始升,猶聚足連步。越二等,左

右足各一發而升堂。

然後升堂。 然後升堂。 然後升堂。 以諸侯七等之階言之,則至 立二等也。以諸侯七等之階言之,則至 立二等也。以諸侯七等之階言之,則至

凡公所酬,既拜,請旅侍臣。

注曰:必請者,不專惠

也

者。侍臣,侍飲之臣也。其禮見《大射繼公謂:凡,凡四舉旅之禮。請,請于擯

儀》。

凡薦與羞者,小膳宰也。

謂於大夫以下者也。上言羞卿去小膳

之類,亦并薦言之明矣。 之,文法宜 宰者,釋 經 然 文 也。 也。 然 此 則 無 經 所 釋,故 言 羞 一膳、羞 並 薦

言

卿

有内羞。

實: 糗餌、粉餈。 注曰: 謂羞豆之實: 酏食、糁食,羞籩之

爲此内羞,禮恐或然,但未必其皆用之官·醢人》《籩人》職所言羞豆、羞籩之實之庶羞、内羞,同時進之。案:注以《周繼公謂:内羞即房中之羞也。祭禮,尊者

也。

君與射,則爲下射,袒朱襦,樂作而后就物。

與音預。

見《鄉射•記》。

言與射,則君於燕射或時不與矣。

説又

小臣以巾授矢,稍屬。音燭。

稍屬者,稍與發矢時相連屬也,每於將發

之節則授之,又見《鄉射・記》。

不以樂志。

注曰:辟不敏也。

始射。 之,益可見矣。 間,則是君之燕射,於其再射,即用樂行 此亦優君也。《記》言此於授矢、發矢之 其每發不以樂之節爲識,而必欲應之也, 繼公謂:古文志、識通。不以樂志者,言 燕射亦三,至再射,而君

既發,則小臣受弓,以授弓人。

注曰:不使大射正,燕射輕。

《記》於既發,言之未詳,其或有脱文與? 繼公謂:受弓以授弓人,蓋卒射之事也。

飲君,燕,則夾爵。 上射退于物一笴,既發,則答君而俟。若 説皆見《鄉射·記》。此但云燕,則夾爵 君在,大夫射,則肉袒

尤不可曉。

若與四方之賓燕,騰爵,曰:「臣受賜矣,臣

請贊執爵者。」

注 曰:受賜,謂公曏者酬之也。

曏之騰觶者而言。贊猶佐也。

繼公謂:賓,謂介爲賓者也。

執爵,似指

相者對曰:「吾子無自辱焉。」相,息亮反

注曰: 辭之也。

辭、《記》不備見之也。 繼公謂:此下當更有賓再請而相者許之

有房中之樂。 奏之於房,故云房中之樂,蓋别於堂上、

堂下之樂也。

儀禮集說卷六

4.

文。

設洗于阼階東南。

今以諸篇爲據,删之。 管,文意重複,似非經文之體。且篚在篚,文意重複,似非經文之體。且篚在耳。又下别云「篚在洗西」,則於此言耳。又下别云「篚在洗西」,則於此言

騰觚于賓。

宜悉從今文。 「騰」。繼公案"「騰」字似優於「媵觚」,鄭本作「媵觚」。注云等今文「媵」皆作

士長升,拜受觚,主人拜送觚。

「觚」。繼公謂:凡獻,無用觶者,當從今鄭本「觚」作「觶」。 注云:今文「觶」作

三元

宰戒百官有事于射者。

注曰:宰,於天子冢宰,治官卿

也。

事

`,則掌以君命,戒百官。

## 儀禮集説卷七

敖 繼 公 撰

元

注曰:於五 禮屬 嘉禮 大射儀第七

繼公謂:諸侯與其群臣 飲 酒 而習射之禮

也。言大射者,别於賓射、燕射

也。

大射之儀。

他篇於此言禮, 是乃言儀 者,以 其 儀 多

於他篇,故特 顯 之。 禮者總名,儀 則 其

滌音狄。

節文也。

君有命戒射。

謂 君發命 而戒有司以將射也。

> 射人戒諸公、卿大夫射,司 士戒士射 與 贊

者,與經微不合也。

春秋之世,侯國之上卿有不盡名爲宰

繼公謂:此宰指侯國之上卿

而言也。

然

者。

中之士,治凡 注曰:射人掌以射法治射儀,司士掌國 其 戒 命,皆司馬之屬 也

贊者,謂士佐執事不射者。

前射三日,宰夫戒宰及司馬、射人宿視滌。 疏曰:宰總戒,射人、司士别重戒之。

注曰: 者。 合其六耦。 司馬,於天子政官之卿,凡大射 宰夫,冢宰之屬,掌百官之徵 滌,謂溉器,掃除射宫。 則 **\$** 

繼公謂: 宰夫戒此三官,以當宿視滌也。

宿謂前射一日爲之。

### 右戒群臣

如字。干,五旦反,下並同。四十、北十。量人之量,音亮,下同。貍,力之反。參侯九十,參七十,干五十。設乏,各去其侯司馬命量人量侯道與所設乏,以貍步:大司馬命量人量侯道與所設乏,以貍步:大

當以 者之名,如丈、尺、尋、引之類,刻畫貍形 物 繼公謂: 在 林 間 楹 侯道,侯去物之 爲節 間 ,正當 也。 楣 步者,蓋量器 也。 步數· 此 時 也。 未 長 有物, 六尺 所 畫

侯也。 殺,所以異也。舊説謂《周官》言畿 + 言「諸侯以四耦射二侯」,亦謂 職言諸侯大射共熊侯、豹侯,《射人》職 以公言之庭 亦十步者,則因 侯相去之中,故以爲節也。 乏之處各去其侯之北十步者,以其當一 及者近,故侯道象之,以見其 夫士者,蓋位尊則所及者遠,位卑則 其步數也。 則參侯 其參於二侯名之也。 者,以其大於二侯名之也。 往參之參,謂介於二者之間 於其上,以 步者矣。 其侯數少於此,則侯道 其 、豹侯 爲識,故 蓋 寬 君至尊而侯道反遠於 作 廣 與? 其北之成 經 故 有先 日 爾。 九十、七十、五 此大 貍步云。 後、故  $\sim$ 周 數 去其侯之西 (侯,熊 參侯者,以 官 而用之,亦 也。 禮 未 義 熊 參,如 制 必 也 掌皮》 侯也, 内之 有 有 卿 大 降 九 設 所 侯 毋

三三七

二三八

者耳、畿内安得有諸侯之國哉?諸侯、非也。《周官》凡言諸侯皆謂畿外

賢遍反。 下 于参,參見鵠於干,干不及地武。不繫左 遂 命量 綱。 設乏, 鹄,古毒反。繋,古帝反 人、巾車張 西十、北十。 三侯。 大侯之崇, 凡乏用革。 見 見 並 鵠

如其 車者 寸。 高 注 少半寸, 及地武,以此計之,參侯去地二丈五 之鵠方六尺,參侯之鵠 與崇方,參分其 寸,干侯之鵠方三尺三寸少半寸。 曰 : 必 見鵠。 .侯也。《考工記》曰「梓人爲侯,廣 亦 巾車,於天子,宗伯之屬,掌裝 使 大侯去地二丈二尺五寸少半 張侯。 鵠,所射之主,以 廣 侯,巾 而 鵠 居 方 類。 四 一焉」,則大 尺六寸大 皮爲之,各 崇,高 也 寸 半 衣 侯

疏曰:侯之廣狹取度於侯道。 三分其侯

下綱去地二丈二尺五寸少半寸,則

E

緇

也。 爲干 謂見鵠於干,其鵠下八尺六寸大半寸, 尺、張法、參鵠下畔與干侯之上綱齊、所 弓,則侯中丈四尺,故鵠 法,大侯鵠 半寸,則上綱去地三丈二尺五寸少半寸 尺二寸也。 侯下綱不及地尺二寸,則上綱去地丈九 是干侯侯中及躬與舌丈八尺,張法,干 躬、下躬及上舌、下舌各二尺,合八尺, 故鵠方三尺三寸少半 半寸。干侯侯道五 丈八尺,故鵠 洏 于參,其鵠 鵠 大侯侯中併躬與舌爲二丈六尺,張 侯所掩,是參下綱去地一丈五寸少 居 焉。 下畔 參侯侯中併躬、舌爲二丈二 方六尺也。 下 大侯! 與 一丈爲 參 侯道 + 侯 ·
弓,則 寸 參所 上綱 九十弓? 也。 方四尺六寸大 參侯侯 齊,所 掩, 侯中一丈, 凡侯之上 是 道 則 大 謂 七十 侯 見

半寸者,三分寸之二,少半寸者,三分寸去地四丈八尺五寸少半寸也。凡言大

之一。 其 以事未至也。 處 十、北十者,以見上文所云者,但 禮意之妙,大抵類 勢之不得不然者,而尊卑之義亦存焉。 法,大而遠者則高,小而近者則下,乃其 而 見其鵠 之鵠自各見於近侯之上,非謂先張近侯 之,干爲後。乃云某見鵠於某 乃張遠侯也。二侯之高俱見鵠,而不盡 以尺寸計而張之,及既張之後,則遠 繼公謂:張侯之序,以大侯爲先,參次 其 左者也,亦中掩 外則否,於此 下之中,是射者惟以 前射三日 三侯皆以左爲尊,故未繫 張 此。 東之。 見之矣。 侯設乏,重其事 不繫左 於此 此張 貫鵠 、者,蓋 下綱,亦 復言 一爲 爲中 侯之 量其 也 侯 西 先

鵠之名義未詳。

#### 右張侯

鐘,其南鑮,皆南陳。縣音玄。鑄音博。樂人宿縣。 于阼階東,笙磬西面,其南笙

注曰

鑮如鐘

而

大。

《大司樂》職曰:「大祭祀宿縣,遂以聲展 有二,故不言西面,而擊者亦與磬同也 也。 磬、笙鍾其各一肆與? 爲堵,全爲肆。」肆謂十六枚也。 笙相應者也。 君平常日用之樂,皆於其 下放此。宿縣者,亦重其 繼公謂: 宿縣 面爲鼓。 日當射,故此日云宿。 鐘鑮皆南陳,亦以其北上也。 西面者,鼓在西而擊者東 《周官》曰:「凡縣鐘磬,半 ,謂前射一日縣之也。 笙磬、笙鐘,皆 磬外面爲股,内 事 日縣之明矣。 也,然則 此 其 或 面 笙 與 面 明

之。

應,應對之應。建鼓在阼階西,南鼓。應鼙在其東,南鼓。

也。 蟚 跗 注 也。 也 日 建 先擊 南 猶 鼓 樹 朔 謂 也 鼙, 所 0 應 伐 以 鼙 面 木 應之。 貫 也 而 應 載 鼙, Ź, 鼙 小 樹之 應 鼓 朔

當於阼 繼公謂 辟 也 在 之也。 在 洗 北 右,今設於此乃反之者,明其變位 階 皆當鑮之南,故移鼓鼙於 此鼓 鼓鼙若在東縣 東 南 鼙 揖 乃 卿 在東縣 大夫,且 南, 南 主 者 則鼓在左, 人之 也。 此 位 以 以 亦 君

北。 皆 西 南 階 頌 之西, 陳。 頌 建 磬 鼓 在 東 其南 面。 其南鐘,其 東鼓 朔鼙 南 在 鑮 其

注曰:朔,始也。奏樂先擊西鼙。鐘不

簜在

建鼓之間。

簜,大黨反。

注

簜,竹也,倚於堂。

於縣 與歌 謂 言 宜與磬同。 繼公謂 是鐘 頌 擎 樂 與? 相 不言東鼓 頌之言誦 應,故  $\sim$ 春秋傳》曰「歌 鼓 在 日 南 頌 義 也 磬。 同 鼙 謂 在 省文 歌 此 北,明 鐘二肆」,其 樂 鐘之用, 也 也。 其 不 此 統 亦 磬

有爲 建鼓 異其文以 惟 設其鼓於故 階 國君合有三面 用樂,乃以辟射之故 西方者之位 此 間 之 言 在 而 縣 南 西階之東,南 去其縣,非禮殺 見之。 東上 面 蓋 相 位 . 樂, 其 類 而已。 闕 此鼓 也。 中縣 鼓 東 面 則 方、西方 去其 上言 大射 不擊 也。 則 西上, 階間之縣,但 乃 不 盛 南鼓、 撃 與 設之者,明 於 與 此 燕 在 階 宜 鼓,故 東 東 間 方 也 備

: рц

繼公謂:簜即工之所管者,故近工位設

Ż

**鼗倚于頌磬西紘。**鼗音陶。

也。設鼗于磬西,倚于紘也。注曰:鼗如鼓而小,有柄。紘,編磬繩

繼公謂:西紘、磬紘之西出者也。

方

壺

不用庪之者,遠

下君

#### 右縣

武。 幂,加 甒 厥 在 明 幂,眉狄反。 司 南, 勺,又反之。 有豐。 宫尊于 東 幂 楹 用 皆玄尊,酒在 之西, 錫若絲, 兩 方壺 綴諸 北。 箭 膳 尊 甒音 兩

詳 也。 注 疏 卷辟,綴於篠,横之也。 略 日 日 耳 皆玄尊,二者皆有玄酒之尊也。 絲,細 此陳設器物與《燕禮》同,但文有 葛 也。 箭, 篠 又反之,爲覆 也。 爲 幂, 勺 蓋

> 上 飲 反 從 繼 蓋 公謂 ,此云酒在北,文互見爾,說 此 加 於 酒,故謹 于勺,亦 幂 幂横 重之如是。 爲 西 綴 塵之著于勺也。 枋,與箭 於箭,而從蓋 而 《燕禮》云尊 午,乃 於甒,勺亦 見前篇 蓋 以 以 餘 南 君 幂

尊士旅食于西鑮之南,北面,兩圜壺。

在門 於其下者,宜 鼓爲節者,鼓高 鑮 南 西,此 ,言東西節 旅 也。 食者在 而鑮 也。  $\Rightarrow$ 燕禮 下, 圜 西 鑮 南 一》旅 方之南,於燕 壶 有鼓,此 食與 在 地,取 其 不以 尊 位 皆 節

音莎, 非是。 又尊于大侯之乏東北, 兩壺獻酒。獻如字,

爲

少

,西,則此尊之南北,亦宜近之。

耳。 此尊俟 人之酒 獻 酒,獻三侯之獲 也 時 而設,經 於此 獨 蓋 云 因 獻 者 F 者 及 禮 巾 嫌 而 車、 其 連 言之 隷 爲 僕

侯,且見不他用也。壺亦圜壺。

陳。 之尊西北,水在洗北,篚在南,東陳。 設 設膳 于阼 篚在其北,西面。 階 東 南 礨 水在: 東, 又設洗于獲者 篚在 洗 西, 南

賤故 不用罍 未設也。 此 云又設洗,亦因 爾。 也 獲者 君禮 即 服 而水不用罍,以所獻者 上禮而連言之,其 不之 屬。 惟云水,是 實

諸 于户 面者,則北上。 小卿賓西,東上。大夫繼而東上。 小臣設公席于 阵階上, 公作階 西西 南 西 面,有 ,北面,東上。 席工于西階之東,東上。 加 席。 西 卿 鄉。 鄉,許亮反,下同 席賓東,東上。 司宫設賓席 若有東

賓有 也。 席及賓席 席 ,如燕禮 射禮重 加席,亦蒲筵加莞席 布之,其餘猶在 於 可知,或亦蒙有加席之文 燕,故賓 有 房,俟 加 也。公不言設 席 以時乃 此 惟 設

> 也。 耳。 言若有者,國有 下當有「西」字。 則此賓,其以中大夫爲之與?「繼而」之 夫,下大夫也。 言之於此者,亦因設公席、賓席 卿,上大夫也。 諸公亦或有或無,故後言之。 小卿席 東面者,在西序下少北。 大小,則 小卿,中大夫 于賓西 大夫亦有衆寡 而統於賓 而遂及之 也。 大

官饌。

注曰:官各饌其所當共之物。

饌之,或異處也。 《語率具官饌于寢東」,與此互見其先後繼公謂。官各饌之於其所也。《燕禮》曰

右陳設

者,則不重釋之。自此以後,其經文有與《燕禮》同

衍文也。

皆入門右,北面東上。士西方,東面北上。鄉。小臣師納諸公、卿大夫,諸公、卿大夫養定。射人告具于公。公升即位于席,西

下,南面西上。大音泰。從,才用反。在士南,北面東上。小臣師、從者在東堂大史在干侯之東北,北面東上。士旅食者

者,小臣師之屬也。「從」上疑有脱文。 一定,其位自在門東。士旅食者在士南者,爲 之,其位自在門東。士旅食者在士南者,爲 之,其位自在門東。士旅食者在士南者,爲 大史在王侯東北,爲有事,故深入,東上。

揖諸公、卿大夫,諸公、卿大夫西面,北上。公降,立于阼階之東南,南鄉。 小臣師詔

揖大夫,大夫皆少進。

此言揖,亦互文。上言大夫,次言大夫,阼階東南,蓋於鑮南也。《燕禮》言爾,

#### 右即位

大射正擯。

下文爲司射者耳。 此大射正亦射人也。乃異其稱者,别於

北 重。 膳宰請羞于諸公卿者。 執幂者升自西階,立于尊南,北 賓少進,禮辭。反命,又命之。 擯者請賓,公曰:「命某爲賓。」擯者命賓, 首,受命。 面,請執幂者與羞膳者,乃命 公揖卿大夫,升就席。 擯者反命。 賓出 小臣自阼階下 ,立于門外,北 賓再 執 面東上。 幂者。 拜 稽

右命賓及執事者

濱者納賓,賓及庭,公降一等揖賓,賓辟·

凡受公禮者皆辟,經不盡見之也。公升,即席。辟音避。

一 四 三

14 14 14

奏《肆夏》。

《夏》,天子所以享元侯也,使臣不敢與 《肆夏》之三曰《肆夏》、《繁遏》、《渠》,然 聞。」此 享之,金奏《肆夏》之三,穆叔曰:「三 類,乃其首篇名耳。 則每《夏》之中,各有篇數,如《肆夏》之 言九《夏》,次曰《肆夏》。 此爲賓奏之,當作 惟奏《肆 夏》 西方之縣 穆叔聘于晉,晉侯 圃 不 《春秋傳》言 及《繁 也。 ^ 周 遏 官

右賓入

渠》,其辟天子之享禮與?

拜,賓答再拜。 賓升自 西階,主人從之。 賓右北 面 至 再

右拜 至

主人降洗,洗南西北面。 賓降階西,東 面

> 對。 洗。 幂者蓋幂。 人升,坐取 賓降,主人辭降,賓對。 升,賓拜洗。主人賓右奠觚答拜,降 主人 舉幂之儀當與蓋幂者相類,蓋主人取 賓 賓反位。 辭 少 降, 進 觚。 酌者加勺,又反之。 賓 辭 對。 主人卒洗。 執幂者舉幂,主人酌膳,執 洗。 主人 主人 北 卒盤,賓揖升。 坐奠觚 賓揖升。 面 盤, 于 坐 篚 取 主人 盤。 觚 主 興 觚

者,主人取勺,執幂者乃 而 適尊,所 執 幂 者 則 進 而 舉 發 幂 其 也。 、幂之 又反 反

之,亦執幂者也。

位。 筵前獻賓。 賓西階上拜,受爵 主人賓右拜送爵。 宰胥薦 脯 于筵前,反 醢

之。

宰胥,宰之屬也。

薦賓者與公同,亦盛

賓升筵。 庶子,亦見前篇 庶子設折 俎

主人降。

賓辭降,卒盥,揖

升。

酌膳

執執

幂

爵,遂 爵 取 賓 賓西階上北面坐,卒爵,興,坐奠爵,拜,執 爵,拜,告旨,執爵興。 興。 肺, 坐,左執觚,右祭脯醢,奠爵 祭酒,興,席末坐啐酒,降席,坐 坐絶祭,嚌之,興加于俎,坐捝 主人答拜。関,苦穴反 主人答拜。 于薦右 樂闋。 手, 奠 執 興

奏《肆夏》及樂闋之節,説見《燕禮・記》。

### 右主人獻賓

階,揖升。 奠觚,少進,辭降。主人西階西,東 進,對。賓坐取觚,奠于篚下,盥洗 賓以虚爵降。 主人辭洗。 於此耳。 西階西非主人堂下之正位,以從降,暫立 主人升,拜洗 賓坐奠觚 主人既對不言反位,亦文省。 主人降。 于篚,興對,卒洗,及 如 賓洗南西北 沒實禮。 賓降盤 面 面 ",少 坐

> 爵。 興。賓答拜。主人不崇酒,以虛爵降,奠 命 酒,不拜酒,遂卒爵,興,坐奠爵,拜,執 如 于篚。 计升賓。 初,以酢主人于西階上。主人北面拜受 賓主人之左拜送爵。 賓降,立于西階西,東面 賓升,立于西序,東 主人坐祭,不 面 擯者以 預 啐

注曰:命,公命也。

### 右賓酢主人

公拜受爵,乃奏《肆夏》。主人盥,洗象觚,升酌膳,東北面獻于公。

注曰:言乃者,其節異於賓。

薦脯醢,由左房。庶子設折俎,升自西階。主人降自西階,阼階下北面拜送爵。宰胥繼公謂:此奏《肆夏》,當以東方之縣。

公祭,如賓禮,庶子贊授肺。不拜酒,立卒凡堂上之薦皆由左房,特於君見之耳。

河 元

爵,坐奠爵,拜,執爵興。主人答拜。樂

闋。升受爵,降奠于篚。

### 右主人獻公

但反。更爵洗,升,酌散以降,酢于阼階下。散,思

此亦當酌膳,云散,誤也。

祭,遂卒爵,興,坐奠爵,再拜稽首。公答北面坐奠爵,再拜稽首。公答拜。主人坐

拜。主人奠爵于篚。

《燕禮》曰:「公答再拜。」此省文也,下不

言者,皆如之。

### 右主人自酢

主人盥洗,升,腾觚于賓,酌散,西階上坐

此觚亦當作鱓。 奠爵,拜。賓西階上北面答拜。觚,當之豉

主人降,復位。資降筵西,東南面立。 主人拜送爵。 人酌膳。 賓西階上拜,受爵于筵前,反位。 人辭降,賓辭洗。 拜,執爵興。 主人坐祭,遂飲。 賓答拜。 賓升席,坐祭酒,遂奠于薦東。 卒洗,賓揖升,不拜洗。 賓辭。 主 人降洗,賓降。 卒爵 興, 坐奠 主 主

### 右主人酬賓

祭,遂卒觶,興,坐奠觶,再拜稽首,執 拜 酌 面 再拜稽首。 下大夫二人騰 小臣自阼階 散,交于楹北 稽首,執 北上、序進、盥洗 解 興。 公答拜。騰爵者立于洗南,西 下 ·請騰 爵。 降,適 公答 角 爵 騰 解,升自 爵 者,公命 作階 拜。 者咋階下 下,皆奠觶 騰 西階,序 長。 爵者 皆 小 皆 北 臣 再 觶 坐 作 面

興。 小臣 但反,下並同 爵者洗象觶,升實之,序進,坐奠于薦 篚 公答拜。 北上,降,適 ,作階下皆北 公答 請 致者。 騰爵者皆退反位。 再拜。 阼 若 階下,皆再 面再拜稽首。 命皆致,則 騰 爵 者 執 拜 長,知丈反。 觶 序 稽首,送觶。 公答拜。 待于 進,奠觶 洗 散,思 南 南 騰 于

注曰: 反門右北面位。

# 右下大夫騰觶于公

公坐 階 下 再 取 拜稽首 大 夫 所 騰 小 觶 臣 興 Œ 辭 以 ,賓升成 酬 賓。 賓降, 拜 西

注曰:正,長也。

觶 拜,小臣 公坐奠觶,答 ,答拜,執 繼公謂:小臣正 Œ 辭。 觶 拜。 興。 賓 升,再 辭,亦公命之。 執 賓進,受虛鱓,降,奠于 觶興,公卒觶。 拜稽首。 公坐奠 賓 下

篚,易觶,興洗。下,户嫁反,下同

言興洗,見洗則立也。

小臣 告于擯者,請旅諸 公有命,則不易不洗。反升 乃旅 所以 旅 正辭。 ,旅酬之也。 也。 廣 君 賓升,再拜稽首。公答拜。賓 賜也。 臣。 賓因 公許,擯者又以告賓 擯者告于公,公許。 君 所 賜 酌膳,下拜。 請 旅 諸 臣

復位。 受旅 賓以 之禮,不祭酒。 賓拜送,遂就席。 也,則降,更觶 夫答拜。 旅 長,知丈反。 賓大夫之右坐奠觶,拜,執 大 大夫于 賓坐祭,立卒觶,不 西 洗,升,實散。大夫拜受。 卒受者以 辯音遍,下並同 階上。 大夫辯 擯者作大夫長升 虚 受酬 觶 拜。 降,奠于篚 如受賓酬 解興,大 若膳觶

## 右公爲賓舉旅

一四十

四

反。 乃薦 觚 主 兼 人洗觚 卷 重,並 主 脯 重 人 醢 席 直龍 拜 升, 設 反。 卿 送 行升席 于 實 徹 觚 賓 散 ,直列反 左, 獻 卿 庶子設 辭 卿 東 重 于 上 席 西 折 階 卿 俎。 司 上。 升, 宫徹之, 卷, 拜 司 九 宫 轉

繼公謂: 疏曰:若有諸公,公用臑 注 日 卿 折 卿 俎 有俎,大射差重於燕也 ,未聞,蓋用脊、脅、臑、 ,卿宜用膊也 肺。

面 手,取爵,遂祭酒,執爵興,降 取 卿 肺, 坐,左 坐卒爵,興,坐奠爵,拜,執爵興。 坐 執 絶祭,不 爵 7,右祭 嚌 脯 肺,興,加于 醢 真爵 席 一,西階 于 俎 薦 右 Ŀ 坐 北 捝 興

不 嚌 肺 ,亦自貶於賓

主 人 答拜 ,受爵。 卿降,復位

注 日 復西面 位

卿 辯 獻 卿 卿 皆 主人 升 就 以 席。 虚 爵 若有 降, 奠 諸公, 于 篚 則 先 擯 者 卿 獻 升

> 之, 加 如獻 席。 卿 先,悉見反。 之禮,席 于 作階 西, 北 面 東

上,

無

## 右主人獻諸公卿

立于 拜。 拜。 于洗 者,若命長致,則騰 小 臣又請 長,並知丈反,下同。 洗 洗象觶,升實之,坐奠 南,長致者阼 南 者 騰 爵 二人皆再 者 ,二大夫騰 階 爵者奠鱓 下 拜 再 稽首 于 拜 爵 于篚, 稽首。 薦南,降, 送 如 觶。 初。 公答 公答 請 與 待 致

# 右下大夫再騰觶于公

降,奠于篚 以 公又行一 旅于西階上,如初。 燕禮》言酬,此言賜 爵 ,若賓若長 亦 唯 大夫卒受者以虚 文異耳 公所 賜

觶

# 右公爲諸公卿舉旅

爵,不拜既爵。主人受爵。大夫降復位。 拜受觚。主人拜送觚。大夫坐祭,立卒 主人洗觚,升,獻大夫于西階上。大夫升,

大夫者,中、下大夫也。

胥薦主人于洗北,西面,脯醢,無脀。

胥,宰胥也。

正注::□ 卒,擯者升大夫,大夫皆 辯獻大夫,遂薦之,繼賓以西,東上。若有

## 右主人獻大夫

乃席工于西階上,少東。 小臣納工,工六

人,四瑟。

注曰: 六人,大師、少師各一人,上工四

以是推之,天子之制,其隆殺之數,亦可 然則諸侯之祭饗,歌與瑟者各四人與? 繼公謂:大射差重於燕,又加瑟者二人,

僕人正徒相大師,僕人師相少師,僕人士 知矣。

相上工。相,並息亮反,下並同。

大音泰。

少,詩

反。下「大師少師」同。

師,其佐也。士,其吏也。天子視瞭相 注曰:徒,空手也。僕人正,僕人之長。

工,諸侯兼官,是以僕人掌之。大師、少

師,工之長也。凡國之瞽矇正焉。

繼公謂:上工即上瞽、《周官》上瞽百人。

何,户我反。後,户豆反。挎,口孤反。 相者皆左何瑟,後首,内弦,挎越,右手相

後者徒相

注曰:謂相上工者。

注曰:謂相大師、少師者也。

人。小樂正從之。

注曰:從大師也。

且用小樂正,則彼可知矣。大射乃亦不篇不言小,以此見之也。此樂盛於彼,繼公謂:諸侯之小樂正,下士也。前三

升自西階,北面東上。

使大樂正者,其辟祭饗之類與?

注曰:工六人。

注曰:相者也。坐授瑟,乃降。

繼公謂:相者降位,蓋亦在西方。

小樂正立于西階東。

樂正乃後升,然則後升者其正禮與?云立,則是亦後升也。此禮重於燕,而上經云小樂正從之,而此于工升之後乃

乃歌《鹿鳴》三終。

三終,謂歌《鹿鳴之什》三篇,篇各一終,

主人洗,升實爵,獻工。工不興,左瑟。

可見矣。

《皇皇者華》,其義曰「工歌三終」,則益

也。

鄉飲酒

之禮,歌《鹿

鳴》、《四

牡

如《春秋傳》所謂「工歌《鹿鳴》之三」

是

而其左瑟,則以此時爲節也。 之一者,謂獻大師之時,瑟者猶未受獻,案:注云「大師無瑟,於是言左瑟者,節繼公謂:爵即觚也。不言觚者,可知耳。

一人拜受爵。

注曰:謂大師也。言一人者,工賤,同之

也。

爵,降奠于篚,復位。相,息亮反。 坐祭,遂卒爵。辯有脯醢,不祭。主人受坐祭,遂卒爵。辯有脯醢,不祭。主人受主人西階上拜送爵。薦脯醢。使人相祭。

位、洗北之位也。

大師及少師、上工皆降,立于鼓北,群工陪

面。工立,僕人立于其側。注曰:於是時,小樂正亦降立于其南,北

也。 上 鼓大鼙小也。 與尊旅食者之意同也。 繼公謂: 鼓北 ,射事未至 列與? 陪于後者,其以鼓鑮之間 前 列 而 ,鑮南 群工即上工,謂瑟者四人 降爲管故也。降不言相 二人,後列四人,皆當北 也。 不 不云鑮南者,嫌 取節於鼙者, 不足 以 爲

乃管《新宫》三終。

管 職 降者管之明矣。《春官 之與? 皆云登歌下管,然簜 吹簜以奏之。 下 而管者,變於歌 此 承 · 大 上文 而 師 已,其  $\approx$ 也 而言,是 少少 大師  $\sim$ 師 新

> 樂矣。 也。 聲 淵淵 也。 依管 樂,故不略其正,亦 此不笙、不合鄉樂者,爲射,故略於樂 下二篇也,二篇之名未聞。 宫》,《詩》名。 」,則管時 《書》曰「下管鞉鼓」,《詩》曰「鞉 不略《小雅》者、《小雅》爲諸侯之正 而歌 嘒 諸侯之樂其下管者,雖 嘒 以 管聲。 亦奏此 明之者,如笙之有和 三終者,管《新宫》 西方之樂以 既 如 ( 鄉 和 且 射》之不 三詩 平,依 有笙 應之矣。 蓋 并 我 略 亦 者 及 亦 不 磬 鼓 然 有 其

卒管。大師及少師、上工皆東坫之東南,

間。

西

面

北

上坐。

阼階之東南,堂前三笴,西面北上。疏曰:不言去堂遠近,當如《鄉射》遷工

事未至工既管,乃不復升,而遂遷於此繼公謂: 站東南,當在東縣之東北。射

立于其南,相者退立于西方。者,堂上之樂畢故也。於是小樂正北面

### 右工歌下管

**背事感觉即青江引三、雾寸处 擯者自阼階下請立司正。** 

公許,擯者遂爲司正。司正適洗,洗角觶,君再舉旅,而即請立司正,爲射故也。

南面坐奠于中庭。

禮》司正之位同,以當辟射也。此中庭者,亦阼階前南北之中,與《燕

諸公、卿大夫,公曰:「以我安」。 賓、諸公、升,東楹之東受命于公,西階上北面命賓、

卿大夫皆對曰:「諾,敢不安!」

其意若不敢必君之終行射事然也。受嫌於不安,而司正乃受命以安之者,緣此群臣皆爲射而來,是時猶未射,固無

命亦北面,與請徹俎同

拾取矢出次,西行,又北行鄉福,則次在

鄉

• 記》設福,南北當洗,此

下三

耦

還,南 南面 面 興、坐、不祭、卒觶、奠之、興、再拜 司 <u>六</u> 正降自西階,南面 坐 面坐取觶,洗,南面 還,並音旋 取 解,興,右還,北面 坐取觶,升 反奠于其所,北 少立,坐取 了, 酌 稽 散 首 降, 二, 左 觶

北面立亦在觶南。

右立司正安諸臣

反,下並同。見,賢遍反。鏃,子木反。驸音府。外,見鏃於弣,右巨指鈎弦。挾音接。乘,直證司射適次,袒、決、遂,執弓,挾乘矢於弓

疏曰:云耦次在洗東南者,此無正文,案於驸,順其射也。右巨指,右手大擘。處,張幃席爲之。耦次在洗東南。見鏃注曰:司射,射人也。次,若今時更衣

洗東南也。

外,謂挾四矢而矢在弦弣之外 也。 繼公謂 於驸,明其 次。」執弓,左手 禮》曰「大射 之大射正,蓋上士二人。次,所 《周官 司 方執 • Œ 射,射人,亦大射 掌次》職云:「 爲司射」是其徵矣。 而 執 左鄉,及指間 驸也。 挾 射 乘 正 也。 也 前 矢 則 謂 於 見鏃 張 後 耦 諸 之 弓 耦 侯 次 燕

自阼階前曰:「爲政請射。」

節

也。

右巨

指鈎

弦

,所謂挾弓也。

敢擅其事也。階前北面白於公。 爲政,爲射政者也。言此者,亦示己不

注曰:大夫與大夫爲耦,不足,則士侍於遂告曰:「大夫與大夫,士御於大夫。」

也 繼公謂 此 大夫亦 此 以 兼 在 諸公卿 堂 上 者 而言,不言士與 爲 耦 之 法 告公

大夫與爲耦

也

士者,略賤也

右請射

者,不重釋之。 自此以後,其經文有與《鄉射

同

遂 以其賤 適 在 東 司,其旅 士 面 西 南 階前,東面右顧,命有司納 而 也 北 右 食 顧者,爲 者 面 與? 東 上。」命之之儀如是者, 有 上 經 司 云:「士 在 南 也。 射器。 旅 食者 此 有

衆弓矢、福,皆適次而俟。中、籌、豐皆止于西堂下,衆弓矢不挾。總射器皆人。君之弓矢適東堂,賓之弓矢與

則納公與賓弓矢挾之。 也。司射矢亦止西堂下。衆弓矢不挾,注曰:衆弓矢,三耦及卿大夫以下弓矢

繼公謂:總謂以物合而束之也。衆弓衆

也。 處 中、籌、 鄉 也。 下君也。 射·記》曰 異 此 東之。 俟 豐在 射 者,兼 於 堂西 衆弓矢不挾, 公宫, 賓之弓與矢皆 : 「君國 指 楅在次,各近其 射 則 器 中射,皮樹中。 中 之在 乃 亦 皮 以 不 三處 樹 其 在 中 多 堂 (所設 者言 也。 也。

容弓,若丹若墨,度尺而午,射正蒞之。數音工人、士與梓人升自北階,兩楹之間,疏數

案:

注

云司

射矢

謂

所

挾

一矢也。

朔。

度如字。

方圜 者 疏 注曰:工人、士、梓人,皆 日 者。 若 鄉 丹若墨,科用 射 從一 • 記》「從 横 日 午,謂 長 其 司 如 空之屬 畫 笴, 也。 物 横長 云 也 度尺 能 武 正

言當楣也。公宫堂深,故物當楣。疏繼公謂:北階,北堂之階也。兩楹之間,

是

也

下。 卒 畫 褶。 度也。 畫物 人,是時一爲司正,一爲 尺 數 畫,並 爲 猶 自 此 度 北 亦 廣 音獲,下並户嫁反。 射 度, 也。 君 狹 階 正,其 于下。 如 也,言 禮 午如· 度以尋之度。 異 小 司 也 十字然 二物從 宫 射 埽 IE 射 司射。 所 與? Œ 畫 也 畫 升 相 物, 度尺, 降 大 射 去 射 蓋 事 廣 自 北 自 至 謂 IE. 狹 西 乃 以 之

注曰:埽物,重射事也。

右納射器、畫物

大史俟于所 時,中 事 西 序。」又曰 鄉 序之 射 與 禮 西 楅 設 而 日 皆 中之西, 乃設 4.0 立 未 設 也。 設 福于 中, 大史 東 政 中 面 南 蓋 即 庭,南當 以 當 南 司 聽 楅 當 射 洗 所 西 洗 誓 當 西 之 是 西

尊者爲耦,不異侯。」大史許諾。公射、夫射、土士射干。射者非其侯,中之不獲。卑者與司射西面誓之曰:「公射大侯,大夫射參,

注曰:誓猶告也。

射,並食亦反

耦,不可使之别侯,别侯則非耦也。夫爲耦,同射參侯。以其既與尊者爲疏曰:賓與君爲耦,同射大侯,士與大

豫識之也。此雖陳射三侯者,而其意則繼公謂:釋獲之事未至,乃誓之者,欲其

不主於公。

遂比三耦。三耦俟于次北,西面北上。 比,

毗志反。

司射命上射曰:「某御於子。」命下射曰:乃未比時之位,若既比則位於次中矣。此以待比也。俟于次北,便其入也。此三耦皆士也,亦司射前戒之,故先立於

「子與某子射。」

不具耳、《鄉射》則於既比三耦爲之。人繫左下綱及命獲者倚旌于侯之事,文是所謂比也。此亦當有司馬命巾車、量

卒,遂命三耦取弓矢于次。

中,而西面北上。 文不具也。三耦既取弓矢,遂立于次當有三耦袒、決、遂、拾取弓矢之事,亦亦命之讓,取弓矢拾,經文省耳。此下

右誓大史比三耦

揖,當階北 面 司射入于次,搢三挾一个,出于 既 揖,及物揖,由下物少退,誘射。 退,以其亦射大侯,故不敢履 次乃西 播挾則立于三耦之北,而後出次,出 面 面 · 是 揖,及階 由 次 北 揖,升堂揖,當物 出 矣。 下物,辟 由 次, 下 物 西 北 少 面

也。此射三侯,故不言視侯中。不在

物,故不言俯正足。

發。射,並食亦反。 射三侯,將乘矢,始射干,又射參,大侯再

故先射士侯,乃次及其上。大侯再發,始射干,誘射主於三耦也。三耦,士也,

卒射,北面揖。

以

其尊異之也

揖於楹間,嫌也。 北面揖者,爲下射與君同物,不可南面

及階揖,降,如升射之儀。遂適堂西,改取

一个挾之。

矣。 降而 如升射之儀,爲堂上所不見之揖言也。 此射 遂適堂 者 西,則 不 在 堂 不由 西 射 其 位 所 又不 立 位之南 在西

遂取扑搢之,以立于所設中之西南,東面。

方,故其儀

與

鄉

射

異

雷與? 西 至是乃得定其位於此,亦與鄉射異也 乙 南 遂 ), 其 取 扑 此 南 禮 則 北 扑 亦南 亦 耦之位在東方,故司 在 於 堂 洗, 西 而 矣。 東 西 所 則 設 直 中 射 西

#### 右誘射

注曰:司馬師,正之佐也。司馬師命負侯者執旌以負侯。

負

侯,獲

以旌居乏待獲。也。天子,服不氏下士一人,徒四人,掌

旌謂 繼公謂:負侯,獲 翿 旌 《鄉 射 • 者,皆 記  $\Rightarrow$ E 士旅食者 : 「君國· 中射 與?

以翿旌獲。」

負侯者皆適侯,執旌負侯而

俟。

言也。 皆,皆三侯者 云負者,但取 先云適侯,乃云執 也 北 面 大侯、参侯 於 其 (北,亦 旌,是旌 去 因 地 干 速, 先 侯 倚 亦

於侯也。 然則上經亦當有命倚旌之類

明矣。俟,俟後命。

司 射適次,作上耦 射。

東面作之,後不見者,以此求之。

司射反位

既作之則反,不俟其出。

上耦 出 次,西面揖進。上射 在左,並行

注曰:上射在左,便射位也。

繼公謂:發於次中,則上射已在左而並

行矣,特於此見之也

當階北 面揖,及階揖。 上射先升三等,下

射從之,中等。 上射揖,並行。皆當其物北面揖,及物揖。 上射升堂,少左。下射升,

皆左足履物,還視侯中,合足而俟。 中,丁仲

反。還 音旋。

侯中,干侯之中也。

司 馬 Œ 適次,祖、決、遂,執弓,右挾之,❶

> 出,升自西階,適下物,立于物間,左執弣 右執簫,南揚弓,命去侯。

弓。 《鄉射禮》曰:「西南 也。 據 馬正出于下射之南,還其 行而立于物間,乃云適下物者,下言司 射之類 司 馬 下 IE 適下物,由上射後而 物 也。 與司馬師乃射時 Щ 言。 右挾之,謂 南 揚 弓,鄉 面 立于物間,南 以 所立之官, 少南行也,此 後,故於此 右 負 巨 侯 指鈎 者 如 也 惟 揚 弦 司

負侯皆許諾 以宫。 趨直西,及乏南, 又諾

以商。 至乏,聲止。

繼公謂:宮、商皆謂諾聲也,宮大,商小。 注曰:《鄉射禮》曰:「獲者執旌許諾。」

趨直西,至乏南,乃折而北。 不自侯西

0 右」、原誤作「矢」、今據明本、通本、庫本、注疏本改。

知 雖賤者猶謹之而 北 矣。 行者,不敢由 先宫後商乃止,亦有 便也。 不 苟若此,則其上者可 古人步趨有法 漸 也。

音拱。 授獲者,退立于西方。 獲者興,共而俟。 共

偃 字,蓋文脱 授獲者以 立于西方,各當其乏之西與? 則其負侯居乏者之相代亦宜同也。 旌 于 地,乃興。 旌也,或曰「者」下當 耳。 授旌 而 退,三侯者皆然 有 獲者既 退 旌

遂 司 適次,釋弓,説決、拾,襲,反位。 馬 説,吐活反。 正出于下射之南,還其後,降自西 還, 户 階 患

反。

注曰  $\wedge$ 鄉 射禮》曰 司馬「反位,立于司 射

之南」。

反。

西 司 階之東,北 射進 一,與 司 馬正 面視上射,命曰:「毋射獲,毋 一交于 階前,相左,由堂

> 等,下射少右從之,中等,並 舉旌 矢。 射既 釋弓,説決、拾,襲,反位。 左,與升射者相左交于階前,相揖。 射 獵 此指· ,右挾之,北 亦坐而不 獲。」上射揖。 以 獲者坐 發,挾矢,而 宫, 在干侯之乏者也。 偃旌 ·獲。 而 面 獲。 揖 以 司射退,反位。 後下射 毋射,食亦反。 、, 揖 商。 如 獲 升射 中,了 射,拾 大侯、參侯者, 耐 行。 未 ,仲反。 拾,其劫反。 發 釋 乃射 上 上射 以將 射 獲。 説, 適次, 降 吐 於 卒 乘 上 活

上。 如之明 上下射並行 下凡言三耦之位皆放此 矣。 位,次中之位 而適次,則曏者發於次中 也, 亦 西 面 北 亦

 $\equiv$ 耦卒射,亦如之。

司 射去扑,倚于階西,適阼階下,北 「三」,亦當作「二」,字之誤也 面告于

去扑者,與尊者言,不敢佩刑器也。公,曰:「三耦卒射。」反,搢扑,反位。

#### 右初射

射交于階前,相左。司馬正袒、決、遂,執弓,右挾之,出,與司

注曰:出,出於次也。

文也。凡下文類此者,其意皆然。則適次可知,亦以上有成禮,故於此省繼公謂:不言司馬正適次者,以下言出,

面,揖弓,命取矢。負侯許諾,如初去侯,升自西階,自右物之後,立于物間,西南

注曰:俟小臣取矢,以旌指教之。皆執旌以負其侯而俟。

耳。三耦所射,干侯而已,而三侯之負謂許諾以宫、商至乏聲止也,惟去來異繼公謂:此負侯即獲者也。如初去侯,

或有遠近故也。 侯者,皆執旌以往者,卑統於尊,且矢亦

司馬正降自西階,北面命設福。

注曰:出於下物之南,還其後而改

繼公謂:北面於所設楅之南。

小臣師設楅。司馬正東面以弓爲畢。

記》曰:「乃設楅于中庭,南當洗,東肆。」注曰:畢,所以教助執事者。《鄉射・

也。此楅亦南面坐設之。畢,所以指畫繼公謂:司馬正東面,立于所設楅之西

弓指畫設楅之處,象畢之用,故曰以弓處置之器,以木爲之,其長三尺。此以也。此楅亦南面坐設之。畢,所以指畫

坐乘之。卒,若矢不備,則司馬正又袒執反位。小臣坐,委矢于楅,北括。司馬師既設楅,司馬正適次,釋弓,説決、拾,襲,

之,興,反位。説,吐活反。索,悉各反。復,扶义反。求矢,加于楅。卒,司馬正進坐,左右撫弓,升,命取矢如初,曰:「取矢不索。」乃復

注曰:此坐皆北

面

撫其左,右手撫其右,以審定其數耳。 者,可知也。司馬師既乘矢,其備若否, 皆以告于正。若不備,則正命取矢。若 皆以告于正。若不備,則正命取矢。若

#### 右取矢

于公。公許。司射適西階西,倚扑,升自西階,東面請射

上爲 云 請射乃升者,以其 司正東楹之東,北面告于公。 之故也。 東 面 後 亦 有 與 告耦 他 儀 等 異。 事 i, 宜 下 經 在

### 右再請射

告于上,大夫則降即位而后告。 遂適西階上,命賓御于公,諸公卿則以耦

注曰:告諸公卿於堂上,尊之也。

告亦如 其次爲之。 有上下之别。 其事已。 若卿與大夫爲耦,則其告亦當 後告,見其貶於諸公卿也,下文所云, 繼公謂:耦者,謂公卿自爲耦 命三耦之辭。 諸公卿大夫爲耦,亦各以 大夫則 降 也。 即 位 以 是 耦 而

次,立于三耦之南,西面北上。司射先降,搢扑,反位。大夫從之降,適司射自西階上北面告于大夫,曰:「請降。」

三耦,士也,而在大夫之上者,以其先射鄉其位也。適次亦謂進而至於次也。於此云北面,則是命賓及告諸公卿,皆

尊之。三耦之南,大夫之北,宜有間地

以待諸公卿之降。

某子射。」比,毗志反,下同。 命上射曰:「某御于子。」命下射曰:「子與 司射東面于大夫之西比耦,●大夫與大夫,

也。 司 '射東面,亦在次中,不言適次者,可知 與大夫,亦謂與之爲耦也

卒,遂比衆耦。

衆耦,士耦也。 士與大夫爲耦者亦存

焉。

衆耦立于大夫之南,西面北上。若有士與 大夫爲耦,則以大夫之耦爲上。

繼公謂。立于大夫之南,則在次可知,故 注曰:爲上,居群士之上。 經亦不言適次。 若士與大夫爲耦,亦其

大夫之耦雖爲上射,猶立于大夫之後

長者也,乃著其爲上者,意與《鄉

射》同。

者,射事未至,明其不並立也。及將射,

乃轉居右而並立云。

命大夫之耦曰:「子與某子射。」告于大夫 曰:「某御于子。」

命衆耦,如命三耦之辭。

注曰: 士雖爲上射,其辭猶尊大夫。

耦與衆耦皆士也,故其辭同

諸公卿皆未降。

上,則耦定矣,故可以未降。 者,爲比耦也。 諸公卿尊,宜事至乃降也。此時之降 曏 者既以耦 告公卿于

右比耦

執弓,右挾之。 遂命三耦各與其耦拾取矢。 拾,其劫反。 皆袒、決、遂、

0 比」,原誤作「北」,今據明本、庫本、注疏本改。

**果** 説

惟命之而不復作之者,以其取矢亦發於言者,亦以其可知也。司射於取矢者,中,東面以次命之,即反西方之位。不拾取矢,謂取之於楅者也。司射既於次

次中,與鄉射

異。

還,毋周,反面揖。還音旋,下並同。 手自弓下取一个,兼諸弣,興,順羽,且左射東面,下射西面。上射揖進,坐横弓,卻一耦出,西面揖,當楅北面揖,及楅揖。上

先左還 西 繼公謂:既順羽,則鈎弦而 面 而 東 加 面 後 右還,是毋 若皆左 還,則 周 也,下放 謂 左還也。 之周。 此。 此 自

弣,興,順羽,且左還,毋周,反面揖。下射進,坐横弓,覆手自弓上取一个,兼諸

必毋周者,以相變爲容

反面,自東面而反西面。

既拾取矢,梱之。拾,其劫反。梱,口本反

注曰: 梱,齊等之也。

兼挾乘矢,皆内還,南面揖。

注曰:内還者,上射左,下射右。

上射左還,下射右還,皆鄉内,故總以内繼公謂:亦揖乃皆內還,經文不具也。

言之。皆内還者,由便也。

下射西行,而在楅之南也。適楅南者,曏及楅之位也。上射東行,適楅南,皆左還,北面揖,搢三挾一个。

揖,以耦左還,上射于左。

曏當楅之位而揖,不言者,無可爲節,亦右者,其意與《鄉射》同。亦少南行至於以。「於左」當作「於右」。必言上射於也。此左還者,上射先而下射後,故言也,如以賓升之以,謂上射以其耦左還以,如以賓升之以,謂上射以其耦左還

## 以其可知故也。

射器之有司不離其位,而授受亦可見繼公謂。此云以授有司乃反位,則是主注曰。有司納射器,因留,主授受之。

## 三耦取矢于楅

司射作射如初。

於既作,乃袒、決、遂,取弓矢也。司射如初,亦適次作上耦也。其異者,三耦

一耦揖升如初。司馬命去侯,負侯許諾如

既

作

即反位,不俟之。

初。司馬降,釋弓,反位。

與襲,亦文省。司馬,司馬正也,下放此。不言説決、拾

序。」《鄉射禮》曰:「設中,南當福,西當西《鄉射禮》曰:「設中,南當福,西當西注曰:北面立于所設中之南,當視之也。

北面,以弓爲畢,指畫以示其處。司射當之西面命之,既,則少西南行而繼公謂:大史前立于所設中之西,於是

大史釋獲。

史實八算于中,横委其餘于中西,興,共而小臣師執中,先首,坐設之,東面,退。大言此者,明上所謂釋獲者之爲太史也。

俟。 共音

末。」 位。 之,國 注 曰 《鄉射禮》曰:「横委其餘于中西 : 君官多 先猶 前 也。 也。 小 命大 臣 師 史而 退,反 小 東 臣 堂 師 下 設

算,則 位 於後言興,是時太史位于中西,小史之 繼公謂: 亦宜近之。 是太史自 此 不言執算 執 算 矣。 者, 又不言太史受 實 算 則 (坐,故

則 司 射 釋 獲,衆則不與。 西 面 命曰:「中 離 維 綱 揚 觸 梱 復,公

中,丁 仲反。 與音預

侯 絹 邪制躬舌之角者爲維。 注 反也。 也。 綱 耳。 離猶過也,獵 梱 公則 復,謂 揚觸 釋獲,優君 者, 矢至 謂 也。 一侯,不 矢 中 或 侯 也。 著 他 日 有 物,揚 維 而 上下綱,其 當 還。 爲 而 復 觸

復

衆當

中

鵠

而 著

不宜 所 皆不釋也。 言其非正 麗 而 與,謂不在此 繼公謂 絹」字,恐是「縜」字之誤。 言耳。 以 於 釋 維 維 獲, 持 綱 西 其實衆之所射非 中,又且不必在鵠 言其 侯, 或 而 面 釋 於君 亦 未 日 獲 去 於 維謂 知 之科 中東。 則 鵠 是 釋之, 遠 躬 否。 也,此 也 與 離 舌 正 《梓人》云 優 也。 揚 麗 特 中 也,躬、 君 案:注 觸 也 其 承 也。 二者甚 梱 鵠 Ŀ 中而 之 舌 文 者

縜 寸 焉

釋獲者命小史,小史命獲者。 惟公所中,中三侯皆獲。」中,皆 者主獲之也。 復者,而言皆獲者,中 此愈優君也 獲言之。上云釋獲,下云獲,互文也。 -10 -10 此命亦傳告於獲者,故 中 亦兼 一侯,則 離 維 綱 T 仲反 與 其 揚 侯 之 觸 以 獲 梱

六四

衆則不與,又言中三侯皆獲,故須徧命獲者,三侯之獲者也。司射所命之辭言

之。

又取中之八算,改實八算於中,興,執而於右,下射於左。若有餘算,則反委之。取中之八算,改實八算,興,執而俟。乃取中之八算,改實八算,興,執而俟。乃取中之八算,改實八算,興,執而俟。乃以,以其,以其,可則遂進,由堂下北面視上射,命曰:「不可射遂進,由堂下北面視上射,命曰:「不

《鄉射禮》曰:「若中,則釋獲者坐而釋

三耦卒射。「若中」之「中」,丁仲反。

獲。」

賓降,取弓矢于堂西。

注曰:不敢與君並俟告。取之以升,俟

君事畢。

賓降取弓矢以升者,明其將侍君射。繼公謂:此言降而不言升,似有闕文。

于東堂

諸公、卿則適次,繼三耦以南。

送公司: 下下条件, 丁口己。 注曰: 言繼三耦, 明在大夫北

公將射,則司馬師命負侯,皆執其旌以繼公謂:不言降者,可知也。

負

其侯而俟。

注曰:君尊,若始焉

司馬師反位。

位、蓋司馬正之南。

隷僕人埽侯道。

注曰:新之。

適西階東,告于賓。去,起呂反。 公許。司射去扑,適阼階下,告射于公。公許。

注曰:告當射也。

于東坫上。一小射正授弓、拂弓。皆以俟遂搢扑,反位。小射正一人,取公之決、拾繼公謂:告射輕於請射,故不升堂。

二六五

注曰:拂弓,去塵。

繼公謂:授,當作受。受弓者,受于有司 也。受弓亦於東堂。皆,皆二小射正 中。云小射正一人,又云一小射正,則 也。云小射正一人,又云一小射正,則 也。云小射正一人,又云一小射正,則 也。云小射正一人,又云一小射正,則

笴·東面立。 搢三挾一个,升自西階,先待于物北,北一公將射,則賓降適堂西,袒、決、遂,執弓,

疏曰:前文賓降適堂西取弓矢,無賓升注曰:東面立,鄉君也。

以此文云賓降。

堂之文,但文不具耳。

其實即升矣,是

事

也。

弓,射器之主也。

退於物北一笴者,遠下君,亦爲司馬當繼公謂:北一笴,物北空一笴地也。必

由物後而適物間也。

位。還,戶貫反。司馬升,命去侯如初,還右,乃降,釋弓,反

還 之,敬之至也。 爲下射故也。是時,君未立於物而 物右,是還之也。不還 物之南 右, 謂 適其右,乃 圍 石物 也。 降。 既 命 左物者,以 來 去 由 侯,則 物 北 先辟 君 去 由 將 適 右

公就物,小射正奉决、拾以笥, 弓,皆以從於物。 笥,至是始見之耳。 笥,蓋竹器。 如故,至是暫舍其職,而 決、拾在站 笥,息嗣反 射時 爲君執弓, 大射正 上時, 大射 亦宜 爲 正 重其 司 用 執 正

● 引文見《周官·夏官·敘官》、《周官》無「天文」篇,此

作「天文」誤

于坫

上,復位

小射 正坐奠笥于物 南, 遂拂以巾, 取決,

興,贊設決,朱極

注曰: 指。 指短,不用 以朱韋爲之。 無極,放弦契於此指,多則痛 極猶放也,所以韜指,利放弦也, 三者,食指、將指、無 名 小

與極者,爲君設之也,下言贊者放此。 繼公謂:拂者,拂決、極與拾也。 贊設決

未 君 聞。 極朱而用三,若臣則用 《士喪禮》曰「纊極二」,蓋死 二,其物 色亦 時 變

用纊,而 數 則與生時同。 極之名義未

詳。

小臣 IE 贊袒,公袒朱襦。 卒袒,小臣 正退

俟于東堂

此袒於設決之後,亦異於臣

小射正又坐取拾,興。 贊設拾,以笥退奠

注曰: 設拾以鞲襦上。

繼公謂 決之節不相 此言設拾而不言遂者, 屬,乃更端爲之,非 因 以 事 與

之

設

意也。 小射正之位,未詳。

執弣、右執簫、以授公。 大射正執弓,以袂順左右限,上再下壹,左 公親揉之。 隈,烏回

反。揉,而九反。

淵也。 注曰:衣袖謂之袂。 揉,宛之,觀其安危也。 順,放之也。 今文順 隈,弓

爲循。

疏曰:以袂鄉下,於弓隈順放之。 《考工

記·弓人》云「其弓安,其弓危」,則此觀

安危者,謂試弓之强弱

繼公謂:隈者,弓之曲處也,《考工記》曰

「凡角之中,恒當弓之畏,畏也者必撓

是也。 所以審其厚薄而 順之之意,未詳。或曰: 驗其 强 弱 也。 順之者 詳上而

二六

略下,以其上下之厚薄均。

小臣師以巾内拂矢而授矢于公,稍屬。屬,

之欲反。

注曰:内拂,恐塵及君也。

繼公謂:授矢亦以巾也。《燕禮・記》

曰。「小臣以巾授矢。」凡授弓矢皆當於

公右。

大射正立于公後,以矢行告于公。

注曰:若不中,使君當知而改其度。

下曰留,上曰揚,左右曰方。

注曰"留,不至也。揚,過去也。方,出

旁也。

繼公謂:左右曰方者,左則曰左方,右則

日右方也。

公既發,大射正受弓而俟,拾發以將乘矢。

拾,其劫反。

俟者,將復授之也。云拾發以將乘矢,

正與此同,皆據下射而言也,足以見之也。《鄉射》與此篇於上耦之初射,其文則是賓先公後,亦如其他上下射之爲

矣。

op。 公卒射,小臣師以巾退,反位。 大射正受

弓。

小射正以笥受決、拾,退奠于站上,復位注曰:受弓以授有司於東堂。

云以笥受決、拾,是公自説之也。

則此司正之位不當東西之中,而與云反司正之位,是射時其位自若也。大射正退,反司正之位。

與《鄉

小臣正贊襲。

飲酒》者異明矣。

贊爲之襲也。

東面。還音旋。

安國而后賓降,釋弓于堂西,反位于階西,

注 曰 : 階 西 東 面 賓降 位

前 繼公謂 也。 賓因 公退 降 m 云 還,是: 不 敢即升,若以 其 進 退 亦 是 不 一時未 由 物

如三 如 弓,説決、拾,襲,反位。 決、遂,執弓,搢三挾一个,出,西 卿 公即席,司正 初。説,吐活反。 大夫繼射。 有 耦,升射。 E 事 也。 以命升賓。賓升復筵, 諸公卿 不言説 卒射,降如三耦, 取弓矢于次 決、拾、襲,亦文省。 衆皆 繼射 適 中。 面 釋獲 揖, 次, 而后 皆 釋 揖

禮 也 不 衆皆繼 弓矢之處爲少北耳。 者,明其又深 上言諸公卿適 與? 分别士 其以君 射,説見 釋獲皆 與大夫爲 在 人也。 次,此 故 前 如 耦 初 不 耦之儀, 復言取弓矢于 反 衆謂 亦指 得 位 盡 亦 大 君以下言也 其尊大夫之 夫 在 是如三耦 次,於 而 下,此 次 取 中

> 卒 獲 面 告 于 射 中西, 于公, 釋 獲 興,共而俟。 日:「 者 遂 以 左右卒射。」 所 執 共音拱 餘 獲 反 適 位 阼 階 下,北 餘

#### 右 再 射

以 司 旌 馬 負 袒 侯 執弓,升, 如 初。 司 命 馬 取 降, 矢如初。 釋弓 如初。 負侯 許諾, 小臣

委 矢 于 楅 如 初

小臣 以上之文 委矢于楅 而 言也,與《鄉 如 初、蓋蒙 司 射 馬 》所 正 云 興 者 反 異 位

矣。

卒,正· 賓、諸公、卿 坐,左右撫之,進東,反位 大 夫之矢, 皆 異 束 之 以

注曰: 也。 進, 異束之,尊殊之也。正,司 前也。 又言束, 整結之, 示親 馬

正

也。

繼公謂:此 文主 于束矢 圃 言,蓋見其不

委矢之時則爲之。司馬正既撫而進束,在如初之中者也。束之以茅,小臣蓋於

則撫者撫其末與?「卒」字衍。

賓之矢,則以授矢人于西堂下。

其器名官職。不言君矢,小臣以授矢人注曰:是言矢人,則納射器之有司,各以

繼公謂:授之亦小臣也。此節恐在未乘

於東堂

可

知。

之前。

司馬釋弓,反位,而後卿大夫升就席。

注曰:

此言其升,前

小臣

委矢于楅

如初之文,故終言上事而後及之耳。繼公謂:至是乃見之者,爲其不可以亂

右再取矢

于中 司 射 南, 適 階 北 西,釋弓,去扑,襲,進 面視算。 釋獲者東 由 面 中東,立 于 中 西

> 有餘純 數,色主反。 諸純下。 于左手。 坐,先數右獲。 則 十純 奇,並居宜反,下同 興,自前 横 諸 則縮 下。 \_ 適 一算爲 左,東 而 委之。 算 純。 爲 面 奇, 坐。 每委異之。 純 奇 去,起吕反。 以 則又縮 取 實

此「坐」字衍文、《鄉射》無之。

之。其餘如右獲。司射復位,釋獲者遂進坐,兼斂算,實于左手,一純以委,十則異

賢于右。」以純數告。若有奇者,亦曰奇。勝,則曰:「右賢于左。」若左勝,則曰:「左

取賢獲執之,由阼階下北面告于公。

委其餘于中西,興,共而俟。共音拱。 右鈞。」還復位,坐,兼斂算,實八算于中,若左右鈞,則左右各執一算以告,曰:「左

右告獲

司射命設豐。

若

亦 適 堂 西 命 之也。 命設豐乃不 搢 扑

以尊 者 亦 或 飲 此 豐 上之觶 故 也。 在 不

勝 之黨而不用罰爵者,唯 君 爾

司 宫士奉豐, 由 西階升,北面 坐設于西楹

堂西。

西

,降復位

司宫士,司宫之屬也。此時之位 亦當在

扑,東 勝者皆袒、決、遂,執張弓 勝者之弟子洗觶,升酌散,南 上,降反位。 面于三耦之西,命三耦 司 射 遂 袒 執 弓, 面 挾 及衆射者。 坐奠于豐 一个,搢

注曰: 執張弓,右手挾弦

繼公謂 司 射 袒亦決、遂、文省耳。 東 面

命之于次中。

衆射者皆升,飲射爵于西階上。說,吐活反。 于其上,遂以 不勝者皆襲,説決、拾,卻左手,右 執 辨。 司 射先反位。 加 一耦及 弛 弓

> 此 目 下 事 也

小 射 正作升飲射爵者,如作射。

司 射所 命者,執弓之儀耳,故小射 正於

此復作其升飲

揖。 勝者先降,與升飲者相左,交于階前,相 少退,立卒觶,進,坐奠于豐下,興,揖。不 少右。不勝者進,北 耦 適次,釋弓,襲,反位 出 了,揖如升射。及階**,**勝者先升升堂, 面 坐 取豐上之輝,興,

惟言釋弓、襲,亦文省。

僕人師繼酌射爵,取鱓實之,反奠于豐上,

退俟于序端

注曰: 自此以下,辯爲之酌

繼公謂:僕人師,不言命之者,則是此 乃

其常職 、俟時 而共之耳。

升飲 大夫不勝,則不降,不執弓,耦不升。 者 如 初。  $\equiv$ 耦卒飲。 若 [賓、諸 公、 卿

一. 七

也。 過 乃釋弓而反位 時 下 于 經 不降、不執弓可知,乃言之者,亦經 不 詳 云賓、諸公、卿大夫受觶于席, 升則 耳。 立 耦 于射位 唯 謂 士 也,大夫既 與 大 夫 爲 飲 耦 則 耦 者 文 此

受觶 僕 觶,授執爵者,反就席 人 于 師 洗,升實 席 以 降, 觶 適 以 西 授,賓、 階 北 諸 公、 面 立 卿大夫 卒

授執爵者,宜反於其所受者也 降,降席也 洗者,以承賤者後新之,其次則不洗矣。 西 階 Ŀ 更 飲罰 爵 之位

若飲公,則侍射者降,洗角觶,升, 酌散

注 日 侍 射, 賓 也

公降 拜。 再 拜。 等。 賓 降,洗象鱓,升 賓 小 坐祭,卒爵,再拜稽首。 臣 正 辭。 賓 ,酌膳以致,下 升,再拜 稽 首。

> 此 下,户嫁反 以 上, 與騰 觶 之禮 同 者 也 以 致

拜

小

一正辭。

升,

再

拜

稽首。

公答

再

拜。 公卒觶。 拜。 亦奠于薦南 賓坐,不祭,卒觶,降奠 小臣 賓進受輝,降,洗散輝,升實散, Œ 幹。 升, 再 拜稽首。 于篚,階 。公答再 西 東

此與 也 騰觶之禮 異者也,所以謂之射 爵 面

<del>V</del>

下

擯者以 命升賓,賓升 就 席

注 E 擯者,司正也

升飲。 若諸公、卿大夫之耦不勝,則亦執弛弓,

衆皆繼 無與 比 耦之時,大夫 士 飲 爲 射 網者。 爵 如三耦。 此 有與士爲耦者,諸 「諸 公卿」衍文。 射爵辯,乃 徹 公 豐 卿

### 右飲不勝者

實一 上 司 ,皆加勺,設洗于尊西北 宫尊侯于服 散于篚。獻如字。 不之東北,兩獻 散,思但反,下同 **É** 酒 在 東東 南, 東肆, 面,南

兩,兩 設尊,而 繼公謂 注曰:散,爵名,容五升。 壺 也,或脱一「壺」字耳。 言尊侯者,以其功皆 爲三侯之獲者及隷僕 由 人、巾車 兩 侯也。 壺 皆

見此時服 東枋,此在大侯之乏東北,乃云服不者, 不在乏也。不於初設之者,因

酒,而云南上,是先酌所上者與? 加勺

正 事 献者 而 獻 也。 ,故其尊亦俟時而設,所 此所設尊洗之類,即篇首之 以 别於

上言大侯之乏,此 所言者也。 上言獲者之尊,此云尊侯, 云服 不,文互見耳。

**儀禮集説卷七** 

司馬正 洗散,遂實爵,獻服 不。

與?

服不,於天子爲

下

士

則

此

亦

士

旅

食

者

又文亦有

詳

略,

則

以

設

與

未

設

丽

異

也

注 日 : 洗酌皆 西 面

繼公謂 服不爲大侯之獲者,故先獻

服 不 侯西北三步,北面拜受爵

司

馬正

獻

,亦異之,獻時蓋

亦

西

面

也

注 日 : 近其 所爲獻

疏曰: 服 不得獻,由 侯所爲,故不近乏而

近侯。

司 馬正 西 面 拜送爵,反位

注曰:

不俟卒爵,略賤

也

既 也,是後則司馬 反位 公謂: 既 後, 者 拜送 亦 反 師代之行事 而反位,亦爲 東 画。 於司馬 其 不 拜既 正

宰夫有司薦,庶子設折 俎

L

二七四

記》曰:「獲者之俎,折脊、脅、肺。」注曰:宰夫有司,宰夫之吏也。《鄉射・

繼公謂:薦於服不之東,俎在薦東。

注曰: 薦俎已錯,乃適右个,明此獻歸功卒錯,獲者適右个,薦俎從之。 个如字。

於侯也。

既錯薦 者,見服不亦在乏而獲也。 繼公謂: 二人復執 俎 此獲者即服 薦 於地,獲者 俎從之,薦錯 則 不 也。 以 於獲者之南 爵適右个,而 變服 有司與庶 不言獲

獲者左執爵,右祭薦俎,二手祭酒。俎在薦南。

取刌肺以坐祭也。二手祭酒,爲散大酒獲者南面坐,乃左執爵也。祭俎者,興,

手注之,難爲節

也

注曰:此曏受獻之位也

與受爵不同面,自是一禮耳。下釋獲者繼公謂:東面,變於受爵之時也。卒爵

亦然。

設薦俎,立卒爵。

卒爵於薦西,東面自若也。是時,司

馬

師蓋已北面於其東。

于篚。者,皆如大侯之禮。卒,司馬師受虚爵,奠司馬師受虚爵,洗,獻隷僕人與巾車、獲

注曰: 者,謂 洗矣。 巾車,亦聽命於司馬,故亦司馬并獻之。 侯、干侯之獲者,各二人也。 繼公謂:承服不 巾車於服不之位受之,功成於大侯也 大侯之與服不相代而 隷僕 鄉受獻之禮如 人埽 後 侯道 丽 服 巾 洗,則是 不也。隷僕人、 車 張 獲者,及 隷僕人與 此每 三侯。 獻 獲 皆

右獻獲者之屬

車,則固祭於大侯矣。不言量人者,或祭也。若代服不而獲者與隷僕人、巾不云服不而云大侯者,明亦各就其侯而皆如大侯之禮,主於二侯之獲者言也。

南。獲者皆執其薦,庶子執俎從之,設于乏少

不與此獻也與?

注曰:少南,爲復射妨旌也。

薦俎設于乏者,以其位在是也。然則隷六人也。乏亦謂三侯之乏也。獲者之繼公謂:獲者,謂三侯之相代而獲者,凡

服不復負侯而俟。復,扶又反。

僕人、巾車亦各設其位與?

也。 參侯、干侯亦有負侯者,不言之者,可知服不負大侯,則其徒代之居乏也。是時

襲,適洗洗觚,升實之,降,獻釋獲者于其司射適階西去扑,適堂西釋弓,説決、拾,

注曰:少南,辟中。

位,少南。去,起吕反。説,吐活反。

獲者無事於俟,且尊於獲者,故獻之不「矢」字。洗觚升實之,與獲者異,蓋釋繼公謂:釋弓亦并釋矢也,《鄉射》有

酌獲者之尊,而酌上尊也。

薦脯醢,折俎,皆有祭。

注曰: 俎與服不同,唯祭一爲異。

薦俎也。祭亦脯與切肺也,不言所設之繼公謂:「折」上亦似脱「設」字。皆,皆

人,蓋亦有司與庶子與?

爵。釋獲者就其薦坐,左執爵,右祭脯醢,釋獲者薦右,東面拜受爵。司射北面拜送

興, 以 西,袒、決、遂,取弓,挾一个,適階 篚 面 立卒爵,不拜既 反位。辟音闢 取 釋 肺,坐祭,遂祭酒。 獲 者 少 西 辟 爵。 薦 司射受 反 興,司 位。 虚 射之西,北 司 爵,奠 西,搢 射 適 扑 堂 于

拾

#### 右獻 釋 獲者

公,如初 司 射倚扑于階 西,適阼階下,北 面請射于

階下請 爲之耳。 射于公, 此言如初 正 禮 ,未詳,疑衍也 也。 曏之升者,有

### 右三請射

反 , 播扑, 適次, 命三 耦皆袒、 決、遂,執弓,

如

初位

司 射先反位 執弓亦右挾之。

凡

序出取矢。 序謂每耦以次而出也。

云先反位,明不俟之。

 $\equiv$ ,其劫反 耦拾 取 矢 如初。 小射正作取矢如初。

下並同 位 當福,進 三耦既拾取矢,諸公、卿大夫皆降, 面,拾取矢,如三耦。 点與 矢之事,亦不宜言如 於拾取矢之後,似非 射》異,以前後經文徵之可 之禮,司射惟 小射正作取矢如初,此一句似衍。 稱 人于次,皆袒、決、遂,執 坐,説矢束。 命拾取 拾,並其劫反。 矢而 初,其爲衍也明矣。 上射 其 次。 不復作,與《鄉 東 見。 且上 面 説,吐 了; 下 弓, 又言 無 射 皆 活反 如 作 大射 西 進 初 取 此

位,又云入于次,見 人于次者,言其深入也。 ,經云適次而已者,兼深 者,適次繼  $\equiv$ 其 耦 所 以 淺而言也。 進 南 先言適,乃言 也。 者 又深 云如 也。 云 初

也。 弓亦 面説之也。 上下射當福 若次中者,則皆先 右挾 之,皆進,謂 然則《鄉射》之大夫説矢束, 而 進 坐説矢束,是俱北 出 淺 次 而 而 後深 西 也。 面 之時 執

面,下射少東而反西面,乃拾取之。亦北面明矣。既説則上射少西而反東

說決、拾,襲,反位。諸公卿升就席。 挾一个,揖進。 大夫與其耦皆適次,釋弓,夫進坐,亦兼取乘矢,如其耦。 北面搢三乘矢,興,順羽,且左還,毋周,反面揖。 大夫進坐,説矢東,退反位。耦揖進,坐兼取若士與大夫爲耦,士東面,大夫西面。 大

應此時獨否也,然則此有脱文明矣。 耳。又此上下文皆言卿大夫升就席,不之序升。公卿之下不言大夫者,文脱之序升。公卿之下不言大夫者,文脱

弓矢,説決、拾,襲,反位。 拾取之拾,其劫反。衆射者繼拾取矢,皆如三耦,遂入于次,釋

同也。 此或言適次,或言入于次,互文以見其

右耦皆取矢于楅

司射猶挾一个以作射如初。一耦揖升如

初。

射者 此 司 微 射作射 異。 亦在 云 如 未 初 者, 取弓矢之時,與 謂 所 作 唯 L 初作 耦

而既作則反位。

司馬升,命去侯,負侯許諾。司馬降,釋弓

反位。

亦皆如初可知。

司射與司馬交于階前,倚扑于階西,適宜

階下,北面請以樂于公,公許。

注曰:請奏樂以爲節也。

二七八

司射反,搢扑,東面命樂正,曰:「命用樂。」

樂正曰:「諸。」 樂正曰:「諾。」

南, 化面。 注曰: 言君有命用樂射也。樂正在工

南,北面。

繼公謂:至此惟言樂正者,不嫌其異也。疏曰:司射在西階下東面,遥命之。

樂正許諾,自若北面。

諾。樂正反位,奏《貍首》以射。大,並音泰。師,曰:「奏《貍首》,閒若一。」大師不興,許不釋。」上射揖,司射退反位。樂正命大司射遂適堂下,北面視上射,命曰:「不鼓司射遂適堂下,北面視上射,命曰:「不鼓

注曰:《貍首》,逸詩。

貍,並之力反

繼公謂:《鄉射禮》曰:「東面命大師。」

三耦卒射,賓待于物如初。

三耦卒射之後,儀亦多矣,此特見其

也。

初儀。屬,之欲反。公樂作而后就物,稍屬,不以樂志,其他如

亦恐非出於作經者之意,蓋衍文也。又初儀之中,似不必獨見之,且語句不全,稍屬,謂授矢于公稍屬也。然此當蒙如

卒射如初。

見《燕禮

記》。

賓就席,諸公、卿大夫、衆射者皆繼射,釋初,謂公卒射以至賓反位于階西之儀。

獲如初。卒射,降反位。

者而言,以見釋獲者升告之節也。三事皆如初也。降反位,指衆射之最後

釋獲者執餘獲進告左右卒射,如初。

### 右三射

反位。小臣委矢,司馬師乘之,皆如初。司馬升,命取矢,負侯許諾。司馬降,釋弓

後「弦」字下蓋脱「弣」字。

司射釋弓、視算,如初。 釋 獲者以賢獲與

」,如初。 復位

### 右取矢告獲如初

解,如初。 弓,不勝者執弛弓,升飲如 司 射命設豐,實輝,如 初。 初。 遂 命勝 卒,退豐與 者 i 執張

之文,此文脱也。 實觶」之上更有「設豐」二字,如《鄉射》

## 右飲不勝者如初

次,皆授有司弓矢,襲,反位。 拾取矢,如初。矢不挾,兼諸弦,面鏃,退適 弦,面鏃,適次,命拾取矢,如初。 三耦及諸公、卿大夫、衆射者皆袒、決、遂,以 司射猶袒、決、遂,左執弓,右執一个,兼諸 拾,並其劫反 司射反位。

卿大夫升就席。

就席,則士亦當反西方之位矣。 不言諸公者,可 知 也。 諸公、卿

大

夫既

## 右耦皆復取矢于楅

俎退。 量人解左下綱。 司 司射適次,釋弓,説決、拾,去扑,襲,反位。 馬正命退楅、解綱。 司馬 師命獲者以旌與薦 小臣師退福,巾車、

退楅亦於次,司馬正於此命解綱, 亦命繫之明矣。《鄉射》曰:「説侯之左 則曏

下綱而釋之。」

司射命釋獲者退中與算而俟。

注曰:諸所退射器皆俟,備君復射,釋獲

者亦退其薦俎

中與算, 繼公謂: 亦於西堂下,既則 亦 小臣 執 中,大史 大 執 史與小史 算 也 退

#### 俱 復位於門東。

### 右射事止

于篚,反位。長,知丈反。 西階上,如初。 公又舉奠觶,唯公所賜,若賓若長,以旅于 大夫卒受者以虚 觶 **心降**,奠

此 者,爲射故也。 舉觶當在未立司正之前,乃降於此

### 右公爲大夫舉旅

此以下經文與《燕禮》同者,亦不

重釋之。

司馬 「請徹俎。」公許。 正升自 西階,東 徹,直列反,下並同。 楹 之東,北 面 告 于

李寶之曰:「馬」字疑衍

遂適 出 西階上,北面告于賓。 諸公卿取俎如賓禮,遂出。授從者 賓北面 取 俎以 于

> 門外。 從,才用反

面,卿 者,臣也,亦以其從者不得入路門。 如賓禮,謂亦 北 面 各鄉 射 賓 其席 而 下皆 取之也。 自 執 俎 諸 以 公南 出

大夫降復位

注曰:門東 北 面

位。

故也。 也。 而同立于西階下。 繼公謂: 復位于門東者,以諸公卿亦謂:大夫降者,欲與賓同説 《燕禮》諸公卿無俎,故與大夫降 屨 以 俎 而 出 升

庶子正徹公俎,降自阼階以東。 正,庶子之長者也。《燕禮》膳宰設公 俎,亦膳宰徹之。 然則上之設公俎者,

右徹俎

亦庶子正矣。

賓、諸公卿皆入門,東面,北上。

即東面而立,變於常位也。將與大夫同人門,人自闑東也。人門而不左不右,

席。公以賓及卿大夫皆坐,乃安。司正升賓。賓、諸公、卿大夫皆説屨,升就

升,宜近之。

説屨亦於階下也。

興,對曰:「諾,敢不醉!」皆反位坐。「公曰:「衆無不醉。」」賓及諸公、卿大夫皆羞庶羞。 大夫祭薦。 司正升受命,皆命:

## 右説屨升坐 🐨

于觶南,北面,東上,司正爲上。長,知丈反。 其他不拜,坐祭,立飲。 觶,主人拜送。 主人洗,酌,獻士于西階上。 唯 射人,即曏之爲司射者,亦 此 一人與司 士坐祭,立飲,不拜既爵。 正 同 薦,或以其 乃薦司正與射人 士長升,拜受 大射正也。 爲 司 射

故特異之,與《燕禮》不同者乎? 餘亦

見《燕禮》。

乃薦士。祝史、小臣師亦就其位而薦之。辯獻士。士既獻者立于東方,西面,北上。

辯音遍,下並同。

繼公謂:此獻,史蓋小史也,大史釋獲

注曰:祝史門東北面,東上。

曏已受獻。

爵,坐祭,立飲。主人執虚爵,奠于篚,復主人就士旅食之尊而獻之。旅食不拜,受

### 右主人獻士

位。

拜。賓降,洗象觚,升酌膳,坐奠于薦南,再拜。賓坐祭,卒爵,再拜稽首。公答再一等。小臣正辭。賓升,再拜稽首。公答

賓反位。下,户嫁反,反下同。降拜。小臣正辭。賓升成拜。公答拜。

注曰:此觚當爲觶。

### 右賓騰觶于公

拜。 拜稽 公坐 酬。」士、大夫卒受者以爵興,西階上酬士。 乃 西階上,辯。 不拜,實之。 士升,大夫奠爵拜,士答拜。 初受酬之禮。 就 首。 取 司正命:「執 席,坐行之。 賓 小臣正 所 騰 士旅酌。 士拜受,大夫拜送。 降,更爵,洗,升酌 觚 爵者 有執 辭。升成拜。 興,唯公 爵 爵 辯,卒受者興以 者,唯受于公者 一所賜。 大夫立卒爵, 公答拜。 膳,下,再 士旅于 受者如

### 右公爲士舉旅

若命曰復射,則不獻庶子。復,扶又反。

然亦當在正禮中行之,故其節在未獻庶命,君命也。不,猶未也。此雖非正射,

子前也。

司射命射,唯欲。

也。 則射,不欲者則止。可否之事從人心則射,不欲者則止。可否之事從人心

無有不與射者矣。 之。然則正射之時,自諸公以至於士,齊,或有至是而不欲射者,故以唯欲命繼公謂:以其非正射也。人之力强弱不

卿大夫皆降,再拜稽首。公答拜。

勝爵者爾。 以與君爲耦,射否宜由君,不敢從唯欲以與君爲耦,射否宜由君,不敢從唯欲以與君爲耦,射否宜由君,不敢從唯欲以與君爲耦,射否宜由君,不敢從唯欲以與君爲稱,,其君命也。公不辭之而即答拜

壹發,中三侯皆獲。中,丁仲反。

耳。 른 是禮 以其 而 上云退中與算而 釋獲矣。 以其 亦相 非 唯公則離維綱、揚觸、梱復而皆獲。 正 壹 射,故上下射 因 釋獲則 發,故雖 而 然 俟,至是則亦設中執算 也。 有飲射爵之事也 中 中, 非 惟拾發 其 亦 侯 謂 而 中 一矢而 亦獲。 · 其 鵠

#### 右復射

臣,皆於阼階上,如獻庶子之禮。士之禮。辯獻,降洗,遂獻左右正與内小主人洗,升自西階,獻庶子于阼階上,如獻

# 右獻庶子左右正内小臣

者酌以之公命所賜。所賜者興受爵,降席執膳爵者酌以進公,公不拜,受。執散爵無算爵。士也,有執膳爵者,有執散爵者。

夫就 拜。 爵者。 上,再拜稽首 則賓及諸公、卿大夫皆降,西階下北 大夫不拜 者受公爵,酌,反奠之。 者以爵就 下,奠爵, 席。 卒爵者 執散爵者乃酌行之。 乃 士 席坐,公卒爵,然後 再拜稽首。 旅 飲,實爵。 興,以酬士于西 酌, 亦如 公答再拜。 士不 之。 受賜者興,授 公有命 拜,受爵。 階上。 唯受于公者 飲。 執 受 士升, 面,東 徹 賜 執 膳 大 散 爵 爵

公命小臣正辭,公答拜。大夫皆辟。升,閒,當有「受」字。皆如上篇。「受賜」之下,當有「爵」字。「卒爵」之

反位。

者,皆公命之也,此篇文又省。 於是乃言公命,見上文。凡小臣正辭

執燭于阼階上,司宫執燭于西階上,甸人士終旅于上,如初。無算樂。宵,則庶子

《燕禮》曰:「閽人爲大燭於門外。」執大燭于庭,閽人爲燭于門外。

### 右無算爵

夏》。」
之禮也。《大司樂》職曰:「賓出入奏《肆賓人奏《肆夏》,出奏《陔夏》,遠辟王朝賓醉,北面坐取其薦脯以降。奏《陔》。

也。此見鐘人於門内霤,豈既射若已獻篇首言士旅食之位在士南者,爲辟射賓所執脯,以賜鐘人于門内霤,遂出。

公人者,爲奏《驁》而見之也。公人而奏《夏》之一也,以鐘鼓奏之,今亡。《驁》从,謂降而入於内也。《驁夏》,亦九则,謂降而入於内也。《驁夏》,亦九则復正位於門西乎?

£.,

王出人令奏《王夏》。」 辟天子之禮也。《大司樂》職曰:「大射,

《鰲夏》,亦盛射禮也。

出時不奏,亦遠

右賓出公入

儀禮集說卷七

.

送觚。「騰」及二「觚」字,並從今文,説騰觚于賓。 士長升拜受觚。主人拜

見前篇。

二人五

## 儀禮集説卷八上

遂命使者。

使,色吏反,下「使者」並同

故以《燕禮》、《大射儀》約之也

外正朝不見,疑當與燕、射二朝

面 位

同,

注

日

聘使卿。

敖 繼 公

元 撰

聘禮

第八

注 日 辭以不敏 使者再拜稽首,辭。

之,故拜而後辭,變於傳命之儀也。 繼公謂: 使者少 進 而 北 面 乃

拜,君

親

命

君不許,乃退。

注 曰:退,反位也。

繼公謂: 君不許其辭,故 不 ·答拜 ,使者 亦

當許而後退。

注 日 : 戒猶 命 也 既

圖

事,戒上介,亦如之。

聘禮。

君與

卿

圖

事

繼

公謂

此篇主言次國大聘之禮。

也。」於五禮屬

賓禮

侯之邦交,歲相問也,殷相聘也,世

相

朝

卿

相

問

小

聘使大夫。

《周

禮》:

凡

諸

注

大問曰聘,諸侯相於久無事,

則

使

疏

日

注

「其位

君南

面」以下,諸侯路門

君

南

面

卿

西

面

,大夫北

面

一; 士

東

面

注

曰:

圖,

謀

也。

謀事

者必

因

朝,其位

異尊卑也。 事之數也。 繼 公謂: 既 圕 如,如其禮辭也。 又使者言命,上介言戒,亦 事乃戒之者,以其不在 使者與上 圖

辭者,不敢以專對之才自許,謙 敬 注曰:命之使衆官具幣及所宜齎

介必

也 凡 聘使有故,則上介攝其事

宰命司 馬戒衆介。 衆介皆逆命,不辭

禮》司 注 日 馬之屬,司士掌作士,適四方,使 衆介者,士也。 士屬 司馬。 《周

爲介。 逆猶受也。

疏曰: 不辭者,賤不敢辭。

不辭者,自别於使者及上介,且 繼公謂:宰命司馬戒衆介,以其卑賤也。 任輕亦

不必辭。 **衆介受命亦當再拜稽首。** 宰,

説見《大射儀》。

宰書幣。

注曰: 書聘所用幣多少也。 宰又掌制國

之用。

繼公謂。《周官・冢宰》以九式均節財

用,六曰幣帛之式,故此主書幣也。

命宰夫官具。

及期,夕幣。

右命使介具聘物

注曰:夕幣,先行之日,夕陳而視之。

繼公謂:此云及期,則上亦當有請期、告

時陳幣而展之,故曰夕幣。云此,題下 期之禮,文略耳。夕,如夕月之夕,以夕

事 也,下不見者,以意求之。

使者朝服,帥衆介夕。 朝,直遥反,下並同。

注 曰:視其事也。

繼公謂:於此云朝服者, 嫌朝夕之服異

管人布幕于寢門外。 也,下言君朝服放此。

注曰:布幕以承幣。

繼公謂。管人,其有司之掌勞辱之事者

與? 寢門外,正朝也

官陳幣:皮,北首西上,加其奉于左皮上。

馬則北面,奠幣于其前。

言則者,此享主用皮,或時用馬。馬入注曰:奉,所奉以致命者,謂束帛也。馬

變於執也。西上,放設時之位也。左皮繼公謂:陳皮不言幕上,可知也。北首,

則在幕南。皮、馬皆乘。

北面猶北首也。前,謂左馬之前,幕之尊,故加幣於其上。馬人,則亦右牽之,

西,享夫人者在東。

上也。

此皮若馬之位,其享主君者在

使者北面,衆介立于其左,東上。

注曰: 既受行,同位也

繼公謂:北面,蓋在雉門内之右,宜鄉君

也。

卿、大夫在幕東,西面北上。

注曰:大夫西面,辟使者。

西旬,是辛吏皆。 疏曰:此謂處者,大夫當北面,今與卿同

西面,是辟使者。

繼公謂:幕東,南北

節也。

宰人,告具于君。

繼公謂:是時君亦立於阼階東南,南注曰:人,入路門。

君朝服出門左,南鄉。鄉,許亮反。宰北面告之具,謂所陳者已具。

也。天子日視朝,當宁而立。出門左,出路門而少東,辟天子之朝位

史讀書展幣。

之,下云「拭圭遂執展之」足以明之矣。書,謂書享幣之數於方者也。展,謂詳視

宰執書,告備具于君,授使者。使者受書,史蓋幕西東面讀書,有司北面展之。

授上介。

注曰:展幣畢,史以書授宰,宰既告備

以授使者。其受授皆北面。

繼公案:注云宰既告備,則經文似本無

「具」字,蓋傳寫者誤衍之也。

公揖人。

注曰:揖,禮群臣。

官載其幣,舍于朝。

注曰:待旦行也。

也。古者載幣之車,以人推之。《春秋 繼公謂:載,謂載之於車。 。幣亦兼皮言

上介視載者,所受書以行。 傳》曰:「用幣必百兩,百兩必千人。」

注曰:監其安處之,畢乃出。

也。 繼公謂:所受書,謂上介所受於使者者 别言以行,見其不與幣同處。

右夕幣

厥 賓朝服釋幣于

> 群庿,大夫告禰而已。 注曰:告爲君使也。天子、諸侯將出,告

大夫之服以朝服爲正,故入庿亦用之。 繼公謂:或言賓,或言使者,互見也。

釋,舍,置也。 出必告也。大夫三庿,惟告禰者,遠辟 將出而釋幣于禰,象生時

天子、諸侯也。

有司筵几于室中。祝先入,主人從入。 主

人在右,再拜,祝告,又再拜。

注曰:更云主人者,庿中之稱也。

右,在祝右也。祝在左者,以親釋辭於 自右階先入,主人升自阼階從之。 室中之奥也。筵亦東面而 曰:「詔辭自右。」主人拜不稽首,變於 鬼神,宜變於他時詔辭之位也。 繼公謂:筵几,蓋亦蒲筵漆几也。 祝不拜,辟君禮。 右几。祝升 《少儀》 室中, 。 在

二八九

釋幣,制玄纁束,奠于几下,出

之。東,十制五合。玄纁之率,玄居三, 纁居二。《朝貢禮》云:「純,四咫;制, 注曰:祝釋之也。丈八尺曰制。 二制合

疏曰 丈八尺。 」

短。 純, 謂幅之廣狹,制,謂舒之長

《朝貢禮》云純四只者,不可曉,姑闕之。 贈幣言也。以此幣用於神者,●故意其 據案: 注云玄居三纁居二, 蓋以魯人之 几 亦然。魯人之贈見《雜記》。又案:注引 繼公謂:既告乃釋幣,亦辟君禮。奠于 下,亦 縮 之。 出,亦祝先 而主人從。

主人立于户東、祝立于牖西

注曰:少頃之間,示有俟於神。 繼公謂: 先言主人立,以其位近於户也。

其立東西相

鄉。

又人, 取幣,降, 卷幣,實于笲, 埋于 西

階

東。卷、九轉反。笄音煩

注曰:埋幣必盛以器,若藏之然。

幣,乃與主人俱出。幣必埋之者,神物 繼公謂。又入者,祝及主人也。 祝既取

又釋幣于行。

不欲令人褻之。

笲,説見《昏禮》。

乎? 注曰:喪禮有「毀宗躐行,出乎大門」,則 也。今時春秋祭祀有行神,古之遺 行神之位在庿門外西方。❷ 二寸,廣五尺,輪四尺。 不言埋幣, 爲載壇 可 厚厚 禮 知

告之,亦告爲君使也。 繼公謂:將有事於道路,故釋幣于行以 此 釋幣之儀,與

則行」,原作「而先」,今據庫本、注疏本改。 神」,原誤作「三」,今據庫本改。

室中者異,故不蒙如之也。

注曰: 賓須介來,乃受命也。

言於此者,明與釋幣之事相接也 繼公謂:受命,謂帥 介以受命於朝 也。

上介釋幣亦如之。

注曰: 如其於禰與行

右釋幣

上介及衆介俟于使者之門外。 曰:俟於門外,東面北上。

使者載旜。旜、之然反

注

其 注 事 曰: 旜,旌旗屬也。 也。 《周禮 **>** 「通帛 載之者,所 爲旜。」又 以 表識

曰:「孤卿 **注建旜。**」

繼公謂:此載旜,爲將受君命以行也。 使事於是乎始,故以其旗表之。 後或張

旜,亦皆爲事故,意與此類。

帥 以受命于朝。 受命于朝,亦目下事之言也。

朝、蓋指

受命之處而言 ,謂路門外也。

君朝服南鄉,卿、大夫西面北上,君使卿

進

使者。 鄉、許亮反。

也。 或當皮弁服也。南鄉亦在路門外之左 此在朝,固朝服矣,必著之者,嫌 使卿進使者,重其事也。 使者此 命 聘使

蓋俟命於雉門外,凡人臣非朝 夕之時 丽

欲至公所者,必俟命而後入。

者進之,上介立于其左,接聞 命。 使者入,及衆介隨入,北面,東上。

君揖使

注曰:進之者,有命,宜相近也。 接猶 續

也。

繼公謂:人,人雉門而右也。接聞命,釋 所以立于其左之意,其實此時君未發命

時

也。上介必接聞命者,爲使者或有故,

則上介攝使事,宜與聞之。

宰。賈音稼,下並同。櫝,大木反。繅音早。賈人西面坐啟櫝,取圭,垂繅,不起而授

注曰: 賈人,在官知物賈者。雜采曰繅。

所以薦玉,重慎也。

垂。授玉不起,賤者宜自别也。宰於其也。垂繅,謂開之也,開而不揜,則其繅也。垂繅,謂開之也,開而不揜,則其繅也。垂繅,謂開之也,開而不揜,則其崖也。垂繅,謂開之也,開而不揜,則其追之,表玄裹纁,所以藉玉,而又揜其上者,亦坐受之。

宰執圭,屈繅,自公左授使者。

注曰: 屈繅者, 斂之。自公左, 贊幣之

義。

其繅屈。● 宰執圭屈繅,則公不視之也。繼公謂:屈繅,以繅揜玉之上也,揜之則

使者受主,同面,垂繅以受命。

注曰:同面者,宰就使者北面並授之。

既授之,而君出命矣。

繼公謂:於使者受圭,公乃命之,明其執

此以申信也。

既述命,同面授上介。

注曰:述,申言之也,述君之言,重失誤。

之儀也。其不見者,以此求之。

繼公謂。此授受皆同面,别於聘時賓主

上介受圭,屈繅,出授賈人。衆介不從。

注曰" 賈人,將行者,在門外北面

疏曰:上介授賈人,訖則復人。

或垂繅,或屈繅,蓋相變以爲儀,然亦莫繼公謂:自賈人取圭至此,凡三。 授受

不有義存焉也。上介出授賈人,賈人以

「揜」,原誤作「斂」,今據明本、通本、庫本改。

0

他櫝藏之。

帛加琮,皆如初。琮,才宗反。受享束帛加璧,受夫人之聘璋,享玄纁束

其 尊 也; 享。 其 用琮,尊卑之差也。 君用圭,聘夫人用璋,享君用璧,享夫人 以社稷故,在寡小君」,足以明之矣。聘 人,所以見敬愛主君之至也,《記》曰「君 國君之夫人也。 夫人之聘璋享琮,謂君復以二器聘享主 之之法也。享東帛不言玄纁,文省耳。 載之者,至是復取 加琮 凡以玉帛之屬爲禮,其於敵以上者皆曰 降 亦然。 於圭 而幣 享用璧琮,以爲禮也。 東帛加璧者,東帛之上加以璧也, 不足以稱之也。 璋 此二東帛,即曏之所展 口 以 聘享主君 用幣,又以 而合諸璧琮,以 聘用圭璋,以爲 璧琮· 圭璋特達,以 而 將 并及其夫 有加,以 其厚 見用 而 官

相朝,無是禮也。《周官》曰:「瑑圭、璋、也。聘享夫人之禮,惟聘則有之。諸侯

璧、琮,以覜聘。」

爲將有事於此也。《記》曰:「問大夫之遂行,舍于郊。

斂旜。

幣,俟于郊。」

者,行時未可以變,因舍而後可爲之。斂,藏也。斂旜者,上事已也,至是乃斂

右受命遂行

于朝,曰:「請帥。」奠幣。竟音境,下並同。若過邦,至于竟,使次介假道。東帛將命

直徑也。帥猶道也,請道己道路所當

电。

注

日

至竟而假道,諸侯以

國

爲家,不

敢

繼公謂:次介,士也。假道禮輕,故使次

二九二

將命别 介。 者,賤不敢授也 將 有辭、「請 命 猶 致 命 帥 也 乃 其 此 後 朝 語 謂 耳。 大 門 外。

耳。於其奠幣未即受者,不必其君意君許乃可受之。受幣蓋亦有辭,文不具下大夫取以人告,出許,遂受幣。

餼。大音泰,下「大牢」並同。積,子賜反。 餼之以其禮,上賓大牢,積唯芻禾,介皆有

**積唯芻禾,則無米可見矣。** 李微之曰:賓大牢,則介不得用大牢。 有禾十車,芻二十車,禾以秣馬。 注曰:以其禮者,尊卑有常差也。上賓

無薪 也。 者,賓則大牢,上介則少牢,群介則特 公謂:以牲之生者與人曰 與米 米禾 薪芻 也。 皆謂 上賓有積,上介以下未必 之 積。 積唯一 黛。 芻 禾, 其 是 牲 禮

> 厚矣。 與? 有之。 之,特性則 牢者,牽牛以致之,少牢者,牽羊 之禮賓 也。 覦 此 案 餼、 與 然以 注末恐有脱文。 束之也,亦 積 積 皆 唯 此 陳於門外。 若是, 而 待 過客 執其 所 以 \_, 亦 紲 其 降 餼 於 不 致 以 以 爲 主 致 大 不 或

士帥没其竟。

誓于其竟。賓南面,上介西面,衆介北注曰:没,盡\*\*

東上,史讀書,司馬執策立于其後

罰。 從, 告士衆,爲其 注曰: 賓南面 卿行旅從。 犯 ,專威信也。 司馬,主軍法者 禮 掠 也。 史讀 禮,君 執執 (書,以 策 行 師 敕 示

樹 聘晉 繼公謂:《春秋傳》昭六年,楚公子棄 ,不采蓻,不抽屋,不 過 鄭 、禁 芻 牧 採 樵,不 強匄,誓日 人田 「有 不 犯 樵 疾

面

聞。

(朝服,無主,無執也。

言於此者,終上事而後及之耳。可知也。此當在次介假道而復命之時,可知也。此當在次介假道而復命之時,亦

#### 右假道

未入竟,壹肆。肆,以二反。

注曰:肄,習也。習聘之威儀,重失誤。

繼公謂:竟,謂所聘之國竟也。

天子之禮有車宮、壇壝宮、帷宮,諸侯未宮,謂不爲外垣,亦不以他物象之也。 唯其北,象房室以爲堂深之節。 無卑,故畫地爲階,必畫階者,習升降之儀築壇而卑曰壝壇。爲壝壇,象堂也。壇

儀而已。 儀,故不必執之,且不敢 無執,不執玉帛也。 乃言之者,嫌習禮則 下展玉言朝服,意 必言朝服 凡道路常服 者 嫌 肄 聘 亦 無 儀 或當以人象之也。 類 卿 此 則 褻 主 大夫則朝服 當 也 則 ,徒習其威 固 如 無授受之 聘 無 È 服 矣, 也

士以下則玄端與?

注曰:人門左之位也。介皆與,北面西上。與音預

繼公謂:言皆與者,肄時介無事,嫌不必

與也。

習享,士執庭實。

堂上之幣而言,故謂之庭實。 實如内實之實,此庭實謂皮若馬也,對授受之事,乃執之者,當别於玉帛也。 士,乃有司之主執庭實者也。庭實亦無

二九五

同

事。

習夫人之聘享,亦如之。

習公事,不習私

注曰:公事,致命者也。

繼公謂:公事,聘享與問大夫者也。 疏曰:私事者,謂私覿、私面。

右習儀

及竟,張旜,誓。

注曰:張旜,明事在此國也。 張旜,謂使

人維之。

繼公謂:張旜者,將與主國接,如下文所

云者是也。

過邦假道

不張旜者,使事不

在彼國 也。 或云 張,或云載,互文耳。

乃謁關人。

注曰:謁,告也。 古者竟上爲關, 以譏異

服

,識異言。

誓之儀亦如 初。

> 關 人問從者幾人。 從,才用反。 下凡「從者」皆

幾,居豈反。

欲知其人數者,所以防奸人。

以介對。

注曰: 聘禮: 上公之使者七介,侯伯之

《春秋傳》曰:卿行旅從」,若侯伯之國 也,介者五人,則知使者之爲卿,而從者 繼公謂:以介數對,則人數亦在其中。 使者五介,子男之使者三介。

右及竟

五百人矣。

君使士請事,遂以入竟。

注曰:遂以人,因道之。

繼公謂:使者既謁關人,因止於竟,未敢

事,其 、辭蓋 關人以告于君,於是 曰:「寡君使某 請 君 事。」 使 賓 士 既 請

對,遂帥之入竟也。

#### 右請事

入竟, 斂旜。

亦因舍而爲之。

乃展。

之至也。斂旜乃展者,見非公事不張玉、幣各有主之者,至是乃復展之,周慎

旜

東上,賈人北面,坐拭圭。拭音式。布幕。賓朝服立于幕東,西面,介皆北面

注曰:拭,清也。側幕而坐,乃開櫝。

幕之東南也,故下云上介北面視之。退西南,賈人則少進,亦在賓之西南,而在繼公謂:布幕亦管人也。介之位蓋在賓

拭圭者,就櫝拭之,故下乃云執。

遂執展之。上介北面視之,退復位。

退圭。

注曰:言退復位,則視圭進違位。

追主

退之者,其展事畢也,退則藏之於櫝

與?

加于左皮上。上介視之,退。

貶於圭,且欲并視幣也。退,退復位也。幣者,文略耳。璧會諸幣,上介乃視之,會,合也。亦既拭璧乃執展之。不言展

馬則幕南、北面、奠幣于其前。

亦以璧會於幣,乃奠之。

展夫人之聘享,亦如之。

賈人告于上介,上介告于賓。 展璋如圭,展琮如璧,無以異也。

退璧琮與皮幣。

告之以展聘享之玉幣已畢也。既告,乃

有司展群幣,以告。

九九

二九八

者,自展自告。 注曰:群幣,私覿及大夫者。有司,載幣

也。 亦告于賓。此皮幣 公謂: 有司自展,既則以告上介,上 群 幣且展之, 則 蓋 不 享 陳於幕,辟 幣 可 知 矣 君 禮

者也。 案:注云「及」者,即《記》所謂幣之所及

及郊,又展如初。

半之。 里,侯伯三十里,子男十里 注 里,遠郊百里,以此差之,遠郊上 E 郊,遠 郊 也。 周制 天子 也。 公五 畿 近郊各 内 + 干

也。 以《司馬》職 繼公案: 白里者, 以《司馬法》云王 注云「周制 云方千里 ,天子畿内千 日 或 畿 國 也 百 旦馬郊 云遠郊 里」者

及館,展幣於賈人之館,如初。

慎,且一與主國卿 之矣,此所以屢 自入竟至此 之館者,展 館 舍也。 幣 事 凡三展者,以 亦 將 展 兼 終, 而 玉 大夫爲禮,則 不厭其煩 故 耐 言。 禮 聘事 殺 展之於賈 丽 將 由 不暇 至 便 圃 也 及 愈

右展

賓至于近郊,張旜。

亦爲有下事也。此後不見斂旜之節,至

館爲之可知。

帛勞。勞,力報反,下並同。君使下大夫請行,反。君使卿朝服,用束

凡 放之, 爵 其道路勞苦殷勤之意 請 使卿者, 也。 行 ,謂請之行,蓋 而 主君於朝 以 其義皆然。 同 班 君 蓋 則親 速之也。 行 也。 禮 士請 欲 郊勞, 使卿 其 事 勞,亦 稱 ,大夫請 故 亦 也 此 以 謂 禮 下 其 勞

行,亦皆朝服也,特於此見之耳。

上介出請,入告。賓禮辭,迎于舍門之外,

再拜。勞者不答拜。

賓揖,先人,受于舍門内。舍音赦。

異者也。先人門右而北面。 惟云舍門,是舍但有一門耳,此公館之

勞者奉幣人,東面致命。

賓北面聽命,還,少退,再拜稽首,受幣。人,入門左。致命,致其君命也。

勞者出。還音旋

注曰:少退,象降拜。

北面。訝受幣,勞者南面可知也。歸饔餼時,堂上北面受幣,此在庭亦當西再拜稽首,是此象之也。又訝受法,疏曰:歸饔餼,大夫東面致命,賓降,階

于堂中西。此雖受幣於庭,亦皆當放言歸饔餼之禮,賓升堂北面聽命,受幣亦因事而見之耳。受幣蓋在庭中西,下繼公謂:賓入門即北面,至是乃言之者,

之。

授老幣,出迎勞者。

ſ《之之辭。老,説見《士昏禮》。 事畢。上介入告,賓乃出迎之而告以欲 勞者出,俟於門外。上介出請,勞者告

設。乘,繩證反,下並同。

勞者禮辭。賓揖,先人,勞者從之。乘皮

注曰:設於門内也。物四曰乘。皮,麋

二九九

1100

鹿 皮 也

疏 **儐勞者在庭,故設於門内也** 曰:庭實當參分庭一在南設之,今以

乘皮設,亦宜在門内之西,其於勞者之 繼公謂:賓先入西面,勞者從入東面

南 與?

賓用束錦儐勞者。 僧,必刃反。

之儐,所以見殷勤 敢與尊者之幣同。 聘禮,凡大夫、士所用之幣皆以錦,蓋不 也 因事 而 用幣於賓謂

勞者再拜稽首受。

夫郊勞之禮云「登聽命,下拜,登受」,又 言諸公侯伯子男之臣相爲國客,其於大 使者皆於門内,與《周官》異。《司儀》職 北 也,後多類此。 稽首者,因賓曏者受幣之禮,以相尊 面授,既受,則東面俟。 受幣蓋當門中,南面,賓 此受郊勞、儐 敬

云「殯使者,如初之儀」,是皆於堂也

賓再拜稽首,送幣 注曰:受、送拜,皆北面,象階

Ę

之拜也。 繼公謂:注云「受送拜」者,謂受者、送者 象階上者,謂放儐于堂之禮

也。

勞者揖皮出,乃退,賓送再拜。

繼公謂:勞者已執幣,不可以復執皮,故 注曰:揖皮出,揖執皮者而出,示親受。

食大夫禮》曰「賓北面揖,執 揖執皮者,欲其爲己執之以出 庭實以 也。《公 出,

有受之者,不言者,可知也。 然則此亦北面揖之矣。 出 則 幣與皮各

夫人使下大夫勞。

注曰: 使下大夫,下君也

聘享己也。 繼公謂:夫人使勞之者,以其亦奉命而

以二竹簋方,玄被纁裹,有蓋。簋音軌。

注曰:竹簋,以竹爲之,狀如簋而方,如

今寒具筥。筥者園,此方耳。

盛黍稷之簋以瓦爲之,後或用竹制,亦繼公謂:竹簋而方,變於食器也。古者

不方,是其異於此者也。

其實棗烝栗擇,兼執之以進。

南、棗在西」,北面設兩邊而棗在西,亦真禮》曰「主婦自取兩邊,棗栗,設于會執之者,左手執棗,右手執栗與?《士烝,孰之也。擇,治之,謂去其皮也。兼

賓受棗,大夫二手授栗。 足以見其所執之左右矣。

注曰:授受不游手,慎之也。

疏曰:游手謂游暇一手。

繼公謂: 賓受棗,二手共受之,既則以右

手受栗,此亦訝受。

賓之受,如初禮

注曰:如卿勞之儀。

**儐之如初。** 

之,皆以束錦乘皮者,亦輕財重禮之意君使以束帛,夫人使以棗栗勞賓。賓儐

也。

右請行郊勞

下大夫勞者遂以賓人。

注曰:出以東錦授從者,因東面釋辭,請

道之以入。

諸侯於天子使者之禮也。賓不拜送者,辟繼公謂。人,入國門也。賓不拜送者,辟

俟矣。」祧,吐條反。拚,方問反。至于朝。主人曰:「不腆先君之祧,既拚以

注曰: 賓至外門,下大夫人告,出釋此

解。主人者,公也。不言公而言主人,

10

主人,接賓之辭。

命也。 衛,故其言若此,蓋緣賓意,欲速達其君 堂以北之稱也。拚,灑掃也。受聘於 堂以北之稱也。拚,灑掃也。受聘於 堂以北之稱也。拚,灑掃也。受聘於 以北之稱也。拚,灑掃也。受聘於 以北之稱也。拚,灑掃也。受聘於 以北之稱也。拚,灑掃也。受聘於

賓曰:「俟閒。」閒音閑。

人意而言也。大禮而倉卒受之非人情。亦不可不俟主人之暇乃爲之,是亦緣主閒,暇也。言此者,謂己雖欲速達君命,

#### 右至朝

大夫帥至于館,卿致館。

夫即 賓言 至于 館 曏者以賓入者也。 俟 閒 則 然後 入矣。 致 致,如 館 亦 帥 致爵之致。 尚 亦謂道賓 辭 讓 也。 致 大

賓迎,再拜。卿致命,賓再拜稽首。館,謂以君命致此館於賓也。

卿

退

賓送再拜。

是亦於堂也。 子男之臣相爲國客,致館如郊勞之儀, 外,亦與《周官》異。《司 外者,以 致命者,致其君致館之命也。 無 幣 也。 致 館 儀》職言公侯伯 不 以 致命 幣 丽 在 於門 闁

右致館

宰夫朝服設飧。飧音孫。

同 食肉而飧」是也。 壁」是也。 有食而無他 宰夫,士也。 耳。 此 禮用 徒食食亦曰飧、《玉藻》曰 饌謂之飧、《傳》曰 以 大牢,其上 奉 二者 君 命, 所 故 指 有簠、簋、豆、 亦 雖 朝 盤 殊,義則 服。 飧 寘 徒

鈃之屬,●乃云飧者,主人之謙辭,所以

甚言其菲 薄也,故禮亦因以爲名云。

飪 牢,在 西,鼎 九、羞鼎三。 腥一牢,在

東,鼎七。

鼎則陪 注曰:庭中之饌也。飪,孰也。鼎西 東七。凡其鼎實與 鼎 也,以其實言之,則曰羞,以其 其陳,如陳 饔餼。 九 羞

陳言之,則曰陪。

爲尊也。 此飧牢二,不視其饔餼之死牢者,别於 主於牛羊豕 各一也。 繼公謂:牢,大牢也。大牢者,牛、羊、豕 **飪鼎九,腥鼎七,乃皆云牢者**, 腥減二鼎,亦明其 也。 飪在西,腥在東,以西 輕於飪 也。

堂上之饌八,西夾六。 注曰:八、六者,豆數也。 本,堂上八豆、八簋、六鉶、兩 凡饌 簠、八 以 豆爲

朝君之禮

也。

衆介皆少牢。

少,詩照反,下「少牢」同

西夾六豆、六簋、四 鉶、兩簠、六壺,其實

與其 陳,亦如饔餼

門 外米、禾皆二十車。

注曰:禾,稾實并刈者也。 米陳門西,禾

陳門東。 繼公謂:皆二十車者,大夫飧禮,其米禾

皆視其 禾共視其牢也。 牢,牢十車。 凡飧皆無生牢。 朝君之飧禮,則米

薪芻倍禾。

饌六,門外米禾皆十車,薪芻倍禾。 上介,飪一牢,在西,鼎七,羞鼎三, 注曰:鼎七、無鮮魚、鮮腊。 注曰:各四十車,凡此之陳,亦如 饗館。 堂上之

饌於方」繼公謂改。 鈃」,原作「鈃」,庫本作 據明 本及本書卷八下

注 日 : 亦飪 在 西。 鼎 五

與饋 繼 公謂 食 之鼎 少 牢 同 也 五 鼎: 此 羊、豕、魚、 少牢,故無堂上之 腊、 膚,

### 右設飧

厥明,訝賓于館。 訝,五嫁反。

之訝。 注曰:此訝,下大夫也。 訝,迎也。 亦皮弁。 以 君命 迎賓 謂

賓皮弁聘,至于朝。 之西,以帷爲之。 注曰: 入于次者,俟辦也。次在大門外 賓人于次。

也 朝聘必用 繼公謂:皮弁者,放其 侯 國 皮 君 弁服者, 臣 日 朝 朝 宜 服 加 君 於其 視 相 朝 朔乃 朝 之 服 服 皮弁 也。 等

> 幣,如 注曰: 繼 事至乃出焉。 公謂: 展 有司 幣焉。 惟幣陳之,圭璋璧琮皆在櫝 人 于主國庿門外,以 **圭璋**,賈 人執櫝 而 布 幕 也 陳

#### 右賓至 朝

卿爲上擯,大夫爲承擯,士爲紹擯。 伯則四人,於子男則三人,皆以 承、紹云者、皆有爲之先之辭。 於諸臣之禮也 擯專相 以别於天子也。 不言其人數,則是諸侯之擯者三人 爵爲差也。 此但言上擯、承擯、紹 已,不以己爵及朝聘者之尊卑而異, 言天子之擯者,其於上公則五人,於 禮 事。 乃必立承、紹者,所以别 此擯者雖有 三人,惟 《周禮 朝者 擯 所 而 之 侯 而

擯者出請 事

乃陳幣。

服

三〇四

事而不云人告,省文也,後多類此聘賓,臣也,故親對而不交擯。一 此。 又以朝君之命告于上擯,所謂交擯 君之命,以請于上介,上介以告于朝君, 乃人告于公矣。 面 賓即位于西方,東面,介立于其東南,北 請事之辭,蓋曰:「寡君使某請事。」是時 故 擯者,上擯也。 西上,擯者東 不必質言之, 請事云出,則擯者 方西面 云請事,則爲 諸侯相朝,則上擯傳主 而 但 云 請事,賓對,賓者 擯者 常 近於君所矣。 八上擯 也,下文放 <u>二</u> 可知 出 也。 請

公皮弁,迎賓于大門内。大夫納賓。 内 者出請事之時,公猶未出中門也。 繼公謂:於此乃迎賓于大門内,則是 迎賓,卿大夫以下入廟門 注曰:公不出大門,降於待其君 者 其 在門右 西 面 與? 即 位 此 而俟之。 大夫亦謂 也。 大門 公 擯

> 辭曰: 謚 上擯 上擯出納賓,而承擯、紹擯則皆立于門 之以入。於公之迎賓也,諸擯皆從之, 傳》於列國大夫或見其名,或見其字與 略同、皆錯綜其文、以見義爾。 亦謂之大夫也。 言大夫,與卿爲上擯之文互 ,蓋得此 也。 「寡君須矣,吾子其人也。」既則道 云納賓,則爲 法 也。 此 納賓亦西 與上經言擯 上擯 面 見, 可 鄉之,●其 知 《 左 者 以 之 明 故 氏 變 卿

賓人門左。

東、北面

繼公謂:賓入門左而東面鄉公,公注曰:衆介隨入,北面西上,少退。

于其東南,北面西上。上擯亦入門而繼公謂: 賓入門左而東面鄉公,介亦立

<sup>●「</sup>鄉之」下,底本、明本、通本空一格,庫本作小注

又曰「公事自闑西」,亦謂 右 ^ 玉 藻 》曰「賓 入不 中門, 此 時 不 履 閾

辟音避

公再拜。賓辟,不答拜。 賓 出 門右之處明矣。 國賓也。《相見禮》:主人於降等者,不 迎,一拜其辱。 人 [門左而公乃拜之,是西 公迎大夫乃再拜者,尊 面 拜 迎於

公揖入,每門、每曲 揖。

以 每 宗廟,右社稷,人大門東 曲 通 有 諸侯三門:庫、雉、路,則庫門爲大門,左 閤 揖 揖 次 門 五 者,於曲 者 門 廟,大祖 中門外西邊皆有 而 指 故 閤 西 主 扇廟 門 人 人諸 與 至 處 之 各 廟 則 每 侯 廟 有 之中 揖 門 之 最東, 大 則 廟 而 八門,有 南北 門 折 揖 必 行 高 而 行 有 而 隔 也。 祖 言 而 先 每 中門,有 牆 也。 至 人 門 ጢ 下 廟。 牆 天子之 也 也 諸 中 之 廟 每 央 廟 侯 此 每

> 廟門。 門 雉、應、路。 門之名數 乃云王 廟 各有 也 出 康 五 在 門, 王 미 一受顧 路門,寢門也。 見 應門之内,則天子、諸侯廟 與其 矣。 命 寢 於 天 同, 廟, 子五 是諸侯 出 其於 門 廟 見諸 泉、 廟 亦 則日 有 庫、

及庿門,公揖人,立于中庭。 廟,未 高祖 凡 之聘,宜於太廟,受諸侯之朝若聘,其於 主 人與賓揖 而 詳其 下者與? 公揖賓而人,禮之也 爲何廟,以差言之,則受天 而 人門者有二義,俱入則

於此 東上。 於内 蓋 爲道之,自人則爲禮之。 西 也。 面 尊也,若敵者則俟於門内。 中庭,東方南北之中,人而 擯者隨公鴈行 而入,負東塾, 公先人,俟賓 公立 後賓

賓立接

西塾。

俟時 接 西 圃 塾者,在其 執 玉 也 南 介立于其西南,東面 而 東 面 也。 立於此, 北

襲而

執圭者,惟

賓

與主

人行禮

者二人

耳,故上介不襲

加

執之。

必言之者,嫌

上。

#### 右迎賓

几筵既設,擯者出請命。

《周禮》:「諸侯祭祀,席蒲筵繢純,右彫注曰:几筵,司宫於依前設之,席西上。

几。

「加莞席紛純」五字。請命者,請致其君命也。案:注似脱繼公謂:賓至廟門乃設几筵者,君禮也。

賈人東面坐啟櫝,取圭,垂繅,不起而授上

介受圭於其左,亦東面。 玉尊,不與幣同陳,故事至乃取之。上

上介不襲,執圭,屈繅,授賓。

賓襲,執圭。

襲而執圭以行禮,欲其稱也。不言垂也,充美也。」又曰:「禮不盛,服不充。」也,充美也。」又曰:「禮不盛,服不充。」襲,謂襲上衣,不見裼衣也。聘以圭爲

繅,可知也。

擯者入告,出辭玉。

注曰: 入告公以賓執圭。

見文公十二年。納賓也。辭對之言,則《春秋傳》有焉,亦禮辭耳。賓對,則擯者復以入告而出繼公謂:辭之者,以其禮太崇也。此辭,

納賓,賓入門左。

此時猶待納而後入,以其臣也。

介皆入門左,北面,西上。

《玉藻》曰「君入門,介拂闑,大夫 惟 闑之間,士介拂棖」,言朝君之儀 士介亦拂棖矣。 聘賓入自闡西,則上介亦由棖 君 相 人」,亦與 此 《司儀》職 異 「及廟門, 闑之間, 八中根 也。 此 與

三揖。

注曰: 君與賓也。

與之偕行。 揖,是三揖 南 繼公謂:於賓入門左而 而揖,又皆行而至於參分庭 也。 賓 至西方之中庭,公乃 揖, 參分庭 一在北 在 面

至于階,三讓

公必讓升者,賓之也

公升二等,賓升,西楹西,東 公升二等賓乃升,臣也。下云公左還北 面。

擯者退中庭。

言其東西節也,當在楹

西少北

鄉,則此時公升堂西鄉

可

知

西

楹

西,

注曰: 繼公謂。至是而退於中庭,則是曏者從 曏公所立處。

公而立於階下矣。 凡公與賓爲禮,擯者

皆贊之。

94-

賓致命。

注曰: 致其君命。

公左還、北鄉。擯者進、公當楣再拜。 還音

旋。 注曰: 進阼階西,當釋辭於賓,相公拜 鄉,許亮反,下同。

也。

儀也,下放此。 必待擯者進之然後拜,尊者之禮,尚 繼公謂: 必退乃進者,禮 左還乃當楣,則公曏 以 變 爲 敬。 者 公 多

亦當東楹少北矣。

以此見賓立之處

必

西

,又皆以遠近爲差。

此聘君於主

君其

兩楹之間。

主人尊則於東,賓尊

則

於

不正在楹西也。此拜爲將受玉。

賓三退,負序。

安也,三退則負序而立矣。此拜雖非爲公再拜之間,賓凡三退,見其頃刻不敢與尊者授受於堂,禮重,故其儀如此。

己,然猶不敢自安,若是敬之至也。

公側襲,受玉于中堂與東楹之間。

爲之者。中堂,南北之中也。注曰:側猶獨也。他日公有事,必有贊

是贊爲之。

「公卒射,小臣正贊襲」,

東也。凡堂上授受贄幣之禮,敵者則在濱東面授也。東楹之間,四分楹間一在於拜處爲之也。此受玉之儀,公西面,繼公謂:側襲,尊賓也。襲不著其所,是

者,其凡授受贄幣者南北之節與?者就主君於東楹之間而授玉也。中堂尊同,致君之命宜降於主君一等,故使

连曰: 反其立,無事 嬪者退,負東塾而立。

繼公謂:負東塾,則其位在士之東矣。注曰:反其位,無事。

賓降,介逆出。 賓出。

注曰:逆出,由便。

公側授宰玉。

注曰:授於序端。

受玉時,亦垂繅。宰既受之,則屈繅矣。繼公謂:授玉於上,公尊也,下放此。公

裼,降立。裼,先歷反。

麛裘。」皮弁時或素衣,其裘同可知也。青豻褎,絞衣以裼之。」《論語》曰:「素衣曰:「裘之裼也,見美也。」又曰:「麛裘注曰:裼者,免上衣,見裼衣。《玉藻》

裘者爲温,表之,爲其褻也。寒暑之服,

冬則裘,夏則葛。 降立,亦於中庭。

單衫,又有襦,襦上有裘,裘上有裼衣, 疏曰:凡服四時不同,假令冬有裘,襯身

夏則有絺綌,絺綌上有中衣,中衣上復 裼衣上又有上服、皮弁、祭服之等。 若

有上服也。

繼公謂:裼者,偏免上衣而見裼衣也。

常,故當盛 此裼亦左爲之與? 禮則 襲以 朝、祭之衣以裼爲 爲敬,而盛 禮 畢 則

裼而 復其常也。 凡裼衣不必與上衣同

右 聘

擯者出請。 賓裼,奉束帛加璧享。 擯者人

請,即所謂請命也。 璧降於主,故 楊而

> 不必 者,亦因事見之。 奉之以行禮。 解 其 細 也。 即許之也,既受其大, 許,許其人也,其辭 賓 出 則 裼 矣,言於 此 則

庭實,皮則攝之,毛在内,内攝之,入設也。 如納賓。

攝,並之涉反,下同 鄉也。 注曰:皮,虎豹之皮。内攝之者,兩手相 者,或以馬也。凡君於臣,臣於君,麋 人設"亦參分庭一在南。

言則

皮可也。

説見《士昏禮》。 繼公謂:入設,亦設於西方而西上。

攝,

賓人門左,揖讓如初。

此時介亦入門左。

公再拜,受幣。 升致命,張皮。 注曰:張者、釋外足見文也。

鹿

其儀亦如初,惟不襲耳。幣亦兼玉而

言,下放此。

士受皮者自後右客。

注曰"從東方來,由客後西,居其左受皮

也。

後而出,●皆與受馬之儀相變也。繼公謂:受者自後右客,則客既授亦自

賓出。當之坐攝之。

注曰:象受于賓。

繼公謂:賓降而當皮之西,士乃坐攝之。

公側授宰幣,皮如人,右首而東。

此因見之。東,適東壁也。亦逆退,此左首」,此亦宜然。入時不言左首,故於「右」當作「左」,字之誤也,《士昏禮》「皮

庭實之儀當與《昏禮》參考。

右享

聘于夫人用璋,享用琮,如初禮。

注曰:如公立于中庭以下。

與己之所受者同,以夫妻一體也。不言可以親受,君代受之,其受之之禮,則皆繼公謂:聘享皆致聘君之命也。夫人不

東帛加琮,省文耳。

右聘享于夫人

若有言,則以束帛,如享禮。

也。無庭實。《記》曰「有故,則束帛加書以將命」是注曰:有言,有所告請,若有所問也,

繼公謂:若有言,因聘以達之,故卒聘而

▶ 「授」,原誤作「受」,今據明本、通本、庫本改

行 此 禮 也 ,此如「秦伯使西乞術來聘,

且. 一言將伐晉」之類

右因聘有言

擯者出: 請 事,賓告事

注 日 公事 華

繼公謂:上云請命,此 云請 事 者,以 其 將

命之禮已畢故 也

賓奉束錦以請 覿。 觀音狄。

覿,卑見尊之稱 也。 公事 Ė ]畢,欲 伸 其

私 敬也。 奉君命 圃 使,則其覿禮宜 與 他

幣 與庭實 也

時見于國

君

者

不同,故不用其贄,

圃

用

擯者入告,出辭。

,欲其後之也。 賓既 將 公事,主人宜

先 不 辭其覿者,已受其君 盡其待賓之禮,賓 乃 禮 口 行其 ,則不必 私事也。 一辭其

> 臣 禮 也

請 禮 賓。 賓禮 聽 命 擯者人告。

注 日 告賓許 也

誤也。 繼公謂:「請禮」之「禮」當作「醴」,字之 是禮主於醴,故 雖 用幣

猶

以

名之。 者。」賓曰:「使臣 於敝邑,寡君有不腆先 此請 醴之辭 既 蓋 得將 日 君 之禮 一子以 命矣,敢 請 君 辭。 醴從 命 辱

曰:「寡君固 某辭不得命,敢 日 不 不 腆, 敬從。」 敢固 以請。」

宰夫徹几改筵。徹,直列反。

徹几筵入于房,而改設賓席也。 賓席 東

筵,出 上。《公食大夫・記》曰:「蒲筵常,緇 純,加莞席尋,玄帛純,皆卷自末。 自東房。」 宰夫

公出,迎賓以入,揖讓 如 初

注曰:

公出迎者,已之禮

更端

曰

不 繼公謂:出,出 盡 與曏 者同 處, 廟門也。 乃云 如初者,見其亦 公於門内之揖

三揖耳。

公升,側受几于序端。

儀》言諸侯相朝之禮云「登再拜」,下云 儐亦如之,則其儐禮拜至可見矣。 不者,其辟朝君之儐禮歟? 公升,亦如初也。 楣而立,不拜。 至醴賓之禮當 公與賓升,皆北 《周官 拜,至此 面、當 司

注曰:漆几也。内拂几,不欲塵坋尊者。宰夫内拂几三,奉兩端以進。 以進,自東箱來授君。

也。 横執之。 凡執几皆横執之,惟設時乃 先言拂,乃言奉,是拂 繼公謂: 未至公所而内拂几,●敬也。 宰夫横 内拂几,以 執 几 圃 奉 袂 兩端,别於賓主 時 内 几 鄉 猶 奉兩端,謂 而 在 拂之也。 地 也。 縮

> 也。 賓主授受則各執一廉。 進,進于序

端,南面以授公。

西 公東南鄉外拂几三,卒,振袂,中攝之,進 鄉。 攝如字。鄉,並許亮反

注曰:攝,持也

前,賓是時猶在西階上,北 攝之,謂二手於几之中央攝之也。 也。卒,謂既 繼公謂:宰夫既拂几,公又親重拂之,敬 而中攝之,亦君禮異也。進西 拂 也。 振袂,去塵 面 鄉 也。 授几 于 筵 中

擯者告。

注曰:告賓以公授几。

賓進,訝受几于筵前,東面俟。

俟,公拜宜鄉之,下放此。

公壹拜送。賓以几辟。辟音避

「凡」,原作「己」,今據庫本改。

説

再拜 壹拜者,送几之常禮,必著之者,以 稽首,嫌 此 拜 爲 再 拜 也。 公及 賓 答

拜,或不言北面者,可 知也。

北 面設几,不降,階上答再拜稽首。

時 者,辟盛禮 先拜而送 公壹拜而賓答再 爲盛。 几,故賓 也。 此 拜 醴賓之禮,以用幣之 當 稽首者,公尊也。 以 此答之。 不 降 乃

宰夫實觶以 醴, 加 柶 于觶 面 枋

宰夫酌 醴 面 枋 而 並授贊者 一授觶 之正

公側受醴

禮

也。

説又見《士冠禮》。

受醴不言序端者,如受 几 可 知。 公既 受

醴,亦進筵前西 北 面

賓不降,壹拜,進筵前受醴,復位。 公拜送

壹 拜,亦受醴之通禮,必著之者,嫌賓 拜

醴

不無 當 而賓之拜 亦 辟受幣 再 輕重· 拜 稽 之 也。位,西階上北面位。 不同者,彼答公拜,此 首 儀 也 也。 賓於公乃不 授几、授醴, 降 則 其 而 先 禮 壹 拜, 均 拜

宰夫薦籩豆脯 擯者告之矣,經不盡見之也。 **擯者至此方退,則是送几、授** 醢、啐醴之儀,其事稍久,故於此俟之。 退,近則中庭,遠則負塾,皆視後事之久 擯者退負 東塾者,是時 必言籩 豆 者,經蓋 醢,賓升筵,擯者退負東塾。 見 賓 脯 方 有祭薦、祭 醴之類 醢之器 凡擯者之 皆 也

速以爲節

注 庭實,乘馬。 賓祭脯

醢

以以

M 祭 醴

三,庭

實設

公用 繼公謂:賓祭醴而庭實設,以 亦設于西方,西上。 束 帛及擯者進之節皆放 為節 此 也,下 庭實

降筵,北面, 以 **柶兼諸觶,尚擸,坐啐** 醴。 擸

注曰: 降筵,就階上。 音葉。

繼公謂 以 柶兼 諸鱓,以右 手執 柶 并 執

觶也。 於建也。 觶者,欲便於啐醴也。 尚擸,以擸鄉上也。 北面於階 上乃兼之,則是先時 必尚擸者,欲 必 以 柶 兼 便 諸

亦加柶於觶矣。

公用束帛。

注曰:亦受之于序端。

繼公謂:醴賓而用東帛、庭實,所以將厚

意,亦如儐禮也。

建柶,北面奠于薦東。

故不言扱。 上言兼柶尚擸,則此建柶亦尚擸明矣, 奠,奠觶也。

擯者進,相幣。相,息亮反。

注曰:爲君釋辭於賓。

繼公謂:相幣,贊其授受之禮

賓降,辭幣。

辭者,謂既受賜矣,不可以又辱盛禮。

公降一等辭。

栗階升聽命。 辭者,止其降,且不許其辭。

注曰:升聽命,釋許辭。

降拜。

拜,爲將受幣。

公辭。

公先已降一等,故於此不降。

升,再拜稽首,受幣,當東楹,北 面,退,東

面俟。

幣當東楹,其視爲君將幣者又過東矣。 當東楹,當其北也,其南北亦中堂。 受

俟,俟送幣

公壹拜,賓降也,公再拜。

三 五

禮 集 説

相 者,送幣之禮當然,宜終之也,此皆所以 因辟之,而遂降也。 公壹拜 尊敬也 而 賓即 降,不敢安受尊者之拜, 賓已降而公猶再拜

賓執左馬以出

注 曰: 牽馬者并左右勒授之。餘三馬,

主人牽者從出也

執幣乃北 主人之受禮異也。賓出 受主人禮,其於庭實,可以 主人庭實之位乃如賓者,因賓禮也。左 則主人之庭實,亦設於西方 繼公謂:左馬者、上也,故賓親 面,右執馬,右還 而公降立。 執則 丽 而 出 執之,與 西上也。 執之,然 凡 賓

上介受賓幣,從者訝受馬。

並受矣。並受幣,訝受馬,皆變於 從者,蓋賓之私臣也。 授受之禮也。 四馬皆訝受者,賓既執左 受馬云訝, 賓 則 主 幣

> 出 馬,則餘 耳,故從者與受之於賓同。 馬已悉爲賓物,公之士代之牽

#### 右醴賓

賓覿,奉束錦,總乘馬,二人贊。入門右,

北面奠幣,再拜稽首。

注曰:覿用束錦,辟享幣也。贊者,居馬

間

扣

馬

也。

也。 疏曰: 手扣一匹也。 二人贊者,各居兩馬間,各用左 北面奠幣,衆授時亦 北 右 面

言代賓爲之,所以見庭實後人之意也。 轡而束之也。● 言者,可知 繼公謂: 此亦擯者出請入告而出許,不 也 二人自牽之,乃云贊者, 總,謂 以 物合乘馬之八

入門,自闑 東人 也。 **玉** 藻》 曰「私 事自

闑 見,故庭實在後,且奠幣於入門右之位, 東」,謂此爾。 下介禮 同。不以 客禮

而不敢授也。 賓 再拜稽首而公不答拜

者,不受此禮也。

擯者辭。

辭,其用卑者之禮。

賓出

以覿事畢而不受其辭也

擯者坐取幣,出,有司二人牽馬以從,出

門,西面于東塾南

注曰: **贊者有司受馬乃出。** 凡取幣 于

庭,北面

賓之贊也。 繼公謂:有司牽馬亦二人者,不可多於 西 面 于 東塾南 ,鄉賓也,然

擯者之南,少退。 則賓之外位常接 西 整矣。 牽馬者蓋

在

擯者請受。

受,謂公欲親受。 其辭蓋曰:「寡君使某

請受。」

賓禮辭,聽命

注曰: 賓受其幣。 贊者受馬。

牽馬,右之,入設。

馬左,任右手便也。 注曰:庭實先設,客禮也。右之,欲人居 於是牽馬者四人,

事得伸也。《曲禮》曰: 「效馬效羊者右

牽之。」

受於有司,而後四人牽之,用四人,則左 繼公謂。云右之,明牽者四人也。二人

先,隨入而設於西方。

注曰:以客禮人,可從介。

賓奉幣入門左,介皆入門左,西上。

繼公謂:此以 客禮人,則當自闑 西。 毫玉

藻》所云私事自闑 東者,但 據始覿 而言

也。上介禮放此。

公揖讓如初,升,公北面再拜。

也。不稱覿,降等者之禮也,亦以其曏公乃再拜。公升不西面者,以賓不稱覿公升即當楣北面。賓升,西楹西,東面,

已奠幣拜於人門右之位故爾。

賓三退,反還,負序。還音旋。

注曰。反還者,不敢與授圭同。

三退而反還,愈不敢安矣。聘時執玉,繼公謂:反還者,反西面而復東鄉也。

故不敢反還。

振幣進授,當東楹北面。

士受馬者,自前還牽者後,適其右,受。還音此己禮也,故振幣去塵乃授君,以示敬。

注曰:適牽者之右而受之也。

患。

疏曰:馬,生物,恐驚之,故由前,是變於

受皮。

· : 八

且便其已授則自前而去也。繼公謂:自前而適其右受,皆變於受皮、

牽馬者自前西,乃出。

出也。已授而出必自前者,其放受者自自前西者,稍進而前乃西行,又南行而

前而來之儀乎?

賓降階東拜送,君辭。

之君,其拜下者,皆不當階。拜於階下拜於西階東,别於己君也。凡臣於異國

拜也,君降一等辭。

者,己臣也。

拜君命亦然。

注曰:君辭之而賓猶拜也。

繼公謂:辭者,止其又拜。

擯者曰:

「寡君從子,雖將拜,起也。」

從謂從賓而降也,公降一等耳,乃曰從君降一等辭而賓又將拜,故擯者云然。

者,君爲臣降一等,與敵者没階之禮 同

賓主相接,歡敬兩盡,故特見之。 也。 此禮擯辭多矣、未有著之者、是 食 時

反。

公西鄉,即俟拜之位也。

賓升即拜,又

不言成拜,則是曏者賓亦以擯者辭之之

栗階升,公西鄉,賓階上再拜稽首。 鄉,許亮

亦然。

故,而不終其拜於下也。

公少退。

50

注曰:爲敬。

繼公謂:君尊乃少退辟之者,答其反還

之意也。

賓降出。公側授宰幣。 馬出

馬出而皮之亦相變。 於賓之降也,介亦

逆出。

公降立。

## 右賓私覿

擯者出請。 上介奉束錦,士介四人皆奉玉

錦 束,請覿

繼公謂:玉錦、錦之文纖縟而白者也。

注曰:玉錦後言束,辭之便也。

士介之錦,反文於賓與上介者,以 無庭

實故也。 玉錦後言東,亦玄纁束之類。

贊。 儷音麗。

擯者入告,出許。

注曰:上介用皮,變於賓也。

繼公謂: 每人 執 一皮而 云贊, 意 與上

同。 賓,卿也,私 覿之庭 寶用 乘 馬。

此固禮之差等,然亦因其禄之厚薄而爲

介,大夫也,用儷皮。

士介不用庭實。

0 「云」,原誤作「去」,今據通本、庫本改。

三九

上介奉幣、儷皮,二人

之品節焉。禮意人情並行無間,於此見

皆人門右,東上,奠幣,皆再拜稽首。

擯者辭,介逆出。

其意皆與賓禮同

之禮同

其幣,出請受。 擯者執上幣,士執衆幣,有司二人舉皮,從

委皮南面。

注曰:委皮當門。

出。

出請受者,言其出爲請受也。

其幣,上介之幣也。二人舉皮亦並行

而

者,且變於馬也。

皮東而進。委皮不於東塾南,辟執衆幣之釋辭,即委皮而退,執衆幣者於是由繼公謂:執皮者從上擯出門,不俟上擯

執幣者西面北上。擯者請受。

注曰:請于上介也。

繼公謂:不言東塾南,可知也。

介禮辭,聽命。皆進,訝受其幣。

受其幣者,此時統於尊者,而不敢異之聽請受之命者,上介也,而士介亦皆訝

上介奉幣,皮先,入門左,奠皮。

也。

介既受幣,贊者乃南面取

注曰:皮先者,介隨執皮者而入也。

門左,介至揖位而立。

門左而奠皮,節也。奠皮之處亦參分庭 授,示遠下於賓。 是時儷皮隨 繼公謂:皮先,執皮者先上介而入也。 入而左先也。 介奉幣 而皮入,介入 奠皮 而 不敢

在南

公再拜。

注曰:拜於中庭也。

介振幣,自皮西進,北面授幣,退復位,再 繼公謂:公拜蓋西面也。下放此。

拜稽首送幣。 受於堂者,公尊,則介禮宜遠别於賓也。 矣。介退,公復西鄉,介拜亦北面。不 是凡庭實皆設于西方,參分庭一在南明 此發於入門左之位,而云自皮西進,則 行,及公左而北面。公還,南面受幣也。 進者北行,將至中庭,與公稍相當,乃東

介出,宰自公左受幣。

公不離位,宰就而受之,殺於賓禮 云自公左,則受之於公可知。 文主於受 也。

者,故不言側。

有司二人坐舉皮以東。

有司至是乃舉皮,亦異於受皮之節也。

擯者又納士介。

士介入門右,奠幣,再拜稽首。

納之之辭,亦與納賓同。

注曰:終不敢以客禮見。

上介聽命故也。 繼公謂:終不敢以客禮見者,以曏者惟 此與初禮同,乃復爲之

者,以既受幣復入,則禮更端也

受,賓固辭。

擯者辭,介逆出。

擯者執上幣以出,

禮請

注曰:禮請受者,一請受而聽之也。

繼公謂:公於士介亦辭之者,以其非己

可謂之固。《記》放此。 不敢辭,而賓爲辭之。 請者,西 出,又但禮請受而已,皆殺於上介也。 臣 命之稱也,以其決不從 也。 奠幣者四人,擯者惟執其上幣以 面請 於士介。 一解 命故,士 固 解 者,決不從 加 得遂,亦 介賤,則

公乃遥答拜也,相者贊告之。 注曰:擯者以賓辭入告,還立門中閾外。

則擯者相拜宜西北面也。《司儀》云「凡拜於東方之中庭,而介位在門外之西,之拜,士介終不敢授,公乃答之,公是時繼公謂:公曏欲親受幣,故不受其奠幣

士介皆辟。

背客」,謂此類

也

行

人之儀,不朝不夕,不正其主面,亦不

注曰: 辟於其東面位。

外者不必辟也。辟者,所以爲敬,且明繼公謂。必著此者,嫌旅拜之於内,則在

上三人,東上,と文啓,方其拜之主於己也。

注曰:俟擯者執上幣來也。士三人,東上,坐取幣,立。

擯者進。

注曰:就公所也。

繼公謂:進,至中庭以上幣示公。

受幣,受上幣於擯者。宰夫受幣于中庭,以東。

執幣者序從之。

士三人從宰夷也。

右介私覿

擯者出請,賓告事畢。

賓既告事畢,衆介亦逆出而賓從之也。

公勞寶,賓再拜稽首,公答拜。公勞介,介

擯往來傳命,承擯、紹擯亦負東塾

擯者入告,公出送賓。

大夫,賓對。 及大門内,公問君。賓對,公再拜。公問公出,三擯亦序從之。

禮》云「客再拜對」,與此微異。是時上門內,則賓東面,公西面而問之。《周亂之,故問勞之事至是乃爲之也。及大繼公謂:曏者行禮之時,各有其節,不可

注曰:勞賓曰:「道路悠遠,客甚勞勞。」皆再拜稽首,公答拜。勞,力報反,下並同。

介則曰:「二三子甚勞。」

賓出,公再拜送。賓不顧

之者,明於尊者之禮如此,則其餘可知。送賓,賓皆不顧,經不盡見之也,於此見不顧公之拜而去,亦辟之義。凡主人拜

注曰:請問卿也。上擯送賓出,賓東面賓請有事於大夫,公禮辭,許。

而請之,擯者反命,●告之。

也。不於內遂請之者,尊者之禮未終, た請之於其君者,明其以君故而問之 下大夫嘗使至者亦存焉。將問大夫,乃 下大夫當使至者亦存焉。將問大夫,乃 下大夫當使至者亦存焉。將問大夫,乃

) 「擯」,原誤作「賓」,今據明本、庫本、注疏本改。

許,皆擯者傳之。

右賓出公送

不宜以卑者之事亂之也。 賓請,公辭

儀禮集說卷八上

# 儀禮集説卷八下

元 敖繼公 撰

賓即館。

注曰:即,就也。

卿大夫勞賓,賓不見。見,賢遍反。

時。不見猶不出也,下放此。 案:注繼公謂:其勞,以爵之高下爲先後,不同注曰:以己公事未行,上介以賓辭辭之。

大夫奠鴈再拜,上介受。 故不敢當其勞己之禮而不見也。

云公事,請問卿大夫之禮也,公事未行

後則惟言大夫,不復言卿也,是其例然爲之事,但發端言卿以見其爵而已,其大夫,兼卿言也。又考此篇,凡於卿所

勞上介,亦如之。

夫用鴈,亦非以其贄之義,因卿禮耳。

画。

卿勞賓用鴈者,變於《相見》也。

大

爾,故此大夫亦得兼卿言也。

大夫即於

館之外門外,東面奠之,上介受之,亦東

降用卑者之贄之義,但因賓禮耳。鴈也。此卿亦執鴈以勞上介,亦非尊者勞之,於其館。上介亦不見,士介爲受

右卿大夫勞賓介

君使卿韋弁歸饔餼五牢。饔音雍。

者,變於聘服,且敬也。 經屨。章弁加於皮弁,而歸饔餼用之章弁,即爵弁也,其服,純衣纁裳、靺韐

注曰:朝服,示不受也。上介請事,賓朝服禮辭。

受之當以尊服

有司人陳。

<u>:</u> <u>F</u>.

賓禮辭而許,乃入陳也。

独

注曰:謂飪與腥。

飪 外 繼 有 公謂 饔皆掌割亨之事 腥,乃曰饔者,主於飪 殺牲 而 割 亨 丁, 斯 焉 可 曰 見矣。 饔。 而 言也 周 是 官》内 禮 有

膷、 腊 東 飪 面 臐、膮,蓋 腸 牢,鼎 北 胃 同 九、設于西階 上當 鼎、 陪牛羊豕。 膚、鮮 碑,南 陳。 魚、鮮腊,設扃 鮮 前 並 牛、羊、豕、 音仙,下同。 陪鼎 當 内 腳音 鼏 魚 廉

所以識 陪 臐,豕 注 之,庶 日 日 膷臐 日景别 羞 膮 加 皆 膮,陪鼎三也。 也。 陰 香美之名。 陽 膚,豕肉。 也 牛曰 今 宫 時 必 腳,羊曰 有 臛 碑 也

香。

臐,許云反。

膮,許堯反。

前

腥

方,統於客也,客謂大夫奉君命者。凡繼公謂:先言飪,上之也。設饔先於西

堂上八豆,設于户西,西

陳,皆二以並

東

二年,鼎二七,無 語辭。 東西 鼎 膷鼎 於階 鼎 饔餼 耳,是以 西階之東 西 則 以 面,南陳,如 が 脚 馬 上 。 前者,明其加也 南北之中,所 之牢 又以 南北之節也。 云陪牛、羊、豕,明其 少者 廉 雖 其貴,故 也。 有 古者宫 爲 飪 多 貴 陪 鮮魚、鮮腊,設于 鼎 寡 以 加 也 二列 鼎 飪鼎 識 庭 而 而 當 上 深 有 異 然 飪 内 當碑,謂 以 淺 碑 之 (鼎相當 鼎 廉 惟 牛爲 也。 也。 九 \_\_\_ 蓋 而 且 不 牢 居 上,陪 牛鼎、 蓋 也 内 其 Œ 有 則 廉 設 階 發 庭 陪 同

碑 階 加 子男饔餼云「腥十有 鼎二七,降於子男 前 也 者 者 可 ,宜少東,此 設 殺 鼎 也。 于 階 如 前 飪 也。 則宜少 八」,無鮮 皆 亦 《周官 辟 如 西 堂 其 也 塗 北 掌客》言 魚、鮮 上, 其 在 Ŀ 西 當

上。韭菹,其南醢醢。屈。醢,他感反。

也。並,併也。醓,肉汁也。醓醢,醢有注曰:户,室户也。東上,變于親食賓

醓。

也。 臡 昌本,●昌北麋臡,臡西青菹,菹南鹿臡, 耳。云屈者,言設餘豆之法也。 韭菹、醯醢,則爲朝 醓醢,見其爲二以 東上者,每列以 繼公謂:二以並者,八豆皆兩 '西茆菹,菹北麋臡,曲折而下,所謂 設豆不綪而屈,亦歸禮之異者。 東者 並 之位 爲尊也。 事之豆 心也。 一可知,文省 兩而設也。 八豆 韭菹 醓 一惟言 其南 醢 屈 西

八鉶繼之,牛以西羊、豕,豕南牛,以東羊、乃變言錯者,取其二物相間之意。北,稷在南,次西次北,餘皆如豆之屈。八簋,黍、稷各四也。簋繼豆,上簋黍在八簋,黍、稷各四也。簋繼豆,上簋黍在

八簋繼之,黍其南稷。錯,七各反。

豕。

注曰:鉶,羹器。

兩簠繼之,梁在北。疏曰:此爲也。

位例之,則自簋以下亦皆西陳也。尊於稻,醴與酒則稻尊於粱。以西夾饌於正饌。粱在北,上也,凡米與食則粱筮不次簋者,粱、稻加也。凡加饌,必别

**醓醢,屈。六簋繼之,黍其東稷,錯。四鉶西夾六豆,設于西墉下,北上。韭菹,其東** 

❶ 「西」,原誤作「而」,今據庫本改。

二: 七

八壺設于西序,北上,二以並

南南

三八

繼之, 繼 之,牛以南羊,羊 粱在 一,東 西,皆二以 東豕,豕 並 南 以 陳。 北 牛。 六 壺 兩 簠 西

上,二以並

陳。

此饌 六 上 不 室皆云夾者,以 者之位相 著 壺 屬 其 者、稻酒、黍 所, 腥 牢 蓋 似,下放此 也 亦 與正室、夾房而立名也。 近 西夾, 酒 於簠 粱酒各二壺 西夾 而 設之,與在 室 也。 也。 東 堂 壺 西

陳。 饌 于 東 方, 亦如之,西北上。 壺 東上, 西

其 注 東 日 醓 : 東 醢 方,東 屈 夾 室。 西 北 上, 亦 韭 菹

言 堂上之饌 夾 亦 繼 八室 之 饌 屬 公 韭 調 腥 菹 牢 亦 東北 皆 東方,東夾 也 在 西 饌 北 腥 上,各順之也。 之 上。 鼎 西 皆 東 北 飪 西 墉下 也。 鼎 面 東 北 也。 此 上,故 面 屬飪者於 東 北 西 夾 上,故 北 之 東 Ė, 饌 西

> 鈃之數 則堂 自三 矣。 堂 上 夾之饌六而 室之饌先 E 兩 夾之數 屬 上之饌八,而鈃六,腥鼎 以 凡 率 鼎 上 腥者於夾室, 降 西後東,是腥牢 俎 則 同 鈃 於 恒 豆 四 奇, 豆 簋 也。 簋者兩,故 之 豆 數 簋 亦 率 之 牢則 異 亦 屬 降 以 尊 於 恒 兩 此 七,則東 西者爲 卑 偶 簠 飪 鼎 也 鼎 者 故 面 九, 堂 西 尊 夾

醯 一、醢 百甕,夾碑,十以爲列, 醯 在東。 甕,烏

弄反。

以 爲 中 之中央而 百 央, 見 尊 甕,醯、醢 所尚 也。 是總 設 矣。 上者少 爲腥 甕 各半 之位 飪 北 也。 設之也。 一、飪在 於鼎矣,此 云 夾碑,是 西 「**,** 腥 醯 居於鼎 在 在 居 東, 東、足 於 醢 之 鼎

豕 餼 ,豕西牛、羊、豕。 二字 陳 于門西,北 面 東上。 牛以 西

亦居其左。 注 曰: 牛羊, 右手牽之。 豕,束之,寢右

牢爲 東 之車在焉,亦不足以容此 所陳,宜 繼公謂 上, 一列, 門 與 餼 西之 之相 變於腥,亦 陳 于 位 近, 内者,以堂上、 然 且門 也, 以 亦 外有 餼禮故也。 惟 變 有 於 米禾 庭 牢故 饔。 中 ·薪芻 ·皆有 也。

行,並 上。 米百筥,筥半斛,設于中庭,十以爲列,北 戸郎 黍、粱、稻皆二行,稷四行。筥,居日反。 反。

案:

注云寢右,言其東上而

西足也。

也。 注 日 : 東西爲列,列當醯醢南,亦相變

指 禮 米宜從 繼公謂 也。 其 所 中庭 之。 以 此 明 米 乃東 饔 之,其南北之節宜於庭 從 有 餼 西之中,繼餼 醯 者也。 醢 餼 有 餼 筥 陳 於 而 米,盛大 言,故 内, 小 故

> 門外米三十車,車秉有五籔,設于門東,爲 南。 下,而不用稷,蓋稷不可以爲酒故也 則以黍爲上,稻爲下,酒則稻爲上,梁 米以黍爲上,稷爲下,於此見之矣。 君同,然則公與子男之卿 此侯伯之卿,其米 職言待侯伯之禮 其下也,故多之以足百筥之數。《掌客 東陳。禾三十車,車三,托,設于門 黍、稻、粱皆二行而稷獨四行者,以 「醯、醢 與 、醯、醢之數乃與 百罋,米 亦可 知 矣。 白 筥」, 食 爲 凡 其

西,西 三列, 陳。籔,所主反。秆,都故反。

注曰: 之數。 秉、籔、秖,數名也。 籔讀若 不數

牢、死牢雜也。 牢 繼公謂: ,故禾三十車焉。 大夫饔餼 經凡言某陳者,皆謂 之禮 若朝 当其 君 米禾 則 取 數 皆 於 視 其 生 死

0.1111

三列,可知也,其列則先東而後西。前列在西,後二列以次而東也。禾不云者反是。云爲三列,每列皆南北爲之,下鄉之也。此云東陳,●是西轅也,西陳

薪芻倍禾。

已,不見其設之之法,則是二者之車,亦以其相類而相等故也。此唯言倍禾而繼公謂:倍禾謂車數也。獨言倍禾者,以食馬,故從禾陳之。

拜。 寶皮弁迎大夫于外門外,再拜。大夫不答

注曰:大夫,使者,卿也。

己致君命時之服也。 繼公謂:賓不韋弁而皮弁者,嫌其加於

揖人。

及庿門,賓揖人。注曰:賓與使者揖而人。

其禰 外 門,是賓館於大夫之廟 及廟門,大夫立,接西塾。 於入此廟不云每曲揖,是不自主人之寢 矣。《記》曰「卿館於大夫」, 俟之于入門右之位 門人也。 廟乎? 蓋古者之廟亦自有外門,與 是篇言入廟之儀詳矣,獨 ·。 既 也明矣。 則上介出 賓揖而先人, 經 云及 廟者, 請 廟 命

各爲三列,而其陳亦皆如米禾之車與?

乃開之,以便賓之出入,故自是而入廟寢之外門同,無事則閉之,今賓館於此

無每曲揖也。凡主人與客東行人廟,其

每曲揖,若諸侯則雖於其禰廟,亦有每於禰廟則每曲揖,於祖廟以上則每門、

門、每曲揖也。賓揖人義見前。

大夫奉束帛。

注曰:執其所以將命者。

人,三揖,皆行。

至於階,三讓,大夫先升一等。揖而皆行,明賓俟之於門内也。

辭,大夫先讓者,以其奉君命尊也。客此三讓者,大夫也。大夫三讓而賓三

賓從,升堂,北面聽命。

尊,則主人不敢先讓升,於《覲禮》見之。

也。國君於天子之命,西面聽之乃降升堂不西面而即北面者,辟國君之禮

拜。

大夫東面致命。

注曰:致其君命。

再拜稽首,爲將受幣也。乃云拜餼賓降,階西再拜稽首,拜餼亦如之。

禮雖以太牢,亦無幣,斯可見矣。

之,然則此幣其主於饔禮乎?

下之餼

亦如

大夫辭。

亦稱君命辭之。賓既卒拜於下,大夫乃

禮,於其降拜即辭之,不待其卒。辭之者,别於君也。凡君與異國之臣爲

升成拜。

亦饔餼異拜也,每者皆再拜稽首。

老幣。

受幣堂中西,北

面。

大夫降,出。 賓降,授

少過於西者,尊君命也。降授老幣,亦堂中西,四分楹間一在西也。賓受幣而

11.11.1

變於君禮。

出迎大夫,大夫禮辭,許。人,揖讓如初。

賓升一等,大夫從,升堂。

辭,受儐,私事也,故復其常禮。既升皆初,謂三揖三讓,賓於是三讓而大夫三

北面。

庭實設,馬乘。

乘,四也。亦設于西方。

降堂受錦,亦辟君禮。云大夫止者,嫌賓降堂,受老束錦,大夫止。

堂禮輕也。《少牢》下篇曰:「主人降,受賓爲己受幣,則當從之也,不從者,以降

宰儿。●尸、侑降。」降,謂没階也。以此

徵之,則大夫止之義見矣。

致幣,稱其致幣之辭也。 賓致幣。

大夫對,北面當楣再拜稽首,授幣于楹間,

于

賓之士於是執三馬隨之出廟門側,從者大夫降,執左馬以出。

賓送于外門外,再拜。明日,賓拜于朝,拜並受幣,而皆訝受馬也。

饔與餼,皆再拜稽首。

注曰:拜於大門外,此拜亦皮弁服

繼公謂:此所謂拜賜也

右歸賓饔餼

上介,饔餼三牢。

三牢,亦降以兩也。

飪一牢,在西,鼎七。羞鼎三。

0

注曰: 飪鼎七、無鮮魚、鮮腊也。

腥一牢,在東,鼎七。堂上之饌六。

西夾亦如之。

注

曰:六者,賓西夾之數。

其 爾 饌 亦六也。 腥牢,自二以 不設於東 上乃兼 夾, 有 以 東 腥 西 牢 夾之 惟 有

饌。

筥及罋,如上賓。

視牢數以爲隆殺,故得略 壅 上介之牢與其 獨 否,亦盛大禮 鼎 饌 也。 者皆殺 又 之而 此二 於 賓,而 者,初不 與 賓同 筥及

筥米從餼,乃與罋並言於此者,因文而

遂及之耳。

餼一牢。門外米禾視死牢,牢十車。薪芻

倍禾。

凡 其 死 牢,飪 實與 陳 與 如上賓 腥 也。 牢 + 車,則 + 車 也。

注曰"凡,凡飪以下。

下大夫韋弁,用東帛致之。上介韋弁以

受,如賓禮。

必皮弁,以無加 者皮弁以聘者,上賓 下大夫致之者,亦使人各以其 介韋弁以受,主 服之嫌故 人 如 也,故 賓 服 上 正 介 禮 爵 於此 也。 也 不 曏 上

**儐之兩馬束錦。** 

其禮如賓可知。

右歸上介饔餼

士 注 介 牢 饔 此 繼 米 四 公謂:大牢各一,降於上介者兩 日 惟 又 人,皆餼大牢,米百筥,設于門 陳于外, 餼之正 有 可 米設當門,亦十爲列 餼 見 與筥米,則筥 矣。 門, 亦 禮 爲從 所 也 館 北上。 餼 之 牢 而 外 在 罋爲從 門也。 米 外。 也。

三三四四

東上。

宰夫朝服,牽牛以致之。

注

曰:執紹牽之。

之,故朝服,士之朝服與卿大夫之弁服,繼公謂: 使宰夫,亦以其爵也。宰夫致

命,下文皆以是推之。

其差相似也。致之謂致其禮也,亦以君

士介朝服,北面再拜稽首受。

繼公謂:士介出門左,西面拜迎,北面聽注曰:適宰夫右受,由前東面授從者。

命。宰夫東面致命,士介還,少退,再拜

介拜送者,略之也。 不言宰夫退、士稽首,適宰夫右受也。 不言宰夫退、士

無擯。

注曰:明日,衆介亦各如其受之服,從賓

拜於朝。

李寶之曰:擯,當作儐,下「無擯」同。

右餼衆介

也。

**儐禮,必著之者,嫌受國** 

君之賜皆當

儐

繼公謂:

無儐者,賤也。

大夫以

上乃

有

注曰:卿,每國三人。

卿受于祖庿。●

リモニネリ

注曰:祖,王父也。

繼公謂: 于祖廟,亦尊國君之禮也。

下大夫擯。

故重之。

者,欲與上介之爵相當也。此公事也,

下大夫擯,公使爲之也。必使下大夫

擯者出請事。 大夫朝服迎于外門外,再

● 「庿」,原脱,今據明本、通本、庫本、注疏本補。

庭

實

設,

四皮。

賓奉東帛人,三揖,皆行,

拜。賓不答拜。揖,大夫先入,每門、每曲

揖。

之廟 大祖 門、每曲揖。 夫之廟惟 禰 大夫三廟,曾祖 廟又次之。 廟 而三。」記者誤也。 《王制》云:「一昭一穆,與大祖 自曾祖 此每門。謂二閤門 此受于祖 廟 而 在 下, 最 東,祖 雖别子之後 廟, 廟 故 次 亦 也。 而 有 亦 大 西 每 無

及廟門,大夫揖人。

此説見賓受饔餼條。

5.

者請命。

擯

注曰:亦從入而出請。

几筵之義有二:禮太重者不設,此類是筵者,君使尊,不敢設神位以臨之。不繼公謂:請命,亦請將其君命也。不几

也, 禮差輕者亦不設, 小聘之禮是也。

至于階,三讓

此三讓者,賓也。

升成拜。 面 賓升一等,大夫從,升堂,北 致 命。 大夫降,階 受幣堂中西,北 西 再拜稽 面。 面 聽 首。 賓降,出。 命。 賓東

大夫降,授老幣。

於是進立于中庭,西面。

自三讓至此,其禮意與歸

獿

餼

同。

大夫

無擯。

醴,而束帛 無 **儐禮**,若不在國 儐,遠辟 庭 君 實 也 無 則 嫌 同 臣 ,故不用之,聘賓有 之儐雖 殺 於主 君之

右問卿

擯者出請事,賓面,如覿幣。

注曰:面亦見也。

繼公謂:聘使私見于主君曰覿,大夫曰

三五

面 ,蓋異其稱以别尊卑也。 然《周 禮》以

私觀爲私 面,則 又通 而言之,與此 異。

賓奉幣,庭實從

覿

幣,束錦

也

,後放此

注曰:庭實,四馬。

繼公謂:擯者入告,出許,賓乃入,介禮

皆放此。

入門右。

注曰:見,私事也, 雖敵,賓猶謙,入門

右,爲若降等然

繼公謂: 亦中門 丽 人 乃· 右 也,下放 此

入門右者,欲於此北

面奠幣

也。

賓與大

繼公謂:

稱面不言東鄉,可

知

也。

稱

面

夫爵敵,乃若降等然者,不敢自同於奉

因也。 命之禮 也。 凡自敵 大夫不 以下客禮之相因 出 迎 以以 面 與 而 問 行 禮 者,

大夫辭。

惟

於内俟之。

於中庭 南 面辭之。

賓遂左

大夫不俟其奠幣 而遂左,此則異於降等者 而親 幹, 也。 賓 亦 不 於是賓 果 奠 小

立于人門左之位以俟之。

庭實設,揖讓如初。大夫升一等,賓從之。 庭實既設于西方,大夫乃至,入門右之

賓亦三辭。

位,揖賓而皆行。

如初,謂三揖三讓也

大夫西面,賓稱面

注 曰:稱,舉也。 舉相見之辭 以 相 接。

者,敵者之禮也。亦以曏者以大夫辭之

大夫對 退,西面立。 ,北面當楣再拜,受幣于楹間

南

面

不得爲禮於下故

爾。

不稽首,别於聘君之命。 賓亦當少退,

賓不振幣,異於授主君也。不言受馬之

儀,如覿 可 知

賓當 楣 再拜送幣,降,出。 大夫降,授老

#### 右賓 私 面

擯者 出請事。 上介特面,幣如覿。介奉

幣。

注曰:特面者,異於主君。 君尊,衆介始

覿不自别也。

繼公謂:特面,獨請面也。上介與大夫

尊不相遠,故别於士介面,不與之同面 又初面之儀,亦與賓異,故無嫌。

皮,二人贊。

注曰:亦儷皮也。

入門右,奠幣,再拜。

注曰:降等也。

繼公謂: 介奠幣,贊者亦奠皮出

大夫辭。

注曰:於辭上介則出。 繼公謂:於其既拜乃辭之,降於賓也。

擯者反幣。

注曰:出還于上介也。

者,取之出請受,而上介受之也。不禮 繼公謂:此與請受之言互見也。 反 幣

辭者,亦别於君。主人之士亦取皮從其

幣以出,委之於門外。上介既受幣,則

贊者亦取之。

庭實入設,介奉幣人,大夫揖 讓如初。

北 右之位,揖而皆行也。 介入門左,少立。 画。 大夫亦進,至於入門 大夫先升,當楣

介升,大夫再拜受。

注曰:亦於楹間 南 面 而受。

受於堂上,亦得在楹間也。也。介於卿雖降一等,然同爲大夫,故繼公謂:云介升,大夫再拜,明其不稱面

則揖而先升,西面。介升拜於西階上,繼公謂:降拜者,亦貶於卿。大夫既辭,

北

面

也

## 右上介私面

幣,皆再拜。大夫辭,介逆出。 擯者出請。衆介面,如觀幣,入門右,奠

擯者執上幣出,禮請受,賓辭。於士介亦親辭,辟君也。

注曰:賓亦爲士介辭。

繼公謂:惟執上幣,是亦不必其受之也。

拜。 大夫答 人坐取群幣以從之。相,息亮反。辟音避 以 此士 于中庭者,以大夫降立於此故也。 士介皆辟。 人 介私 再拜。 而 大 面之儀,大約 夫親 擯者執上幣,立于門 老受擯者幣于中庭、士三 辭 爲異。 與 其觀 老受擯者 禮 中 同 以 惟 相

## 右衆介私面

擯者出請事。 賓出,大夫送于外門外,再

拜,賓不顧。

**擯者退,大夫拜辱。**也。禮,於尊者拜,或辟去而不敢當。 也。禮,於尊者拜,或辟去而不敢當。 資亦告事畢乃出也。此言賓不顧,見敵

注曰:拜送也。

辱,謝 繼 公謂: 其屈 擯 辱而相 者從大 己也。 夫 出 門 此 丽 拜 遂 亦 退。 兼 拜

# 義,經蓋以其所主者立文也。

### 右賓退

下大夫嘗使至者,幣及之。使,所吏反。

注曰: 嘗使至己國,則以幣問之也。君

子不忘舊。

繼公謂:使至者,謂小聘之使,或爲上介

者也。言及之,明非正禮。

幣之禮。 上介朝服,三介,問下大夫,下大夫如卿受

注曰:上介三介,下大表使之禮也。

夫三介。若大國之卿七介,小聘使大夫疏曰:據此篇,大聘使卿五介,小聘使大

也。問下大夫使上介,是各以其爵也。五介,小國之卿三介,小聘使大夫一介

其面,如賓面于卿之禮。 繼公謂:此異於卿者,上士擯耳。

面,亦殺於正禮。 如其禮耳。庭實則用儷皮也。士介不

右問下大夫嘗使者

大夫若不見。賢遍反。

注曰:有故也。

君使大夫各以其爵爲之受,如主人受幣

禮,不拜。爲,于僞反。

夫也,則使大夫。不拜,代受之耳,不當注曰:各以其爵,主人卿也,則使卿,大

主人禮也。

言不拜,見其重者耳。 此受者非主人,則亦無揖讓之禮也,惟當也。聘君問卿使卿,問大夫使大夫。當也。聘君問卿使卿,問大夫使大夫。

#### 四〇

## 右代受問

皆宜

用朝事者,而各去其末之二。

其

夕,夫人使下大夫韋弁歸禮。

敢與君 服 也。 享,其器幣略同,其日又同,則使者之同 注 朝君之禮 繼公謂:次日之夕,夫人乃歸禮,不惟 亦宜也。 曰: 夕, 問卿之夕也。 使下大夫者,亦下君,或亦辟其於 同 也。 日,又且不敢同其時,皆下之 亦韋弁者,君與夫 人之聘 不

堂上籩豆六,設于户東,西上,二以並,東

陳。

注 曰: 籩豆六者,下君禮也。 設于户東,

又辟饌位也

也。 籩,乃言籩豆者,文順耳。此六豆、六籩 公謂: 籩豆六,與子男之禮 凡設籩 豆自二以上,皆先 同,重聘 豆 而 後 使

> 壺設于東序,北上,二以並,南陳,醙、黍、 其異 終。 也。 無牢,故惟有堂上之饌,而設于户東,示 饌爲飪也,西夾、東夾之饌爲腥也。 其南醓 之之序,則 此禮主於飲,主君之禮主於食。 (也。不用簋、簠、鉶者,亦以無牢故 饔餼之禮,其饌各 醢,屈以終。麷其南蕡,亦屈 豆皆在西,籩繼之而東,韭 有 所 屬,户西 此 之 以

清,皆兩壺。醙,所九反。

尊,先設之。 之,粱次之,皆有清 互相備,明三酒六壺也。 注曰:酸,白酒也。 白,以 凡酒,稻爲 先言 黍閒 醙,白酒 清 上,黍次

未詳。 之,粱次之」,蓋據《内則》三醴之次言之 繼公謂: 設于東序北 案: 注 云「凡酒、稻爲上、黍次 上,亦統 於豆。 醙

得而 復殺,且君於士介已無堂上之饌故

也

大夫以束帛致之。

也。

殺於飧,乃致者,蓋主君以設飧爲差輕 以東帛致其禮,亦盛之也。飧不致,此

而夫人以歸禮爲特重。所以異也

賓如受饔之禮,殯之乘馬、束錦 此亦不盡與受饔之禮同,云如者,亦大

上介四豆、四籩、四壺,受之如賓禮。

四豆者,去菁菹、鹿臡,四籩者,去形鹽

略言之。

膴,四壺者,去粱酒。 不言其位,如賓可

者,下大夫可知。 賓禮者,亦如其受饔之禮也。 知也。言受之,明亦用束帛致之也。 於上介亦使下大夫 不言所使 如如

**儐之兩馬、束** 者,禮窮則同也。 錦

夫人歸禮不及士介者,以其禮薄,不 可

明日,賓拜禮于朝。

注曰:於是乃言賓拜,明介從拜也。

大夫餼賓大牢,米八筐。

右夫人歸禮于賓介

注曰:其陳於門外,黍、粱各 二筐,稷

筐,二次並,南陳,無稻。

上。

於君米二筐也,所以下之。此亦陳於其 繼公謂:君餼賓,米百筥,筥半斛。此米 八筐,筐五斛,以量言之,則八筐者,殺

館之外門外。

賓迎再拜,老牽牛以致之,賓再拜稽首受。

老退,賓再拜送。

賓出門左,西 面 拜 迎 聽 命。 老東 面 致

三四四

牲陳於後,

東

四

四

同。 親致於賓,亦使卿 賓,且辟君禮 於此因其禮,與使者受儐 乃 者,蓋以大夫曏者稽首受其君 致之者,大夫之臣,老爲尊 命 拜迎之,亦重其爲使也。 大夫不親餼者,以其禮輕,不 賓還北面 也。 拜,乃適老右受。 君 歸 饔餼 而稽首 也。 再拜 於朝 命, 賓 稽 此 欲 之 於老 君 故 首 使 意 賓 煩 受 則 老

上介亦如之。

然則此牢米亦如賓矣,蓋以其具不 也 可 得

丽

殺

故

衆介皆少牢,米六筐,皆士牽羊以致之。 注曰: 士亦大夫之貴臣

賤,亦 禮,如賓可知。 於賓上介使老,於衆介使 繼公謂:米六筐,蓋黍、粱、稷各二筐 不可 以 無 所别 也。 士,所 不 言受之之 使者 也 雖

## 右大夫餼賓介

公于賓,壹食, 再 響。 食音嗣,下並同

大夫禮》 注曰:此饗,謂亨大牢以 曰「設洗如饗」,則饗與食 飲賓也。 《公食 互相

先後也。

繼公案: 注云 互相先後,謂食居 饗之

間 也。

燕與羞俶獻,無常數。 注 日 羞,謂 禽 羞 鴈 俶,尺六反 鶩之屬, 成 熟 煎

所謂 時賜無常數,由恩意也

也。

俶,始也。

始

獻

四

時

新

物、《

《聘義

和

也。 潤。 靡,膳膏腥; 豚,膳膏 繼公謂: 《 庖 燕亦無常數,異於朝君 香 人》 羞,謂禽 職 夏行 冬行鱻羽,膳膏羶 日 元凡 腒 羞 鯆 、《周官》亦謂 膳 用 膏 禽 也。 臊 潤 心即 春 秋 此 之禽 行 行 羞 羔 犢

賓介皆明日拜于朝

禽羞亦拜之者,謝主君之意也。 雖與焉,然禮不爲己,故不必拜。 主於其所受者也。饗賓、燕賓之時,介 文宜在下句之下也。賓與介之拜 見賓禮,乃言介拜,似 非其 次、蓋 賜,各 賓於 此

上介,壹食,壹饗。

注曰:饗賓,介爲介,從饗獻矣,復特饗

繼公謂:云壹食壹饗,見先食而後饗也 之,客之也。

下文放此。

# 右饗食燕羞獻

**侑幣**,如致饔,無擯。 若不親食,使大夫各以其爵,朝服致之以 侑音又。

注 致之,不廢其禮 日 君不親 食,謂 也 致禮於卿,使 有疾 及他 故 也。 卿, 必 致

> 禮於大夫,使大夫,非必命數 也。 無償,

以 己本宜 往

疏曰: 他故者,死喪之事。

有故而 宜異 以其爵者,賓介之爵不同, 繼公謂:若不親食之文,雖主於君,然賓 也。古人於所使者,或尊或卑,亦 不及往者,其禮亦存焉。 則所 使者亦 致之各

莫不有義存焉。

致饗以 酬幣,亦如之。

注曰 : 酬幣,所用未聞也。 禮幣束帛 乘

馬,亦不是過也。

大夫於賓,壹饗,壹食。 繼公謂:酬幣,説見《士昏禮》。 上介,若食若饗。

嘗使者亦存焉。云若食若饗,是主於食 此大夫與餼賓介者,皆謂卿也。下大夫

也。 蓋饗賓之時,介已爲介故也。

若不親饗,則公作大夫致之以酬幣, 致食

以侑幣。

重也。 實。 能 爵 注 作其同爵者爲致之。 事,君臣同之。 繼公謂:酬幣、侑幣皆用束錦,亦 使,故須告公也。 者爲之致之。 曰:作,使也。 若不親饗食,則使人告于公,公乃 此致之以大夫,不嫌與君同者, 大夫有故, 列國之賓來,榮 必使大夫者,其禮 同爵者非己之所 君必使其 有 厚 庭 之 同

## 右大夫饗食

公作之故也。

君使卿皮弁還 皮 玉、圭、璋也。 弁者,重 玉于館 還 還 於 玉,即 其 君, 還贄之義。 故 如 聘 服 使 也。 卿

人

乃執玉。 人,則是不揖之也。大夫亦襲,至廟門, 文省也。禮不主於己,故不拜。云帥以 不事至乃襲,辟君也。不言出請人告,

大夫升自西階,鉤楹

命也。 鉤楹 受者,且尊者之禮異也 主,則是大夫南面,立於中堂 堂深而東 由 南面致命而不東面者,宜别 楹纳 行也。 也 下文云賓自左 必云鉤 楹 一者,見 少 西 南 於親 其 丽 面 致 受

賓自碑内聽命。

夫在西,分庭皆行,大夫直行而升,賓則内,見於庭少北也。入門而賓在東,大聽命於下,以君命不主於己也。言自碑

● 「重」,明本、通本作「衆」,庫本作「象」。

寶皮弁,襲,迎于外門外,不拜,帥大夫以

者,亦欲與賓相當也

阼

階

東

當 也 此 0 鄉鄉 碑 東 凡大夫於君 致 少北乃西行,負 命 者 也。 不 命之主於己者,聽 於 阼 碑, 階 北 西 亦 面 立 主 命 位 於

立。 升自 西 階,自左,南 面受圭,退負右房 而

於上,乃降拜之。

亦 館 於此 退,負右房而立俟,降階之節也。必俟 也 當 注 亦 繼公謂: 訝 鉤 有 於大夫」,而此 二人俱代 曰:自左南面,右大夫竝受也。 左 受, 者,辟主位 楹 右房明矣。 升自 乃 由 南 大夫之後,乃自左受之玉。 君行禮,故皆不北面。賓 面 西 且 且 並受者,代受之,示異 云負右房,則大夫之家 階,非受玉之正主也。 便於降。 《記》 ) 白「卿

大 夫 降 中 庭,賓降自 碑内,東面,授上介于

> 注 日 : 大夫降出,言中庭者, 爲賓 降 節

也。

庭。 者所由之塗也。 降,蓋以之爲節 降 繼公謂: 而至于中庭,賓乃 《司儀》職 中庭,西方 曰 也。 還 既授,上介則復立 圭如將幣之儀,謂君 發於負右房之位 南北之中也。 自 碑 内者,反其 于 大夫 曏 中 而

親還之也,則其禮皆與此異矣。

上介出請,賓迎。 見者放此。 請 ,謂請命也。 如 初入者,自帥人以至授介 不言入告,亦文省,下不 大夫還璋,如初入。

往反。 賓裼 迎。 大夫賄用束紡。 賄,呼罪反。 紡,方

皆

如之也。

還璋,爲夫人還之。

日 : 賄,予人財之言也。 紡,紡 絲 爲

注

0 亦」,庫本作「辟」。

右還玉及賄、禮

大夫於賓裼亦裼。亦上介出請入告乃繼公謂:裼者,已受聘玉,則復其常也。之,今之縳也,所以遺聘君,相厚之至。

紡緇」,紡與禪對言,則紡非單絲矣。而不用庭實。《吕氏春秋》曰「以禪緇當迎之。賄禮主於答其聘,故略於聘禮,

禮玉束帛乘皮。

注曰:禮,禮聘君也,所以報享也。亦言

玉璧可知也。

東帛加玉如享禮,其執皮亦有攝張之節。繼公謂:不言迎大夫,文又省。乘皮先設,

皆如還玉禮。

如中,是亦大概言之耳。皆者,皆賄與禮玉也。禮玉之庭實不在

大夫出,賓送,不拜。

不拜送與不拜迎之意同。 亦上介出請,大夫告事畢,乃出,送之。

公館賓。

蓋朝服而立於賓館之外門,東向,亦接者之拜也。此禮在還玉之明日,是時公館者,就其館之稱也。公館賓,將致四

西塾。

賓辟。辟音避。

也,乃辟者,其爲有拜送之禮與? 此夫,其拜皆爲拜君命之辱。賓出受之可稱。此主君於聘享、夫人之聘享、問大稱。此主君於聘享、夫人之聘享、問大不敢辭,不敢見,若隱辟然,故經以之爲

上介聽命。

「辟」字義,與上文所云者異。

承命,告于寡君之老。」 注曰:擯者每贊君辭,上介則曰:「敢不

繼公謂:上介聽命,蓋西面於外門外之

三四六

東塾,少南,不敢當君也。

繼公謂:拜聘享與問,謝聘君也,所謂拜注曰:拜此四事,公東面拜,擯者北面。

貺也。拜送賓,以賓將去也。

公退。 賓從,請命于朝。

焉。受命于朝,臣禮也。此言請命,《周主君有拜聘問等事,故於此從而請命敢當君館已之禮耳,上介既入告,乃知請命,欲親受公命也。曏者賓辟,但不

公辭,賓退。

官》言拜辱,亦其異者也。

辭者,謂曏已拜,今無事矣。

右公館賓

賓三拜乘禽於朝,訝聽之。

之三拜,三拜則不稽首。 發去乃拜乘 而總拜之。 乘 禽, 禽 以 雖 乘 輕,受賜多矣,故爲 禽之賜 此禮在公館 終於 此 也, 賓

右賓拜賜

之明日。

遂行,舍于郊。

注曰:郊,近郊。

繼公謂:舍于郊者,爲當與主國爲禮於

此也。

公使卿贈,如覿幣。

注曰:言如覿幣,見爲反報也。

節也。如觀幣,帛用東也,其庭實亦存繼公謂:出郊而後贈,亦異於答聘君之

贈,説見《士昏禮》。

焉。

親受覿

m

使人贈,君臣之禮

也。

受于舍門外,如受勞禮,無償。勞,力報反,下

並同。

注曰:如受勞禮,以贈勞同節。

繼公謂:舍門外受之,變於來時也。無

僧,以其答己之覿故也。

如其覿幣。 使下大夫贈上介,亦如之。使士贈衆介,

之庭實如賓。
於上介用東帛,於衆介各用東帛,上介

之。使人贈衆介,如其面幣。 大夫親贈,如其面幣,無償。贈上介亦如

同。 親贈,爲報其 所贈者皆用錦 大夫親贈無償可知,承上文無 (面,故 也。 賓 不 與 嫌 上介之庭 與 君 禮 同。 **僧之** 實 亦 此

而使人贈衆介,以其降等也,亦爲曏者

後,故重言以明之。

大夫

親贈

賓、上介,

不親受。

士送至于竟。 音境,下並同

見之、未詳。 受"其出也,如 假道 臣相爲國客,其人也,則三積,皆三 「主國待客,出入三積。」是篇前後皆不 此至于竟、謂没其竟也。 如 初。 **同** 人之積。 儀》職言公侯伯子男之 《聘義》亦 若過 邦, 云 辭拜 則 亦

右贈が

使者歸,及郊,請反命。

注曰:郊,近郊也。

繼公謂:不敢徑入、恭也。請反命、其亦

使次介與?

朝服,載旜。

載旜,爲反命 之者,出時受命,至此而斂,歸時反命, 命,使事 云朝服者,反命則執 之終,是以 也 君 既許,乃可爲之。 重之也。 玉,嫌 當 如 及郊即 聘 服 反 也。 他

介,士介也。

至此而載,亦其節也。至己之門外乃斂

之。

禳,乃人。禳,如羊反。

禮推之,則天子、諸侯之出而反者,其亦 外,不能必其無不祥之事故也。 也。 禳,祭名,所以 禳乃人者,其 除 不 意 祥者 以 爲 也。 使者 又以 久 出 人 是 在 或

皆陳,上介公幣陳,他介皆否。乃入,陳幣于朝,西上。上賓之公幣、私幣

有

此祭與?

贈賜 幣 幣。 也。 幣,使者及介所 注 曰:皆否者,公幣、私幣皆 君之賜 其陳之及卿 也。 其禮於君者 其 或 也。 陳 得於 私 不 大夫處者待之,如 或 幣, 陳。 不 彼 陳,詳 卿大夫之幣也。 或 上賓,使者。公 君、 尊 卿 不 而 大 陳。 夫之 略 此 夕 鬼

> 也。 各有幣焉。 幣,則主國 食侑幣也,饗酬幣也 幣,饗有酬 幣也,饗酬幣 幣 疏 介公幣,則致饔餼幣也,夫人致禮幣也 也,賓之私幣,則主國三 也 日 禮於君者,謂 ,致饔餼幣也,夫人歸 賓之公幣,則 三卿或饗或食,要有 幣,又皆有 又三卿皆有郊幣,如 也,再饗 i 賄用· 主 ,郊贈幣也; 君 郊 酬 束紡,禮用束帛 卿皆一,食有 郊勞幣 贈幣也。 幣也,郊 禮幣 其 也 也 其 . ? 其 其 贈 面 食 醴 E 則 私 幣 侑 侑 賓

之先後爲序,而西上也。 幣又次之,其三者之幣,又各以所得禮 濱之公幣在西,私幣次而東,上介之公繼公謂:此乃入,謂入公門也。西上,則

乘皮之類。

東帛各加其庭實皮左。

上經云陳皮北首,此皮左,皮上左也,故

之乎? 於君物也。 皮者,則東帛奠之於地與? 不布幕,别 云 加 然則 是禮 或曰皮左,猶言左皮。 此 蓋 於庭實之皮,其各重 主於有皮者言也,若 累 無 陳

注

: 某

君

某

國

君

也。

某宫,若言

桓

某

君

再

7拜,謂

再

拜受也。

公南鄉。 鄉、許亮反。

注 曰:亦宰告于君,君乃朝服出門左,南

鄉。

執璋,屈繅,立于其左。 卿進使者。 使者執圭,垂 繅、北面。 上介

也。 者可知矣。 使者,進之,上介立于其 人,士介皆隨入門右,北 君使卿進使者。使者執圭,上介執璋 介執玉常屈 此經文省爾。 繅,以是推之,則經所不見 使者執玉常垂 左,與受命 面,東上。 一繅,上 君 時 揖 同 而

宫,某君 反 命日 再拜。 「以君 命 以享某君 聘于某君,某君 ,某君再拜。」 受幣于 某

> 宫,則是不在太廟矣。 也。 幣言之。《司儀》云將幣,皆指朝聘之玉 必言此者,明彼君敬君 宫、僖宫也。 繼公謂:聘而云受幣者,古者於玉亦以 享屬於聘,故執 圭 而 并言之。 某

宰自公左受玉。

注曰:亦於使者之東,同 面並受也。

退,至是乃進而受之。既受玉,則屈 繼公謂:君 南鄉,則宰已立于其左,少

受上介璋,致命亦如之。

矣。

也。 繼公謂: 某君再拜,以享某君夫人,某君再拜。」 注曰:致命曰:「以君命聘於某君夫人, 反者,復其所自出 致 命 ,即反命之辭 ,致者,傳其所自 致與 反 互文

來,其實一耳。

執 賄 注曰:某子,若言高子、國子。 凡使者所 幣以告,曰: 「某君使某子賄。」授宰。

當執以告君者,上介取以授之。

禮 玉 亦如之。

注曰: 亦執束帛加璧也。 告曰:「某君

使某子禮。」

則士訝受皮也。 繼公謂:使者既 告,而 陳幣之時,賄幣、 以 玉、束帛 禮 授 玉 宰,

束帛、乘皮亦以入,特不陳之耳。 於上

介取 玉、束帛,有司亦執皮。

執禮幣以盡言賜禮。 盡,子忍反

注 目 禮幣,主國 君 初禮賓之幣也。 以

疏 日 禮幣,郊勞幣也。

盡言賜禮,謂自此至於贈

公曰:「然,而 不善乎?」

注曰:而猶女也。

繼公謂:言汝豈不 善於禮 乎? 以 其賜

禮之多,故美之也

授上介幣,再拜稽首,公答再拜 不奠幣拜,辟奠贄之禮 也。

公

既

拜

則

上介復奠幣於故處焉

私幣不告。

注曰:亦略卑也。

君 勞之,再拜稽首,君答再拜。

注曰:勞之以道路勤苦。

若有獻,則曰:「某君之賜也

注 曰:言此物某君之所賜 子 爲 惠 者 也

大夫出 ,反必獻,忠孝 也。

則此所獻者,其 繼公謂:獻亦奠之於地。 賄禮中之物與?《 云某君之賜, 傳

薄不常,故有 云「厚賄之」,是賄 獻 有 禮之厚薄不常 否,時賜之物 似 也。 不足 厚

以爲獻,而他 禮 則 又在公賜中,而不必

= Ti

獻也。

「君其以賜乎?」

注曰: 不必其當君也。

之物,故獻君之辭如是。不拜者,嫌其繼公謂:賜,謂賜臣下也。此乃尊賜卑

異於公幣也。

上介徒以公賜告,如上賓之禮。

注曰:徒謂空手,不執其幣。

繼公謂:徒以告,下賓也。如,如其盡言

賜禮。

君勞之。再拜稽首。君答拜。勞士介亦

如之。

覿、私面,主君及大夫答士介之拜亦然。於士介四人旅答再拜,尊者之禮也。 私

勞賓介辭,前注有焉。

注曰:以所陳幣賜之也。禮,臣子人賜君使宰賜使者幣,使者再拜稽首。

也。 是或一禮與? 之,其例見於此及《燕》、《射》命賓之儀, 之。使者拜而君不答者,以其拜受於宰 者之意,以爲因君命乃有 以此幣賜己,今君復使宰賜之者,蓋使 繼公謂:所聘之國君與夫人及大夫,已 之,而必獻之君父,不敢自私之也。 人公門,欲歸之君 父因以與之,則拜受之,如更受賜也 凡臣拜受君命於擯贊者,則君不答 也。 案:注之「服」字恐 君於是復 此 之賜,故 以之 以 賜 君

誤。

與上介同受賜命,俱拜。注曰:士介之幣皆載以造朝,不陳之耳。賜介,介皆再拜稽首。

『不敢自私服也』,阮校引敖氏語後按曰"「敖氏【服」「服」,注文今無此字。「不敢自私之也」,注疏本作

介之幣雖不陳、不告,然既以人公門,是繼公謂:不特命上介,降於使者也。 士

亦欲歸之公也,故併賜之。

乃退。

人可知,是時君先使者而出,故亦後之退亦謂使介也。惟於使介言退,則君後

而人,其節與受命之時同。

介皆送至于使者之門。

注曰:將行,俟于門,反又送于門,與尊

長出入之禮也。

乃退揖。

4.

繼公謂:凡退者不揖,此乃揖者,是禮主注曰:揖别也。

於送使者也。

使者拜其辱。

注曰:謝之也。再拜上介,三拜士介。

繼公謂:此與上文所云大夫拜辱之意

同。拜之亦於門外之左。

右歸反命

釋幣于門。

注曰:門,大門也。布席于闑西閾外,東

画。

也。然此二禮皆未詳。始,出則禮之,門爲內外之限,入則禮之繼公謂:出于行入于門者,行爲道路之

乃至于禰,筵几于室,薦脯醢。也。然此二禮皆未詳。

注曰: 告反也。

疏曰:亦司宫設席于奥,●東面,右几。

繼公謂:既筵几,則祝先入,主人後入,

主人在右,贊者乃盥,薦脯

醢

觴酒陳。

「奥」,原誤作「粤」,今據明本、通本、庫本改。

0

注曰:主人酌進奠,一獻也。

陳者,主人與。酌奠于薦南也,以觴與繼公謂:下云三獻,則此觴乃用爵也。

**籩豆並列,故謂之陳。既奠,反位,及祝** 

獻,則惟獻者於既奠反位再拜而已。出再拜。祝釋辭,主人又再拜。其後二

釋幣而人釋奠,禮相變,且欲行飲至之

禮也。

席于阼。

設酢席于阼,變於祭,且爲將與從者爲

祭而有尸者之儀異。

禮於堂也。

主人既

獻則

酌

而

自

酢,

與

薦脯醢。

酢而有薦,亦異於祭。

三獻。

取爵酌,自酢也。 注曰:室老亞獻,士三獻也。每獻奠,

輙

亞獻、三獻者皆酢于西階上矣。● 爵 繼 1,相次 公謂 而 亞 南。 獻 主人 一獻皆 初獻 不 薦 耐 也。 酢 于阼 每 獻

則

奠

一人舉爵。

注曰:三獻禮成,更起酒也。主人奠之,

未舉也。

繼公謂:舉禹,舉觶也,●亦如《鄉飲》舉

觶之爲。

獻從者。從,才用反。

之,勞之也。皆升飲酒於西階上。注曰:從者,家臣,從行者也。主人獻

繼公謂。此獻蓋自室老始,行酬亦如之。

行酬,乃出。

獻

亦以爵

● 「舉」,原脱,今據明本、通本、庫本補。 
● 「西」,原脱,今據明本、通本、庫本補。

注 曰:主人舉奠酬從者,下辯。

吴,歸 者 以 繼公謂:行酬者,行酬酒也。出,謂主人 下,亦既 丽 行酬 而飲至,用此禮耳。 ,所謂飲 徹, 闔 牖 至 户 也。 圃 後 楚令尹子 出 也 重 獻 伐 飲 從

行,告宗 至,又或有策勲之事。 廟,反行,飲至, 《傳》曰:「凡公 舍爵,策 、勲焉,

國

君

則

既

禮也。」

上介至,亦如之。 如 其釋幣、告至也。

右釋幣于門、釋奠于禰

聘遭喪,人竟則遂也

注曰:

遭喪,主國君

薨

也。

繼公謂: 人竟則遂,爲其已承主國君之

命也。 君使士請 事,乃以入竟。

不郊勞。

夫請行者,其以賓入與? 勞,則夫人亦不使下大夫勞矣。 聘不主於嗣君,使人郊勞則嫌也。 然 則大 不 郊

不筵几。

此亦受於廟,不筵几者,變於君親受之

禮。❶

不禮賓。

禮當作醴。 君 喪 則 使 大夫受,故不

賓,以其非 Ë 主 也

主人畢歸禮

注曰: 賓所飲食不 可廢也。 禮,謂 饔餼

饗食。

繼公謂: 待賓之禮也 畢歸禮者,不可以己之喪而 禮謂食饔餼饗食。 廢

賓唯饔餼之受。

禮」下,明本、通本、庫本有「也」字。

三五五五

醴

飧,饔餼之細也。 一个,饔餼之細也。 一个,要、我们,我们是一个,我们就是一个,我们,我们是一个,我们就会是一个,我们就是一个,我们就是一个,我们就是一个,我们就是一个,我们就是一个,我们就是一个,我们

不賄,不禮玉,不贈。

遭夫人、世子之喪,君不受,使大夫受于私覿,遭喪則不覿,故主國亦不宜贈。 薨,難乎其爲辭,故闕之。贈者,所以答賄與禮玉,主君以報聘君者也,今主君

寸半耳。

受聘禮,不以凶接吉也。其他,謂禮所注曰:夫人、世子死,君爲喪主,使大夫

廟,其他如遭君喪。

疏曰:《服問》云:「君所主,夫人、妻、大

降。

子、適婦。」

繼公謂:此大夫廟受之禮,即《記》所云

遭喪,將命于大夫,主人長衣練冠以受。 以純 注曰:長衣,素純布衣也。去衰易冠,不 衣、長衣,繼皆掩尺,表之曰深衣,純 義則或合或否,而不能盡同 義,此亦遭喪也,故因 者是也。 凶接純吉也。 遭君喪之禮,凡所降者各有 吉時在裹爲 其禮 圃 用之耳,其 中衣,中 袂 其

之,不言者,可知 世子之喪,其亦皮弁服以受與? 也,主君喪,而受之之服 即大夫,文互見耳。 繼公謂:此遭喪亦謂遭主君喪 也。 長衣練冠,凶 亦 嗣 如此,則夫人、 君 使 也。 大 夫受 主人 服

右遭喪

聘君若薨于後,入竟則遂。

後、謂使者既行之後也。

云人竟則遂,

使人告使者而不反之,以其行或有遠近 是 未入竟 則 反 而 奔喪矣。 君 薨 則 其 國

故也。入竟則遂意與上同

赴者未至,則哭于巷,衰于館。 衰,七回反,下

同

也。 《奔喪》曰「諸臣在他國,爲位而哭」,亦 變於赴者至之禮與? 其哭也亦爲位。 繼公謂:赴,告喪者之稱也。 注曰: 赴,走告也。此謂赴告主國君者 哭于巷者,哭于巷門也。 哭于巷,其

受禮。

也。

謂此

時

也。

衰于館,有事而出則吉服

注曰:受饔餼也。

不受饗食。

所以不受之者,蓋以爲主君若饗食己, 有君之喪,自不宜往,故雖歸之,猶辭

而不受,是亦原其禮之所由來也

赴者至,則衰 而 出

以此見赴者之至,例在聘日之後也 但云衰而出,則其出也,非爲聘事矣。

唯稍受之。稍,所教反。

《記》云「旬而稍」,宰夫始歸 謂之稍。《漿人》職云「共賓客之稍禮」, 稍,謂漿飲乘禽之屬,以其稍稍給之,故 乘禽亦可見

云惟稍受之,對不受饗食而言也。

歸,執圭復命于殯,升自西階,不升堂。

注曰:復命于殯者,臣子之於君父,存亡

同。

云存亡同。 存亡同」者,謂此倣君存時致命之禮,故 立于其左。 升堂,告殯之禮然也。 繼公謂:亦衰而執圭也。升自西階 案:注云「臣子之於君父 是時上介亦 執璋 加 不

子即 位 不哭。

疏曰:《奔喪》云:「奔父之喪在家者,待 君薨也。諸臣待之,亦皆如朝夕哭位。 注 曰:將有事,宜清浄也。不言世子者,

繼公謂:子者,諸侯在喪之稱。 子位在

之皆如朝夕哭位。」

辯復命,如聘。子臣皆哭。辯音遍

**阼階上**,不哭者,子臣同。

注曰: 如聘者,自陳幣至于上介,以公賜

與介入,北鄉哭。鄉,許亮反。

注曰:北鄉哭,新至别於朝夕。

繼公謂:云入者,既復 人,蓋復命、奔喪宜異其節 命則出,至是乃 也。此 云 與 更

面哭。 喪》云:奔喪者非主人,入門左,中 介入,則復命之時,士介不入歟? 然則使介此時之哭,亦在西方之 庭 奔 北

> 中庭 而西上與?

出

,袒括髮

袒括髮於外,臣也。

入門右,即位踊

注 曰:從臣位,自哭而踊,如

右聘君薨

若有私喪,則哭于館,衰而居,不饗食。 注曰:私喪,謂其父母也。 衰而居,不敢

夫以君命出,聞喪,徐行而不反。」 以私服干君之吉使。《春秋傳》曰:「大

疏曰:《傳》、《春秋》宣八年《公羊傳》。 繼公謂。云哭于館者,嫌其不敢發哀於

徒趨而出。曾子曰:「爾將何之?」曰 主人之廟也。昔曾子與客立于門側,其

於爾次。」曾子北面 吾父死,將出哭於巷。」曾子曰:「反哭 加 弔焉,正此意也。

之則斯受之,是亦異於其君之喪 不饗食,謂主君饗食,己則 不往 也 ),其致

歸,使衆介先,衰而從之。

君納之,乃朝服,既反命,出 注曰:其在道路,使介居前,歸請 一公門, 釋服, 反命,

未及郊之禮耳。 繼公謂:此别於有君喪者也,經但見其 哭而歸。 其他如 若君 奔喪之禮 既許其反命,則

朝

右私喪

服,而帥衆介以行也。

5.

賓人竟而 死 遂 也

遂,謂遂其聘事者也。 若未入竟, 則 使

主人爲之具而殯

告于君,止而俟命。

注曰:具,謂始死 至 殯 所當 用

公謂:具,謂衣物之屬。 殯,即其館 丽

服

· 記

》曰:「朋

友皆在他邦,袒免。」謂

殯 殯之也。 ,則不以造 尸 包朝矣。 未 得 歸, 故 權 殯 於 此。

云

介攝其命。

上介接聞命者,其意蓋慮此 爲致聘享及問大夫之禮 也。 也與 初時, ? 必 使

君弔,介爲主人。

與賓並 注曰:雖有臣子親姻,猶不爲主人,以介 命於君 尊也。

服。 人蓋 也。 惟皮弁服矣。 主人未喪服,則君亦不錫衰,不錫衰則 弔,以此 此時其君不在,故介爲主人,受主君之 繼公謂:君弔之、己不視斂、異内外臣 禮,諸侯弔於異國之臣,皮弁錫衰。 凡諸侯弔於異國之臣,君爲之主 未 喪服 時惟 也。 介爲尊故也。 此賓死於外,雖已殯,主 介 爲 主,則 君弔蓋皮弁 袒 免。《 喪

三六〇

此 類 也。 凡諸侯弔,主人必免。

主人歸禮幣,必以用。

注曰:當中奠贈諸喪具之用,不必如賓

禮。

介受賓禮,無辭也。

注曰:介受主君賓己之禮,無所辭也。

有賓喪,嫌其辭之。

不饗食。

與私喪同,亦致則受之。

歸,介復命,柩止于門外。

注曰:門外,大門外也。 必以柩造朝

其忠心。

介卒復命,出,奉柩送之。君弔,卒殯。

注曰: 卒殯,成節乃去。

曰:卒復命,謂復命訖。 送之,謂 送 至

賓之家。 殯喪之大節,卒殯而後君與介

乃去也。

適所殯。

自外歸,載

柩 以

輲車,舉柩由阼階

升即

繼公謂:

卒殯謂既奠乃去也。

大夫之喪

若大夫介卒,亦如之。

士介死,爲之棺斂之。斂,力艷反,下同 注曰:不言上介者,小聘,上介,士也。

斂,斂于棺也。上云具,此云棺,文互見

也。其異者,殯與斂耳。

君不弔焉。

注曰:主國君使人弔,不親往。

繼公謂:此降於賓與上介,且異内外臣

也。

若賓死、未將命、則既斂于棺、造于朝、介

將命。造,七到反,下同

注曰: 朝,以己至朝,志在達君 未將命,謂 俟閒 之後 也。 以 柩 造

繼公謂:此朝謂大門外也。 介將命于

廟,如賓禮,既則歸而殯之於館。

於賓言止於門外,於上介云造於朝,文若介死,歸復命,唯上介造于朝。

若介死,雖士介,賓既復命,往,卒殯乃歸。

互見也。

注曰:往,謂送柩。

竇與上介也。
言君弔,其在既殯之後乎? 是亦降於亦如之」之中,故惟主士介而言也。不繼公謂。賓送上介,已見於「大夫介卒,

-To-

右賓介卒

小聘曰問。不享,有獻,不及夫人。主人

不筵几,不禮。面不升,不郊勞。

獻也。面猶覿也。注曰:《記》貶於聘,所以爲小也。

疏曰:面不升者,謂私覿庭中受之,不升

堂。

也。面不升,以其爲 賓,此不筵几,故不醴賓,亦相 禮亦當作醴。 繼公謂: 受於 廟 凡受 ௱ 不筵 禮 下大夫也。其禮 而 几, 設 筵 禮 几 差 因 輕 而 乃 也 如 然 醴

後。 耳。 及夫人,而此於小聘乃以 經、記於大聘,皆不言聘君有獻於主君 大聘之上介,特 云獻,繼不享而言,謂聘君之獻也。 郊勞乃使臣之禮,故言於君 初 覿 不 與士介同 有 獻 不及 人爲 禮之 夫人 異

爲異,亦未詳。

其禮,如爲介,三介。

注曰:如爲介,如爲大聘上介。

繼公謂:禮者,饔餼饗食之屬也。

右小聘

獻,私

《記》。久無事,則聘焉。

三六一

注 日:事 ,謂 盟會之屬

若有 故則卒聘。 東帛加書將命,百名以 Ĺ

書於策,不及百名書於方。

注 曰:將猶致也。名,書文也,今謂之

字。策,簡也。方,板也。

疏曰:簡是一片,策是衆簡相連。

者也,此 繼公謂。故猶事也。有故,謂有事可 與經之所謂有言者互見 爾。

也,小聘則不享。 束帛加 卒,已也。 聘者兼享而言,或亦通 書,以 書 小 加 聘 於

書而已,未必言及其故 帛上也。將命之時但稱言,以達其君之

主人使人與客讀諸門外。

注曰:主人,主國君也。 人,内史也。 書

反。

必璽之。

宰、降立、乃使人與客讀 繼公謂。公既受書,客降出,公以 書 |於廟 門外。 書授

> 客將歸,使大夫以其束帛反命於館 者,客降則出矣,無其節 也。

必與客讀之者,欲其審也。

不於内讀之

注曰:爲書報也

或有或無不可必。 命,亦如還玉之義,蓋以之爲信 其,是即曏者 繼公謂:大夫,即還玉之卿也。 節當繼禮玉之後,不見於經者,以其 加 書 者也。 以 其 東帛 也。 東帛言 此 反

明日,君館之。

此反命蓋與還玉同日,而明 日 I 君館、 之則

既受行,出,遂見宰,問幾月之資。幾,居豈 無此禮者,其館之之節亦可見矣。

繼公謂。見宰,見之於其官府也。

幾月

已。古文資作齎

注曰:資,行用也。

問行用,當知多少而

之資、公費也。問之者、欲以爲私費之

節度也。宰制國用,故問之。

使者既受,行日朝同位。

面,介立于左少退,别於其處臣也。注曰:謂前夕幣之間,同位者,使者北

云前者,蓋如前期之前。 幣與受命之位,故《記》明之。 案:注繼公謂:日朝,每日常朝也。經惟見夕

<sup>末反。</sup> 出祖,釋軷,祭酒脯,乃飲酒于其側。 較,蒲

之神。也。《詩》傳曰「軷,道祭也」,謂祭道路門,止陳車馬,釋酒脯之奠於軷,爲行始門,止陳車馬,釋酒脯之奠於軷,爲行始

之物,謂 軷之,因 繼公謂:道祭謂之軷者,爲既祭而 酒 以 脯 爲 也。 名 也。 既 釋, 釋 軷 則人爲神祭之 者,釋 其 所載 以 車

禮畢,乘車軷之而過也。酒之爲,既祭,乃與同行者飲酒於其側,如《士虞禮》佐食爲神祭黍稷、膚,祝祭

**冉反。厚,胡豆反。** 半寸,博三寸。繅三采六等,朱白倉。剡,以所以朝天子,圭與繅皆九寸,剡上寸半,厚

采爲二等,相間而爲六等也。 朱白倉,朱白倉」,既重云朱白倉,是一「朝天子,圭與繅皆九寸,繅三采六等,「朝天子,圭與繅皆九寸,繅三采六等,

誤,而失此三字也。 記》疏所引乃重有之,不知何時傳寫之 朱子曰:案上《記》只有朱白倉,而《雜

繅蓋一尺許也。剡上寸半,厚半寸,博但言其長同耳。若其廣,則玉三寸,而繼公謂:圭,謂桓圭也。圭與繅皆九寸,

就,以上下或左右數之,則六等矣。 左右各寸半 三寸,惟 三就也。 據 玉 也,其義 每 ៣ 匝 言。 則未詳。 爲 剡上 一寸半, 就,三采 三采 謂 而 六 剡 等 其

問諸侯,朱緑繅,八寸。

注曰:於天子曰朝,於諸侯曰問,《記》之

於聘,文互相備

相 疏 寸,則 朝 曰:上公朝天子,圭與繅皆九寸,則自 亦九寸。 遣臣 問 上公遣 天子亦八寸,是《記 臣 相 問 主與 繅 》於 皆

聘文互相備

也

采當去朱而 蓋 琮,繅皆二采 者 繼公謂:此言上公聘玉之繅也。朱 合 ,繅之采 ,故存朱而 而 爲 二就 也。 用白倉,乃不然者,爲其 加 也。 就, 以  $\sim$ 典 緑焉,亦尚文之意也。 瑞 以 就 覜 職 聘」, 則 日一 二等矣。 則 瑑 此 圭 朱 璋 少 緑 壁 緑

> 玉亦 繅當六寸,子男則當四 璋 不 上言 皮 凣 與 朝 寸,璧琮 玉 蓋 繅之長同也。 玉與其 省 文 八寸,以 ( 繅 耳。 九 寸,故於此但言 ^ 1寸與? 玉人》 然則 覜聘」,是公之聘 侯 職 伯 云 [聘玉 瑑 繅 與 圭 而

皆玄纁。

玄纁之帛爲之,蓋表玄而裹纁也,其表此言所用以爲繅者也。朝聘之繅,皆以

繋,長尺,絢組。繋如字。長,直亮反。絢,呼縣反裏則皆絢以采。

因以爲

飾

注曰:采成文曰

絢。

繋,無事

則

以

繋玉

舊 文互 其 絢兮」,又曰「繪 繼 公謂: 説 絢 以 見 亦 如 絢 也 繫者,繅之繫也,以 繅 爲 之采與? 畫 絢 非 者,蓋以 事後素」,而《考工記》並 是。《語》 繅言采, 采絲 飾 日 絢 「素以 物 繋言 組 之稱。 爲 絢 爲

言畫繢之事,則絢非畫也明矣。

間 爲行 注曰 大夫之幣,俟于郊,爲肆,又齎皮馬。 于近郊。 受命,有司載 列之者,不夕也。 文也。不於朝付之者,辟君禮也。 列,至則以 肆猶陳列 幣云肆,馬云齎,因其宜,亦互 問 也。 大夫之禮 付之也。 齎猶付也。使者既 使者 待于 初 郊,陳之 行, 必陳

兼云馬,是其所用亦不定也。繼公謂:經於問大夫之庭實惟言皮,此

辭無常,孫而説。孫音遜。說音悦。

注曰:孫,順也。大夫使,受命不受辭,

辭必順且說。

辭多則史,少則不達,辭苟足以達,義之至繼公謂:聘爲結好,故辭貴於孫而説。

史,言其文勝也。《論語》曰「文勝質則

也。

則文勝 略 史」,辭以達意 而 不足以達意。 而 傷 於 而已。 煩 當多 辭苟足以達,則不煩 若辭 而 當少 反 少, 而 則失於 反多,

不略,爲得其宜,故曰義之至也。

也,

卒曰敢,言不敢。 對,答問也。二者皆

繼公謂:此辭對之辭,未詳其所用之節

姑闕之。

商

海館於大夫,大夫館於士,士館於工 如館於大夫,大夫館於士,士館於工

繼公謂:古者使、介入國,但有私館而無

公館,於此可見。

注曰:客,謂使者下及士介也管人爲客,三日具沐,五日具浴。

繼公謂:三日、五日,古人平常沐浴之節

三六五

《内則》言子事父母之禮云「五日則

也

燂湯請浴,三日具沐」,又云「少事長,賤

事貴,共帥時」,則亦足以見之矣。沐

潘也。

飧不致。

不致者,宰夫設之而已,不以君命致之

也,必不致者,遠辟朝君之禮也。

賓不拜。

注曰:以不致也。

沐浴而食之。食如字。

注曰:自絜清,尊主國君賜也。記此,重

者沐浴可知。

卿,大夫訝。大夫,士訝。士皆有訝。訝,五

嫁反。

使者護客。 介也。訝,主國君所使迎待賓者,如今注曰:卿,使者。大夫,上介也。士,衆

> 之,中士則使下士訝之也。 者,嫌其賤不必訝,若上士則使中士訝 是,則以降等者爲之宜 而 繼 公謂 往, 詔 相 《掌訝》職 其事 而掌其 云:「凡訝 也。 治 令。」其 云士皆 者,賓 有 職 客 訝 如

賓即館,訝將公命。

注曰: 使已迎待之命。

繼公謂:此節宜在卿致館之後

將公

又見之以其贄。

命,蓋於外門内也。

下禮

同。

外,宜相親也。大夫訝者執鴈,士訝者注曰:復以私禮見者,訝將舍於賓館之

執雉。

於門 訝者既將公命,出,奉贄以 繼公謂:言又者,見其與 見者,以其因將公命而爲之也 外俟之。 賓未將 公事 上禮 乃不辭 請 見。 相 接 賓亦 其 也。 私

琮

,享用琥璜

伯

一,聘用

圭

璋,享用

子男,聘用

嬖

賓既 將公事,復見之以其贄。

注 E 公事,聘享問大夫。

則皆還雉於其訝。《土相 其贄,所謂還贄 繼公謂: 其贄,即訝 也 之贄 卿 則還 也。 見禮》云:「士 鴈,大夫、士 復見之以

者,以 故 見於大夫,終辭其贄。」蓋 也。 其受公命 此亦有士見於大 丽 爲訝, 夫 與 以無復見之禮 同 뻾 不終 國之降等 辭之

凡 見之也

者異,故略如

敵

者之禮,不辭其贄

而

復

之所寳者,璧琮琥璜。 四器者,惟其所寳,以聘可 也。公侯伯之所賓者,圭璋璧琮。 四 ,以聘見 器者,聘享及夫人之聘享共 不可用其不當用者 言惟知 也 得 也。 用 用 其 四 子男 公侯 所 玉器 齊

宗人授次,次以帷,少退于君之次。

注曰: 主國之門外,諸侯及卿大夫之所

使者,次位皆有常處

也。 進,答拜。」云車進, 也,宗人則主授之耳。 繼公謂:授次,授賓次也。 云少退之,則似謂在 司 儀》云:「及將幣, 此乃著君之次,亦以 是朝 車 其 微異。 -進,拜 君,謂 君 南 設次者,掌次 未嘗入于次 而 少 辱 朝 ·, 賓 君也 西 也 車

上介執圭,如重,授賓。

注 曰:慎之也。 **《曲** 禮 ₩ EI 「凡執主器,

執輕 如不克。」

授賓之時爲然,記者特於此發之耳,其 繼公謂:上介凡執玉皆如是,不惟將 聘

餘 執 玉 者 亦如之,不盡 見也

賓人門,皇,升堂,讓,將授,志趨。 注曰:皇,自莊盛 也。 志趨,卷遯 而行

三六

也。

趨。 注 特志於趨耳,言其急於授君,而行速也 於負序之位,將 於魯,公登亦登,是不讓也。 繼公謂:讓,謂必後主君也,經云「公升 二等賓升」是也。 云「志趨卷遯」是已。 《曲禮》曰:「堂上不趨,執玉不趨。」 授玉 《春秋傳》衛孫林父 也。行 將授,謂 而張 足 聘 日 發

授如争,承下如送,君還而后退。還音旋。

言其未即退之意也。君還,東面,而後退,防玉之失隊也。如送者,如送客然,送,謂既授,則以手承公手之下,而未即授如争,謂尚疾而不敢留君也。承下如

下階,發氣,怡焉。再三舉足,又趨。下,户

賓退。

注曰:發氣,舍息也。再三舉足,自安

稼反。

定,乃復趨也。

鄉者之屏氣戰色,足如有循可知矣。趨和説也。於此言發氣怡焉,言又趨,則繼公謂:下階,謂降而没階之時也。恰,

言又者,明復其常也。

執圭,人門,鞠躬焉,如恐失之。 注曰:容色複故,此皆心變見於威儀及門,正焉。

注曰:記異説也。

繼公謂:鞠躬者,敬也。如恐失之者,慎

也。

及享,發氣焉,盈容。

注曰: 孔子之於享禮,有容色。

容,禮有重輕,故敬亦有隆殺。繼公謂:聘時屏氣,享時發氣,又且盈

繼公謂: 於享乃云蹌焉,以 見聘時之不

然也。 然則 衆 介容貌之變,其 節 亦 略與

賓同矣。

私 覿 ,偷偷焉

注 日 容貌 和 敬。

疏 日 : 享時盈容,舒於聘 時之戰色。 私

覿 愉 愉 又舒於盈容。

出 如舒鴈

疏 曰:又舒於愉愉也。

皇且行,入門主敬,升堂主慎。 繼公謂: 如舒鴈,謂儀 容舒遲 如鴈鵞。

注曰: 復記執玉異説。

也。 繼公謂:主敬,鞠躬也。 先言皇且行,乃云入門主敬, 主慎,如恐失之 則 與

慎,則又與入門而 上《記》「入門,皇」者異 如恐失之者異也。 也。 云 一升堂 主 是

謂

側之間

凡

庭實,隨入,左先,皮馬相間

可

也。

間,間

注

日

隨

人,不並

行

也

:

疏 : 皮 馬 以西 頭者爲上,故左先入

陳

也。

行也。 而設,亦自無 或不能然,則一 設,用皮則宜 庭 繼公謂: 一在 皮馬 南 凡庭實, 者 也。 相 害於禮,故 俱 間,謂 節用: 用皮,用 左先,謂 謂 皮,一 凡 庭 入而 馬 實 云 其 節 則宜 可 若 設 即 也。 用 相 設 於 馬 俱用馬, 繼 左 於 ,相間 可者 叁分 而 者先 兩

許其得用之辭。

賓之幣,唯馬出,其餘皆東。

亦言幣,則幣字之所包者廣矣。 賓之幣,謂將 聘君之幣及 私 覿 者 也 馬

多貨則傷于德。

貨,指聘物而言。 聘物 有常數,若多用

儀 禮 集 説

言此者,見貨之所以不可多也。 之,則有 重貨 之意,而 傷 害於 其德 矣。

幣美則没禮

注 日 幣, 謂 東帛 也。 美之,則 是主 於

幣,而禮之本意不見也

則 故復以美戒之,然則其他聘物固不厭其 此 美爲 繼公謂: 幣 者,見幣之所 在 之,則過於禮,而禮 其 美,謂奇巧也。 八中矣。 以不必 以其出於人力之所爲, 美也。 聘幣有常制 爲之没矣。 上言貨,

賄,在聘于賄。 于,注讀作爲。

美

也

財 注 邦而爲之幣,以其幣爲之禮。」 E 也。 一人所 視賓之聘 賄,財也。 周 禮》曰: 欲 豐 也。 禮 于,讀曰爲。 凡諸侯之交,各稱 而 若苟豐之,是 爲之財 也。 言主 賓 又 或 傷 客 其 禮

> 凡執玉,無藉者襲。 藉,才夜反。

之義 藉,執 藉,謂 常,故合而爲言耳。 者也 則於其有藉者裼可知。 過此則皆裼矣。 聘以圭璋 初 、聘玉則當加敬而襲,其襲 東帛以藉 其 不相通 賓 而 主 不用束帛以爲藉 授受之時,皆襲 一, 記 玉也。 蓋 聘玉尊,當特達 人 執 特 玉 以此篇考之, 乃不言之者,裼 因 之無藉 二者之 ,所謂無 以 與 者襲 執 異 無 圃 於 藉 無 則

醴 ,不拜至

乃常禮,不特於執享玉之時爲然故也

侯相 醴賓 朝有儐禮,與醴相類 而 不 拜 至,其辟 朝君之禮 乎?

醴尊于東箱,瓦大一,有豐。 大音泰。

鱓、籩豆之類亦宜近之。 醢 士冠禮》: 在 其北,南上。 醴尊于 房中,勺、 此 尊 于 東箱 觶、 角 則 **、
極、
脯**  命致之,故曰將命。

薦 脯 五職,祭半職,横之。 祭醴 再扱,始扱

一祭,卒再祭。職音職。 扱,初洽反。

注曰:卒,謂後扱。

主人之庭實,則主人遂以出,賓之士訝受

矣。

注曰:此謂餘三馬也,左馬,賓執以出

者也。遂以出者,主人之士也。 繼公謂:主人之庭實,謂用於醴賓之時 賓之

士,其從者也。此文似以庭實主於皮馬 而言,是醴賓之庭實,或皮或馬,亦不定

也。 經惟言馬者,特見其一耳。

既覿,賓若私獻,奉獻,將命。

序尊敬也 注曰: 時有珍異之物,或賓奉之,所以自 ,猶以君命致之。

疏曰:臣統於君,雖是私獻己物,亦以君

以將之,亦其義也 父。」此臣有獻於他國之君,而

稱其

君命

繼公謂:《玉藻》曰:「親在,行

禮

於

人 稱

擯者入告,出禮辭。

注曰: 辭其獻也

賓東面坐奠獻,再拜稽首。

注曰:獻不人者,禮輕。

繼公謂:以君命將之,而奠獻於外,再拜

稽首,見其爲己物也。

擯者東面坐取獻,舉以入告,出,禮請受。 亦東面 取者,舉奠物之儀然也。請受,

説 見本篇

賓固辭,公答再拜。

禮 云答,則拜非爲受也。凡尊者與卑者之 ,而不得親受者,其儀皆然。 公拜亦

於中庭。

擯者立于閾外以相拜,賓辟。 擯者授宰夫

息亮反。 辟音避

繼公

謂

大

夫 亦

皮

弁,

襲,

迎

賓

于

大

門

注 EI : 既乃介覿

若兄弟之國,則問夫人。

問 注 猶 曰:兄弟,謂 遺 也,謂獻 同姓若婚 也。 不言獻者,變於君 姻 甥 舅有 親者。

也。

《記》言私 國,其主君之獻,或有 有問夫人之禮也。 繼公謂:此《記》似謂賓於兄弟之國,必 獻 而 云 岩, 經 不言賓之私獻,上 或 則是賓於兄弟之 無,不可必也。

《記》微 謂夫人之聘享者也,未知 乃謂必有問夫人之禮何與? 不 相 通 或 日 問 猶 是 聘也 否。 是亦 即 與上 經 所

若君 不見,見,賢遍反

注 曰 君有、 疾若他故,不見使者。

使大夫受。

注 曰:受聘享也。 大夫,上卿 也

> 自下聽命,自西階升受,負右房而 外,不拜 帥 賓以 人也 立。

賓

降 亦 降。

注 曰 : 此儀 如 還圭然,而賓、大夫易 處

耳。

不醴。

使大夫代受,則醴 -4-賓之禮 自 不 叮 行。 乃

幣之所及皆勞,不釋服。 勞,力報反。

必言之者,嫌受其聘享則當醴之也

者初 問卿,卿大夫之勞賓,皆禮之當然。 勞,則謂大夫時 之故而不勞實,亦恐非禮意。 不勞之者矣,似 經云卿大夫勞賓,而 服,謂 不 相關、《記》 皮弁服。 異 或 於經。 乃合而 有勞之者,時 不釋服之意,亦未 此云幣之所 且以 言之,似 幣 蓋 不 或 聘君之 失之 及己 及 有 皆 皆

詳。

賜 唯是祭 注 日 羹飪。 羹飪 其先,大禮 謂 筮一尸,若昭若穆。 飪 之盛 牢也。 者 也。 肉 謂之羹 腥 昭如字。 餼

祭

,則士介不祭也。

矣。 繼公謂:唯羹飪之文意不具,或 穆者皆可 異尸也。 「祭」字也。云筮一尸者,嫌并祭 并祭祖 尸云筮,則子弟之從行者衆 禰 而 唯 一尸 ,故若 祖 脱 昭 禰 若 當

僕爲祝。

-\$c

攝之。 亦 君 君 僕,御者也。 行 可 與 ,見矣。 師從, 大夫以嘉 《傳》載祝鮀之言曰:「嘉好之事 卿行旅從,臣無 僕爲祝者,祝不從行,故僕 好之事 出竟、祝皆 事焉。」然則 不從,

祝曰:「孝孫某,孝子某,薦嘉禮于皇祖某

甫,皇考某子。」祝,之又反。

謚 假 孝孫、孝子 而言,即 牢而 士則 設之辭 并 所謂 舉其字。 祭,并祭 爾 稱 於祖 大禮 凡 稱鬼 也 而一尸,皆所以異於 禰之辭 并祭祖 神,大 字祖 也。 禰,盛之也。 而 夫 禮,指 謚 則 舉 其 亦 饔

常禮。

如

饋食之禮。

食音嗣

知也。《士虞•記》云「其他如饋食」,亦饋食者,少牢饋食也。不云少牢者,可

者也。 之禮,但如其 饔,且在他國 亦不得不略。 不云特牲也,是其徵矣。 然則 所謂如者,蓋大約言之耳。 一則此 不賓尸者耳。 又此用大牢,亦與 時祭物雖多,而 此 如 賓於聘 少 彼禮 牢 禮 饋 日 異 受 儀 食

假器於大夫。

必假於大夫者,其禮其器與之同也。

胎肉及廋車。 盼音班。 廋,所求反。

注曰: 肦猶賦也。廋,廋人也。車,巾車

也。二人掌視車馬之官也。

見《周禮》。 疏曰:此謂祭訖歸胙所及。廋人、巾車,

聘日,致饔。

放也。

繼公謂: 言此,明亦有不及者矣。

肦猶

自此至「旬而稍」,記主國行禮於賓之節

也。

明日,問大夫。

所以下於其君,亦以聘日未有暇及之

也。

歸乘禽,日如其饔餼之數。稍,所敖反。夕,夫人歸禮。既致饔,旬而稍。宰夫始

其歸之,以雙爲數。其,賓與上介也。注曰:乘禽,乘行之禽也,謂鴈鶩之屬。

士中日則二雙。

以兩與?

則日三雙。

士介一牢,則一雙,亦降殺

上賓賽

餼

五

牢,則

日五

雙。

上介三牢,

繼公謂:

旬日乃

稍

者,以

饔餼之物多也。

注曰:中猶間也。不一日一雙,太寡,不

敬也。

凡獻,執一雙,委其餘於面。

注曰:執一雙以將命也。面,前也,其受

之,賓不辭,拜受于庭。上介執之,以相之也。上介受之以入告,士舉其餘從

拜于門中,乃入授人。上介受,亦如之。

士介拜受于門外。

外者,以其受餼在門外,此在門外可知。禮,故知此亦如賓也。云士介拜受於門上介受亦如之,以其受饔餼之時已如賓

禽羞,俶獻比。

下門人。 歸大禮之日,既受饔餼,請觀。訝帥之,自 注曰:比,放也。其致之,禮如乘禽。

禮,自聘以至於介之私觀,凡十餘節。歸大禮之日,即聘日也。是日所行之

既而又有受饔之事,已受饔,又以祭其以大概言之,亦必至於日幾中而后畢,

祖禰如饋食之禮。由是觀之,則日暮人

之公事未舉,而私爲道觀,亦非禮也。倦可知矣。乃復請觀,何哉? 且問卿

各以其爵,朝服。

此《記》必誤矣。

注曰:此句似非其次,宜在「凡致禮」下,

絶爛在此。

士無饔,無饔者無擯。

注曰:謂歸餼也。

李寶之曰: 擯當作儐。

皆禮之當然,無儐不爲無饔也。繼公謂: 君不致饔於士,士不儐君之使,

大夫不敢辭,君初爲之辭矣。爲,于僞反。

此上蓋有闕文。

凡致禮,皆用其饗之加籩豆。

注曰:凡致禮,謂君不親饗賓及上介,以

酬幣致其禮也。其,其賓與上介也。

禮今亡。

也。」是籩豆之加與否,已定於未饗之籩,武子辭。韓宣子曰:「寡君以爲驩繼公謂:《春秋傳》晉侯享季武子有加

云然。或曰「禮」上當有「饗」字。 先。若不親饗而歸之,嫌加者不致,故

無饔者無饗禮。

注曰:士介無饗禮。

繼公謂:此與所謂無饗者無償之意同。

凡餼、大夫黍、粱、稷、筐五斛。

黍、粱,則是皆不用稻矣。八筐者,二賓,上介米八筐,士介米六筐。而此云凡,凡賓、上介及士介也。經云大夫餼

懸,且不敢與君同用四種,皆所以遠下二稷也。其器既異於君器,又多寡相

黍、二粱、四稷也。

六筐者,二黍、二粱、

者,乃不去稷而去稻者,以當多者不宜之。凡降殺之例,自下者始。此八筐

若六筐者,則因賓介之禮,而但減其多去,而當少者不宜多也,是或一義耳。

小,大夫器寡而大,亦隆殺之宜。

者之數以別之,

無

他義

也。

君

器

多

而

既將公事,賓請歸。

國留之,饗食燕獻無日數,盡殷勤也。 注曰:謂已問大夫,事畢即請歸也。 主

繼公謂。不欲久溷主國也

凡賓拜于朝,訝聽之。

注曰:拜,拜賜也。

燕則上介爲賓,賓爲苟敬。 繼公謂:訝聽之,異於己臣也

禮 賓爲 賓, 也。 敬之位 響食之禮,君親爲主,故以賓爲賓,尊 記》云。 君與臣 在 而以爲苟敬,亦尊賓也。 阼 燕,則宰夫爲獻主,故 階 西, 北 面 「, 餘 並 見 此 不 燕 苟 賓

宰夫獻。

注曰: 爲主人代公獻

主,而 其 此與他國之臣燕亦用此禮者,所以别於 繼公謂: 君 也 使宰 燕禮輕,故君 去獻,所以 與 明 臣 君 燕 臣 則 一之義 不親爲 也。

無行,則重賄反幣。

注曰:無行,謂獨來,復無所之也。

必贈也。《春秋傳》吴公子札聘于諸國,觀,故云反。必言反幣者,嫌重賄則不來之厚意也,即贈幣也。贈幣爲報其私繼公謂:於反幣之外又重賄之,答其特

曰:「子以君命在寡君,寡君拜君命之辱。」是爲有行。

注曰:此贊君拜聘享辭也。在,存也。

「君以社稷故,在寡小君,拜。」

注曰:其卒亦曰:「寡君拜命之辱。」

又拜送。

注曰:拜送賓也。其辭蓋云:「子將有

行,寡君敢拜送。」

「君貺寡君,延及二三老,拜。」

注曰闕

賓於館堂楹間,釋四皮、東帛。 賓不致,主

人不拜。

注曰: 賓將遂去是館,留禮以禮主人,所

以謝之也。

不用錦而帛不授受,無嫌於君禮。各有當爲主人之嫌,難乎其爲授受也。亦在堂,禮之變也。不致、不拜者,賓主繼公謂:必釋於此者,明爲館故也。皮

大夫來使,無罪,饗之。使,所吏反。

云來使者,與下文所謂過者相對立文燕之禮,但言饗者,舉其盛者言之也。食,所以愧厲之也。」主國君於賓有饗食無罪,謂無失誤也。饗之,親饗之也。

也。

過

則餼之。

與不禁侵掠之類,是其罪矣。記於此者,蒙無罪之文也。若有不假道謂過邦。餼,即經所謂餼之以其禮。復謂假道而過者,則餼之也。過,即經所謂假道而過者,則餼之也。過,即經所

其介爲介。

如之。 也。 賓,而無介。 賓,而上介爲介。若饗上介,則 闕文與? 饗賓,君爲主人,故以 此上當言饗賓之禮,乃及此耳,其亦 蓋士介賤,不可以與主君爲禮故 小聘使下大夫,其饗 F 賓爲 禮 介 亦 爲 有

有大客後至,則先客不饗食,致之。食音嗣 主人待客隆殺之宜也。大客謂朝君。

音總。

唯大聘有几筵。

經於小聘云不几筵,其文已明。

十斗曰斛,十六斗曰籔,十籔曰秉。

注曰: 今江淮之閒,量名有爲籔者。●

今文籔爲逾。

繼公謂: 籔與 庾 同量。 今文籔作逾,疑

一百四十斗。

庾、逾通。

注曰:謂一車之米,秉有五籔。

四秉曰筥。

筥者。《詩》云:「彼有遺秉。」又云:「此 名也,若今萊易之間,刈稻聚把,有名爲 注曰:此秉謂刈禾盈手之秉也。筥,穧

有不斂穧。」

十筥曰椶。十稷曰秅。 四百秉爲一秅。 椶

儀禮集說卷八下

「名」,原作「各」,今據明本改。

至于階三讓,大夫先升一等。

鄭本去「三」字,注曰:古文曰「三讓」。

繼公謂:宜從古文。

至于階三讓,賓升一等。

鄭本亦去「三」字,注曰:古文曰「三讓」。

繼公謂:宜從古文。

庭實人設。

鄭本無「人」字,注云:古文曰「人設」。

繼公謂:此庭實云人設,方見庭實既出 而復入之意,若無「人」字,則文不明白

矣,宜從古文。

醴不拜至。

鄭本作「禮」,注曰:今文「禮」爲「醴」。

繼公謂:宜從今文。

不醴。

繼公謂:宜從今文。

鄭本作「禮」,注曰:

今文「禮」作「醴」。

對曰:非禮也,敢。

傳寫者因注上之「辭」字,而誤衍之也。 卒曰敢」,是無此辭字明矣。本有者,蓋 舊本「敢」下有「辭」字,案:注云「二者皆

今以注爲據删之。

# 儀禮集説卷九

#### 元 敖繼 公

撰

# 公食大夫禮第九

注曰: 於五禮屬嘉禮

疏曰 上大夫魚、腸胃、倫膚若九,若十有一, 此篇 魚、腸胃、倫膚皆七、篇末 云

下大夫則若七若九」,則此大夫謂子男

之下大夫也。

繼公謂:此篇主言食小國小聘之賓,蓋

與前篇互見其禮也

嗣,下並同,異者別見之。 公食大夫之禮。使大夫戒,各以其爵。 食音

注曰:爲既先受賜,不敢當。

上介出請,入告,三辭。

禮,賓主敵則主人親戒速,所以尊賓也。

下經見上大夫之禮而立文也。飲食之

云各以其爵,則兼卿、大夫言矣,此蓋

顧

此使戒賓而各以其爵,亦其義耳。

疏曰:饗、食皆當三辭。

繼公謂:食必三辭者,重於燕也。 燕

再辭而許。

賓出,拜辱。大夫不答拜,將命。 賓再 拜

稽首。

注曰:受命。

北面 繼公謂:賓不言朝服,可 而 拜,拜辱,説見《鄉飲酒》。 知也。 既對

乃

大夫還

賓不拜送,遂從之。 注 曰:復於君。

則

云不拜送,明有 拜送者。 先拜送,乃從

之,國君於王使之禮也。

### 右戒賓

賓朝服即位于大門外,如聘。朝,直遥反。 其 人也。 明其 謂 拜命之時,賓固朝服矣,於此乃著之者, 東南、北面、西上。 賓 入 與 於次 聘 賓即位亦於西方,東面,介立于 服 乃即位,而主君之擯者亦三 異,亦因事而見之。 如聘,

#### 右賓即 位

4

即 位,具。

賓 具,如具官饌之具,謂 印位 而主人之 有司乃具者,節也。 具其 所當陳設之

物也。

羹定。 甸人陳鼎七,當門,南面西上。 設

扃 鼏 **鼏若束若編** 

注 短則編其中。 曰:凡鼎鼏,蓋亦茅爲之,長則東本,

大牢而 繼公謂 若墨之文意同。 編,亦謂七者皆科用其 此乃言之者,亦因 上,明爲賓也。設局鼏在陳鼎之前,於 篇首雖言使大夫戒各以其爵,而篇中則 故此 西則當門。 實主言下大夫耳。 時 用七鼎,以所食者乃下大夫也。 爲 甸人掌以薪蒸,役外内饔之事, 陳 陳鼎當門南 鼎 也。 陳鼎 圃 天子則外饔爲之。 見之也。 一耳。此與若丹 於庭,少 面,君禮也。 若束若 北 耐 西 東

設洗如饗。

南。 也。 注 曰:必如饗者,先 饗禮亡、《燕禮》 響後 則設洗於作階 食,如 其 近 東 者

二八

小臣具槃匜,在東堂下。區音移。

**箪巾**,文略耳。 者,尊者一人而已,有敵者 水也。凡行禮,其以槃 爲公設盤 也。 匜,盛 祭禮有槃匜,必有簞 盥 水。 匜盤 1則否。 槃,盛 而不 不言 就 盥 巾 洗 棄

宰夫設筵,加席几。

賓至授几者,親設消醬,可以略此。注曰:設筵於户西,南面而左几。公不

無尊。

言此者,嫌酒漿或用尊也。

注曰:其俟奠於豐上也飲酒、漿飲俟于東房。

之類 六飲 而設之耳。 漿云飲者,明其爲六飲之一者也。 繼公謂: 也。 耐 云漿 酒言飲者,指其 言俟者,見 飲,亦 猶 醴在 其 已 五齊 在觶,特俟時 所用名之也 而 云 漿在 醴 齊

凡宰夫之具饌于東房。

也。酒漿不在凡中者,雖無尊猶嫌在注曰:凡,非一也。飲食之具,宰夫所掌

堂。

繼公謂:此所饌者,謂豆、簠、簋、鉶也

右陳設

人門左。公再拜。賓辟,再拜稽首。公揖公如賓服,迎賓于大門内。大夫納賓。賓

人,賓從。辟音避。

言者,亦文省。此説已在《聘禮》,後不此行禮於禰廟,亦有每門每曲之揖,不

見者放此。

注曰:廟,禰廟也。

及廟門,公揖人。賓人。

此下大夫與公升階之儀,乃與卿同。三揖至于階,三讓。公升二等,賓升。

然

則升階尊卑之差 士冠 禮》者同,與《聘禮》者異。 不過 一等。 此三揖 與

#### 右 迎 賓

大夫立于東夾南,西 面、北上。

注 曰 東夾南,東西節也。

與? 曏者公亦不 去堂遠也。群臣至是方即位於廟,則是 夫 繼公謂:大夫,亦兼上下者言也。 南,即東堂南。 西面 《士冠》、《 ,辟擯者及士位 在 廟 士昏禮》,主人皆先待於 舍坫 明矣。此其異 丽 而在 取 節於夾,見其 此耳。 於 臣 下大 東夾 禮

士立于門東,北 面,西上。

廟乃出迎賓。

注 西上者,順其本位之列,所以見此非正 繼 公謂 日 非其正位,辟賓在 立于門東,宜東 上 此 圃 統於君,乃

> 位也。 聘時大夫、士之位,亦宜如是。 西方北上、門東西上,皆上左也。

小臣東堂下,南面 · 西 上。

小臣者,小臣正 、小臣師,與其從者也

宰東夾北,西面

宰與群臣同人,以其位在 宰尊官,於此乃見之者,位定在後耳。 宰,大宰也。東夾北,北堂下之東方也。 内,故後於在

外者。

内官之士在宰東北,西面南上。 夫至此,不先即位,從君而入者,明助 注曰: 夫人之官,内宰之屬 也。 自 卿

君

大

食,賓自無事。

則宰獨立於此 宰東北,少退於宰也。 繼公謂: 内官之士,内小臣之屬也。 明矣。 此 惟 取節於宰,

在

介門西,北面,西上。

注 日 西 上 ,自統於賓。

賓而人,變於聘時也。 繼公謂: 士東,少進,負東塾,北面,東上。 人,立于階下。 介位 序於内官之後,見其 承擯、紹擯 上擯 亦隨 、則隨 不 公 立 從 於 丽

也。

# 右群臣及介即位

鄉,許亮反,下並同 公當楣,北鄉。 至 一再拜。 賓降也,公再拜。

疏 曰:公方一 拜,賓即降,賓降後,公又

拜。

至 拜 降之上不言公壹拜者,文脱 繼公謂。至再拜,言其拜至之數也。 而賓 再拜,説見《士昏禮》。 降者,急於答拜,亦 耳。 所 以 於公壹 、辟之。 賓

賓西 注 階東,北面答拜。 辭拜於下。 擯者辭。

> 拜 也

不從其命 而拜。

公降一 等。 辭曰 : 寡君從子,雖將 拜,

興

拜也。 以止之,而賓終不從命也。 日 至,其禮太崇,故答之亦與常禮異 者,擯者辭也。公降一等辭,止其 公辭 而賓猶欲拜,故擯者復 君於臣 釋 乃 拜 辭 又

賓栗階升,不拜。

注曰:自以己拜也。

繼公謂:升不拜者,以 其終拜 於公辭

記》。

命之成拜,階上北面再拜稽首。 後也。 栗階,説見《燕

主君之意猶 爲 不成。

注曰:賓降拜,主君辭之,賓雖

終拜,

於

也。 繼公謂: 既升而命之成拜,所以賓之。 拜下者,臣也。 拜于上

者,

賓

#### 右拜至

鼎西。 西上。 士舉 左人待載。 右人抽扃,坐委于鼎西 ,去鼏於外,次人,陳鼎於碑, 南 順出 南 面 自

也。 文,皆傳寫者誤也。 「鼏」當作「幂」。 碑」下脱一「南」字。 次入,鼎在 去幂亦右人也。次,序 西者先,在東者後 朝位、君南面、故陳 「西南」之「南」衍 也。

逆出,由便耳。 順出,以次而 鼎於内外皆順之。 出 也。 左人待載,蓋各立于其 鼎西,每鼎之西也 順出,正禮也,其或

雍人以俎人,陳于鼎南。 旅人南面加匕于

鼎之東,南面。

鼎,退。 注曰:雍人,掌割烹之事者。雍人言人, 旅人言退,文互相備也。匕、俎每器一

人,諸侯官多也。

順。 繼公謂: 雍人西面 旅 人南 面 于 鼎 于鼎南,陳俎,俎南 北加 匕, 匕北枋,

食與?

退,蓋兼執

匕

俎者

而言。

旅人,其士旅

大夫長盤。長、之兩反。 以長 而序盥也,亦

目下事之辭。

洗東南,西面北上。

君設洗,當東霤,於東夾南爲少東。 當盥者七人,皆違其位而立於此也。

之東南,則又東矣。

序進盤,退者與進者交于前。

之例矣。 交于前不言相右,可知也,此可見經文 前者,其立處之西也,於洗南爲少東。

卒盥,序進,南面匕。

南面,立于鼎後也。 匕,出鼎實也

或

洗

載 者 西 面

注 其前,大夫匕則載之。 曰:載者,左人。 亦序: 自鼎 東, 西 血 於

疏 曰:在鼎 南稍東也。

繼公謂: 西 面 執俎以載 也。

魚、腊飪。

注曰:食禮宜孰,饗有腥者。

此特著魚、腊飪也。 疏曰:上云羹定,恐魚、腊不在其中,故 又曰:《國語》云「王

饗用體 薦」,體薦則 腥 矣。 《樂記 一》云大

載體進奏。奏、七豆反。

饗「俎腥魚」,是饗禮

有腥也

注 曰:體,謂牲與腊 也。

繼 公謂: 體者,三性則 右體,腊 其 純

體 與? 之數五,其脊、脅各三,而皆二骨以 言體而不言骨,見其尊者耳。 牲

並

,腊則倍之也。《少牢饋食禮》曰:「腊

純 而俎。」進奏,注見《鄉飲酒 •

魚七 縮縮 俎 寝右

注 曰:寢右,進鬐 也。

數也。 繼公謂:魚七者,腸胃有俎,故魚亦放 縮俎者,首尾 鄉俎之前 後 也 ,所

其

以 變於 牲。 寢 右,進 髻,亦進 奏之意。

魚鬐在上,腴在下。 《士喪禮》曰:「載

魚,左首,進鬐。」

腸胃七,同俎。

注 曰: 以其同類 也。 不 異其牛羊,腴 賤

也。 此俎實凡二十八。

疏曰:牛、羊各有腸胃,腸、胃各七,四七

二十八也。

牲異俎 繼公謂:腸胃七者,大牢之下數也。 者,大牢之禮也。 與

倫膚七。

倫 膚者,雍人所倫之膚也。 倫. 擇 也

膚乃七者,亦效腸胃之數也。 《少牢饋

食禮》曰:「雍人倫膚九。」

腸、胃、膚,皆横諸俎,垂之。

注曰:腸胃垂及俎 拒。

載於俎也與牲體同。言垂之,見其長 繼公謂:横諸俎者,以其皆出於牲體,故

也。 不言其垂之所及者,腸胃與膚,其

長或異。

大夫既匕,匕奠于鼎,逆退,復位。

匕奠于鼎,謂加匕於鼎上也。 位,東夾

5.

南。

右鼎入匕載

公降盤,賓降,公辭。

注曰:辭其從己。

於是小臣各執槃、匜、簞巾以就公盥。 繼公謂:公辭,賓亦對,而反位於階西,

卒盥,公壹揖壹讓,公升,賓升。

壹讓者,殺於初。

宰夫自東房授醯醬。

注曰:授公也。

繼公謂: 此亦並授也,下放此。

公設之。

示親饋。

賓辭,北面坐,遷而 東遷所。

辭時蓋東面於公之西。 辭者,辭公親設

醬之正位也。公設之處,於其正位爲 也。東遷所,東遷於其所也。 所者,謂 少

者,示其不敢當公親設之意,且以爲禮

西,必少西者,爲賓當遷之故

也。

遷之

公立于序内,西鄉。 也,下皆放此。

賓立于階

西,疑

立。

疑,舊魚乙反。

事未至,故離其拜位也。 序内西鄉,主

意 位 俟於此 同。 也 公不立於阼階東者,公尊也 ,與《鄉飲酒》之主人立於階 階 西 西 階上之西也。 公與 賓 東 之 各

宰夫自 菹 菹 ・、鹿 以 東 鬱。 醓 東房薦豆六,設于醬東,西上。 醢、昌本。 鬱音尼。 昌 本 南糜臡, 以 西 韭

注 曰:昌本,昌蒲 本菹也。 醢有骨 間之

臡。

菁, 蓂菁

,即蔓菁也

其六。 疏 日 《周禮 • 醢人》朝事之豆八,此 用

列自 其 内 繼公謂: 用 列 之自 東 也 ,則其籩豆乃各有所屬 而 六豆爲二列,内列 西。 上者 食禮 惟云西 始 用 也。 朝 事 上者,明 之豆 若 朝 自西 一者,君 事 外列 饋 而東,外 食之禮 尊 統 , 故 於

士 南、腊、腸胃亞之、膚以爲特。 設俎 于豆南,西上。 牛、羊、豕, 魚 在 牛

兩

有

云。

也。 當 豆 設俎 南者,牛俎 之法, 也,羊俎之半也。 每 者必當 兩 豆,欲 亞 其 次

也。 特在 

旅 人取 注曰:其所,謂當門。 匕,甸人舉鼎,順出,奠于其所。

繼公謂: 甸人加局乃 舉鼎,其出 也, 亦 L

宰夫設 黍當 先 牛 而 俎,其 鼎 黍稷六簋 後 西稷,錯以終,南 于俎西,二以並,東北 陳。 錯,七 上。

-

反。

者,稷 東北 而 則 上列之黍當牛俎,則 其 後 上,惟 位 列 南黍、黍 之疏 南 於 指黍當牛 數 魚 可 俎 東稷,稷 知矣。 之西 俎 次 也 南 者言 列 黍,黍 之 也。 稷 簋當 當 西 錯 魚 稷 以 俎, 也。 俎, 終

1.引、计一三片,整片,以十至,移入,以大羹消不和,實于鐙。宰右執鐙,左執蓋,

蓋降,出,人反位。大音泰。鐙音登。盡,子忍反。由門人,升自阼階,盡階,不升堂,授公,以

注曰:不和,貴其質。瓦豆謂之鐙。宰

流曰:幸以蓋出於門小,乃更入門,又於謂大宰。 有蓋者,饌自外人,爲風塵。

是 之矣。人反位,自東壁而適東夾北也。 之矣。人反位,自東壁而適東夾北也。 之矣。人反位,自東壁而適東夾北也。 之矣。人反位,自東壁而適東夾北也。 之矣。人反位,自東壁而適東夾北也。 之矣。人反位,自東壁而適東夾北也。 之矣。人反位,自東壁而適東夾北也。 之矣。人反位,自東壁而適東夾北也。

公設之于醬西,賓辭,坐遷之。

注曰:亦東遷所。

繼公謂:設消于醬西,是醬消東上也。

凡醬消之位,變於正豆

宰夫設鉶四于豆西,東上。牛以西羊,羊

南豕,豕以東牛。

飲酒、實于觶,加于豐。

東上,變於豆。

具饌之時則然矣,言於此者,爲下文發於 寶子觯 加刊豐

辛夫占纨禪,左執

宰夫右執觶,左執豐,進設于豆東。

繼公謂:不授觶者,以未用也。設於豆東注曰:食有酒者,優賓也。

者,不主於飲,且後用之,故不欲其妨。

注曰:會,簋蓋也。亦一一合卻之,各當宰夫東面,坐啓簋會,各卻于其西。會如字。

設于敦南。」 疏曰:《少牢》云:「佐食啓會蓋二,以重

其簋之西。

繼公謂:此六簋爲三列,每列之二會,則

三九〇

各相 重 而卻置於列之西,故曰各卻于其

右設正饌

贊者負東房,南面告具于公。

《士喪禮》曰「祝 贊者,所謂上贊也。 負墉,南面」,然則 負東房,負其墉 此 也。 其

公再拜,揖食。食如字。 上贊之正位與? 具,謂正饌已具。

再拜者,欲賓食,禮之也。 拜亦當楣北

画。

坐取 賓降拜,公辭,賓升,再拜稽首。賓升席, 韭菹以辯擩于醢,上豆之間祭。 辯音

遍,下並同。擩,人悦反。

尸取韭菹擩于三豆,是其徵也。 擩猶染也。 云 醢者,省文耳,《少牢饋食》用 此所擩者、醯醢而下五 上 四 豆, 豆, 豆,

贊者東面坐取黍,實于左手,辯,又取稷,

節見《少牢》下篇。

**韭菹、醓醢也。 祭於二豆之間,少北,此** 

辯,反于右手,興以授賓。賓祭之。

注曰:賓亦興受,坐祭之於豆祭。

疏曰:此所授者,皆遠賓者也。

於左手,既則 不欲其雜也。每取黍稷,皆以右手而 繼公謂:辯認謂辯取於三簋。先黍後稷, 反於右手也。 亦壹以授

實

三牲之肺不離,贊者辯取之,壹以授賓。 賓,不言壹者,其文已明也。

賓興受,坐祭。

當别授之也。 云壹者,見其不再也,必著之者,嫌每肺 舉肺也。 繼公謂:云不離者,見其爲切 注曰:不離者, 刌之也。亦祭於豆祭。 食而舉肺脊者,其肺 上言興授,此言興受,文 肺 則離之。 ,且明無

互見耳。

捝手,扱上鉶以柶,辯擩之,上鉶之閒祭。

疏曰:此云上鉶之閒祭者,著其異於餘

者,餘祭於上豆之間

繼公謂:报上鉶以柶,謂以内列牛鉶之

也。 **柶扱其鉶也。辯擩之者,遂以** 此 四鉶皆有柶,其擩 之則惟 柶 用 擩 其 E 鉶

間 ,謂内 列二鉶之間少北也。 祭鉶不於

者之柶,與《少牢饋食禮》略同。

上鉶之

豆祭,而於鉶間者,其大牢之禮異與?

注曰:不祭者,非食物之盛者。

祭飲

酒于上豆之間。

魚、腊、醬、消不祭。

於鉶,故此雖設之亦不祭,蓋已祭其大, 繼公謂:魚、腊屬於牲,醬屬於豆,湇屬

之下,不祭可知。 則 略其細也。 不言腸胃、膚者,在魚、腊

右賓祭正饌

宰夫授公飯 梁,公設之于淯 西。 賓 北 面

辭,坐遷之。

繼公謂:粱言飯者,以賓主食之也。 面辭,蓋於公之左而少退。 上云北面坐 北

注曰:既告具矣,而又設此,加也。

遷,與此文互見也。

遷之亦東遷所。

公與賓皆復初位

宰夫膳稻于粱西。 注曰:位,序内階西。

是誤云。 膳,當作設,字之誤也。 膳設聲相近,由

士羞庶羞,皆有大、蓋,執豆如宰。

宰,如其進大羹湇,右執豆,左執蓋 魚或謂之膴,膴,大也,唯醢 注曰:大,以肥美者特爲臠,所 醬無大。 以 祭 也。 如

三九

也。 皆,故言此 繼 公謂 案:注 日 言執於蓋豆之間 以 「唯醢醬無大」者,以 明之。 醢醬,四 見其 醢 兩 及芥醬 經 執 文云 也

先者反之。

而 次受其餘於西階上 先者,即執 復來之辭。此文似失其次而在是。 膷 豆 者 也。 而 設之。 既設 反者 膷豆,則 既 往 以

由門人,升自西階。

由門人、則三牲與魚、亦於門外雍爨爲

之與?

先者一人升,設於稻南簋西,間容人。間如

字。

注曰:

簋西,黍稷西也。

必稲

南者,

明

庶

膷

豆

在諸一

豆之西北

也。

必西北

上

一者,放

羞加,不與正豆併也。間容人者,賓當

從間往來也。

繼公謂: 先者一人, 士之長設膷者也

炙,炙肉

加,不 也。 其 饌併,而 不與正豆併」,謂稻乃加食,其位不與正 設 云正豆者,以其器同也。 南 膷 北 于 與 案:注云「必稻南者,明庶羞 稻 節 正 庶 南, 也 羞 豆 併 言其 又設于 間,諸 也。 東 併 簋 稻 西 之西, 謂 南,明 節 同 也 爲 庶 庶 簋 羞 羞 處, 西 之東 亦 加, 9 爲 唯

旁四列,西北上。

旁也。 庶羞在稻南,足以明之矣。 注 繼公謂:云旁者,見正 曰:不統於正饌者 下文云賓坐席末,取 雖加 一饌之中 自 西北 粱 席 是 即 而 上 稻 禮 此 一,謂 前 在

正豆之位,亦變於席之所上也。

三九二

炙南醢,以 西牛胾、醢、牛鮨。 胾,侧 吏反。 鮨

巨之反。

也。 注曰: 先設醢, 趋之以次也。 《内則》謂鮨爲膾, 然則膾用鮨 裁, 切 肉 今

文鮨作鰭。

繼公謂:此二醢爲牛之炙胾膾設也。

之醢爲炙而設,故其次在胾之上。 案:注云「先設醢,絲之以次也」,謂炙南

鮨 南羊炙,以東羊胾、醢、豕炙。

炙 南醢,以西豕胾、芥醬、魚膾。 此一醢爲羊炙、羊胾設也。

注 曰:芥醬,芥實醬也。 ^ 内 則》 Ĕ

膾,春用葱,秋用芥。」

魚膾設也。牛三品二醢,尊也。羊二品 繼公謂 ::此一醢爲豕炙、豕胾設,芥醬爲

醢,降於牛也。 **豕亦二品一** 醢, 丽 醢

次於炙,又異於羊也。 魚一而已。 其芥

> 精微周密之意,亦可見矣。 之微,亦以多寡、先後示尊卑之義,則其 醬復先於膾,又異於豕也。 古人於食物

衆人騰羞者,盡階不升堂,授,以蓋降出。

盡,子忍反。

注曰:授,授先者一人。

之意。衆人不升設者,降於俎 繼公謂:進羞而言騰,亦取其自下 也 而上 以羞

反之也。以蓋降出,惟謂衆人其先者之 授先者一人,先者每爲設之,所謂 先 者

蓋,則次者既授豆而受之,并以出矣。

贊者負東房,告備于公。

注 曰:復告庶羞具者,以其異饌。

繼公謂

:此言備者,備周於具。

右設加饌

費升賓。

注曰:命賓升席。

贊者升賓,禮不可褻也。升賓之辭,蓋繼公謂:公曏者已再拜揖食,故於此惟

賓坐席末,取粱即稻,祭于醬湇間曰:「吾子其升也。」

間者,以其近也,且别於正饌。反粱於左手也。不祭于豆祭,而于醬湇坐席末者,就加饌也。取粱即稻,言不坐席末 耶粱貝希 祭于醬淀間

賓。賓受,兼壹祭之。 贊者北面坐,辯取庶羞之大,興,一以授

於醬消間可知。祭之,特於此發之耳。祭不言其所,亦祭之,特於此發之耳。祭不言其所,亦得之節當然也。賓於黍、稷、牲肺皆壹一、壹同。贊者壹以授賓,賓兼壹祭之,

右賓祭加饌

賓降拜。

拜者,爲將食故也。

面自間坐,左擁簠粱,右執消以降。公辭。賓升,再拜稽首。公答再拜。賓北

粱者,公所設也。

注曰:閒,兩饌之閒也。

擁,抱也。

必取

者,臣也。 飯則先啜道、故特取之。 繼公謂:擁之者,示其重也。 立于堂,己不敢坐食于席 云簠粱,見其 器 以降者,爲公 也。 也。 必取 必 凡 消者, 以 粱 降

注曰:奠而後對,成其意也。公辭。賓西面坐,奠于階西,東面皆以簠。.

所欲食之處也,故於此奠之。對者,釋繼公謂:公辭,止其食於下也。階西,賓

西面坐取之,栗階升,北面反奠于其所西面坐取之,栗階升,北面反奠于其所其所以降之意且從命也。

降

辭公。

公不許其降食,乃敢辭公,爲禮之節然

也。 辭公之意與曏者欲食于下之意同。

降而辭者,亦以其臣也。

而立。 公許,賓升,公揖退于箱。 擯者退,負東塾

注曰:箱,東夾之前。

賓坐,遂卷加席。 公不辭。卷,九阮反,下同。

注曰: 贊者以告公,公聽之。

繼公謂:卷加席者,北面坐而卷自末也

公不辭,以其降等也。若於朝,君則 而賓反之矣。 辭

賓三飯以消醬。 宰夫執觶漿飲與其豐以

進。 飯、扶晚反。

注曰:緣賓意欲自潔清。

繼公謂: 漿觶亦先加於豐上,如飲酒 可

知。

賓捝 手,興受。

> 注曰: 受鱓。

宰夫設其豐于稻西。

注曰 . 酒在東,漿在西,是所謂左酒右

漿。

左酒右漿、《弟子職》文。

繼公案:

庭實設。

注曰:乘皮。 繼公謂:此與下文行禮之節亦略,與《聘

禮》體賓者同。

賓坐祭,遂飲,奠于豐上。 其祭亦於醬消間

右賓食

公受宰夫東帛以侑,西鄉立。

注曰: 侑猶勸也。 主國君以爲食賓,殷

序内位也。 受束帛于序端。 勤之意未

至,復發

幣

以

動之。

西鄉立,

三九五

三九六

公在堂,則受於序端。侑者,食賓而從繼公謂:是時公受束帛蓋于東箱,醴時

之以貨財之之稱,勸人食亦曰侑。

賓降筵,北面。

新生 目外。 資俸 辛努,什惠 6°°° 相,息注曰:以君將有命也。 北面於階上。

亮。 賓降辭幣,升聽命。相,息反擯者進相幣。賓降辭幣,升聽命。相,息反

即栗階升聽命也。經似有脱文。公於是降一等,止其降,且不許其辭,賓辭幣者,謂既受賜食,不宜又辱賜幣也。

楹北面,退,西楹西東面立。 降拜。公辭。賓升,再拜稽首,受幣,當東

西楹西,亦少北也。

公壹拜,賓降也,公再拜。介逆出。賓北

面揖,執庭實以出。

北面揖之者,象親受之也。凡庭實,並

受。

公降立。

注曰:俟賓反。

繼公謂。亦立于中庭。

上介受賓幣,從者訝受皮。

右侑幣

此一節經文有不釋者,已見於前篇醴賓

條故也。

賓人門左,没霤,北面再拜稽首。

**侑幣之賜也。没霤而拜,以公立於中庭霤,門内霤也。没霤,庭南也。拜者,謝** 

也。

公辭。

辭其拜於庭也。

揖讓如初,升。

聘禮者同矣。云如初,亦大略之言也。此三揖時公在中庭,與賓三揖,則是與

既 升 了, 則 介 入復 位

賓 (再拜: 稽首,公答再拜。

曏 也 賓 拜 賜于庭南、公辭之、故成拜於

此。

右賓拜侑幣

賓降辭公,如初。

繼公謂 注曰:將復食。 :初,謂公許也。

實升,公揖退于箱。實卒食會飯,三飲。 食、飯皆如字。

注曰: 會飯,謂黍稷也。 此食黍稷,則初

時食稻粱。

繼公謂:減簋飯於會而食之,故云會飯。

九飯,大夫禮也。 曏者三飯乃飲,此凡三飲,●蓋 後 禮 更端 故 九 與 飯 前 也。

飯 不 ·相蒙。 食 加 飯 뻾 飲 漿,則 此 所 飲

不以醬湇。

者,其酒

與?

亦變於初禮也。 先言醬者,不用之,故

惟據所設之序而言。

捝 手,興,北 面坐取粱與醬以降,

西

面 坐

西。

于階

注 曰:示親徹也。

繼公謂:再食不用粱與醬,乃取以降者

設粱,故賓親 重公所設也。 徹此二者。 公於正饌先設 階 醬 西, 曏者所 「加饌 先

欲食之處也。

東 面 再拜稽首。

注 曰:卒食拜也。

繼公謂:卒食而 不於階東,又不北面,皆變於初,明其將 拜 賜 也。 亦 拜於階西

飲」,原誤作「飯」,今據明本、通本、庫本改。

0

三九七

三九八

遂退矣。

公降再拜。

魚、腊不與。與音預

與《周官》異者乎?

言卷三牲之俎,則魚、腊不

與

可

知。

乃

言之者,亦經文過於詳

公拜,亦西面於阼階下。

右卒食

介逆出,賓出。公送於大門内,再拜,賓不

顧。

於此復云賓不顧,嫌其或與聘問之時異

有司卷三牲之俎,歸于賓舘。

也。

之。此牲體皆在俎,則食時不舉之明繼公謂:云卷者,明盡以其俎與其實歸注曰:卷猶收也。無遺之辭也。

于肵、《虞禮》則實于篚。《司儀》職言食矣。《少牢》、《特牲饋食禮》尸所舉者加

言之,則大夫當三也。此乃不舉,其亦禮舉數:上公九,侯伯七,子男五。以差

右賓出歸俎

明日,賓朝服拜賜于朝。拜食與侑幣,皆

再拜稽首。

不見,故無嫌於重複。復往拜賜者,正禮不可廢也。此拜,公曏於既食、既受侑幣皆已親拜謝公,今

訝聽之。

有士訝。 注曰:受其言,入告出報也。此下大夫

右賓拜賜

上大夫八豆、八簋、六鉶、九俎,魚、腊皆二俎。

繼公謂 注 下如饔九鼎之次。 , 鉶加羊、豕, 俎加 曰:記公食上大夫,異於下大夫之數。 豆加 茆 菹、麋臡,簋 云九 鮮魚、鮮獸、於膚之 俎, 則 加 四 黍稷各 四爲

若七若九。 若十有一。下大夫則

列,而特鮮獸

夫則曰下。大國之孤視子男。卿,大國、次國之大夫也。卿則曰上,大九或上或下者,皆再命者也,謂小國之也,十一謂三命者也,七謂一命者也。注曰:「此以命數爲差」也。九謂再命者注曰:「此以命數爲差」也。九謂再命者

一命,不命與一命同。此經魚、腸胃、倫命。則諸侯之臣分爲三等,三命、再命、一命,子男之卿再命,大夫一命,士不典命》:公侯伯之卿三命,大夫再命,士

七,差次可知 然,孤與子男同十三,侯伯十五,上公十 繼子男,又云其 四命,又《大行人》云大國之孤 併論及之。案《周禮・典命》大國之孤 孤視子男」者,此經惟見三命以下,故 爵卑爲下,則上言若九者,子男之卿也 與子男之卿同再命。 然,惟有上下二文者,以公侯伯之大夫 十一當三命,九當 膚亦分爲三等:有十一,有九,有七,則 下言若九者,公侯伯之大夫也,故鄭云 卿則曰上,大夫則曰下」。云「大國之 他皆視 再 命,七當一命。若 卿爵尊爲上,大夫 小國之君。 執 皮 帛 以

·差,有更非過耳刂。 禮未備之意。 也。因言上大夫以及下大夫,蓋以足前繼公謂:其俎數之同者,又以此見尊卑

庶羞,西東毋過四列。

四00

注曰:謂上下大夫也。

列,則近於簋矣。西東,西列、東列也。繼公謂:欲間容人也。膷當稻南,若過四

之,此乃言西東毋過四列者,所以見庶羞先言西者,上也。 庶羞每列自北而南,綠

雖多,其南北列之豆不得過四也。南北

上大夫庶羞二十,加於下大夫以雉、免、列之豆若過於四,則西東列亦過於四矣。

注曰: 駕無母。

鶉、鴽。鶉音淳。鴽音如。

疏曰:案《爾雅》云:「鴽,鴾母。」郭氏

曰:「鶴也,青州人呼曰鴾母。」

爲一列於南也。繼公謂:上言東西毋過四列,則

此

四

者

## 右食上大夫禮

若不親食,使大夫各以其爵,朝服以侑幣

致之。

説見前篇。

簋實,實于筐,陳于楹内兩楹間,二以豆實,實于罋,陳于楹外,二以並,北

並,

陳。

南陳。

數如豆,北上,韭菹其東醓醢,屈。筐數變於食也。南北異陳,示不相統也。罋豆實在罋,簋實在筐,又皆陳于楹間,皆

庶羞陳于碑内。

如簋

南上。

黍其東稷,錯也。

豆實也,亦實於壅。因實也,亦實於壅。此為也,上大夫又加以雉、兔、鶉、駕。此於上,以牲在下,宜從之。庶羞主於牲於上,以牲在下,宜從之。庶羞主於牲

庭實陳于碑外。

執之,皆變於食也。 此庭實不於西方,參分庭一在南,又不

牛、羊、豕陳于門内西方,東上。

生歸之,亦變於食。陳于門西,餼位也。

賓朝服以受,如受饔禮

親食 云如受饔禮,則侑幣與食亦殊拜之。 時朝服,故此致者、受者皆服之。

無擯

李寶之曰:擯當作儐,下同。

明日賓朝服 注 E 賜亦謂食與侑幣。 以 拜賜于朝,訝聽命。

右致食禮

5.

大夫相食,親戒速。

注 告之、歸具、既具、復自召之。 曰: 記異於君者也。 速,召也。 先就

繼公謂:親戒而又速之者,以其敵也。

迎賓于門外,拜至,皆如饗拜。

注 曰: 饗大夫,相饗之禮也,今亡。

> 相饗,蓋亦附於《公饗大夫禮》中, 繼公謂:迎賓與拜至,亦皆再拜。 大夫 而

并

降盥

亡之矣。

言,文省也。 于洗,南面,卒盤,一 賓亦從降,主人辭降。 禮,賓主敵則不設槃匜,惟 揖 賓對。 一讓,升, 主人乃盥 經 不

盤于洗耳。

受醬、湇、侑幣 東錦也,皆自阼階降堂受,

授者升一等。 賓止也。

注曰:皆者,謂受醬、受湇、受幣也。 降

堂,謂止階上。

侯伯七尺,子男五尺,大夫士皆三尺也 工記》言天子堂崇九尺,以是差之,則公 大夫之階亦惟三等,於此見之矣。《考 受於堂,辟君也。 繼公謂:降堂升一等,中等相授也。不 中等相授,異於士也。

賓止之義,與上篇大夫止者同。《士冠

禮》賓受冠,降階一等。

賓執粱與湇之西序端。

尊敵,故但辟之於堂上而已。粱不擁,亦爲主人立于堂,故不敢食於席也。其

亦降於君。

主人辭,賓反之。

云反之,明不對也。此下當有「辭於主

人降一等主人從」十字,蓋傳寫脱之。

卷加席,主人辭,賓反之。

卷加席,亦謙也。辭則反之,敵也。

辭幣降一等。

辭而降一等,爲恭也,亦略放於公食之

禮而爲之。

主人從。

從亦降一等也。從者辭其降,且不許其

辭。

著之者,主人非君,嫌不必稽首。受侑幣,再拜稽首。主人送幣亦然

辭於主人,降一等,主人從。

異者,則是本夫禮無此拜也。《公食禮》有賓再人之拜,上經乃不見其辭者也,然則初辭亦有此文明矣。又欲者,亦辭其降,且許之。此謂再人而

卒食,徹于西序端。

注曰:亦示親徹。

繼公謂:亦奠於曏者所欲食之處也。

東面再拜,降出。

注曰:拜,亦拜卒食。

前。主人亦於阼階上,西面,答再拜也。繼公謂:拜不當階,又不北面,亦變於

其他皆如公食大夫之禮。

上禮所不見者,亦未可盡與公食禮相他,謂在公食禮中而不見於上者也。然

公食者矣。蓋大夫此禮爲公而舉,故其别見所饌者之異,則是俎豆之屬亦皆如通。經云皆如者,大約言之耳。又此不

事之豆,則此食禮之意可見矣。廟,惟用少牢,且於其始也,不敢純用朝饌放之而不嫌與之同也。 大夫祭其宗

### 右大夫相食

不言其禮者,與公致食之禮同可知。若不親食,則公作大夫朝服以侑幣致之。

注曰:與受君禮同。

賓受于堂,無擯。

-\$-

面,再拜稽首,受幣于楹間,則異於君大夫餼不於堂,故明之。 賓阼階上,北繼公謂:言此者,嫌或與君禮異也,賓受

禮,不見者,可知也。

### 右大夫致食

《記》。不宿戒

戒,不速。

經文已明。

不授几,無阼席。

經文亦已明。

亨于門外東方。亨音烹。

門外,廟門外也。門外東方,雍爨在焉。

玄帛純,皆卷自末。純,並音準,下並同。莞音官。司宫具几,與蒲筵常,緇布純,加莞席尋,

終,有以識之。必長筵者,以有左右饌注曰:丈六尺曰常,半常曰尋。末,經所

疏曰:云「丈六尺曰常,半常曰尋」者,據

也。

四〇二

四〇四

人四尺, 車戟常,崇于殳四尺」之文而言《周禮·考工記》「殳長尋有四尺,崇于

繼公謂:蒲筵而加莞席,美者在上也。

筵常而加席尋,是加席之度必半於其

也。

筵,於此見之矣。莞,小蒲也。

宰夫筵,出自東房。

筵亦謂布之也。

賓之乘車在大門外西方,北面立。 乘, 繩證

反。

注曰:賓車將至,下行,而後車還,立于

西方。

君子下行,然後還立」,是車還立于西方疏曰:《少儀》云「僕於君子,始乘則式,

下之車不然矣。車北面立者,俟賓之繼公謂:唯云賓之乘車在此,則上介以

也。

鉶芼,牛藿、羊苦、豕薇,皆有滑。 <sup>芼,眉</sup>出,宜鄉之。 云立,明其不説駕。

注曰:芼,菜也。藿,豆葉也。苦,苦茶芼,牛藿、羊苦、豕薇,皆有滑。芼,眉報反。

也。滑,堇荁之屬。

薨,滫瀡以滑之」,故注以滑爲堇荁之繼公案:《内則》曰「菫、荁、枌、榆、免、

屬。

贊者盥,從俎升。

注曰:俎,其所有事

繼公謂:贊者之所有事於賓者,簋、俎

庶羞之祭也,而俎先二者而

設,故從之

以升。

注曰: 稻 蓋有蓋幂。

注曰:稻粱將食乃設,去會於房,蓋以

幂。

凡炙無醬。炙,之夜反。繼公謂:有蓋幂者,變於簋也。

注 日 已有鹹和

之炙皆爲設 繼公謂 "凡,凡三牲也。 醢。 唯 魚 膾 乃用芥醬,是凡 此庶羞於三牲

上大夫蒲筵,加莞席,其純皆如下大夫純 炙無醬矣。不言胾者,如炙可 知

卿擯由下。

無上事,故不必升堂。

上贊,下大夫也 此 也。 堂上,故云上贊,蓋 上贊,即經所謂贊者也,以其佐賓食於 以下大夫爲之者,欲其不尊於賓。 擯贊者,事相近、敬以上下 對堂下之擯者 ·通之。 而言

此《記》難强 解。 上大夫庶羞。酒飲漿飲,庶羞可也。

拜食與侑幣,皆再拜稽首。

若然,亦長語矣。 記 此於上大夫之後,恐或是爲彼言之。 此篇中見上大夫禮之

> 也 皆如下大夫禮 異者,俎豆簋鉶之加耳,其他不見之,則 ,又何必贅言之哉? 미 知。 古 無 不稽首之嫌

儀禮集說卷九

正誤

宰東夾北,西面

之,非是,宜從古文。 因下文而衍此二字也。 以下文證之益可見矣。蓋傳寫今文者, 獨立於此也。「南上」之文無所用之,又 鄭本此下有「南上」二字,注曰:古文無 「南上」。繼公案:經文惟言宰而已,是 鄭氏不察而從

委于鼎西。

鄭本「委」作「奠」,注曰:今文「奠」爲 ·委」。繼公案:後篇皆作「委」,宜從今

《記》:加莞席尋,玄帛純。 蒲筵加莞席 又曰: 上大夫

文。

作「莞」。繼公案:《司几筵》云「諸侯祭 鄭本「莞」皆作「萑」,注曰:今文「萑」皆

> 之上宜加莞席也。 焉,似不可用之於此禮也。 麤惡,故《司几筵》惟於 祀席,蒲筵績純,加莞席紛純 而萑乃葦屬,其 喪 事則用在席 宜從今文, 是是 爲 蒲 物 筵

皆作「莞」。

# 儀禮集説卷十

敖 繼 公 撰

元

覲

禮第十

覲 初 此 無 」之意異。 篇主言同姓大國之君人覲於王之禮, 四時之别,與《周官》所謂「秋見曰 覲 於五禮屬賓禮

覲 亦皮弁迎于帷門之外,再拜。勞,力報反 禮 注 日 至于郊,王使人皮弁用璧勞。 郊,謂近郊,去王城五十里。 皮弁 侯氏

之禮也。 繼公謂: 勞而用璧,以爲信,天子於諸侯 璧無 東帛,别於享禮,且爲其

者,天子之朝朝服

也。

近郊宜使卿。 之於諸侯有三勞者,遠 小行人,下大夫也。 人》職曰:「凡諸侯 館舍而受於此、蓋其禮宜然爾。 帷於兩旁,而空其中以當門也。 已,其不爲宫與? 彼天子之制也,然則此 門也。《掌舍》職曰:「爲帷宫、設旌 用 當還之也。凡以玉行禮 耳,若泛言之,乃云諸。 帛。 云侯氏 然此經惟言 者 「, 指 人王 蓋於壇之南 以是差 來 但爲 郊 , 則 帷門者,以 覲 而當還者,例 宜 一勞之禮,亦 之 逆勞於畿。 壇 使中大夫, 之,則天子 與 者 横 不受於 帷 《小行 門。 設 帷 門 而 兩 而 爲 不

似與《周官》異。

讓,先升。使,並色更反,下「使者」並同 使者不答拜,遂執玉,三揖至于階,使者不

升壇 注曰:不讓先升,奉王命,尊也。 升者,

升者 侯氏 也。 也。 亦 升者,自敵 使 繼 至尊之命,故略之也。 讓之也。 (者乃 公 使者 云 不 謂 則宜 讓 使 執 使者不讓 者 既 侯 者, 玉 先 以 氏 不 人 也,言遂者,明 讓 下 以使 既拜, 讓 門左,侯氏乃 之禮。 主人 則 者尊,當先升 而先升者,以 歟 亦 侯氏 ? 然若客尊 然則主人 揖 不先 愐 客讓,則 即 先 與之三揖 於 入門 讓 此 與 而 其 而 可 執 主人 客 當 正 不 右 知 之 先 敢 讓 奉

侯氏 注 (升聽) 曰 使者 命 降, 東 面 再 致 拜 稽 命,侯氏 首, 遂升受玉 東階 上 西 面

繼公謂:降,拜於階間,北面,升,就使者

北

面訝受之。

降再拜稽首,使者乃出。左還音旋。使者左還而立,侯氏還璧,使者受。侯氏

也。 注曰:立者,見侯氏將有事於己,俟之

拜,爲送 使者還 繼公謂:左還, 壁, 玉 也。 使者 東 亦 於是 面 於階 以 復 俟之也。 間 南 北 面 面 受之。 還 侯氏 全壁者, 就

升,侯氏先升,授几。侯氏拜送几,使者設侯氏乃止使者,使者乃入。侯氏與之讓

明其以爲信也

几,答拜。 之儀 許。 其去 篇,此經文略 也。 言三 使者三讓 有司既布席,侯氏乃出止 侯氏 也 揖 見 儐 於《士 者 丽 且迎 而 揖 用 ,如上禮 先 先升,使事既畢 几 也。 香 而 入,使者乃 尊 欲 ×, 王 可 儐 , 聘禮 使 知。 之。 也 人也。 **>** 讓 使者 使者。止,止 及《少 則行賓 升 授 几 亦 侯 既 牢 禮 主 氏 設 不 禮 與

天子賜舍。

侯 氏 用 束 帛、 乘 馬 儐使者,使者 再拜受,侯

氏 再 拜送幣。 乘,繩證反,下同

注 日 拜者各於其階。

故不因其受幣之禮也。 繼公謂:使者受儐不稽首者,同爲王臣, 其授受之節,蓋

於壇中亦北 面授。

侯氏遂從之。 擊,七南反。 使者降,以左驂出。侯氏送於門外,再拜。

也。 使者 以入國。 者並授幣,而皆訝受馬也。從之者,隨 驂出,侯氏之士以三馬從之,既則其從 車之馬兩服居中,兩驂在旁。使者以 四馬象在 亦左執幣乃 車前,故西者曰 北 画, 右執 左驂以 左驂,駕 左 出

右郊勞

疏 注 日 日 天子尊極,故言賜舍,不言致館 賜舍猶 致館 也。 小行人爲承償。

「及郊勞眡館、將幣,爲承而儐」是也。 注云「小行人爲承償」者,案《小行人》云

繼公謂:侯氏 至于國 而即館,天子則使

上大夫賜舍也。 此 舍謂 公館

曰: ·伯父,女順命于王所,賜伯父舍。」女章

汝。

注曰: 此使者致館 辭。

也。 疏 日 舉 : 此 ·同姓· 下 經 大國,則同 皆 云 伯父, 姓 小 國 謂 及 同 異 姓 (姓之 大 國

國禮 不殊也。

舍不用幣,尊者之禮 繼公謂 順命,謂 順王命 也 而 來 朝 也。 賜

侯氏 再拜 稽首。

0 此」下,庫本、注疏本有「及」字。

四〇九

四〇

注曰:受館。

者 東 公謂:不著其 面 致命,侯氏 所,是於舍門外 西 面 聽 命, 既 則 也。 北 使 面

拜。

**儐之東帛、乘馬。** 

注曰:王使人以命致館,無禮猶儐之者,

尊王使也。

夫戒 有 繼 **儐之亦當在舍門外** 公謂: 迎送之拜,不言者,文略耳。 心之禮 凡儐使者,必於受命之處,則此 亦然。 案: 也。 注 侯氏於使 云禮 謂 下 於大 者 禮 物 亦

異

姓

東

面

北上。朝,直遥反,餘並

同

右賜舍

也。

天子使大夫戒,曰:「某日,伯父帥乃初

事。」

注曰:戒,使順循其事也。初猶故也。

び下上。疏曰:初事者,以其四時朝覲,自是尋常

故事也。

繼

公謂

大夫者,

卿

也

此戒

之亦於舍

門外,其面位與賜舍同。

侯氏再拜稽首。

注曰:受覲日也。

右戒覲日

諸侯前朝,皆受舍于朝。同姓西面北

注曰:言諸侯者,明來朝者衆矣。顧其

分别 秋 覲 傳 **>** 同 ,不得並耳。 曰「寡人若朝 姓異姓,受之將有先後也。 諸 於薛,不 侯 上介先朝受舍, 敦 與與 、諸任 《春

李微之曰:受舍于朝,所謂外齒」,則周禮先同姓。

繼公謂:朝猶覲也。前朝者,先覲日也。

朝

也。

上

禮 若 此 舍如廬舍之舍,謂 諸 記》所云「君之次者」是也 侯 相 朝, 則 但 覲 授 時待 次 而 事之處 也 聘

## 右受舍于朝

侯氏裨冕,釋幣于 其禮則 次之。 祝 以 若 其裨冕,故覲者不得服其上服也。 天子 子男也,則 繼公謂: 注 而 君北 升自 大裘而冕十二章者爲上,衮冕九章者 上 日 冠冕也。 一公也, 「西階」 筵 將覲,質明時也。 禰,謂考也。 鄉, 裨 几于其館堂户牖之間,南 服希。是時天子受覲 則 冕者,冕服之次者也。 祝在左,君及祝 釋幣者,告將覲也。 君升自阼階,祝奠幣于几 服鷩。 禰。 釋幣者,告將覲也。 裨,婢禮反 侯伯也, 裨冕者,衣裨衣 再拜,興,祝 則 亦亦 服 侯氏 面 服

> 服 官》異。《大行人》職言朝服云「上公冕 禰 君反於阼,乃 就 告於皇考某。」侯又再 日 九章,侯伯七章,子男五章」,皆其上 廟西階之東。 西箱,有間,君反位,祝乃 ・「孝嗣 侯某,●將覲天子,敢 降而遂出也。 此朝以裨冕,亦與《周 拜,君就 歸 取幣,藏之, 則 東 用 埋幣於 箱,祝 嘉 幣

### 右釋幣

服

也。

乘墨車,載龍旂、弧韣,乃 注曰: 侯之所建。 之國,車服 墨車 瑞 玉 不可盡 ·大夫制 弧,所以張縿之弓也。 , 謂 公桓圭、侯信圭、伯躬 同也。交龍爲旂,諸 也 朝 乘之者,人天子 以 瑞玉 有繅。 弓衣

「某」,原誤作「其」,今據明本、通本、庫本改

圭、子穀璧、男蒲璧。

爲旂 車以 幅爲緣,故以此弧弓張緣之兩幅也。 據在本國所乘,並得與天子同。 車》云:同姓金路,異姓象路,四 者,人天子之國,車服不 車》職云「大夫乘墨 疏 弧 日 所以張縿之弓」者、《爾雅》説 諸 朝,是車服 云「墨車大夫制」者,以《周禮 侯之所建」者、《司常》職 不可 車」故 盡同也。云「交龍 可 盡 也。云「乘之 同」者,《巾 衞革路。 此 旌 文。 乘墨 巾 旗 云 正

實也。 夫,亦宜也。 國之卿自比天子之士,則其君自比於大 繼公謂: 晉韓 乘墨車 宣 上云前 子 屈 ·聘于 也 朝,此云乃朝,則以 周, 載龍旂,不没其 自稱 日 士, 大

天子設斧依於户牖之間,左右几。依於登

覲

名篇之意可見矣。

所 立而左右 注 日 以 示 依,如今綈素屏 威 也。 几,優至 斧謂 一尊也。 之黼。 風 也。 其席莞席紛 几,玉几也。 有 繡 斧文,

純,

加

繅

席

畫

純,

加

次席

黼

純

亦《司几筵》文。 故知此几玉几也。云「其席莞席」,以下疏曰:《周禮・司几筵》云「左右玉几」,

生人左几,自諸侯而下。其右之義也。然則天子升席不由下矣。繼公謂:右亦設几者,至尊宜逸,不取便

天子衮冕,負斧依。

降龍。衣此衣而冠冕,南鄉而立,以俟注曰:衮衣九章。其龍,天子有升龍,有

諸侯見。

繼 以俟侯氏入,所謂「不下堂而見諸侯」 疏 公 日 謂 : 負謂 衮冕,天子之裨 背之。 九章,見《司 冕 也。 服 注。 負斧依

男其朝位,賓主之間相去之步數,乃云觀者之節,《大行人》職亦先言公侯伯子也。而《周官‧齊僕》職乃言車送逆朝

嗇夫承命,告于天子。

廟

中將幣,亦與是禮異者與?

曰:「嗇夫馳。」注曰:嗇夫,蓋司空之屬也。《春秋傳》

當作「大」,字之誤也。 不可以與國君接 門内,猶未出 以告于天子。 重 繼公謂:侯氏以天子將庿受之,其禮太 ,故不敢當而辭焉, 嗇夫於是承其命, 也。 擯者不承命者,是時在 加 或旦 直告於至尊,蓋 未知是否。 嗇夫,微者也 嗇 . 廟

朝之故耳。伯父其人,納賓之辭也。人言所以廟受之者,非有他也,以嘉其來伯父其人,予一人將受之。」天子曰:「非他,伯父實來,予一人嘉之。

侯氏人門右,坐奠圭,再拜稽首。告者,又以天子此辭出告侯氏。

者見尊,奠贄而不授。注曰:入門而右,不敢由賓客位也。注曰:入門而右,不敢由賓客位也。

擯者謁。

宗伯爲上擯。 宗伯爲上擯。 天子見公,擯者五人,見欲親受之,如賓客也。其辭所易者,曰欲親受之,如賓客也。其辭所易者,曰

降,階 侯氏 坐 東 取圭,升 北 面 再 拜 致 稽首 命。 王 擯 受之玉。 者延之日 侯氏

「升。」升成拜,乃出。

降拜稽首送玉也。從後詔禮曰延。延,注曰:擯者請之。侯氏坐取圭,則遂左,

進也。

繼公謂:拜於西階東,别於内臣也。侯

成 拜 ,宰乃受玉以東,是時王於侯

氏

既

之拜皆不答,所以見至尊之義

#### 右覲

四享,皆束帛加璧,庭實唯國所有。 四, 注讀

絲 虎 禮 行 此篇又多四字,字相似,由此誤也。《大 注曰:四讀作三,古書作三四或皆積 纊、竹箭也,其 豹之皮。其次享,龜也,金也,丹漆、 差又無取 人》職曰諸侯「廟中將幣,皆三享」,其 國所能 有, 於四 唯所有分爲三享,皆以 也。 餘 無常貨。此 初享或用馬,或用 地 物 畫 非

奉東帛,匹馬卓上,九馬隨之,中庭西上, 帛致之。

奠幣,再拜稽首

注 日 馬必十匹者,不敢斥王之乘,用成

數,敬也。

屬也。 而先行· 繼公謂:匹 中庭 也 馬 言此者, 西方,南北之中也,庭 卓上,謂 明其 以一馬卓 入不 與 九 然 實 馬 居 用 相 前

幣,蓋 於入門左之位。

十馬,且設於此,皆至尊禮異也。

此

**擯者曰:「予一大將受之。」** 

受,親受也。 是擯者凡告於侯氏,皆爲述王言矣,是 此擯者曰,乃言予一人,則

亦異於國君以下擯者之禮與?

侯氏升致命。 王撫玉

撫之者,示受之。王不執璧帛者,貶於

瑞玉,亦至尊禮異 也

馬出授 人,九馬隨之。

侯氏

降

自西階,東

面

授

宰幣,西

階前

再

拜

稽首 位,以 欲 璧 帛。 執 馬 西階前拜送幣者,非 由 便也。擯者不延之以

其

正

他處之庭實,●其主人之士受之者,皆以 馬者,無以爲節,亦至尊之禮異也。 親以左馬出,敬之至也。 升,變於授圭時也。 馬,左馬 王臣 也。 不於内受 侯氏 凡

事畢。

堂上授受爲節。

注曰:三字訖。

耳。其次二享,庭實唯國所有,不可相 繼公謂:覲有三享,經之所見,初享之儀

蒙,故空其文。

右三享

3.

乃右肉袒于廟門之東。

爲之於廟門之東,亦變位。 肉袒,示恐懼 也。 袒 右,變 一於禮 鄭氏 曰: 凡 事 也

以 禮事者左袒

乃入門右,北面立,告聽事。

門而 罪于天子之事。《大戴記》曰:「肉袒入 擯者以己於此 右,以聽事也 聽 事 也。 事, 謂己所以 得

人而復右,己事

更端也。

告聽事者,告

父無事,歸寧乃邦。」侯氏再拜稽首。 擯者謁諸天子。 天子辭於侯氏,曰:

「伯

注曰:謁,告。寧,安也。乃猶女也。

事」者,辭其聽也。 告於侯氏,皆互見 謁諸天子,天子辭 告於侯氏也,則皆傳王命也。上文不言 行臣禮,如奠圭之類,皆以謁 之之辭,實未使之歸也 者,擯者以告侯氏也。 繼公謂:天子辭於侯氏者,天子以 於侯 其 云「歸寧 (文耳。 凡擯者於侯氏之 氏,此不言擯者 乃邦」者,安 云「伯父無 諸王。 命 其 擯

處」,明本、通本、庫本作「禮」。

四  $\pi$ 

右

聽

事

升成拜,降出。勞,力報反。 勞之。再拜稽首。擯者延之曰:「升。」出,自屏南適門西,遂入門左,北面立,王

云屏南也。 云屏南也。 云牙外屏」者,據此文出門乃注曰:天子外屏。勞之,其道勞也。

出 東,襲於西,宜相變也。王勞之,亦擯者 西,爲襲也。 繼公謂:出自屏南,乃適門西, 傳王之辭。 荀子》文。 入天子之門,亦必 「西」下似脱「襲」字。 案 注云「天子外屏」,用 由 闑 東 矣。 則侯氏 袒 適 門 於

## 右王勞

天子賜侯氏以車服。迎于門外,再拜。

路。服則衮也,驚也,毳也。 注曰:賜車者,同姓以金路,異姓以象

也,凡舍惟有一門。繼公謂:上云賜舍,則此門外乃舍門外

路先設,西上,路下四,亞之。重賜無數,

在車南。

《詩》云:「君子來朝,何錫予之? 注曰: 也。《春秋傳》曰:「重錦三十兩。」 予之,路車乘馬。 黼。」重猶善也。 下四,謂乘馬也。 路謂車也。 所加賜善物,多少由 凡君所乘車曰路。 亞之,次車而 又何予之? 玄衮 東 雖 也。 恩 及 路 無

也。 車 注 繼公謂:設路 引重錦之文,以證重之爲善也 而已。 四馬設於車東,異於駕 乃云 亦於 西 西方中庭,北朝。 上者,以其與 也。 馬 同設 路

諸公奉篋服,加命書於其上,升自西階,東

拜

画。 大史是右。大音泰,下「大史」同。

注 者,始隨人,於升東面,乃居其右。 曰: 右,讀如「周公右王」之右。 是右

勞可知 是 故 者,若師若傅若保,不定也。置服於篋, 繼公謂:奉篋服者,一人耳,乃云諸公 亦至尊之禮異也。此不言揖讓之禮,如 也。 謂之篋服。 先設庭實,乃奉其所以將命者, 命書,若《文侯之命》之類

侯氏升,西面立。 大史述命。

注

曰:讀王命書也。

-To.

侯氏降兩階之間,北面再拜稽首。

間。 是 時侯氏 不於階東者,拜至尊之命宜異 升降 自 作階,故拜於兩 於常 階之

且尊之也。《春秋傳》宰孔止齊侯毋下 ,以王命辭之也。

禮也。

使者不辭之者,以其同爲王臣,

升成拜。

禮也。 亦於阼階上。 必成拜者,放授玉之儀也。 不辭之而 升成拜,尊者之 受勞

大史加書于服上,侯氏受。

者未有所放,故惟拜於下而已。

注 曰:受篋服

此受於堂,乃不著其所,是就 繼公謂:受亦北面,諸公南面訝受之。 而受之明

矣。

者東帛四馬, 儐大史亦如之。 使者出,侯氏送,再拜。 儐使者,諸公賜 服

禮 注曰:既云拜送,乃言儐使者,以勞有成 ,略而遂言。

右賜車 服

姓 同 姓大國則日 小 邦則曰叔父,其異姓 伯父,其異姓則曰 小邦則 [伯舅。 日 叔舅。 同

四八八

注曰:此禮云伯父,據同姓大邦而言。

饗、禮,乃歸。

燕,子男一饗一食一燕。上公三饗三食三燕,侯伯再饗再食再注曰:禮,謂食、燕也。《掌客》職曰:

# 右言稱謂與其禮

等、下等,每面十二尺。方明者,上下四有二尋,與方九十六尺也。深,謂高也,從二尋,則方九十六尺也。深,謂高也,從二尋,則方九十六尺也。深,謂高也,從上曰深。《司儀》職曰:「爲壇三成。」成上曰深。《司儀》職曰:「爲壇三成。」成上曰深。《司儀》職曰:「爲壇三成。」成十有堂焉。堂上方二丈四尺,上等、中稽重也。三重者,自下差之爲三等,而其矣。

之。 而每 大朝覲 若不巡守,則四方諸侯皆來朝,於是 曰:「爲壇壝宫,設棘門。」 諸侯」,正謂此也。 令爲壇三成,宫旁一門,詔王儀,南鄉見 壇壝宫於國門外之南方而受之,此所 繼公謂:爲宮者,築宮牆也。王十二歲 下,諸侯會之,亦爲此宫以見之。 加此於壇,爲將祀之也。《掌舍》職 面又各以色爲其神明之象,因以名 也。 《司儀》職曰「將合諸侯, 方明云者,其制方, 則 謂 爲

璜,東方圭。號音虎。璜音黄。 南方赤,西方白,北方黑,上玄,下黄。設南方赤,西方白,北方黑,上玄,下黄。設

繼公謂:設六色,以象天地四方之色也。者,刻其木而著之。

注曰: 六色象其神, 六玉以禮之。

設玉

方神明之象也。王巡守,至于方嶽之

器 玉 白 禮 圭 也 以 設 於天地之玉亦不 也 琥 地 ,以禮天 璧尊也。 圭,下不以琮 禮 玉,爲 所以 ,以青圭禮 西 然 方,以玄璜 地四方,以 祀 《大宗伯》職 者 時 以以 東 以此禮之。 耐 必 方, 四方之玉 以 象之也。 禮 壁,亦 蒼璧禮 以 北 赤 方」,謂 曰「以 璋 與《周 上不 無 禮 天,以黄 用圭璧者 所 南 玉 方明之 以 官》 方,以 象, 作 璧 琮 異 故 而

侯、伯、子、男皆就其旂而亟。上介皆奉其君之旂,置于宫,上左。公、

位也。 注曰:置于宫者,建之,豫爲其君見王之

也 就 繼 公謂: 北 其 旂 面 射 而 人》 與 旂 文 上左, 職言 朝 則 事 是 義 正朝之位云「諸侯 而公、侯、伯、 五 》所言諸 等之位, 侯 自 子、 之位 西 男 而 在 異 皆 東

> 揖 侯既 諸侯 朝, 右 庶姓 九棘,公侯伯子 則皆北面」、朝 人 同 一,時揖 立 在 於位,王 朝 唯 異姓,天揖 爲 乃 士》職言外朝之位 男位焉」, 於 列 同 壇上三揖之,土 亦 姓。 可 然則五 見 矣。 諸 等 云

四傳擯。

如之。 拜於奠玉之處,降,出,三享,奠 拜於下。擯者總延之曰 覲者,以其衆也 等,侯、伯於中等,子、男於下 王 朝三享凡四,此 既揖,於是諸 傳擯者,傳 侯皆升,奠瑞 其 於享 擯 辭,使之升拜 亦 升。 升之,異於特 等,既 玉 乃各 ,公於上 玉 幣 升 則 也。 皆 成 亦

出,拜日於東門之外,反祀方明。 天子乘龍,載大旂,象日月、升龍、降龍,

王建大常,緣首畫日月,其下及旒交畫注曰:馬八尺以上爲龍。大旂,大常也。

禮 集 説

升 龍 降 龍

異

也

禮

川

不

於北者,四

瀆尊,宜辟之

秩

山

Ш

之禮

屬

而舉之。

丽

來

覲

が故天

隨

其

地之隂陽

而

爲之,

與

拜

日於

東

之

義

路矣。 常,十 故其 便爾。 東,鄉其所出之處也。於宫門外者,由 言已受諸 各放其器之色」,謂祀方明之禮也。 上下四 巾車》職日 公謂:載大旂者,以拜日及祀方明也 禮 有二斿 東門,即此宫之東門也。 方之神唯壹祀之者,因 祀方明者,祀上下四方之神也。 簡。《大宗伯》職曰「皆 侯之朝享,乃帥 玉路「樊纓,十有再 彩不同。 以 祀」,此載 大常 而拜日, 「有牲 則 就 朝 拜日 爲 建大 其節 乘 幣, 之, 此 於

月與四瀆於北門外 ',禮 祭地,瘞。 祭天,燔柴。 之屬。 也。 與《周官》合,未詳 明所謂 之,升,謂 謂 子於此,亦略修祀事,以放巡守之禮云。 此諸侯以天子不巡守之故 天子巡守,有懷柔百神、望 而爲之,蓋 以此 此三禮者,皆與上事 燔柴者,置之於積柴之上 四 禮者異於此 瘗,於例反。 事 縣之,瘞,埋也。 因 祭山、丘陵、升。 用其祭物也。 上文,遂并言正祭之法, 也。 然此祭亦不 相

右大朝覲之禮

禮

日

於南門外,禮

亦

與《朝

事義

Ш

川、丘陵於西門外。

《記》。 几俟于東箱

禮

月與

四瀆於北,禮山川丘

陵於西,皆

者

異

於正祭,變其

文耳。

禮

日

於

南

門

亦

謂

宫

門。

禮,

謂

祀之也。

不言祀

四一〇

祭物,謂牲

祭川,沈。

此皆順

其

性

盡

以

圃

燔

於既設几之後也。而此云几俟于東箱, 云「天子衮冕,負斧依」,則是天子登席 經云「設斧依于户牖之間,左右几」,乃

其指未設几之前而言與?

偏駕不入王門。

言此者,明唯王車乃入王門也。 凡非王

車,皆謂之偏駕。

奠圭于繅上。

-F.

儀

禮集說卷十

瑞玉,有繅。」 明奠時開繅而見玉也。 經云:「乃朝以

正誤

迎于門外。

門外」。 鄭本作「外門外」。 無可以爲二門者之徵,故且以古文爲 爲有二門也,然以其行禮之節求之,絶 而已。此今文雖有外門外之文,則是以 繼公案:《聘禮》則舍惟有 注云: 古文曰「迎于

Ĕ

上左。

《春秋傳》亦有上左之文,則「上」字之義 鄭本「上」作「尚」。 優於「尚」也,宜從古文。 「上」。案:上左云者,以左爲上也。 注云: 古文「尚」作 且

# 儀禮集説卷十一上

元 敖 繼 公

撰

此 篇言諸侯以下男女所爲之喪服,於五 喪

第

喪 服 禮 屬 斬 凶 衰 禮 裳,苴絰、杖、絞帶,冠

屨者:

衰,七回反,下並同。

苴,七余反。絰,大結反。

繩

纓,菅

絞,户交反。 注曰: 衰,下 **經象大帶,經帶象革** 日 者者,明爲 菅,古顔反 裳。 麻 在首、在 下 出 帶。 也。 要皆 齊衰 凡 曰 服, 以下 絰 上 用 要 日

布。

案

疏

云

斬

三升布,

但

據

正服

Mi

也

正

服

布

三升,義服

布三升有

半。

除,經 故經 輕 齊衰 明爲 行於世其來久矣,節文纖 世聖人因 未 因吉服而易之,若首經則 菅,茅類也。 用 繼公謂: 爲天子」等而出也。 斬 疏 有 重 竹 衰 日 但 喪服之時,但 下出也」者,明爲下句「父」、「諸侯 . 以下用冠 也。 不言三年者,可 皆不著之。 云斬衰自卒哭以至練祥,服 舉大畧以記 斬衰裳者 苴絰、杖者,謂絰、 而不去,且異其大小之制 絞帶,所 凡喪 布, 謂 唯言 加 服,衰裳 則 以 斬 之耳,後 知 此 束 此 三升布以爲 也。 初 絰 其 衣 悉,人所習見, 不 服 以 帶 冠帶之屬 然。 用 者,喪 代 注云「者者, 表哀戚,後 用 放此。 牡 革帶 苴 蓋 麻 麻,杖 衰 服 以 有 古 與? 裳 也。 之 變 爲 皆 者

傳  $\Box$ 斬 者 何? 不緝 也。 緝,七人反。

也 此 釋 其 絰 領、袖亦有純,作傳之人未詳,説 斬 衰裳之文也。 不緝,謂不齊之

見《記》後。

苴 在 下,去五 絰者,麻之有 分一 以 蕡 者 爲 帶。 也。 蕡,符云反。 苴 絰 大搹,左本 搹音 革

子。

去,起吕反,下並同

爲殺者,象五服之殺也 注 曰: 盈手曰 搹。 搹, 扼也。 以五分一

言牡者,對蕡爲名; 以色言之謂之苴,以實言之謂之蕡。下 疏 曰:《爾雅》云「蕡,枲實」,即麻子也。 本謂 麻根 言枲者,對苴生稱

也。

之經 惟 老 繼公謂 以 而 驫 以 搹 惡矣,故以爲斬衰之絰。絰之大 麻 爲 此釋苴 度,而一 之有本者爲之,又有纓, 不言寸數、未詳。 經之文也。 麻有費,則 此 重 服 絰

> 首,婦人重帶。」經帶大小之義主於男 大帶小,見輕重 五分一,五分其 左本而在下,所 也。 以 経之大 見其 ^ 閒傳》曰:「男子 以 圃 本爲 去 其 纓 也 也。 重 絰 去

**緦麻之絰,小功之帶也,去五分一以爲** 小功之経,大功之帶也,去五 大功之経,齊衰之帶 齊衰之經,斬 衰之帶也,去 也,去五 五 分一 分 分一 以 以 以 爲 爲 爲 帶。 帶。 帶。 帶

本。 苴杖,竹也。 傳主言斬衰之絰帶,此則連言之耳。 齊如字。 削杖, 桐也。 各齊其心,皆下

齊,並音咨

衰者 之杖也,用 之苴者,以 此主釋苴杖而并及削杖也。 杜 元 其不 凱 桐 木 日 圃 脩治故 員削之,象竹」是已。 又 削 之,所 也。 削 以 竹杖 杖,齊衰 别 於斬 而 謂

也。 以當每人之心 其首絰之度矣。 曲 小記 .禮》 下本,所 日 曰:「獻杖者執末。」謂吉杖也。 : 「杖 以 爲節也。 大如 别 各齊其心者,謂 於吉。 絰。」 則是 凡吉杖,下末 皆者,皆二杖 二杖 其 皆 長 如 短

也。 不杖 杖者 不 能 ·何? 病 ? 非主 也。 不 而 能 爵 擔 杖者何? 也。 市 病 豔反。 也。 無 爵 婦 輔 人何 而 病也。 杖 者 以 何? 不杖? 童子何 擔 以 亦 主

也。非主,謂衆子也。 擔猶假也。無爵者假之以杖,尊其爲主注曰:爵,謂天子、諸侯、卿大夫、士也。

病 也。 而 爵者,謂大夫以下其子之無 繼公謂 之義焉。 設 所 傳意: 此 以 蓋 優貴者 因 童子與婦 謂 [廣言用杖不用杖之義。 此 杖初 也 其 人皆謂非主者也, 爲 後 有 乃 爵 爵 生 者居 者及 擔 主、 庶 重 輔 喪 人 無

> 子子非主也 也,是其経、杖之屬如男子矣。 妾、女子子之服 故 但 以 不 能 圃 病 亦 異 而 杖,則似與 八者,布以 不 杖。 縱、箭 然 不 此 能 笄、髽、衰 章 妾與女 病 著 丽 妻、 不

絞帶者,繩帶也。

杖之義異

則絞帶於虞後變麻服布,於義可也。雖不言所變,案公士、衆臣爲君服布帶,疏曰:絰帶至虞後變麻服葛。絞帶虞後

者,糾 繼公謂 博當二寸,齊衰 以 如之。《玉藻》曰:「革帶博二寸。」 繩 帶釋 也。 此釋絞帶之文。 之者,蓋絞之 先 儒 以 以下之布帶,其博 此 絞 帶象 則爲 經言絞帶 革帶, 繩 矣。 宜 則 mi 其 傳 亦 絞

注曰:屬猶著也。布八十縷爲升,升字灰。衰三升。屬音燭。鍛,丁亂反。

升,俗誤已行久矣。 當爲登,登,成也。今之禮家皆以登爲

疏曰:鍛而勿灰者,以水濯之,勿用灰

也。

畢,謂 如之。 之 也。 之左邊 於吉也。 纓 綴 年之練冠,亦條屬右縫,小功以下左」是 右、《雜記》曰「喪冠條屬,以别吉凶。 而 縫,皆謂纓也。 繼公謂: 於武 布 也。 又屬於武 與其 冠六升」以下,乃因上文而并言冠 縫 惟 ,以固其冠也,齊衰、大功 其屬之内以下端,鄉上而 之左邊也。● 冠 吉冠 此主釋冠繩纓之文。 小功以下,則 於武 制,又因 也。 於武上之内縫合之,凶 條屬者,以一條繩 而畢之也。 右縫者,以纓之上端 冠 必右邊者,辟経之 布 纓 圃 在 見 外 左 衰 畢 條 布纓 而 結 者, 布 爲纓, 屬右 屬 於武 也。 冠 别 於 亦 綘

> 聲相近,或古之遺言與? **縷數未詳,今吴人謂** 升,三升有半」,是斬衰有二等也。 服言之,不及義 也 勿灰 於武上之外縫合之,是其異也。 五服之布皆不 」,則凶 者,嫌當異於衣也,故 服 可 加灰、《雜記》曰「加灰、錫 知 服 也。 云衰三升者,但 四十縷爲烝,烝升 《記》曰 以 明之。 斬 言鍛 升之 衰 以 凡 īE. 而

菅屨者,菅菲也,外納。 菲,扶味反。

注曰:納,收餘也。

其下因言孝子居喪之禮云。 喪屨之名,故云然。傳釋經文止於此,繼公謂:此釋菅屨之文也。菲者,後世

苦對反。居倚廬,寢苫枕塊,苫,失占反。枕,之鴆反。

● 「左」,庫本作「右」。

四二五

四二六

注曰:倚廬,倚木爲廬,在門外東方,北

户。苫、編藁。塊、堛也。

繼公謂:此見其哀戚不敢安處也。

**欧**粥,朝一

哭晝

夜無

時

六反。

注曰。哀至則哭,不必朝夕。

**歡粥,朝一溢米,夕一溢米。歌,**昌悦反。粥,之

一溢米而已。日之後乃始食,雖食猶節之,朝夕但各所之。孝子遭父母之喪,水漿不入口,三

之盛謂之溢,兩手謂之掬。」一升也。繼公謂:溢,未詳。《小爾雅》曰:「一手

寢不説絰帶。說音脱。

雖 喪莫重 寢 猶 不敢 於 絰 脱 帶 ,明其 非 變 頃刻不忘哀 除之時及 有 也 故 則

一哭夕一哭而已。柱音主。疏食音嗣。下不音既虞,翦屏柱楣,寢有席,食疏食,水飲,朝

疏曰:

食謂飯也。

者,並同。

改舊 之餘草。 疏 日 廬, 既虞, 西鄉 楣下兩 翦 開 屏 户 頭 柱 竪柱,施梁也。 剪 楣 去 者,三虞之後, 户旁與 兩 云 廂 疏 乃 屏

虞後飲漿酪等,故云飲水而已。 一溢而已,當以足爲度。云水飲者,恐食者,用麤疏米爲飯,明不止朝一溢,夕

之晝夜無時者也。 言而已者,明次中之哭止於此,異於曏中爲之,以是時既卒殯宮朝夕哭故也。繼公謂:屏,蔽也。朝一哭夕一哭,於次

既練、舍外寢、始食菜果、飯素食、哭無時

始食如字。飯當音反。

復平生時食也。之,不塗壓,所謂堊室也。素猶故也,謂注曰:外寢,於中門之外,屋下壘墼爲

哭,惟哀至則哭而已。此哭亦在次中。繼公謂:哭無時者,既練又變而不朝夕

哭不絶聲,一無時也,既殯以後,阼階下凡哭有三無時、二有時:始死未殯以前,

朝夕哭之外,有次中晝夜無時之哭,二哭不絶聲,一無時也,既殯以後,阼階下

殯之後,卒哭之前,朝夕哭于阼階下,一哀至則哭,即此所云者,三無時也。既無時也,既練之後,無次中朝夕之哭,惟

食」,則傳之「飯」字似當作「反」。 次中,二有時也。 案:注云「復平生時有時也,卒哭之後,未練之前,朝夕哭于

爲,于僞反,●下並同,異者别出之。 父,傳曰:爲父何以斬衰也? 父至尊也。

庸》曰:「父母之喪無貴賤,一也。」云何服,蓋主於士禮,大夫以上亦存焉。《中云君與爲天子之類皆放此。此經爲父經云父,傳云爲父,皆謂爲父服也,下文經云父,傳云爲父,皆謂爲父服也,下文

問,有怪其重者,有怪其輕者,讀者宜以以斬衰,怪其重也。凡傳之爲服而發

意求之。

曰:君至尊也。 諸侯爲天子,傳曰:天子至尊也。君,傳

卿大夫、士則其貴臣也。此亦主言士此爲之服者,諸侯則其大夫、士也,公、諸侯及公、卿大夫、士有臣者,皆曰君。

禮,以關上下,下放此。

父爲長子,長,知丈反,後「長子」皆同。

之,經文互見耳。 年」章放此。後凡言嫡者,亦皆兼 嫡子也,不云 爲之三年者,異 長,故爲之服 嫡 此 其 而 丽 云 爲嫡,加 不降之也,「疏 長者,明其 隆 之也。 嫡 派長言 衰 而 此 又

●「于」,原誤作「子」,今據庫本改。

也。 傳重也。庶子不得爲長子三年,不繼祖傳曰"何以三年也? 正體於上,又乃將所

之昆弟爲其庶子服與大夫同,則爲其 宗、小宗之庶子也。然經但云父爲長子 若《小記》所謂不繼祖與禰者,則兼言大 此云不繼祖者,惟指大宗之庶子而言, 繼公謂:祖、謂别子也。繼祖者、大宗子 重其當先祖之正體,又以其將代己爲宗 注 弟,不繼祖禰者也,而其服乃若是,則 子服亦三年,與 章云大夫、公之昆弟爲庶子之長殤、公 長子三年之説,亦似異於經。「殤小功」 耳,傳、《記》乃有庶子不繼祖禰,不得爲 也、《記》曰「别子爲祖、繼别爲宗」是也。 庿主也。 曰:此言爲父後者,然後爲長子三年, 庶子者,爲父後者之弟也。 大夫 同 明 矣。 公之昆 所 適

謂斬衰。此釋經意也。重,謂宗庿之屬。尊服

爲人後之義。此言當爲同宗者後也,自是以下又覆言

何如而可爲之後? 同宗則可爲之後

妻第二子以下皆是,不限妾子而已。疏曰:變庶言支,支者,取枝條之義。何如而可以爲人後? 支子可也。

適

繼公謂:必支子者,以其不繼祖禰

也

之昆 母,妻即爲後者之母也,妻之父母、妻 疏 注 祖父母及舅與内兄弟,皆如親子爲之服 日 曰:若子者,爲所 一弟、妻之昆弟之子,於爲後者爲 : 死者 祖 父母,則 爲 後之親 爲後者之曾祖 如 親子。 外 父

也。

傳言爲 之恩主 所 益 其 其妻之父母以下,乃備言之者,嫌受重 止 者之妻,蓋各舉其一以見餘服也。至於 惟言所後者之祖父母,於親者惟言所後 繼公謂:言妻之昆弟以見從母,言妻之 昆弟之子以 後者死,而其祖父若父或猶存。 於父,故傳爲凡不見者言之。又詳 미 妻黨之服 知 矣。 一於所 人後者爲所後者祖父母服,則是 經見爲人後者如子之服 且如是,則於所後者之親 見從 後者,而 母昆 或 弟 略 也。 ·於其· 此 妻黨也。 於 尊者 於祖 僅 此 服

事,亦謂之宗子,所謂「宗子不孤」者也。子故爾。蓋尊者已老,使子孫代領宗父若父猶存而子孫得置後者,以其爲宗

妻爲夫。傳曰:夫至尊也非是,則無置後之義。

父也。 则天夫,是男尊女卑之義,故同之於君者,雖是體敵齊等,以其在家天父,嫁出疏曰:妻者,齊也,言與夫齊也。夫至尊

凡婦人之爲服者皆放此。繼公謂:此亦主言士妻之禮以通上下。

妾爲君。傳曰:君至尊也。

傳》曰:「男爲人臣,女爲人妾。」 妾與臣同,故亦以所事者爲君。《春秋

女子子在室爲父,

父母也。在室,在父之室也,與「不杖女子猶言婦人也。云女子子者,見其有

四元九

期」章適人者對言。

布總、箭笄、髽、衰、三年。等音雞。髽、侧瓜反。 在。總、束髮、謂之總者、既束其本、又 。總、束髮、謂之總者、既束其本、又 。總、束髮、謂之總者、既束其本、又 是曰衰、下曰裳。此但言衰不言裳、婦 上曰衰、下曰裳。此但言衰不言裳、婦 人不殊裳、衰如男子衰、下如深衣、深衣 人不殊裳、衰如男子衰、下如深衣、深衣

既縫著衣,故不須用之。《記》衣云帶下尺,以掩裳上際也。此裳疏曰:云「深衣則衰無帶下」者,案下

以 服 皆所以示 繼公謂: 矣,故《士喪禮》卒飲,婦人髽于室,自此 以後之禮,然當髽者自小歛之時 至終喪 髽者,露紒之名也。 其 不 (異於男子,則 變也。 此言笄、緫、髽、衰, 與男子同者, 此主言成 則 然

**絰帶、杖、屢也。《士喪禮》曰:「婦人牡** 

0

「爲」,通本、庫本作「惟」。

者,此不見之者,以經爲主言首經,●故麻經,結本。」是亦婦人斬衰要經之異

略之。

二寸。長,並直亮反。 傳曰:總六升,長六寸。箭笄長尺,吉笄尺

謂出紒後所垂爲飾也。注曰:總六升者,首飾象冠數。長六寸,

皆用一尺而已。 功以 也。此箭笄長尺,吉笄尺有二寸,南宫 八寸,小功、緦麻同一尺,吉總當尺二寸 總八寸,以下雖無文, 大功當 縚之妻爲姑榛以爲笄,亦云一尺, 疏 日 下,不容更差降,故五服略爲 此 斬衰總 六寸,南宫縚之妻爲 與 齊 一節 則大 衰 同 姑

繼公謂:總六升,亦但指卒哭以前者也。

升,既 其卒哭 練,則 以 後,當 八升也 與 男 子受冠 變服之後,其長之 之布 同 七

異同則未聞,當考。

子嫁,反在父之室,爲父三年。

其爲母 服 也。 妾者言之曰適人,此惟言嫁者,省文耳。 自父以下,凡爲此女服者亦皆從其本 與未嫁者異 室,明其見出於父存之時也,著之者,嫌 處凡言子者,皆謂男子。 子,女子子也。承上經而言,故但云子, 女子子無嫌,亦可以不必言女。經於他 省文耳,非經之正例也。 凡 女行 以下亦如之可知,經特於此發之 也。此喪父與未嫁者同,則 於人,其 爲 妻者 言反 又云嫁,則 日 嫁,兼爲 在父之 爲

知矣。

公士、大夫之衆臣,爲其君 李微之曰:以傳考之,疑「士」即「卿」字, 布帶 繩 屨

> 傳 寫 誤 也

爲公卿大夫之服如此 夫亦 君,故其臣之爲服者得以分别貴賤也 不敢與之同也。蓋此君之尊,殺 繩屨,降於爲君之正 之止於是也。公即所 繼公謂:此亦以其異,故著之,且明異者 仕於諸 侯者也。 证服,所 謂諸公也,公卿大 其衆 則其於士又殺 以 臣 一爲之 辟 貴 於 布 臣 或 耐 口

位。 臣 傳曰:公卿大夫室老、士,貴臣,其餘皆衆 也。 疏 注 無 君,嗣君也。斯,此也。 亦不得借人也 E 所 日 近 降 臣,君服 君,謂有 室老,家 謂之不借者,此凶 也。 繩菲,今時 斯 地 相 服 者也。 矣。 也。 不借 繩屨者,繩菲 近 近臣從君,喪服 衆臣杖,不以 屨不得從人借 臣, 閩寺之屬。 也。 也 即

傳

日

帶緣

各視

其冠」,

以

此

推

之,

則

凡

之爲 言公卿 子同即 位 繼 近 無 公謂 一,亦異於貴 臣 地 也 家 者 君 傳言於此,亦 大夫 位者,亦以其 其 臣 服 室老,家臣之長者 者 服 斯 爾, 不 皆 臣 服 如 是 也。 乃諸 而 是 也 傳 似非 乎 尊少貶故 然 以 侯之近 ? 則貴 衆 有 其類 臣 似 地 也 臣 杖 失 者 臣 也。 得 ′;不 於固 釋 從 以 之, 君 經 杖 以 凡 服 則 惟 與 即 士

#### 右 斬 衰

疏 衰裳齊、牡 麻絰、冠布纓、削杖、布帶、疏

屨,三年者

注 疏猶 麤 也

帶者,亦象革帶,以七升布爲之,即下章 疏 曰 : 後言 齊, 以 先作之後齊之也。 布

帶緣各視其 冠 是 也

繼公謂: 此冠布 纓亦條 屬,右縫。 又下

> 之文無 衰者 麤 布 而 布 復其常處 也。 以 纓之下,與 纓皆當 可 疏言之。此衰 知矣。 所 以 其 蒙 而 司 在 爲 於 前 而帶 又經 此 之者不一 冠 章杖、 也 布 與 裳 也。 列 冠 與 帶之次異者,此 削 ,故不偏見 纓之縷 屨皆言疏 屨 杖、布帶皆 云 疏 數同,宜 者 , 則 其 在 亦 杖 冠 斬 物

者,藨 牡 傳 麻 日 絰, 蒯 齊 之菲 右本 者 何 也。 在 ? 上。 枲,思似反。 緝 也。 冠 者, 牡 沽 麻 沽音古,後同。 功 者, 也 枲 麻 疏

注 曰 沽猶 苦怪 麤 也。 麤 功,大功 也

皮表反。

蒯

反。

初 人大功之境,故言沽功

疏

日

緝

則今人謂

之緶

也。

此

冠

七升,

繼 公謂 亦前 牡 麻 後 名 者,無實之麻 異 也。 牡 麻 也 比 傳 苴

以

枲

爲

也。

屨

及後

章

放

此

案:

注云「尊得

伸」者,

謂

至

尊

不

在

則

無

所

屈

而

得

伸其

私

尊

其爲 也。 上 故 ,所以見其不以本 齊衰以下之絰用之。 制 上言左本在下,此 蓋 屈一條繩 爲 爲之,自額 總,而 言右: 此 絰 本 纓 右 在 上 亦 本 Ŀ, 丽 在 而 後 左 在

繩 端 端 纓 止 不 同 於 垂 己 右之上而前鄉,其不纓者,則左 而 在 見 上爲 於前傳,故 異耳。 此惟言冠布也。 冠布纓之制 與

交於項

中,一端垂

於左之下而

爲

纓,

傳

日

繼

母何以

如

母

繼

母之配父

與

因

?

知。不見升數者,言沽功則爲大功之首可

父卒則爲母。

4.

室者爲此服,亦惟笄、緫、髽、衰異爾,下「則」者,對父在而立文也。其女子子在繼公謂:父在爲母期,父卒則三年。云注曰:尊得伸也。

母,貴父之命也。

養,陽尚反。

上 上 上 上

繼母如母。

續 疏 己母 日 : 也。 繼 母 者,謂 喪之如親 己 母 母,故 早 卒, 云如母 或 被 出 一之後

母同,故孝子不敢殊也。

注曰:因猶親也。

慈母如 繼公謂 子不敢殊者,明聖人因 母。 此禮乃聖人之所爲,而 傳曰: 慈母 '者何 人情 也? 以 制 禮 傳 傳 謂 日 : 孝

則生養之,終其身如母。死則喪之三年如「女以爲子。」命子曰:「女以爲母。」若是,妾之無子者,妾子之無母者,父命妾曰:慈母如母。傳曰。慈母者何也。 傳巨

爲 無 注曰:此主 母,父命 母子,則亦 爲 謂 服 母 大夫士之妾 子 庶 母慈己者之服可也 者。 其 使 無 養之,不命 子,妾子之

四 三

疏曰:傳別舉舊傳以證成己義也。貴父子爲母期矣。父卒則皆得伸也。●大夫之妾子,父在爲母大功,則士之妾

繼公謂:言喪之三年者,以其見於此章,但惟貴父之命故也。

之命者,一非骨肉之屬,二非配父之尊,

者,謂妾或自有子,或子之母有他故不之,不命爲母子則亦服庶母慈己之服」故惟據父卒者言也。 案:注云「其使養

等可也。庶母慈己者服,見「小功」章。慈之而已。若是,則其服惟加於庶母一能自養其子,是以不可命爲母子,但使

母爲長子。

衰,母爲之不得過於子爲己也。 疏曰:母爲長子齊衰者,以子爲母服齊

於男子者,以其已於前章發之,則其類繼公謂:經不著女子子爲母及此服之異

0

「得」,原脱,今據明本、通本、庫本、注疏本補。

百:可从三年五?皆可得而推故也。

傳曰:何以三年也? 父之所不降,母亦不

敢降也。

服也,不宜云不降。父母於子,其正服夫妻一體,故俱爲長子三年,此加隆之

但當期,初非降服。

右齊衰三年

疏衰裳齊,牡麻絰,冠布纓,削杖,布帶,疏

屨,期者。期音雞,下並同。

下《雜記》云「十一月而練,十三月而祥,疏曰:此章雖止一期,而禫杖具有。案

きく引: と月及し、可け、妻く高台十五月而禫」、即是此章者也。

「三年」章同者,是章凡四條,其三言爲繼公謂:此期服也,而杖、屨之屬皆與

然則二 杖 故  $\equiv$ 斬 母 三年,乃 年,乃不出 ·, 其 屨 衰 屈 之屬 至年; 圃 一言爲 服 在 或 所以皆與之同 雖 此 爲之期者 夫以 在 也。 於期者,不 妻也。 於期,實有 妻爲至親,宜 妻以 以 則 夫爲 也 禮 敢 以父 = 攷之, 同 至 年之義,此 於 在若母 尊 爲之齊 母 而 爲 故 爲 母 之 衰 宜

功,冠 傳 各視其冠。 日 其受也。 問 者 曰 緣,以絹反 . 緦 何 麻、小功, 冠 也? 冠其 曰 : 、衰也。 齊 衰、 大

升。 升。 升。 衰 疏 四 日 降服 義 正 義 IE 升 此 服 服 服 服 大功 冠 大大 大 假 齊 齊 七 他 功 功 衰 衰 升 問 衰 衰 衰 六升, 五 己答之言 以其 九 七 八 升,冠 八升,冠 升 升 冠 冠 冠九升, 冠 八 爲受,受衰 十升 十升 十一升,受衰 也。 升, 一,受衰 一、受衰 降 受衰 受 服 衰 + + 九 八 + 齊

服 者 異 齊衰、大 服 惟 繼公謂: 擬 同,故 麻 冠 冠、衰布同也。 與緦麻、 者,視猶比 + 功衰十一升; 則 也 有 十五五 - 升。 亦 有子爲母之冠耳。 其冠也。 其受也 謂 或各 總 ; 齊衰以 義 日 緦 以 小 功 斬 升抽 服 麻、 冠 諸 其 自 功 疑 有 也,二者之布升數 然本 其 衰有二,其冠 降 冠 章之冠 不 小 至總麻,其 並答帶緣者,博陳其義 受 其 服 衰 皆與其受衰升數 同 其冠之異 問者 義服 功無受布,故 布, 半。 小小 問齊衰之冠 也。 故 爲言 也。 故 惟疑 ,小功衰十二升; 功衰十升; 是章有降服,有正 其冠皆與 云 冠 以 布帶與 帶緣 同。 帶 其 同 此章之冠,答 受, 緣 其 但 故 为 因 齊衰三年 各 多 各視 下每 其 冠 其冠、衰 冠 發 正 視 同 答大 少 衰 其衰 衰 問 丽,小 故 故 其 章之 各 其 升 也 也 布 冠 功 比 冠 數 緦 云

也。 也,正服爲妻也。 之緣亦各以其冠布爲之。 衰,但可斷自此 而并及之。 冠緣者, 紕也。 冠、衰,皆有布緣明矣,此所云者是也 衣縓緣。」則 期 而小祥,練冠,縓緣。」《檀弓》曰:「練 此復言帶緣者,又因其布之與冠同 案: 疏言降服 重服未 衰緣者,其領及袪之純 章 而 練以 下,蓋此降 前,與夫輕服之 齊衰,正 《閒 傳》 服 爲 服 曰 母 齊

亦如之。此主言士之子爲母也。其爲繼母、

慈母

父在爲母

也。 其私尊也。父必三年然後娶,達子之志 傳曰:何以期也? 屈也。至尊在,不敢伸

言尊而言私尊者,母於子爲尊,夫不尊疏曰:家無二尊,故於母屈而爲期,不直

之故也。

情則可 見。 乎?《春秋傳》曰王一歲而 爾,非 之無子而死 於母,是以 於妻,宜有三年之恩,爲其不可 繼公謂: 合之義焉。 一,謂后與太子也。 必專爲達子心喪之志也。 伸,故必三年 喪妻者必三年然後娶,禮 君謂 但 者,夫其可以不俟三年 服期 惟主於達子之志, 而 已。 然後娶,所以 喪妻之義 然服雖有 有三年之喪 於 以 蓋 此 終胖 不降 當 而 則 夫 然 可 娶

妻。

杖,謂無父者也。 下章傳曰父在則爲妻不杖,然則此爲妻

繼 公謂 此 傳 偏 釋 爲 妻期 服 不 爲 過 重之

意 ,義似未

出 妻之子爲母。

有六出 者 疾七也。 也 族 疏 ,口舌四也,盜竊五也,妬忌六也,惡 曰 無子一也,淫泆二也,不事 或之本 此 謂 天子、諸侯之妻,無子不出 家, 母 犯 子爲之服 七出 一、去夫 者 氏, 也 舅 或 姑 七 適 了, 惟 出 他

或 關 之子,主於父在者也。若父没則 服者矣,如下傳所 繼公謂:出妻者,見出之妻也。云出 有不然者,非達禮也 上下言之,若妾子之爲 云者是 也。 其 出 又此 母 或 則 禮 有 亦 亦 無 妻

服 傳 Ħ 傳 出妻之子爲 日 「絶族無 母 施服 期,則 ,親者屬 爲 外 祖 父 母 無

注 日 在旁而及 日 施。 親者屬,母子至

> 親 無 絶 道

引傳以釋之也,下放此 以 所 其 母 繼 公謂 爲 以 族 重 出 爲 者 相 外 絶 母 耳。絶族 此於其外親 祖 期 而 父母 也。 不 爲 ( )離絶 無 親 此 服 也 蓋 但 也。 傳 之族,謂 絶 云外祖父母, 者引 族 親 者屬,言所 無 舊 施 禮 父族 服, 而 復 言 與 見

日 出 :「與尊者爲一體,不敢服 祭者,吉凶二道不得相干故 故爲父後則不敢服之。 無 也。 蒙 言爲父後,則無父矣。 妻之子爲父後者,則爲 絶道 經文也。 母不配父,則 ,固當有服 與 尊者爲 ,然有服則不可 子視之爲 乃云出妻之子, 一體,釋爲父後 有 出 其 也 服 母 私 私 則 親。 無 親 不 也 服 '以祭, 母子 可 以 傳

父卒,繼母嫁 ,從,爲之服,報

王子雍曰:從乎繼母而寄育 則爲 服,不

從則不服。

己。 從之嫁 母之子自居其室而爲父後者,亦不 之子爲父後 者,豈以其既 其從與否皆當 者,今以此二條之禮定之,則子於嫁母, 服 繼母嫁從之服,而獨不及於父卒母 室者也。 加之義,故宜報之,所 不爲女君之子服。」 妾不服之,明出妻 皆報也。 其服服之之名,謂出妻於其子與此繼 繼 公謂 非禮,故闕之以 也。 母於子乃亦杖期者,既 舊説謂 則 : 父卒而 此經言出妻之子爲 《小記》曰:「妾從女君而 期,所 者,則爲 有子矣,乃夫没而 此 爲 以 繼母不嫁,則 之杖 女君猶爲其 見義乎? 異 出母 内 以 期, 外 别 無 也。 耐 於 出嫁 服 傳曰「出 爲之三年。 經 在 母及子 」,然 子期,是 報者,以 再嫁,尤 不著 其 則 爲 父 則 無 爲 之 之 嫁 嫁 嫁 妻 尊 有 母 則

母服也。

傳曰: 何以期也? 貴終也。

服也。繼母嫁而子從之,是終爲母子終者,終爲母子也。以終爲貴,故服此

也。

右齊衰杖期

不杖,麻屨者。

注曰:此亦齊衰,言其異於上。

祖父母。

服 繼 爲父母 疏 公謂 或 曰 : 異 服之本制,若爲 加 矣。 此 隆 服 至三年,祖 傳 惟 日 : 據 「父卒然後爲祖 父在者言 亦 父期, 加隆 也 祖合大 至 父 期 也 没 後 功, 者 則

服斬。」《小記》曰:「祖父卒,而后爲祖母

父一體,故

當加一等

也。

以

五.

服

差之,

後者三年。」

傳曰:何以期也? 至尊也。

謂不可以大功之服服至尊,故加而爲期

也。

世父母、叔父母。

注曰:爲姑在室,亦如之。

疏曰: 伯言世者, 欲見繼世也。

者,欲序昆弟之子於衆子之後,序夫之嫁者則異也。此服皆報,不言之而别見繼公謂:女子子在室爲之亦然,惟已許

等,故不於此言報也。若輕服,則不然。昆弟之子於舅姑之後,以見親疏尊卑之

也。 傳曰:世父、叔父何以期也? 與尊者一體

繼公謂:世、叔父本是大功之服,以其與陳詮曰:尊者,父也,所謂昆弟一體也。

之大功則 之,則世、叔父之期乃是加 爲從父昆弟大功,世、叔父期,以此傳攷 功,則從父之親宜爲二,大功也。 族之親 爲 其正 四 緦 服 麻 也。 從祖 此釋經文爲世父、 一之親 服 ,從父昆弟 爲 而禮

叔父期之意。

足以加尊焉,故報之也。 然則昆弟之子何以亦期也? 旁尊也,不

451

者,而世、叔父亦以 并釋之也 雖不在此條,然以其即爲世、叔父之服 於衆子、祖於庶孫之類是也。 足以尊加之故也。 以其爲己加隆之服者,以己非正尊,不 服 加尊者,謂以其尊加之也。 亦大功,世、叔父不以本服服之,而報 加尊 此 服之義有不同,故 而 不 昆弟之子本 報者,如父 昆弟之子

四三九

也。將,普半反。 父子,首足也,夫妻,將合也,昆弟,四體父子一體也,夫妻一體也,昆弟一體也,故

體也。此又申言與尊者一體之義,雖以體也。此又申言與尊者一體之義,雖以言,而其旨則惟主於昆弟。蓋三者並言,而其旨則惟主於昆弟。蓋三者並言,而其皆則惟主於昆弟。蓋

有餘則歸之宗,不足則資之宗。辟音避。宮,有西宮,有南宮,有北宫,異居而同財,私也。子不私其父,則不成爲子。故有東故昆弟之義無分,然而有分者,則辟子之故昆弟之義無分,然而有分者,則辟子之

也。 注 疏 在 之子各自私其父,故須分也。若兄 曰: 昆弟之義無分者,以手足四體本 曰:資,取也 身,不可分别,是昆弟之義 然而分者,則辟子之私 也。 使 不 弟同 合 昆 弟 分

> 宫也。 父子同宫,縱同宫亦有隔别,爲四方之云:「命士以上,父子異宫。」不命之士,在一宫,則不成爲人子之法。案《内則》

者又烏得而當之? 父,則爲子者何以獨厚於其父? 爲父人曲盡人情如此。若同宮有叔父、伯張子曰:子不私其父,則不成爲子,古之

弟則分,似乖於一體之義,故言其理之 北宫、蓋古者有此稱、亦或有 不 昆弟俱是一體,然父子、●夫妻不分而 繼公謂: 者,故傳引之以證古之昆弟 同 容不分者以釋之。 宫者焉。 此承上文而言也。父子、夫妻、 異居而同財,則其 東宫、西宫、南宫、 亦 有分 所以分之 以之爲氏 而 昆

意 可見矣。宗,謂大宗、小宗共禰者也。

世母、叔母,何以 亦期 也? 以名服 也

世、叔父而服之。 疏 以 配 世、叔父而 生母名,則當隨

繼公謂:

恩疏。 此釋經文也。言以名服,見其

大夫之適子爲妻。適,丁敵反,下不音者並同。

也。 妻而 子爲妻則 傳曰「父在則爲妻不杖」,則是凡父在 此乃特見大夫之適子,蓋 非有所降者,其服皆然,不别 異於是,惟其 適子爲妻如 謂 大夫 適 邦 庶 庶 爲

此 例在正服後,今序於昆弟之上者,蓋以 包上下而言,故居衆人爲妻之處。若

人,故特舉以明之。凡大夫之子之服

降 傳 也 何以 何以期也? 不杖也? 父之所不降,子亦不敢 父在則爲妻不杖。

重

出

者,乃在正服後也

凡不降者 注曰:大夫不以尊降 ,謂如其親 服 適婦者, 服之。 重適也。

品:大夫以尊而降,公之昆弟、大夫之子 也。 適人者以出而降。子亦不敢降之,説見 以其父之所厭 三年,乃得爲妻杖,是其差也。降有三 不敢同於父在爲母之服也,故父没爲母 從乎大夫而降也。 子亦降之而至於大功,所謂大夫之子則 大功如衆人,故子亦爲之不杖期如衆人 繼公謂。父之所不降,謂大夫爲適婦 若大夫於庶婦降之而至於不服,其 而降,爲人後者、女子子 父在則爲妻不杖者 亦

昆弟。

後。

注曰:昆、兄也。爲姊妹在室亦如之。

爲衆子。

注曰: 衆子者,長子之弟及妾子。

子在 室 亦 如之。

與 爲妾子 父母爲衆子乃期者,以尊加之也。 故曰衆子,庶則對適之稱也,實則 公謂: 衆子 同 亦 衆子即 期,凡適而非長,父母爲之亦 庶子也。 對長子立文 耳。 士妻

之。

子爲

庶

派昆弟,

庶昆弟相爲,亦如大夫爲

注

日

:

大夫雖尊,不降其

適,

重之也

適

昆弟之子。傳曰:何以期也? 其女子子在室者亦如之。 報之也。

大夫之庶子爲適昆弟

故以明之。「斬衰」章云父爲長子,則大 適子者,嫌自爲其子也 昆,故連弟言之,經中此 此云適 夫之適亦謂其長子,未必指 大夫之庶子爲昆弟大功,嫌於適亦然, 昆 弟者,古之文法 類 不 多矣。不言 爲弟者也。 可以 單言

降 傳 也。 日 何以期 也? 父之所不降,子亦不敢

> 降者以從乎其 繼公謂:大夫之子於昆弟之屬,或有 父而 不得 不降之耳。 也。 凡後 其父不 不降 若 傳 所

有 適孫。傳曰:何以期也? 不敢降其適 耳,孫 適子者無適孫,孫婦亦如之。 婦。 將 注 乃當先立」,與此不同也。 疏 降之之故,欲降之而不敢降 者,故己亦得遂其服焉,非謂以 爲其父之適及尊同者,乃其父之所 之言若此者,不復見之。 上爲 日 曰:周之道,適子死則 凡父於將爲後者,非長子,皆期也 : 云周道者 婦亦如之。 祖 後者也。 ,以其殷道,「適子死,弟 適婦在,亦爲 長子在,則皆 立適孫,是 庶孫之 爲庶 適 也。 孫 孫

之謂 之」,皆謂 此 繼 公謂 期 者 也 亦異 祖 「有適子 適不可二也。 於 其 孫 爲 宜 者無 適 降 於子 加 適 隆 孫 焉 等 案:注云「凡 爾 孫 面 婦 非 大 亦 不 功, 如 降

適孫亦期之意也。 者,爲適子死而 父於將 斬衰」章惟 爲 後者,非長子,皆期」者,蓋 言父爲長子故也。 無 適孫爲祖父後,服 適 孫者見之,且 鄭 一明爲 言 此 賏 以

「曷爲」並同。 「私」、「私」、「私」、「私」、「私」、「人後者爲其父母,報。上「爲」如字,傳「爲人」、

子同。

報之也。 之子,統不可二,故不敢以 報之以期 子出爲人後者,爲其父母 母爲支子服,率降於爲己 言其,以 别於所 而 不復降者,以 後 者 也, 期。 者一 其 餘 Œ 皆 既 尊 其父 等。 爲 放 加 此。 所 之而 後 母 此支 亦 者 父

> 斬 傳 也 曰 ? 何 持重於大宗者 以 期 也 ? 不 降其 貮 斬 也 小宗 何 也 以 不 貮

疏曰:此問雖兼母,答專據父,故以斬而

言。

爲支子故也。 矣,乃復謂所 之長子、適 者,繼别子 爲 所後之父斬,則於所生之父不得不 舌 繼公謂: B當斬. 期,蓋一重則一輕,禮宜然 衰 此一 ,然父不可二,斬不並行 孫之屬皆是也。 之後 生之家爲小宗者,以 節釋所 持猶主 者 也。 以 也 服期之意。 小宗者,凡 此爲大 也。 ",既 其 宗 庶 大宗 降 爲 本 爲 父 而

則知 知父。 宗 ? 諸 爲人後者孰後? 侯 及其 尊 大宗者,尊之統也。 野人曰:父母何算焉? 禰 大祖,天子及其始祖 矣。 大夫及學士, 後 大宗 也。 禽獸 則 之所 知 都邑之士 曷 知 尊祖矣。 爲 母 自 而 後 大 不

算,素管反。 統 尊 人以支子後大宗 也。 者 尊 統 大宗者,收族者也,不 大祖音泰 上 卑 者尊 也。 統 適子不得後大宗。 下。 大宗者 可 以 絶,故族 尊 之

注曰: 疏 收族者,謂 大祖 百世昏姻不通者,周道然也 繫之以 日 ,始封之君。 大祖 都邑之士則知尊禰,近 姓 别親 而 ,始封者,不毁其庿 弗别 疏 上 ,綴之以食而 序 昭 猶 穆。 遠 也 下 大 ,若魯之 政 傳 弗 猶 | | | | | 殊,雖 化 近 也 也

尊之統,見其 族 之意。尊之統,爲尊者之統也,小宗者 繼公謂:此一節承上文,言所以後大宗 侯言太祖,天子言始祖,則始祖、太祖 愐 人之所尊,而 收族人,故族 至 一尊也。 大宗 人不得不爲之立 又統 大宗爲尊者之統 乎小 宗,故言 後。 諸 異

周公、齊之太公之類

世世 矣。 宗爲 也。 祖之 謂 及,謂祭及之也。 后 宗,則大宗亦有時而絶矣。 者也,尊統下,諸侯之太 之統者也。 尊者天 類 禘 稷 故 所 一祭其 也。 爲 周祖后稷又祖 族 諸侯之太祖,世世祭之。天子不 假 自 子,卑者諸侯,此尊統 始 人之尊統者,義 此 始祖之所自出 出,蓋 太祖 祖,文王 尊統上,天子始祖 以 發 所 又祭其始祖,又祭其 明之。 及 祭者之尊不 一爲 文王、《白 其始祖 太祖, 適子 不 ,若殷 祖 相關, 也 此 之 虎 不 之所 謂 周之帝 所 其 司 通 得 意 此 爲 徵 故 自 義 後 與 略 自 祖 也。 也。 出 始 惟 嚳 大 大 出 禰 相

此昆弟不言報,是亦爲之大功耳。者。適如字。「爲父」同字,傳「爲父」同。女子子適人者,爲其父母、昆弟之爲父後

期也? 婦人不貳斬也。'是亦爲之大功耳。

傳

日

: 爲父何以

從子。 也。 無 婦 專 人 用 婦 不 貮 故父者,子之天也; 之道 人 不 斬 貮 故故 者 斬者 何也? 未嫁從父,既 猶 日 婦 不貳天也,婦人 人有 夫者,妻之天 嫁 從 從之義 夫,夫死

取 此 而 之爲比 其 不 一節釋爲其父母 尊大之義, 違之,所謂 人所尊 以 順 也。 爲 大者無 從者,順其所爲 正 者 也。 如 天者, 天,故

以

不

能

貮

尊

也

在外,必有歸宗,曰小宗,故服 爲昆弟之爲父後者何以亦期也? 婦 爲 宗者,所歸之宗 此 歸 此一節釋爲其昆 不可忘其 宗子 爲 云者,若曰 歸 然也。 也。 所由生,故以 以 婦 其於爲父後者 私 也。 人或不安於 親言之,故曰 弟之爲父後者也。 婦 本宗 人 雖 期 夫 爲 外成,然終 特 也 小宗,其 家 歸宗也 重 必必 一,以 人雖 其 以 歸

字。

昆弟 雖 繼 别 猶 謂 之小, 所 以 别 於 夫 家

之宗 也

繼父同居者

者,若爲其 繼父,因母 夫服 之後 夫也。 ,亦宜如之。 其 或 從 繼 母 而 嫁

傳 同 齊衰三月。 亦 幼,子無大功之親,與之適人。 繼父之道也。 庿,歲時使之祀焉,妻不 E 居 無大功之親,所適者以 則不爲異居。 何以 必嘗同居,然後 期 也 同居 ? 則服 傳 適,並 曰:「夫死,妻穉,子 如字。 齊 敢與焉。」若是, 其貨財 衰 爲異居,未 期 與 音 ,異居則 而所 爲之築宫 預。 爲異 適者 嘗 服 則 如

十五 注曰 不敢 之築宫庿於家門之外, : 與 以 妻穉,謂年未满五十。 八焉, 下。 恩 大功之親 雖至親,族已絶 神 謂 不 同 歆 財 子幼, 矣。 者也 非 族。 夫不 謂 爲 年

24 四

미 此 以 恩服 爾。 未嘗 同 居, 則 不 服

之。

此 居 服 若先同居後異居,則 三者之外,以居之同 無服,特 繼公謂 之重 異,更詳之。 亦 無 服 輕 以二者具 傳之言若此 也。 矣。  $\Rightarrow$ 然則三者或 小記》言同居、異 且 異爲 降 同 則 而 居 恩之深 三月。 是子於 故爲 闕 其 服 是 居 淺 繼 此 者 雖 又 父 而 服 於 本 與 同 定

也?

故

也

爲夫之君。 疏 日 夫爲君 傳曰 斬 : 何以 ,故妻從之服 期 也 ? 期 從服 也 也

姑姊妹,女子子適人無主者,姑姊妹報 適

其 爲姑 如字。 以 其 姑 姊 姊 無 妹 主 妹、女子子 於 乃 昆 加 弟 於 姪 出 降 亦亦 適者,降 服

者

服

之。

云報者,服期之義

生於己而

不

在

不

容

不

以

其

所

加

一等,而

爲之期。

爲大功。

今

與? 彼 於父母不復加者,其 固 故 不 ·必言 也。 報矣。 女子子適人者,爲 然父母爲己加 亦以婦 人不能 父母 等, 自 貮 當 斬 而 期 也

傳曰 : 爲其 無主者,謂其無祭主者也。 無祭主 何 以 期

尤可哀憐,故加 祭主者,夫奢子若孫 一等。 也。 大功之服 死 而 無 乃 祭主, 得 加

等者,以其本服 如 是 也

爲 君之父母、妻、長子、祖 父母

祖 孫 於祖 父母 父母,其正 尊也,乃在下者,見其 服 期 (爲變) 服 也

君 傳 服 日 斬 何 以 妻, 期 則 也 小君也。 ? 從服 也。 父卒,然後爲 父母、長子, 祖

後 者 服 斬

始封之君也。 注 日 此 爲 君矣,而 若是繼體,則其父若祖 有父若祖之喪者,謂 有

位而早卒,今君受國於曾祖。

臣從君服期。君之母當齊衰而言斬者,疏曰"云「父母、長子,君服斬」者,欲見

以

母

亦

有三年之服,故并言之。

繼 在其 公謂:此 (中矣。 先總言從服 以 其 非 從 斬 ,則夫人之服 而 期 7,故復 以 小 亦

得配於君,乃有小君之稱故也。爲母齊君别言之。爲小君亦謂之從服者,謂其

父卒然後爲祖後者服斬,則是父在而祖

衰

亦

云

斬

者,以

皆三年

而

略

從

其

文耳

以父在故爾。惟祖後於父而卒者,君乃之不爲君者卒,君雖爲之後,亦惟服期,

爲 爲之斬 制 也 服 斬 蓋 然後 其 斬 臣 與 從服 期,惟 期 以 又此 父之存 言 爲 没

君之母 者 也 與 其 夫 其 若在 祖 母,皆指其卒於夫 君 爲之期 則 死 臣 之後 無 服

> 者是 祖。」此 若祖 已 也。 喪者 也。 而 君之孫,宜嗣位 君之祖若父也。 即 祖 也 乃 位 夫君之 有 ,謂始封之君 案注云:「此爲君矣,而 卒 釋父卒然 而 廢 者 父先 亦或有父爲 疾 無 不立。」此 注 父 卒,祖 乃 而早卒,今君受國 注又云:「父卒者,父爲 而 後 也,若是繼 舉 爲 爲 其 後 君 祖 祖 總 卒者,如 而 後 後 釋 而 卒,子既 者 者 國 有父若 遺其 有 體 服 君 二,有 , 則 注 斬 有 其父 代 於曾 所 之 不 祖 文 君 爲 之

妾爲女君。

注曰:女君,君適妻。

傳 日 繼 公謂 何 以 此 期 也 服 ? 期 ",與臣 妾之事 爲 女 小 君 君,與婦之事 之義 相

舅姑等。

禮,夫妻體敵。妾爲君斬衰三年,而爲

之。 者耳。 異故 况。 於士 功 女君 於妾不著其服者,親疏不同,則其 而 當期而 其爲女君服 夫也,而 尊者,君 必 或 也。 也。 小 爲之期,又所以見其尊之也。 妾之事 期 功、緦 己。 若有親者,則宜以出降 舅 也,而女君次之。 嫌 若以士之妻言之,乃爲 惟「緦」章見貴妾之服,彼蓋 其 然妾於女君其有親者,或大 姑次之。二事相類,故以 亦 女君既與婦之事 麻,乃皆不敢 服輕,故發問也。 不宜過於婦 婦之至尊者, 以 爲 其服 舅姑服,但 舅姑等,則 一等者 妾之至 其 服之, 女君 服 無 爲 服 主 親 亦

也。 正

婦爲舅姑。 順 服,故降 子爲父母 所從者之重輕而爲之,固不辨其加 等 傳曰 三年,加隆之 而 : 何以 爲 期。 期 服 也? 然 也。 則 從 從服 妻從其 服者,惟 也。 與 加

> 也。 餘不見者放此。

夫之昆弟之子。傳曰:何以期 也? 報之

世母、叔母服之也,其女子子在 室 亦 如

之。

公妾、大夫之妾爲其子。 二妾之子爲母之服異於衆人,嫌母爲

其

遂也。 傳曰: 何以期也? 妾不得體君,爲其子得

子亦然,故以明之。公,國君也

服 爲之,其爲服若不服皆與女君 從之,故不問己子與妾子,其 以尊降之若絶之者,其妻與 公與大夫於其子,●有以 亦然。 二妾於君之子,亦從乎其 正服服之者,有 (夫爲 爲 同, 服 體 若 惟 君 爲 不 侕 而

君而 君 其子得遂,獨 故 有之,故不得體 也。蓋母之於子本 與女君異者, 君,則 有 期 此服 則 服, 以 無 初 不 從 得 非 君 因 體

同。

女子子爲其祖父母。

之義,是以得遂也

傳 日 母 其 者言之也。 者,嫌出則亦或降之,如其爲父母然也。 「斬衰」章曰「女子子在室爲父」,對 ,則是服 在室、適 何 以 期 亦在其中可知矣。 人同 此惟云女子子而 也 ? 也。 不敢降其祖 然章首 已,所 也 已見見 必復著之 祖父 以 適人 見

後。 女子子 傳以 祖 服 父 服 母 經 至 尊也。 意 之傳意 適人不降其祖者,不敢以兄弟之 爲 主於 此 同,皆失之也。 不 適 敢降之語,與大夫爲 人 者 而 發,故 説 云然 見 於

大夫之子爲世父母、叔父母、子、昆弟、昆

婦者。唯子不報。爲大如字。傳「爲大」、「曷爲」弟之子、姑姊妹、女子子無主者,爲大夫命

不復以 傳曰 等。 繼公謂 大夫爲適孫爲士者之服,則 矣。此於其子不別 祭主,乃 者,則以大夫之尊厭 若姑姊妹、女子子服亦本期也。 注 爲其父之適孫者,雖不爲大夫,己亦不 則又以 大夫命婦,與其父尊同,故不降 命婦者,君命其 三 世叔 「有適子者,無適 此所爲者、凡六命夫、六命婦。 尊降,惟以 "大夫之子從其父,亦降旁親 出降爲小功,今以 加一等而 父母、子、昆弟、昆弟之子、爲 夫爲大夫,則亦命其 爲期。 出 適 降 降 孫 庶,以父在故爾, 爲 爲大功、若適 」是也。 大功。 大夫之妻謂之 其 此昆 爲 命婦,故 而服期。 其在 是章有 若 弟之子 又 妻 無 +室

用命 是夫先 而 降 之也。 已者,亦用大夫之禮可知 婦 卒 之禮焉。 也。 又 姑 。夫爲大夫 姊 以是推之,則當爲 妹、女子子云無主, 而 先卒,其 大夫 妻 猶 則

朝,直 也? 婦 所 報 命婦 婦 傳曰:大夫者,其男子之爲大夫者也。命 也 也。 者 不降,子亦不敢降也。 遥反 ,其婦 ? 之無 女子子適人者爲 言其餘皆報 夫尊於朝,妻貴於室矣。適如字。 祭主 人之爲 者 也。 大夫妻者也。 也。 何以 其父母期,故 何 大夫曷爲不降命 以 が期 言 也? 惟 無主 子 父之 言 不 報 不

之矣。 注 年與期 妹、女子子也。 繼公謂:經言惟子不報,謂男子爲父三 日 女子子適人者,爲其父自當期, 服 無 異 主者,命婦 也。 其有祭主者,如衆人。 傳以女子子釋之,似失 之無 祭 主,謂 姑 姊

> 降耳。 夫。 尊卑也,是以不降之。尊於朝,謂爲大 尊於朝 姑姊妹、女子子也。 大夫爲此四命婦, 之,亦貴貴之意也,惟父卒乃 之者,蓋以其父之故,不敢以降等者服 乃不 或大功或小功,皆不 弟之子爲大夫命婦,乃於大夫之子亦 而問也。 大夫曷爲不降 略言之也。 貴於室,謂爲内子。 在 ,則妻貴於室,言其夫妻一體,同 不 問者蓋 此不降命婦,據大夫於其子之 報 又世父母、叔 中者,以 命 怪 婦? 其 無 以尊降之,惟以 與 爵 承父之所不降 其 而 父母、昆 餘 不降 報 如衆人。 服 之。 同 出 者 報 夫 昆 故

矣,此復著大夫之禮,則經凡不見爲服謂妻從夫爵者也。上已見祖父母、適孫此祖父、適孫爲士也,乃合祖母言之,所大夫爲祖父母、適孫爲士者。

之人者,雖曰通上下言之,而實則主於

士也明矣。

傳曰:何以期也? 不敢降其祖與適也。

注曰: 不敢降其祖與適, 則可降其旁親

也。

大夫所 也。 降此親,但以其爲祖與適,故不敢降之 聖人制 亦爲士也,乃不降者,以其爲 繼公謂:大夫於爲士者之服則降之,此 此傳之言似有害於義理。 以 禮使之然也,非謂大夫之意 降其旁親,而 不 降 祖 祖 與 與 、適也。 適 亦欲 者,

公妾以及士妾爲其父母。

馬季長曰:公謂諸侯。其間有卿大夫

妾,故言以及士妾。

嫌爲人妾者屈於其君,則爲其私親或與母,則是服已在其中矣。復言此者,猶繼公謂:此妾,云女子子適人者爲其父

傳曰:

何以期也?

妾不得體君,得

爲其父

母遂也。❶

之義,蓋 私親者。 爲其子耳。 然妾以不得體君之故 君 傳意蓋謂妾於其父母亦本自有服,非 而 服之,故不 女君 傳義似誤 若其 雖體 得 私 君, 也。 體 親 則 而遂其服者 君,則爲之得遂。 亦 未 無 見 與 有 於不 重 1,惟自 降 體 其 大

右齊衰不杖期

疏衰裳齊,牡麻絰,無受者。

注曰:無受者,服是服而除,不以輕服受

)「其」,原脱,今據庫本、注疏本補。

四五

之。《小記》曰:「齊衰三月,與大功同者

節

也。

不

特制爲

國君

服者,辟天子也。

齊衰之輕者惟有此耳,故不

以其葬月爲

齊衰之服而無受,則惟三月可知,故不繼公謂。受者,以輕衰受重衰也。成人

寄公爲所寓。

復見月數

傳曰:寄公者何也? 失地之君也。何以注曰:寓亦寄也。爲所寄之國君服。

三月而藏其服,至葬又反服之,既葬而注曰:諸侯五月而葬,而服齊衰三月者,爲所寓服齊衰三月也? 言與民同也。

除之。

非 無服 五月而葬,此爲之服者則止於三月,以 寓 繼公謂:經傳不見諸侯相爲服之禮,是 臣 於 也、故 他 也。 邦 寄公已失國, 之地,則 但 齊衰三月而 不可 不 則 與民 爲 異 於諸 其 同。 君 侯,又 服 國 然 君

里無服, 疏者可知。 也。婦人者, 謂絶屬之女子子在室者及也。婦人者, 謂絶屬之女子子在室者及也。 丈夫、婦人於宗子、宗子之母、宗婦也。丈夫 , 開光屬之女子子在室者及繼公謂: 丈夫者, 男子之與大宗絶屬者

在,則不爲宗子之妻服。故敬宗。敬宗者,尊祖之義也。宗子之母傳曰:何以齊衰三月也? 尊祖也。尊祖

出也,尊之,重本也。然其尊祖之誠無别子爲祖,繼别爲宗。祖者,己之所自

者 之後者,乃 服,皆敬宗之事,故傳言之。宗子 由 自 ,尊祖之義也」。此爲宗子與其母、妻 盡 故 於敬宗見之。 所 以 尊别子 也,故 蓋敬 其 曰 爲 敬宗 之母 别 子

爲節。 子之妻,其服 在 ,則不爲宗子之妻服者,謂族 則宗子之母 與否,惟以其母之在 雖老而妻代主家事 人 於宗 不在

若先其 母尚在故也。 不以宗子服之者,意實相 母 而 卒,族 此義 人亦不爲 與宗子不孤 類。 此 服 而 ",蓋其 死,族

爲 舊君、君之母、妻。 Fe

其 君,亦謂 不見爲臣也。 舊君也。 此服,大夫、士同之。 在國 而 云 舊 君 者, 明

也。 傳 曰:爲舊君 何 以 服 齊 者,孰謂 衰 三月也? 也? 言與民 仕 焉 而 已 者 同也。

注 曰 一: 仕 焉 而 已者,謂老若有廢疾而致 君之母、妻,則

小君也

大夫在

外,其妻、長子爲舊國君

期服,故但齊衰三月,而 宜服 民,乃亦齊衰三月者,蓋不 繼公謂: 仕 也。此嘗仕矣,今又在國,其服宜異 者 斬以 也。 已猶 爲 同於見爲臣者,而 小 止 君 也。 服者,恩深 鄭氏以爲致仕,是 不 在其位 於民 嫌 臣 其 於 與 君

則

不

於

庶 人爲國君。

也。

然又爲小君服,則亦異於民矣。

民

同

又 無

注曰: 不言民而言庶人, 庶人或有在 官

者。

繼公謂 則 民,其服天子,亦當 與 疏曰:云庶人在官者,謂府史胥 在官,與當 此經惟主爲 庶人此服,夫妻同之。 家者,則 侯國 而 如此。乃不著之者, 作,益可見矣。 不 服 也。 非在官, 畿内之

此 |承庶人之下,故但 |據其妻與長子言之。

繼公謂:

爲繼父同居

者期,而

爲

異

居

者

期。 大夫 士之異於此者,長子無服。 爲君之母、妻,若去國則不 君恩深,故雖 又爲之服也。 云 亦不服之矣。 舊 在 國 去位,則皆爲之齊衰三月而已。 位,與 君 明 妻子 去國 去國,而於己服之外,妻子 其 長 亦在外也。 子俱爲 且若是,則 服其母、妻也。 君 若去國,則夫 服 在國可知 大夫於舊 斬 妻 又 服

也。 傳 長子,言未去也 何以服齊衰三月也? 妻,言與民同

其爲服之意,若但如 者,妻與 長子 亦 宜 是而 然 也, 已, 何 則 必 士之 大 夫 在

繼父不同居者。

乎?

傳似失之。

注 日 嘗同居,今不 同

爲 疏 異居」者也 曰 : 此則 「期」章所云「必嘗同居,然後

於小功,而衰麻之屬實過於大功,且

專

居、異居,皆不爲 無報文,且齊衰三月不可用於卑者也。 父,不敢以卑服褻之也。 不降一等爲大功, 服。 乃服此 知不 繼父於 服者,恩 爲服者,二章 子 司 同 於

曾祖父母。

傳曰: 服 也,不敢以兄弟之服服至尊也。 曾猶重也,謁祖之上又有 何以齊衰三月也? 小中 功者,兄弟之

祖

也

則爲 以三 尊,故服 本 小功者,據當爲曾祖之本服言也。 繼公謂:兄弟之服,大功以下皆是 疏曰:《三年問》云:「至親以期斷,然則 小功,以 祖宜大功,曾祖宜小功,高祖宜緦麻。 年也? 以 齊衰 其 曰加隆焉爾也。」是本爲父期 爲 三月焉。 兄弟之服 此其 不 宜 日 施 月 雖 於 也。 至 何

計。 祖、玄孫亦鮮有相及者也。 之,則亦當齊衰,而經不言之者,蓋 曾祖之父本服 爲尊者之服,是 禮 有似 殺 在 而 以 緦 實 日月之多寡 麻,若以此傳 隆者,此 之 有 謂 所不 義 與? 髙 推

大夫爲宗子。

見其尊者爾。 是其尊者爾。 是人,則命婦亦宜然也。此但云大夫爲 是人,則命婦亦宜然也。此但云大夫爲 是人,則命婦亦宜然也。此但云大夫爲 是人,則命婦亦宜然也。此但云大夫爲

去君

而猶未絕也。

其宗也。 傳曰:何以服齊衰三月也? 大夫不敢降

不降,則有親者亦服之如邦人可知矣。言不敢降,則是宗子爲士也。絶屬者且

舊君。

此即在外之大夫爲之也。子思子曰:

傳曰:大夫爲舊君何以服齊衰三月也? 言與民同也。 大夫去,君埽其宗庿,●故服齊衰三月也 之服矣。」爲舊君之義,二説盡之。 收其田里。此之謂三有禮焉,如此 出疆,又先於其所往,去三年不反,然後 膏澤下於民,有故而去,則君使人導之 舊君反服之禮。」《孟子》曰:「諫行言聽 「古之君子,進人以禮, 何大夫之謂乎? 退 人 八以禮 言其以道 一故有 則爲

此服乎? 亦似與經意異矣。 所謂猶未絶者此也,然則已絶者其不爲云「君埽其宗庿」,◎見猶望其復反之意,

曾祖父母爲士者,如衆人。爲如字。

●本改。

■「云」、「埽」,底本誤改爲「去」、「歸」,今據明本、通本、原本改。

不云如士而云如衆人,是庶人之服亦或

四:何以京如士禮矣。

專取爲士之文也。者,蓋連文也,故傳於此以大夫言之,非者,蓋連文也,故傳於此以大夫言之,非經言大夫爲宗子、舊君、曾祖父母爲士

「大功」章立文耳。女子子之適人者,降此不降之服,似不必言未嫁者,經蓋顧女子子嫁者、未嫁者爲曾祖父母。

服至尊者不用焉,故父母之三年可降而尊服止於齊衰三月,其自大功以下,則

其父母一等,乃不降其祖

與曾祖者,蓋

功,曾祖之齊衰三月又不可降而無服,爲齊衰期,而祖之齊衰期不可降而爲大

傳曰:嫁者,其嫁於大夫者也。未嫁者,成此所以二祖之服俱不降也。

降其祖也。

人而

未嫁者也。

何以服

齊衰三月?

不

敢

旨矣。 與 者,與不敢降之意尤不相通,傳似失其 祖 傳意謂嫁於大夫者,雖 士妻異者乎? ,然則大夫 妻亦 有 又 降 所 其 謂 尊 本族之旁親, 猶 成 人 不 敢 而未嫁 降 其

右齊衰三月

-4-

儀禮集說卷十一上

2.

言男女爲殤之節如此,則是古者男女必

二十乃冠笄明矣。

者,以齊衰服

重,不宜用之於

殤

也

經

此子之殤服不分嫡庶,但俱從

本服

丽

降

元 敖 繼 公 撰

大功布衰裳,牡麻絰,無受者。

子、女子子之長殤、中殤。長,知丈反,下並同 曰:大功布者,其鍛治之功沾麤 也。

也。 注曰:殤者,男女未冠笄而死,可殤者

疏曰: 等,制服 服故也。 中殤 惟有二等者,欲使大功 若服亦三等,則大功下 或從上或從下,是則 殤 下 殤 無 殤 有 服 有

之正例,凡言子者皆謂男子,益可見矣。 繼公謂:言子,又言女子子以殊之,是經

儀禮集説卷十一下

矣,聖人之意然也

虯反。爲,並如字。 之,死則哭之,未名則不哭也。縟音辱。樛,居 月之殤,殤而 無服之殤。 殤,十一至八歲爲下殤,不滿八歲以下爲 年十九至十六爲長殤,十五至十二爲中 文不縟,故殤之絰不樛垂,蓋未成人也。 受也? 傳曰:何以大功也? 喪成人者其文縟,喪未成人者其 無服 無 服。 之殤,以日易 故子生三月則 未成人也。 月。 何以 以 父名 日易 無

469

注曰: 節也。 也。 疏 曰: 未名則不哭者,不以日易月 殤 縟猶 以日易月,謂生一月者哭之一日 而無服者,哭之而已。 數 也。其文數者,謂變除之 哭

而

也。

絞也。 服,故大功以 者,大功之下殤 月矣,是其差也。知大功以下之親 者,哭之八十四日,則亦近於緦麻 等,故不可不計 之。然其恩之輕重與殤之在緦麻者相 宜有服,但以其不入當服之限,是以 功,下殤小功,以次言之,則七歲以下猶 之親以下則否。 易月,惟用於凡有齊斬之親者,自大 異於成人者,故以證之。無服之殤以 殤絰之有纓者,不絞其 《檀弓》曰 日易月之哭可也。 繼公謂:文,謂禮文也。樛,當作 經,謂 齊衰 下者 首經 而繆経,正謂此也。 在 蓋 日 緦 不必 齊斬之長殤、中殤 子生三月則父名之 也。 而哭之。 麻,則七歲者 與 纓而散之,此 垂者,其纓 無服 若 之殤,以 滿 之日 七 自 則 繆, 也。 繆。 否 略 功 亦 歲 大 無 日

下小功」章云「昆弟之子、女子子, 夫之昆弟之子、女子之長殤、中殤, 大 是章中不見昆弟之子、女子子, 今以下章例是章中不見昆弟之子、女子子, 今以下章例字, 蓋傳寫者以其文同, 故脱之耳。字, 蓋傳寫者以其文同, 故脱之耳。字, 蓋傳寫者以其文同, 故脱之耳。 之長殤、中殤, 公爲適子之長殤、中殤, 大 長殤、中殤, 公爲適子之長殤、中殤, 大 美爲適子之長殤、中殤。

庶子 疏 曰 降 諸 等,故於此惟言適子 侯 於 庶 子 則 絶 丽 無 服 也 大 夫於

繼公謂:公亦有爲適子長殤之服,則國

其長殤皆九月,纓絰。其中殤,七月,不纓君之世子,亦必二十而後冠,如衆人矣。

注曰:絰有纓者,爲其重也。

絰。

繼公謂 之有 所以 九月,故此七月者亦有大功 於成人者,散而不絞爾。 者。此大 見其 本者爲之,以其爲大功之服 纓絰,謂纓其絰 差 功之纓 輕 也。 經,亦 此 絰 右 雖 也, 纓経止於大 本 不纓 纓即經 而 在 上 猶 不纓絰 也。 一,其 以 之垂 功 麻 異

## 右殤大功九月、七月

小功衰,即葛,九月者。大功布衰裳,牡麻絰,纓,布帶,三月受以

諸 之,章内有君 説大 君者,而《 衰之止 也。 於此 承上經無受之後,嫌 曰:「婦人不葛帶。」此章特著受月者,以 男子者,不葛帶耳 三月 明有纓者之止於此 繼公謂:齊衰以上,其絰皆不言絰纓,故 注 曰:「大功之葛,與小功之麻同 侯 曰 雖 功 即 成人大功言之,乃因 뻾 : 於 受 無 變衰葛,九月而 葛,説麻経、帶,就葛 布 大 服問》又 此 猶 衰裳,而 功,而 也。 承 爲 也。 姑姊 此三月受服,上 於 言君主適婦之喪,是 ,小功亦 也。 以 即 其 與之同,亦 妹、女子子嫁於 小 除 尊 受以 功 就 之。 同者,若所不 輕以見 布 然。 也。 小 経、帶 也 衰裳受之 婦 功衰 《檀弓》  $\wedge$ 且 人異於 閒 重 一明受 下 , 且 傳 國 冒

女子子之嫁於國

君

者

爲

外

喪,君之受服

可

得

丽

絶

者

·; 亦

服

此

服

也。

其姑姊妹、

三月而受服也。 禮則比於命婦,但三月而葬,故君亦惟固不視其卒哭之節。適婦雖内喪,而其

義服大功,以其小功至葬,唯有變麻服受之下,據受之下發傳者,明受盡於此。

與正大功,直言義大功之受者,鄭云此

繼公謂"大功布三等,受布二等。

此於

當者言也。觀此,則其上二等之受布亦大功與受布各見一等者,但以其一一相

可見矣。

「不杖期」章不特著爲此親在姑、姊妹、女子子適人者。適如字。

蓋以此條見之,蓋經之例然也。其他不「不杖期」章不特著爲此親在室者之服,

見者放此。

傳曰:何以大功也? 出也。

以出者降其本親之服,故此亦降之也。

從父昆弟。

注曰:世父、叔父之子也。其姊妹在室

亦如之。

言此親從父而别也,故以明之。從祖之繼公謂:世、叔父之子謂之從父昆弟者,

義亦然。

爲人後者降其昆弟也。爲人如字,傳同。爲人後者爲其昆弟。傳曰:何以大功也?

其 姊 妹在 室 亦 如之。

庶 孫

祖父母 本服 服大 孫言庶者,對適立文也。 功,以 服之也。 於庶 其 孫 至尊,故 ,以尊加 加 之,故不報而以 孫於祖父母本 隆 而 爲 之期

適婦

傳 注曰: 曰:何以大功也? 不降其適也 適 婦,適子之妻,言適者,從夫名。

而 也,婦從其夫而 亦加隆 加尊焉,故 之服。爲之大功,非不降之謂 例爲之小功,此異其 服舅 **姑期**,舅姑 以 爲適 Œ 尊

女子子適人者爲衆昆弟。 適如字。

故

加一

等也。

言父没者之禮矣。 嫁,或逆降其旁親之期服。此言已適人 昆弟云衆,對爲父後者立文也。 禮,女子子成 人 是 而 亦 未 主

> 者乃爲 之不可以 其 逆 昆 降者惟此耳。 弟 大功,則是 其旁親 之期 服

吾姑者,吾謂之姪。 姪,丈夫、婦人,報。 姪,大結反。 傳曰: 姪者何也?

謂

若但云姪,則嫌若偏指昆弟之女然,故 服,此似不必言報,疑「報」字非誤則衍 以上,則姑亦 適人者而言,蓋 必言丈夫、婦人者,明男女皆謂之姪 在室、適人同,章首已見爲姑適人者之 兩見之。 經凡於爲姪之服,皆指姑之已 鮮有在室者矣。 以 姪 或 成人,或 姪之婦 在 下殤 也

夫之祖父母、世父母、叔父母。 不言夫之世父母、叔父母報,文略也

此 釋經 意 也

傳曰:何以大功也?

從服也。

夫之昆 者,妻皆母道 弟 何 以 也。 無 服 其夫屬 也? 乎子道者,妻皆 其 夫 屬 乎 父道

乎 婦 ? 乎? 爲 道 不得爲母 朱子曰: 傳意本謂弟妻不得爲婦,兄 婦 也 故 言其不可爾 名者,人治之大者也,可 則 謂 是兄妻亦可謂之母矣, ',故反言以詰之,曰:若謂 弟 之妻 婦 者,是是 嫂 亦 無慎 可 謂 乎? ௱ 弟 之母 妻 妻 可

之意 妻若從 於母 服 婦者,故引而正之,以言 弟之子婦之類 皆從夫之期 繼公謂:爲夫之祖父母、世叔父母大功, 亦可謂之母乎」,蓋 而 因 惟 而 言,故繼之。 , 卑不列於婦, 則不爲之服,以 蓋 發 在母 傳。 而 謂男子 服之,亦當大功,今乃無 、婦之行 服 母道、婦道、謂世、叔母 者也。 也。 爲 日一 婦 謂 此據男子所爲 人來 以 者 夫爲 弟之妻婦者,是 當 則 嫁於 其 時 可。 其昆 有 不 若 己 謂 可 弟 族 尊 也 弟 服 亦 者之 其 服 及 不 妻 故 期, 列 傳 爲 嫂 者 無 昆

> 也。 母、婦婦 服 亦 而 服,而乃不從服,其 服之義相 不惟失所問之意,又與夫之昆弟 釋之是也。又云「夫之昆弟何以 之此條,主於妻爲其夫之黨,傳 也, 據妻不 非起於男子也。 顧 蓋 之名 乃以男子不服 推 違、蓋 從夫 也, 而 远之」,彼似 故 而 婦 爲昆 服 《檀弓》曰 無服 人於夫之昆弟當從 其昆 昆弟之妻爲答,此 弟之 之義 弟 妻 善於此矣。 發 生於婦 「嫂叔之無 無 問 所以 無 以 服 亦 從 服 是 無 服 經

大夫爲世父母、叔父母、子昆弟、昆弟之子 士者。爲士如字。 爾雅》曰:「弟之妻爲婦。」

爲

注

曰:子謂庶子。

亦 降其旁親 繼公謂 降之,所以見貴貴之意勝也。「 大夫於士 之爲 士 者 爲 等。 異 爵, 雖 故 世、 其 叔 喪 不杖 父 服 母 例

子,此云大夫,互見其人以相備也。期」章爲此親之爲大夫命婦者云大夫之

傳曰: 何以大功也? 尊不同也。尊同,則

在

一於庶

得服其親服。

昆弟,庶昆弟也。 其或爲母,謂妾子也。庶子,則父在也。其或爲母,謂妾子也。 注曰:公之庶昆弟,則父卒也。大夫之公之庶昆弟、大夫之庶子爲母、妻、昆弟。 注曰:尊同,謂亦爲大夫者。親服,期。

葉反。

之。 在 父尊之所厭,而不得伸其服 於此。若大夫之子,此服之外更有 厭 降,而此二人降之者,則皆以 繼公謂。母、妻及昆弟之尊同者若 言此者,蓋主於其庶子之爲母、妻耳 大功者,其多寡與公之昆弟不類,乃 雖有遠近之異,而意義 公之昆弟其親之以厭 實 丽 故也。其 (同,故 降者 死者 不宜 而 僅 並 爲 11: 所 降 其

且此昆弟之降,大夫之子皆然,亦不專非謂其親之以厭而降者亦僅止於此也。

降也。父之所不降,子亦不敢降也。厭,於得過大功也。大夫之庶子,則從乎大夫而傳曰:何以大功也? 先君餘尊之所厭,不

注曰:言從乎大夫而降,則於父卒如國

人也。父所不降,謂適也。

君在,則公子於昆弟無服,而爲母若妻, 義在 也。大夫之子從乎大夫而降,謂尊降之 於五服之外。君没矣,其死 絕者也。尊者之子必從其父而爲服,故 下,皆以尊厭 過大功,謂使服之者不得過此 繼公謂:厭,謂厭其所爲服 大夫而不已也,蓋 而絶之,此三人者,皆君 或 君 者猶爲餘尊 者 於旁 也。 而 伸 期 其 不 所 服 得 而

者也。 子同於公子之禮,似誤也。 之所厭者又可知矣。先儒乃以天子之 得伸其服,以其無餘尊也。此傳言公之 等亦謂之厭。此三人者,皆大夫之所 也。 亦略,於是乎見焉。 昆弟、大夫之庶子,是服之所以同者 功,與公子父没之禮同。 大夫於所服者或以尊加之,而 而諸侯、大夫尊厭、輕重遠 厭, 其子亦從其父而降之一等爲 是以 公子爲 推而上之,則天子 此 三人止於大 大夫没,子乃 近之差 降 備 大 降 功

其親服。《春秋傳》曰:「公子之重視大此親則亦以其父之所不降者也,故皆服此,於此親則尊同也。大夫之子,於此文承上經兩條而言,則皆云者,皆大此文承上經兩條而言,則皆云者,皆大皆爲其從父昆弟之爲大夫者。爲大如字。

尊之所厭,止於上三人耳。 降其從父昆弟之爲大夫者,則知先君餘夫。」公之昆弟降其昆弟之爲公子者,不

注曰:婦人子者,女子子也。爲夫之昆弟之婦人子適人者。

疏曰:此謂世叔母爲之服。

人子,互文以見其同爾。 之者,其文脱與? 或言女子子,或言婦繼公謂:是服夫妻同也。上經不言夫爲

大夫之妾爲君之庶子。

異,則士之妾不言可知矣。 之黨服皆略之,惟著大夫之妾以見其長子亦三年,自爲其子期。經於妾爲君長子亦三年,自爲其子期。經於妾爲君之服而從乎其君而服之也。大夫爲庶

注 及將出 曰:女子子成 者,明當及時也 人者,有 出 道,降 旁親

繼公謂 :此著其降之之節異於他親 也

母昆弟 服 見 適人者,此世父母 惟以嫁爲言者,約文以 下,皆於未嫁而略從出降,明其異於父 期 在 叔父母與姑之期爲旁尊之加服,姊妹之 心也,其 が妹妹 . 室 雖本服,然以其外成也,故并世 帲 也。 逆 適人者及爲夫之昆弟之婦 服 降正言此七人者,蓋 惟 此 以 服 適人爲節 無 而下爲凡女子子之降 爲妻、爲妾之異,經 包之耳。又前經 ,以此見 世父母 逆降 人子 一父已

母、姑 黨服 傳曰:嫁者,其嫁于大夫者也。 加 八得與 未嫁者也。 、姊妹者、謂妾自服其私親 (女君 同 何以大功也? 下言爲世父母、叔 也。 未嫁者,成 妾爲君之 父

之服

無報

禮也

與此同,足以見之矣。 當言「其」以明之。「齊衰三月」章曰: 注 女子子嫁者、未嫁者爲曾祖父母。」經 日 此 不辭,即實爲妾遂自 服 其 私親

言「其」,明非妾爲私 母」,皆言「其」以明其爲 其父母」,又云「公妾以及士妾爲 者,案「不杖期」章云「女子子適人者,爲 爲妾遂自服其 疏曰:不辭者,不是解義言辭 私親,當言「其」以 親 私親。 也。 今此 明之 即 其 實

尊降之,或以 之意。言大夫於此庶子、女子子,或以 妻體其夫,服宜 爲君之黨服,得與女君同」,釋所以大功 怪其卑賤 之妾爲之,故其言如 繼公謂: 傳者以 而服之降否如尊者然也。 (其尊) 如之。 此經合於上,謂皆大夫 同 而 此。 不降,皆在 若妾則 何 以 不 大 體 大功 功, 妾

29

六六

是也。 發之。 卑賤 以 爲 會。 蓋 母 謂 黨,己因 條,則爲世父母以下之文無所屬,又 於分句之不審,又求 凡云嫁者 文,若并女子子未嫁者言之,則不合於 侕 面 不可 此 以 爲 此 亦大夫之妾爲之,遂使一條之意析 行於大夫 乃 節, 既 也。 下皆妾爲 蓋經初 服 傳説! 得,故强生嫁 又此 適 以 亦大功者,以是三人者皆 君 而 然此但 5、皆指 人 女子子嫁者、未嫁者 不得 而 妾 俱失之。 者之通 無爲女子子未嫁者之禮,且 而 服之,故其降若 爲 私 后 凡 不 私親 <u></u>可 爲嫁 親之服,亦不合於經 與女君 嫁於人者而言,非 禮,經 以 於大夫之義 其爲嫁者大功之説 詳傳者之意,蓋 大功者 釋爲君之庶子之 也。 必不特爲 同, 又謂爲世 ',亦不 固 否 屬 亦 以 無 君 於 止 此 視 自 嫌 於 父 之 以 上 妾 必 君 丽 傅 失 於

> 也。 曾祖 者,乃鄭氏 謂二經之文同,足以 衰三月』章曰:『女子子嫁者、未嫁者爲 旨,復以下言云云併 經文而釋之,●故已釋其 攷此傳文,其始蓋引大夫之妾至未嫁之 爲二,首尾 父母。』 煙與此同,足以明之矣。」 ❷ 衡決, 移之爾。 兩 無所當,實甚 釋下 明 案:注云:「『齊 其 所 不當如 經。 謂 本條者之 今在 誤 舊説 也 此

大夫、大夫之妻、大夫之子、公之昆 姑、姊妹、女子子嫁於大夫者 大夫、公之昆弟爲此服,則 之妻爲此女子子,其義 夫之子則亦從乎大夫而 亦然。 爲之也。 尊 若爲 同 也。 大夫 弟 此 姑 大 爲

<sup>0</sup> 「矣」下,明本、通本、庫本有「者」字。 嫁 下 明 本、通本、庫本有

服

其

親

服

姊 之子爲服 其兄弟, 命婦,猶 妹, 又 但 爲之大功 惟 者多矣,於是 有 爲 本 出 降 服 耳。 也。 而 已,姑 蓋 經言大夫、大夫 乃著大夫 婦 姊 人 妹 之嫁 雖 之妻 不爲 者 於

耳。 者,又無服,惟在子列而下,乃 也。 父列以上者,率降於夫,於其 又攷公之昆弟爲 凡妻爲夫之族類,於其 此 姊 妹 姊 惟 昆弟之列 妹 與 在 與 夫 同之 出 其 降 在

者,以惟

此

條可與之相通,故

因

而

見之

其嫁出之女也。若先於君,其姊妹與其之科,則是先君餘尊之所厭,亦不及於

君爲姑、姊妹、女子子嫁于國君者。

孫

則

不厭之,固矣。

以上條例之,則夫人、公子之服亦當然

也

傳曰:何以大功也? 尊同也。尊同則得

等,今此大功故 疏 曰 . 問 者, 以 也 諸 侯 絶 旁 期, 大 功 降

之文義 之服,不敢絶之、降之也。 之故,亦例 非有爵者,然此 公之昆弟於爲 繼公謂:尊同,謂君於爲夫人者,大夫、 以 尊同者視之, 命婦者也。 三人以其 (與己 夫人、命 加 此一節釋經 敵 如 其 者 出 齊 婦 嫁 體 雖

卑者也。 則 之子稱公孫、公孫不得祖 諸侯之子稱公子,公子不得禰先君, 于尊者也。若公子之子孫有 世 世祖 别,並彼列反 是 人也,不祖公子:此自 諸 侯 封 爲國君者 此 自 尊别于 公子 [卑别

之也。 注曰: 此 祖是人,不祖公子」者,後 受封之君,不復祀别子也。 不得禰、不得祖,不得立其庿 卿大夫以下,祭 其 祖 世 禰 爲 因 君 或 則 者 君 世 而 「, 祖 世 祭

米説

四

公六八

尊降其親,故終説此義云。

晉不祖桓叔 爲 世 聖人制 僭 臣者,是謂别之也。 君者 也。 所,及封君 祖考之庿在故家自若也,不復更立而 繼公謂 祖 百世之祖 虚 上之原,别於卑者,所以 庿 封君,不祖公子,則是封君之時,其 言身爲 身爲 禮 於公宫左之最 卑,謂 之意然 没 國 也。 人 而祖武公,是其事 則 [君,則 臣 爲 於焉祀之,謂之大庿,而 祖 則 也。 臣者也。 封 其 其 别於尊者,所以 君而不祖公子,如 此 庿 東,以 庿 言 不 不 尊, 明貴貴之義 封君之後 可 可 爲行 也 上及 Ė 謂 及 爲 禮 於 於 君 世 之 塞 爲 立 爲 者

昆 不 是 弟。 臣 故 諸 始 盡,子忍反 父 封 圃 之 臣 君 昆 不 弟。 臣諸父、昆弟,封 封君之孫盡臣諸父、 君之子

朱子曰:始封君之諸父、昆弟,始封君之

之。 亦 不服,子亦不敢服也。 君之孫 始封君之子所臣 臣之。封君之孫 子,始封君嘗臣之者也,故封君之子 君之子所謂諸父者,即 父未嘗臣之,故始封之君不 而未嘗臣 不 封君之子所謂昆弟者,即 ·敢不服 亦臣之,故下文繼之以「君之所 之者 也 也,故封 之昆 所謂諸 弟及其 始 君之子 君之所爲服,子 父、昆弟者, 封 君 敢 子 始 亦 謂 臣 ,也,故 之昆 之。 封 不 君 敢 亦 之 封 即 弟 臣 封

君者而言之也。繼公謂:此因上云公子之子孫有封爲國

不服,子亦不敢服也。

故君之所爲服,子

亦不

敢不服也。

君

之所

子之服 言此者,以 公子之公在者言也。若公没,則曏之所 與否,皆視 其 與 上 其 文 君 意 耐 義 爲之,此 相 類 也, 專指 謂 公

弟大 君 謂 餘 不 八功是 尊 敢 所 服 也 者 厭 者,乃降 今 不敢 則 皆 不服之意,與 之,如 服之矣, 爲 母、妻、 但 其 前 傳 爲 昆 所 先

## 右大功九月

不

敢降者同,後放此

繐 之下,疑其亦用 未必纓也,其度亦未聞。 若 於其 衰 蓋 此 八升」,則此帶亦八升矣。 云「帶緣各視 服 否,其除之節 服 裳、牡麻絰、既塟除之者。 至尊之屨或當然 七月既 特爲諸 侯之大夫爲天子而 葬 其 乃 冠, 繩屨,與齊 同也。 除之。 又《記》云「繐 也 七月而 葬時 前「齊衰」章 衰 又此 總音歲。 三月者同 大夫 除,則 制 承 岩 大 衰 故 功 冠 傳 絰 必

傳 日 注 曰 總衰者何? 治 其 縷 如 小 以小功之繐 功, 圃 成 布 也 四 升半。

> 至 細 尊 其 也 縷 者, 凡 以 布 恩 細 輕 而 也。 疏 者謂 升 數 之繐,今南 少 者, 以 陽 服

繼公謂:云何以,又云小功之繐,則繐之有鄧繐。

衰之縷,其如小功之上者。

諸侯之大夫爲天子。

疏曰: 此經直云大夫,則大夫中有孤卿

也。

制 服 可 繼公謂: 可知。 此 以 繐衰焉。 服 斬,又不可以 惟言諸侯之大夫,則其士庶 諸侯之大夫於天子爲陪臣,不 不齊衰三月者,亦辟於其 無 服,故爲之變而 不

舊國君之服也。

接

接見乎天子者,謂爲天子所接見也。經

四七〇

則諸侯之大夫,其亦有不爲天子服者惟言諸侯之大夫,而傳意乃爾。若然,

## 右總衰

乎

?

報之。」
「下殤小功,帶澡麻,不絶本,屈而反以注曰:澡者,治去莩垢也。《小記》曰:小功布衰裳,澡麻帶、絰,五月者。澡音早。

也。 疏 小 以下,經、帶斷本。 欲見與絰 者,當與下章同吉屨無約 功帶不 曰:上文多以一絰包二,此别言帶者 又此不 不同 絶本,故 言 也。 布 帶,文略 進 此殤小功中有下殤 帶於 帶在 也 絰 經上者,小 也。 上,以 不 言 見重 功 屨

無受者,可知也。

大夫庶子爲適昆弟之下殤。爲姑、姊妹、叔父之下殤。適孫之下殤。昆弟之下殤。

女子子之下殤。

殤,又公爲適子、大夫爲適子之下殤亦此章别言女子子之下殤,而不見公之下

不見,皆文脱耳。

如字。爲人後者爲其昆弟,從父昆弟之長殤。爲人

爲從父昆弟者,異人

也,經文省

耳。

其

姊妹之殤亦

如之。

傳曰 之殤中從上,小功之殤中從下。 注 也 "問者曰"中殤 曰:問者,據從父昆弟之下 大功、小 功,皆謂 何以不見也? 服 其 成 見,賢 人 殤 也 在 (遍反。 大功 緦 此 麻

日

小功者,對大功立文也。

不言牡麻

與

繼公謂:小功布之縷,麤於緦之縷矣,乃

主謂丈夫之爲殤者服也。 凡不見者,以

此 成求之。

夫之昆弟之子、女子子之下殤。 爲姪、庶 爲夫之叔父之長殤。昆弟之子、女子子, 丈夫婦人之長殤。 之爲殤者言矣。凡不見者,以此求之。 之同也,然則此傳亦兼婦人之爲其親族 從父昆弟之殤,丈夫與女子子在室者爲 各異其從上、從下之制,亦因以見義云。 有 大功而上,輕者自 中殤,故發問 繼公謂:大功之殤始見於此,而又不言 無之類見之矣。此復以二者之中殤 也。 小功而下,已於 喪服之等,其 重 麻本 者自

大夫、公之昆弟、大夫之子爲其昆弟、庶 以 孫之下言丈夫婦人者,明庶孫之文不可 姪之殤服,亦姑之適人者爲之也。於庶 兼男女,亦爲其與姪連文故也

子、姑、姊妹、女子子之長殤。

公之昆弟猶大夫。 注曰:云公之昆弟爲庶子之長殤,則

知

夫故也。 弟、姊妹宜連文,且此條亦不専主於大 應有昆與姊之殤,而此 降之意,前章詳之矣。 此已爲大夫,不 父之所厭而 之、蓋大夫無緦服也。公之昆弟於 繼公謂:其中殤亦從上,若下殤 而下則爲,以尊而降於昆弟,則亦 降也。 大夫、大夫之子所以 經乃 爾、蓋以 則 庶子 以 不 昆 其 服

大夫之妾爲庶子之長殤。

注曰: 君之庶子。

孫

爲君之黨,或得與女君同,故皆宜 從上。蓋女君之爲此子,與 君之女子子亦然。 繼公謂:上已言君之庶子,故此略之,爲 是雖大功之殤,亦 (夫同。 中從 而妾 中

四七二

下殤亦不服之。 ,而不可以婦人之從服者例論 也。 其

此 右殤小功五月 子,大夫爲適子之下殤,蓋文脱 所不見者,子之下殤,公爲 適

耳。

小 ,功布衰裳,牡麻絰,即葛,五月者。 也。 絰 與緦之麻同。」舊説小功以下,吉屢 注曰:小功輕,三月變麻,因故衰以 帶,而五月也。 《閒傳》曰:「小功之葛 就 無 約

繼 葛乃不易衰者,爲無受 公謂: |月者,已於「大功」章見之,故不言也。 絰不言澡,可知也。 布 也。 此變 即 葛 麻 不云 即

從祖祖父母、從祖父母,報。

注

曰:祖父之昆弟之親。

爲一體也。

然則自此之外,凡小宗之正

者,止於此

親爾。

所以然者,以其

與己

從祖昆弟。 -4-

親也」。

祖父之昆弟之子,故曰「祖父之昆弟之

意謂從祖祖父乃祖父之昆弟,從祖父乃

齊衰、大功重,報服

或别見之。

案:注

也,故報之。

於此

即言報者,略輕

繼公謂:此與爲之者尊卑雖異,亦旁尊

注 疏曰:三者爲三小功也。 曰:父之從父昆弟之子。

從父姊妹、孫適人者。適如字,下「適人」同

無嫌,故不必言女。 三者適人,其服 同。 云適人,則爲 女孫

爲人後者爲其姊妹適人者。 經於前章爲人後者惟見其 姊妹之服,餘皆不見,是於本 爲人如字。 父母、昆弟、 服 降 一 等

此數矣。此姊妹之屬,不言報,省文也。親、旁親,皆以所後者之親疏爲服,不在

《記》曰:「爲人後者於兄弟降一等。

報。」

加也。

爲外祖父母。傳曰:何以小功也? 以尊

尊加也 母 父母期, 尊云者,謂其爲母之父母也。 前 服 母黨者,當 子爲外祖 父母 降於 其 小 功 母二等,母爲 (宜也, 子之從其 非 以

從母,丈夫、婦人,報。

-20

注曰:從母,母之姊妹。丈夫、婦人,姊

妹之子,男女同。

從母服者也。 列,故但以從母爲 公謂:從母之義與從父同。 ,以其爲母黨之旁尊,不足以 此 爲 稱。 加 服 丈夫、婦人, 面 從 母 以其 加尊焉 乃報之 即 在 爲 母

> 而所指各異。讀者詳之。 故報之也。經凡三以丈夫、婦人連文,

曰:何以小功也? 以名加也。外親之下是才不是一言语言。

傳

服皆緦也

見此 以 故加 母爲 服之常禮 輕之令例 其從 一等。 姊妹 爲 與報 加 也。 皆 大功,子從 也, 圃 緦 侕 在此 然外親之服 而 也 爲 在 之,不得不然耳,非 云外 又爲 小 服當 功 親 外祖 認,以 乃 有 之 云 服 在 父母 皆總 緦 皆緦,以 有 者,則 母名, 亦 從 何 故

哉?

妻相名也。因恩輕,略從嫁降。娣姒婦者,兄弟之注曰:夫之姑、姊妹,不殊在室及嫁者,夫之姑、姊妹、姊妹

功者,惟從其夫之降服也。《記》曰:「夫繼公謂:爲夫之姑、姊妹,從服也,乃小

其出 之所 也。 也。 妹在 之尊卑而異 婦固 變易也。 者,從服者宜有一定之制,而 妻不隨其夫之正服、降服 室者 此爲 嫁 相 爲 兄 爲 者 所以不從其 期,正 弟 矣,亦 從服,故姑、姊 [或與 也 服 服也; 夫同服,則失從服之 妻 言報者,明 先娣後姒,則娣長 降 夫之正 出嫁者大功,降 等。」夫爲 妹 言 其 服者,恐 不 不必 報。娣 加 以 爲 其 隨 升 姒 夫 姑 義 爵 姒 爲 降 服 穉 時 姊

亦似有脱文。

傳曰: 以 爲 者 然 及 而 婦 於其 相與 則 則 人於夫之昆 止 娣姒婦者,娣,長 娣 之,故無服。假令從服,亦僅 以 居 昆弟之身,不可 姒 居室相親,不可無服 室中,則 婦 無 弟當從 相 生小 爲 服 也,何以小功也? 服,以遠嫌之,故 功之親焉 之 以 義 復 及其妻也。 而禮 故 爾 有 可 以 之 然

> 於此 未必 娣,長也」,釋 有常: 或 者, 有 蓋 共 並 本 居 居 室者, 其禮之 室者 娣 婦之爲 「,有 而 所 相 ネ 長 由 爲 並 婦 服之義惟 生 居 也。其下 者 室者, 言也。 主 亦

孫、姑、姊妹、女子子適士者。適如字。 大夫、大夫之子、公之昆弟爲從父昆弟、 服在 多類 從父昆弟及庶孫亦謂爲士者也,經之例 注曰:從父昆弟及庶孫,亦謂爲 之定制,諸侯父死子繼,不立昆弟,於此 爲大夫者乃小功者,以其非公子也。 繼公謂:此姑、姊妹、女子子 亦可見矣 此。 此。不言適人而言適士者,所 公之昆弟 於其 從父昆 再降,故 士 弟之不 者。 以 周 見 庶 其

明矣。

注曰:君之庶子,女子子也。庶女子子大夫之妾爲庶子適人者。

在室大功,其嫁於大夫亦大功。

焉。 《小記》言妾爲君之長子之服,「大功」章 子,故其服如此。 黨者,止於此耳,是亦異於女君者也。 其女子子之服,若其君之他親 及此章凡三見大夫之妾爲君之庶子及 期,適人亦 經凡言庶子,皆主於男子也。 繼公謂:女子子不必言庶,文有脱誤也。 然則凡妾之從乎其君 大功。 若爲己之女子子在室 又致《喪服 圃 服 • 記 ※ 此非 則 其 君之 無 己 聞 與

庶婦。

-Teo

者,所以别於適婦也。 庶婦爲舅姑期,舅姑乃再降之爲小功

姊妹。不敢不服者,恩實輕也。凡庶注曰:君母,父之適妻也。從母,君母之君母在則不敢不從服,君母不在則不服。君母之父母、從母。傳曰:何以小功也?

子,爲君母,如適子。

爲君母父母,其己母之父母或亦兼服疏曰:不在者,或出或死也。君母在,既

之。

己,實非外孫與姊妹之子,故略而 於己之外親也。 以君母之故,不得不 父母姊妹,彼於此子則 配父,尊之也。 繼公謂:君母在則不敢不從服者 君 母 此庶子雖服其君母之 服其 不在則 無 服 親 也 前 不 服者,别 彼之視 不服。 蓋 「, 以 庶 子 其

君子子爲庶母慈己者。

非 慈母 妾,使食子,三年 知 事 良 擇 注 慈母 也 不 恭 於 日 ·, 其 敬,慎 往。」不 諸 也。 或 母 内 次爲保母,皆居子室。 君 與 則 士之妻自養其子。 而寡言者,使爲子 言 世 可 師、保、慈母 日 子 者, 加 生,卜士之妻、大 必 異 出 求 爲 ,見於公宫, 其 孺 居中 寬 子 師 裕 室於 ·, 服 一, 其 慈 他 惠 宫 夫 則 之 次 中 之 劬 口 無

以 君子 而 加 其 大夫之子、公子之子於庶 繼 方 公 伸之,其意雖 爲 從 慈 在 不 一謂 子者,明雖 不 小 其 己 功,若 降 者 慈己者 父 禮 而 而降,遂不 恩宜 從 爲 又從父而降, 之服 其 庶 異, 有 有 加 母 貴 加,固 服 而 同 緦, 服 禮則 (者,其 者 也 謂 嫌 小功矣。 士及 其 母 各 則 正 其與凡父在 服 於 有 者 亦 宜 其 猶 所當 降 在 慈 當 之,加 然 緦 己 緦 子 此 也 麻 者 麻 也 也

> 緦,蓋 蓋 不 則 云 服之,以大夫於庶 父 君 没 子 不 子 可 可 知 以 則 矣。 過 父 於因 在 其 也。 母本無服故也 爲 母 也。 父 父 後 在 若爲 者 且 伸 大 則 此 夫 但 服 則 服

## 右小功五月

緦 言衰 注 麻 日 月者。 經 緦 略 麻 輕 -4-緦 服 省文 布 衰裳 而 麻 絰 也。 不

事 傳 其 則 小 不 日 者,蓋經傳單 衰 别 布 文 功 公 緦 彌 不 見 謂 三月 者, 言 殤 緦 輕 也。 布帶,總麻 不 服 服 言 者 言 五 既 以以 繩 升抽 麻者多以 葬 案 屨, 其 即除之,故 其 注以 不言衰 大 服 八半,有 功 與 經帶言 麻爲言麻 成 不 絰 事其 言 人無 但 服 冠 也 縷 彌 布 異 月 絰 輕 纓 也。 也 無

猶去也。《雜記》曰:「總冠繰纓。」注曰:謂之總者,治其縷,細如絲也。抽

族曾祖父母,族祖父母,族父母 之縷 注 大 輕 縷則 細 以 之下者, 異於錫衰也。 也。 也。 或否,其意 疏者,所以明其非吉布。 繼公謂 功 縷之麤 ,猶居於後,如緦麻 縷 爲 在總衰之上是也; 故 此比於他服之布爲稍疏,比於他 抽 曾祖昆弟之親也。 升 細 最 其 以其 十五升者,將爲十五 數 細 如 細。 半 亦 雖 爲 絲,故取 而 此布 猶 縷 序 多 細者,所以見其爲 爲 是 細 ,其麤者 而 布, 也。 也。戊五 七升有半,乃在小功 縷麤,猶居 在 此 則 小功之下是也。 義 日 升數雖 成 若布縷之或治 則 緦 而名之,亦 布 ,族昆弟。 者,蓋治 服之布, 重,細者 七 升布之縷 於前,如 少而 升 輕喪。 有 其 縷 則 皆 以 布 半

> 肉相連屬 也。 疏 日 : 名爲 此 即《禮記》云「四 以 四,總 其 (親盡 麻者 一、恐相 也。 世 疏,故以族言 而 族,屬 緦 服之窮 也,骨

之耳。

也。 不 曾祖之親 繼公謂。以從父從祖者差之,則 | 虞 | 是 凡有親者皆曰 也 也。 變言族者,明 族、《記》曰「三族之 親 盡 此 於 乃 此 從

庶孫之婦。

孫之婦,故亦降 於庶孫之婦,其 功」章不見之者,文脱 庶孫之婦總, 則 本服 一等而在此 適 孫之婦 當 耳。 小功, 小功 夫 之 以 祖 也,「小 别 於 父 滴 0

庶孫之中殤。中,依注,音下。

諸言中者,皆連上下也。 此當爲下殤,言中殤者,字之誤爾。又注曰:庶孫者,成人大功,其殤,中從上。

四七七

從祖姑、姊妹適人者,報。

矣。適人者,爲此親非報服,略言之耳。徵之,則女子之逆降固不及大功以下者章已不著嫁者、未嫁者之服,又以此條云報者,謂亦既適人乃降之也。「小功」

從祖父、從祖昆弟之長殤。

注曰:不見中殤,中從下。

者也,此與經不見曾祖之父及曾孫之子其二者之殤,蓋以從祖祖父未必有在殤繼公謂:上章之首連言三小功,此惟見

之服者,意頗相類。

外孫。

注曰:女子子之子。

疏曰:以女外適而生,故云外孫。

繼

公謂:

此

服

亦男女同。

外孫

爲外祖父

母小功,不報之者,以其爲外家之正尊

與?

從父昆弟、姪之下殤。

嫌也。又以前章例之,則爲人後者爲單言姪者,前既以丈夫、婦人言之,此

無

其

夫之叔父之中殤、下殤。

昆弟之下殤亦當在此,經文闕

注曰:見中殤者,明中從下。

疏曰:下傳言婦人爲夫之族類大功之

殤,中從下。

繼公謂:見中殤者,明其與前條異。

從母之長殤,報。

前章從母成人之服已言報,此復見之

者,嫌其報加服者或略於殤也。

傳曰:「與尊者爲一體,不敢服其私親也。」庶子爲父後者爲其母。傳曰:何以緦也?

然則何以服緦也? 有死于宫中者,則爲

「爲一」同。

之三月不

舉

祭,

是以服

緦

也。

爲父如字。

子爲母三年。士雖在,庶子爲母皆如衆注曰: 君卒,庶子爲母大功。大夫卒,庶

人

不舉祭,故此庶子因是爲母服緦也。疏曰:有死於宮中者,縱是臣僕,亦三月

蓋子之於母,情雖無窮,然禮所不許,則因是以服緦者,言非若是,則不敢服也。三月不舉祭者,吉凶之事,存亡共之。服妾母,蓋與適子同也。有死於宫中則服妾母,蓋與適子同也。有死於宫中則

子之心 其情 祭之禮 亦不 乃 可 知矣。 미 得略 得 而 伸 何以 遂。今因 其 服 不齊 焉。 衰 有三月不 觀 三月 此 也? 則孝 舉

士爲庶母。

尊者之服不敢用於妾母也。

> 爲庶母無垠。 傳曰:何以緦也? 以名服也。大夫以

上

爲庶母無服。

从其子女兄。 疏曰:有母名也。云大夫以上無服者,

以其降故也。

大夫以上於其有親者且降之絶之,則此母之服總,而大夫以上無總服故也。又繼公謂:大夫以上爲庶母無服者,以庶

無服亦宜矣。

貴臣、貴妾。傳曰:何以緦也? 以其貴

也。

其 服 長 此 則 服服之。大夫以上無緦服 妾 亦士爲之也。 也。 非有 此 私親者也。 服 似 夫妻 貴臣,室老 同之。 其有 親者,宜 也。 妻 爲 貴妾, 此 妾

乳母。

若有故,或使賤者代食之,故謂之乳母。此亦蒙士爲之文也。士之妻自養其子,

子,父没乃爲之服。母」,鄭氏以爲即此乳母是也。大夫之母」,鄭氏以爲即此乳母是也。大夫之外又有乳母。《内則》曰「大夫之子有食其妾子亦然。若於大夫之子,則慈母之

從祖昆弟之子。

注曰: 族父母爲之服。

族父報。然則族曾祖父於昆弟之曾孫,昆弟皆緦,其族昆弟固相爲矣。此條則繼公謂:爲族曾祖父、族祖父、族父、族

但見族父爲此服,注兼言族母者,足經者之輕服,故略之而不報與? 案:經

族祖父於從父昆弟之孫,以其爲旁親

卑

意也。婦人爲夫黨之卑屬,與夫同。

曾孫。

疏曰:據曾祖爲之緦,不言玄孫者,此亦

以其曾孫爲曾、高同,曾、高亦爲曾孫、如「齊衰三月」章直見曾祖,不言高祖,

玄孫同也。

月,故己亦爲之緦麻三月,蓋不可 卑遠略之,且不可使其庶者無服 於其爲己之月數也。 宜小功,乃在此者,以 差言之,爲子期,爲孫 繼公謂 ··此曾祖 爲 之服 不分適庶者, 大 曾孫 八功,則 也。 爲 己 爲 以 也。 齊 曾 本 以 衰 服 以 孫 其 過 亦

父之姑。

注曰:歸孫爲祖父之姊妹。

疏曰:歸孫、《爾雅》文。

言之,其意與姑 父之姊妹 公謂 此從 於屬 祖 爲 爲姪者同。 之親乃緦者,以 尊,故但 據 不言報者, 己適 其 爲 祖

0

亦 以非其一定之禮故也。

從母昆弟

從母姊妹亦存焉。外親之婦人,在室、

適人同

傳曰: 何以緦也? 以名服也。

名謂昆弟之名,母謂姊妹之子小功,●子 無所從也,惟以名服之。 從母以名加,

此 以 名服,子於母 黨,其情蓋 可見矣。

然則 有可從而不從者,所以遠别於父族

與?

甥。 傳曰:甥者何也? 謂吾舅者,吾謂之

亦丈夫、婦人同

甥。

何以緦也?

報之也。

壻。 傳曰:何以總? 報之也。

注曰: 壻,女子子之夫也。

妻之父母。 傳曰:何以總? 從服也。

注曰:從於妻而服之。

繼公謂:從期 妻從夫降一等,子從母 服 而總,是降於其 降二等,夫

從妻降三等,差之宜也。

姑之子。傳曰:何以緦? 報之也。

注曰: 姑之子,外兄弟也。

舅。傳曰:何以緦? 從服也。

可以見從服一定之制矣。 父後者期,子乃不從之而服小功者,亦 從於母之大功而緦也。母於昆弟之爲

舅之子。

傳曰:何以緦? 從服也。 注曰:内兄弟也。

從母之子耳,其餘則 黨服,止於外祖父母、從母、舅、舅之子、 此與姑之子相爲,皆男女同 無 服 也。 也。 外祖父 子爲母

0 謂」,明本作「於」。

四八二

服。 故或從服而或以名服也。 至親之子,而在兄弟之列,不可 母 從 舅之子與從母昆弟,則以其爲 母、 舅 與 母 爲 體,至 親 以無 也 尊者 故 服, 從

注

曰

君母

在

「則不

敢不從服。

君母

卒,

:

夫之姑姊妹之長殤。

有? 文耳。古者三十而取,何夫姊之殤之夫之姊無在殤者,此云姊,蓋連妹而立

夫之諸祖父母,報。

者,其夫之從祖 父母耳,似不必言諸。 夫之祖父母之行 夫之所爲 服 小功者,則妻爲之緦。 祖 而 父母 服 此 及從祖 然 者,惟其從 則此 一父母 經 若於 所 與 祖 ? 指 祖

君母之昆弟。

但言諸者,疑文誤且

脱

也。

傳曰:何以總? 從服也。此服亦不報,其義與君母之從母同。

也。若爲父後,則服之,蓋其禮當與爲及其昆弟之子與從母昆弟,異於因母繼公謂。庶子從君母之服,惟止於此,不則不服也。

人後者同也。

從父昆弟之子之長殤,昆弟之孫之長殤。

祖祖母、從祖母亦當服之矣。此從祖父、從祖祖父爲之服也。然則從

爲夫之從父昆弟之妻。

報。」是章惟見此服,不及夫之從父姊妹「小功」章云:「夫之姑姊妹,娣姒婦,

之親焉。

傳曰

:

何以緦也?

以爲相與

同室,則

生

緦

者,文不具耳。

注曰:同室者,不如居室之親

也

繼

公謂:

此亦言其所以有服之由

也。

其

義 與 娣 姒婦 以 居 室之故 丽 有 服 者 同。

縓,並七見反。「縓冠」之「縓」,當作「練」。

前 章詳之矣。

長殤、中殤降一等,下殤降二等。

同。 婦 族齊衰之殤 此主言丈夫爲大功以上之殤,婦人爲夫 人爲本族之殤服,其降之等亦與丈夫 也。 不宜在此,蓋脱 文也

齊衰之殤,中從上。 求之。 注曰: 主 殤中從下,則小功之殤亦中從下也。 謂妻爲 齊衰、大功皆服其成人也,大功之 夫之親服也\*凡不見者,以此 大功之殤,中從下。 此

繼公謂: 此亦脱文,失其次而在是也。

### 右緦 麻三月

《記》。 爲其妻,縓冠,葛絰帶,麻衣縓緣。 公子爲 其母,練 冠 麻,麻 衣 皆既 縓 緣 葬

> 除之。 不得 衣縓緣,三年練之采飾也。《檀弓》曰: 者,如深衣,爲 妾子也。麻者, 總麻之絰帶也。 注曰:公子,君之庶子也,其或爲母, 云:「麻衣如雪。」縓,淺絳 ·練,練衣黄裏、縓緣。」 諸侯之妾子爲 伸,權爲制 不 此 制 服,不奪其恩也。 衰 裳 也。 變 也。 練冠 此麻衣 Щ 詩 爲 母 麻 謂

也。 視其衣冠之布。 縓緣,以縓色布爲領及純 十五升布爲衣,如深衣,然其異者緣爾。 與衆人爲 言葛絰帶以見之。 繼公謂:縓冠之縓,亦當作練,字之誤 練冠縓 練冠者,九升若十升布,練熟爲之, 緣 母、爲妻之練 」,是冠 爲 紕 母 練冠麻葛,凶 亦 但言麻,故於爲妻 以 冠 也。 縓 同。 也 《間傳》曰 麻 此 服也 衣,以 緣 皆

妻葛絰帶,妻輕

權 與庶 冠 帶 既 爾。 飾,●以明其服之本重又小,其麻葛之絰 先言之; 爲制此服。然君在,公子不得伸其 ,以見不敢爲服之意也。 練之冠,既 與爲 此二喪本當有練有祥,故於此 婦 厭 麻 母同,惟 於其君,公子爲之不得伸,故 衣,吉布也,後言之,文當 祥之衣與? 夫練 以絰帶爲輕重耳。 此爲妻之衣 服 得 之 服 妾 然 用

妾、公子之妻視外命婦,皆三月而葬。皆在三年之科,與他期服異也。諸侯之者多矣,乃於其母、妻特制此服者,爲其

等。

服,子亦不敢服也。君之所爲服,子亦不傳曰:何以不在五服之中也? 君之所不

之所爲服,謂夫人與適婦也。 注曰: 君之所不服,謂妾與庶婦也。君 敢不服也

繼公謂:君之所不服,子亦不敢服者,謂

也。 所以 以 服 見凡公子之服與不服,其義皆不在 不敢服 亦 其 其 ,謂適與尊同者也,君爲之服,子亦各 從 母 服服之。 不 乎 與 妻,皆 者,則不止於此 在 其 五 君 服 而 君之所厭 傳 中之意。 不 又因上 敢 服之。 加 其實,子 文而并言此,以 也。 不 傳 服者 君 以 之所 從 此 也,子 君 釋 爲 其 而

大夫、公之昆弟、大夫之子,於兄弟降一

此求之。 此求之。凡不見者,以

降之也。三人所以降其兄弟之義,固或惟公之昆弟,雖與其兄弟同爲公子,亦繼公謂:此言所爲之兄弟,謂爲士者也。

者 故 見於經,然 有 於此 選,而 ,皆不爲之服,蓋 明之。 服 亦 則 大夫 有 同。 不 其兄弟之服,雖 並 小 小 列三人而言之者, 功降 功 丽 下之親 等則總 爲士 皆已 而

之兄弟之子若子。爲,並如字。爲人後者於兄弟降一等。報。於所爲後

大夫無緦服故也

衍文。 以 外者皆是也 爲己之月筭也,而服 此 司 繼公謂:此爲兄弟於本服降一等,止謂 注 者 至親 父者 日 報 親子之爲 則 云 言報者,嫌其爲宗子不降。 所後者之兄弟、凡己所降 者,昆弟與姊 盡 也。 報 者皆齊衰,但有 以 禮,爲宗子服,自大功之親 小 其 有 功 也。 服若無服,皆 亦 妹 「之子」二字 齊 在 衰,惟姊 月數之異爾。 室者,但 如 等之 當 妹 視其 所 後 滴

兄弟皆在他邦,加一等。 不及知父母,

與

不及知父母,父母早卒。注曰:皆在他邦,謂行仕出遊,若避仇

其餘 此與姑、姊妹、 爲其有恩於己故 客死於外故也。 繼 公謂:兄弟以皆在他邦 則 否 女子子 也。 以不 適人 及 凡 知 兄 父母 而 弟 而 無 之 加者,爲其 主 加 而 者 服 加 惟 也

以下爲兄弟。 傳曰:何如則可謂之兄弟? 傳曰:小功

矣。 加 注 也。 日 若不及知父母,則 於此 大功以 發兄弟 上若皆在他國, 傳者,嫌 固 同 財 大 矣。 功 則 親 以 自 上 親 又

者爲問一 爲兄弟者,爲兄弟服 繼公謂 爾。 「謂之」二字似誤 小功以下爲兄弟, 也。 此 ,亦當作「爲」。 惟 謂 以 是 加 乃小 一等

四八六

此 上 功 等 以 皆 加 在 下 親者之限,故不必復加 服 之親 ,不得過於大功矣,蓋大 爲兄弟之服者然 云。 也 功 然 以 則

朋友皆在他邦,袒免,歸則已。免音問。

免。舊説以爲免,象冠,廣一寸。已猶注曰:每至袒時則袒,袒則去冠,代之以

繼公謂:朋友相爲弔服如麻也,此亦爲疏曰:袒免,與宗族五世者同。

止

也

之袒 其 客 如其常服 免 死 於 以 故 外 示 尤 其 曰 情。 歸 可 哀 則 歸 憐, 已也。 於 故 其 或 加 則 死 等 復 於 他 故 而 邦 爲 丽

若也,亦足以見親疏之殺矣。此云歸則已,是兄弟雖歸,其加

朋朋

友袒免,兄弟加

等,

其意正

同。

服

故

自

朋友麻。

注曰:朋友雖無親,有同道之恩,相爲服

若非 服也。 疑 皆 升 所異 人相 事 之。 皆用 疑衰 大夫皆疑衰裳,雖當 朋友之服 繼公謂 否。」其服,弔服 緦之絰 於凶 有 則 而 《服問》 弁經。 事 去 者 朋 爲 於臣禮 也 其 退 帶。 ,故因以名之。 以是推之、則大夫於士、若士於 ; 友,則弔之時,其服皆 亦 則 半 諸 天子弔 然。 則 疑 ^ 侯 謂: 此大夫於朋友之爲大夫 是《記》蓋主爲大夫以下 檀弓》 蓋 不 於 吊服 國君 其 也。 古。 布 服 服 大夫相 服 縷皆 耳。 ---不相弔, 티 : 皆 弔服 事 升 加 亦 有 錫衰 數 錫 疑衰者,亦 爲錫衰以居 則 羣 麻 事 素冠也,士、 與 衰 居 疑 者 則 也 緦 也 既 與 則 衰 也 亦未 錫 朋 葬 疑 緦 絰 也 友同, 同 乃 衰 衰 + 必 布 出 已。 也 也 縷  $\overline{h}$ 庶 者 當 有 則 則

言故曰君,●亦如妾爲君爲女君之比。君者,謂凡有家臣者皆是也。與室老對

夫之所爲

兄弟

服,妻降一等。

之類是也。其在夫之昆弟之行者,則不此惟指妻從夫服者而言,如爲夫祖父母

從。

黨,或兼服之明矣。 子 也 凡從服,皆爲所從在三年之科者也。 爲父後者爲其母總,則於母 不爲 後 如 邦 人,是君母 與己 **漢**宜 母 無 之 服 庶

則月筭如邦人。爲如字。宗子孤爲殤,大功衰、小功衰皆三月。親

爲 年 注 七十 殤 日 服 言孤,有不孤者。 而老,子代主宗事者也。 服之也。 不 孤 謂父有 不孤 則 廢 族 疾,若 孤 人不 爲

> 五月。 月; 親,謂 者,成人及殤 成人服之齊衰三月。 親者,成人服之齊衰三月。卒哭,受以 衰七月,下殤,小功衰 齊衰 殤,長 大功衰九 邦人者, 如 殤 下殤,小功衰三月。 期、長殤、大功衰九月、中殤、大 服 殤、中殤大功衰,下殤 在 其殤 圃 與宗子有期 五 月。 三月,謂 屬之内。 與 ,皆與絶族者 絶族 其長殤、中殤,大功衰 者同。 與宗子絶 卒哭,受以 筭,數 之親者,成 五月。 有小功之親者 同 有緦麻之親 也 小 有大功之 屬 功 小 月 人 衰,皆 者 功衰 服 數 也 功 Ŧi. 之 如

在 功衰者,以其 疏 大功衰,下殤在 日 云孤 謂 成 無父者也。 人齊衰,故長 小 功衰也。 云大功衰、小 殤、中殤 云皆三月 皆

● 「言故」,原爲空格,今據庫本補。

者,以其衰雖降月,本三月也。

是。 而 繼公謂:此 有親者 若不孤,則族人之親盡 ,則或降服,或 言宗子孤 而爲 降而無服 殤 ",其服 者不爲 ~,亦如 乃 服。 如

改葬、緦。

邦

人也。

以無服。禮宜同也。必服緦者,親見尸柩,不可也。其奠如大斂,從庿之庿,從墓之墓,也。其奠如大斂,從庙之庿,從墓之墓,

以 共世子之類是也。 之葬不能 處,如文王於王季之類 繼公謂:改葬者,或以有故而遷葬於他 不言其除之之節,或既 其 ,則是凡有親而在其 非 常 如禮,後乃更之,如晉 服 而 事 又略, 此 所者,服皆然也。 惟言總,不 是 改葬則不服之 故 也; 五 或 屬 惠 以 同之。 著 公於 向 其 者

> 况彼,謂改葬之奠宜與之同也。 大斂耳,蓋祖奠如大斂奠,故鄭氏以此禮宜同也」,言此者,以徵改葬之奠當如與? 案:注云「從庿之庿,從墓之墓,

童子惟當室,想。

親者,雖恩不至,不可以無服也。後,承家事者,爲家主,與人爲禮。於有注曰:童子,未冠之稱也。當室,爲父

疏曰:當室,是代父當家事。

得爲之。《曲禮》曰「孤子當室」,言孤,繼公謂:此言惟當室,則緦是雖父在亦

則有不孤者矣。

傳曰:不當室則無總服也。

當室則總,所以異於衆子。童子不當室則無總服,所以降於成人。

凡妾爲私兄弟,如邦人。

注曰:私兄弟,自其族親

也。

邦人異 屬之條 並言於凡適人者及嫁者、未嫁者爲 惟 繼 公謂 有爲父母 也。 中,恐讀者不察,故《記》言此 亦 嫌 此 一條,其餘則皆與爲人妻者 經正言妾之服 屈 於其君, 而 爲 其 私 私 親 親者 其 或 以 親 與

錫 大夫弔於命婦,錫衰。 衰。 命婦弔于大夫,亦

明之。

大夫死 注曰 異 服 繼公謂:《服 否。」凡婦人相弔,吉笄無首 相 衰 大夫於命 ,則服 ,則命婦相弔亦錫衰矣。 以居,出 爲 : 亦 弔於命婦,命婦死 也。 然。 或異 婦,命 亦如之。 ^ 爲其妻,●往 也。 問》以錫衰爲大夫相 服 問》曰:「公爲卿 婦 大夫、命婦之錫衰,惟 於大夫者,嫌所 當事 也。 則弁經。 則 此《記》惟見 素總。 服 弔於大夫, 之, 大夫錫 大夫 出 弔 爲 之 者 則

> 於尊 同者 用之, 則弔於其 下者 不 錫 衰

明

矣。

十五升抽其半,無事其縷,有事其布,曰錫。 傳曰: 錫者何也? 注曰: 《記》未誤之文與? 以 當治布也。 者,蓋弔服 **緦之細,所以** 錫重於緦,故緦治 服》職云「錫,麻之滑易者也」,其據此 各有似,以傳寫而誤也。 繼公謂:「有錫」,疑當作 麙 細 謂之錫者,治其布,使之滑易也。 爲 先後,錫 不 治其布 口 差 以 重也。 麻之有錫者也。 無 縷 不 則滑易矣,所以謂 所 而 治縷,則 以天子弔 然而必有 事,既 錫 「滑易」,蓋二字 則 鄭司農注《司 否。 不治 其 服差之, 縷 事 蓋 錫者, 其 不 凡 之 則 服 布 如

錫。

爲」,原脱, 今據明本、通本、 庫本、 注疏本

0

笄也。 傳曰: 終之也。櫛,莊乙反。 者,象笄也。 有首 女子子適人者爲其父母 以 笄有首,惡笄之有首也。 折笄首者,折吉笄之首也。 吉笄 髽。 卒哭,子折笄首 何以言子折笄首而不言婦? ,婦爲舅姑, 以 惡笄者,櫛 笄,布總。 惡笄

折其首者,爲其大飾也。 注曰: 笄有首者,若今時刻鏤摘頭矣。

若 總之用布,五服婦人皆然。特以「齊衰」 首以笄,則不復髽矣,婦則惡笄以髽 以笄之笄,著笄之稱 之止於是也。 髽,見成服以後猶髽,且 異於箭笄者與? 繼公謂:云有首,見惡笄之制 夫、妾爲君、女子子在 也,此亦微 有 然則婦人之髽者,惟 内夫家外父母家之意。 言笄有 也。 室爲父母與此耳。 一明齊衰 卒哭,子折笄 首 也,是亦 而 加 復 妻爲 髽 云 自 以 者 其

> 妾爲女君、君之長子,惡笄有首,布總。 婦也。 放此。 之笄髽,後乃獨 爲笄,此傳所謂櫛者,疑即彼之榛也,蓋 文云「笄有首」,則《記》之「惡」字似衍 言婦者,謂《記》於始者並言女子子與婦 聲相近 章亦不言總,故《記》因而見之也,下 無折笄首之事,故不言婦也。 終,終喪也。 《檀弓》云南宫縚之妻爲姑榛 一而轉爲櫛耳。言子折笄首而 言子折笄首,而 言婦惡笄以終喪, 傳引《記 不及於 文 不

女君不杖期,爲君之長子三年。然則三年之喪,亦有不必髽者矣。妾爲笄緫與上同,乃别見之者,明其不髽也。

央也。凡裳,前三幅,後四幅也。注曰:削猶殺也。袧者,謂辟兩側,空中

俱反。

凡衰,外削幅。

裳,内削幅,幅三

袧。

袧,其

削 疏 幅 曰:外削 者 謂 縫之邊 幅者,謂縫之邊幅鄉外。 幅 鄉 内。 幅三 袧 内

狹,任 據裳 圃 人麤 言, 細,故 謂 辟 積 袧之。 其 腰 辟 中 積亦不言寸 也 腰 中 廣

者,謂辟 數多少,但 兩 側 幅别以三爲限耳。 空中央」者,袧者,屈中之 注云「袧

稱。 辟攝 兩邊相著,自然中央空矣。

幅者,所以别於吉服之制,亦如 繼公謂:凡衰,謂凡名衰者也。衰外削 で喪冠 外

畢之類。 而裳輕,變其重者以示異足矣,故裳不 裳幅不變者,衣裳 同 用 衣 重

必變也。下云袂屬幅,則衰之削幅者惟裻耳

若齊,裳内衰外。

注曰: 齊,緝 也。 緝裳者,内展之。 緝衰

者,外展之。

也。 疏曰 言若者,不定辭,以其斬者不齊故

> 以衰齊别於吉也。 繼公謂:裳内衰外,與其削幅之意同,亦 凡齊、 主於裳 也,故

先言之。

負,廣出于適寸。 廣,古曠反。

適如字,下同。

注曰:負,在背上者也。 適,辟領也。 負

出於辟領外旁一寸。

疏曰 . 以一方布置在背上,上畔縫著

領

下畔垂放之,以在背上,故得負名。

繼公謂:負之廣無定數,惟以出於適 寸爲度也。 其長 蓋比於衰 與? 旁

適,博四寸,出于衰。

注曰:博,廣也。出於衰者,旁出衰外

也。

疏曰: 此辟領廣 四 一寸,據兩 相 m

繼 公謂: 適,辟領之布旁出 者也。 云博

博 四 寸,又云出於衰,則出於衰者非 也 然 則博者,其從之廣與? 凡 謂 其

之,闊 闊 但 謂 四寸,左右 衣 言出於衰 旁而爲 右之布,使連於衣,而各出於肩上之兩 方領 狹 翦其上下之相去四寸者,而 不定,故不 狹 先 是 適,所謂 開 不定也。 而已。 也。 當 之度 項之處,其 此 著其 適博四 則 凶 凡吉衣皆方翦之,所 隨 服 出 亦方領,其異者 其人之肥 一寸也。 於衰之寸數,惟 上 下之度 以其横 不 瘠 殊 相 其 而 之 爲 左 則 去

衰,長六寸,博四寸。長,直亮反。

注

曰:廣袤當

心也。

前

有衰,後有

板

之,故《記》先言之也。 辟領亦當 名,則是 繼公謂: 五服之屬及 左右有辟領,孝子哀戚無所不 凡凶服 同之。 弔服無 若 負 錫與疑,皆以衰 板 不有此衰矣。 孔子式負版者, 則 惟 在 孝子乃 其 有 爲

以其服最重故

爾

衣帶下尺。

注曰:衣帶下尺者,要也。廣尺,足以掩

裳上際也。

疏曰:其横不著尺寸者,人有麤細,取只

爲限也。

齊故與? 帶,謂要絰也,絞帶、布帶亦以去帶一尺為準,豈亦以人有長短之不繼公謂:此接衣之布,其廣亦無常度,惟

存焉。

衽二尺有五寸。

尾一尺五寸,凡用布三尺五寸。 注曰:衽,所以掩裳際也。上正一尺,燕

也。 留 疏 尾 鄉下一畔一尺五寸,去下畔亦六寸,横 云上正一尺者,取布三尺五寸, 上 曰:裳際者,裳 尺五 尺 尺之下,從一 寸,凡用 爲 正。 正 布 兩 者,正 畔 相下際不合處 旁入六寸,乃邪 方 不 · 破 廣一幅 也。

垂之鄉下掩裳際。 用布三尺五寸也。然則兩旁皆綴於衣,五寸,得兩條衽,衽各二尺五寸,兩條共斷之,留下一尺爲正。如是則用布三尺

袂屬幅。屬音燭。

衣,二尺有二寸。

間,則是除殺袪之外,其袪之廣亦如衣繼公謂:衣謂衰之身也,言此於袪袂之

袪,尺二寸。

也。

注曰:袪,袖口也。

衣與袪、衽、帶下之度,吉服亦然,特於此寸,●亦謂圜殺一尺,如深衣之袪也。此繼公謂:此袂廣二尺二寸,而袂尺二

見之耳。

衰,三升,三升有半。其冠六升。以其冠

爲受,受冠七升。

此服也。 也。六升,齊衰之下也。斬衰變而受之也。六升,齊衰之下也。斬衰變而受之注曰:衰,斬衰也。或曰三升半者,義服

以無正文,故引或人所解爲證也。疏曰:注云「或曰三升半者,義服也」者,

布同也。此言衰布有二,其冠以下惟見繼公謂:以其冠爲受,謂受衰之布與冠

▼當作「袪」。 又胡培翬《儀禮正義》引敖氏此説「袂」作「袪」。疑此又胡培翬《儀禮正義》引敖氏此説「袂」作「袪」。疑此

其 同 但初 則 是 死之衰差異 斬 衰 正、 義之服 耳。 冠 與受布 皆

齊衰 四升,其冠七升。以其冠爲受,受冠

蓋 數,亦多於受服一等。《記》不著之者, 冠九升,亦皆以其冠爲受。其受冠之升 IE 服,於期者爲降服也。 義,義服 繼公謂:此齊 注曰:言受以大功之上也 一,有義,正服 特舉重者以見其餘也。 五 升,冠八升。齊衰期有降,有 衰 五升,冠八升,義服六升, 四升,其於三年者爲 齊衰三年有正 有 Œ

繐 升 服 注 數在 在 四升有半,其冠八升。 曰:此謂諸侯之大夫爲天子繐 小功之上者,欲著其縷之精麤 齊衰之中者,不敢以兄弟之服服 衰也。 也

至尊也

中也。 用「齊衰三月」章傳文。 六升,而此總衰四升有半,是在齊衰之 「升數在齊衰之中」者,齊衰四升、五升、 經喪服之序, 繐 繼公案: 云「不敢以兄弟之服服至尊」者, 注 云 服 衰 在 在 小 小 功之上」者,謂 功之上也。 此

大功八升,若丸升。小功十升,若十一升。 功也。 緦 服衰十一升,義服衰十二升,皆以 升。義服九升,其冠十一升。亦皆以 冠爲受也。 在大功者衰七升,正服衰八升,其冠皆 升者,主於受服,欲其文相直。 言服 注曰:此以小功受大功之差也。不言七 麻 無受也。此大功不言受者,其謂 ' 其降而在小功者,衰十升,正 即葛及 降 其 而

自 繼公謂 大功 而 ・此齊衰 上, 皆有受服、受冠。 以主 小 功服各有三等。 其受服

不相直也。● 鄭氏之意蓋或如此。 升而并言之,則大功三,而小功二,其文 升,是欲其文相直。 升,不言十二升,是主於受服,故於大功 案注云「不言七升者,主於受服,欲其文 亦但言八升若九升以當之,而不必言七 相直」,謂記者於小功不言十升若十一 而然也。大功受冠,亦多於受布一等。 小功之下十二升者,爲大功義服之受冠 之中,止校二等。此非有他故,蓋欲 中者亦受以小功之上,下者則受以小功 可與前之受服者輕重相比。 中,大功之下當受以小功之下,如是則 也。以例言之,大功之中當受以小功之 焉。大功之上亦受小功之上,皆校三等 下,齊衰三等受以大功三等,各如其次 當下於本服三等,故 若謂七升者亦受十 斬衰受以 而乃不然, 齊 衰 以 之

「其文不」,原爲空格,今據庫本補

四 九五

間 《記》文者焉,則是作傳者又在於作《記 也。 《記》,顏師古以爲七十子後學者所 先儒以傳爲子夏所作,未必然也,今且 記 記 乃歸之子夏,過矣! 傳亦豈必皆知禮者之所爲乎? 固多,而其違悖經義者亦不少。 者之後明矣。 者也,有《記》 簡 與經、記 也 以《記》明之。 便,故 作 ,必自爲 。 固 引其文而釋之也。 傳, 圃 不盡 他 此傳則不特釋經文而已,亦 分 相 而 篇之有《記》者多矣, 散 釋之也。苟不 别 雜 一編而置於《記》後,蓋 傳文 《漢 今攷傳文,其 也。 居 加 復有傳者,惟 藝文志》言禮 而 處,憚於尋求 後之儒者見其爲經、 移之於經、記 夫傳者之於經、 夫如 盡 發 是, 釋之, 未 明 此篇 則 而先 然則 有 而 禮 則 記 經之 其 不 意者 有 有 每 欲 耳 敢 此 是 從 始 必 儒 釋 傳 條

> 亂 方有《記 甚害,然 之下 有釐正也,姑識於此,以俟後之君子云。 先後,反謂 來已久,世人 ,轉生迷 焉。 使 》,作《記》之後又 疑 感,則 初 亦鄭康成移之也。 作經之後 皆無 學者讀之,必將 亦未爲 譏 即 焉,故予亦 有傳,作 得 此 有 也。 於 ·傳,先 以 義 . 傳 其 不 但 理 之後 敢妄 其 後 序 雖 從 紊 爲 無

# 儀禮集説卷十二

《喪大記

》 曰 :

始

死遷尸于

牀,

幠

用斂

衾

,去死衣。」

元 敖 繼公

撰

## 士喪禮第十二

注曰: 喪於五禮屬凶。

繼公謂:此與下篇言士之子爲父喪,自

始死以至既葬之禮。 -Fr.

爊,火吴反。 斂,力艷反,下皆同 士 一喪禮。 死于適室, 無用斂衾。適, 丁歷反。

正寢焉。疾時處北墉下,死而遷之當牖 注曰:適室,正寢之室也。 疾者齊,故於

并用之衾。 衾,被也。 小斂之衾當陳

下, 有 牀 衽。

幠,

覆也。

斂衾,大斂所

右始死

衾,故喪禮以此爲始。

繼公謂。遂卒矣,乃遷尸于牀,而幠用斂

復者一人,以爵弁服,簪裳于衣,左何之,

扱領于帶。 簪,側林反。 何,胡我反。 扱,初治反。

注 弁服,純衣纁裳也,禮以冠名服。 夏采、祭僕之屬,諸侯 曰:復者,有司 招 魂 則 復 小 魄 ,臣爲 也。 之。 天子則 簪,連 爵

也。

疏曰 : 簪裳于衣,取其便。

繼公謂 左手何之,而空右手,爲登梯備顛蹙也。 " 爵弁, 士之上服 也,故 復 用之。

底本誤改爲「墉」,今據明本、通本、庫本改。

0

牖

四 九七

升自前東榮,中屋,北面招以衣,曰:「皋某

復!」三,降衣于前。

婦人稱字。」

是也。《喪大記》曰:「凡復,男子稱名,也。某,死者之名也。復,反也。降,下也。某,死者之名也。復,反也。降,下

屋脊之中也。有二楣,故每旁各有南榮、北榮。中屋,繼公謂:前東榮者,東方之南榮也。屋

受用箧,升自阼階,以衣尸。衣,於既反,下「衣

之,衣尸者覆之,若得魂反之。招,則受衣亦一人也。人君則司服受注曰:受者,受之於庭也。復者,其一人

以下文襚者人衣尸之禮推之也。自西階。 案:注以衣尸爲覆之者,蓋繼公謂:升自阼階,象其反也。既則降

復者降自後西榮。

其義皆然。 時相變也。下文設奠之類升降異階者,後西榮,西方北榮也。降於此者,與升

右復

楔齒用角栖, 綴足用燕几。 楔, 悉結反。 綴, 知

劣反。

口閉急也。綴猶拘也。注曰:自是行死事。楔齒,爲將含,恐其

者。足,使之正也。燕几,平生燕居時所馮繼公謂: 楔,柱也。綴足用几,欲拘其

右楔齒綴足

奠脯醢、醴酒者,謂奠用此四物也。此奠脯醢、醴酒,升自阼階,奠于尸東。

奠之,如事生也。 奠之而已, 無他禮 此 一儀,故 時尸 日奠 南首,東 也。 乃 死 其 而

先 曰:「即牀而奠,當腢。」其升之序,亦醴 右也。奠於其右,若便其飲食然。《記 而酒、脯醢從與? 既奠則降自西階。

### 右始死之奠

帷堂。

北蓋近堂廉,而東西則近 此帷堂,爲尸未 設飾 也。 兩階與? 帷 之節,其 南

右帷堂

送。 乃赴于君。 主人西階 東,南 面命赴者,拜

注曰:赴,走告也。

古者士大夫赴告之禮,惟 繼公謂:經惟言赴于君之儀如 止於其 此 , 則 君 而 是

믾

有賓,則拜之。

注曰:其位猶朝夕哭位矣。

乃拜之也,既拜則入,不即位。

繼公謂:賓,士來弔者也。

此因事見之,

右命赴者

人,坐于床東,衆主人在其後, 西 面 婦人

俠牀,東面。 俠音夾。

注曰:婦人,謂妻妾子姓也,亦適妻在

前。

《記》云衆主人布帶,則是衆主人乃主言 斬衰 也。 淺隘。衆主人,齊衰、大功之親也,若有 齊衰、大功者。 繼公謂:至是方云坐,則先時主 衆主人在其後,尊主人,亦爲 者,亦存焉。 下經云衆主人免, 人亦立 室中

四九九

親 者在 室

注 日 謂大 功 以 上者。

繼公謂: 婦人矣,下篇曰「主婦及親 此親 者 繼 婦 人而 言, 者 則 是 由 足 亦 西 專

面」是也。 言在室,則不必皆 東 面 始

死之牀當牖 下,少近於西 墉

衆婦 注曰:衆婦人、衆兄弟,小功以下。 人户外北 面,衆兄弟堂下北面。

右哭位

君 使人弔,徹帷,主人迎于寢門外, 見賓不

哭,先入門右,北 面

注曰: 使人, 士也。

使者至,使

人

人將

命,乃出迎之。寢門,内門也。

繼公謂:喪不迎賓,惟於君及君使則 此不出外門者,别 於君之自 來 也。

迎

先入門右,道之。

徹帷,爲君命變也,事

是。

《容經》曰:「拜以磬折之容,吉事尚

男子吉拜尚左手,喪拜

尚

右手,婦人反

畢復設之。

弔者人,升自 一西階, 東 画。 主人進 中 弔

者致命

注曰:主人不升,賤也。 致命曰:「君聞

子之喪,使某如何不淑。」

弔者猶 繼公謂:此西 東 面為禮之也。 方中庭也。 小 斂 主

人

雖

在 下,

以前,主人

主人哭,拜稽顙,成踊

位在西方。

注曰: 成踊,三者三。

者,一 惟於君及君命則然,其餘則否。 繼公謂:謝君命也。 喪禮宜變於吉也。 同,惟右手在上,而 拜而遂稽顙 也。 稽 以 既 顙 顙 不 拜 與稽首之儀略 加之爲異耳。 再 稽 拜稽首者, 顙 而 拜稽顙 成踊,

## 左,凶事尚右。」

賓出,主人拜送于外門外。

皆然。迎不拜而一拜送之,皆喪禮異拜送,一拜送之也,此與下篇云拜送者

也。凡拜喪,賓不再拜。

遂。要,一遥反,下並同。領,右執要,人,升致命。主人拜如初。襚音君使人襚。徹帷。主人如初。襚者左執

注曰: 襚之言遺也。致命曰: 「君使某

襚。」

衣服曰襚 繼公謂 此 禮别一 執 更端, 衣如 復,則 則弔襚 是 衣 不 裳 同 具, 時 也 且

簪裳於衣也。

衣尸,亦覆於復衣之上與?襚者入,衣尸,出。主人拜送如初。

則特拜之,即位于西階下,東面,不踊。大唯君命,出,升降自西階,遂拜賓。有大夫

夫雖不辭,人也

既 猶入矣。 夫宜辭之,謂不必以己故 者,明本不爲賓出 此 拜,見於士 階,自此至葬,其禮 後 惟 辭則主人乃人。 非 雖 君 Œ 命 不迎賓,亦 位,因 出,小 亦 旅 斂 事 之 而 以 出 也。 也。 大夫若或 出 然 前 送 乃 賓 則 也。於大夫云特 即 主人既 在 矣。 然。 而 位于西 是耳。 留 不 升降 若 即 於 辭 小 ~,主人 位,大 外 階 不 斂 自 也 下, 踊 之 西

1

右君使人弔襚

親者襚,不將命,以即陳。

繼公謂:不將命,不將命于主人也。云注曰:大功以上有同財之義也。

就 不 於 將 命, 所 陳之處,謂 則 是 亦 使人爲之矣。 房 中 也。  $\sim$ 既 即 夕 陳 禮 者

曰 「若就器 ,則坐奠于陳。」

庶兄弟襚,使人以將命于室,主人拜于位,

委衣于尸東牀上。

中位 容同 注曰: 庶兄弟,即衆兄弟也。變衆言庶 姓耳。 也 將命曰:「某使某襚。」位,室

者,以其 也。 繼公謂:云庶者,蓋兼衆兄弟、外兄弟言 不必其用之也。既將命而又不以即陳, 牀上,奠之北也。 委於此者,辟君襚,且 亦遠辟親者之禮。 既小斂拜襚者則稽顙,此惟拜 與君襚同節,宜遠辟之。 尸 而 東 已

朋友襚,親以進。主人拜。 弟將命不親致,朋 之,與弔賓同也。親者 親以進,亦自釋其辭。 禮略,疏則禮隆,聖人之意然爾 友 則 親 襚不將命, 主人拜,亦不答 委衣如初。 致 之,蓋 庶 親 兄 則

> 退。 哭,不踊

繼公謂:主人於庶兄弟之使者與朋友之 注曰:主人徒哭不踊,别於君襚也 朋友退,反賓位,使

者退,則出矣。

退也,則哭而不踊。

徹衣者 執衣如襚,以適房。

注曰:凡於襚者出,有司徹衣。

右庶襚

末,長終幅,廣三寸,書銘于末曰:「某氏 爲銘,各以其物。 貞反。廣,古曠反,下並同。 之柩。」亡音無。 長,並直亮反,下不出者並 亡則以 緇,長 半幅 同。 **經**,丑 郝巠

識之。 注曰: 銘,明旌也。雜帛爲物,大夫、士 之所建也。 赤平 ,赤也。 亡,無也。 在棺爲柩。 以死者爲不可别,故以其旗 半幅一尺,終幅二尺。

繼公謂:銘,書其名者,以卒哭乃諱故

也。物、説見《郷射・記》。

竹杠長三尺,置于西階上。

注曰: 杠,銘橦

也。

繼公謂:置,卧而縮置之。

鄉。掘,其月反。垼音役。鄉,許亮反,下並同。甸人掘坎于階間,少西,爲垼于西牆下,東

反。

繼公謂:少西者,其四分階閒一在西注曰:垼,塊竈。西牆,庭中之西。

與?

-To-

右爲銘、掘坎、爲垼

下。敦音對。重,直龍反。鬲音曆,下並同。造,七報新盆、槃、瓶、廢敦、重鬲,皆濯,造于西階

反。

汲 注 水 曰:新此瓦器 也。 廢 敦 敦 Ŧi. 無 種者,槃承渜濯 、足者。 重 鬲 鬲 瓶以 將

> 见。 縣重者也。濯,滌溉也。造,至也,猶饌

也。

數,略之。盆、敦、鬲所用見後。也。云造者,明濯於他處。五者不言其機公謂:此五種者,蓋當階少西,而北上

陳襲事于房中,西領,南上,不綪。績,側庚

江沔之間,謂縈收繩索爲絳。注曰:襲事謂衣服也。綪讀爲絳,屈也。

乎? 足以盡之,則復以其餘者始於明衣之東 墉 者,衣少於他物也。 而 也,其他物亦上端鄉西,必西領者,以尸 繼 在室也。 公謂: 下, 陳之,亦自 不綪者,一一自南而 東領。」此 《士冠禮》曰: 事猶 南 物也。 而北其次列之,首 西 領者, 惟 言襲事 「陳服 言西 北,若 其 領,主 於 于房中,西 丽 東 不 與前 列不 一於衣 言 墉 下 衣

列之末 **請屈者** 不 然 也。 相 屬,而 不 綪 更端 者,襲 别 起,不 事 少,且 如 變於 物 之

斂也

明衣裳,用布

注曰 所以親身,爲圭潔 也。

**鬠笄,用桑,長四寸,纋** 

中。響音膾。

緩音憂。

注曰:桑之爲言,喪也。 用爲笄,取其名

也。 纋,笄之中央以安髮。

疏曰:以髻爲鬠,義取以髮會聚之意。

四寸者,僅取安髻而已。

乃 繼公謂:會髮爲紒, 云鬠笄者,明 加笄,此於生時爲 其 不 纙 日髻, 冠内之笄,但不用 也。 生 今南 時 語猶 櫛 而 然。 纙

桑耳。 笄者,冕弁之笄也。 其或用長笄,則去之不并用也。 婦人有長笄無 短

布巾,環幅,不鑿 下云鬠用組,此不言,文略耳。

> 注 日 環 幅,廣袤等也。

不鑿 繼 公謂: 一, 則 有當鑿者矣。鑿者,其君 布 巾不鑿,士之制然也。 此 禮

與?

掩,練帛,廣終幅,長五尺,析其末。 析, 悉歷

反。

下,又還結於項 中。

注曰:掩,裹首也。

析其末,爲將結於頤

繼公謂:

析其末者,兩端皆析而爲二也。

瑱,用白纊。瑱,他殿反。 纊音 曠

注曰:瑱、充耳。 纊,新 綿

疏曰 直用纊塞 生時人君 耳 而 已,異於生也。 用 玉,臣 用 象。 今死

幎目,用緇,方尺二寸,輕裹,著,組繫。

於營反。 著,張吕反,下並 同

注曰 之」之「縈」。著、充之以絮也。 幎目 覆 面 者 也。 幎讀: 若 組繫,爲 「葛藟縈

可結也。

疏曰:四角有繫,於後結之。

繼公謂:此雖覆面之物,然以幎目爲名,

其義似主於目也。

握手,用玄纁,●長尺二寸,廣五寸,牢中旁

寸,著,組繫。牢,依注,音樓。

安手也。 注曰:牢讀爲樓,樓謂削約握之中央以

指,指一寸則四寸,四寸之外更有八寸,中旁寸,則中央廣三寸也。中央足容四疏曰:此衣在手,故言握手。廣五寸,牢

皆廣五寸也。

繼公謂:牢字未詳,姑從舊註。此繫與

決繫惟一而已。

決,用正王棘若檡棘,組繫,纊極二。釋音

浑

注曰:正,善也。王棘與檡棘,善理堅刃

翟乜。 者,皆可以爲決。極,以沓指放弦,令不

挈也。

矣。

殺,所界反。冒,緇質,長與手齊,經殺,掩足。冒,眉報反。

曰:「君錦冒黼殺,綴旁七。大夫玄冒黼上,後以質韜首而下,齊手。《喪大記》曰殺,質,正也,其用之,先以殺韜足而曰殺,質,正也,其用之,先以殺韜足而注曰:冒,韜尸者,制如直囊,上曰質,下

❶ 「纁」下,庫本、注疏本有「裹」字。

殺,綴旁五 士緇冒顏殺, 綴旁二。」凡

冒,質長與手齊,殺三尺。

繼公謂:殺者、殺長於質也。

爵 弁服,純衣。 皮弁服。 純如字。

者不冠。 注曰:純衣者,纁裳。 古者以冠名服,死

緣衣,緣,他亂反。

此 如玄端之衣裳,而深衣制也

緇帶,靺韐,竹笏。 笏音忽

笏之用與其制、《玉藻》詳矣。

夏葛 屨,冬白屨, 皆繶緇絇純,組綦繫于

踵。 白也。 注曰: 純音準。 冬皮屨,變言白者,明夏時用葛 此皮弁之屨、《士冠禮》曰: 綦音其。 繁音計 「素積

亦

白 如「馬絆綦」之「綦」。 寸。」綦,屨係也,所以 屨 以 魁 村之。 緇約 拘 止 屨 **繶、純** 也 綦,讀 純 博

> 也。 鞸,屨用皮弁之屨,以二服尊也。 故因以名之。 繼公謂:踵,屨後也,以其當足踵之處 及著之,乃繫于跗。 以綦 相繫于此,欲其 韠用 爵弁之 斂

庶襚繼陳,不用

注 曰:庶,衆也。不用,不用襲也。

朋友襚,皆是。 疏曰:庶襚,即上經親者襚,庶兄弟襚 繼陳,謂 繼襲衣陳之。

繼公謂:庶襚,親朋 所遺,故不可以不

陳。 襲事所用 有限,故此不必用。 小

貝三,實于笲。

斂、大斂之衣放此。

稻米一豆,實于筐。

注曰:貝,水物,古者以爲貨,江水出焉。

注 曰:豆四升。

沐巾一,浴巾二,皆用綌,于笲。

注曰:浴巾二者,上體、下體異也。

繼公謂: 沐巾以晞 髮,浴 巾以去垢。 於

**笲不言實,文省,下放此。** 三巾共一笲。

櫛,于簞。浴衣,于篋。

注曰:浴衣,已浴所衣之衣,以布爲之,

其制如今通裁。

疏曰:以其無殺,故漢時名爲通裁。

皆饌于西序下,南上。

注曰:皆者,皆貝以下。

繼公謂:必南上者,便其取之先後也。

右陳沐浴、襲、飯含之具

管人汲,不説繘,屈之。説,吐活反。 繘,均必反。

注 日 屈,縈也

沐,五日具浴」,此爲死者,故亦使之汲 疏 曰:《聘禮·記》曰「管人爲客,三日具

水也。

繼公謂:繘,瓶之綆也。此下當有盡階

不升堂, 授祝之事,不著之者,蓋文脱

耳。

祝淅米于堂,南面,用盆。淅,西曆反。

注曰:祝,夏祝也。淅,沃也

管人盡 階不升堂,受潘,煑于垼,用 重鬲。

盡,子忍反,下同。潘音番。

注曰:盡階,三等之上。《喪大記》曰: 「管人受沐,乃煮之。 甸人取所

徹

庿 西

519

北

北

東

新

,

用

暴

之

。

」

繼公謂:受之於祝也,其以重鬲受之

與?

祝盛米于敦,奠于貝北。 盛音成

注曰:復於筐處

士有冰,用夷槃可也。

注曰:謂夏月而君加賜 冰也。 夷槃,承

焉。 尸之槃。《喪大記》曰 大夫設夷槃造冰焉。 「君設大槃造冰 士併瓦槃,無

五〇七

冰。設牀,襢第,有枕。」

文,此特其後語耳。 而寒尸也。是句之上,似當更有設槃之 有夷槃,故因而用之於此,既則以盛冰 有夷槃,故因而用之於此,既則以盛冰 以此夷槃爲沐浴之用也。士若賜冰,則 繼公謂:言此於將沐浴之前,蓋謂或得

外御受沐人。

也。 注曰:外御,侍從者。沐,管人所煑潘

疏曰:外御對内御爲名。

升堂授之,此當更有管人汲而授浴水之繼公謂:受沐亦於堂上,管人亦盡階不

者。御者人浴。」受潘與水皆以盆。汲,不説繘,屈之。盡階不升堂,授御

,,亦文不具也。《喪大記》曰:「管人

主人皆出,户外北面。

注曰:象平生沐浴裸裎,子孫不在旁,主

人出而襢第。

疏曰:祖第,去席,盈水便也。

之。出則立於房矣。

繼公謂:

是

時婦

人亦皆出,經不言,略

乃沐,櫛,挋用巾。 挋音振。

注曰: 扭, 拭也。

浴用巾,挋用浴衣。

注曰:《喪大記》曰:「御者二人浴,浴水

用盆,沃水用枓。」

渜濯棄于坎。 渜,乃亂反。 濯,直孝反。

注曰:沐浴餘潘水、巾、櫛、浴衣,亦并棄

之。

蚤揃如他日。蚤音爪。揃音翦。

小臣爲之。他日,平生時。注曰:蚤,讀爲爪,斷爪揃鬚也。人君,

則

**鬠用組,乃笄,設明衣裳。** 

注曰:用組,束髮也。

祝

,其義

未聞。

主人 入, 即 位

注 日 . 已設 明 衣,可 以 人也。

繼公謂 即位也。 :主人人,則 衆主人及婦人亦皆

沐浴

右

商 祝 襲祭服,豫衣次。

記》曰:「含一牀,襲一牀,遷尸於堂又一 上 注 一, 牀 日 次含牀 商祝,祝習商 之東, 衽 禮 如 者。 初 襲, 也 布  $\sim$ 喪 衣 大 牀

床。」

端 也 布 繼公謂: 助祭於君之服 然非 祭服,美者 祭於己用玄端,此 其本 襲,謂 在 制,故不 也。 布 外 衣 也。 皮 圃 弁爲 將襲之也。 在祭服之中。 襲、 禄 斂之屬使 君 衣 祭蜡 雖 以 爵弁, 之服 當 商 玄

> 主人出, 上,洗貝,執以 南 面, 人。 左袒 宰洗柶, 扱 諸 面 之右 建 于米, 盥 執 于盆 以

從。

注 日 : 俱入户,西鄉也

疏 日 : 扱諸 面之右,謂 扱 左 抽 於 右 掖之

下、帶之上也。 面,前也

執,執 上,以盆 繼公謂:左袒,爲當用左手也。 案:注云「俱 第、 執 承盥· 敦 水 入户 也。 也,洗貝、洗柶 西 建 鄉 亦 謂 者 以 謂 葉 亦 俟 盥于盆 如之。 鄉 商 祝

既 有事,乃受貝米也

商 祝 執 巾從人,當牖 北 面, 徹 枕 設 巾 徹

楔,受貝,奠于尸西 注 曰:當牖北 面,值

F

南

也。

如

商

祝之

事位,則尸南首明矣。

故 繼 公謂: 也。 凡 商 非 祝北 有 事 面當尸首者, 於尸 者, 則 不 有 敢當 事 於 其 尸

五〇九

来説

徹楔,是巾之所覆不逮於口矣。 首。 别名之,以别於扱米之柶也。 飯含也。 者,慮孝子見其親之形變 西,蓋在主人所坐處之南。 此 所 楔,楔齒之角柶 徹 設,皆爲飯 事至也。 也 丽 哀,或 因 既 奠貝 其 設 用 設 巾 不 于 乃 而 能 巾

主人由足西,牀上坐,東面。

奠位。東者,必由其足,敬也。不坐于尸東,辟由足西,自牀北而西也。凡過尸柩而西

祝又受米,奠于貝北。宰從立于牀西,在

右。

米在貝北,便扱者也。 注曰:祝受貝米奠之,口實不由足也。

祝徹餘飯」,則宰其徹貝笄與?●立者,俟事畢而有所徹也。《記》曰「夏繼公謂: 奠米于貝北,亦南上也。 宰從

亦如之。又實米,唯盈。主人左扱米,實于右,三,實一貝。左、中

Ŧī.

 $\overline{\circ}$ 

則必反 藉 謂飯也。實具,所謂含也。 右,次左,次中,禮之序然也。 非 飯含之順也。主人東面 繼公謂:左手不便於用乃用之者,由下 注 也。 孝敬之道。故不爲 曰:右,尸口之右。 用其柶,且加手於其親之面,皆 又實米 唯盈,象 也。 惟 食之 盈 坐,若用右手, 先實米, ",取滿 飽 實米,所 也。 而 爲 先 貝

主人襲,反位。

注曰:襲,復衣也。位在尸東。

右飯含

商祝掩,瑱、設幎目,乃屨、綦結于跗,連

● 「笲」,原誤作「笄」,今據庫本改。

明

衣

不

-在筭。

約。跗音孚。

注曰:跗,足上也。以餘組連約,止足坼

也。

開,故可以瑱。幎目當面設之,加於掩之 上,交結於後,既設此,則掩旁亦固矣。 中,急欲覆其形也。 設其物也。 繼公謂: 既 設掩者,既結頭 去巾乃爲之也。 掩其前 下, 後 掩、 而 即 瑱, 還 兩旁猶 結 皆 謂 項

乃襲三稱。稱,尺證反,下並同。

之稱。 遷 也,皮弁服二也,緣衣三也。 故於此加 繼公謂:襲 尸,經文略也。 襲不言設牀,不言布衣,又不言 衣 亦 焉。 取 復 日 襲牀當在户牖之間 襲三稱者,爵 衣之義。 浴 衣 時 裳 弁 去衣 具 服 謂

者親身之衣,褻,故不在數中。言之者,第,數也。不言裳者,文省耳。此乃死

嫌其衣裳具亦當成稱也。

設韐、帶, 搢笏。

省文。搢笏於帶之右旁。注曰:韐、帶、靺韐、緇帶、不言靺、緇老

掔,烏亂反。 設決,麗于掔,自飯持之。設握,乃連掔。

以紐擐大擘本也。因沓其彄,以横帶貫有彄。彄内端爲紐,外端有横帶,設之注曰:飯,大擘指本也。決以韋爲之藉,

紐

結之。

之,及設握,乃 且從舊註。 繼公謂。掔字未詳,以此文意求之,或是 于大擘指,而 巨擘之别名。麗,附 持,謂 以 以 其 握之繫與 繫 繞 自 而 也。 指 固 之也。 飯字亦未詳, 本 掔 貫 一之決 紐 盖設決 繞 繫 而 相 固

設 結 指後也,未知是否。 日之便於用者乎? 或曰 此惟右手設握,而左手則否,其特重平 極 則掔 圃 與握 後設握 相連而不開矣。 ,不言設極,亦文省也。 設握,説見《記》。 飯當作後,謂 既設決乃

設冒,櫜之,幠用衾。

始死時斂衾。 注曰:橐,韜盛物者,取事名焉。 衾者,

巾、柶、髯、蚤埋于坎。 注曰: 坎至此築之也 **糧音舜** 

也。 及扱米者也。 髼, 櫛餘之髮及所 繼公謂:巾,飯時覆面之巾也。柶,楔 蚤,所斷手足爪 將浴辟奠,既襲則反之。 也。 埋者,亦 揃 爲 人 鬚 盎

右襲

重木刊鑿之。 甸人置重于中庭,參分庭

幂用疏布,以布覆鬲

也。

《既夕禮》曰

在南

注曰 : 刊,斵治, 鑿之爲縣 簪 孔

貫之,爲縣鬲之用 刊鑿也。 繼公謂:木刊鑿之者,謂以木爲之而加 木長三尺。 鑿,謂 鑿其前 也 爲二孔,而

夏祝鬻餘飯,用二鬲,于西牆下。鬻音燭。 者,謂縣鬲之簪也。

案:注

云

縣

以 簪

飯 注曰:夏祝,祝習夏禮者也。 尸餘米爲 鬻也。 重,主 道 鬻餘 也。 飯,以

繼公謂:鬻者,爲粥之名。此用夏祝,其

鬲,則大夫四,諸侯六,天子八。

義亦未聞

席、北面、左衽。 幂用疏布,久之,繫用幹,縣 如字,舊音灸,非。幹音今。 帶用幹,賀之,結于後。 縣音玄。 于 重。 幂用 葦

禮集說卷十二

見其義云。注云賀,加也。 也。 也。 如人之帶然,因以名之。 之左衽也。帶用靲者,以靲中束其席, 革,似當爲革之屬。 以靲繫之,而縣於重前之簪也。靲字從 爲之與? 既以布幂其上,又承其下,乃 之稱。此久不言其物,則是因 重之前後也。 ·木桁,久之。」然則久者,乃以 左衽者,右端在上而西鄉,象死者 重,主道也,故言面。 北面,謂席之兩端皆在 幂用 後,謂 葦席,以席 言衽與帶,以 物 以 重之南 所 承 幂 他 北 蔽 者 器

祝取銘,置于重。

繼公謂:未用之,權置于此。置之,蓋杠注曰:祝,習周禮者也。

### 右重

在

其後,銘在其前

縮一,廣終幅,析其末。絞,户交反,下皆同。厥明,陳衣于房,南領,西上,綪。絞横三

者,令可結也。布爲之。横者三幅,從者一幅。析其末注曰:絞,所以收束衣服爲堅急者也,以

陳矣。 者,析其 三縮 而 則尸在堂也。 繼公謂:此雖有他物,而衣居多,故惟以 箧,取衣者,亦以箧。升降自西階。」 疏 廣不言長,取節於人,其度不定也。 陳衣言之。 西,其下皆然,如物之綪屈 曰:《喪大記》云:「凡陳衣者,實之 一,順其用之時 綪者,前列自西而 兩 端爲 南 衣南 領,變於襲,亦以 二,如掩之制。 領,則絞與 而 陳之也。 東,次列 也。 衾 然 亦 既 析其末 絞言 皆 絞横 自 小 東 北 斂

Ŧī. 四

緇 衾 赬 無 紞 赬, 丑. 貞 反, 與 赨 通 紞 "; 敢

反。

注 前 後 日 山 也。 紞,被識也。 凡衾制 同 斂衣或倒,被無别於 ,皆五 幅 也

繼公謂: 衾無: 紞, 似 亦以 此 别於生。 此

云無紞 ,則有有紞者矣。

祭服次,

祭服,蓋指玄端 以上而言 也。 士玄端而

皮弁服、禒衣各一 祭於己,助 祭 則 朝 稱,故惟以二弁服爲 服 焉 襲 用 爵 弁服

祭服。 此斂衣多矣、宜用朝服、玄端也。

散 衣次,散,息但反,下皆同

注曰: 緣衣以下,袍繭之屬。

凡 十有九稱

注曰:祭服 與散衣。

陳 衣繼之,

謂主人之衣及庶襚也

不 必 盡 用

注 日 : 取 稱 而已,不務多。

用之,故云然。

繼

公謂:

此

惟

指

繼陳者也,嫌陳之則必

右陳小斂衣

饌于東堂下,捕 醢、

醴酒,幂奠用功

布

實

于簞,在饌東。

注曰:凡在東西堂下者,南齊坫

審其以何者用之也。 繼公謂:功布,大功、小功布之通稱,未 下於大斂之奠乃

此 2醴酒惟 在觶與?

云「東方之饌,兩瓦甒

,其實醴

酒」,然

設盆 盥于饌東,有巾。

注曰:爲奠者設盥 也

繼公謂: 盤,盛盤水之器 也 盆 盛

水。

垂,長三尺。牡麻絰,右本在上,亦散帶苴絰,大搹,下本在左,要絰小焉。散帶

也。 尺,見其帶下之長與大帶同 也。 東」是也。 説見首篇。 爲纓,明其差輕 纓,●明其最重 散帶之垂者,男子之道,文多變也。 五. 苴 右卑,重者宜 重者本,經 繼公謂:左本、右本,纓皆在左也。 注曰:苴絰,斬衰之絰也。苴麻者,其貌 皆饌于東方。直,七如反。 ,以爲 分去一。 此垂謂帶 牡麻者,其貌易,服輕者宜差好也。 絰,服重者尚麤惡。 其餘經 所重者 東方、謂序東、下云「經于序 牡 居 下 麻經 也。牡麻絰有本而 也。 尊處 也 帶 纓,苴麻絰 者,齊衰 亦 纓皆在左者,左尊 云帶 也。 饌于此,以絰 散,謂不 垂,又云長三 也。大帶, 要經 以 以 下之經 小馬, 絞之 本爲 不 麻 以 所

本不纓,而帶不散垂,故不言之。

注曰:婦人亦有首絰,但言帶者,記其婦人之帶,牡麻結本,在房。

異。

乃除 始死之時用牡麻爲之,而但以首絰 首經皆用苴麻者,以其卒哭無變,至祥 與男子同。婦人斬衰之帶,所以不 但結其 衰之義也。 繼公謂:此謂婦人凡帶 斬衰之帶亦在 ,故聖人權其 本,以别於男子耳,其首經 此所饌者其在西房與? 其 中矣。 前後 輕 之有本者皆然 是時帶亦 重之宜 未絞, 亦皆 即 與 見 其 於 斬

大記》曰:「自小斂以往用夷衾,夷衾質注曰:第,簣也。夷衾,覆尸之衾。《喪

牀、第、夷衾,饌于西站南。第,壯里反。

■「苴」,原誤作「其」,今據通本、庫本改

五一六

殺之,裁 猶冒 也

名之,不以斂,故别饌之。 繼公謂:尸夷于堂乃設此衾,故 以 夷 衾

西方盥,如東方。

注 曰:爲舉者設盤也。 如 東 方者,亦用

盆 布巾,饌於西堂下。

陳 當東塾,亦在其南也。 远之。不北 一鼎于寢門外,當東塾,少南,西面。 面,喪奠禮異也。 少南者,明 、其稍

其實特豚,四鬄,去蹄,兩舶、脊、肺。 鼏,鼏西末。素俎在鼎 鬄,託歷反。去,起吕反。 西,西順,覆匕,東 設扃

將 注 小斂,則辟襲奠。 曰: 胎, 脅也。 素 今文鬄作剔。 俎,喪尚質。 既 饌, 枋。

舶音博

餘 繼公謂:此鼎實,所謂合升者也。 兩 不去也。 肩 兩 髀 也。 胉 似是諸脅之總名。 四 者 惟 去其 蹄 甲 四鬄, 惟言 明 其

> 末,俎西順,匕東枋,●皆統於鼎而 乃設扃,而云設扃鼏者,文順耳。 脊,是不分之矣。 俎在鼎西,如其載時之位。 解者之正法也。 又以 體骨合爲 下禮攷之,此 七段 順之。 鼏 設 乃 鼏 西 豚

右 7陳經帶器饌

士盥,二人以並,東面,立于西階下。

注曰:立,俟舉尸也

布 席于户内,下莞上簟。 莞音官。

注曰:有司布斂席也

繼公謂:此席布于地也。《喪大記》曰: 「含一牀,襲一牀,遷尸于堂又一牀。」用

商 祝 布 絞、衾、散衣、祭服。 祭服不 ·倒,美

牀者止於是耳

0 「匕」,原誤作「巳」,今據庫本改。

者在 中。

注 曰: 斂者趨 方, 或真 倒 衣裳, 祭服

不倒之也。

美。云在中者,據斂時而言也。 時,則但爲上下之次耳。 繼公謂:美者猶尊者也,祭服以尊者爲 爵 弁服最尊, 若於此

士舉遷尸,反位。

在上,餘亦以尊卑爲次。

注曰:遷尸於服上。

繼公謂:反位,待後事也,位猶 在 西 階

下。

設牀第于兩楹之閒,衽如初,有枕。 注 曰:衽,卧 席也,亦下莞上簟。

繼公謂 楹 間,東 西節 也,宜於楹 爲少

北。

卒斂,徹 帷

注 日 尸已飾

> 衾之類焉,所以深藏其 繼公謂:斂之言藏也。 體也,故曰 既襲,而又加衣 D 斂,下

放此

主人西 面馮尸,踊 無筭。 主婦東面馮,亦

如之。馮音憑,下皆同

馮?

謂以

身親而扶持之,哀

甚 圃

踊

則

無

筭。

主人髻髮,袒,衆主人免于房。髻音括。 免音

問。

免而以布。」以用麻布爲之。 注曰:《喪服小記》曰:「斬衰髻髮以麻,

易之而 繼公謂:《檀弓》曰:「始死羔裘玄冠者, 已。」易者,謂易之以素冠、深衣

也。 然則始死之服,主人以下皆同,而

未暇有所别異。今既小斂,主人乃去冠

冠 與纚,而 與繼, 以 而 以布爲免,二者皆所以 麻 爲 髻髮,衆主人以下 代代冠 乃去

 $\overline{h}$ 七 知。 度但 此之謂乎? 于房,兼髻髮者言也,必于 帶之差繼之。《曲禮》曰「生與來日」,其 房者,宜與髽者異 喪事方始,乃以二者别親疏 之免,言因 髻髮,言括結其髮也。 也 足以 其 制 繞 雖 免冠 紒 不 丽 可 Щ 已,以 致, (處也。 爲之也。 然 以其 其 以 免不言袒,可 意 無 前 繩,故 求之, 無 小斂之日 冠,故 復以 謂 疑 絰 謂 之 其

婦人髽于室。

總耳。 者也。 至是而 之爲也。 《曾子問》言婦爲舅姑始死之服 人將斬衰,而下者之服皆當如此齊衰者 縞總,則去笄而纚 以始死男子之服準之,則 當 當髽者,妻也、妾也、女子子與婦 髽 髽者,去笄、緫與 者乃髽,其不當髽者但 自若矣,是 繩而 乃 露紒也。 布深 將 此 去笄 時 齊 婦 衰 衣

馮尸之位

之髽與否、《喪服》経記見之矣。者皆在室,故於焉爲之,由便也。婦人也,非是,雖三年者猶不髽。此時當髽

如室位,踊無筭。 士舉,男女奉尸,侇于堂,幠用夷衾。 男女

也。堂謂楹閒。牀,第上也。注曰: 侇之言尸也。夷衾,覆尸柩之衾

者,以其用之於尸,而不以斂也。 斂衾當以陳 侇、夷同也。 女奉其左也。 繼公謂: 士舉,舉尸首足也。 也。 幠用 《喪大記》「夷」作「侇」,是 夷衾 夷衾者,禮貴相變,且 不陳,此衾云 男奉 室位, -其右, 夷

士 婦 主人出于足,降自 一旅之。 注 人 曰 作階上 拜賓,鄉賓位拜之也。 即 位 西 ,踊,襲經于序東,復 面 西階,衆主人東即 主人拜賓,大夫 即位 位 特 .踊 東 拜, 位。

方位。序東,東夾前。

降 東即位於阼階下主人位南 疏 自 曰: 西 衆主 階。 人雖無降階之文,當 主人就拜賓之時,衆主 西西 面 也。 從 人 主 굸 遂 人

惟三拜之而已。絰,著絰帶也。 每人各一拜之也。旅之者,其人雖衆,遂以之爲節。主人拜賓鄉其位特拜者,遂以之爲節。主人拜賓鄉其位特拜者,據公謂:阼階上非婦人之正位,於主人

右小斂

乃奠。

舉者盥,右執匕,卻之,左執俎,横攝之,乃修奠事也,其事在下。

並同。

、作階

前

西

面

錯

錯俎

北

面

錯

,七故反,下

執 注 6 曰 : 左人以 舉者, 左手 出 門 舉 執 鼎 俎 者。 为 因 其 便 右 人 也 以 右手

持也。錯俎北面,俎宜西順之。

疏曰:各以内手舉鼎,外手執匕,故云

便。

復

位者,復阼階下西

面

位

外矣。經不見設此盥者,略之。俎錯於繼公謂:舉者盥即執匕俎,是亦盥於門

鼎西。

委于鼎比,川高,不坐。 右人左執匕,抽扃,予左手,兼執之,取鼏,

委于鼎北,加扃,不坐。

乃匕,載,載兩髀于兩端,兩肩亞,兩舶亞,注曰:抽扃取鼏,加扃於鼏上,皆右手。

脊、肺在於中,皆覆,進柢,執而俟。

也。皆覆,爲塵。柢,本也。進本者,未注曰"匕,右人也。載,左人也。亞,次

異於生也。骨有本末。

繼公謂:此時匕者西面于鼎東,載者北

五一九

也。 以肩髀爲稱者,其體不分,故以上 乃肩、臂、臑,後 俟者,俟同升。 脊、肺在於兩胎之中,脊東而 亞,各次於髀 面 于鼎 皆覆,亦以别於生也。 西 南 也,兩 兩 體乃髀、肫、胳也。 上言四鬄去蹄,則 端, 胉 俎 亞,各次 之前 後 也。 於 肺 西 肩 包下 此惟 前 兩 也。 也 體 肩

升自阼階。丈夫踊。甸人徹鼎,巾待于阼,到农及執事盥,執醴先,酒、脯、醢、俎從,

出奠于其所。」 就者不升,己不設,祝既錯醴,將受之。 執者不升,己不設,祝既錯醴,將受之。 注曰:執事者,諸執奠事也。巾,功布也。

時,丈夫、婦人之踊,皆以奠者之往來爲喪奠禮異也。升而丈夫踊,節也。凡奠繼公謂:執醴者,祝也。俎亦升自阼階,

節。

奠于尸東,

执體酉,化面西上。 先言其所奠之處,下乃奠之。

注曰:執醴酒者先升,尊也。執醴酒,北面西上。

立而俟,後

錯,要成也。

之位,執脯者在西。 選。」其錯之籩,脯先設而在南也。俎豆兼籩言也。《爾雅》曰:「竹豆謂豆錯,俎錯于豆東。立于俎北,西上。

醴酒錯于豆南。

南。 醴 在 此位 北 也。 亦當如之。 《記》 日 : ^ 既 兩 夕禮》 甒 醴 酒 日 酒

奠者由重南,東,丈夫踊。

祝受

巾,巾之,由足降

自

西

階。

婦

人

踊。

酒在籩西,北上。」

注曰:巾之爲塵也。東,反其位。

北

之

繼公謂:祝既受巾,巾之,即由足而降,

明不立于俎北之位。祝降而執事者從

之,由重南而東也。

賓出,主人拜送于門外。

注曰:廟門外也。

繼公謂:凡喪賓,皆於既奠乃出。

乃代哭,不以官。

悴,禮防其以死傷生,故至此使之更哭,注曰:代,更也。孝子始有親喪,悲哀憔

不絶聲而已。

記》曰:「大夫,官代哭,不縣壺。 士代之尊卑爲序,則但以親疏爲之。《喪大繼公謂:不以官者,下大夫也。不以官

.

哭,不以官。」

右小斂奠

有襚者,則將命。擯者出請,人告。主人

待于位

辭。出請之辭曰:「孤某使某請事。」注曰:喪禮略於威儀,既小斂,擯者乃用

繼公謂:此襚者,惟謂使人襚者也。

注曰:須亦待也。出擯者出,告須,以賓入。

注曰:須亦待也。出告之辭曰:「孤某

須矣。」

繼公謂:以賓人,帥之也。

自西階,出于足,西面委衣,如于室禮,降,賓入中庭,北面致命。主人拜稽顙。賓升

出。主人出,拜送。

委衣于尸東牀上也。主人出拜送,亦於鬼友,殷勤之意,故爲之稽顙,以重謝鬼友,殷勤之意,故爲之稽顙,以重謝鬼面,其他則否,亦異於吉禮也。襚者,康面,其他則否,亦異於吉禮也。襚者,亦西方中庭也。致命之禮,施於主人

右襚

廟門外。小斂以後,主人於喪賓,則出

送之,惟不迎賓耳。

明友親襚,如初儀。西階東,北面哭,踊

三,降。主人不踊。

人襚者也。主人不踊,惟哭而已。於西階東,北面鄉之哭、踊,此則異於使初儀,拜送以上之禮也。尸在楹間,故

如之,升降自西階,以東。褶音牒。襚者以褶,則必有裳,執衣如初。徹衣亦

裳乃成稱,不用表也。以東,藏以待事注曰:帛爲褶,無絮,雖複,與禪同。有

也

則必有 也 此此 公謂:褶,褶衣也,裹衣之給者也。 褶 但取衣 有裳, 裳者,嫌其 亦簪 裳 具 之。 乃 非 成 類,可以不必用 徹 稱 衣者 之義 7,故須 以 東, 變 之 云 有

於小斂以前之禮

宵,爲燎于中庭。

絞、紷、衾二。君襚、祭服、散衣、庶襚,凡厥明,滅燎。 陳衣于房,南領,西上,綪。注曰:燎,大燋。在地曰燎,執之曰燭。

三十稱。終不在筭,不必盡用。

今又復制也。小斂衣數,自天子達,大注曰:衿,單被也。衾二者,始死斂衾,

斂則異矣。

知。 絞,縮者三,横者五。」又曰:「絞一幅 於三十稱者也。 筭矣。 主人散衣之後也。 繼公謂:祭服、散衣,皆主人之衣 言庶襚,則是庶襚 不 必 不言絞者,狹小於於,不在 盡 用 亦 喪 之中 云約不 謂 大記》日 庶 雖 襚 有 在 上 繼 第,則衾 「大斂,布 服 陳 也。 猶 筭 或 爲 出 口 在 在

三,不辟。給五幅,爲紞。」

音螺。 毼 布巾,其 東方之饌,兩 豆 兩,其實葵菹芋,贏 騰音滕。 實栗,不擇,脯 脡,大頂反。 瓦 甒,其 實 四脡。 醴酒 醢 兩 毼,苦割 角 籩 觶 木 無 反。 縢 柶

注曰: 也。 也 毼 食禮》有籩巾。 白 《詩》云:「竹柲 籩 豆 也。 此饌但言東方,則亦在東堂下也 具而 齊人或名全菹爲芋。 有 **ф** 組縢。」 布巾, 盛之也。 《特牲 籩 巾 饋

乾物 之」,亦指 芋,未詳。 也。 是 齊于站,饌于其上」者,正指東方之饌 繼公謂:《記》言「設棜於東堂下,南 乃 用毼 或 始死之奠用 미 此 不 《記》曰「凡籩豆實具設,皆巾 豆,而 時 必 也, 巾 籩 吉器,小斂 也。 乃 無 獨於籩見之者,嫌 騰,皆 菹 云芋,栗不擇, 以 用 素俎,至 漸變之。 順

席在饌北,斂席在其東。脯四脡,亦皆變於吉也。

奠席在 奠席, 其謂奠席也,此二席皆不 喪 葦 事,設葦席。」斂席 北 席 也 在 <u></u> 周 官 亦 司 在 莞 棜,大斂之 几 筵》日 與 ( 簟也

# 右陳大斂衣席及殯奠

奠在

室、遠於尸柩、故始用

席

以

存

神也

掘肂見衽。肂,以二反。見,賢遍反。

衽二束。」 夫蓋用漆,二衽二束。 帷之。」又曰:「君蓋用 于西序,塗不暨于棺。 欑至于上,畢塗屋。大夫殯以幬,欑 衽 注 ,小要也。《喪大記》曰:「君 曰 肂,埋棺之坎也,掘之於西階 漆,三衽三束。 士殯見衽,塗上, 士蓋 不用漆,二 殯 用 輴 置

繼公謂:言其肂之深淺,以見衽爲度也。

五三

棺人,主人不哭,升棺用軸,蓋在下。軸,直此肂亦在西序下,其南蓋近於序端。

六反。

弱 爲 注 日 軸 軹 焉 ●輓 軸 輁 狀 輁 而 如 軸 長 也。 牀, 軸 穿桯 狀 如 前 轉 轔 後 著 刻 金 兩 頭 而

之旁共 狀 以 既 繼 轉 以 兩 ,故以 升則 公謂 木關 横貫 如之,以 末關 案 注 有四 入于 其 其轔之中央 輪之處 轉 云「軸 蓋在下者,卻於棺之下也。 程與 今物曉 轔名之,蓋漢時 [輪,前 肂 中, 也。 狀 輪 也。 如 後各二,又各有 而 時 竊 而引之,則 轉 蓋 人也 詳 鄭氏 則 注 置 説 語 此説未必有 於序 ,轔猶 軹 蓋 轔 也 消謂 端 謂 由 輪 與 軸 謂 此 此 軸 也 棺 ? 軹 之 軸 而

音敖。

有魚、腊,謂 用魚、腊,亦所以異於奠也與? 之心也。 知神之所在,故置 殯,不得復奠于其側,雖 擬用於肂中,故饌於此。 孝子以尸 然不 每筐皆有之也。 以 食 此 而 於 用 棺旁,以 有奠在室, 熬穀,不 此四 以 盡 物者, 柩 牲 而 愛 敬 既 而

### 右爲殯具

二反。胖音判。腊左胖,髀不升,其他皆如初。鱄,市轉、市專陳三鼎于門外,北上。 豚合升,魚鱄鮒九,

腊用 腊 髀 必 不 升 去髀,不 左胖,别於吉也。 亦 前 肩、後 以 豚解、 肫、 體 此腊 胉 解、合升、胖 脊 惟 而 豚 틴。 解 升 其

● 「軸」,注疏本同,明本、通本、庫本作「軹」。

熬黍、

稷

各二筐,有魚、腊,饌于

西

坫

南。

熬

據

亦

但

以

意言之。

位 而 與與 異。 匕俎之陳,如 其他 皆 如 初,謂 小 斂 豚 時 體 骨 及鼎之面

燭俟于饌東。

#### 右陳鼎

祝徹。 祝 祝,見其尊 徹 者,題 盥于門外,人,升自阼階。 者耳。 下事 也。 是 此 云時 徹者多矣,惟言 無 東堂下 丈夫踊。 ·之盆

祝徹巾,授執事者以待。 盤,故盥于門外。

授 就 設 于 之於阼階下,蓋授受之節宜 饌 而 巾,乃還 小斂奠之時,執巾 受之,然則 ,所以待奠事之至也 徹 醴 祝 以 於 待者,謂 此 者 一時,亦 待 于 執 同 阼 惟 事 也 階 以 以 下, 巾 巾 祝 既 置 授

徹饌,先取醴、酒,北面。饌,當作奠

注曰:北面立,相待俱降。

注云相待俱降,謂待取俎豆者也。相變也。「饌」字誤,當作「奠」。 案:繼公謂:醴酒尊,先取之。後設先取,禮

踊。設于序西南,當西榮,如設于堂。 其餘取先設者,出于足,降自西階。婦人

注曰:堂,謂尸東也。

饋 東西節也。 改設之也。 者,見其初者耳。既取,則南面西上,俟 先取之,後設者後取之,經惟言 繼公謂:其餘,謂取籩豆俎者也。 序下。」此生者之禮 執醴酒者行而從之降矣。 而後去之。 食禮》曰:「祝命 不設於東,異於生也。《特牲 序西南,南北節 凡徹尊者之盛饌,必改設之 也。 徹阼俎、豆籩,設 此新奠設於既 設于序西南 也。 當 取 先設者 西榮 先 于東 設

五三五

之後 ,而舊奠乃徹於未斂之前者,爲 辟 斂

故爾。 凡改設者,賓出則徹之。

醴酒位如初。 注 日 \* 如 初 者,如 執事豆北 其 北 南面,東上。 面 西上也。

豆 繼公謂 俎者既設而東上,俟設醴酒者畢 醴 酒 亦後設,故其位 如 初。 而 從 執

之位東上,是 之降,亦由 便 由 也。 饌 東 此奠于西堂,其 而 南 乃降 自 俟 側 降 階

階者,此經皆不見之。 也,然則側階 南於序端矣。 凡升降 自

側

乃適 饌。

注 日 東方 之新饌。

放此。 公謂: 適饌 適東方之饌處,以待事至也,後 亦由主人之北

右徹小 斂奠

帷堂。

又將設飾 也

婦 人尸 西 [東面。 主人及親者升自西 ]階,出

于足,西面 袒

注曰:

袒,爲

大斂變也。

不言髽、免、

髮,小斂以來自若矣。

繼公謂:婦人尸西東面,以男子將升故

矣。 也。 主人也。 然則 取節於尹,明近於牀 此 男子 時主人堂上之位,其在 但 言 西 面 袒 此 是 親 遠 者 阼 於 謂 尸 衆

士盥,位如初。

上所布席之東與?

注曰 亦既 盤 並 立 西 階下。

乃盤于門外, 繼公謂: 此時不 似 亦 設 未 東堂下之盥,而徹 必有 西 方之盥,若 者

布席如 然 言君大斂之禮 則 初。 此 土 亦 盥 ,云士盥于盤上,北 于 門 外 與 ?  $\sim$ 喪大記 面

538

注曰:亦下莞上簟。

殯肂南北之節宜同也。 楹爲少北。蓋小斂之牀、大斂之席,與繼公謂:布席之處,其於階上爲少西,於

商祝布絞、給、衾、衣、美者在外,君襚不

倒

乃用 君 在 尊者爲之。 惟 服 斂時言之,若於此時 先後、皆所謂 服,祭服 繼 注 君襚 公謂: 爲 襚 中,大斂又反之,禮貴相變也 曰:至此乃用君襚,主人先自盡。 尊 君襚者,大斂之禮 不 不倒 倒 先散 美者 以 尊也。 襲而 君 一則祭服亦有倒者矣。 衣,而 美者在外也。 在 襚 美者在 外,謂衣也。 視祭服, 以 祭服之中 祭服 ,則但爲在 重,故以服 外 了, 小 則 視 君 散 在 又各 斂 君襚 襚 衣 外,亦指 而 下耳。 則祭 爲尊。 之尤 美者 至是 有 先祭 所

有大夫,則告。

注曰:後來者也。

賓也。非斂時,則位在下,來即拜之。繼公謂:告,謂告以主人方有事,未及拜

帷。主人馮如初,主婦亦如之。 士舉遷尸,復位。主人踊無筭。卒斂,徹

既馮尸,乃復升而舉尸,以斂于棺也。復位,反階下位以俟也。於主人、主婦

#### 右大斂

主人奉尸斂于棺,踊如初,乃蓋。

注曰: 棺在建中, 斂尸焉, 所謂殯也

《檀弓》曰:「殯於客位。」

人者,其殯禮之異者與?以斂言之。小斂云男女奉尸,此惟云主繼公謂:納尸于棺,則尸藏不見矣,故亦

主人降,拜大夫之後至者,北面視肂。

五二七

注曰:北面於西階東。

之,不改成踊。」正此意也 袒,大夫至,雖當踊,絶踊 之後至者,既襲乃拜之。《雜記》曰:「當 者也。惟云降拜大夫之後至者,則 成踊,乃襲。 繼公謂: 後至者,於主人既升堂 於士,既事成 而拜之。 踊 襲而 而 反改 於士 後拜 後 來

衆主人復位。婦人東復位。

注曰: 阼階上下之位。

曏者在此,今又反之,故亦云復位也。繼公謂: 阼階上雖非婦人之正位,以其

後至者,則在主人視肂之時。 此復位皆當在主人拜大夫之時,無大夫

設熬,旁一筐,乃塗。踊無筭。

繼公謂:《喪大記》注引此云「旁注曰:以木覆棺上而塗之。

筐」,則是此經脱一「各」字也。各,各黍繼公謂:《喪大記》注引此云「旁各一

木覆棺上而塗之,象葬時加土之意也。稷也。每旁二筐,黍當在南。塗者,以

卒塗,祝取銘置于肂。

注曰:爲銘設柎,樹之肂東。

此,若使之知其處然,愛敬之心也。 弓》曰:「以死者爲不可别已,故以 復塗之,孝子慮神疑於其柩,故置 識之,愛之,斯録之矣。 繼公謂:置銘蓋 一於肂南也。 敬之,斯盡 柩在 肂 其道 《檀 銘 其 中 旗 於 而

馬耳。」

位,阼階下位也。襲於序東。主人復位,踊,襲。

右殯

型,東面。 乃奠。燭升自阼階。祝執巾,席從,設

注曰:執燭南面,巾委於席右。奥,東面。

闍 虞禮》曰:「祝巾 升,而設之於奧,既 繼公謂: 须 用 燭 周人斂用日出,故既斂 也 祝 席于室中,東面。」凡 執 委 巾 巾 與席 乃設 從 席 執 而 燭 室  $\wedge$ 喪 + 者 猶

祝反降,及執事執饌。

奠,不啟牖

注曰:東方之饌。

首,進鬐,三列。腊進柢。士盥,舉鼎入,西面北上,如初。載,魚左繼公謂:執饌以待俎而俱升也。

注曰: 也。 朼 載之儀。 左首,進鬐,亦未異於生也 如初,如 魚左首設 小斂舉鼎、 圃 在 執 南 匕俎 鬐, 脊 扃 鼏

下,進 則 首進鬐,則寢右矣。 繼公謂: 三三爲列 鬐猶牲之進柢 左首,其首於載者爲左 也。 凡俎實,進上乃食生之 魚以 也。 響爲 魚 九 而 L 也 一,腴爲 三列, 左

執醴如初,酒豆籩俎從,升自阼階。丈耳,其後遂因而不變,又以别於吉祭云。禮,喪之初奠而若此,但取其未異於生

夫踊。甸人徹鼎。

祝

注曰:如初,祝先升。

奠由楹内人于室,醴酒北面

注

Ē.

亦如

初。

在室也。 室者,尸柩既殯,不可復奠於其側, 面 繼公謂:楹 ,則其餘之未設者亦西面 室,事神之處 内,東楹 北 也 也。 矣 。 惟云醴 此奠于 酒 故 北

次,腊特于俎北。 設豆,右菹,菹南 注曰: 繼公謂:設豆右菹,豆 魚者,統於席也。 右菹,菹 醴酒在 在 栗,栗東脯,豚當豆, 醴當栗 醢 南 南上 籩 也。 南 南 也。 ,酒當脯 ,巾如初。 此左右異於 豆南上, 南。 魚

則

席

亦南上矣。

凡設

豆

而

與

其席之所

上相變者,於生人耳,鬼神則否。

南,東。丈夫踊。先由楹西,降自西階。婦人踊。奠者由重既錯者出,立于户西,西上。祝後,闔户。

皆由 矣。 户 闔户者,祝錯醴 立于户西南面,待祝 也。 東之位也。 既闔户,祝西行而 楹 西 惟云闔户 而 降。 祝位 ,是初時 最 奠者 在 在 出 後, 門 由 南,執 而 西。 重 牖 故 偕 南 未 後 行 而 事者從之, 嘗啟 出 也。 東,復其 而 祝 也 因 明 置 後

兄弟北面哭殯。兄弟出,主人拜送于門賓出,婦人踊。主人拜送于門外。人,及

亦存焉。 注曰:小功以下,至此可以歸,異門大功 外。

其親親之心也。有親者宜異於朋友。繼公謂"賓出而主人乃與兄弟哭殯"順

與

帶

矣。

若主人成服

之後

而

往,

則

弁

絰

則

此

時

君之弔服

亦

朝

服

襲

裘,

而

加

絰

下云殯前北面哭。

衆主人出門,哭止,皆西面于東方,闔門

主人揖就次。

注

一曰:次,謂斬衰倚廬,齊衰堊室也。

大

繼公謂:東方之位亦北上。功有帷帳,小功緦麻有牀第可也。

右殯奠

君若有賜焉,則視斂。既布衣,君至。

注曰:賜、恩惠也。斂、大斂。

來。《喪大記》曰「弔者襲裘,加 人不敢升堂,而 繼公謂:君欲視斂,則 先布 絞約 使 人 告 衾 喪家,故 衣 以 帶 絰 待 其

疑 衰。

門右,北面,及衆主人袒。還音旋,下不見者同。 主 人 喪禮,主人不迎賓,若有所迎,見之則不 (出,迎于外門外,見馬首,不哭,還,入

首即不哭,敬之至也。 此 哭,蓋禮 於君弔,既迎之於外門外,又見其 然爾,上經云見賓不哭是也 言見馬首,明未 馬

巫止 于廟門 外,祝代之。 小臣二人執戈

、巷門。

入門右,廟門也。

前。」小 階北 注 曰:《周 面 臣,君 凡宫有鬼 禮 行 • 則 男 神 在 巫》 前 廟。 後, 王 君 弔 升 則 則 與 俠 阼 祝

日

則 則 繼 前,國 天子也。 巫 公謂:《周官》言喪祝、男巫 前 至 君 廟門則 不 必用 · 得 並 巫祝者,其以與神交之 祝前,互 用 巫 一祝,其 用 其 皆於 在 廟 所以 門 王 外 弔

> 故與? 差遠於廟門矣。 巫 至 廟 門外乃 小臣 執戈前 止 則 後,以備非 君 下之處

常。

君釋采, 人辟」、「哭辟」、「不辟」同 人 門。 主人 辟。 采音 菜。 辟 音 避。 下

門神者,明君 注曰:釋采者,祝爲君禮門 諸侯非問 疾弔 無 喪, 故 不 而入諸臣之家, 來 也 《禮 神也。 運 是謂 必禮 日

君臣爲 謔。」

笲云。 西 實者,如 繼公謂:采讀爲菜,蓋 閾 外。 主人辟,於是衆主人、衆賓 葵、韭之類 釋謂奠之於地,盛之之器 是也。 其物 釋 之可 菜 以 蓋 亦 於闡 爲 則 皆 用 豆

君升自 辟位 作階,

西鄉。

祝

負

墉,

南

面

主人

中 庭 注 日 :

祝南面房中,東鄉君。 主人中庭,

進 益 北

記》曰:「 疏 日 : 祝 君視 必 南 祝 面 而 負 踊。」祝相君之禮,故 墉 鄉 君者, 案《喪 大

须鄉君。

繼公謂:此東方中庭 也。

君哭。 注曰:出,不敢必君之卒斂事。 主人哭,拜稽顙,成踊,出。

繼公謂:君已哭而主人出,爲君既有 事

矣。 出,皆爲不敢久留君 自此以下六節,每節之畢,主人 也。 《喪大記》曰 軱

「出俟于門外。」

君命反行事,主人復位

注曰:大斂事。

繼公謂:位,人門右之位也。 此時,惟將

拜君乃進中庭,不然則否。

君升主人,主人西楹東,北面。 注曰: 命主人使之升

升公卿大夫,繼主人,東上,乃斂

之。

在堂

中 西

也。

主人

與君

同

在

堂,宜

遠

繼公謂:

升之使視斂也。

西

楹

東,

明

其

升之使視斂,以其尊也。云繼 主人東

上,則主人之位在楹東少南矣。

卒,公卿大夫逆降,復位。主人降,出。

注曰:逆降者,後升者先降。位,如 朝 夕

哭弔之位。

君反主人,主人中庭。 君坐撫,當 主

人拜稽顙,成踊,出

注曰:撫,手案之。凡馮尸,興必踊。 繼公謂:反,謂命之反也

君反之,復初位。衆主人辟于東壁,南面。

繼公謂: 注曰:以君將降也。南面,則當坫之東。 初位,亦入門 右位· 也,嫌在中

庭,故以初明之。 衆主人南面西上。

由足,西面 君降,西鄉,命主人馮尸。主人升自西階 馮 尸,不當君所,踊。 主婦 東面

君所,不敢與尊者所馮同 注曰: 君必降者, 欲孝子盡 其情。 不當

處

馮,亦如之。

奉尸斂于棺,乃蓋。主人降,出。君反之。 入門左,視塗。

西 亦見其一耳。但言入門左,則是未必在 之時,必以是命之也。下云君命反奠, 君反主人而主人即人視塗者,蓋君反之 階下也,所以然者,欲其出之便也

君升即 位 衆主人復位。 卒塗,主人出。

禮。

君命之反奠,人門右。 此 則東方之位皆在是 人門右,即初位也。先言位,次言初位, 復著其所者,以 明其 也 非 有事於中庭,

乃奠,升自西階。

注曰:"以君在阼。

君要節 而 踊,主人從踊

執奠者始升階時

要猶候

也。

節,當踊之節也。

此節

謂

卒奠,主人出,哭者止

矣。哭者止,爲君將出節 卒奠,謂奠者出户時也。主人於此即出 也。

君出門,廟中哭,主人不哭,辟。 横木也。 繼公謂:式,謂以手撫式也。 也。《曲禮》曰:「立視五巂,式視馬尾。」 注曰:古者立乘,式,謂小俛,以禮主人 在車者若有所敬,則撫之以爲 式者,車前 君式之。

貳車畢乘,主人哭,拜送。 注曰: 之乘車不敢曠左,左必式。」 君弔,蓋乘象路。 貢 車,副 車 也、其數各視 <sup>《</sup>曲 [禮》日

其

命之

乘君

車故也。《喪大記》云:「拜稽顙。」處,則是但於廟門外耳,蓋是時,君已升車惟有御右而已。主人拜送,不著其趣鑑公謂:凡有貳車者,爲毁折之備也,此

者,成踊。襲,人即位。衆主人襲。拜大夫之後至

拜之也。此後至,謂君既至而後來者。趙宜更始而爲之,不可於送君之餘由便故也。既即位乃拜大夫之後至者,此已既送君即襲於外,明其袒之久者,爲君在

拜

君命及衆賓,不拜棺中之賜。

賓出,主人拜送。

不踊矣,亦異於君不在之儀也。繼公謂:惟言主人拜送,是婦人於此亦注曰:自賓出以下,如君不在之儀。

右君視大斂

三日,成服,杖。

《喪大記》曰:「士之喪,二日而殯,三日 之朝,主人杖,婦人皆杖。」然則此蓋於 未朝哭爲之也。 日數之也、《曲禮》曰「生與 屬,足而 云成服者, 曏已經 成 之也。 三日者, 帶矣,今復以 來 以 日」是也。 加 絰 冠 帶之 衰 之

右成服

其外門外,所拜者不見。 拜之節,其於朝奠之後乎? 若弔襚並行,則其拜亦 者,襚禮 弔己也。 言於此者,明已成服,然後 君命及衆賓,謂弔者也。拜之者,謝其 不爲己也,此 棺中之賜,謂襚 惟主 謂 不 也。 一於弔。 弔 可爲之也。 拜之,皆於 而 不 襚者。 凡往 拜

### 右謝弔者

朝夕哭,不辟子卯。

之朝夕皆哭于殯宫,其禮於下見之。子朝夕哭,謂既殯之後,丈夫、婦人於每日

卯之説,未詳。

辟音闢。 東上。西方,東面北上。主人即位,辟門。繼之,北上。門東,北面西上。門西,北面外,西面,北上。外兄弟在其南,南上。濱婦人即位于堂,南上,哭。丈夫即位于門

注曰:外兄弟,異姓有服者也。辟,開

也。

客,雖 繼公謂 變,明其 主人、衆兄 以 不 親 即 相 疏 弟 位于堂, 阼階上也。 丈夫, 衆 統 爲 也。 也。 序,列於東 同姓異 門 東 北 方 姓之親 面 而 西 上 所 及賓 與 上 相 西

> 列定而 士與? 西 東方之賓,卿大夫也,門東,諸公也, 面 面 ,他國之異爵者也。 北 北 上者,相變也。 上 主人乃即位於東方之北。 者,相 門東、門西,外門内之左右 變 也。 門 以下文攷之,則 西 然則 北面東上與 西 方者,其 門 東 此

婦人拊心,不哭。

然者,以男子未哭故也。 拊心不哭,見其悲哀而未敢哭也。所以

主人拜賓,旁三,右還入門,哭。婦人踊 拜 踊見哭也。 便,故言右還 拜而已。 内位之拜,别其尊卑,故於此略之,總旅 旁三,謂鄉賓所立之方而三拜之也。於 一,西 面 拜,既則右還 以序言之,先 哭有不踊,踊無不哭者 以明之。 而 婦 南 人 門 人但言踊,以 面 拜,乃 也,嫌 東 其 由 面

主人堂下直東序,西

面

兄弟皆即位,

如

進。 外 位 他 國之 卿 大 異 夫 在 爵 主人 者 門 八之南。 西,少 進。 諸 公門 敵 則 東, 先 拜

他 或 一之賓。 凡 異 爵 者 拜 諸 其 位

曰:賓皆即

主人

著其 之。 此言卿大夫在 主人 注 繼公謂: 進,前於列, 上言賓,此 乃拜之,如外位矣。 拜諸其 人, (哭則哭,小 以互見之。 此 言卿 位 位 他 與 一就其 此 主人之南,明外兄弟 國 外 大夫 功、 位 卿大 位 一,乃哭 兄弟,齊衰大功者 位 上言賓繼 緦 同 明 而 夫 ,故上言其 麻 拜 盡 其 亦 亦 哀止。 亦 前 即 賓 於列 外兄 位 耳。 乃 位 以 弟, 是是 哭。 尊 Ĺ 小

> 異爵 之位 若士 凡諸公、卿大夫也。 也 者 則 敵 又旅 否 則 謂 以以 先 來 拜之,亦 拜 其 聘若從 他 同 國之賓, 或 不 異 君 國 宜 來 者皆 異 朝 惟 也 者 謂 同 也。 異 他 在 爵 國之 西 凡, 者 方

#### 右 朝 哭

徹 者盤 于門外。 燭先 入,升自 作階。 丈夫

踊

從 俎 祝 降 南 取 徹者 徹 矣。《檀弓》曰「朝 者 醴 自 面 繼 微 西階。 北 西 之可 既 面 上 殯 知,然 取 婦 之 祝 酒 人踊 宿 先 奠日 立 奠 出 則 于 者。 此 出 其 酒 時 」, 故 東 言 燭 豆、籩、 燭 用 亦 取 先 燭 俟 豆、豆 俎 於 籩 序 外 則

立于 祝 已 ,其東 取 醴 西 北 上 面 也。 立。 餘 已 取 人 已 酒 者,亦 取 豆 籩 北 俎 面

公與

他

或

異

爵

者皆

少

進

以

别

之。

特

私

臣

之位

門

西

又

有

公有

司

之位,

故

諸

皆

少

退

於主人,亦互見之也。

門東

又

有

私

臣

門

東,

北面西上。」此位

亦當

如之

牲

記》

日

「公有司

'門西,北

面

東上。

南面西上。蓋立于神席之前,不敢以由

便而變位也。

設于 執豆之西,東上。 西 面 序 錯,立于 西 南,直西 豆北 酒錯 南 榮。 面 復 醴 酒 位 籩 北 俎 面 醴 既 西上。 錯 錯,立于 于 西 豆

遂先,由主人之北適饌。

注曰:遂先者,明祝不復位也。

於主人之北。 也。 繼 公謂 祝與 執 惟 事 豆 者自 是時 云 西 面 東方之饌醴 西 階 錯,蓋其 下 而 徑 (他不 東,故 酒 在 盡然 甒 出

右徹殯奠

既

適

健

乃酌之。

乃奠。醴酒、脯醢升,丈夫踊。人,如初

設,不巾。

於殷奠也。室中惟殷奠則巾,其餘否。如初設者,醴酒錯于脯南也。不巾,别

東。丈夫踊。賓出,婦人踊,主人拜送。户,先降自西階。婦人踊。奠者由重南,錯者出,立于户西,西上。滅燭,出。祝闔

自阼階,由主人之北東。 滅燭出,謂執燭者滅燭而出也,亦先降

闔門。主人卒拜送賓,揖衆主人,乃就次。衆主人出,婦人踊。出門,哭止。皆復位自阼階,由主人之北東。

惟 惟主言朝哭之禮,其 屬,言賓者,省文耳。 多於殯日者也。 衆主人 徹 醴 酒 出 而 脯 婦人踊,乃朝夕哭之踊節 醢 不設 此拜送賓,謂衆兄弟之 自婦 夕哭之與 於序西 人即位至此 南 此 耳,餘並 異者,

同。

右朝奠

方之饌亦如之。 朔月,奠用特豚、魚、腊,陳三鼎如初。

東

注 曰:朔月,月朔日也。 初,謂大斂時

無籩,有黍稷,用瓦敦,有蓋,當籩位 繼公謂: 朔月則殷奠,象生時之朔食也

注 曰:黍稷 併於甒 北 也。 於是始有黍

繼公謂: 朔奠及薦新 不用籩,所 以 别 於

殯奠之類。 此 云用 瓦 敦 則吉時 或不 用

卒徹

如其

廟門内外之儀也

主人拜賓,如朝夕哭。

瓦者矣。

注曰: 徹宿奠也。

繼公謂:朝夕奠 無 俎,非 盛 饌,徹則 去

之,不復改設于序西南。 惟言卒徹,爲

下事節也

舉鼎入、升,皆如初奠之儀。

升,謂匕而升於俎也。初奠,小斂既 殯

徹 卒化,釋匕于鼎。 鼎。 其序、醴、酒、菹醢、黍稷、俎。 俎行, 朼者逆出。 甸

以出。其序,升入之次。

注曰:

俎行者,俎後執,執俎者行,鼎

腊,特執無嫌。 奠,皆每 謂其節如是也。 以此略之,而以徹鼎繼匕者出而言,非 甸人乃徹 繼公謂: 人執一器明矣。俎不言豚、魚 鼎。 俎行而匕者出,升階而丈夫 經下言主人要節 「朼」,皆當作「匕」。 此見六者之序,則是凡 而 踊,故

位。 其設于室,豆錯,俎錯,腊特。黍稷當籩 敦啓會,卻諸其南。 醴酒位如 初。

注曰:當籩位,菹南黍,黍東

者,北各有會耳。 位如初, 繼公謂: 亦醴在 黍稷後設,變於籩實也。 黍南,酒 在稷南,其 醴 異

祝與執豆者巾,乃出

注曰: 共爲之也。

者巾在北者,各以近其位而爲之,然則繼公謂,中分其奠。祝巾在南者,執豆

巾殯奠亦當如之,經於此乃見之耳。

主人要節而踊,

丈夫、婦人皆要節而踊,惟言主人,文省

耳。

皆如朝夕哭之儀。

爲凡不見者言也。

月半不殷奠。

注曰:殷,盛也。士月半不復如朔盛奠,

下尊者。大夫以上月半有奠。

半奠,它無所據也,然亦未有以決其是繼公案:注以此言士禮,謂大夫即有月

否,姑存之。

有薦新,如朔奠。

穀而言也。矣」、《少儀》曰「未嘗,不食新」,皆指五矣」、《少儀》曰「未嘗,不食新」,皆指五以新物爲之與?《春秋傳》曰「不食新新,謂穀之新熟者也。薦新,則敦實皆

會,面足。 亨出四人。 徹朔奠,先取醴酒,其餘取先設者。

敦啟

會,面足。序出如人。

注曰:啓會,徹時不復蓋也。

繼公謂:其餘取先設者,則取敦亦後於

而設之之時亦然。《少牢饋食禮》曰:

俎矣。執敦面足,是以首自鄉

足,如物之縮者然,皆在上耳。「敦皆南首。」蓋北面設之故也。敦有首

其設于外,如于室。

注曰:外,序西南。

右朔奠

筮宅,冢人營之。

五二九

也,其執

域者。營猶度也。《詩》云:「經之營注曰:宅,葬居也。冢人,有司掌墓地兆

掘四隅,外其壤,掘中,南其壤。繼公謂:士筮宅而不卜,辟尊者之禮也。

之。

注曰: 爲葬將北首故也。

之而 壤,謂置其壤於四隅之外。 將爲壙之處,●掘 繼公謂: 置其壤於中央之南。 已,以神之從違 壤,土也,謂所掘 其 四 未可 隅之外,若東隅 隅 與 而 必也。 中央,略以 起者 南其壤, 也。 外其 之 謂 識 於

既朝哭,主人皆往,兆南北面,免絰。兔如東,西隅之西是也。

注曰:兆,域也,所營之處。

字,下「免經

絰,亦左擁之絰,服之最重者,於此免繼公謂:云皆往,明衆主人亦行也。免

絰。」曰:「凡見人,無免絰。雖朝於君,無免之,以對越神明,宜與人異。《服問》

**使执了,可可受订。** 命筮者在主人之右。

筮者東

面,抽

上

命曰:「哀子某,爲其父某甫筮宅,度兹赉執之,南面受命。

幽

宅兆基,無有後艱?」爲,于僞反。 矣。宅,居也。 爲其父筮葬居,今謀此 丽 非常若崩壞也。 之始,得無後將 注曰:某甫,且字也。❷ 若言山 |安厝之。」古文無「兆」,「基」作「期」。 度,謀也。 有艱 《孝經》曰:「卜其宅兆 難 乎? 以 爲 基,始也。 幽 度,待故 艱難,謂有 冥居兆 一甫、孔 反 甫 域

<sup>■「</sup>擴」,原作「摭」,今據庫本改。

❷ 「且」,底本誤改爲「某」,今據明本、通本、庫本改。

日無有艱難之事。或曰當從古文,無基未詳。無有後艱,言其地若吉,則後宰贊命之。爲幽宅,幽冥之宅也。兆、繼公謂。命曰,命筮者命之也,亦如吉時

筮人許諾,不述命,右還,北面,指中封而

兆」字,而「期」亦宜作「其」,屬下句。

筮。卦者在左。

注曰:不述命者,士禮略。中封,中央壤

也。

述命之儀,見《少牢饋食禮》。言坐,是立筮也。不席而立筮,變於家。繼公謂:指中封,若示神以其處然。不

人;「占之曰從。」之。東面旅占,卒,進告于命筮者與主卒筮,執卦以示命筮者,命筮者受視,反

命筮者。必示命筮者,以其出命故爾。卦者書卦于木,既卒筮而筮者乃執以示

筮之地也。《書》曰:「龜從筮從。」之曰從,所告之辭云爾。從,謂從其所也。若吉時則受命、示卦皆於主人。占既占而先告命筮者,乃告主人,亦此意

主人經,哭,不踊。

絰者,筮事畢也。

若不從,筮擇如初儀。

注曰:更擇地而筮之。

繼公謂:再筮若又不吉,則更擇地而不

復筮也。

歸,殯前北面哭,不踊。

繼公謂:殯前,西階下也。注曰:易位而哭,明非常。

右筮宅

不踊。婦人哭于堂。還音患。既井椁,主人西面拜工,左還椁,反位,哭,

矣。 注 施之竁中矣。 外 日 也。 匠 人爲椁,刊治其 反位,拜 主人還椁,亦以既 位 也。 材, 既哭之, 以井構 朝 則 於 哭 往 殯

數事者,朝哭之後、夕哭之前皆得爲之, 朝哭,此及獻 行 無定時也 工,則工東面矣。 繼公謂:拜工 而繞之也。 材之屬乃不言之,則 謝 經於筮宅與 左還椁,由 其勞也。 卜日皆 主人 椁 之 西 是此 云 東 面 既 南 拜

之,如哭椁。獻素、獻成,亦如之。獻材於殯門外,西面北上,綪。主人徧視

前 繼 注 此又與還椁異矣,亦先拜工乃視之。 法定爲素,飾治畢爲 公謂 列 曰:材,明器之材。 在 西 北上,西北上也。 徧 視之,亦自 成 視之,亦拜工。 其所 南 北 上 陳 者 之,而 始, 云 形

門外,則井椁之處其在外門外乎?●如哭椁者,如其反位哭不踊也。此著殯

## 右哭椁、哭器

東。停,存閥反。燋,子約反。西塾上,南首,有席。楚厚置于燋,在龜下日,既朝哭,皆復外位。卜人先奠龜于

燋,炬 之。 氏》 注 火爇燋,遂灼其焌契,以授卜師,遂以役 E : 「掌共燋契,以待卜事。 也,所 楚, 荆 以 也。 然 荆 火 焞, 所 者 也。 以 凡 鑽 周 下,以 灼 禮 龜 者。 明 菗

其 亦變於吉 繼公謂: 左 ,皆變於 席 亦 1 在 時 龜 也。 後 也。 葬 日 龜 1 南 而 首 不筮 燋

●「井」,原誤作「升」,今據庫本改。

士香

上。 族長 占者三人在其南,北上。 (涖卜,及宗人,吉服立于門西,東面 長,之兩反 南

注曰:吉服,服玄端也

位。 吉服者,亦以對 司掌占事者也。 主人有親,乃位于門西,以將涖 繼公謂:族長,族人之尊者也。 此占者亦吉服,不言者,文省也。 越神 必三人者,欲攷其言異 明 故也。 占者,有 ト,變其 族 長 與

占,則從二人之言。」

同之多寡而定是非也。

《書》曰:「三人

卜人及執燋、席者在塾西。

闔

東扉,

主婦

立于其内。

注曰:在塾西者,南面東上。

塾西者,便其升也 繼公謂:卜人,有司掌共卜事者也。在 東西堂 側階之所鄉 同。 東 西 闔 塾 東 二之階 扉, 説 蓋 見 與

> 席 于闑西 閾外。●

席 亦 西 面

宗人告事具。 主人北 画, 免經,左擁之。

涖 ト即 位于門東,西 面

注曰 涖卜,族長也。 更西 面,當代主人

命卜。

繼公謂:告,告主人也。既免絰復西面

卜人抱龜、燋,先奠龜,西首 ,燋在北

注曰: 既奠燋,又執龜 以待之。

奠龜西首,象神位在西,鄉之。 繼公謂:燋先,謂執燋者先於龜 而行也。 與

燋皆東面,不言焞與燋,同處可 知

宗人受卜人龜,示高。

注曰: 以 龜 腹 》 甲高· 起所當灼 處 宗涖

也。近足者其部高

閾 原誤作「域」,今據明本、通本、庫本、注疏本改。

0

繼公謂 宗人就而北面,訝受之,下文授

受亦訝

涖 卜受視,反之。宗人還,少退,受命。

注曰:受涖卜命。

繼公謂:必少退者,受命宜遠於授受之

處 也。

命曰:「哀子某,來日某,卜葬其父某甫,考

降,無有近悔。」

注 曰:考,登也。降,下也。言 1 此 日

葬,魂神上下得無近於咎悔者乎?

之名,若乙、丑、丁、酉之類是也。 繼公謂。來日,將來之日也。某者,柔日 考降

未詳。或曰:考,成也,降,下也,謂成其

日若吉,則不近於悔,如葬而遇雨,及他 下棺之事。未知是否。 無有近悔,謂其

有 不虞,則非吉日矣。

許諾,不述命,還即席,西 面坐,命龜,興,

授卜人龜,負東扉

命,命龜異,龜重,威儀多也。 注曰:宗人不述命,亦士禮略。 負東 凡卜,述 扉,

俟龜之兆也。

繼公謂: 言不述命 ,則命龜之辭 與涖

所云者異矣。

卜人坐,作龜,興。

注曰:作龜,以火灼之,以作

《周禮・卜師》:「凡卜事,揚 火以 作

其

兆

也。

致其墨。」

繼公謂:作猶起也。

宗人受龜,示涖卜。涖卜受視,反之。宗 人退,東面。 乃旅占。卒,不釋龜,告于涖

卜與主人: 占曰「某日從」。

注曰:不釋龜,復執之也。

占,謂占其兆之吉凶也,兆有體色墨坼。 繼公謂: 如 此 文,則是宗人亦占 之也。

以此爲節。

哭者,吉服也。主人不哭者,未絰也。 旅占卒,復受龜,遂執之以告涖卜。不

授卜人龜。告于主婦,主婦哭。

注曰:不執龜者,下主人也。

衆賓,謂士之在外位者也。宗人不親告告于異爵者。使人告于衆賓。

卜人徹龜。宗人告事畢。主人之,下異爵者。

如筮宅。賓出,拜送。卜人徹龜。宗人告事畢。主人絰,人哭,

事畢也。拜送賓,蓋於外門外。云徹龜,則是曏者復奠于西塾上,以待

若不從,卜擇如初儀。

同也。至次日,乃更擇日而卜之。《曲若不從,則亦以告于主婦而下,其儀則

差異也。古者士三月而葬,日之先後當不必旬有一日矣,蓋與吉禮筮日遠近之

禮》曰:「喪事先遠

日。」云擇,則其

相

去

儀禮集說卷十二

五四五

正誤

苴絰,大搹。

作「搹」。案:《喪服》傳亦云「大搹」。今定「搹」本作「鬲」,《釋文》云:「鬲」又作

乃匕載。

古文作「匕」。繼公謂:用匕謂之匕,猶作化者,似後人誤改之,以别於其爲器作杙者,似後人誤改之,以别於其爲器設尊謂之尊,設席謂之席之類是也。或設尊謂之尊,設席謂之席之類是也。或設尊謂之以。繼公謂:用匕謂之匕,猶

置于西階上。

鄭本于下有「字」字。繼公謂:字,屋檐

也。不宜與西階上連文。「字」字蓋

因

「于」字而衍也。《周官・小祝》職鄭司

農注引此無「宇」字,今以爲據删之。

請啟期,告于賓。

復外位時

注曰:謂先葬二日,既夕哭,出門哭止,

注

日

將葬,當遷柩于祖,有司於是乃請

既夕哭,

以「既夕」名篇。

以其禮更端故也。

篇首云「既夕哭」,故

繼公謂:此禮承上篇爲之,乃别爲篇者,

注曰:《士喪禮》之下篇也。

# 儀禮集説卷十三

也。

啟肂之期於主人以

告賓,

賓宜

知

其

時

元 敖繼公

撰

日,則啟之日不言可知。

而

有

司

必

請

其

於夕哭

偂

此

不載

衆賓,則是賓固知其

葬日矣。

知

其葬

繼公謂:曏者,既卜日即告于異爵者及

賓在焉,則其朝夕哭之儀同矣。 期以告于賓者,重慎之至也。

既夕禮第十三

主人答辭者,下文已明,故略之。

右請啟期

夙 興,設盤于祖庿門外。

注曰:祖,王父也。

庿 繼公謂:設盥,爲舉鼎及設奠者 而祖 禰皆在焉,惟云祖者,是禮主於 也。

祖 也。

陳 鼎皆如殯,東方之饌亦如之。

皆如殯,謂三鼎之面位與其實,皆如

五四七

五四八

之脯 如 殯 () 亦但 醢當在甒北 外 所 陳 據 殯 其 奠之鼎 盛者言之也。 ,不别見之者,略之也。 也。 東 方 其 之 遷 饌 祖 奠 굸

夷牀饌于階閒。

此即曏者承尸于堂之牀也。階閒,祖庿

堂下。

燭俟于殯門外。

右陳設器饌

丈夫髽,散帶垂,即位如初。髽,侧瓜反。散,息

但反。

注曰:爲將啟變也。如初,朝夕哭門外

位。

也。 髽 冠 繼公謂: 與 ,故言此以 此 纙 斬衰者耳,其齊衰以下則皆免。 而 皆爲之於次乃即位。 爲 露 明之,亦 紒 也。 與 將 前 髻 經 髮 髻髮互見 者 髽者, 必必 先 去

> 時棺 散 其當髽者,自小斂以來至此,自若無所 當髽者、雖未殯亦不髽、則此時可知矣。 可與丈夫同。 夫,是婦人不與也。 上皆然。 垂者,初已結本,又質而 帶 柩 垂, 復見,故復 解 髽 其 與散 其所以不言髽者,婦人不 日 帶垂,未殯之服 所 此 婦人之帶所以不 絞 服焉。 者也 少變,故 此 凡 但言 於此 大 也, 功 散 丈 是 不 以

改變,故不必言之。

也。不哭者,將有事,止讙囂。注曰:此不蒙如初者,以男子入門不哭婦人不哭,主人拜賓,人,即位,袒。

繼公謂:婦人不哭,説見于前。

商祝 升堂,聲三,啟三,命哭。免音問。 有 注 日 聲,存神 免袒,執功布入,升自西階,盡階,不 執 功布,爲有所 也。 啟三,三言啟,告神也。 拂 扐 也 盡 子 聲三,三 忍反

耳。

舊説以爲聲,噫興也。

弔服加麻,此時有事於柩,故復爲之袒繼公謂:商祝,公有司也。其爲士,但當

免。

燭人。

注曰: 炤徹與啟肂者。

疏曰:一燭於室中炤徹奠,一燭於堂炤

開殯肂也。

祝降,與夏祝交于階下,取銘,置于重。重

直龍反,後倣此。

以降見之。與夏祝交,事相接也。惟云祝降者,周祝取銘而降也,不言其升,故

銘在前,置于重在後,乃合而言之,文順奠也。祝取銘置于重,爲啟肂遷之。取言相左以别之。夏祝與執事者升,取宿交者,亦相右也,凡交而非相右者,經必

踊無筭。

注曰:主人也。

商祝拂柩用功布,幠用夷衾。່爊,火吴反。

疏曰:夷衾於後無徹文,當隨柩人壙矣。注曰:拂,去塵也。幠,爲其形露。

其事相類,故復用之。 案:注云形露,繼公謂:夷衾,即小斂後覆尸者也。以

猶露見也。

右啟

遷于祖,用軸。

「殷朝而殯于祖,周朝而遂葬。」注曰:遷于祖,朝祖庿也。《檀弓》曰:

至於祖考之庿而後行。」也,順死者之孝心也,其哀離其室也,故當衲之於此故也。《檀弓》曰:「喪之朝繼公謂:必遷于祖者,以其昭穆同,後又

五四九

從柩之序亦然。 重先,奠從,燭從,柩從,燭從,主人從。 重先,奠從,獨從,極從,獨從,婦人從,女賓 主人從,衆主人以下從,婦人從,女賓 主人從,衆主人以下從,婦人從,女賓 種先,奠從,燭從,柩從,燭從,主人從。

升自西階。

注曰: 柩也。

異於生也。既大斂則升自西階,此亦入外而入庿者,既小斂則升自阼階,未忍繼公謂。升自西階,神之也。凡柩歸自

奠俟于下,東面,北上。

庿耳,故其禮與大斂而入者同

注曰:俟正柩也。

繼公謂:北上,則巾席在後也。《記》

曰:「巾席從而降。」

主人從升,婦人升,東面,衆人東即位

注曰:東方之位。

之位亦如朝夕哭,不皆在東方。往來。東即位者,乃衆主人也,脱一往來。東即位者,乃衆主人也,脱一繼公謂:婦人東面,當負序以辟奠者之

正柩于兩楹閒,用夷床。

注曰:是時柩北首。

夷于堂者相類,故仍用其牀。兩楹閒,繼公謂:此正柩于堂,正與小斂之後尸

主人柩東西面。置重如初。東西節也,其於楹閒爲少北

注曰:如殯宫時也。

繼公謂:云柩東,明近於柩。

自西階。

席升,設于

柩西。

奠設如初,巾之。

升降

當風塵。注曰:從奠設如初,東面也。巾之,爲禦

疏 日 : 此奠巾之者,異於朝夕在室者也。

先已用席,則不變之,且尸柩之奠亦宜 設 不統於柩,奠宜統於席也。 右 繼公謂: 于席 也,於此奠焉,與奠于尸右之意同。 前 席設于柩西,亦差近于柩。奠 1,亦當 柩 少 北。 柩 不去席者, 北首,西乃

主人 踊無第。 降拜賓,即 位,踊,襲。 主婦

異

也。

及親者由足,西面

主人即 若有南面者,則東上。 出 位 于 亦在 柩 作階下,襲 柩東之位 南 也,西 面于阵階上,亦南上。 則 亦在 踊,既 序東。 奠 乃降 婦 人由足 也, 即

薦車 ,直東榮,北朝。 直音值。 輈,竹虬反。

之魂車。 注 日 進車者,象生時將行陳駕,今時謂 車當東榮,西上於中庭。

此即 遣 車 也。 北輈者,以柩北

> 旁而 庭者,以《雜記》所言賵車之位定之也。 注云「西上於中庭」,鄭 衡以駕馬者謂之輈。 首故爾。 直 縛 乘車之前,一木當中而 軛以 駕牛 者謂之轅。 大車之前,二木在 知其在東方之中 曲, 縛

質明,滅燭。

燭,堂之上下者。

徹者升自阼階,降自西階。 徹,直列反,下並

階,從其正禮,亦可 升之意矣。 繼公謂:徹者無由足之嫌,故得升自阼 注曰:徹者,辟新奠。 徹奠不改設於序西南,亦以 以見 此 奠者 自

西 階

乃奠如 初,升降自西階。

無俎而非盛饌故也。

北首,辟其足。 注曰:爲遷祖奠也。 奠升 不 由 阼階,柩

繼公謂:此奠亦惟以脯 醢 醴 酒。

主人要節而踊。要,於遥反,下並同。

其在殯宮之儀也。惟言主人,亦文省。東時也。要節而踊,丈夫、婦人皆然,如節,謂徹者、奠者之升降,與奠者由重南

之,御者執策立于馬後。 薦馬,纓三就,入門,北面,交轡,圉人夾牽

有 之,謂左 繼公謂:三就,采三匝也。惟言入門,則 于奚請繁纓以朝,孔子非之。 是但没 而 《雷耳。 無樊,蓋臣禮 人牽 右轡,右人牽左轡也 每 馬 兩 也。《春秋 轡,交轡 《傳》仲 丽 案:注 夾 馬 牽 叔

云「天子之臣,如其命數」,亦未有以見

其必然。

哭成踊,右還出。還音旋,下並同。

哭成

爾,圉人

與

御

者

也。

《 雜

記

**>** 

「薦馬者哭踊。」右還者,西上也。

賓出,主人送于門外。有司請祖期。

注曰: 亦因在外位請之,當以告賓,每事

畢輙出。

繼公謂:送亦拜之。門,庿門也。

案:注「每」上更當有一「賓」字。

曰:「日側。」

注曰:側,昳也,謂過中之時。

《檀弓》曰:「殷人尚白,大事 繼公謂: 不用日中者, 辟殷人 見之,故略於此。 有司既得祖 期不 言告賓者,於請 下經請葬期亦然。 斂 用 所 啟 日 尚 期已 中。」 也

### 右朝祖

注曰:袒,爲載變也。乃舉柩卻下而載主人人,袒,乃載,踊無筭。卒束,襲。

之。東,東棺於柩車。賓出,遂匠納

于階閒,謂此車。

在柩東。柩東之位,亦當柩少北。繼公謂:主人入袒當在阼階下,既載則

降奠,當前束。

注曰:下遷祖之奠也。當前束,猶當尸

腢也,亦在柩車西,束有前後。

商祝飾柩,一池,紐前赬後緇,齊三采,無繼公謂。亦見其當柩少北耳。

貝。

赬, 丑蒸反。

此也。 注 室之承霤,以竹爲之,狀如小車笭,衣以 三 飾柩 牆有 ,爲設牆 布帷,柳有 栁 也。 布 荒。 巾 奠乃牆, 池者,象宫 謂

三采繒爲之,上朱,中白,下蒼。著以絮。齊居柳之中央,若今小車蓋上蕤矣。以前赤後黑,因以爲飾。左右面各有前後,青布。一池縣於柳前。紐所以聯帷荒,

設披。披,彼誼反。

車

之,以備傾虧。《喪大記》曰:「士戴前纁注曰:披絡柳棺上,貫結於戴,人居旁牽

屬引。屬音燭,下同

後緇

,二披,用纁。」

者人引柩。 注曰:屬猶著也。引,所以引柩車。古

云引者,以用名之。凡引,天子用六,諸繼公謂。引,柩車之索也,屬之於車輅。

右載柩

侯四,大夫士二。

陳明器於乘車之西。乘,繩證反

五五三

張而不平,竽笙備而不和,有鐘磬而無「竹不成用,瓦不成味,木不成斵,琴瑟明器,神明之也。」言神明者,異於生器,注曰:明器,藏器也。《檀弓》曰:「其曰

折,横覆之。折,之設反。覆,芳服反。繼公謂:陳於車西,其在東堂之南與?

筍虡」。

承抗席。覆之,見善面也。注曰:折猶庪也。窆事畢,加之壙上,以

其差重大於抗木,故特異之與? 此折之用,在抗木之前,乃首陳之者,以 皆放此。自抗木至茵,亦後用者先陳。 皆放此。自抗木至茵,亦後用者先陳。 此折之用,在抗木之前,乃首陳之者,縮者 横陳之,蓋象其在壙也,後言横者、縮者 機公謂:陳折云横,則是折之狀當與抗

抗木,横三縮二。

注曰:抗,禦也,所以禦止土者。 其横與

縮,各足掩壙。

加抗席,三。

注曰:席,所以禦塵。

亦與擴齊。用三,則廣足以掩之矣。用亦縮也,不言者,亦文省耳。每席之長繼公謂:此席在茵與抗木縮者之閒,是

時云覆,是此陳時卻也。

緣之。亦者,亦抗木也。今文翦作淺。注曰:茵,所以藉棺者。翦,淺也。幅加茵,用疏布,緇翦,有幅,亦縮二横三。

繼公謂:翦與有幅,皆未詳。或曰:緣之。亦者,亦抗木也。今文翦作淺。

各不類,蓋貴相變也。

否。

茵與抗木,其陳之,用之,横縮之次

「有幅,謂繚縫之而不削

幅

也。」未知是

器,西南上,綪。綪,側耕反。

端爲上。綪,屈也,不容,則屈而反之。注曰:器,目言之也。陳明器以西行南

無二:醴、酒,冪用功布,皆木桁,久之。桁,

户耕反。

注曰:桁所以庪苞、筲、罋、甒也,每器異

桁。

用器:弓、矢、耒、耜、兩敦、兩杅、槃匜。 匜繼公謂:皆以桁久之也。 久,説見上篇。

實于槃中,南流。敦音對。村音于。

注曰:此皆常用之器也。杅,盛湯漿。

流,匜口也。

柄也。此有爵矣,乃以耒耜爲用器,爲繼公謂:耒耜,田器也。耜以起土,耒其

有圭田。」圭田者,主人所親耕,以共祭其有圭田故也。《孟子》曰:「卿以下必

無祭器。

祀之齍盛者也

注曰:士器略也。大夫以上,兼用鬼器

人器也。

之東可知矣。器主於入壙,故南上。之西,以次而綪焉。其後列不過於茵北分爲數列,以要方也。其前列始於茵北繼公謂:器,自苞而下者也。均其多寡

茵。

苞二。

者,指其可見者言之也

繼公謂:茵之下有抗席、抗木,惟

言茵

注曰: 茵在抗木上,陳器次而北也。

所以裹遺奠羊、豕之體。

筲三:黍、稷、麥。筲,所交反。

注曰:筲,畚種類也,其容蓋與簋同一觳

也。

**壅三:醯、醢、屑,幂用疏布。幂,**眉狄反。

也。《内則》曰:「屑桂與薑。」

注曰

罋,其容亦

蓋

觳。

屑,薑

桂之屑

繼公謂: 疏布,六升以上至四升者也。

五. 五.

五五六

之,然亦未有以 氏以此士喪 案:注云「大夫以上兼用鬼器、人器」, 繼 公謂 祭器尊,惟尊者乃得用之。 禮 無 見 (其必然,若天子、諸 祭器,故意 大夫則 侯 有 鄭

有燕樂器可也。

則固宜有之矣。

注 E. 與賓客燕飲用樂之器 也

琴瑟張而不平, 竽笙備而不和 公謂: 如琴瑟之類是也 《檀 ,有鐘磬 弓》曰

而無筍虡。」其此之謂與? 云可 亦不

必 其用之也

役器 甲、胄、干、笮。笮,侧白反。

鍪。 干,楯。 笮,矢服。

注曰:

此皆師役之器。

甲,

鎧。

胄

兜

也。

公謂: 管不屬用器,乃屬役器 贵 以 有

師 役方用之乎?

燕器:杖、笠、翣。翣,所甲反。

右 陳器 注曰

燕居安體之器也

笠,竹洿蓋

也。

:

徹奠,巾席俟于西方,主人要節而踊。

注曰 繼 公謂: 巾席俟于西方,俎奠將用焉 徹 者 由 東方,當棧之南 折 而 西

徹至 至棧之西, 西方,折 南 而 折 南 而 乃 北 東 由 面 重 南 丽 東 徹 奠。 也 要 既

節者, 東方 西 鄉 時,丈 夫 踊 , 西 方南 鄉

時徹奠,辟還 時,婦人踊 由 極也。 重南 東時,丈夫踊 不改設,亦以無 也

俎

此

袒,

注 日 將 祖 變。

爲

商 祝 御 柩

注曰: 亦執功布居前,爲還柩車爲節。

陳

自已南上。

乃 祖

注 日 . 還柩鄉外,爲行始。

踊,襲,少南當前束。

注曰:主人也。

南,故少南以當之。 皆當前束,載時前束 皆於故位,既則少南也。 繼公謂。不言主人者,可 在 然則柩車 北,及還 主人柩 知 也。 雖還,亦 柩則在 東 此 之位 踊 襲

不離其所也

婦人降,即位于階閒。

繼公謂: 柩已還 注 曰:位東上。 而首南 鄉,婦婦 人 乃 得 即

西,恐妨賓客之行禮者也。

位于其北,位亦當西

婦

人

不位

于

車

祖,還車不還器。

注 曰 祖有行漸, 車 亦 宜 鄉 外也。 器之

與重皆還,此亦宜 上,已見行意 繼公謂: 不還 也。 器 者, 必 如之也。 以陳之之時, 云 不 還 器者 「祖」似衍, 嫌 西 車 南

又經無此例。

祝 取銘、置于茵。

也。 故將還重則徹之,亦以是時 銘之在重,其面外鄉,正與重之鄉背異, 置于茵者,當與之同人壙。 可以不用銘

一人還重,左還。

注曰:重與車馬還相反,由便也。

繼公謂: 車馬 西上,宜右還,重一而已,

因還柩之節而併還之也 之亦二人矣。 宜左還,皆由 便也。二人還之,則凡舉 重之鄉背不必與柩同,但

布席,乃奠如初,主人要節而 踊。

《記》曰「祝饌祖奠于主人之南,當前輅

五五八

西 則南 尸 反于其位矣。 西,既奠則由柩北而 其東也。 北 初蒙之。奠者之來由東方,當前 也,是雖所奠異處,而 云,則是布席于柩東 鄉時,丈夫踊,西 東之意也。 上與? 巾之」, 柩已南首,故奠於此,亦奠 要節 初,大斂 布席于柩西則北上,柩 謂 此 而 方南鄉時,婦人踊; 西,亦由重南而 少 時 踊,謂奠者於東方 面位則同,故 時 與? 南,東面 舉 鼎 以 如 記記 下 而 之 輅 以 奠 東, **>** 儀 mi 如 東 于 所

薦馬 如初。

由

重南東,丈夫踊

也。

賓出 注 百: 柩 ,主人送。 動 車還,宜新之也。

有司請葬期。

注曰: 亦因在外位時

人,復位。

注曰:主人也。 自死至於殯,自啟至於

> 葬,主人及兄弟恒 繼公謂:復柩東之位 在内 位

#### 右祖

公賵,玄纁束,馬兩。 可以 曹卒,魯季康子使冉求賵之以馬,曰: 也。兩馬,士制也。《春秋傳》曰: 注曰:公,國君也。 稱旌繁乎?₽ 賵,芳奉反。 賵,所以 助主人送 宋景 其 葬

不哭,先入門右,北面,及衆主人袒。 擯者出請,人告。 之數也。 耳。君賵之,乃用 繼公謂:國君以馬幣禮於其臣者,惟 然則 領以 主人釋杖,迎于庿門外, 兩馬者,如其駕 車 馬之意亦可見矣。 遺 車 此

旌繁」,原誤作「繁旌」,今據明本、通本、庫本改。 記」,原誤作「注」,今據明本、通本、庫本改。

注 日 : 尊君命 也。 衆主人自若西面

繼公謂 釋杖 出 迎 及袒者 ,尊君命也。

馬 人設。

賵 設於西 云「上介賵,陳 馬 其亦中庭與? 方也。 《雜 乘黄大路於中庭」, 記》言諸 設於此者,變於吉 侯 相 賵 則此 之禮

也。

吉時,參分庭一

在南

賓奉幣,由馬 北 所以屬引。 柩車在階閒少前,參分庭之 注 日 輅有前後 賓,使者。 西當前輅 幣,玄纁也。 ",北面 [致命。 輅,轅縛, 輅音路。

以木縛於柩車轅上 疏 日 賓,使者,亦士也。 也。 注 云轅 縛 謂

西 使乃不升堂致命者 繼 輅乃折 方 公謂: 賓奉幣入門左,當階而北行 · 加 而 云由 東行,至其 馬西,則馬亦在西方明矣。 1,柩在 右, 北 下 也 面 致 賓進自 命 君

> 出。 主 人哭,拜稽 棧,士板反。 顙 (\*)成踊 0 賓奠幣于棧左服

注曰 ···棧,謂柩車也。棧車不革,鞔而

漆

之。 服,車箱。 今文棧作 輚

爲右。 疏曰 車 南 鄉 以 東爲左,尸在車上以

東

:

右」者,如授生人以 殯東者意同。 於是而拜之。 北,稍近於賓 然則此時主人 玄纁束,主人 繼公謂:下經云至于邦門,公使宰夫贈 而聽命矣。 賓既致命,亦 奠于左服,與委物于尸東 雖 由 不在 左 案 聽 物,必於其右 注 位,亦當進於庭之 命,賓 云「象授 由 右致 人人授其 而授

宰 由主人之北,舉幣以 東。

之,欲其便於受也

蓋是時主人不拜于位。 主人之北,謂主人當時 所立處之北 又以下文主人

五六〇

受賻之儀例之,則主人拜此君命亦西面

矣。

士受馬以出。

此受馬者,亦以舉幣爲節。

主人送于外門外,拜。

此外門,亦庿之外門也。將葬,則開之

以出極,吉時,惟館賓於此則開之。

襲,人,復位,杖。

此亦爲君命袒,故既送使者,則襲於外。

右公賵

賓賵者將命。 擯者請,入告,出告須。

賓,卿大夫、士之使者也。

馬入設。賓奉幣,擯者先人,賓從,致命如

初。

注曰:初,公使者。

繼公謂:擯者先入,入門而若道之也。

賓從,入門而左也

主人拜于位,不踊。

注曰: 柩車東位也。

繼公謂:拜不稽顙,亦以與君禮同節,宜

遠辟之,下禮放此。

賓奠幣如初。舉幣,受馬如初。

君命之處雖不同,而宰之舉幣以主人之舉幣亦蒙如初者,是時主人之位,與拜

北爲節,則一也。

擯者出請。

而必請之,與襚時異。曹出請,見賓已出在外也。此時賓客爲

若奠,

奠,謂致可以爲葬奠之物也。

此將命猶致命也。主人亦拜于位。人告,出,以賓人。將命如初。

士受羊如受馬。

牲,故此奠者用之。奠不用幣。 如其受之以出也。羊者,士葬奠之上

又請。若賻,賻音附。

注曰:賻之言補也,助也,貨財曰賻。

注曰:主人出者,賻主施於主人。人告,主人出門左,西面。賓東面將命。

繼公謂:此將命,執物以將之也。

主人拜,賓坐委之。宰由主人之北,東面

舉之,反位。

注曰: 反位,反主人之後位。

不宜親受,故賓坐委之,以見不敢授之繼公謂:主人有喪,則於賓客之餽遺者

意。有器而不委之,嫌若必以授主人。

若無器,則捂受之。語,五故反。

注曰:謂對相授受,不委地。

繼公謂:亦宰捂受之,舉之則同面,受之

無必授主人之嫌,故可以不委之。者也。不委地者,爲其坋汙。無器,則則相對,亦禮貴相變。器,所以盛賻物

又請,賓告事畢。拜送,人。

出送之。如但賵若奠而已,主人亦宰既反位,主人未即人,俟擯者既請事,

贈者將命。

以柩將去而贈之,與贈生人之意同。

擯者出請,納賓如初。

注曰:如其入告,出告須。

賓奠幣如初。

注曰:亦於棧左服。

奠幣也。幣亦玄纁束。

繼公謂。亦北面致命,既則主人拜之,乃

若就器,則坐奠于陳。

注曰:就猶善也。贈無常,唯玩好所有。

陳 明器之陳

因 陳,從其 事名之,如以脊肺爲舉之類是也 公謂:就,成 類 也。 也 以 ,謂 陳 已成之器 明器之處 也。 爲陳者。 奠于

凡將 禮 ,必請 而後 拜 送

也。 言拜送,此則明不賻若不奠者亦當 行禮,謂賵若賻之屬,上文惟於賻之後 注 繼公謂:此爲不見者言之也。 曰:雖知 事 畢 猶請,君子不必人意 將,行也。 如之

兄弟,賵、奠可也。

其厚 注曰:兄弟,有服親者, 也 可且賵且奠,許

**賵奠**,文已略 者,亦可 其並用之辭。 繼 公謂:可者,許其得賵且奠,然亦未 膊若 矣。 贈 以 也 Ŀ 乃復不 經攷之,其得赗 伽 此 經兄弟惟 ·必其並用 Œ 者, 奠 必

> 聖人之意其 有 (或在日 是歟 君子不行

《記》

日

.

其

禮

無

其財,

也

所 知,則賵而不奠。

焉。 弟。 皆得用之。 之恩也,故疏者不得用之,以 繼公謂:賵以幣馬,尊敬之意也,故親 注曰:所知,通問相知也,降於兄弟。 所知,謂知死 奠以羊,若相飲食然, 知生者也,朋友亦 自别 於 親 存 兄 親 疏

知死者贈,知生者賻。

注 曰:各主於所知

賻,以 之也。 故 初 用 繼公謂。是又於所知之中,以 也。 於此略之。 不 必 是推之,則 然此亦但許 其 知死 (備禮 者 也。 且 賵 生 其 死 經於兄弟已見其意, 且 禮之所得爲者耳, 贈 兩 知者,三者皆得 知 生 此二者别 者 且 賵 且

書赗于方,若九,若七,若五。

注曰:書賵奠賻贈之人名與其物於板。

每板若九行,若七行,若五行。

奠,直云書賵,舉首而言。所送有多少,疏曰:以賓客所致有賵、有賻、有贈、有

故行數不同。

於九,少不下於五,言其疏數之節也。繼公謂:書者,爲將讀之。行數多不過

書遣于策。遣,棄戰反,下並同。

注曰:遺猶送也,謂所當藏物。

疏曰:上書賵於方,此言書遣於策,不同

不及百名書於方。」以賓客贈物名字少,者《聘禮・記》云:「百名以上書於策,

故書於方, 遺送死者之物名字多,故書

之於策。

於策,所以别内外。又遣皆爲主人之繼公謂:遣,謂苞以下。書赗於方,書遣

物,不必别書之,亦宜於策也。策廣於

方。

乃代哭如初。

注曰:初,謂既小斂時。

亦代哭。明日而葬,亦類於殯。繼公謂:此陳柩與小斂後夷尸相類,故

宵,爲燎于門内之右。

注曰:爲哭者爲明。

遠之者,亦謂鬼神或者尚幽闇。繼公謂:此於門右者,宜遠尸柩也。必

右賓賵奠賻贈

厥明,陳鼎五于門外,如初。

也。士禮,特牲三鼎,盛葬奠加一等,用注曰:鼎五,羊、豕、魚、腊、鮮獸各一鼎

少牢也。

繼公謂:少牢五鼎,大夫之禮,士奠乃用

之者,喪大事 也,而 葬 爲 尤 重,故於此 奠

特許而 攝用之,明 非 常 禮。 如初 如

其實,羊左胖。 胖音判。

實,鼎實也,總爲五鼎言之,羊其一 亦豚解之,肩、肫、胉、脊共四段也。 羊、 耳。

豕 用 左 胖,亦變於吉。 凡 食,生與 八吉祭

髀 皆尚 不升。髀,步禮反。 此 奠用 右體 大牲,不合升,

故

雖

豚 解

亦

去

髀。

腸 五,胃五。

注 日 亦盛之也。

疏 日 . 少 牢用 腸三,胃三。

繼 公謂 此 雖 盛之,亦變於吉也

離 肺。

明無 切 肺也。

豕亦如之,豚解,無腸胃。

注曰: 豚 解 ,解之如 如之,如羊左胖,髀不 解豚 ,亦前肩、 後 升, 肫、 離 脊、 肺

也

脅

而 己。 豕無腸胃者,君子不 食溷 腴

則羊如之明矣。 實用羊、豕者,其體數同。 繼公謂:豚解,謂以 於羊不見之者,不 解 豚之法解之,凡俎 此 豕云豚解, 嫌 其

禮之異於祭者與?

異

也。

用

少

牢矣,

乃熟

而

豚

解之,

亦

魚、腊,鮮獸,皆如初。 鮮音僊。

注曰:鮮,新殺者。

繼 公 謂 如 初者,如 殯奠,魚 九,腊 左胖,

髀 不 升 也。 鮮 燃料 亦 如 腊,凡 魚 腊 皆 貴

獸者 桑 而 賤 ,凡牲,用 新。 此性 豚者例 用 少牢, 無 膚, 乃 此 無 豕 膚 用 而 豚 加 解 鮮

之法,故亦放豚之不用膚,而以鮮獸代

之也。

東方之饌,

亦設棜于東堂下,南順,齊于站,饌于其

上也。其饌在下。

四豆:脾析、蜱醢、葵菹、蠃醢。蜱,皮佳反。

嬴音螺。

注曰:脾析,百葉也。蜱,蜯也。

繼公謂:脾析,亦未詳其爲何物。蜱

《周官》作蠯。

四箋:棗、糗、栗、脯。糗,去九反。

注曰:糗,以豆糗粉餌。

繼公謂:上四豆,於《周官》爲饋食之豆,

職於此但有棗、栗而無糗、脯,豈其所脱則此四籩亦當爲饋食之籩。然《籩人》

者乎?

醴、酒。

其豆亦南上,籩亦北上而皆綪之。醴酒亦北上,而籩在醴北,豆在籩北

也。

陳器。

注曰:明器也。夜斂藏之。

滅燎,執燭,俠輅北面。俠音夾。

西者,炤改設祖奠也。

燭在輅東者,炤徹祖奠與設遣奠。

在輅

賓人者,拜之。

亦鄉而拜之。

徹者人,丈夫踊。設于西北,婦人踊。

注曰:亦既盥乃入。

徹者東。

五六五

五六六

注 日 由 柩 車 北,東適葬奠之饌

繼公謂: 東適東堂下之饌,以待事至。

鼎人。

注曰:舉入陳之也。西面北上如初。

繼公謂:亦陳于阼階前

乃奠,豆南上,綪。 籩,嬴醢南,北上,綪。

注曰:箋,蠃醢南,辟醴酒也

繼公謂:南上綪,嬴醢在脾析東也。 北

上綪,脯在棗東也。

俎二以成,南上,不綪,特鮮獸。

注曰:成猶併也。不綪者,魚在羊東,腊

在豕東。

繼公謂: 二列各南上,是不綪 也。 潤 特

省文法也。

于其北。

此設

豆籩俎,乃云綪、不綪者,

道側,由此。

醴酒在籩西,北上。

北 上,醴在棗西, 酒在糗西。 凡饌 異位,

亦如殯奠。●

則所

上相變,明不相統也。

此設之次,

奠者出,主人要節而踊。

注曰: 亦以往來爲節

重 節,亦謂阼階前鄉西,西階 繼公謂:奠者亦從柩北而 南時也。 上言徹者入,此言奠者出, 下 西 鄉 乃 南 出 及過 也。

右遺奠

則私臣於是日不復位于内矣。

甸人抗重,出自道,道左倚之。 也。 注曰:抗,舉也。 今時有死者,鑿木置食其中, 出自道,出

從門

中

央

樹

於

0 相類」,今據明本刪。 此句下,原衍「繼公謂此亦不見主人答辭與請啟期

凡有事於重者,皆此人爲之。道左,庿又言甸人,蓋始終之辭也,所以見其間繼公謂:上篇言甸人置重于中庭,於此

薦馬,馬出自道,車各從其馬,駕于門外,

大門外之道南。

西面而俟,南上。

前,道、槀序從。注曰:南上,便其行也。行者,乘車在

將行,以近外者爲先也。門外之東方,俟器出而從之也。南上,生之出必中道也。門,庿門也。西面于繼公謂:重與車馬皆出自道者,象其平

# 右出重與車馬

徹者人,踊如初。 注 苞三个,前 日 苞者,象既 脛 折 徹巾, 苞牲, 取下體。 取 饗 臂 而 臑 歸 賓 後 俎者也。 脛 折 取 骼。

也。

此器指筲甕之屬。

序從者

「, 茵

苞以

是每牲之俎猶 皮骨多,差可以 牲,是即於席前爲之也。 《雜記》曰:「父母而賓客之,所 三个之義,與祭禮之歸尸俎者異也。 繼公謂:苞,謂以苞盛之也。 有 久也。惟折取下體,則 四段 也。 取下體 此不取俎 徹 以 爲 巾 爲 哀。」 即 其 荷

不以魚、腊。

注曰:非正牲也。

右苞牲

行器,

器,謂折、抗席、抗木。行,謂舉之以出。

繼公謂:此又以茵苞連言者,見其相繼

下爲序,而從抗席也。行器、抗席在後。

車從

注曰:次器。

若併止主人、主婦

然也。

哭者

相止,

將

之也,故主人之史讀之。

不命

毋哭,

嫌

讀書,不可讙

譁。

右,史

**←**右也。

執

繼公謂: 從器 丽 序於庿之外門外, 以 俟

柩也。

徹者出,踊如初。

注曰:於是庿中當行者唯柩車

繼公謂: 徹者亦自柩北 而設於西北乃出

右行器

主人之史請讀賵,執筭從。 柩東,當前 束,

主婦哭。燭在右,南面

西

面。

不命

毋哭,哭者相止也。

惟主人、

注曰: 人之前讀 史北 書 面 釋 請,既而 . 第。 燭 在 與執筭 右,南 西 面,炤 面 於主 書

便也。

繼公謂: **賵即書于方者也。 赗禮,賓** 爲

> 讀書。 釋筭則坐。

在右,則執筭者在左也

釋算則坐,謂每 釋第 則 坐, 既 則

興

也。

卒,命哭,滅燭,書與筭執之以逆出 必釋筭者,物有多寡,宜知其數

卒謂讀之畢也。言逆出,亦見執筭者在

史南。

公史自西方 不哭。讀遺,卒,命哭。 東 面。命毋哭,主人、 滅燭,出 主婦 皆

注曰:公史,君之典禮書者。

者,若欲神一一知之然。曏者賵 物,故公史爲讀之。 命於柩,今亦宜與遺物皆讀之,故不 繼公謂:遣即書于策者也。此 柩將行 而 讀 主 時 賵 人之 雖 與 嫌 遺 致

俠輅者,少進而轉 於再告。 同,惟東西左右 此讀遺、執筭、執燭之位與上 則 南 、異耳。 面 耳 o 此二 出 ,亦逆出。 燭 即 曏之

## 右讀赗讀遣

商祝執功布以御柩。

以布爲抑揚左右之節,使引者執披者知注曰:居柩車之前,若道有低仰傾虧,則

之。今文無「以」。

執披。

注曰: 士執披八人。

繼公謂:此見執披之節也。不言引者

披後於引,言執披則引可知矣。

主人袒,乃行,踊無筭。

注曰:

袒,爲行變也。

乃行,謂柩車行

也。

出宫,踊,襲。

宜袒,故於此而襲。出宮而踊,哀親之遂離其室也。

行路不

### 右柩行

至于邦門,公使宰夫贈玄纁束。

北首,天下之達禮也。」柩至此,公乃贈,邦門,城北門也。《檀弓》曰:「葬於北方

亦異於臣也。

主人去杖,不哭,由左聽命,賓由右致命。

主人哭,拜稽顙。去,起呂反。

車。

注

曰

柩車前輅之左右也。

當時止柩

:

車北鄉,左則在前輅之西也。賓由右致疏曰:在庿,柩車南鄉,左則在東。此柩

命,則在柩車之東矣。

人東面聽命而拜之,略與賵于庿者相繼公謂:是時柩北首,賓當南面致命,主

類。 不成踊,變於家也。

賓升,實幣于蓋,降。主人拜送,復位,杖,

是時宰不舉之。乃行,亦謂柩車行。 中,若親授之然。 注 繼公謂:不奠于左服,别於在家之禮也。 一日:升柩車之前,實其幣于棺蓋 復位,反柩車 後 之柳

### 右公贈

至于壙,陳器于道東,西北上。壙,口 [廣反

注 曰:統於壙

筲而下者也,亦綪之。 公謂: 西北上,以西行北端 茵以上當其北, 爲上,謂

茵先

亦

如在庿中之陳然。

屬引 注 日 當藉柩也。

> 主人袒,衆主人西 文耳。 注曰: 《記》、注皆云「説載除飾」,用《周官》全 見《喪大記》「大夫士以咸」注。 棺異索,天子之禮也。 猶以引名之者,見其索不易也。 繼公謂:此屬之,爲將窆也,其 其實,此禮當除飾乃説載 於是説載除飾 画, 北 ,更屬引於緘 上。 案:注 婦人 用異矣, 云緘耳, 又此及 引柩下 東 面

皆不哭。

注曰:俠羨道爲位。

皆不哭,亦爲 記》曰:「士哭者相 繼公謂:袒,爲 有 突變 事 止也。」 不 也。 미 讙 譁 婦 人 也 亦 《喪大 北

乃窆。 主人哭,踊無筭,襲。 室,彼驗反。

贈用制 注曰: 窆,下棺也。 幣,玄纁束。 拜 今文室爲封 稽顙,踊 如 初

此贈,謂主人以幣贈死者於壙中也。

尸

亦 柩 以 已在 贈名之。 壙, 則 有 朋 長 友 不復反之意, 贈 於家,主人 故 贈 此 於 禮

壙 親 疏之宜。

卒,袒,拜賓。主婦亦拜賓。 三,襲。 拾,其業反,下並同 即位, 拾踊

位。 注曰:主婦拜賓,拜 女賓也。 即 位,反

拾,更也

也。 襲者,主人也。 主先賓後,婦人居 主人、主婦也。拜賓 古者,婦人非有親 繼公謂:於此拜賓,特爲之袒,重 主婦所拜 賓,謂 禮,婦人不袒。 閒。三,謂三者三也。 者 示 必鄉之。 内 送其 賓 與宗 葬。 拾踊 婦 即位, 之屬。 其 禮

賓出 ,則拜送

注曰:相問之賓也。 凡弔賓有五,去皆

拜之,此舉中焉。

疏 曰:凡弔賓有五 ,見《雜記》。

> 繼公謂: 拜送云則,明賓 有 未出

藏器 于旁,加見。 見,賢遍反。

棺,夏后 者,器在見内也。 注曰:見,棺飾也。先言藏器乃云 氏 堲周,殷人棺槨, 《檀弓》曰:「有虞氏瓦 周人牆 加 置 見

翣。」

「大喪,人藏凶器。」 器者,其冢人之屬與? 以其見於棺器之外,故因以名之。此藏 棺及藏器之上也。牆柳 之,謂棺之左旁也。 繼公謂:器,用器至燕器也。 加見者,以見加於 之屬謂之見者 《冢人》職云: 此旁先言

藏苞筲於旁。

容柷,大夫容壺,士容甒。 注曰:於旁者,在見外也。 相次可知。《喪大記》曰:「棺椁之間,君 不言罋甒

繼公謂:苞筲先陳, 乃藏 於用器以下之

五七二

外 後 多,則相重累可。 甒」,則此四者蓋 之意也。《喪大記》云:「棺椁之閒,士容 苞、筲、罋、甒於右,●亦猶奠于尸柩之右 槨内也。 ,亦先陳 而 後 用也。 一一而居也。 案:注云見外,謂見 旁,右旁也。 若藏 器 藏

加折,卻之。 不言卻與覆,是兩面同矣。 折云加者,謂 加抗席,覆之。 在見與苞筲之上也。 加抗木。 抗木

實土三,主人拜鄉人。

注曰: 疏曰: 主人拜謝之,謂在道助 哭,四十者待盈坎。」於時 案《雜記》云:「鄉人五 謝其勤勞。 執 紼, 鄉 人並 十者,從反 在壙 在,故 助 下

言袒,蓋文脱耳。 繼公謂:下云襲,是亦袒拜鄉人也。 不

棺,及實土也

即 位,踊,襲,如初

如 初,亦拾踊三也。

右突

乃反哭,人,升自 下,東面,北上。 西 階, 東 画。 所作 衆主人堂

注曰: 者,於其祖庿 西階東面,反諸其

也。

反

哭

繼公謂:反哭於祖庿者,爲其棺 焉,此亦變於尸柩在堂之位 路 而 西方東面,統於主人也。 出也。 也。 升堂而 升自 不 西階,未變 見,故但 止 其 於西 也。 曏 者 衆主人 階 柩 升 從 之上 堂之 此

注 曰:辟主人也。 婦人人,丈夫踊,升自阼階。

0 原誤作「壅」,今據明本、通本、庫本改。

繼公謂: 以 E 經及此文攷之,則 送 葬之

行 ·婦人次於衆主人以下明矣。

主婦入于室,踊,出,即位,及丈夫拾踊三。 注曰:人于室,反諸其所養也。

堂上西 面 也。

繼 于阼矣。 公謂 惟主婦人于室,則餘 必入于室者,以其 生 人先 時 於 此 即 共 位

祭祀也。 入室又不見矣,故 出 丽 與 主人

相 鄉 侕 哭踊 同 其哀也

賓弔者升 自 西階,曰:「如之何!」主人拜

稽 顙

注曰: 賓弔者,衆賓之長 也。 反 而 亡焉,

失之矣,於是爲甚,故弔之。 弔者北 面

主人拜於位。

繼公謂:此弔異於常,故爲之稽顙

賓降出,主人送于門外,拜稽顙

門外,庿 門外 也。 送賓 丽 稽 類者, 以 其

> 送葬 且 從 反 哭, 尤 勤 勞 也, 故 重 謝 之。

友,虞祔而退。」然朋友於此 雜 記 **>** 日 相 見 也, 反哭 時 丽 退。 亦出,至 朋

虞祔則復來助祭也

出即

位

遂適殯宫,皆如啓位 拾 踊

上 如啓位,婦 丈夫即位于堂下,直東序, 人即 位 于 阼階上, 西 西 面, 面 也。 南

拾踊者,丈夫先,婦人後而 己。 蓋 此 時

無賓。

兄弟出,主人拜送。

注曰:兄弟,小功以下也。 異門大功,亦

可以歸。

繼公謂: 賓出自庿,兄弟出自 「殯宮、 親 疏

之殺。

衆主人出門,哭止。 闔門,主人揖衆主人,

0 退」,原誤作「以」,今據庫本並《雜記》改。

五七四

乃就次。

注曰:次,倚廬也。

右反哭

猶朝夕哭,不奠。

其言乃若是,則《檀弓》所記者,其非舊虞,不忍一日離也。」而此經於葬虞之閒虞,則此朝夕哭乃指未虞以前之禮。此也。不奠者,爲無尸柩也。下云三此也。不奠者,為無尸柩也。下云三

三虞,卒哭。

典與?

注曰:虞,喪祭名。

祖,故不復朝夕哭於殯宮,惟朝一哭,夕三虞既餞之後而遂卒哭,以其明日袝于繼公謂。卒哭,謂卒殯宮之哭也。禮,於

一哭于其次而已。虞,説見《士虞•記》

明日,以其班祔。

上。一記》曰:「祔必以其昭穆,亡則中一以祔猶屬也,祭昭穆之次而屬之,《喪服小社曰:班,次也。祔,卒哭之明日祭名。

上。

在庿也。祔而祭之,因名其祭爲祔云。穆同。既葬則祔之者,尸柩已去,神宜之次也。祔,謂祔于祖父,孫與祖其昭繼公謂:明日,三虞之次日也。班,昭穆

右言葬後祔前之禮

《記》。

此上下二篇之《記》也。

注曰:將有疾,乃寢于適室。 士處適寢,寢東首于北墉下。 適音簿

繼公謂:適寢,正寢也。此云適寢,明經注日,別不犯,別無言其至

所謂適室者爲適寢之室耳。

有疾,疾者齊。齊,側皆反,下同

注曰:適寢者,不齊不居其室。

意湛然純一 繼公謂:齊之言齊也,齊其不齊,使其心 也。 疾者齊,一其心意,所

以養氣體。

養者皆齊。養,羊尚反。

養者齊,欲專心於所養者也。

徹琴瑟。 徹,直列反,下並同

疾病,外内皆埽。埽,悉報反 《記》曰:「士無故,不去琴瑟。」

疾甚曰病。埽者、爲將有事也。

徹褻衣,加新衣。

此謂 故衣以 死衣也,必易之者,爲不可使之服 死也。衣云褻,見其非上衣,然

之類。 則新者亦非上衣矣。 不加上衣者,爲其後有襲 上衣者,朝服玄端 殺斂等

事,皆用上衣,故於此略之。

御者四人,皆坐,持體

注曰:御者,今時侍從之人。 繼公謂:持體,正其手足也。

屬纊,以俟絶氣。屬音燭,下並同。

口鼻之上以爲候

注曰:爲其氣微難節也。

纊

易動,摇置

繼公謂:絶氣猶氣絶也。

男子不絶于婦人之手,婦人不絶于男子之

手。

注曰:備褻。

疏曰:疾時,使御者持體,并死於其手。

乃行禱于五祀。

婦

人,則内御者持體,還死於其手。

注曰: 盡孝子之情。

繼公謂。此禱于平常所祭者也。士之得

祭五祀,於此可見。

五七五

乃卒。

注曰: 卒,終也。

主人啼,兄弟哭。

設牀第,當牖。衽,下莞上簟。設枕。注曰:哀有甚有否。

注曰:病卒之閒廢牀,至是設之,事相

變

里反。

墉下,廢牀。」是其始死,亦因在地無牀,疏曰:《喪大記》曰:「疾病,寢東首于北

繼公謂:設枕于南。

復而

不蘇,乃設牀于墉下。

遷尸。

復者朝服,左執領,右執要,招而左。朝音注曰:徙於牖下也,於是幠用夷衾。

潮,下同。要,於遥反。

簪裳于衣,故左執領,右執要。此謂既

注曰:事便也。

第,側

楔貌

如軛,上兩末。軛,於革反。

之儀

如此

朝服,爲求神敬

其事也

時

兩

手自右

而

左也。

左尊,故其執

與

招

登

屋

而易執之之時

也。

招

而

左

謂

招

别於他柶。軛,在大車轅端厭牛領者,繼公謂: 柶而云楔,因其楔齒而名之,以

楔狀類之,故以曉未知者焉。 楔齒時以

綴足用燕几,校在南,御者坐持之。 綴,之劣兩末上鄉,則末出於口旁矣。

反。校,胡孝反。

校亦几左廉之名。

校在南,

則

横

設

也。

几之爲制,前後狹而左右差廣。 綴足宜

左廉近人,故放之也。坐持之,則御者寬,故横設之。必校在南者,生時設几,

亦在牀矣,其於几之北與?

即牀而奠,當腢,用吉器。若醴,若酒,無

巾、栖。 腢音偶

注 日 腢,肩頭 也。 用吉器,器未變也。

繼公謂:此吉器之異於凶 者,豆籩耳。

異,皆用 凶 時 毼 豆, 角 也。 籩 無 若醴若酒, 縢。 其 觶 則 謂 無 無 吉 酒 則 凶之

**觶皆醴,無醴則皆酒。** 無巾者,非盛饌。

無柶者,異於大斂以後之奠也。

赴曰:「君之臣某死。」赴母、妻、長子則 曰:「君之臣某之某死。」長,之丈反。

母、妻、長子死,亦赴于君者,哀樂之事,

君 臣同。

室中,惟主人、主婦坐,兄弟有命夫、命婦

在焉,亦坐。

注曰:别尊卑也。

堂下北面 繼 公謂: 經 云衆婦 《記》乃見兄 人 户 外 弟之命夫、 北 面 衆 兄弟 命 婦

者亦坐于室中,然則經所言者,惟指 其

爲士者及士妻耳。

尸在室,有君命,衆主人不出。

注曰:不二主。

時亦然,故以明之。 禮者,異時衆主人與主人皆在庭,嫌此 耳,衆主人則否。 繼公謂:凡居喪 而 《記》乃特著尸在 爲 君命・ 出者, 惟 室之 主人

襚者委衣于牀,不坐。

床 高 可 以 不坐。

其襚于室,户西北面 [致命。

注曰:始死時也

夏祝淅米,差盛之。 差、舊初佳、七何、藏何三

盛音成。

差字未詳。

非。 御者四人,抗衾而浴,襢笫。 檀音祖,舊之善反

注曰:抗衾,爲其裸裎蔽之也。襢,袒

五七七

也。 袒實,去席,盈水便。

繼公謂:古字襢、袒通。《詩》曰 「檀裼 暴

虎」、《史記》云「左檀右檀」是也 四人

抗衾而二人浴。

其母之喪,則内御者浴,鬠無笄。

注曰: 内御,女御也。無笄,猶丈夫之不

冠

也。

以生時不用此笄而然與? 繼公謂:鬠笄雖短亦笄也,故辟之,其亦

設明衣,婦人則設中帶。

注曰:中帶,若今之褌 襂。

衣不殊裳,故此不用明衣也。 繼公謂:明衣之制,有衣有裳,婦 中 人生時 - 帶, 未

詳其制。 然與明衣對言,則其連衣裳爲

之與?

卒洗,貝反于笲,實貝,柱右齻、左齻。 顧音

顛。

夏祝徹餘 飯。 飯、扶晚反。

口

復閉也。

齻,牙也。

含而

因柱其左右鎮,蓋

恐 其

注曰: 徹去鬻之。

瑱塞耳。

注曰:塞,充窒。

壤。 掘 坎,南 廣,古曠反。深,式鴆反。 順,廣尺,輪二尺,深三尺,南

其

注曰: 南順,統於堂。

繼公謂: 南順,復南其壤,明其掘之自北

而 南 也。

垼用: 塊。 垼音役。

注 E 塊,堛也

明衣裳, 用幕布,袂屬幅,長下膝。 長,直亮

反,下同。 注曰:幕布,帷幕之布,升數未聞也。長

下膝,又有裳,於蔽下體深也。

生也,然則吉服之袂屬幅也明矣。屬繼公謂:必云袂屬幅者,嫌明衣或異於

幅,説見《喪服・記》。

注曰: 觳,足跗也。凡他服,短無見膚,有前後裳,不辟,長及觳。辟音壁。 觳,苦角反。

長無被土。

縓綼緆。綼緆,舊音毗替。

綼緆未詳。

緇純。純,之允反。

設握,裹親膚,繫鉤中指,結于掔。純,蓋兼指在衣裳者而言。

握手唯一而已,與決同設於右手,其繫

在其上,乃以其組繫環將指之本, 《記》見之。設握之法,以 則相 決之繫相結于掔而 中央正當於掌,右端掩 嗣。 經文詳於設決,略於設握,故 連之,所謂設握 四指之後,左端 纁 裹親 膚,其 乃 加 連 與

掔者也。

甸人築坅坎。坅,五錦反。

注曰:築,實土其中,堅之。穿坎之名,

一日坅。❶

隸人湼厠。湼,奴結反。厠,側吏反。 - E上

注曰"隸人,罪人也,今之徒役作者也。

湼,塞也,爲人復往褻之。

既襲,宵爲燎于中庭。厥明,滅燎,陳衣。

注曰:記節。

凡絞給用布,倫如朝服。絞,户交反。

▶ 「一」,原脱,今據明本、通本、庫本、注疏本補。

五七九

注曰:凡,凡小斂、大斂也。倫,比也。

今文無「紟」。

斂有給,小斂無之。 繼公謂: 給不必言凡,與絞連文爾。 大

並。 觶 兩 設棜于東堂下,南順,齊 四,木柶二,素勺二。 甒 籩亦如之。 棜,於庶反。 醴 酒,酒 在 南。 篚 在 于 豆 站,饌 東, 在 甒 南 北,二以 順 于其上。 實 角

饌也。四周,下無足。豆籩二以併,則是大斂四周,下無足。豆籩二以併,則是大斂注曰:棜之制,如今之大木轝也。上有

時 奠兼饌之也,自 而 布帶之後 繼公謂:此 未 言,豆當在籩北 有籩也,故但取節於甒 大斂饌也,其次當在衆主人 角 觶 是以 四 ,乃云甒 门, 木 後常更用之。 柶 北者、設 爲 明 以 豆 日 之 位 朝

凡

籩豆,實具設,皆巾之。

也 注 一,明 日 小斂一豆一 籩 豆 偶 而 爲 籩 具, 巾 具則巾 之, 加 飾

或有 下也。 布,實于簞」,此則不皆巾 之饌云「饌于東堂下,脯 于席前皆巾之。 繼公謂:籩豆實,謂菹栗之屬。 巾之者,饌 籩豆有實 時 若一豆一籩, 而具,則饌于東方及 亦 不巾 醢醴酒,幂 者 也。 也 則於 經 皆, 言 奠 皆 用 小 功 斂 時 奠 上

解,俟時而酌,柶覆加之,面枋,及錯,

於建也。建時亦覆手取之而枋在下。俟時而酌,謂將設乃酌之。面枋者,便之。錯,七故反。

小斂、辟奠不出室。 酒 是 此 奠,即始死之奠也。 又 時尸在室,未忍遂 奠者,辟斂也。不出室,明未 無 改設于西堂之禮,故辟之於室中 辟音闢。 徹其 後奠未即 奠, 而 設 脯 徹 圃 醢 去 先 也 醴

建

也。

而已,既設小斂奠乃去之。舊説謂辟

之,設于室西南隅。

無踊節。

嫌此辟奠之時亦然,故以明之。此與上夫、婦人之踊,或以徹奠者之往來爲節,也。踊節,即所謂要節而踊者也。凡丈此承上文而言,亦異於小斂以後之禮

既馮尸,主人袒,髻髮,絞帶。衆主人布文皆當在「設棜于東堂下」之上。

帶。髻音括。絞,户交反,下同。

注曰:衆主人,齊衰以下。

髮,著其節也。然則布帶者,亦於既免繼公謂:絞帶者,繩帶也。先言袒、髻

乃加之。

大斂于阼。

大斂于阼乃殯于西階,象其由主位而往

視斂也。云階東者,明大夫雖多,亦不大夫升自西階,階東,北面,東上。

可以當階,恐妨斂者之往來也。

既馮尸,大夫逆降,復位。

卿大夫之位,東方西面。

巾奠,執燭者滅燭出,降自阼階,由主人之

北東。

注曰:巾奠而室事已。

偕行也。言由主人之北,則主人之位近繼公謂:此見出時之節,且不與執事者

於階明矣。

既殯,主人説髦。説,吐活反。

飾,可以去之。髦之形象未聞 父母幼小之心。 女右,長大猶爲飾 注曰:既殯,置銘于肂,復位時也。 三月,鬋髮爲鬌,男角女覊。 至此 存之,謂之髦,所以 尸柩不 否則 · 見, 男左 喪 兒 無 順 生

集 説

没,並説之。 曰:「父死説 故,若然,則是時但當説其 復生,既 至殯乃説之者,未殯之前,孝子猶冀其 繼 公謂: **髪彼** 殯則絶望矣,乃説之也。《詩》 子事父母,必著拂髦。 兩 親没不髦是也。」 左髦,母死説右髦,二親並 髦。」兩者,爲父母俱 耳。 親 已死 孔氏 存之

三日,絞垂。

其下冠、衰、屨,亦皆以所加之次言之。 服先絞其帶之垂者,以其已在身故也。 以上亦存焉。 本,亦未絞,至此 繼公謂:《記》惟指主人也,而男女大功 注曰:成服日。絞,要絰之散垂者。 小斂之時,婦 與丈夫同絞之。 人之帶 將 雖 成 結

厭,伏 厭 者,其不用辟積乎?「縪」、《喪服》傳 也。 冠厭,亦變於吉也。 冠 所 以

冠六升,外縪,纓條屬,厭。厭,一涉反。

作「畢」,疑此誤。

倚廬,寢苫,枕塊,不説 衰三升。 屢外納。杖下本,竹桐一也。 絰 帶。 哭,晝 夜 無 居

時,非 喪事不言。 衰,初回反。 枕,之鴆反。 説,吐

活反。

意不在他也。

歠 粥,朝 一溢米,夕一溢米,不食菜果。

之育反。

注曰 一不在於飽與滋味。 實在木曰 · 果,

在 地 日 蓏

主人乘惡

車

注 也。《雜記》:「端衰,喪車,皆 日 惡車,王喪之木車也 拜君 命,拜衆賓,及有故行 無等。」然 所 乘

則

此

是王始喪所乘木車無飾,與此惡車同, 疏 云王之喪車五 日 此惡車,王喪之木車者 乘,發首云「木車 案《巾 '蒲蔽」,

故引之,見尊卑同也。

白 狗幦,幦,眉狄反。

注曰: 未成豪,狗。幦,覆笭也。 以狗皮

爲之,取其臑也。 白於喪飾宜。 古文幦

爲冪。

疏曰:案《玉藻》云:「士齊車鹿幦。」此

喪車 無飾,故用白狗幦。云「未成豪,

狗」、《爾雅·釋畜》文。

蒲蔽

蔽即第也,在車兩邊,以蒲席爲之。 吉

時或以簟、《詩》云「簟第魚服」是也。

御以蒲菆、菆、側留反。

注曰:不在於驅馳。 蒲菆,牡蒲莖。

繼公謂: 蒲菆,亦變於吉也。 吉時蓋以

竹爲策。 蒲,楊栁。

犬服

注曰: **答閒兵服,以犬皮爲之,取堅也** 

亦白。

繼公謂:不言色,似以其革爲之。

木館,館音管。

注曰:取少聲。今文館作鎋。

繼公謂:錧,轂端沓也。

約綏,約轡,

約,繩也。吉時二者皆以絲爲之與?

木鐮,鐮,彼苗反。

疏曰: 注曰: 平常車 亦取少聲。 館、 馬 鑣 以 金爲之,今用

木,是取少聲。

繼公謂:鑣,馬銜也。

馬不齊髦。

注曰:齊,翦也。 主人之惡車如王之木

車,則齊衰以下,其乘素車、繅車、駹車、

漆車與?

疏 E 齊衰以下其乘素車、 繅車、 駹車、

五八三

所乘。 緦 既 漆 車者,禮窮則同也。 車,漆之。 同,故鄭爲 後,哀殺,故齊衰以 車,與既練同。 車,齊衰乘素車,與卒哭同。 車,始死 練所 麻乘漆車,與既禫 車 與? 乘 此士之喪車亦當五乘,主人 所 今既 此 案《巾車》王之喪車五乘:木 乘,素車,卒哭所 駹車,大祥所 義 小功 橝,亦與王 也。 乘 同。 若然,士尋常 下,節級約 駹 乘 主人至卒哭以 車 以 ,與大祥 漆車 乘, 下同 大功乘 與 既 繅 乘 主 (乘惡 乘 同 車, 棧 繅 禫

主婦之車亦如之,疏布談。 婦人之車必有談,而喪 繼公謂:馬不齊髦,所謂 車 髦馬. 裧,尺占反 則 也。 以 疏 出者 布

反。

拜夫人之命,及女賓之弔者也 之,明吉時不然也。 主 婦 乘車 而

貳車,白狗攝服

注曰: 二乘,是其 乘,與其所乘者而三。 繼公謂: 三,士二乘也。 一,上公九,侯伯七,子男五,孤卿大夫 攝猶緣也。 主人、主婦皆有貳車,各得 、數也。 此貳車,亦惡車 凡貳車之數,天子 狗皮緣服,差飾 《士昏禮》謂 也 用 從 + 車 攝

其他皆如 乘 車。 乘,繩證 反。

服未詳,姑從注説

注曰:如所乘惡車

其他 繼公謂: ,謂凡器物在服之外者也 乘車,主人、主婦 所 乘 之 車 也

朔月,童子執帚,卻之,左手奉之。奉,芳勇

注曰: 之,示未用。

童子,隸

子

弟

也。

執

用

右

手,卻

注曰: 童子不專禮 事。

從徹者而入。

比,必二反。窒,一弔反。鬛,獵、葉二音。奠,埽者執帚,垂末内鬛,從執燭者而東。比奠,舉席,埽室,聚諸窔,布席如初。卒

注曰:比猶先也。室東南隅謂之窔。

是時垂末内鬛,則曏者卻之,其皆反是如初,亦東面也。執帚垂末,明已用也。繼公謂:此埽室之節,蓋於既徹則爲之。

注曰:燕養,平常所用供養也。饋,朝夕燕養、饋、羞、湯沐之饌,如他日。養,羊尚反。

與?

去污垢。《内則》曰:三日具沐,五日具食也。羞,四時之珍異。湯沐,所以洗

下室日設之,如生存也。進徹之時如其浴。孝子不忍一日廢其事親之禮。於

頃。

所有共養之事,則「饋羞湯沐之饌」是疏曰:云燕養者,謂在燕寢之中,生平時

也。

母也,不入門。」説者謂居廬時絶不人之也。《記》曰:「在堊室之中,非時見乎繼公謂:此饌蓋使人爲之,孝子不親視

朔月,若薦新,則不饋于下室。門。

注曰:下室,如今之内堂。

繼公謂:不饋于下室者,以其殷奠,且有

敦實也。

筮宅,冢人物土。

注曰:物猶相也。相其地可葬者,乃營

之。

主婦升堂,哭者皆止。日,人實反。卜日吉,告從于主婦。 主婦哭,婦人皆哭。

若不吉,其禮亦然。

啓之昕,外内不哭。

注曰:將有事,爲其讙囂。既啓,命哭。

夷牀、輁軸饌于西階東。輁,九勇反。

且番,哄妯僎于賓言。 注曰:明階閒者,位近西也。夷牀饌于

祖庿,輁軸饌于殯宫。

此主於朝祖,故於朝禰之奠降焉,蓋不其二庿,則饌于禰庿,如小斂奠,乃啓。

爲 蓋 見 可 其 與 1 士之先 異 祖 則 者 奠 廢 其 世 耳。 同 一或爲 也。 均之 而但存二庿。若先世 是 大夫 爲 日二庿皆饌、《記》惟 而 士 有三 而 庿 數 庿,至後 不同 世 無

爲大夫者,則惟一庿而已。

朝

于

禰

庿

重

止

于

門外之西,東面

柩

下,東面,北上。主人升,柩東,西面。衆升自西階,正柩于兩楹閒。奠止于西階之

于 主人東 柩 西 一升降 即 位。 自 婦 西 人從升, 階 上,主人 東面 要節 圃 奠升,設 踊 朝

注曰:重不入者,主於朝祖而行,若過之潮,下同。重,直容反。要,於遥反。

矣。門西東面,待之便也。

疏曰:主人要節而踊者,奠升,主人踊

降時,婦人踊也。

祖 繼公謂: 圃 久留於此故也。 庿 踊 ,亦其異於祖 此正柩其 重不入者,亦以 夷牀 在 一届者。 軸與? 愐 既 已,惟 奠 是 則 一時 柩 即 當 行,不 要 陳 節 於

者,西階東,北面,在下。 燭先入者,升堂,東楹之南,西面。後入

注曰:炤正柩者。先,先柩者。後,後柩

者。

繼公謂:《記》於此者,見下適祖時不用

燭也。

踊如初。 主人降,即位,徹,乃奠,升降自西階,主

矣。不拜賓,踊,襲,以成禮不在此,且主人降即位,則婦人亦東即阼階上位

奠及踊 如 欲 是。 急於 奠即 適 節 也。 祖 如 也 小 是 斂 其 時 奠 他 丈夫、婦 禮 者 之不 也。 人皆踊 如 同 初 者 謂 意 惟 設 亦

如初,適祖。 祝及執事舉奠,巾、席從而降,柩從,序從

言主人,亦文省。

之制也。 《記》載二庿者 以是言之,則古者之庿,尊者東 之儀者、蓋 西,皆有常位 相 時 柩 事,既奠則禮畢矣。 主人以下從 接也。 也。 從、從巾、席而降也。 此與 柩 主 與 過 柩 固 本篇 其 人踊之文 而 禰 無 席, 因 出 禰 昭 也。 所言者 故即適祖 庿 居 在 而 昭庿,穆居 相 如初, 西,祖 序從,柩從奠, 朝之, 屬 不 異 不見適祖 則 謂 庿 愐 初 是 出 故 在 穆庿 卑者 殯宫 無 其 東 耳。 他 事

薦乘車,鹿淺幦,干笮、革靾,載旜,載皮弁

反。世界世。系育坛。服,纓、轡、貝勒縣于衡。乗,繩證反。笮,

側

白

反。靾音泄。縣音玄。

勒。 旜, 注曰: 藻》曰 孤 有干無兵,有箙 士 卿 士 之 乘棧 所 齊 車。 建, 車 鹿 亦 鹿淺,鹿夏毛也。 無弓矢,明不 幦 攝 豹 焉 犆 貝 靾 勒 韁 甪 貝 毫玉 也。 飾

之時 之,而置 就 乃謂纓、轡、貝勒 以駕馬者。 是薦馬之時,纓、轡皆在馬之身矣。 繼公謂:勒,馬 ,人門,北 而 言與? 于此也 面,交轡。 頭絡銜 蓋 夕禮》 縣 事 于 至則 衡,其指薦馬前 也。 Ĕ 圉人夾牽之。」則 加 衡, 朝端横 「薦 之, 馬, 既 纓三 則 脱 後 此 木

道車,載朝服。

繼公謂:案注云朝夕,謂乘此以注曰:道車,朝夕及燕出入之車。

朝

夕於

君也。

槀 車 載 蓑笠。 稟,古老反。 蓑,素何 反

蓑 注 稾車之纓、轡及勒,亦縣于衡也。 日 笠,備 桑猶散 雨 服。 也。 今文桑 散車,以 爲 潦。 田 以 凡道 鄙 之車。 車、

耳。 道 車之輪,六尺有三寸。 繼公謂:《巾車》職 三車者,皆 車 輪 所異者, 稾車也。《考工記》曰:「田 與輈之高下又等,但因事名之 漆 車 也。 日 以制言之,其乘車 士乘 乘車之輪,六尺 棧車,然 則 此

寸。 有六寸。」又曰:「國馬之輈,深四尺有七 薦 田馬之朝,深四尺。」足以 車三乘,士禮 也。 此薦 車 知 即 其 遣 制

車。 禮,天子遣車九,諸侯七,大夫五,

士三。

卒 將 束 載,祝及 注 日 前 而 將於柩西當前束設之。 降 執事舉奠,户西,南 ,奠席于柩西 面,東上。

> 繼公謂 於堂上者,退立于户西,則奠近於柩,而 於柩 而先降奠席,爲卒東即 也。 先舉奠者, 辟舉 卒東前,卒東 奠故 之前 柩 也。 也。 也 東上, 此 束 舉 未 奠 畢 統

巾奠,乃牆 不當西階明矣。

注曰:牆,飾 柩也

抗木,刊

兩面皆刊也。 刊,剥 削之。

茵著, 用 荼,實綏澤焉。 著,張吕反

注曰:茶,茅 皆取其香,且 秀也。 綏,廉 薑 也

澤

蘭也。

御濕

綏澤,謂加綏澤以實之也。 繼公謂:茵以草爲著,故 文從艸。❶ 綏澤未 聞 實

葦苞,長三尺,一編。

0

注曰:用便易也。

菅筲三,其實皆瀹。筲,所交反。繼公謂:編則於苞物宜。

注曰: 米麥皆湛之湯, 未知神之所享, 不

用食道,所以爲敬。

繼公謂:此筲設于棺旁,其實宜皆用穀,

亦如殯時之熬然。

祖,還車不易位。還音旋。

注曰:爲鄉外耳,未行。

繼公謂:還車,謂還薦車也。不易位,西

者亦當東榮。❶

執披者,旁四人。披,彼義反。

注曰:前後各二人。

凡贈幣,無常。

注曰: 賓之贈也。玩好曰贈,在所有。

繼公謂:此幣亦廣言之,經言贈者奠幣

如初,又云若就器則坐奠于陳,亦可見

**儿臭,**不煎。 其無常矣。

凡糗,不煎。

者,凡食各有所宜。必云不煎者,糗之以膏,則但熬之而已。所以熬而不煎以膏,则但熬之而已。所以熬而不煎

類有煎者矣,嫌或當爲之也。

注曰:不敢留神也。堩,道也。《曾子唯君命,止柩于堩,其餘則否。坻,古鄧反。

問》曰:「葬既引,至于堩。」

繼公謂:言此者,明餘人不當行禮於堩

也。

車至道左,北面立,東上。

於擴爲西,故東上而統於擴。遣車北鄉而往,則道左乃道西也。

其位

柩至于壙,斂服載之。

● 「榮」,原誤作「策」,今據庫本改。

五八九

槽 集 説

送形而 車、道車、桑車之服 注 日 : 往 柩 迎 車 至 精 壙,祝 而 反,亦禮之宜。 載之,不空之以 説 載 除 飾,乃斂 乘

繼公案: 注 云説 載 除 飾 ,亦當作除 飾 説

載 ,説見本篇

卒窆而歸,不驅

此 車空而 亦指 無 遣 所 車 用之矣,故於既窓即 也 祝 斂 服 而 載 於棧 反。 則 云 遺

不驅 者,嫌其與去時 異。

君視斂 ,若不待奠,加蓋 而 出 不 視 斂 則

加 蓋 而 至,卒事

注 日 : 爲有他故也

往。」 繼公謂:《喪大記》曰:「君於士,既殯 蓋常禮 也。 此二者則 加 於常禮 則 丽

以 有 故 而 不 能 終始 其 事 耳

既

正

柩

,賓出,遂匠納

車于階閒

注 曰:車,載柩車。 其 車之轝,狀如牀,

> 下則前 有 轅 前 後有 後 出 軸 設前後輅, 以 軽爲: 輪。 雤 許 Ė 叔 有 重 四 굸 周

五九〇

有 輻 曰 輪 無 輻 日 輇

饌 於階閒。 以其 否。 也。 繼公謂 祖奠 車謂 遂匠 爲 八爲主 公家 一于主 既 未詳 棧 正 也 之 人之南,當前輅,北上, 人送賓,而 ~ ~ 柩 車 或 與 喪 故 賓 日遂之匠 大記》謂之國車 也。 出 人則當載 不 賓出 相屬,蓋爛 也,未知 而 納 此 巾 車 又 是 文

之。 祝

經於既 豆於北 執 饌 束,故奠少 人之南,明 事者 猶 設。 袒,但 也,是 (饌,此 此 南、當前 其在車東也。 祖奠 亦 惟言 云 略言之,以 布 即 席乃奠 祝者,祝 輅也。 如 殯 奠 主人之位 如 北 見 尊 者 初,不 其 上 也。 也 一,謂 如 初 - 言其 先設 .當 于 祝 前 主 及

弓矢之新,沽功。沽音古。

注曰: 設之宜新, 沾示不用。

繼公謂:「之新」恐當作「新之」。

有弭飾焉,亦張可也。有秘,●設依撻焉。

注曰:弭以骨角爲飾。柲,弓檠。有韣。

弛則

縛之於弓裏,備損傷,以竹爲之。《詩》

矢道。皆以韋爲之。韣,緇布爲之。今云:「竹柲緄縢。」依,纏弦也。撻,弣側

文撻作銛。

繼公謂:此言弓也。弭,弓弰也。亦張

猴矢一乘,骨鏃,短衛。 雅音候。 乘,繩證反,下可也,許其得張之。 依撻,未詳。

輖

中。《詩》云:「如輊如軒。」

同。鏃,子木反。

矢曰 翭 注曰: 翭猶候也,候物 矢 [乘。 金 鏃。 骨鏃 凡爲 短 衛,亦示不用 矢,五分笴長而 而射之矢也。 也。 羽 生時 其 四

繼公案:注云「五分笴長而羽其一」者,

以見短衛者不及其笴五分之一耳。

志矢一乘,軒輖中,亦短衛。
輔音周。

注曰:志猶擬也,習射之矢。《書》云:

後輕也。 示不用。生時志矢骨鏃。凡爲矢,前重「若射之有志。」輖,摯也。無鏃短衛,亦

後輕者,皆在鏃。此無鏃,故前後之軒鏃,且言軒輖中也。凡矢之所以於前重繼公案:注知此矢無鏃者,以《記》不見

儀禮集說卷十三

❶ 「松」,原誤作「秘」,今據庫本改。下二「松」字同。

儀禮集説卷十四

元 敖 繼 公

撰

上,文互見也。

魚、腊爨亞之、北上。爨、七亂反。

庿,亦謂殯宫。

於特豕云亨、云東

面

魚

爨

云爨,云北

饎 爨在東壁,西面。 館,尺志反。

爲食曰 爨 亦北上。 饎。 亨饎皆有爨於其所,蓋祭禮 饎 爨 在 東壁,變於吉也,其

於壁也。 也。 爨在堂下,乃云在東壁者,見 壁爨之間當容人,此 南 其 北 近 之

爨于西堂下。」

節,亦當南齊坫。

《特牲》

日

「主婦

視

館

設洗于西階西南,水在洗西,篚在 東。

注 E 亦當西榮,南 北 以堂深。

階 繼 公謂 上故 也。 此 設 凡設洗,水在外,篚在内,不 洗 在西,亦以主人位于西

亨于門外之西,變於吉祭,且别於奠也。 東面, 謂亨者也、爨亦存焉。

此

繼公謂:

五九二

## 禮第十四

注曰: 虞於五禮屬凶。

公謂: 此篇言士喪始虞之禮

士虞禮。 特豕饋食。 食音嗣

注 E 祭祀自孰 始 日 饋 食。 饋食者,食

道 也。

繼 公謂: 祭而 用黍稷焉曰饋食, 猶言饋

之以食 也。

側 亨于庿門外之右,東 注 EI . 側亨,亨一胖也 面。 亨音烹

别於東西也。 此篚 亦南順 而實爵焉。 在

尊于室中北 東,無禁,冪用 墉 絺 下, 布,加勺, 當户, 南 兩 枋。 甒 醴 酒 酒

注曰: 酒在東,上醴也

同。 西上,亦以神席 酒以飲尸,亦見其 皆異於吉也。 繼公謂:祭而尊于室中,且用一醴一酒 士吉祭,冪用給,此喪祭乃用絺 醴 在 酒 西 未 並 也。 甚 用 變於奠也。 者 尊之所上吉凶 醴 以 饗 兩 神, 甒

其 義 未聞

素几、葦席在西序下。

奠時 几筵》曰:「凡喪事,設葦席,右素几 虞乃用几,辟尊者之禮也。《周官 也,是天子之禮,未虞以前已 心調 · 司 用 几

苴刌茅,長五寸,束之,實于篚,饌于西 苴,子徐反。 刌,七本反。 長,直亮反

坫

於正。

矣。

繼公謂:云苴者,亦以其用名之。 注曰:苴,猶藉也,所以藉祭也。

兩豆菹 醢于西楹之東,醢在西, 鉶亞

饌

醢在 敦位也。 西,東上也。東上者,變於堂下之 鉶亞於醢,又在其西。 鉶不言

豕 ,可知。

從獻豆兩亞之,四籩亞之,北上。 注曰: 豆從主人獻祝,篡從主婦獻尸祝

北上,菹與棗。

南也。 也。 後薦也。 繼公謂: 北 上者,南陳。 四 此豆籩 **籩亞之,於醢之南** 兩 豆 亞之, 菹 云從 不東上西陳者,别 獻 在 者,以 鉶 西 其 醢 先 爲 在 獻 列 菹 而

原誤作「奠」,今據明本、 通本、

0

饌黍稷二敦于階間,西上,藉用葦席。 敦音

對,下並同。藉,才夜反。

在。」因上文而衍也。●《特牲禮》曰:「藉用因上文而衍也。●《特牲禮》曰:「藉用藉,猶薦也。藉敦未必有席,「席」字蓋

其東。錯,七故反,下並同。 匜水錯于槃中,南流,在西階之南,簞巾在

至此,其陳設之位與《特牲饋食》異者, 匜水, 匜中有水也, 所以沃盥。 自設洗

扇,古螢反。鼏,眉狄反。 陳三鼎于門外之右,北面北上,設扃鼏。

皆

爲變於吉。

塾

茜。

門外之右,西方當塾少南也。《記》曰:

扃,云扃鼏,文順爾。陳鼎於西,與亨于「皆設扃鼏,陳之。」此亦先設鼏,乃設

巴、俎在西塾之西。西之意同、下設鼎放此。

匕亦在俎上。

羞燔俎在内西塾上,南順

燔,炙肉也。 俎 執 則 篇言縮執匕湇俎之法,乃當其下端。 以羞之者,當北面縮執之也。《少牢》下 當在燔 時則升取之,如取物于堂。然不言肝 縮 ,肝先進,此時亦設之可 執 西,便其先取之也。 俎 者,其 言羞,見其非正 法 同 耳。 此 知。 西塾之階 俎 俎。 在 設肝 塾上, 南 俎 順

服,即位于堂,亦如之。臨,力薩反。即位于門外,如朝夕臨位。婦人及内兄弟主人及兄弟如葬服,賓執事者如弔服,皆

注曰:賓執事者,賓客來執事也。

繼公謂:葬服,主人髻髮,衆主人及兄弟

免责,受强、床至势过。 口男刀扁立,三免,而大功以上者,皆散帶垂也。 弔服,

疑 、衰、素 及兄弟在 冠 麻 東 經帶 方 賓執 也 事 如 者 朝 在 夕 臨 西 方 位 也

婦 如臨位 人及 内兄弟,其 婦人葬服 服 經 亦 無 所 如 見,蓋 葬 服 ",其位 與既 殯 亦

之服同。

降、出、及宗人即位于門西、東面南上。兔音祝免、澡葛絰帶、布席于室中、東面、右几、

問。澡音早。

親也。澡,治也。治葛以爲首絰及帶,注曰:祝亦執事。免者,祭祀之禮,祝所

接神宜變也。右几,於席近南也。

但當弔服加麻,以其接神也,則宜少異,繼公謂:祝,公有司之助喪祭者也,其服

其 本 故免而 葛 服 也 亦 一、若過 不甚相遠 葛絰帶焉。 於輕 也 然 其免也,若過於重, 輕 此 服 重 亦當 相 準,則 事 則 與其

> 其 既 與 事 賓 則已。 不 相 宗人亦公有 統。 葛 絰 帶 司 云 也。 澡 則 南 有 不 明

者矣。右几,神席南上也。

宗人告有司具,遂請拜賓如臨。人門,哭。

婦人哭。

注曰:臨,朝夕哭。

繼公謂:告主人以有司已具,遂請行祭

事也。拜賓如臨,謂旁三拜也

主人即位于堂、衆主人及兄弟、賓即位于

西方,如反哭位。

西階,東面,衆主人堂下,東面北上。」此注曰:《既夕》曰:「乃反哭,入門,升自

則異於朝夕。

爲之,本非正位,自始虞至卒哭,其位皆繼公謂:反哭之位乃順孝子一時之心而

位 如之者,蓋 也。 此 正 因此 與 婦 以 人於既 别於既祔以 小 歛 有 後 阼 吉祭之 階

五九五

異爵者焉,惟士而 反哭同也。 者,其意相類。 是時,賓皆爲執 已。 賓位于西方,朝夕、 事 而 來,無

祝入門左,北面

門内之西,祝之位也,《特牲饋食• 曰「公有司門西,北面東上」是也。 記》

宗人西階前北 面

注曰:當詔主人及賓之事。

繼公謂: 宗人即位于此者, ●以主人已 在階上故也。

右陳設即位

祝盥,升取苴,降洗之,升,入設于几東席 上,東縮,降,洗觶,升,止哭。

解升: 東縮,上西也。 則執之以入,俟時而酌,亦異於吉 止哭,❷爲祭事至。 祝洗

也。

主人倚杖,人。祝從,在左,西面

五九六

記》曰「虞杖不入于室,袝杖不升於堂」, 注曰:主人倚杖西序,乃入。《喪 服 小

然則練杖不入於門明矣。

繼公謂:凡喪祭之始,及無尸者之祭,主 人皆先祝而入室。 祝從,故人即西面,

贊薦菹醢,醢在北。

亦皆異於吉。

祝在左之義,見《聘禮

神饌之異者也。 醢在北,豆南上也。席南上而豆如之, 主婦 不設 豆及敦,未敢

同於吉也

佐食及執事盥,出舉,長在左。長,知丈反。 注曰:舉,舉鼎也。 凡事宗人詔之。 長在左,西方位也。

<sup>0</sup> 「止」,原誤作「上」,今據庫本改。 位」,明 本、通本、庫本作「立」。

繼公謂: 此云 長在左,下云佐食及 右人

載,是佐 食非 長 也。 乃先言之者 以以 其

者在西。 有常職故爾。 案:注云「長在左,西方位」, 鼎在門外北面,則舉 時長

謂鼎設于西方者之位如此,明其與設于

東方者相反也

鼎 左人抽扃鼏,匕。佐食及右人載 人,設于西階前,東面北上。 匕俎從設。

注曰:佐食載則亦在右矣。

繼公謂:設鼎 ,南北節當南於洗東,東

亦三人各兼執匕俎 面,亦順主人之面位 也。 也。 從設,從鼎入而 此執 匕俎者,

而 委于鼎北,加扃,乃執匕而匕,惟言抽扃 各設于其鼎之東。 匕西枋也。 左人 亦抽扃予左手,取 其設之法,俎東 順, 鼏

鼏匕,文省耳。

卒, 化者逆退復位

注曰: 復賓位 也

繼 公謂: 化當作匕,字之誤也

俎人,設于豆東,魚亞之,腊特。贊設二敦

于俎南,黍,其東稷。

俎

南,豕、魚二俎之南

也。

設一鉶于豆南。

設一鉶,貶於吉。

佐食出,立于户西。

既設

俎,則出

加

立于

此

矣。

後言之者

亦終上事乃及之也

贊者徹鼎。徹,直列反。

注曰:反于門外。

則此 繼公謂:以《公食禮》、《士喪禮》參考之, 徹 鼎亦當與設俎相屬爲之。言於

也。

此者,與上文之意同。

贊者,賓執事者

祝 醴,命佐食啟會。 佐食許 諾,啟會, 卻

于敦南,復位。

會如字。

如之,不盡,益,反奠之。主人再拜稽首

五九八

注曰:復位,出立于户西。

繼公謂:祝既酌醴,南面命佐食,遂於此

俟之。

祝奠觶于鉶南,復位。主人再拜稽首。

注曰:復位,復主人之左。

繼公謂:

此酌

醴用觶,别於酳

獻

也。

先

啓會乃奠,亦異於吉。主人此拜爲食具

右設饌

也。

祝饗。

注曰: 饗,告神饗也。●

繼公謂:饗辭,即《記》所云「哀子某,主

爲而哀薦之,饗」者也。

苴,三,取膚祭,祭如初。祝取奠鱓祭,亦命佐食祭。佐食許諾,鉤袒,取黍稷祭于

繼公謂:祭,爲神祭食也。鉤袒,蓋:注曰:鉤袒,如今擐衣也。❷

尸也。 其袂以 既祭乃拜者,以此饗禮成於祭也。 益之,乃反奠于故處。 者,三祭而不盡其 而饗且爲之祭,皆異於吉。 祭三,取諸左膉上。」神祭用膚,亦别 祭膚祭如初,亦于苴三也。 三者,三祭之也。每一祭畢,則反取之。 處,故祭于席。爲其污席,故以苴藉之。 繼公謂:祭,爲神祭食也。 祝取奠觶祭于苴亦三,注之不 出臂也。 爲 醴 神祭,當與 也。 主 人拜,爲饗也。 既祭,更酌 《記》曰:「膚 鉤 袒,蓋外 尸祭異 於此 盡 於 而 卷

祝祝,卒,主人拜如初,哭,出復位。下「祝」,

<sup>● 「</sup>擐」,原誤作「檈」,今據庫本改。

之又反,後「祝」祝放此。

注曰:祝祝者,釋孝子祭辭。

祖某甫」者也。 哀 繼公謂:祝祝之辭則《記》所謂「哀子某, 顯 相,夙興夜處不寧」,下至「適爾皇 如初,亦再拜稽首也。

右饗祝

祝饗與祝,皆在其位。

祝迎尸。一人衰 經奉篚,哭從尸。 衰,七回

反。奉,芳勇反,下同。

注曰: 尸,主也。孝子之祭,不見親之形 象,心無所繫,立尸而主意焉。一人,主

人兄弟。

易服也。 繼公謂"云衰絰,明其爲主人兄弟且不 祝出迎尸而主人不降者,亦變

於吉。

尸人門,丈夫踊,婦人踊。

注曰:踊不同文者,有先後也。

繼公謂:此婦人踊,惟繼丈夫之後,不以

尸行爲節。

淳尸盥,宗人授巾。 淳音諄。

注曰: 淳,沃也。沃尸盥者,賓執事者

也。

繼公謂:亦於入門左之位爲之。

尸及階,祝延尸。

注曰:告之以升。

繼公謂:《覲禮》云:「擯者延之曰「升」。」

尸升,宗人詔踊如初。

非宗人詔之也。 人後,下文放此。 至是乃云宗人韶踊,明尸入門而踊者, 如初,如其丈夫先,婦

尸入户,踊如初,哭止。 哭止,將有事也。

婦人入于房。

五九九

六00

謖,又復位而哭也。 尸人之哭也。今哭止,故入于房。及尸祭禮,婦人當在房,前此在堂者,以其有

#### 右尸人

反,下從者並同。 定,下從者並同。 定,下從者,其一之 此皆變於其吉祭也。士之吉祭,戶既 此皆變於其吉祭也。士之吉祭,戶既 此皆變於其吉祭也。士之吉祭,戶既

注曰:北,席北也。

繼公謂:立,俟其畢也。

播,人悦反。 尸取奠,左執之,取菹擩于醢,祭于豆閒。

也。下祭之類此者,皆于豆間,特於是右手取奠,予左手執之,爲右手將有事

見之耳。

祝命佐食綏祭。綏,當讀作授。

佐食取黍稷、肺祭授尸。尸祭之,祭奠。「綏」或是「授」字之誤,以下文可見。

奠先執後祭,皆尊之。

注曰:如初,亦祝祝卒,乃再拜稽祝祝,主人拜如初。尸嘗醴,奠之。

繼公謂:此拜爲祝祝也,故尸不答拜。注曰:如初,亦祝祝卒,乃再拜稽首。

於故處。嘗與啐之異同未聞。

凡祝祝之辭,皆告於神。當醴,奠之,復

佐食舉肺脊授尸。尸受,振祭,嚌之,左手

執之。

注曰: 右手將有事也。

繼公謂:於此舉之,明其不在舉數中也

下篇意亦類此。

其異者。 選,近也。士之吉祭,則並邇黍稷,此亦祝命佐食邇敦。佐食舉黍,錯于席上。

尸祭鉶,嘗鉶

注 曰:右手也。《少牢》曰:「 以 **机祭羊** 

鉶,遂以祭豕鉶,嘗羊鉶。」

泰羹消自門人,設于鉶南。泰當作大,字之誤

也,音泰、《記》同

此大羹,豕肉之汁也,後篇同。設淯於

右,亦因食生之禮,又以别於吉祭也。

胾四豆,設于左。胾,侧吏反。

尸飯,播餘于篚。飯,扶晚反,下並同。 ,醢北也。 庶羞惟用胾,亦變於吉。

注曰: 不反餘也。古者飯用手, 吉時播

餘于會。

皆然也,惟飯 繼公謂:於尸之初飯即 而已。 不食舉,未忍 言播 餘,是 同於 每 飯

吉。雖不食舉,猶左執之。

篚。

三飯,佐食舉幹。

尸受,振祭,嚌之,實于

授尸,省文,亦以尸受見之也 尸既嚌,而佐食受之實于篚。 舉幹不云

又三飯,舉胳,祭如初

振祭嚌之,下放此。 不言佐食,又不言尸受,文又省。 初,謂

佐食舉魚、腊,實于篚。

魚、腊,一魚及腊胳也。 於前後二舉不

不在三舉之數,故略之,亦喪祭異也。 舉魚、腊,此節舉之,又不以授尸,以其

必於此節舉之者,所以見前後宜舉而 不

舉之意也。

又三飯,舉肩,祭如初。

注曰:後舉肩者,貴要成也。

肩,先賤而後貴也。 繼公謂:此三舉牲之體骨,始於脅,終於 於前後體惟以肩骼

者,後體則舉其下,前體則舉其上,亦宜

爾。

舉魚、腊俎,俎釋三箇。

注曰:釋,猶遺也。箇,猶枚也。今俗或

名枚曰個,音相近。

不宜空之。此腊亦體五骨二,如其牲。 三,每俎各釋三箇。腊體之在俎者,亦三,每俎各釋三箇。腊體之在俎者,亦繼公謂:佐食於魚亦舉其五,腊又舉其

注曰:九飯而已,士禮也。篚,猶吉祭之

尸卒食,佐食受肺脊,實于篚,反黍如初

設。

有肵俎。

于豆明矣,是亦變於其吉祭者也。威儀少也。云受肺脊,則尸曏者未嘗奠同,然其間無告飽、拜侑之事,亦喪質,繼公謂: 尸九飯乃卒食,雖與吉祭之數

右尸食

北面答拜。尸祭酒,嘗之。主人洗廢爵,酌酒酳尸。尸拜受爵,主人

注曰: 爵無足曰廢爵。

繼公謂:北面,蓋於户西北面答拜,變於

吉。凡異者皆變於吉。

賓長以肝從,實于俎,縮,右鹽。

長,知丈反。

言右鹽,則肝、鹽併也。右鹽,於俎近北,便尸取之也。縮執俎,注曰:縮,實肝炙於俎也。喪祭進柢。

俎,與執者皆爲右。俎之法爾,非謂此時方實之也。鹽於繼公謂:「實于俎,縮,右鹽」,言肝、鹽在

俎。賓降,反俎于西塾,復位。 尸左執爵,右取肝,擩鹽,振祭,嚌之,加于

疏曰:加于俎,異於吉時。

者,爲尊者之賜也。

繼公謂:擩 鹽不言于,文略 耳,餘 放此

加于俎,特俎也。●

尸 卒爵,祝受,不相爵。 主人拜,尸荅拜。

相、悉亮反。

:

爵」。 注曰 主人拜送爵也。 繼公謂:不相爵,變於吉。 相爵者,《特牲》曰「 此雖不相爵,而主人猶 送爵, 祝相爵者,命 皇尸卒

### 右主人酳尸

先拜,蓋其節宜然也。

答拜。 祝 酌 授尸,尸以醋主人。主人拜受爵,尸 主人坐祭,卒爵,拜。 尸答拜。醋,才

各反。

爵 尸 無降席之禮,故 尸禮 也。 孝子於是時 祝 爲酌 乃飲 之。 酢 而 卒 不 洗 爵

### 右尸酢主人

筵祝,南 面。

也。 筵祝,蓋贊者也。 室中之席南 面,以 筵於北墉下,尊之西 西 方爲 上。 既

筵,則祝升席與?

主人獻祝。 人乃反西面位而 也,以明 之後,因而獻焉。 祝與佐食皆事尸者也,故於酳尸、獻 而 獻祝者,下 其 祝拜,坐受爵。 由 尸 P 也。 答拜 圃 得 承已飲之後,乃不 獻 坐 受 主人答拜。 爵 祝 既受爵,主 者,因尸 禮 洗 尸

薦菹醢,設俎。

亦贊薦而佐 食設俎

祝 左執 爵 祭薦,奠爵, 興, 取 肺, 坐祭,嚌

0 「特」,原誤作「牲」,今據庫本改。

儀 禮 集 説

肝、擩鹽、振祭、嚌之、加于俎、卒爵、拜。 主人答拜。 興,加于俎,祭酒,嘗之。 祝坐,授主人。 肝從, 祝取

主人酌獻佐食。佐食北面拜,坐受爵。 可 祝 祭不言絶,文省。 先奠爵,乃取肺以祭。 祭薦,亦 知。「授主人」下疑脱一「爵」字。 亦左執爵乃取肝,不言之者,同 右 手 以菹擩醢,祭于豆 以肝從,亦賓長 離肺用二手 間 於尸 也。 也。 也。 主

受爵,出,實于篚,升堂,復位。 人答拜。 佐食祭酒、卒爵、拜。 主人答拜,

復堂上東面位。

右主人獻祝及佐食

儀。 主 婦 洗足爵 于房中, 酌, 亞 獻 尸,如主人

注曰:爵有足、輕者飾也。

禮非關 惟以進 繼公謂:此不謂之酳,而云獻者,食尸之 酒者爲稱 於主婦 一故此 也 禮與彼不相蒙,而 如主人儀,則亦 北

面拜

自反兩籩,棗栗,設于會南,棗在西。 贊也。 南」是也。 「宗婦執兩籩,户外坐。主婦受,設于敦 設于室,非可言反。云自者 「反」或是「取」字之誤。 吉祭則宗婦贊之、特性 此兩籩自 明 其 禮 不 堂 用 E 丽

尸 祭籩。

牲禮》曰:「祝贊籩祭,尸受,祭之。」 祭棗栗於豆間也,亦祝取而授之。 《 特

初。 爵 祭酒,如 如 以虚 初。 初。 爵人于房。 酌 賓以 獻 祝 燔從,如 遵 燔 從, 初。 獻 佐 尸祭燔,卒 食、皆如

注曰:初,主人儀。

繼公謂:賓謂 次賓。 燔者蒙如初者,如

肝從之儀也。 皆,皆 獻祝 以下 四 事 也。

籩

位

則

豆俎西。

右主婦亞獻

賓長洗繶 爵,三 獻、燔從、如初儀。 繶,於力

反。

注曰:

**繶爵,口足之間有篆文,彌飾。** 

右賓長三獻

婦 人復位。

注曰:復堂上西 面位。

祝 注曰: 出户,西面告利成。主人哭。 西面告,告主人也。 利,猶養 也。

成,畢也。言養禮畢也。

繼公謂:上云主人升堂復位,而此 云祝

出 户西面 告利成,則主人虞祭與反哭之

> 位,皆入堂深矣。 利成未詳。

皆哭。

注曰: 丈夫、婦人於主人哭,斯哭矣。

祝人,尸謖。 謖音叔

謖,起也。 祭既畢矣,尸必俟祝入乃起

者,禮之節當然也。

從者奉篚,哭如初。

注曰:初,哭從尸。

祝前尸出户。 踊如初。 降堂,踊如初。

門,亦如之。

注曰:如初 者,出如人,降如升,三者之

節悲哀同

夫先,婦人後也。 繼公謂:祝前者,道尸也。 云降堂者,明其方降 踊 如初者,丈

於階上而即踊。

出

六〇六

#### 右尸出

### 右改設

之,亦變於吉。

牖户。 祝薦席,徹入于房,祝自執其俎出。贊闔

主人降,賓出。主人出門,哭止,皆復位

注曰:門外未入位

繼公案:注云「門外未入位」者,謂殯宫

宗人告事畢,賓出,主人送,拜稽顙。門外未入時之位也。

拜送之而已,蓋儀物相爲隆殺也。重拜其辱也。吉祭之賓有俎,主人則但繼公謂:送此賓亦稽顙者,爲徒勞之,故注曰:送于大門外也。

### 右事畢

《記》。虞,浴不櫛。

於飾也。惟三年之喪不櫛,期以下櫛可注曰:浴者,將祭,自潔清。不櫛,未在

陳牲于庿門外,北首,西上,寢右也。

注曰:言牲,腊在其中。西上,變於吉。

寢右者,當升左胖也。

也。吉時腊東首,則此時西首與?與豕序,則不在棜矣。北首、寢右,謂牲略如《特牲禮》也。西上,腊在東也。腊繼公謂:陳之亦在西方,而當陳鼎之南,

日中而行事。

日中行事,亦變於吉祭也,三虞皆然,至

祔乃質明行事,以其始用吉祭也。

殺于庿門西,主人不視。豚解。

注曰:豚解,解前後脛、脊、脅而已。孰

乃體解

,升於鼎

也

亦變於吉。主人不視殺,則陳牲之時可繼公謂:庿門,亦庿門外也。主人不視,

幣音格,與胳同。膉音益。
膚祭三,取諸左膉上,肺祭一,實于上鼎。
羹飪,升左肩、臂、臑、肫、骼、脊、脅、離肺,

知矣。

也。膉,脰肉也。注曰:脊、脅,正脊、正脅也。離肺,舉

肺

制與絶祭者同。膚祭三,以爲神祭。肺也。離肺乃與脊同舉者也,言離,見其横脊、短脅而又但用一骨,遠别於吉祭繼公謂:惟云脊脅,則是各一骨耳。無

祭一,以爲尸祭。

升魚,鱄、鮒九,實于中鼎。

且, J. J. 。 魚九, 亦未可與其吉祭同。凡士之喪奠

用魚,則九。

升腊左胖,髀不升,實于下鼎

皆設扃鼏,陳之。

腊

亦體五骨二,所謂腊如牲骨也。

注曰:嫌既陳乃設扃鼏也

注曰:猶,猶《士

六〇七

繼 後,遂因之以 始者,但 公謂 而不奠,猶未變於初也 以 喪 未 奠,於牲則 别於吉祭,故三虞之 忍 異 於 生之故 進柢, 而 魚 爲 則 時 之, 進 雖 鬐 其

東。 祝 俎 胆音豆 髀、脰、脊、 脅、離 肺, 陳 于 階 間 敦

禮》 之俎 與神 云敦 閒 執 自 禮 與? 上,則 先 事 主 鑊 亦左髀 日 有 之 實 俎 而 東者,言其 於飲,故 離肺,齊肺 於階 徑 黍 惟 同 俎 執 也。 稷 載 用 所 事 也。 間 敦 豕者,亦變於吉也。 於俎,不復升於鼎 陳 之 不 尸三俎,用豕、魚、腊。 而 ,故《記》又明著 相直 之常 因尸之食禮 俎 陳 也 脊 陳 脅,其 ,是俎吉凶 也 處 于 祝祭以 也。 階 亦 間 ^ 也 脡 離 特 同 脊、代 者, 其 肺者,是 牲 也。 此 階 列, 所 饋 不 俎 間 祝 北 食 敢 脋 實

> 北 淳 東 P 盥 面 執 宗人授巾 槃 西 面 南 執 匜 面 東 淳 面 音諄 執 巾 在 其

也。 注 日 槃以 盛棄水 也。 執 中 ·不授, 巾

卑

者之面 繼公 謂 位 淳尸 亦皆變於吉 盥,執匜 者 也。 此 執 盤

器

主人在室,則宗人升,户外北 注曰:當詔主人室事。 面

佐食 故 明 依,惟天子則 事 然則自天子至於士,其 依,如負斧依之依 獻 則 是 無 與宗人不 無 户 時 事 而 外 則 立 爲言,雖當事 止 於此。 ·, 佐 南 出户,負依 相 面 食 飾以斧 統 無 無 ^ 也 特 亦 事 中 猶云無 牲 則 庭 文耳。 南 佐 謂 中庭北 之位,故 画。 食 户 如 記》 室 屏 也 牖 日 中 負 風 之間 面 依 「佐 無 然者 但 南 IE. 皆設 食當 以 此 位 也 面 事 禮

依

於豈

到。 重新上。 鉶芼,用苦若薇,有滑:夏用葵,冬用荁,有

机。 荳音丸。

注曰:荁,堇類也。乾則滑。夏秋用生

葵,冬春用乾荁。

而用之。有柶,所以祭而嘗之也。繼公謂:若苦若薇,亦各隨其時之所有

豆實,葵菹,菹以西蠃醢。蠃音螺。

經惟言菹醢,此則見其所用之物也。言

尸

謖,祝前,鄉尸。

還,出户,又鄉尸。

還,

以西,則指其饌時。

籩,棗烝栗擇。

惟言棗烝栗擇,則是籩豆之類皆未變

爵,則其他可知矣。

也。此時尸用葦席、

素几,主人酳

以

廢

尸人,祝從尸。

門,及尸人,祝乃居後而從之。《少牢饋尸之時猶先行也。祝始出迎尸,先行人人,謂入門也。言祝從尸者,嫌其如迎

尸,使先行也。人門如是,則入户亦從食禮》曰「祝先入門右,尸入門左」,亦辟

尸可知。

尸坐,不説屨。説,吐活反,下並同。

尸久坐於室中, 事 ,則不説 屨 而 坐。 嫌 或説 <u>~</u> 少儀》曰 屨 也。 : 「凡祭, 禮 有敬

於室中、堂上無跣,燕則有之。」

階,還,及門,如出户。鄉,並音向。還,並音旋。過主人,又鄉尸。還,降階,又鄉尸。降

注曰:祝道尸,必先鄉之,爲之節。

也。 階而南行,乃過主人也。 所以道之。 也,下降階者尸也。 矣,故不必見及階之節也。 繼公謂:前者,當尸之前而行也,前行者 主人位 鄉尸還,謂先 在堂深,祝 祝先降 出 過主人則近 户 鄉尸而 上降階者祝 加 而 鄉 西行,當 户**,** 即 階 還

降, 祝 乃反 面 而 行及門。 如出户,

既

出 門又鄉 P 凡道尸之儀 在 此

尸出 ,祝反,入門左,北面復位。 然後宗人

詔

人降之節,似與經異。 迎尸 人降也,主人於是乃 祝於尸出即反,則不復前矣。 而 不送,亦終始 取 異 杖 也。 與? 詔 祝於門外 降, 此言 詔

主

主

尸服卒者之上服

吉祭者也。吉祭之尸服玄端、玄裳。 卒者,士也,其上服 則 爵 弁服 一是亦 異於

男,男尸。女,女尸。必使異姓,不使賤

者。 言之,故曰 女尸,以 在 異 孫倫者之妻爲 姓。 其 或 雖 與卒者同 之,據夫家 姓 而

> 注曰: 無尸,謂 無孫列可爲者也

前俎豆之類皆是也。 及改設饌 繼公謂: 禮 與 謂 賓 出 主 以後之事。 人 哭出復位以前之儀 如 初,謂與有尸者 薦饌,神席

同。

既饗,祭于苴,祝祝卒。下「祝」,之又反

再拜稽首、《記》將見主人哭出之節,故 雖無尸,此 儀則同 也。 主人於每節亦皆

先言此

不綏祭,無泰羹湇、胾、從獻。 綏當音授。

及肝 始於授祭,終於從獻 羹湇、胾、從獻,意亦類 當象有尸者之禮,故言不以明之。 佐食授祭也,無尸則固 綏,亦當作授。泰,亦當作 燔 俎 也。 此 記終始也,事尸之禮, 無所授矣,嫌 此。 大。授祭, 從 獻 調箋 無 其 謂

主人哭,出復位

無尸,則禮及薦饌皆如初

亦可以爲之也。

賤者,孫倫之妾也

六一〇

注 曰 於祝祝卒。

祝闔牖户,降,復位于門西。

注曰:門西北面位也。

男女拾踊三。拾,其劫反,下並同。

是時婦人亦在堂也,不入於房,與有尸

者異。

如食間。

注曰:隱之,如尸九飯之頃也。

繼公謂: 闔牖户,如食間,象神食之也,

此謂陰厭

祝升,止哭,聲三,啓户。

注曰:聲者,噫歆也。 將啓户,警覺神

也。

繼公謂:注云警覺神者,謂欲令知其將

啓户也。

主人人。祝從、啓牖鄉、如初。 鄉,許亮反

注曰: 牖先闔後啓,扇在内 也

主人哭,出復位。

西鄉。

繼公謂

鄉猶面也,謂祝在主人之左,皆

注曰:堂上位也。

卒徹,祝、佐食降,復位。

注曰:祝復門西北面位,佐食復西方位

繼公謂:卒徹者,言其節也。 比徹亦改

設于西北隅,不言之者,亦爲其已蒙如 初之文也。卒徹,祝闔牖户,乃與佐食

俱降。 佐食於此方云復位,則陰 厭之

兄弟之列。《特牲•記》曰「佐食,於旅 時,其在中庭北面與? 士之佐食,位在

宗人韶降如初。

齒於兄弟」是也。

《記》云:「尸出,祝反入門左,北面復位, 此如初,但言其與有尸者之節同也。

然後宗人詔降。」

始虞用柔日

柔日,乙、丁、己、辛、癸也。 柔日言 用,

則固非葬日矣。

息亮反 曰:「哀子某,哀顯相,夙興夜處不寧。 相

云:「於穆清庿,肅雝顯相。」不寧,悲思 助祭者也。顯,明也。 相,助 也。 《詩》

注曰:曰,祝祝之辭也。

喪祭稱哀

顯

相

不安。

繼公謂:哀子,主人也。 哀顯相,衆主

以下也。夙興夜處不寧,言其以 庿之故,日夜爲之悲思不安也。 此祝 神未 祝 祔

日明矣。 之辭也。 云夙興夜處,則始虞與

葬

不

同

敢用潔性剛 鬛

注曰: 豕曰 剛 鬛

「香合

普淖而已。 注 E : 黍也。大夫士於黍稷之號,合言 此言香合,蓋記者誤耳。

次黍,又不得在薦上。

「嘉薦、普淖,淖,女孝反

注曰:嘉薦,菹醢也。 普淖,黍稷也

繼公謂:普淖未詳。

「明齊溲酒,齊,才計反。溲,所求反。

明齊,蓋言醴也。《郊特牲》曰「 縮 酌 用

茅,明酌也」,又曰「明水涚齊,貴新也」。 蓋用明水涚醴齊,故曰明齊也。 祝祝之

衍文。

時奠用

醴

而已,不用酒

也。

云溲酒,似

「哀薦給事。 注曰:始虞謂之祫事者,主欲其祫先祖

適爾皇祖某甫

也。

注曰: 告之以適皇祖 也。 皇,君也。 某

甫,皇祖字也。若言尼甫。

其室,故於三虞皆告之以此。 尸柩已去,則神宜在庿,爲神未欲遽離繼公謂:云適爾皇祖某甫,所以勸勉之。

總

以祔祭之辭例之,當云「尚饗」,蓋庶其

響此祭也。

再虞,皆如初,曰:「哀薦虞事。」

薦虞事,見其與上文異者,惟「虞祫」二或然也。皆如初,謂日與祝辭也。曰哀繼公謂:舊説謂再虞後於始虞二日,理注曰:其祝辭異者一言耳。

蓋取諸此。不以給爲稱者,以其與大給其去就之意,故曰虞事焉。虞祭之名,字耳。虞之言度也,再告之則有使之度

三虞卒哭,他用剛日,亦如初,曰:「哀薦成

之名同

且

此

時

`猶未果給也

事。」

注曰:其祝辭異者亦一言耳。

告之以 否也。 事也。 也。 所以見義也。 神靈適祖之意已定也。此三祭之辭,皆 見其一言之異者耳。 三虞云成事者, 袝」是也。  $\equiv$ 以用剛日者,爲祔祭宜用柔日故爾。 剛 不用柔日 哭也。他者,變易之辭,猶今之言别矣。 繼公謂:三虞卒哭,謂既三虞,遂卒朝夕 心,故其爲辭先後 虞與祔 日,則三虞卒哭後於再虞三日矣。 凡此,皆所以 次言虞者,象尊者聞言 末言成者,象其 適其皇祖,乃異其某事之云者, m 日當相接,經云「明日 亦如 别用剛日,故曰他也。他 初言袷者,象啓尊者以其 初,謂祝 順孝子 有 漸, 思 辭 從容 事 慮 也。 已審 死 不迫。 則 如 成事, 事 將 度 以 生之 其 行 其 所 之 謂 謂 用 可 班

若此,此先王之道所以爲美與!

獻畢,未徹乃餞。

于濟,飲餞于禰。」注曰:餞,送行者之酒。《詩》云:「出宿

也。餞尸于外者,象神將適其祖而送之也。餞尸于外者,象神將適其祖而送之繼公謂:此承上文,謂三虞之祭既三獻

勺北枋。 尊兩甒于庿門外之右,少南,水尊在酒西,

尊,尊者之禮也。 是禮主於尸,故惟 下文言尸席設于尊之西北,是尸席西於 水尊 用 酒 在酒 耳。 用 西 一,西上 酒 而 有 也 水

是觀之,則設尊之法愈可得而見矣。無尊北也。尸席西於尊北,而尊西上,以

冪,變於祭。

洗取節於尊,是猶未離於庿門外之西方洗在尊東南,水在洗東,篚在西。

也。

饌籩豆,脯四脡。脡,大頂反

也 饌 籩 《鄉飲酒禮》曰 豆,主於 飲 也。 脯 薦 四 脯 脡, 五 脡,横祭于 猶 變於吉

有乾肉折俎,二尹縮,祭半尹,在西塾。乾音其上。」此亦有祭,《記》但見其異者耳。

干。

乾肉在俎而縮,亦變於牲。三者蓋饌於尹,正也。二尹云縮,則祭半尹橫矣。

尸出,執几從,席從。

外

西塾上之南

遵

豆在俎北

也。

素几、葦席也。以几席從,執事也。注曰:祝亦告利成,入,尸乃出。几席,

尸出門右,南面。

他時尸出則歸,此乃南面立者,或祝告

之以將有事也與?

席設于尊西北,東面,几在南。

六一四

此亦右几,明其象神。

賓出,復位。

注曰: 將入臨之位。

主人出,即位于門東少南。 婦人出,即位

于主人之北。皆西面,哭不止。

人出者,宜送神也。云哭不止,見其哭 南,如臨位,而婦人之位則當南上。 位于其北也。 主人位少南者,宜稍鄉尸,且爲婦人當 衆主人以下亦在主人之 婦

而出也。

尸即席坐。 唯主人不哭,洗廢爵,酌獻尸。

尸拜受。主人拜送,哭,復位。

是時惟主人不哭,爲將行禮也。然則亞

此見之也。主人拜送,蓋亦北面, 獻、三獻之時,主婦、賓長亦不哭,特於 如 室

中之儀。

薦 脯 醢,設俎于薦東,朐在南。朐,其俱反。

> 注曰: 胊,脯及乾肉之屈也。 屈者在南,

變於吉

尸 左執爵,取脯擩醢,祭之。

亦祭于籩豆之間。

佐食授嚌。尸受,振祭,嚌,反之。

佐食,佐食反之於俎

注曰:授嚌,授乾肉之祭也。反之,反於

繼公謂:乾肉之祭云嚌者,亦因事名之。

祭酒,卒爵,奠于南方。

卒爵而主人不拜,且奠之而不酢,皆略

也。 南方,薦右也。 後奠者又以次 而

南。

主人及兄弟踊,婦人亦如之。

主婦洗足爵、亞獻、如主人儀。 亦如之者,亦及内兄弟之屬皆踊 無從,踊如 也。

初。 佐食取俎實于篚。長,知丈反。 賓長 洗繶爵,三獻,如亞 獻,踊如初。

乾俎之實。如初,亦丈夫先,婦人後也。取俎,謂取如之也。從,從獻者也,如燔之類。踊如主人儀,謂自薦脯醢至反之之外,皆如主人儀,謂自薦脯醢至反之之外,皆

從,及大門内,踊如初。 尸謖,從者奉篚,哭從之,祝前。哭者皆

注曰:從尸不出大門者,猶庿門外無事

尸之禮也。

之禮。今餞尸在寢門外,則大門外無事以大門爲限,正祭在庿,庿門外無事尸事尸之禮」者,在庿以庿爲限,在寢門外疏曰:云「從尸不出大門者,猶庿門外無

尸之禮,故鄭舉正祭況之。

尸無拜送之禮,惟大夫賓尸乃拜送之。送之,亦男先女後。不拜者,凡主人於繼公謂:哭者皆從尸者,主於餞尸則宜

尸

、出門,哭者止

賓出,主人送,拜稽顙。 注曰:以餞於外。大門猶庿門。

注曰:送於大門外。

繼公謂:主人既復位,宗人告事畢,賓乃

主婦亦拜賓。

出也。

闈門之内。闈門如今東西掖門。 注曰:女賓也。不言出,不言送,拜之於

繼公謂:拜賓之位未詳。

丈夫説絰帶于庿門外。

注曰:當變麻,受之以葛也。夕日,則服

繼公謂:三虞事畢即説經帶者,蓋其節葛者爲祔期。

當爲之於既徹之後,此特見其始者耳。之時亦先説之。若受服及柱楣之類,皆當然也。喪服之始經帶先加,故於將變

注云「夕日,則服葛者爲祔期」,是

亦以意言之耳。

入徹,主人不與。

自主婦而下,皆得爲之矣。 主人不與,則是丈夫自齊衰以下,婦人

婦人説首絰,不説帶。

既徹 也。其緦麻者,此時亦不説,既退 終喪而除之、僧弓》曰「婦人不葛帶」是 至小祥而除之,齊衰 質,故於其所重者有除 《間傳》曰:「男子重首,婦人重帶。」婦人 之親言 乃説絰,下丈夫也。 也。 不説帶,則 期 無變,其三年者 以至小功,則皆 不以 婦 人,指五服 葛易之。 則 除

之與?

繼公謂:此節在既陰厭,主人復位之後。

者,文略也。 餞尸之時,賓亦踊矣。上《記》不見之拾踊者,謂丈夫、婦人及賓也。然則於

哭止,告事畢,賓出。

死三日而殯,三月而葬,遂卒哭。其賓出以下之儀,與有尸者同。

皆可得而定之矣。 皆可得而定之矣。 以其與葬事相屬也。記者於云遂卒哭,以其與葬事相屬也。記者於云遂卒哭,以其與葬事相屬也。記者於

將旦而祔,則薦。

薦,謂 期耳,故其 神 此薦在三虞之夕也。 也,今復薦於寢者,以神不可測 靈 於 薦 庿,則是 脯 (禮略。 醢 而 奠 時 酒 曩者既餞尸送神於外 復 也。 將以 薦 惟 于 來 主告神以祔 寢 日日 耐 **避** 告之。 明袝 已送

之,猶不敢必其往也。

卒,辭曰:「哀子某,來日某,隨袝爾于爾皇

祖某甫,尚饗!」

隋,升也。尚,庶幾也。卒謂已薦也,已

薦則祝告以此辭。

女子,曰:「皇祖妣某氏。」

注曰:女孫祔于祖母。

謂隮祔爾孫婦于皇祖姑某氏也。云孫婦,曰:「孫婦于皇祖姑某氏。」

婦者,對祖姑之稱。

其他辭,一也。

注曰:來日某,隮袝,尚饗!

饗辭日

一:「哀子某, 圭爲

而哀薦之,饗!」

注曰:圭,絜也。《詩》曰:「吉圭爲饎。」

凡吉祭饗尸,曰孝子。

辭,主人及祝皆再拜,主人出,立于牖繼公謂:饗,謂饗神也。祝既釋告祔之

某,潔爲而明薦之,享」,注豈據此 **圭爲絜與**? 響言之,然凡喪祭之響辭亦皆然爾。 主人出,祝乃徹之也。此雖主爲告袝之 云「圭,絜也」,案《大戴禮》云「孝嗣 人,祝乃釋 西,祝立于户 此 東。 饗幹。 如 食間 主人及祝又再拜。 主人及祝 而 注 訓 侯 又

明日,以其班祔。

注曰: 卒哭之明日也。《喪服小記》曰

630

吕與叔曰:禮之祔祭,各以昭穆之班「祔必以其昭穆,亡則中一以上。」

祔

遷

于新席,●故此謂之祔。 于祖庿有祭,即而祭之,既除喪而后

沐浴,櫛,搔翦。搔音爪。

注曰:彌自飾也。搔當爲爪。搔翦或爲

蚤 揃,揃或爲鬋

用

專膚

爲折俎,取諸

脰

膉

注 日 專猶厚也。 折俎 以 脰 膉 ,變於純

吉。

者,主人練祭而不旅,奠酬於賓,賓弗 爵、獻賓之禮矣。《曾子問》曰:「小祥 之俎也, 阼俎亦存焉。 用之矣。 繼公謂: 此折 惟云取諸脰膉,是不分左 俎 謂 户祝之外,凡 有此俎,則 執 一右皆 有 事 致 者

也。所以然者,祔未純吉,猶以 以專膚爲俎,且取諸 脰膉,明不 左 用 一胖爲 體 骨

舉,禮也。」然則祔祭其

無奠酬之事

與

?

者之俎實,蓋辟吉祭神俎之所用者也。 神俎,其右胖之體骨,則不敢 以 爲 執 事

其他 如饋食。食音嗣

注 日 如特牲饋食之事。

公謂:其他 謂陳設之位 與事 神

> 用 嗣尸。 之儀及執事者也

次相繼而用之,故曰 嗣尸,主人子行之次於爲虞尸者也。 嗣。 虞祔 異尸者, 以

曰:「孝子某,孝顯 若曰吉凶不可相因然。 相, 夙 興 夜 處,

小心畏

忌,不惰,其身不寧。 相,息亮反。

注曰:稱孝者,吉祭。

繼公謂:此祭兩告之,而辭乃 惟以 孝子

祝祝之辭。

爲稱者,蓋主於祔者也。

自此

以

下

·亦皆

用尹祭、

者,今不言牲 注曰:尹祭,脯 號 而云尹祭,亦記者誤矣。 也。 大夫、士祭 無 云脯

嘉薦、普淖、普薦、溲酒

注曰:普薦,鉶羹。不稱牲,記其異者。 繼公謂:普薦亦未詳

九

適 爾 皇祖某甫,以隮袝爾孫某甫,尚饗!」

注曰:欲其祔合,兩告之。

飪。 子。」」此禮差近之。 某,孝子某,薦嘉禮于皇祖某甫,皇考某 或當然也。 繼公謂:此兩告之是兩祭之也。 而用一尸,且不别設几席、薦饌,蓋祭禮 筮一尸,若昭若穆。 《聘禮·記》曰:「賜 祝曰:『孝孫 饔,唯羮 兩祭之

**春而小祥**。

注曰:小祥,祭名。祥,吉也。

之。自此以下之祭皆於祖庿,特祭新死 事中,則此未得正謂之祥也,故 除,故謂之祥。再朞而 繼公謂:三年之喪,至朞而凶 祭,祝 辭 服 或有所 以 乃 小言 E 祥

日

:「薦此常事。」 注曰:祝辭之異者。 者,不復及其皇祖,與祔異

> 繼公謂: 此見其與祔 敢用某物, 薦此常 事于皇考某甫」也。❷ 辭 之異 者耳,當 云

變除則當祭,故曰「常事」。

**朞天氣變易**,重服

至是當有變除,有

又朞 而大祥,曰:「薦此祥事。」

事。言大者,對小之稱。 凶 事至是盡除,故曰大祥,而其辭曰 祥

中月 而 潭。潭,大感反

注 曰: 禫,祭名也。 禫之言澹,澹然平安

意也。

如以乙丑日祥,則或以己卯禫矣。《記》 月者,祥之後半月,其相去蓋十五日 繼公謂: 「三年之喪,二十五月而畢」,其此之 中如中夜之中,謂半之也。 也。 中

考」,庫本作「祖」。 祝」,原誤作「祀」,今據庫本改。

謂

與?

是月也,吉祭,猶未配。 同 耳。若二庿,則遷于禰庿而後吉祭也。 靈,故不及其母,與 以之配祭也。 謂孝子之母雖先其父而卒者,此時猶未 他 戴記》言諸侯遷庿事畢,乃擇日而祭焉, 于皇祖伯某,以某妃配某氏。 敢用柔毛、剛鬛、嘉薦、普淖,用薦歲事 氏也。《少牢饋食禮》祝祝曰:「孝孫某, 注 士有二庿,則祖在東,禰在西。 正此意也。至是方云吉祭,則於祔云其 繼公謂:禫之月即安祭,所以安神。《大 !也。《記》以此繼禫而言,蓋指一 如饋食者,亦大約言之耳。 曰:是月,是禪月也。配,以某妃配某 蓋此祭主於安其父之神 (所謂 薦其歲事 尚饗! 猶未配, 庿者 者不

正誤

祝命佐食綏祭。

「墮」、「綏」皆誤,而「餒」於「授」字爲差「餒」。繼公謂:以文意求之,當云授祭。鄭本「綏」作「墮」,注曰:今文「墮」爲

近,故但取其近者。

浴不櫛。

寫者誤衍之,宜删。也。今本《記》與注首皆云「沐浴」,蓋傳浴」,則是鄭氏但從古文,元無「沐」字本云「沐浴」,而鄭注乃云今文曰「沐

# 儀禮集説卷十五

元 敖繼公 撰

特牲饋食禮第十五

注曰:於五禮屬吉禮。

繼公謂:此篇言士祭其祖之禮。

特性饋食之禮。食音嗣。

名之者,主於牲也。 特性,謂豕也。 士 祭用三鼎,乃 《少牢》放此。 以 特性

不諏日。諏,子須反。

大夫將祭 諏,謀也。 而筮 諏日,謂 有 諏 諏其筮日之日也 H 之禮 此 云不 諏

日 ,則是祭禮之序,先尊後 卑,亦可見

及筮日,主人冠端玄,即位于門外,西面。 注曰:冠端玄,玄冠,玄端。 門,謂廟門。

己,筮旬有一日」。

矣,所以下大夫,《

少牢禮

訓

日「用

矣。不諏日,

則所筮

之日

亦在

旬之内

繼公謂:筮日,筮之日也。 士筮當 朝服

今乃玄端者,不可踰其祭服也。 筮與祭

皆與神交,故主人之服不宜有異。

子姓、兄弟如主人之服,立于主人之南,西

面 北上。

注曰:小宗祭,而兄弟皆來與焉。

宗子

祭,而族人皆侍。

姓、未詳其意。 繼公謂:子姓,主人之子也。言子復言 主人之服親 疏爲序也。● 先子姓而 若行禮之次。 後兄弟,蓋以

0 「人」,原脱,今據庫本補

則 自長者始,是時 子姓而下之。 服 亦玄

,統於主人也

有司、羣執事如兄弟服、東面北上。 有司、羣執事者,公臣、私臣之共筮 事 者

賓位 此時未有賓,故有司、 ,西方東 面北上。

也。

**羣執事**皆

如

席于門中闡西、閾外。 執之,東面受命于主人。 筮 人取筮于西 塾,

同也,亦抽上韇兼執之。 云取筮于西塾,見其所饌者與《士冠禮 筮人,説見首

篇。

左,當作右 日某, 諏此某事 宰自主人之左贊命,命曰:「孝孫某,筮 ,適其皇祖某子。尚饗!」 來

言自左,似無 (儀禮))他篇凡於贊命者,皆言自右,與 少儀》所謂 詔 他義,蓋字誤耳,左當 辭 自右」者合。 惟 此 作 經

> 也。 廟 歲事 其日若吉,則庶幾其神饗之也,下筮 此,所以 之辭耳。 諡,則是指大夫之爲祖者言也,亦假 右。 放此。不言以某妃配,變於大夫之筮 加 若其祝辭,則亦當言之。 也。 來日 祭之也。某子者,祖 明其從生者之爵 士祭大夫之爲祖者,其 某, 此適其皇祖某子,謂 亦謂丁若己也。 也。 諡 也。 主人適 尚饗, 某 事 禮 稱 尸 謂 設 其 如 其 即

卒筮,寫卦。 筮者許諾,還,即 筮者執以示主人。 席, 西 面 坐。 卦者 還音旋,下並 在 左。

同。 還,亦 右還也。 寫卦,卦者也

主 卒,告于主人:「占曰吉。」長,知丈反,下除「長 一人受視,反之。 筮者還,東 面 長

長占,長者以次占之,此與旅占互見也

脅」,餘並同

若不吉,則筮遠日,如初儀。

大夫也。遠日,見首篇。繼公謂:即於其日改筮之,亦見其異於

宗人告事畢。

亦徹筮席乃告。

右筮日

某之某爲尸。尚饗!」曰:「孝孫某,諏此某事,適其皇祖某子,筮前期三日之朝,筮尸,如求日之儀。命筮

尸父,尊鬼神也。大夫、士以孫之倫爲注曰:某之某者,字尸父而名尸也。字

尸。

列,皆取於同姓之適孫也。 疏 」,然 日 . ^ 則 曲 尸 禮》云爲 1 筮 無 人子者「 父者 祭 祖 祭 則 祀 用 不 爲 孫

案: 子也。 言也。 爲尸者不必皆其孫之倫,或但以昭穆 及天子、諸侯者,天子、諸侯所祭者遠, 秋傳》曰潘尫之黨、申鮮虞之摯,皆謂 皆同也。 繼公謂:如求日之儀兼若不吉而改筮者 注云「大夫、士以孫之倫爲尸」,不 命筮之辭異,故特見之,明 前期三日,説見《士冠禮》。 某之某,謂某之子某 也。 其  $\wedge$ 春 餘 其

耳。

右筮尸

乃宿尸。

亦目下事也。

六五

主人立于尸外門外,子姓、兄弟立于主人

之後,北面,東上。

于主人之後,上當其後。 注曰:不東面者,來不爲賓客。 子姓立

吉,不即告之,乃於其既歸也,然後 時兄弟咸在,所筮者亦 繼公謂:上言筮尸如求日之儀,則 存焉。 筮之而 是 親 筮 宿

者,亦尊尸,若不敢必其西面見己然。

之於其門者,尊之

而

不 敢

荷

也。

北

血

尸 ,如主人服,出門左,西面 出門左西面,見賓客之正位也。 主人北

主人辟,皆東面 北上。辟音避

面,户

、不南面見之者,辟尊者之禮也

注曰:順尸。

皆,皆子姓、兄弟也。 立于主人之後,而上當其後也 繼公謂:辟者,起敬 也,蓋 是時子姓、兄弟亦 在 P 出 門時。

主人再拜,尸答拜

答拜,亦再拜。尸不先拜者,以將爲尸,

故變於賓主禮。

宗人擯辭如 初,卒曰:「筮子爲某尸,占曰

吉,敢宿。」

注曰:宗人擯者,釋主人之辭。如初者, 如宰贊命筮尸之辭。卒曰者,著其辭所

易也

祝許諾,致命。

注曰:受宗人辭,許之,傳命。 始宗人、

祝北面,至於傳命,皆西面受命,東面釋

之。

繼公謂:祝,事尸者也,故於此即使之致

命,以見其意云。

尸 許諾,主人再拜稽首 注曰:其許,亦宗人受於祝而

繼公謂:拜稽首,亦尊尸也。

尸既許諾,

告主人。

638

耳。

筮尸、宿尸、宿賓皆同日爲之,故下

則成爲尸,故於此不答拜

尸人,主人退。

退,尸送,揖,不拜。」 夕幣,乃揖 人而不揖,辟君禮也。 尸既許諾,則 而先入,見其 而先 有 尊,亦變於大夫尸也。 祖道,故不俟主人之退 人。 《少牢》云:「主人 《聘禮》公與羣臣 先

右宿尸

宿賓。 主人東面答再拜。 賓如主人 服,出 宗人擯曰:「某薦歲 門左, 西 面 再 事, 拜。

吾子將涖之,敢宿。」 注曰:歲事,歲時之祭事

儀,如《士冠禮》所記者,經不見之,文略 許之矣。然則筮日之後,亦當有戒賓之 繼公謂:此云吾子將涖之,是曏者賓既

文别云「厥明」以别之。

賓曰: 「某敢」 不敬從!」主人再拜,賓答拜。

主人退,賓拜送。 主人宿辭,擯者釋之。是賓之對辭,亦 擯者傳之矣。 然則凡主人親戒宿,其儀

右宿賓

皆然,經不盡見之也。

厥 明夕 , 陳鼎于門外, 北 面 北 上,有 鼏

門外不言東方,可 放祭時陳鼎之位也。 知也。 鼎 而 北 鼏,亦爲不宜 面北上,亦

塵。

棜在其南,南順,實獸于 足左右出故也。 獸,腊也。 獸言東首 士腊 用免。 圃 其上,東首。 不及足者,以其

牲 在其西,北首,東足。

注曰:其西, 棜西也。 東足,尚右也

六二ハ

不用棜,以其生。

在棜 上 繼公謂: 疏 也。 曰 而 豕,縛其足陳之。 以其未即殺,故生死不可以 豕反居 此士之吉祭,牲宜東上。 西,又異其所 東足,寢其 鄉,是 相統 無 今腊 左。 所

對,下並同。 劉在東房,南上。几、席、兩敦在西堂。敦音設洗于阼階東南。壺禁在東序。豆、籩、

與?

右房,於此見之矣。 之,故南上之文惟主於器。士家亦有左之,故南上之文惟主於器。士家亦有左豆、籩、鉶,蓋在東房之東墉下。南上豆、籩、씠,

主人及子姓、兄弟即位于門東,如初。

注曰:初,筮位也。

此時方脩祭事,助祭之賓宜來視之,以賓及衆賓即位于門西,東面北上。

時有司之屬不在賓位也,審矣。 東上。私臣門東,北面西上」,足以 所矣。下文云「宗人、祝立于賓西北,東 此,則公臣、私臣不敢與之齒 東面 面南上」,又《記》曰「公有司門西,北 其不在曏者有司、 北 上,而不蒙 如 **羣執事之中**, 初之文。 賓 而 位 故 既 于他 明 位 此 祭 面 雖

宗人、祝立于賓西北,東面南上。

位在此。南上,宜變於賓。 祭事將至,宗祝之位宜異於有司,故外

主人再拜,賓答再拜。三拜衆賓,衆賓答

再拜。

主人揖入,兄弟從,賓及衆賓從,即位衆賓答一拜,言再者,字誤也。

于堂

下,如外位

不言者,省文也。子姓之人亦先於兄如外位,則子姓、宗人、祝皆在其中矣。

弟,宗祝之人宜後於衆賓。

宗人升自西階,視壺濯及豆籩,反降,東北

面告濯具。

文也。東北面,鄉主人。濯具,謂所濯言濯,以見其餘。不言敦、鉶、几席,省宗人亦既立於賓西北之位乃升。於壺

者已具也。此亦有不必濯者,乃云濯具

者,総言之耳。

賓出,主人出,皆復外位。

惟言賓、主人出,文又省矣。

宗人視牲,告充。饔正作豕。●

注曰:充猶肥也。北面以策動作豕,視

聲氣。

繼公謂。饔正,亦公有司給事者也。云

響正者,以事名之。●

宗人舉獸尾,告備。舉鼎鼏,告潔。

備,具也。此所告之儀亦皆東北面。

請期,曰:「羹飪。」

注曰:期,祭早晏之期也。

繼公謂:言以羹飪爲節,則質明可知。

蓋東面既得期,西北面告賓,東北面告請期而主人自告之,亦異于大夫請期,

兄弟。

告事畢,賓出,主人拜送。

送于外門外。

右視濯、視牲、爲期

夙興,主人服如初,立于門外東方,南面

視側殺。

注曰:側殺、殺一牲。

繼公謂:服如初,冠端玄也。東方,蓋當

▶ 「饔」,明本、通本、庫本、注疏本皆作「雍」。

此兩處「饔」字,明本、通本、庫本皆作「雍」。

六三〇

東塾少南、鼎之西也。

主婦視饎爨于西堂下。

站。古文饎作糦、《周禮》作龥。 注曰:饎、宗婦爲之。爨近西壁,南齊于

繼公謂:視之當東面,爨亦東面。

亨于門外東方,西面北上。亨音烹。

鼎之處則又東矣。北上,豕爨在北,魚、此亦以亨者見爨之面位也。東方,於陳

腊亞之。

羹飪,實鼎,陳于門外如初。

如初,則上文所謂門外亦其東方明矣。門外東方,北面北上。謂此時也。是言初,視濯時也。《士昏禮》:既實鼎,陳于

尊于户東,玄酒在西。

注曰:户,室户。

實豆、籩、鉶,陳于房中,如初。

注曰:如初者,取而實之,既則反之。

《記》 兄弟之豆籩亦皆二以並,相繼公而陳之 在東堂」,然則祝、主人、主婦、賓長、長 繼 公 曰「賓與長兄弟之薦自東 謂: 如 初, 亦 如 其 南 上之 房,其餘 位 也

於鉶之北矣。

執事之俎陳于階間,●二列,北上。

注曰"二列者,因其位在東西。不升鼎

者,異於神。

弟之俎則當次于兄弟也。 所包者廣,與前後所云者不 則阼俎爲上,西 祝以下之通 繼公謂:執事,謂凡執祭事者也,主人 稱。 列則祝俎 其俎,二 此執 爲上,其 列北 同 上, 事之文 内 東 兄 及 列

堂,如初。盛兩敦,陳于西堂,藉用萑,几席陳于

西

● 「間」,原作「前」,今據明本、通本、庫本改。

注 三三: 盛 黍稷者,宗婦 也。 盛音成,下同。

藉,在夜反。 在音桓。

尸盥匜水,實于槃中,簞巾,在門内之右。 初,則上經「在西堂」之下其有脱文與? 繼公謂:盛乃藉之,重黍稷 也。 此云如

槃匜,説見《公食大夫禮

亦匜在槃中,南流,簞巾在其右。

盥

以

祝筵几于室中,東面 几亦右之。

右亨饎、陳設

主婦纚笄宵衣,立于房中,南面

大夫妻祭服

緣衣侈袂,則此宵衣

乃

次

于

者,見其無異 緣衣者耳。 纚笄,士妻首飾之常。 飾也。 凡婦 人助祭者,與 言之

主婦同服

主人及賓、兄弟、 羣執事,即 位 于門外,如

初。

可。 如初者,其文主於兄弟以上,而 北,其他則在門 此於賓、兄弟之下言羣 有司、私臣 上經不見門東、門西之位,而亦云 而 言也。 西若門 宗 東,與 人、祝 執事, 其 亦 則是指公 略于羣 在 在 内 賓 位 西

執事 也。

宗人告有司具。

告主人也,告之亦宜東北面,既告則反

于賓西北。

主人拜賓如初,揖 入,即位,如初

初,視濯時也。

佐食北面立于中庭。

宜異其位也。此中庭謂東西之中,其南 兄弟之位,至此乃立于中庭,以事將至, 食于旅齒於兄弟」是也。 佐食,主人兄弟之佐尸食者,《記 曏於門外猶在 》曰「佐

北 則參分庭 在北 與

右即 升, 位

内。 主人 及 祝 祝先 入,主 一人從, 西 面 于 户

注 盥 食禮》曰:「祝盥 ,升自阵階,祝先人,南面 日 : 祝先入,接神宜在前 于洗,升自 也。《少 西 階, 主人 牢 饋

先升後人,蓋俟於堂。 繼公謂: 云「祝先人,南面」,蓋疑此經有闕文也, 云「及祝」,則是主人先 案注引《少牢》 升 也

恐或然。

主婦盤 于房中,薦 兩豆,葵菹 蝸 醢在 北。

注 日 盤,盤 于 内 洗 蝸音螺

宗人 此 執 遺 事 佐 謂 食及執 左 人及取俎匕者,賤於右人, 事盤,出

> 故先出。 不遺賓長者,賓 長與 主 人 皆 在

牲鼎。 主人降,及賓盤,出。 右,宜同 賓長在右,及執 出 也。 主人在右,及佐食舉 事 舉 魚、腊 鼎

除

鼏。

右人。 吉事除 也。 長賓在魚鼎之右,衆賓長在 主人降,亦宗人詔之也。 然則 鼏 于外,凶事除 魚腊之左者,亦衆賓 鼏 于 賓長在右, 内。 腊鼎之右 與? 除 鼏 亦 凡 謂

宗人執畢,先入,當阼階,南面 枇、畢 亦用 長三尺,畢 注曰:畢狀如义。《雜記 棘 同 心 材 明矣。 用 少牢饋食及虞無义者,乃主 桑,三尺,刊 今此 朼 》 曰 用 其 棘 本 心, 枇 與 用 則 末。」 桑, 畢

虞,喪祭也,主人未執事。 人不 親 舉耳。少牢,大夫祭 袝、練、 不親舉。 八祥執

事用桑义。

於洗西 畢 臣 反之於外 者,以主人親舉,重其事也。 大夫則當東序,國君則 當錯于此爲之節也。 處也,故宜先人。 繼公謂:宗人執畢,所以指教其錯 師設 但主於指教設器者明矣。 福。 [與? 而復 司馬正東面,以弓爲畢」,則 鼎入設,當阼 位 與?《大射儀》曰「小 當作階 其南北之節,亦南 在碑 南 階,士禮 南。 鼎既錯,則 面者,示其 此用 鼎之 也, 畢

下同。 鼎西 面錯,右人抽扃,委于鼎北。 錯,七故反

注曰:右人,謂主人及二賓。

位 繼公謂: 也。 上者 鼎錯於東方西面,順主人之面 亦 南 于洗西,右人既委局

> 皆西 面,俟于鼎東。

贊者錯俎,加匕 西 注 日 縮 加匕,東 贊者執 俎及 柄, 既 匕從鼎入者,其錯俎 則退,而左人

北

面

也。

而錯俎 各合執二俎,一人兼執三匕、與? 西塾之西」,此士吉祭,當反之也。 在豕俎之北也。 匕、俎于東塾東者,《士虞禮》「匕、 繼公謂:贊者取 于鼎 西,加匕於鼎上,而 匕、俎于東塾東,執 此贊者蓋三人,其二人 肵 俎在 知取 俎 以 亦 上

乃朼

注曰:右人也,左人載之。 繼公謂:朼,亦當作匕。

佐食升肵俎 注曰: 肵俎,謂心舌之俎也。《郊特牲》 「肵之爲言敬也」,言主人之所以敬 , 鼏之, 設于阼階西。 斯 音 祈

尸。

卒載,加匕于鼎。主人升,入復位。

賓、匕者於是亦復位。

繼公謂:《少牢禮》曰:「序升自西階,相

從人。」

芼,設于豆南,南陳。 主婦設兩敦黍稷于俎南,西上,及兩鉶,●

宗婦不贊敦、鉶者,辟内子禮也。凡敦、鉶不言北上者,其實同也,亦先設北者。

祝洗,酌奠,奠于鉶南,遂命佐食啓會。佐

鉶皆特執,於《少牢禮》備見之。

禮》:啓會,乃奠之。 沒曰:後酌者,酒尊要成也。《少牢饋食食啓會,卻于敦南,出立于户西,南面。

而云奠,因事名之。

繼公謂:酌奠,酌其所奠之酒也,不云酒

注曰:祝在左,當爲主人釋辭於神主人再拜稽首,祝在左。

淖,用薦某事于皇祖某子,尚饗!」

祝祝

曰:「孝孫某,敢

用剛鬛

嘉薦

普

也。

祝在左,則曏者南面信矣。祝在左,説繼公謂:主人拜,爲食具也。於此乃云

見《聘禮》。

此拜,爲己祝也。

卒祝,主人再拜稽首。

●「兩」,原誤作「西」,

「兩」,原誤作「西」,今據明本、通本、庫本及注疏本

### 右設饌祝神

祝迎尸于門外,

而請、《周禮•掌次》:「凡祭祀、張尸 注曰:"尸自外來,代主人接之。就其次

次。

主人爲之也。門,廟門。 人迎之耳。其或有拜妥尸之類,乃從於 繼公謂:迎尸不拜者,禮不主於己,代主

主人降,立于阼階東。

已,出迎則爲厭。 尸,則主人乃父道。事神之禮,廟中而 之孫也。 注曰:主人不迎尸,成尸尊。尸,所祭者 祖之尸,則主人乃宗子。 禰之

於洗西與? 此,則子姓、兄弟在主人之南者,其亦南 繼公謂:阼階東,亦直序西面,主人位於 案。注之「厭」字蓋用《喪

服》傳文也,似失其義,欲改作屈。

尸 .人門左,北面,盥,宗人授巾

巾,賤也。 注曰: 侍盥者執其器就之,執簞者不授 《少牢饋食禮》曰:「祝先入門

右,尸人門左。」

尸至于階,祝延尸。尸升,人。祝先,主人

從。

人,祝從。主人升自阼階,祝先入,主人 注曰:《少牢饋食禮》曰:「尸升自西階,

右尸人

尸即席坐,主人拜妥尸。尸答拜,執奠。

祝饗,主人拜如初。 注曰:

「孝孫某,圭爲孝薦之饗。」舊説云:「明 饗辭取於《士虞·記》,則宜云:

公謂:饗,饗神也,凡饗祝之辭,雖 或

言於尸之前,實主爲神也。● 如初,再拜

稽首也。 案: 注引舊説, 蓋 據《 戴

禮》而言也

祝命挼祭。尸左執觶,右取菹,堧于醢,祭

于豆間。接,當讀作授。 換,如悦反。

授尸祭,尸於是祭薦,欲及其授祭之節 接祭,即授祭也。 挼字蓋 誤。 祝命佐 食

也。

佐食取黍稷肺祭授尸。 尸祭之,祭酒 啐

之,告旨。主人拜,尸答拜。

酒,告旨。

主人拜,尸奠觶答拜。

祭鉶

之美,達其心,明神享之。 注曰:酒與鉶,齊敬共之,惟恐不美。

告

繼公謂:"尸告旨而主人先拜者,'尸尊也。

祝命爾敦,佐食爾黍稷于席上。 他篇言爾敦者,爾黍而已,此併及稷,未

詳。

六三六

設大羹清于醢北。大音泰。

注曰:《士虞禮》曰:「大羹湇自門人。」

神位,故變於常禮也。 繼公謂:此湇爲尸設,乃在左者,以其居 虞禮淯在右者,

舉肺脊以授尸。 丧祭也。凡祭而設清,尸皆不以之。 尸受,振祭,嚌之,左執

之,乃食,食舉。

乃食,乃以右手食食也。 既食食,則

舉,所以安之。

主人羞肵俎于腊北

所俎一而已,故主人**可** 以 親 設之。 神俎

牢禮》曰:「主人羞肵俎,升自阼階。」 多,宜使賓也。不言降與升,文省。《少

尸三飯,告飽。祝侑,主人拜。飯音反,下同

0 「實」,原誤作「實」,今據庫本改。

食

或曰 注 曰:三飯告飽,禮一 又,勸之使又食。 《少牢饋食禮》侑 成 也。 侑, 勸 也

辭曰:「皇尸未實,侑。」

繼公謂:此祭以饋食爲名,故當食,而 尸

尤尊,雖主人拜亦不答也。

于肵俎。 佐食舉幹。 舉獸幹、魚一,亦如之。 尸受,振祭,嚌之。佐食受,加

注曰: 幹,長脅也。 獸,腊。

繼公謂 體若骨者,明主人以此供尸食也。 ・此一舉 也。 凡於尸每 食必 舉 是 牲 雖

連 主於性,而總爲一舉耳,下文放此 舉三俎之實,然 同 時相接爲之,故但

耳。 案 尸俎有長脅、短 注云幹,長脅也,今考長脅即 脅,凡舉脊 脅 必 正 以 脋

尸 實舉于菹 豆

正

者,故知此幹爲長脅也。

於既三飯 而奠舉,士吉祭之禮然爾。 士

> 佐食羞庶羞四豆,設于左,南 虞則 不食舉,卒食乃授之,是其異也 上,有醢

尸又三飯,告飽。 者,胾 之也。左,亦醢之北, 滑之南 豆乃不綪者,統於正 少牢饋食禮》羞兩胾、兩醢 列,故此豆雖 醢 相間 兩胾各在 有四,亦不宜績以 祝侑之如初。 豆也。 醢 之 Œ 此 也。 南 豆 舉酪及 亦當放 異之。 也 兩 南上 而 爲 四

獸、魚如初。

注 曰:禮再成 也。 獸、魚 如 初 者,獸骼

魚一也。

繼公謂:此 再 舉 也

尸又三 飯,告飽。 祝侑之如 初。 舉 肩及獸

如 初。

注曰:禮三成。

佐 食盛肵俎,俎釋三个。 繼公謂 此三舉 也。 潤 謂 潤 肩。

六三七

者,亦宜放之。其正脊、長脅、短脅與腊 俎三个,蓋如牲俎也。 皆俎實之下者也。然則此牲俎之所 注 繼 少牢饋食禮》於每牲之俎惟 公謂: 日 8 佐食取牲、魚、腊之餘,盛於肵 俎 釋三个,不可 遽 空神俎 釋脊、脅, 俎 也。 釋

其所,俎南也。肺、脊在菹豆。此蒙佐食之文,皆謂佐食舉之反之也。舉肺、脊加于肵俎,反黍稷于其所。

### 右尸食

祭,嚌之,加于菹豆。

卒角,祝受尸角,曰:「送爵,皇尸卒爵。」主置肝于菹豆,尊者之吉禮然也。

人拜,尸答拜。

深見其尊尸也。祝釋辭,其東面於尸席簽言之者,見送爵之辭爲指主人。尸卒幾言之者,見送爵之辭爲指主人。尸卒幾三之者,見送爵之辭爲指主人。尸卒

前之東與?

祝酌,授尸,尸以醋主人。醋音昨。

祝不洗而酌,注見前篇。

主人拜受角,尸拜送。主人退,佐食授挼

祭。

象尊者賜之食然。 《《明·以神俎、敦之黍稷、肺祭授之者,《《《明·此》授》字亦因與「授」字相類而注曰:退者,進受爵反位。古文醋作酢。 挂音卦

主人坐,左執角,受祭,祭之,祭酒,啐酒,

進聽嘏。

進 禮》之所言者參之,則此 文云親嘏,主人 聽嘏 進 於尸前 是 而 也。 聽 其嘏己之辭。 又以《少 | 嘏云者,蓋 牢 致 饋 福 食 下

於人之稱。

佐食摶黍授祝,祝授尸。尸受以菹豆,執

以親嘏主人。

注曰:獨用黍者,食之主。

繼公謂 大夫禮也。 尊者,故特取之以 饋食之禮主於黍 《少 牢 饋 通 其 食 禮 意 **黎**,而 焉 所 然 載 嘏 則 黍 辭 遠 又其 乃 辟

彼異。

祝

傳尸

嘏者也,此尸親嘏,其

辭之首與

實于左袂,挂于季指,卒角,拜。尸答拜。主人左執角,再拜稽首受,復位,詩懷之,

注曰:實于左袂,便右手也。

皆異 繼公謂 主人拜受黍,而尸不答拜者,以其 挾於袂,然猶挂之者,慮拜時或遺落也。 字未 挂袂於指,●以黍在袂中故也。古者袪 之」,亦此 詳 於大夫也。 或日 : 左執角,爲右手將有 意 也。 敬慎之意,《内則》曰「詩 季指,左手之小指也。 拜不奠爵,受黍不祭, 事 也。 (受神 負

惠故也。

主人出,寫嗇于房,祝以籩受。

言嗇、《少牢》言嗇黍,皆未詳。出,亦執角以出也。 籩,虚籩也。 此單

右主人酳尸、尸酢主人

筵祝,南面。

● 「袂」,明本、通本、庫本作「袪」。

六三九

六四〇

筵祝,蓋於其立處之西,亦有司爲之,下

放 此

主人酌,獻祝,祝拜受角。 主人拜送。 設

菹醢 俎

繼公謂:《士虞》與《少牢禮》皆云「祝與 注曰:菹醢,皆主婦設之,佐食設俎。

佐食坐受爵」,此不言坐,如之可知。 菹

醢,葵菹、蝸醢 也。

祝左執角,祭豆,興,取肺,坐祭,嚌之,興,

加于俎,坐祭酒,啐酒

此 與絕者,亦文略耳。《記》曰:「祝俎離 嚌之,既,執角,乃祭酒,不言奠角、執角 離肺也,當奠角乃興,取肺,坐絶祭, 肺

祭,嚌之,加于俎,卒角,拜。主人答拜,受 以肝從。祝左執角,右取肝, **拠于鹽,振** 

角。

酌,獻佐食。 佐食北面拜受角,主人拜送。 加于俎。」 之儀亦放此。 肝加于俎,辟 尊者禮也,下文主人、主婦 《少牢饋食禮》曰:「不興

佐食坐祭,卒角,拜。 主人答拜,受角,降,

反于篚,升,入復位

上不言坐,故於祭見之。

右主人獻祝、佐食

主婦洗爵于房,酌,亞獻尸。

亞獻更用爵,以見主人之用角者,有 爲之耳。 獻 以 爵,正禮也。 獻尸不夾 爲

拜,辟内子之禮也

尸拜受,主婦北面拜送。 之妻拜於主人北,西 注曰:北面拜者,辟内子之禮也。 面

大夫

宗婦執兩籩,户外坐。主婦受,設于敦南

注曰:兩籩,棗、栗,棗在西。

室中,亦異者也。《士虞禮》「籩設于會也。《少牢饋食禮》主婦與贊者授受於繼公謂:宗婦贊豆籩,户外坐,士祭禮然

祝贊籩祭。尸受,祭之,祭酒,啐酒。

南」,此宜如之,乃不云會者,可知也。

注曰: 褒祭,棗栗之祭也。其祭之,亦於

豆祭。

祭以授之也,亦左執爵乃受之。繼公謂:惟云尸受,則是祝皆取二篡之

兄弟長以燔從。尸受,振祭,嚌之,反之。

、取燔於俎,乃云受者,羞燔者執俎以

此亦左執爵乃受燔。 進之,亦相授之義也,故於尸以受立文。

羞燔者受,加于肵,出。

尸反其燔于俎,羞燔者則以俎受之也,

既則執之以加于肵。

尸卒爵,祝受爵,命送如初。

注曰:送者,送卒爵

繼公謂"初,亦主人儀也。

酢,如主人儀。

尸拜送,如酢主人也。不易爵,辟内子注曰:尸酢主婦如主人儀者,自祝酌至

之禮。

爵,右撫祭,祭酒,啐酒,人,卒爵,●如主人主婦適房,南面。 佐食接祭。 主婦左執

儀。

人于室中,北面而立飲。如主人儀,謂子也。既撫,則佐食以祭置于地。主婦佐食授祭,主婦撫之而不取,亦異於内佐食授祭,主婦撫之而不取,亦異於内接,亦當作授。祭,亦謂黍稷、肺祭也。房中南面,主婦之正位也,經因事見之。

❶「卒」,原誤作「座」,今據庫本改。

卒爵拜,尸答拜也。入室卒爵,亦以曏

者於此拜受故也。

# 右主婦獻尸、尸酢主婦

獻祝,籩燔從,如初儀。

祭之之儀則同,故 餘則如之也。 儀,即主人獻祝之禮,此惟無祭俎一節, 内子之禮,蓋男子不承 主婦當更酌洗于房 籩與豆、燔與肝,雖異,其 亦 中,乃 蒙 婦 如 酌 初。 人 獻 爵 祝 祝 也。 亦 略 兩 如 初

及佐食,如初。卒,以爵入于房。

**籩**,其設之,棗在菹西,栗在棗南

注曰:及佐食如初,如其獻佐食,則拜主

人之北,西面也。

食,皆西面於主人之北,答拜之。獻佐食之儀。《少牢禮》:主婦獻祝及佐繼公謂:及,謂獻及之也。初者,亦主人

# 右主婦獻祝、佐食

賓三獻如初。燔從如初。爵止。

注曰:初,亞獻也。

賓長 焉。 爵,既而遂獻賓以 止爵以見其意,於是主人、主婦交相 之末,亦欲主人而下皆受舉爵之禮,故 初,謂尸拜受,主婦拜送也。 繼公謂。不言洗爵、升、酌,可知 亦出 其 爵止之節,在 而復位 至於私人,而終尸意 羞燔者出之時也。 。尸於舉 也。 致 如 酌

右賓長獻尸酌止

席于户内。

注曰:席自房來。

亦南上。未受爵而設席,變於大夫。繼公謂:設席蓋於主人所立處之南,席

主婦洗爵,酌,致爵于主人。 主人拜受爵

主婦 拜送爵。

注曰: 主婦拜,拜於北 面也

物,不可以獻爲名,故謂之致爵。 繼公謂: 是亦獻也,乃不云獻者,酒乃己 亦拜

受于席。

宗婦贊豆如初。 主婦受,設兩豆、兩籩

注曰: 初,贊亞獻也。

之,省文耳。 繼公謂:贊豆,贊豆與籩也,此豆兼籩言 如初,户外坐也。 主婦受

於戶外,而設於席前,其豆則菹在北,其 籩則棗在菹北,栗在 面,設籩南面與? 此宗婦贊者亦一人 棗 西 也。 設 豆 東

俎人設。

耳,既授兩豆,復取兩籩于房。

注曰:佐食設之。

疏 《有司》:不儐尸者,主婦致爵於

主人時,佐食設俎。

繼公謂:設于豆西。

主人左執爵,祭薦。宗人贊祭。

祭酒、啐酒。

取

肺,坐絶祭,嚌之,興,加于俎,坐捝手,

奠爵,興,

此贊祭薦,蓋以籩祭授之。

祭離肺之

儀、鄉飲酒禮 一》備 矣。

肝從。左執 爵,取肝堧于鹽,坐振祭,

之。宗人受,加于俎。燔亦如之。

爵矣。 亦如之。 尸、祝之兩獻者同,見其尊也。 「坐」字衍。宗人既受肝,則主人復 一進酒 而 兩進 從 俎者,欲 主 一婦禮 其 右 與 執

興,席末坐,卒爵,拜。

者,亦因尸禮也。 處也,曏者受爵在所設席之北。不降席 席末,席上之北,於此卒爵,近於受爵之

六四三

嚌

主婦出,反于房。答拜。坐祭,立飲,卒爵,拜。主人答拜。主婦答拜,受爵,酌,醋,左執爵,拜。主人

在手。」 「左」字非誤則衍、《内則》曰:「凡女拜尚 下自酢之義皆類此。 反,奠爵于篚也。 下自酢之義皆類此。 反,奠爵于篚也。 主人辟尸,不敢酢主婦,主婦達其意也。 主人辟尸,不敢酢主婦,主婦達其意也。

復位。

# 右主婦致爵于主人,自酢

薦豆俎,從獻皆如主人。南面。主婦拜受爵,主人西面答拜。宗婦主人降,洗,酌,致爵于主婦。席于房中,

致爵 於大夫不賓尸 不言升酌,文省耳。主人於主婦亦謂之 者,夫妻一 之禮 體 也。 也 主 亦 婦 拜受于席。 席 南 面 變

> 主人更爵,酌,醋,卒爵,降,實爵于篚,入, 中之北堂。 也,所異者,其不用贊 燔 豆 也。 亦 兩 皆 豆 如 兩 主 遵。 人, 俎, 謂 牲 與 其 ? 俎 受 也。 爵 此席蓋 以 從 前 獻 於房 之 禮 肝

耳。 醋于房中者得由便爲之,不然則否。 略而不見之。卒爵則坐,惟此與主婦 他儀皆與主婦自醋者略同,以有成禮,故 因尸之醋禮也。 爵,雖自醋猶更之。 而洗之者,以其自醋 更爵,更取在内篚者也。 男子不承婦 位,室中位。凡男子易爵于内篚,惟 此醋亦 内篚在洗東,乃不 也。 在房中, 自醋而 不洗 西 「面,其 亦亦 異 因

三獻作止爵。 右主人致爵于主婦,自酢

起也。舊説云:賓人户,北面,曰「皇尸注曰:賓也,謂三獻者,以事命之。作,

請

舉

爵

俟 止 繼 公謂 一爵意 畢獻乃爲之,則久留尊者之爵,非 矣。 致爵之禮 於此 丽 成,亦足以少 作 IE. 爵,亦宜 也。 塞尸 之 所

人,卒,復位。 于主人、主婦,燔從皆如初。更爵,酢于主尸卒爵,酢。酌獻祝及佐食。洗爵,酌,致

以

爲

敬

賤,新之。 注曰:洗乃致爵,爲異事,且以承佐食,

佐 爵 上 佐食,則室中 繼公謂:賓獻 食,亦 禮 以 也。 至 及 西 皆,皆尸 佐食,如主人酢獻之禮也。 面 一之事 拜 祝 於主 卒爵 亦 畢 北 矣,乃復致 人之南 面 以 拜於户 下也, 也 爾者 自尸 西。 賓既 卒 因 獻 致 獻

> 降與升酌,又不言如初,亦文省。 主人者,爲禮主於尊者也。 殺 此 亞 婦 于主人者, 酢,其義與主人之自酢者同。 則 於初者也。 獻 者,如主人致 祝及 是其從 致于主人、主 如主 獻之物 致于主人、主婦乃 爵 婦致爵之禮 之禮 僅有此 也。 婦 之禮 也。 燔 耳, 賓 更 從者, 更 爵 惟 亦 致 也 爵 見 于 酢 不 自 其 如 主 于

食致于主人,主婦自酢右賓作止爵,尸酢賓,賓獻祝,佐

注曰:拜賓,爲將獻之。如初,如視濯主人降阼階,西面拜賓如初,洗。賓辭洗。

時。

繼公謂 賓 拜衆賓,衆賓皆答 ,賓一人辭洗,則是助祭之賓,其 階 下 當當 有「前」字。 拜 也。 將獻 初, 而 尊 旅 謂 卑 拜

篇 但 日 與《鄉 「主人洗爵,長賓辭,主人奠爵于 飲酒》之衆賓同耳。 《少牢》下

卒洗,揖讓升,酌,西階上獻賓。

獻賓,蓋西南 面 也

賓北 醢,設折俎 面拜受爵。 主人在右,答拜。 薦脯

自賓以下,其設薦、俎者,皆以私人爲之

與?

之,興,加于俎,坐捝手,祭酒,卒爵,拜。 賓左執爵,祭豆,奠爵,興,取肺,坐絶祭, 人答拜,受爵,酌,酢,奠爵,拜。 賓答拜。 豆亦兼籩言也。 主 嚌

降,西 主人坐祭,卒爵,拜。 注曰: 面奠于其位,位如初。 位如初,復其位東面 賓答拜,揖,執祭以 薦 俎從設

爵拜,文互見耳。

賓云卒爵拜,主人云奠

則位 繼公謂 或 異 也。 執 祭 脯 也 云位如初, 嫌 既 獻

# 右主人獻賓長,自酢

徧,下並同 位,辯。 衆賓升, 主人備答拜焉,降,實爵于篚。 拜受爵,坐祭,立飲。 薦俎設 于其 辯音

拜既爵。」備猶盡也 注曰:《鄉飲酒 • 記》曰: 「立卒爵者不

拜,謂悉答之也。 也,其薦俎 見《鄉飲酒》與其《記》。 繼公謂:立飲,亦爲不拜既爵也。 亦於每獻一人則設之。 其拜,亦在每人受爵 辯,謂皆有 備 薦 其説 俎

## 右主人獻衆賓

尊兩壺 于阵階東,加勺,南枋,西方亦 如

之。

也。 西 爲 别於大夫禮 賓及 階 西與? 兄弟 也。 設之也。 設尊於堂下者,欲其 兩壺皆酒者,别於上 西 方之尊。 (便,且 其在 尊

賓。賓在左。 主人洗觶,酌于西方之尊,西階前北面酬

酌西方之尊。必酬之者,重其爲賓也。於此酬賓,終正禮也。酬賓于西方,故

主人奠觶,拜。賓答拜。主人坐祭,卒觶酬於下者,宜近賓位,便其奠之。

此賓主之拜亦皆北面。 拜。賓答拜。

《少牢》下篇云:「主人奠爵于篚,對。」主人洗觶,賓辭,主人對。

注曰:西面者,鄉賓位,立於西階之前卒洗,酌,西面。賓北面拜。

賓所答拜之東北

主人奠觶于薦北。

不授 觶 舉於右之義也。 薦右,蓋各從其 既奠則復位,北 于庭,皆將舉者 而 奠, 酬之正 便,而 面拜,文不 也。 禮。 不取奠者於左,將 而或在薦左或在 薦 北,薦 具 耳。 左 此奠 也

賓坐取觶,還,東面拜。主人答拜。賓奠

階 觶 之,皆變於飲酒之儀也 而 取觶,亦 繼公謂: 奠于 下西 也。 薦 執 面位也。 西面 賓坐: 奠觶 南 亦 還 取 而 便 而 奠而不 拜 觶 也。 東 所 而興,象受之也。 面拜,謝主人之奠 以 辭、既 復 見其 位 主 則 意。 以 拜 復 東 謝 阼 面

### 右主人酬賓長

主人洗爵,獻長兄弟于阼階上,如賓儀 酬 注 曰 ,先成賓禮也。 酬賓乃獻長兄弟者,獻之禮成於

西 公謂 南 面。 此獻于阼階上,異内外也,獻 賓,賓長也。 如賓儀,兼 酢 亦

也。

右主人獻長兄弟,自酢

洗,獻衆兄弟,如衆賓儀。

然則獻衆賓於自酢之後,則 亦宜爲之洗

上經不言者,文略耳。

右主人獻衆兄弟

洗者,以其承己自酢之後,故須洗之也。 獻衆兄弟與獻長兄弟之禮 相 屬,乃爲之

> 爵 注曰: 内賓之長亦南 酢其長,亦猶賓致爵于主人、主 繼公謂:更爵,亦在房中者也。 酢 于 主人之義也。 面答拜。 不言酢儀者,其禮 婦 獻

畢

乃

侕

受

獻内兄弟于房中,如獻衆兄弟之儀

洗

弟,如其拜受,坐祭,立飲,設薦 注 曰 内兄弟,内 濱、宗 婦 也。 如衆 俎 於 其 兄

司 徹》曰:「主人洗,獻内賓于房中, 内賓其位在房中之尊北、《有 南

位而辯。

拜受爵。」

繼公謂:獻之,蓋西北面。

主人西面答拜, 更爵,酢,卒爵,降實爵 于

篚,入復位

可 得而 推 故爾

# 右主人獻内兄弟,自酢

長兄 弟 洗 觚 爲 加 爵, 如 初 儀,不及 佐 食。

洗 致 如 初 無從

注 不及佐食,無從,殺也。 日 大夫士三獻而禮成,多之爲 致,致於主人、 加 也。

主婦。

也。 繼 公謂 無從,則不 無從,謂 ·啐酒 所獻、所致者皆無燔從 而卒爵,亦其異者。

#### 右 長兄弟 爲 加 爵

衆賓長爲 加 爵如 初。 爵止。

致亦 略 之後,室 曏 推之,則 者三 用 爵 獻 如 此 中 ,蓋放 初 用 及 加 爵,其 庭 亦 爵 尸 中 如 當 器 行 爵 亞 用 止 禮 圃 觶。 獻 者皆 用之也。 而主人、主 也。 經 不 用 此亦無從, 見之,文 解,以 此 一婦之 爵 是 止

> 蓋 節,又欲鱓之徧行也,故止之以見其意 尸 祭酒、啐 與三獻而 酒 止爵者相 而 爵 止矣。 類也。 尸於 舉觶之

右衆賓長爲加 爵

嗣 舉 奠。

注 嗣,主人將 爲後者。 大夫之嗣 子

不舉奠,辟諸侯

故特爲此禮。 繼公謂:舉奠,謂舉奠鱓而飲之。 是惟主於有適者言之,無

適 則 Ë

盤,人,北面再拜稽首。

盥,盤于洗也。再拜稽首,重尊者之賜

也。 北面,亦於户西。

肝。 位,坐食肝,卒觶,拜。尸備答拜焉 執奠。 舉奠左執觶,再拜 進受,復位,祭酒, 稽首。 啐 進受肝,復 酒。 尸 舉

六四九

重適,

六五〇

薦

觶

注曰: 備答拜, 毎拜答之。

觶,亦異其室中之禮。凡子姓受主人之于菹豆者也。位,室中之位也。坐卒繼公謂:奠,鉶南之觶也。肝,即曏之加

舉奠洗,酌,人。尸拜受,舉奠答拜。尸祭獻亦立卒爵,不拜既爵。

酒,啐酒,奠之。舉奠出,復位。

尸祭、啐、奠之如初,禮新之。繼公謂:舉奠酌以進尸,反尸之奠鱓耳。注曰:奠之者,復神之奠鱓。

### 右嗣舉奠

舉觶于長兄弟,如主人酬賓儀。兄弟弟子洗,酌于東方之尊,阼階前北面

注曰"弟子,後生也。

第之右也。此有代主人酬長兄弟之意,繼公謂:如主人酬賓儀者,是亦在長兄

乃羞。

還,西面奠于薦北也。 北,此則當奠于薦南,而長兄弟則取故位與主人同。主人酬賓,奠解于

右兄弟之弟子舉觶于其長

宗人告祭脀。

可知。祭,使成禮也。其祭皆離肺,不言祭豆,内賓也。獻時設薦俎于其位,至此告之

次兄弟」。 微公謂: 所告者,衆賓、衆兄弟、内兄弟 愛,蓋與《燕禮》大夫祭薦之意同也。 香,蓋與《燕禮》大夫祭薦之意同也。 一,離 一,以有司、私臣亦存焉。將羞乃告祭 一,離 亦

北面

内賓及私臣不同時, 羞于尸、祝、主人、主 而 羞,庶羞也。此但以羞爲文,則是自尸 之,亦士禮異也。 下,以至於私臣 皆然 又加 婦 與羞 也。 以内羞。 于賓、兄弟 大夫祭禮 此則

### 右祭脀乃羞

賓 坐 取 解, 作階前北 面酬長兄弟。 長兄弟

在右。

注 日 : 薦 南 逆觶。

繼公謂 長兄弟在右,賓在左,各象其位

也。

賓奠觶,拜。 于其尊,東面立。 長兄弟答拜。 長兄弟拜受觶。 賓立卒觶 賓北 酌 面

注曰:其尊,長兄弟尊也。 此受酬者拜 答拜,揖,復位。

弟,亦惟北面受之,下放此。 人,主人西 之儀也。 尊亦如之。 之,●故曰其尊,若彼自有之然,西方之 繼公謂:阼階東之尊爲兄弟長  $\wedge$ 鄉 南 東面立,變於《鄉 飲 面 酒 酬 禮》: 介。 此 賓 東 東 飲 南 面 酒 酬 面 耐 長 酬 酬 下 兄 設 主 者

初。

長兄弟西階前北面。

衆賓長自左受旅

如

注曰: 繼公謂:初,謂奠觶拜受,旅者答拜也。 初,賓酬長兄弟。

長兄弟卒觶,酌于其尊,西 面立。 受旅者

拜受。

長兄弟北

面答拜,揖

復

位。

衆賓

及衆兄弟交錯以辯,皆如 所言相酬之禮 交錯,謂二黨互 相 酬 也。 初儀 初儀,即上文 錯如字。

兄弟長」,庫本作「長兄弟」。

## 右賓與兄弟旅酬

爲 矣。 加 獻賓之前者同 觶 爵 不俟 者作 既 舉 再 止 其 旅者,其意 爵 禮 如 長兄 終, 弟之 於 與三獻 此 儀 可 作 以 止 作 爵 止 於 爵

## 右衆賓長作止爵

受者實觶于篚。長兄弟酬賓,如賓酬兄弟之儀,以辯。卒

如,謂儀略同耳。其異者,則以意定之。

## 右兄弟與賓旅酬

位。

拜。 北 賓 弟 此 面 中庭,東 舉 子 西 及兄 觶者祭,卒觶,拜,長皆答拜 上 舉 弟 西之中也。 觶 弟 於 子 其 洗, 長, 各 奠 其南北之節, 酌 觶 于 拜 其 尊 長 皆 中 則 答 庭

> 皆少 舉之,故其儀與《鄉飲 拜之。卒觶,坐 之弟子也。 南於其長之前 是時長皆在 卒 # 與? 也 》舉 觶 東 此 西 者略 觶 西 上者, 乃代 面之位 同 主 尊 人 賓 而

舉觶者皆奠觶于薦右。舉觶者洗,各酌于其尊,復初位,長皆拜。

欲勞其復遷之。此觶爲無筭爵始。此者,因其所改奠之處也,緣長者意,不薦右,賓之薦南,兄弟之薦北也。奠於

奠觶 長 皆執 于 以 其 興。 所, 皆 舉鱓者皆復 揖其弟子。 位 答拜。 弟子皆 復 長 其 皆

於其 北 注 面 E (長,所 0 : 復其 以序長 位者 東 幼 西 教 面 孝 位 弟 弟 拜 子 亦 舉

皆

觶

「皆」,原脱,今據明本、通本、庫本、注疏本補。

0

也。 公謂: 揖,揖之使復其位。 執 以 興,亦象受之, 其 所 薦 右

爵皆無筭。

筭。 卒飲 解,皆如 酌 舉奠觶酬賓長,亦交錯以辯,卒飲者洗 此 ,亦反奠於故處。 亦賓先舉 者 若其儀之與旅酬 洗,酌,反奠 初。 奠鱓 禮 終 酬 而 賓及兄弟又迭舉奠 於故 兄弟 異者,惟不拜耳。 復始,故云爵皆無 處。 長,交錯以徧 長兄弟又

右 賓弟子、兄弟弟子各舉觶 于其

長,遂無筭爵

實散 利 洗 散,獻 于篚。散,息但反,下及《記》並 于尸。 酢。 及祝, 同 如 初 儀。 降,

禮將 注曰:利,佐食 終,宜 進 也。 酒 ,嫌于加酒 更言獻者 亦當三也。 ,以利侍尸

不 致 爵,禮又殺也。

> 佐尸食 未知 繼 公謂 而 佐 宜 食 於尸,故 云 利, 未 日 詳。 利 ,利之言宜也 或 日 以 其 善

右 佐 食獻 户 祝

是

主人出,立于户外,西 面

户外,户東少南也。 不 立于阼,亦變於

大夫。

祝東面告利成。

東面,于户外之西。

尸 謖,祝前,主人降。

主人降,立于 注曰:《少牢饋食 作階東,西 禮 E : 面 祝 人,尸謖, 祝 先,尸

祝反,及主人人,復位。 從,遂出于廟門。」其儀,《士虞禮》備矣。 命佐食徹尸俎,俎

出 于 廟 門。

注 曰:《少 牢 饋 食 禮 **>** 有 司 受 歸

六五三

之。

繼公謂: 言及,見其先入也。 尸俎,●胙

俎也。

徹庶羞,設于西序下。 先徹庶羞,亦與大夫禮相變。 食,故未即去之。 徹者亦佐食也。徹庶羞亦改設者,尊尸 西序下,其東

也。

此

右尸出

筵對席,佐食分簋 鉶

之。 篇放 爲少北,其名義與《昏禮》之對席同,下 也,其敦則上養黍,而下養稷,亦異於大 以簋分簋 筵對席,設對席于饌東也。 夫之養者惟用黍也。 或曰以尸之兩敦、兩鉶分與二養 此。 簋即敦之異名。 實,以鉶分鉶羹也,爲將餕分 未知孰是。 分簋、鉶者, 此於神席亦

> 宗人遺舉奠及長兄弟盥。 立于西階下, 東

面 北 上。

子位在長兄弟之上明矣。 舉奠,子姓也。云及長兄弟,則主人之 立于西階下,

俟命也。其位蓋在賓之東北。

長兄弟對之,皆坐。佐食授舉,各一膚。 祝命嘗食,養者、舉奠許諾,升人。 東面, 穫

音俊。

下。 又與大夫禮相變云。 夫者兩也。 欲其每食則 長對之,而使長兄弟也。 之,升對席 命,告也。「嘗食」二字或當在「養者」之 舉奠東面,升尸 也。 陷之。 其養,惟 使嗣子餕,故不敢以 士以二人養,降於大 古文養皆作餕。 以嗣子及長兄弟, 席也。 以膚爲舉,亦 長兄弟 對

0 「尸」,原脱,今據明本、通本、庫本補。

主 人西面再拜,祝曰:「養有以也。」兩養奠

于俎,許諾。 皆答拜。

有與之言亦類此。 之意,不欲明説,故惟言有以也。下文 西 或曰言主人所以使女養者,蓋有相親敬 面、蓋于其位。 養有以也,其意未詳。 俎者,上養豕 而 下蘉

若是者三。

腊與?

之,蓋禮成於三也。 所以見主人殷勤之意也。三者,總言 然則主人拜祝釋

皆取舉,祭食,祭舉,乃食,祭鉶,食舉。

辭,養答拜者又二也。

祭舉,亦振祭,嚌之。食食乃祭鉶,變於

酌, 酳上賽。 卒食,主人降 下養,亦如之。 上養拜受爵,主人答拜。 洗爵,宰贊一爵。 主人升。

> 酌。 注曰:《少牢饋食禮》曰:「贊者洗三爵, 主人受于户内,以授次養。」

繼公謂:酳下養,亦東面,于其席前之北

授之。

主人拜,祝曰:「酳有與也。」如初儀 有與,猶有以也。 初 儀,主人再拜及

兩

籑許諾也。

兩賽執爵拜。

注曰:答主人也。

男子執爵拜,皆左執之。《内則》曰:「凡 繼公謂:此著其拜之,異於上者也。

凡

男拜尚左手。」

祭酒,卒爵,拜。 主人答拜。 兩籑皆降,實

爵于篚。

注曰:下養,復兄弟位。

繼公謂:上養將酢,乃亦實爵于篚者,宜 與下籑共終其事,不可 由 便 也。

六五五

六五六

上 蔓 洗爵,升酌,酢主人。

者,尸已出故 大夫,養者不親酢。 酢主人,東 面 鄉之於其位。 也。 此亦變於大夫之禮 上籑得親酢

主人拜受爵。

子也。 此 以事養之禮當然,故略於父子之分也。 主人亦西面 與事尸之意微 父乃先拜其子,而不以爲 拜 也。 相類。 主人,父也。 上 養, (嫌者,

上賽 于户外,西面 上賽答拜,受爵,降,實于篚。 即 位 坐,答拜。 主人 坐祭,卒爵,拜。 主人出,立

户外,亦户東。

右養

祝 注曰: 命 徹 阼 命,命佐食。 俎、豆、籩,設于東 阼俎,主人之俎。 序下。

> 設之面位,亦如在室。 者,以其改設于東序非婦人之事 堂上之主位也。凡祭奠之禮,其徹尊者 内之東,祭時室中之主位也。 之阵俎者,以其設於主位 之盛饌,必改設之乃去之。宗婦 繼公謂:改設之,尊之也。主人之俎 既養乃徹阼 而名之也。 東序下, 地。其 不徹之 户 謂 薦

俎,亦變於大夫禮

祝 執其俎以出,東面于户 注曰:俟告利成。

於大夫。此云户西,則主人立于户東明 繼公謂:不俟改設尸俎而先出者,亦異

矣。

宗婦徹祝豆、籩入于房,徹主婦薦俎 此所徹 不言席,省文。 者,皆置于房,故宗婦 得爲之。

佐食徹尸薦、俎、敦,設于西北隅,几在

南,

西。

厞 用筵,納一尊。 佐食闔牖户,降。 那,符 味

反

之餘食 既餕復改設,而未即徹去者,重其 也。 一尊,酒尊 也,納于室 爲 神

北 饌乃并去之,不納玄尊者,以 取之,故 牖下。 亦改設而未即 必納之者,以酌神之酒 徹。 於徹 其 初 室 於 中之 中之 不 是 平 用

#### 右徹 改設

於神也。

佐食闔牖

户,因後出而爲之。

祝告利成,降,出。主人降,即位。 宗人告

事畢。 賓出。 主人送于門外,再拜。

門外,廟 門 外 也。 賓既 出,則婦 人亦徹

室中之饌 與?

佐 食徹阼俎。 堂下俎畢 崽

注 日 1:記俎 出節

繼 公謂 阼 俎 執 事 者俎之最尊者, 故其

> 出以授人,既則復反其位。 出 也,以之爲節。 賓長以下各自執之,

### 右禮畢

帶,緇 《記》。 韓。 特牲 食音 饋 嗣 食, 朝音 其 潮 服 皆 朝 服, 玄冠, 緇

尊於玄端。 玄端之衣冠,皮弁之裳,故次於皮弁而 此指祭時之服 者,其别於大夫助祭之賓與? 不玄端服者,與人之祭宜 如初」,則固冠玄端矣。 皆者、皆賓與兄弟及公有司、 也。 經云「夙興,主人服 助 盛 祭 服 必 也 私 朝 朝 臣 服 緇 服 也。 用 韠 而

唯尸、祝、佐 食 玄端, 玄裳,黄裳、

雜

裳

可

也,皆爵鞸。

注曰:與主人同 服

繼公謂: 士尸服 玄端, 亦 以 其爲 卒者之

通之。 耳 者,蓋以賤者或不能備 正 「玄端,玄裳」,又言「黄裳、雜裳可 、於室,尤爲近之,故服宜與尸同 服 祝、 也。 其朝服之裳惟許用素積者,豈 佐食與 然則尸 主人亦玄端者, 服卒者之上服 服,故制此禮以 以 唯 其 喪 也 以 事 祭

東。 設洗,南北以堂深,東西當東榮。 角、一 篚在洗 散。 西,南順,實二爵、二觚、四 深,式鴆反 水在洗 觶

素者易辦故與

注 升,角四升,散五 一曰:舊説云:爵一升,觚二升, 升。 觶

爵于主婦,故爵二。 李寶之曰:賓獻尸之時爵止,主人當 致

人也。 以 繼公謂:二觚者,長兄弟以觚爲加爵, 致于主人、主婦,既則更之以 四觶者,其一奠于神席前,其 酢 于 主 因

> 乃主人 爵 於尸, 八以奠 其 一乃 酬於賓 爵 止 其 丽 未舉之時, 乃衆賓長 兄 爲 加

南。 壺棜 弟子舉觶於其長 禁 明日卒奠,鼏 饌 于 東序,南 用給, 者 也 順, 即 覆 位 兩 丽 壺 一焉,蓋 徹之,加

在

勺。

覆,芳服反

日

·宜塵

楊 注 志仁曰:奠,酌奠奠于鉶南時。 覆壺者, 盝瀝水, 且爲其不 即位,

尸 即席坐時

繼 日 公謂 棜 其 制 壺棜禁, 則 未 聞 庪 壺 鼏 之棜 亦 當 禁 作 也。 幂 禁名 既

籩巾,以綌也,纁裹。 棗烝,栗擇。

乃

幂之,則未酌

以前

用蓋與

注 E : 舊説 云: 纁裏者皆玄被。❶

繼 公謂 籩 用 巾,謂既實而陳之之時也。

及將 即 設,故 設,則 八爲禦 去之。 塵 獨 此 巾 籩 云 用 纁 巾 者 裹 則是凡 以 其 未

巾皆複爲之矣。

鉶芼,用苦若薇,皆有滑:夏葵,冬荁 記》云:「有柶。」 之異者,非爲 此無羊鉶,故豕鉶 各 有 所 亦得 宜 也。 用 苦,然則  $\wedge$ 士虞禮 洲苇

棘心匕,刻

注曰:刻,若今龍頭

繼公謂: 喪祭匕用桑,吉祭匕用棘者,喪

桑音同,吉棘聲近故也。

牲爨 (在庿門外東南,魚、腊爨在 其南, 皆 西

画。

饎爨皆近於壁,以是例之,則凡門外之 士喪禮》曰「爲垼於西牆下」,又吉凶之

饎 暴 在西 壁。

爨,亦當在牆下明矣。

載,心立,舌縮俎。去,起吕反。 所俎,心舌皆去本末,午割之,實于牲鼎。 夫則以廪人爲之,故其爨 士之饎爨 在 内者,以 宗 婦 亦在門外。 主 其 事 也。 大

繼公謂:既實牲體於鼎 注曰:午割,從横割之,亦勿没。 ,乃制 此 而

以進於尸。 體之中,爲内體之貴者,故 於其上。載,謂載於肵俎,心舌皆當牲 又見《少牢饋食禮 不他 用 實之 加 車

寳與長兄弟之薦自東房,其餘在東堂。

也。 其餘,次賓、次兄弟而下與 有司、私臣也。公有司、私 人、主婦之薦亦在 經惟云豆、籩、鉶在東 》,私人有薦脅。 可 此又見賓與長兄弟之薦,則祝、主 知,經、《記》不見之耳,《少牢 東房矣。 房、蓋主於尸者 臣 内兄弟及公 賓,賓長也。 有 俎 饋食 則有

面 沃尸 ,淳沃,執巾者在匜北。 盤者一人。 奉盤 者 東 奉,芳勇反。 画, 執 匜 淳,之純 者 西

反。

繼公謂:「者一人」三字疑衍。又淳沃並 注曰: 匜北,執匜者之北,亦西 面

言之,亦未詳

巾者受。 宗人東面取巾,振之三,南面授尸。卒,執

振之三,以授尸。 牢饋食禮》曰:「卒盤,坐奠簞,取巾,興, 振之三,爲去塵,敬也。宗人授巾,尊尸 也。卒,謂已捝手。受巾亦以簞。 坐取簞,興,以受尸 《少

尸人,主人及賓皆辟位。 出亦如之。 辟音

ι ψ

避。

則兄弟之屬在其中矣。 人,入門也。 出,出 户也。 言主人及賓,

> 嗣 舉奠,佐食設 豆、鹽

置 鹽 於 豆而設 於舉奠之前,爲其食肝

也。

佐食,當事則户外南面,無事則中庭北面。 注曰:當事,將有 事 而 未至。

凡祝呼,佐食許諾。

注曰:呼,猶命也。

宗人獻與旅齒于衆賓。

注曰: 齒從其長幼之次。●

有上事者貴之也。 宗人亦公有司也,乃齒於衆賓者,所謂 繼公謂:《記》末云「公有司獻次衆賓

佐食,于旅齒于兄弟。

但與其旅 佐食已獻於室中,故獻兄 酬 也。 云齒於兄弟,則士之佐 弟時 不 ·與,而

食 亦其兄弟 明

尊 兩 壺 一于房 中 西 墉下,南上

注 繼公謂: 曰 :爲婦人旅也,其尊之節亞西方 兩壺 皆 酒,云南上者 ,亦以其 先

酌 在 南者與

内 賓 立 于其 (北,東 面南上。 宗婦北堂, 東

面 北 上。

也。 子孫。或南上或北上,宗婦宜 注 日 宗婦,族人之婦,其夫屬于 : 二者所謂 内兄 九弟、内 賓、 統於 所 姑 祭 姊 主 爲 妹

婦,主婦 南 面

爲節,而見其位之所在耳。 繼公謂: 云内賓立于尊北,記 其 實 者 内 蓋 賓 取 尊

位,已定於未設尊之時也

主婦及内賓、宗婦 亦旅 西西 面

注曰: ,旅於堂下。 西 面 者,異於獻也。 婦 人獻 於南 男子 面 一,旅 獻 於 於 西 堂

> 其儀 面 依 内賓象衆賓,宗婦象兄 男 子 也。 其拜 及飲者皆 弟,其 西 節 面 于 與

主婦之東 南

時,内 之長 旅次 之解 各舉 主婦 然亦 交錯以辯,内賓之少者、宗婦之少者 以酬次内賓,次内賓以酬宗婦之長,亦 繼公謂: 鄉射》無筭爵之儀 内 惟 **鱓於其長,以爲無筭** 則酬 不 坐取之,奠于右。 賓之長 以 能 賓,亦交錯 此旅 旅 内賓之長,酌 無 主 少 亦取 酬之儀 婦 異,蓋 而 奠鱓 也。 以 已,宗 主 辯,皆不拜,略 雖 及兄 人 以 奠于薦左,内 然則房中之篚 與 婦 爵 酬 既 在 長 始。 È 酢 庭 弟 之觶 婦, 内 者 舉 内 兄弟, 略 賓 主 旅 則 同, 如 又 之 以 長 婦

其 實 爵 、二觶 與?

宗婦贊 (薦 者,執 以 坐于户外,授主婦

此儀已見於經,而《記》復著之,蓋備載

其 所 聞 耳

卒食 而祭饎爨、雍爨。

注 舊説云:宗婦 曰:雍,孰肉,以尸享祭,竈 祭 饎 爨,亨者祭 雍 有 人爨,用 功 也。

黍、肉 爨者,老婦之祭,盛於盆,尊於瓶。」 圃 已,無籩 豆 俎。 《禮器》曰:「夫

《少牢禮》曰:「雍爨在門 尸之意。 繼公謂:此以尸享祭而祭竈,亦見其尊 牲、魚、腊之爨皆謂之雍爨, 東南、北上。」

賓從尸,俎出廟門乃反位

事 注 也。 曰:賓從尸,送尸也。 士之助祭,終其 俎,尸 俎 也。 賓既從尸,復 人反

位者,宜與主人爲禮,乃去。

俎:右肩、臂、臑、肫、胳,正脊二骨,横

脊,長脅二骨,短脅。

注曰:尸俎,神俎 也

繼公謂:長脅,即正脅也。 士之祭,其俎

膚三。

意也。

脊、脅之骨又各貶

其半,皆降殺

以

兩之

豆之屬,既

貶

於 大

夫者

而

其

俎

實

《特牲》無膚俎,故以膚附 于牲 俎 焉。

在尸俎者,大夫五,士三,《少牢》下篇言 者,亦貶於大夫之尸也。 凡 膚 與 牲 體 同

俎,則若七若九,以差而加之。

尸之豕膋膚五是也。

大夫以上膚

若

别

離 肺一。

刌 注曰: 肺 ----舉肺 刌,七本反。 也。

注 티 : 爲尸、主人、主婦祭。 今文刌爲

切。

魚十 有 五

繼公謂

祭肺言刌或言切,皆見其制

也

曰:《少牢饋食禮》亦云十有五 一而俎,

注

尊 卑 同 此 所 謂 經 而 等 也

繼 公謂 此 盛 祭禮 也

腊 如 牲骨

體 惟 不 云 骨 可 以 圃 不言體者, 該 骨 也。 言骨, 蓋 骨 미 則 以 體 該 在 體 其 中 ൬

矣。

祝俎: 髀, 脡脊二骨,脅二骨,膚一,離 肺

解,謂 脅可 肺 執 代脅也,不見之者,上言脡脊,則 事 ,其義與 知矣。 者 右髀,亦 也。 虞禮同 祝脊、脅用二骨, 此離 用尸 肺 餘放 嚌 俎之不 肺也。 此 升 者 見其 祝 也。 祭以 此 尊 爲 脅, 於 離 代

阼俎: 臂,正 脊二骨, 横脊,長 脅二骨, 短

脅,膚一,離 肺一 0

臂者,屈 臂,左臂。 於尸 阼 也。 俎 尊, 脊、 脅 乃 不 非 用 體 左 也 肩 故 而 得 用 左 與

> 脅皆 故 F 爾。 同 減 以 於尸。 少 伸 牢》 其 尊, 俎 實多,故主人、主婦脊 亦 以 ( 特 性》之俎實少

主 婦 俎 觳折,其餘如阼俎。 觳,户角反,义苫

角反。

注

曰

: 觳,後足。

餘、謂脊、脅、膚

肺

云觳 脊、脅但用羊也 體 牢饋食禮》: 同,乃云如阼 主婦俎之脊、脅,其名數必不盡 其先言體,乃言折,或單言折者,必非正 繼公謂: 觳非正 ,若全體者也,蓋與折 折。 凡牲 阼 俎 固皆 俎 ,則此可知矣。 者,亦大略之言也。 體,折骼之下而取之,故 脊、脅皆牢,主 折 也,然經文之例 俎之説 婦 與 不同 阼 俎 ^ 之 11 俎

佐食俎: 食, 主 婦 則主婦右,佐 俎 **觳折,脊、脅,膚一,離** 與 佐 食 俎 食 同 左 用 觳 | 與 ? 而 或 主 肺 日 婦 佐 尊 食宜

於

佐

六六二

用 右 觳 猶 祝 俎用右髀之意。 未知 孰

俎。

是。

賓,骼。 長兄弟及宗人,折。 其餘如佐食

其體者,或以其 弟及宗人折,亦謂折分其全體也。不言 不言骼折者,以其 餘,謂脊、脅、膚、肺 骼,左骼也。 上《記》兩見 觳折,則 凡骼 (所用 可知不必言也。 與觳 者不定故與? 此 骼 連, 亦 乃 非 爲 全體 全體。 長兄 矣。 其

衆賓及衆兄弟、内賓、宗婦,若有公有司、 私臣、皆殺脀、膚一、雜肺一。

宗人亦公有司 家皆是也。云若有者,不定之辭。祝、 私臣,私家之臣,或己所自有 之,文主於殺脀者耳。 公有司,公家所使,給私 也。 已見其俎 此俎無脊、脅者 家之事者 或假 於上,若有 於他 也

> 公有司門 以其或用脊若脅,爲殽脅故 西 北 面 東 上,獻 次衆賓。 也

注曰:亦皆與旅

東、北面

西上,獻次兄弟。

升受,降飲

私

臣

降飲,餘皆不拜。 西階上,私臣於阼階 繼公謂:門西者尚右,門東者尚左,亦各 變於東面、西 二者之長拜於下,乃升受,主人答拜,乃 面之位者也。 上。 其受爵, 獻公有司 則 於 惟

儀禮集說卷十五

## 儀禮集説卷十六

敖 繼公 撰

元

少牢饋食禮第十六

注曰:於五禮屬吉禮。

繼公謂:此篇言大夫祭其祖之禮。

少牢饋食之禮。少,詩照反。食音嗣。 注曰:禮將祭祀,必先擇牲,繫于牢

·而芻

之。羊豕曰少牢。

日用丁、己。己音紀。

注曰: 内事用柔日。必丁己者,取其令

名,自丁寧,自改變,皆爲謹敬

繼公謂:此指筮日之日也,所謂 諏 日 者

> 筮旬有 日。

也。

先諏是日,至其

日乃筮。

以丁若己之日而筮旬有一日,則所筮之 丁己,乃云旬有一日,則是并筮日之日 日亦丁若己可知矣。以丁己之日 ·而筮

而數之也。古者數日之法於此可見。●

筮於庿門之外。主人朝服,西面于門東。 東面受命于主人。朝,並直遥反,下「朝服」並同。 史朝服,左執筮,右抽上韇,兼與筮執之,

朝服,大夫、士以筮之正服也。史,亦公 史二人。《士冠》、《特牲》之筮者言筮 有司也。《周官·筮人》職:中士二人,

者,降於卜也。《雜記》言大夫卜宅與 人,此言史,蓋互文也。大夫筮亦 日云「占者皮弁」,又云「如筮,則占者朝 朝 葬 服

0 數」,原誤作「筮」,今據明本、通本、庫本改。

服」,是其服異也。

皇祖伯 主人曰:「孝孫某,來日丁亥,用薦 耳。 某,且字也。 注 日 ^ 某,以某妃配某氏,尚饗! 禘於太 丁,未必 其仲、叔、季亦曰 庿 亥 禮》曰:日 也, 直舉 日日 用 丁亥。 仲某、叔 以言之 歲 事 伯 于

之也。 庿 也。 爲 祖 日 言丁亥者,以其爲六丁之末者 繼公謂:此惟云丁亥,特見其一耳。 者 亦宜 祖 ,其常祀自曾祖 其 記 者 而言,亦假設之辭耳。大夫祭士之 如之。 末者且 祖 如 曰 禰 此 若 「皇考某子」是 亦所 爲 稱其祖字,則是指 用 大夫 ,則其上者可 而下, 以 則 明 其 此 稱 也。 從生者之 辭惟言皇祖 E 知 某子,《 ,故設言 大 矣。 士之爲 夫 爵 聘 己 必

> 右兼執韇以擊筮。 史曰:「諾。」西面于門西,抽下韇,左執筮、者,亦見其一耳。 三庿,説見《聘禮》。

擊筮者,爲將述命故也,不述命則無此

氏,尚饗!」大音泰。 丁亥,用薦歲事于皇祖伯某,以某妃

遂述命曰:「假爾大筮有常。

孝孫某,

來

日

配

某

儀

某、季

某。

某

妃

某妻

也。

合

食

曰

配。

某氏,若言姜氏、子氏也

假借 注 謂 之而不敢專決, 繼公謂:大者,尊之之辭。 孝孫某」以下之辭,則所謂 曰:重以主人辭告筮也。 其常常 爾 大 如 筮之靈,以問 此 也,言每 所以 見其敬信之意。 有 於 疑 神 假爾大筮,謂 述命也 假,借也。 事, 也 則 有 必問 常,

乃釋韇,立筮。

卦者在左坐,卦以木。卒筮,乃書卦於木。立筮而又在門西,皆大夫之禮異者也。

示主人,乃退,占。

以示主人,退占,東面旅占之。●爻,畫地以識之,六爻備,書於板。史受注曰:卦者,史之屬也。卦以木者,每一

有事於神,故不爲大夫而變位也。 其有司之西方東面者惟此耳。蓋筮者 其有司之西方東面者惟此耳。蓋筮者 此占者亦當三人也。大夫庿門外之位, 此古者亦當三人也。下木,板也。退,退于 上木,畫地者也。下木,板也。退,退于

吉則史韇筮,史兼執筮與卦以告于主人:

「占曰從。」

之也。韇筮而兼與卦執之以告,此亦與既筮又釋筮于所筮之處,至是乃就而韇

士禮異者也。

注曰:滌,溉濯祭器,埽除宗庿。乃官戒,宗人命滌,宰命爲酒,乃退。

上。大夫之宗人亦私人爲之。自此以之也。有司、羣執事之位當在門東,東宰、宗人,乃官之尊者,故見其命者以明繼公謂:官戒,謂某官戒某人以某事也。

若不吉,則及遠日,又筮日如初。

下,諸官、司馬之屬皆放此。

繼公謂:此遠日對筮之日而注曰:遠日,後丁若後己。

故至是乃見之。
此文當承「占曰從」之下,欲終言上事,
不吉之日也,至此日又筮旬有一日也。

右筮日

宿。

宿,謂宿賓以下也,是亦官宿之。大夫

● 「東」,原脱,今據庫本及注疏本補。

於 在 宿尸之後,言於此者,爲下文節也 助祭之賓爲踰等,故不親 宿。 此宿 當

己

上之儀當略

與《特牲》同,以其

有

成

前宿 一日,宿戒尸。

之禮異也 筮 未成其尊。 宿 也。 戒尸者,凡可爲尸者皆宿戒之,爲 此宿戒蓋 宿 前 日 亦 使 又宿 人爲之,尸未筮 戒尸,亦尊 者 則 將

占 明 妃配某氏,以某之某爲尸,尚饗!」筮、卦、 某,來日丁亥,用薦歲 如初。 日 朝筮尸,如 朝如字。 筮 日之禮。 事于皇祖伯某,以某 命曰:「孝孫

不前期三日而 筮尸,未詳。 此筮日、 筮

尸之辭皆不言筮之,亦與士異。

吉則乃遂宿尸,祝擯

祝 擯,與上篇祝致 命之意同

主人 再拜稽首。

不待其許諾 丽 即 再 拜 稽 首,亦異於 ±

之意同。

皇祖伯某,以某妃配某氏,敢宿。」 祝告曰: 禮 ,故略之而 「孝孫某,來日丁亥,用 不言。 薦 歳 事 于

尸 P 注曰: 送,揖,不拜。 拜,許諾。 告尸以主人爲此事來宿。 主人又再 拜 稽首。 主 人 退。

與主人爲禮 又此主人退,尸 主人拜而后致辭,故尸答拜 又拜者,所以見 所以答拜者,亦 於其家者,皆變於賓主之 雖 不拜送猶揖之。凡尸 以其未許諾故也。主 其 不 必 答己,尊之。 而后許 諾

儀。

若不吉,則遂 吉,則直以其次者爲尸,不復筮,與筮 所改筮者, 改筮尸。 嗣 尸 也。

此

所

筮

者

若

又不

日

### 右筮尸宿尸

既宿尸,反,爲期于庿門之外。

期」, 注曰:期,祭期也。 明大夫尊,宿尸 而已。 言「既宿尸,反,爲 其爲賓及執

事者,使人宿之。

可 而不必至夕也。 繼公謂:既宿尸反而爲期,是其事相繼, 知。 大夫宿與爲期 然則 同 曏 日,此 所宿者皆不在 時又未有

主人門東南面

賓,皆大夫禮異者也。

主人門東南面,有司、羣執事之位北 面。

大夫宜鄉之,亦大夫禮異也

宗人朝服,北面,曰: 請祭期。」主人曰:

比於子。」比,略志反。

注 曰:比次早晏,在於子 也。

宗人日 旦 |明行事。]主人曰: 「諾。」

> 注曰 : 日 明, 且 日 質明。

乃退。

賓出,主人拜送于庿門外」,此退 惟云乃退,是主人不送也。 送,則衆賓不在 可 知。 既退,有司 下篇云「衆 而 乃 宿 不

賓。

#### 右爲期

面。 馬刲羊,司士擊豕。宗人告備,乃退。 明日,主人朝服 宰、宗人西面北上。 即 位 于庿門之外東方,南 牲北首東上。 刲,苦 司

主反。 注曰:刲、擊、皆謂殺之。

此實既告備乃

殺之,文互者,省也

繼公謂。東方視殺之位

,亦宜當塾少南,

此異宰、宗人之位,亦與《特牲》異宗祝

六六九

六七〇

主人。 之位 司 牽羊、豕, 者同意 則 0 東之而 牲 亦當在 東 足 東方 也 少 乃 南, 退 謂 有

寸,七穿。」

厚半寸,脣寸。

**甑實二鬴**,

厚半寸,

疏

曰:《冬官•

陶人》職

云:

点

實二

鬴

#### 右視殺

北上。 雅人概鼎、匕、俎于雍爨,雍爨在門東南,

注曰:雍爨,羊豕魚腊竈也。

謂

摡

猶

拭

也

既

筮

日而

宗

人

命

人分摡之。廪爨亦北上。

故雍人摡之於雍爨之上,以其類也。下但摡之,爲去塵也。鼎、匕、俎皆牲器,滌,則有司於祭器皆已濯之矣,故至此

雍人,見《公食禮》。

文概

甑、甗、匕、敦于廪爨,<sup>2</sup>其義

亦然。

階

東南、當東榮。放,方往反

之北。甑,子孕反。甗,魚展反。敦音對,下並同。廪人概甑、甗、匕與敦于廩爨,廪爨在雍璺

注曰:

匕,所以

L

黍稷者

也

四 以盛米也與? 之事者也。 繼公謂:廪人與雍人對言,則是掌爲 器 與 鼎、匕、俎 甗 如 甑 甑 皆陳于外,故 則 蓋 炊之,匕則 有 底 丽 雍人、 出 無孔,所 之,此 廪 饎

豆、籩與篚于房中,放于西方。設洗于阼東堂下,勺、爵、觚、鱓實于篚。卒摡,饌司宫摡豆、籩、勺、爵、觚、觶、几、洗、篚于

觚、觶,摡之則隨實于篚,不待其卒摡司宫主陳設此器,故俱摡之。●勺、爵、

- 「概」、原誤作「溉」、今據明本、通、の「特牲」、原作「士禮」、今據庫本改
- 「俱」,原誤作「既」、今據明本、通本、庫本改。「摡」,原誤作「溉」、今據明本、通本、庫本改。

篚 蓋 也 几之處,未詳其所,《特牲禮》: 几席陳于 亦 于北 饌 勺 堂。 亦 于房,以 實 放 于 于西 篚者, 俟事至而設之。 方, 爲將 以 次 洗洗之。 加 西 不言陳 也。 饌 之, 下

### 右概器

西

鑊 腊 羊鑊西之鼎一,嫌其輕重失次,故以魚 鼎 膚 腊 亦在 三鼎,羊、魚、腊。 鼎 自有鑊,未升之時,其鼎 之鼎從羊,見其 五. ,據鼎實之所從出者而言。 ,若鼎各從其鑊,則豕 從 豕鑊西者,以膚在豕 豕之故而爲之也。 二鼎,豕 尊也。 鑊故 鑊西之鼎二, 不云爨 乃從羊者,以 蓋 與膚。 此 是篇 也。 鑊四 獨著 而 膚 云 而 鼎

> · 说: 引之。 鑊西之鼎位,以其異也。 士禮三鼎,無

嫌,故不見之。

司 骼;正脊一、脡脊一、横脊一、短脅 一、祭肺三,實于一 一、代脅一,皆二骨以並,腸三、胃三、舉 馬 升羊 右胖,髀不升,肩、臂、 鼎。 膊 音純 與 (肫同。 一、正脅 臑、 脡, 膊 肺 他

頂反。

注

日

·肩、臂、臑

肱

骨

也。

膊、骼,

股

骨

也。 則是但 不得别俎,故 腸三、胃三者,《少牢》之俎 俎 惟 繼公謂:升,謂升於鼎也。 也。 三,爲尸、主人、主婦 也。 神之俎 脊先前,脅先後,亦禮 脊從前 以其名相别耳,不繫其骨之多寡 正 脊 實升於鼎,其 之屬 爲 但附於其 Œ 用 脅 旁中 骨,乃皆云 餘 牲 則皆自鑊升於 牲體盡在鑊, 五 也。 爲 貴 而 Æ 相變也 已, 附 一者, 於其 腸 祭 胃 肺

者

若九若七,則腸胃 牲 於《公食大夫禮》見之。 豕俎膚三之意 則 其 數 貶 焉 也。 而 別俎 止 大 夫 於三,亦如《特牲 得 或 充 用 其 大 、數,此 牢 而 制 俎

骼 司 實于一鼎。 、代脅一,皆二骨以並, ",正脊一、脡脊一、横脊 士升豕右胖,髀不升,肩、臂、 舉肺一、祭肺三, 一、短脅 一、正脅 臑 膞

鼎

,腊用麋

鼎 但 之節考之,似正相反。 其文之序 此 出於鼎 之序 據其 與上經 亦 已在鼎者上下之次 而 然 載 則 升羊者,皆 於 始 也,蓋與下經之文雖同,而 俎 於 者同。 肩,終 出 於肺 然則此所云者 自 以其 而 鑊 言,非謂 圃 出 與 入于 一人先後 下 經之 鼎

意則異

人倫 曰 膚九,實于一 倫, 擇也。 鼎 膚,脅革 肉,擇之取

美

陳於東方,亦當塾

少

南。

曏不

陳於

此,

雍

注

司 卑也。 士又升魚 因 胃,故得 繼公謂 便也。 先魚、腊實之者,與牲體同鑊,宜 充其 膚 既實則遷之於腊爨之西 、腊,魚十有五而鼎,腊一 九 八數焉。 者, 與 司 其 1 牲 不 異 倫 鼎, 膚, 不 南 視 純 以 其 而

此見之乎? 者,皆不言其物, 之時,則舉鼎 異也。不言髀不升 此時亦先升 云又升,則司 鼎也。 牲 一胖 魚 士即 以 後 就 而 升 曏之升豕者也。 而 可 此 其 腊 腊 云 鑊 與 知 用麋 西。 ? 也。 純 亦 鼎, 者,經 他 每 篇言 於 大 謂 特 將 夫 實 然則 腊 於 升 禮 于

方,北面 卒晉,皆設扃鼏,乃 北 Ę 舉,陳鼎于庿門之外 東

六七二

亦異 、於士。

司宫尊 兩 甒于房户之間 同 棜,皆有冪 甒

有玄酒

棜,即所謂棜禁也。 惟言棜, 文省耳。

設尊即 加冪 者,甒 其 無蓋 與?

司宫設 罍 水于 洗 東,有枓。 設篚 于洗 西,

南 肆。 科音主

注曰:科,與水器也。

上。 繼公謂:枓者、沃盥 水者,惟 與 此 洗 與《大射》、《 用 之,加 于 燕 壘

經言

罍

禮》耳,然則 士之水器,其 異於此 乎?

凡沃洗及盤于洗者,皆用料,經特於此

見之。

改饌豆、籩于房中,南面,如饋之設,實豆、

籩之實。

注曰: 改,更也。 如 饋之設,如其陳之左

右 也。 饋設東面

> 此 東面」,以見其異者此耳。 繼公謂: 改饌乃就 亦 司 宮主 爲 之。 而實之,大夫禮 案 : 注 云「饋 異 也。 設

小祝設槃匜與簞巾于西階東。

其設如《士虞禮》,惟異處耳。

主人朝服 ,即位于阼階東,西 面

東,亦直東序,後放 更言朝服者,嫌祭服 此。 或異於前 主人 既視 也。 殺 阼階 而

退,至是乃出立于其位也。

司宫筵于奥。祝設几于筵上,右之。

《公食大夫禮》:司宫設 司宫不設几,以祝接神,宜使其爲尊者。 几。

右實鼎, 陳設祭饌,●即位

主人出迎 鼎 除 鼏。 土盤 舉 鼎 主 一人先

祭」,明本、通本、庫本皆作「器」。

六七三

人

注曰:道之也。主人不盥不舉。

亦大夫禮異也。除鼎,示有事也。士盥繼公謂:主人未入室而先迎鼎,且不舉,

於外。

之,南枋。覆,方服反。 尊之蓋冪,奠于棜上,加二勺于二尊,覆司宫取二勺于篚,洗之,兼執以升,乃啓二

時即徹冪而加勺,亦變於士。 二尊,兩甒也。蓋冪,蓋尊之冪也。此

從,司士合執二俎以從,司士贊者二人皆鼎序入,雍正執一匕以從,雍府執四匕以

合執二俎以相從人。相如字。

後,變於君禮也。贊者二人,故云相從,雍正,雍人之長,府,其佐也。 匕先俎

嫌並行也。

陳鼎于東方,當序,南于洗西,皆西面北

上,膚爲下。匕皆加于鼎,東枋。

繼公謂:膚爲下,陳鼎于外之時則然怠注曰:南于洗西,陳于洗西南。

錯鼎加匕,則右人及執匕者退,惟左人君,以其出於豕且與之同鑊,嫌宜在魚、鬼於此者,蓋要終言之。必言膚爲下繼公謂:膚爲下,陳鼎于外之時則然矣,

待載。

· 百建。 俎皆設于鼎西,西肆。 斯俎在羊俎之北

亦西肆。

俎者既設俎乃退。

繼公謂:後言肵俎,亦以設在後也。

執

文反。 宗人遣賓就主人。皆盥于洗。長匕。長,知

注曰:主人不匕。

言就主人者,明親

臨

之

庙 私人也。就主人,謂立于主人之南,西 云長 云賓者,省文耳。 繼公謂: 也。 匕,則匕者亦 既乃序盥,復位,乃序進。 此所遣者,二佐食,三司 此佐食,賓也。 有先 後矣。 此 司士, 士 禮 也。 舉 也

之。皆如初爲之于爨也。舌皆切本末,亦午割勿没,其載于肵,横下切上,午割勿没,其載于肵俎,末在上。佐食上利升牢心、舌,載于肵俎。心皆安

者、匕者異人,亦大夫禮異。

其分散也。今文切皆爲刌。 於載便也。午割,使可絶也。勿没,爲注曰"牢,羊豕也。安,平也,平割其下,

午割之,實于牲鼎,載,心立,舌,縮俎」,案《特牲・記》云「肵俎,心舌皆去本末,疏曰:皆者,皆羊豕,羊豕皆有心舌也。

入鼎先制之,是爲之于爨也。即是未入鼎時,則制此心舌然也。

既

未

載者明矣。皆如初爲之於爨者,言此切縮,於載者爲横。然則肵俎亦有執之以記》云「舌縮俎」,此云横之,蓋於俎爲起》云「舌縮俎」,此云横之,蓋於俎爲此一下本末者,欲其整也。《特性・繼公謂:此羊豕之心舌,蓋俱在羊鼎,故繼公謂:此羊豕之心舌,蓋俱在羊鼎,故

此載者蓋南面。以羊俎在其南也。舌載於俎,皆二以並,羊左而豕右與?

割之制,與爲之於爨之時無以

斯俎既載,則執俎者以錯于故處, 佐食遷肵俎于阼階西,西縮,乃反。

食遷之也。

西縮

猶

西肆

而佐

脅一、正脅一、代脅一、皆二骨以並、腸三、臂、臑、膊、骼, 正脊一、脡脊一、横脊一、短佐食二人, 上利升羊載右胖, 髀不升, 肩、

異

也。

心

六七六

三,皆 胃二,長皆 切。 及俎 肩、 臂、 拒; 臑、 舉 膊、 肺 骼 、長終肺、 在 兩 祭肺

肺、肩在

上。

代脅、長脅、短脅、肺、腸胃、膊、骼也。 費、肺、肩在上者,此是在俎之次。 俎有 人一、猶牲體之有前後,故肩、臂、臑在 上下,猶牲體之有前後,故肩、臂、臑在 上下,猶性體之有前後,故肩、臂、臑在 上下,猶性體之有前後,故肩、臂、臑在

及載之次見於此 禮之大牲,其俎實體骨之名,與其 則其 載於俎之次 繼公謂:此先言其出於鼎之序,後言其 肺」上當有「腸胃」二字,文脱 脊、脅、肺不言腸胃,可 在 鼎上下之次,亦可見矣。 也。 出 於 鼎者,其序 知 耳。 也。 如此 拒未 凡吉 或 出 鼎

俎,皆進下。

「進腠」,羊次其體,豕言進下,互相見。注曰:進下,變於食生也,《鄉飲酒禮

載時則但爲鄉俎之右耳。

繼公謂:進下,謂以每體之下鄉神位

司士三人,升魚、腊、膚。

魚用鮒,十有五而俎,縮載,右首,進升之,每俎異人,亦變於初也。

繼公謂:縮載,謂載而縮俎也。右首,注曰:右首進腴,亦變於食生也。

腴,則 下也。 而 其魚則左首進 載者視之而言也。 爲二 亦寢右矣。 列,此 魚以腴爲下,鬐爲上,右首而 其列 鬐,與此異。 亦三 士喪奠用食生之禮 魚之進 圃 每 腴,猶牲之進 列 又喪奠魚九 用  $\overline{I}$ 與? 進

注曰:如羊、豕。

腊

純而

俎

,亦進下,肩在

上。

下利升豕,其載如羊,無腸胃。

體其

載

于

據

繼 次,左右 骼各二,而脊脅之數亦倍於牲。 公謂: 股 腊一 肱 純 皆 一體 而 俎 以 則 並,而 肩、臂、臑、膊、 右爲上。 其載之

膚九而俎,亦横載,革順。

凡腊之體骨及載,亦見於此。

其骨體。 注曰:列載於俎,令其皮相順。亦者,亦

之横載者,載而横於俎也。繼公謂:上俎云進下即横載也,故此亦

## 右陳鼎、匕,載俎

卒脀。 自 面 阼 階 祝 盥 祝先 于 洗,升 人,南 自 画。 西 階。 主人從,户内 主人盥,升 西

坐奠于筵前。主婦贊者一人,亦被緆,衣主婦被緆,衣侈袂,薦自東房,韭菹、醯醢,祝先升,亦大夫禮異也。祝南面,負墉。

婦興,人于房。緣,並音彖。贏音螺。遂受,陪設于東,韭菹在南,葵菹在北。主侈袂,執葵菹、蠃醢以授主婦。主婦不興,

也。 其 其 亦如賓 衣侈 之也,故主婦不興。 人,見其數止於此 卿大夫之妻,展衣爲上,褖衣次之,此自 「缘衣素沙」是也。 缘,字之誤也。缘、緣通、《内 不言首 祭於家,故 侈其袂焉,所以 被如被袗衣之被,謂 (袂二 、衣亦得侈袂矣。 古者男女吉凶之衣, 一袂,婦 侈袂之度 尺二寸,袪 師,其 客之皆朝服 人助 服其次者,辟助祭於公也 亦 則 甚 祭 纙 未詳。 耳。 者 别 笄 一尺二寸,此 也。 内子祭 衣之也。 上不言主婦之位 其 於 與? 以 服 士妻之祭服也 然則雖 主婦 授主婦,坐授 宜 贊者 服缘衣 與 費者 緆皆當 司 主婦 非 制之正 亦被緣 服 内子, 云 而 **>** 同, 又 作 日

之而皆自其上者始 者,遠下君禮 得用朝 此 不言 事 盥 之豆 ,如《特 也。 籩,乃於此禮 牲》 或 君之豆籩,惟 可 知。 惟用 大夫尊 其 所 三豆 用 亦

此執俎皆匕者也。不使載者設之,亦大執魚、腊、膚俎,序升自西階,相從人。佐食上利執羊俎,下利執豕俎,司士三人

在豕東,特膚當俎北端。設俎,羊在豆東,豕亞其北,魚在羊東,腊

夫祭禮異也

當豕俎北端,乃云特者,明不與之爲列

也。

南 坐設于稷南,又興受贊者敦稷,坐設于黍 興受,坐設于魚俎南,又興,受贊者敦黍 俎之南。 主婦自 ,敦皆南首。 東房 婦 贊者執 執 金 主婦興,人于房。 敦稷 敦黍,有蓋,坐設 以授主 婦。 主 于 羊

> 也。 耳。 之面位矣 南首,則是設敦者亦鄉席爲之,如設豆 不可得而考矣。 設之,首足異鄉,蓋 蓋婦贊者惟一人而已。敦南首,是北 于户外,婦贊者一一反之,以授于主婦, 相變也。 也,故主婦興受敦,與受豆籩不同,禮貴 主,省文也,後放此。以授主婦,立授之 金 敦 《士喪禮》曰:「敦啓會,面足。」敦從 婦贊者,即主婦 以 金飾 其後二敦則婦人贊者執 之也, 執敦 四 有 贊 者 所 敦皆然,特見 者 面 象 足,而 也,但 人也,不 其 此 設 以立 其 制 足 則

祝酌,奠,遂命佐食啓會。佐食啓會,蓋

注曰:《特性遺食豊》曰以重,設于敦南。重,直容反。

重累之。」
重累之。」
「祝洗,酌奠,

繼公謂:

已酌奠即奠之於韭菹之南

前

南,卻而設于其南,兩敦之南也。云會,東當所設會之西,此文省也。設于敦

主人西面、祝在左。主人再拜稽首。祝祝復云蓋、以明會之爲蓋也。

用薦歲事于皇祖伯某,以某妃配某氏,尚曰:「孝孫某,敢用柔毛、剛鬛、嘉薦、普淖,

孝反。 響!」主人又再拜稽首。祝祝,下之又反。淖,女

面也。羊曰柔毛。

主人固

西

面矣,復見之者,嫌此時

或

異

## 右設饌祝神

階東,西面。祝先入門右,尸入門左。祝出,迎尸于廟門之外。主人降,立于阼

賓皆辟位,出亦如之。」祝人門右者,辟注曰:《特牲饋食禮》曰:「尸人,主人及

尸盥也,既則後尸。

巾,興,振之三,以授尸。坐取簞,興,以受北。乃沃尸,盥于槃上。卒盥,坐奠簞,取西面于槃東。一宗人奉簞巾,南面于槃宗人奉槃,東面于庭南。一宗人奉匜水,

注曰:庭南没霤。

尸

巾。奉,並芳勇反。

繼公謂:庭南,於入門左之位爲少北,於

此俟之,亦異於士。

祝延尸。尸升自西階,人。祝從。

祝從,從其升而入也。祝入亦南面。《特牲饋食禮》曰:「尸至于階,祝延尸。」

主人升自阼階。祝先人,主人從。

云祝先入者,明其先於主人。 上云尸人,祝從,則祝固已入矣。此復

### 右尸入

尸升筵。祝、主人西面,立于户内,祝在

左。

注 也。在左之義,見《聘禮 繼公謂: 日 : 祝從尸,戶 在左者,當爲 即 席,乃卻 主人釋妥尸之辭 居 主 人左。

坐。 祝、主人皆拜妥尸,尸不言。尸答拜,遂

也。 奠,不嘗鉶,不告旨,大夫之禮 注曰: 尸自此答拜而卒食,其間有不 ,尸彌尊 啐

既拜乃坐,亦變於士,所以升筵 繼公謂:云尸不言,則 妥 有 辭 矣。 而 尸於 未 即

祝反,南 面

坐者,以主人尊故也

注曰:未有 事 也。 墮祭,爾敦,官各肅 其

職,不命。

從尸入時,位在此。不響,亦大夫禮異。 繼公謂:妥尸 事畢 也。 南 面 云 反,以見

事

尸受,同祭于豆祭。辯音編,下並同。 俎,以授上佐食。 食 尸 取 取 牢一切肺、羊、豕各一也。 不言稷,見其尊者耳。 稷」字。 韭 黍稷于四敦。下佐食取牢一切 菹,辯腝于三豆,祭 注云墮祭亦誤,「墮」宜作「授」。 同猶兼也。 豆祭,豆實所祭之 上佐食兼與黍以授尸。 或曰「黍」下 于 言 豆 兼 間。 挾,如悦反。 與 上 脱 肺于 黍 佐 而

處。

上佐 上敦黍于筵上,右之。 食 舉 戸牢 肺、正脊以授尸,上佐食

注曰: 右之,便尸食也。重言上佐食,明 因。

更起

不

相

舉 尸 繼公謂: 物 同 也。 也。 不言振祭、嚌之、文省耳。右之、 重言上佐食者,授舉之後,尸有 此於所舉者皆繫 肺脊,先食舉之,亦明不 以尸,明 與 其 他 爲

食」,謂黍在尸右,則尸以右手取之便蓋當尸前之南。 案:注云「右之,便尸

也。

羊鉶。 有柶。 上佐 從,上佐食受,坐設于羊鉶之南。 主人羞肵俎 韭菹之南。 升自西階,故以明之。 羞,進也。云升自阼階者,嫌進俎者必 食羞 尸扱以柶,祭羊鉶,遂以祭豕鉶,當 兩 下佐食又取 ,升自阼階,置于膚北 鉶,取 一羊鉶于房中,坐設于 置,亦横設之也。 **豕鉶于房中以** 皆芼,皆

太牢,則祭鉶于上鉶之間,與此異。也,下篇曰:「以羊鉶之柶扱羊鉶,遂以也,下篇曰:「以羊鉶之柶扱羊鉶,遂以設。芼,以菜和物之名。祭鉶亦於豆祭繼公謂:上佐食受,興受之也,故下云坐注曰:芼,羊用苦,豕用薇,皆有滑。

食舉。

有脱漏也。《特牲饋食禮》曰「乃食,食舉」,謂一飯

晚反,下並同。 豆,有醢,亦用瓦豆,設于薦豆之北。飯,共之。佐食受,加于肵。上佐食羞胾兩瓦三飯。上佐食舉尸牢幹。尸受,振祭,嚌

在東列之北也。南、豕胾在北」者、謂羊在西列之南、豕羞乃有膷、臐、膮。 案:注云「羊胾在

其遠别於太牢之禮與? 禮,用太牢,庶

尸又食,食胾。上佐食舉尸一魚。尸受,

振祭,嚌之。佐食受,加于肵,横之。

注曰:魚横之者,異於肉。

與代禮同。 與字 賓尸,益送之俎皆於羊俎南載之, 然則佐食於加物于肵俎之時,其亦西面然則佐食於加物于肵俎之時,其亦西面然則佐食於加物于肵俎之時,其亦西面

之。上佐食受,加于肵。 又食。上佐食舉尸腊肩。尸受,振祭,嚌

之。腊必舉肩,以肩爲終也。注曰:腊、魚皆一舉者,《少牢》二牲,略

大夫禮異也。此言上佐食受,則前後所但一舉,故即用其尊體也。别舉魚、腊,

繼公謂:肩,右肩也。骨體惟肩爲尊,腊

又食。上佐食舉尸牢骼,如初。謂佐食受者,皆其上者也。

注曰

如舉幹也。

不拜,侑曰:「皇尸未實,侑!」又食,尸告飽。祝西面于主人之南,獨佑

者,嫌主人不拜祝獨侑,則或當拜也。繼公謂:侑尸之禮,祝固不拜矣,乃言之注曰:實猶飽也。祝既侑,復反南面。

祝獨侑,亦與士禮異。

尸又食,上佐食舉尸牢肩。尸受,振祭,嚌

之。佐食受,加于肵。

舉,又别其魚、腊,各自爲舉數,皆與士也。此禮或三飯而舉,或一飯二飯而三舉,骨體始于幹,終於肩,亦自卑而尊

異也。

尸不飯,告飽。祝西面于主人之南

注曰。祝當贊主人辭。

主人不言,拜侑。

繼公謂:不飯而告飽,又變於上。

祝爲之辭,故不言也。 主人不言,拜侑。 於此者,其面位

亦可

得

而

推

矣。

尸又三飯。

注曰:爲祝一飯,爲主人三飯,尊卑之

差。凡十一飯、士九飯。

繼公謂:於舉肩之後又三飯,爲主人加

也。

上佐食受尸牢肺、正脊,加于肵。

自舉,加于脈,與此禮異。佐食亦反上舉幹、魚,尸實舉于菹豆。故食畢佐食言受,明尸未嘗,奠之也。《特牲禮》: 既

敦黍于其所,經文略也。

答拜。

右尸食

主人降,洗爵,升,北面酌酒,乃酳尸。尸

拜受,主人拜送。

尊東西設,勺南枋,而北面酌之,則非酌云北面酌酒,見凡酌於此者之面位也。

故祝亦不相爵,皆大夫禮異也,下凡與兼,兼羊、豕也。於尸未受爵而主人拜,

《特牲》異者皆放此,不悉見之。

右主人酳尸

拜。主人西面奠爵,又拜。醋,才各反,與酢同,祝酌授尸,尸醋主人,主人拜受爵,尸答

·肝亦縮,進末,鹽在右。長,知丈反,下並同。祭酒,啐酒。賓長羞牢肝,用俎,縮執

尸

俎

注曰:鹽在肝,便尸換之

肝進末,即體進下之意。鹽在肝右,則繼公謂:此縮執俎者,執其左右廉也。

禮之肝從當進本也。 羊肝在豕肝之左與? 祭禮進末,則

之,加于菹豆,卒爵。主人拜。祝受尸爵。尸左執爵,右兼取肝,抨于俎鹽,振祭,嚌

六八三

下不見之。

位也。主人受酢而俠拜,亦大夫禮異初拜固西面矣,此言之者,著受爵而反

也。

以此使之祭者,若尊者賜之食然。綏亦當作授。授祭者,授主人以祭也。以授上佐食。上佐食以綏祭。綏當亦作授。上佐食取四敦黍稷。下佐食取牢一切肺,

主人左執爵,右受佐食,坐祭之,又祭酒,

不興,遂啐酒。

繼公謂:言坐祭之者,凡奠爵拜者執爵注曰:右受佐食,右手受祭於佐食也。

興,故至此云坐也。

祝與二佐食皆出,盤于洗,人。

三人皆爲將執所嘏之物而盥,敬其

事

也。

二佐食各取黍于一敦,上佐食兼受,摶之

以授尸。尸執以命祝

注曰:命祝以嘏辭。

于下敦。黍之上敦在西,下敦在東。繼公謂:各取黍,上者取于上敦,下者取

孫,來女孝孫,使女受禄于天,宜稼于田,人曰:「皇尸命工祝,承致多福無疆于女孝卒命祝,祝受以東,北面于户西以嘏于主

勿猶無也。替,廢也。引,長也,言無廢注曰:工,官也。承猶傳也。耕種曰稼。眉夀萬年,勿替引之。」女,並音汝。來如字。

止時,長如是也。

户西者,爲尸致嘏,宜近尸也。來如來繼公謂:受,受黍也。東北面鄉主人于

主人坐奠爵,興,再拜稽首,興,受黍,坐振禹之來,來之者,欲其進而受黍也。

爵以興,坐卒爵,執爵以興,坐奠爵,拜。祭,嚌之,詩懷之,實于左袂,挂于季指,執

黍,主人嘗之,納諸内。 挂音卦。 尸答拜。執爵以興,出。 宰夫以籩受嗇

夫 薦

棗

糗」,此宜

如之。菹醢

謂

韭

菹

薦者,亦宰夫也。下篇云「主婦獻祝,宰

注曰:出,出户也。納猶入也。

内,謂籩中。既嚌之,復嘗之,亦大夫禮黍,主人左執爵,乃取而嘗之,而納之。進受黍,復位乃坐祭、嚌之也。宰夫受繼公謂:云坐奠爵,是立聽嘏也。興,少

尚多儀也。

異

也。

此嘏

禮詳於《特牲》者,大夫尊,

## 右尸酢主人

主人獻祝。設席南面。祝拜于席上,坐

亦先設席乃酌獻之。

受。

答拜,即拜送也。主人西面答拜。

薦兩豆菹、醢。

亦髀者,與牲 腊兩髀不殊,皆取尸俎之不 也,其義 已多,故此略之。魚横之,亦據人而言 髀,右髀也。横脊、短脅不二骨者,俎實 而已,乃雜用五俎之物者,見其尊也。 與 加于肵 並 用, 者 故體 同。 亦放之。 牢皆用 用者耳。 右 祝 俎 腊

● 「醓」,原脱,今據庫本補。

六八五

不賓尸之禮,主人、主婦俎亦然。

祝取菹, 抨于醢, 祭于豆間。祝祭俎。

言户

西

者

則

近

於户。

言

牖

東

者

則

近

也。

凡

室中

北

面

拜

者

皆

在

户

牖

間

其

注曰:大夫祝俎無肺祭用膚、遠下尸。

之,既則反之於俎。《士虞》: 餞尸以乾繼公謂: 祭俎,取膚以祭也,亦振祭嚌

之。此膚乃俎實,異於膚祭,●不可以置肉,半尹爲祭。其祭之也,振祭嚌之,反

于地,其儀當與乾肉之祭同。不言振祭

嚌之,亦文省耳。

祭酒,啐酒,肝牢從。祝取肝堧于鹽,振

祭,嚌之,不興,加于俎。

「肝牢」當作「牢肝」。俎,牲俎也。

卒爵,興。

注曰:亦如佐食授爵乃興。

拜,坐受爵。主人西面答拜。

主人酌獻上

一佐食。

上佐食户

内牖東北

面

取節於牖,見其少西於其他之北面拜者

佐食祭酒、卒爵、拜、坐授爵、興。於牖。

立于户外。《士虞·記》曰:「佐食無事遠下尸,亦大夫禮異也。佐食興,則出,「拜」蓋衍文,祝與佐食皆不拜既爵者,

則出户,負依,南面。」

俎設于兩階之間,其俎:折,一膚。 薦 食在衆賓之中,又有上事,不宜 下篇獻衆賓以 食,其位、其 也。又不賓尸之禮云,其獻 人,但有脅而 明矣。折,説見前篇《記》。 薦脀皆如儐,然則 無薦,此 至於私 不云薦,亦 人,皆有 祝與二佐 此 薦 似 貶 佐 脅。 食有 文 於 私 佐

主人又獻 下佐食,亦如之。 其晉亦設 于階

間,西 上,亦折,一膚。

卒獻 受角,降,反于篚。」 位。《特牲饋食禮》曰:「佐食卒角,主人 ,則主人受爵,以實于下篚而升復

# 右主人獻祝及佐食

有司 贊者取爵于篚以升,授主婦贊者于房

受於户,當言内 于庭,故有司爲取之。 房東」,此「户」亦當爲「東」與 下篇曰「司宫取 此時内篚未有爵與? ,下篚也。 主婦亞獻用下篚之爵,豈 外西 爵于篚,以授婦贊者于 東,不宜單言也。 「户」字誤。 婦人不可以取爵 若授

酌 婦贊者受,以授 ,人户,西面拜,獻尸。 主婦。 主婦洗于房中,出

> 注 曰: 入户 西 面 拜,由 便 也

尸 拜受。 主婦 主人之北,西 面 拜送爵。

尸 祭 注曰:此拜於北,則上拜於南 酒,卒爵。主婦拜,祝受尸爵,

尸

答

拜。 尸不啐 易爵,洗,酌,授尸。 而卒爵,爲無從也。易爵,易于

篚在 不洗,賓尸 下篚也。醋而易爵,亦内子禮異也。 洗西、故因 乃或有之。 易爵而 洗之也。 凡尸 酢 下

主婦拜受爵,尸答拜。

主婦受酢不夾爵拜,亦變於不賓尸之

禮。

祭,祭之。 爵,拜,尸答拜。 上佐食綏祭。 其綏 主 祭如主人之禮,不嘏。 婦 西 面于主人之北,受

注曰:不嘏,夫婦 體

繼公謂:綏亦當作授。 其授祭,謂所 取

六八八

祭,又祭酒,乃卒爵。下篇曰:「主婦立有于房于室之異,皆相變也。主婦既及相授者也。士妻撫祭,内子受祭,又

主婦以爵出,贊者受,易爵于篚,以授主婦

卒爵,執爵拜。」

于房中。

注曰: 贊者,有司贊者也。

于下篚乃不洗者,辟祝爲尸易爵之禮也。此易爵于下篚,則内篚初無爵明矣。易爵繼公謂:贊者與主婦親授受,亦變於初。

右主婦獻尸,尸酢

主婦必洗者,爲贊者終其事也。獻祝可拜于主人之北。卒爵,不興,坐授主婦。主婦洗,酌,獻祝。祝拜,坐受爵。主婦答

主婦受,酌,獻上佐食于户内。佐食北面

以不洗

坐授主婦。主婦獻下佐食,亦如之。主婦拜,坐受爵。主婦西面答拜。祭酒,卒爵,

受爵以人于房。

奠于内篚。注曰:不言拜于主人之北,可知也。

爵

不興,此云祭酒,皆互見也。繼公謂:上云主人之北,此云西面

上云

右主婦獻祝、佐食

爵。 祭,遂飲,卒爵,執爵以興,坐奠爵 面 賓長洗爵,獻于尸。 拜送爵。 拜送爵。尸祭酒,卒爵。 尸答拜。 賓坐 祝酌,授尸。 奠爵,遂拜,執 尸 拜受爵。 賓拜。 祝受尸 賓拜受爵,尸 爵 賓户西北 以 拜。 興,坐

答拜。

類,皆放主人事尸之禮爲之。寶受酢而俠拜,與夫奠爵拜、執爵興之

## 右賓獻尸、尸酢

祝祭酒,啐酒,奠爵于其筵前。賓酌,獻祝。祝拜,坐受爵。賓北面答拜。

禮異。祝不卒爵又不及佐食,蓋放不賓北面奠之,奠於此者,明其與他奠爵之不卒爵,故啐而奠之。筵前,席南也,蓋

### 右賓獻祝

末獻之儀也。

階上,東面。祝告曰:「利成。」 主人出,立于阼階上,西面。祝出,立于西

階上,亦皆序内也。

祝先,尸從,遂出于庿門。祝人,尸謖。主人降,立于阼階東,西面。

時,亦皆鄉尸而還,略如《士虞•記》所祝先,先尸而行也。其出户降階及門之

事,則尸於門外次中俟之。《士冠禮》云也。尸出庿門,祝宜告以主人將有

曰:「請醴賓,賓就次。」

祝命佐食徹肵俎,降設于堂下阼階南。徹、祝反,復位于室中。主人亦入于室,復位。

直列反。

俎宜俱 嫌。 曏者所升之處也。 不得不於是乎取之 有司受歸之。 尸之禮,尸出則佐食出尸俎于庿門外, 徹所俎不出門,示將賓尸之意也。不賓 佐 食,亦上佐食也。 用尊體 肵俎 厂, 脈 俎 也。 而 有 以 終以 肩 賓尸者,賓尸之 阼 骼 階南,近於 歸 之屬在焉, 尸,故無

右尸出祭禮畢

佐食對之,賓長二人備。司宮設對席,乃四人養。上佐食盥升,下

六九〇

繼公渭: 資長二人,胃長資及最資長也,注曰: 備四人餕也。三餕亦盥升。

此佐食皆異姓也,故可使賓長對之。繼公謂:賓長二人,謂長賓及衆賓長也。

案:注知三餕亦盥升者,以《特牲禮》舉

奠及長兄弟盥而推之也。

佐食,皆右之于席上。司士進一敦黍于上佐食,又進一敦黍于下

資黍于羊俎兩端,兩下是餕。 注曰:右之者,東面在南,西面在北。

賓長在上佐食之北,一賓長在下佐食之注曰:資猶減也,減置于羊俎兩端,則一

南。

下是 也。 繼公謂:資字未詳。 羊俎 餕 謂 兩 二賓長 端,其於 以 兩下 此 兩端,當肩骼之 黍 亦皆 餕 也 爲 餕主 右 於 處 兩

司士乃辯舉。養者皆祭黍、祭舉。

佐食、故

以二賓長爲

兩

下。

主人西面,三拜養者。養者奠舉于俎,皆辯舉,舉膚以授四人。膚,即在特俎者。

答拜,皆反取舉。

注曰:三拜,旅之也。

西 拜 反者,爲其曏者亦在手也 俎,亦各於其所近者與? 不爲二人西面 繼公謂: 也。 面 拜矣。 養者答拜無異文, 西 反取舉,復取 面,于其位 圃 易位 拜之也。 也,言此 舉 則 皆答拜,答 于 是 俎 西 者, 奠 也 面 舉 者 明 言 亦 于 其

進二豆湇於兩下。乃皆食,食舉。司士進一鉶于上養,又進一鉶于次養,又

也。 者 兩 也 下 養則佐 資 此 黍 於俎 二佐食,●衆賓 一食反尊於賓長者,以其勞於 又 有 湇 無 也。 鉶,皆 兩 下, 下 文 蘉

室 職尊,不敢使之養也。 事 故 報 禮 特 重 焉。 二鉶,上養羊,下 祝不 養者,接神

養豕。 然則二豆湇亦羊、豕各一與?

養者。 若是以辯。皆不拜,受爵。主人西面三拜 者洗三爵,酌。 卒食。主人洗一爵,升,酌,以授上養。贊 養者奠爵,皆答拜,皆祭酒,卒爵, 主人授于户内,以授次養,

云洗三爵,總言之耳。 贊者,蓋亦宰夫也。每於將 若是,謂 酌乃洗 · 動、受、 爵, 奠爵,皆拜。主人答一拜。

授 者,人多,重勞主人一一答之也。 養者 也。 辯,及于兩下也。 皆不拜受爵

大夫、士之禮,其答卒爵拜者,皆一拜 可以略。 奠爵拜,亦與士異。 《特性》二人養,其禮亦然。 答一拜,卒爵禮 輕, 凡

蘉 者三人興,出。

也

乃見之者,嫌人多,或旅之也。

注曰: 出,降反其賓位

繼公謂 :不執爵以出,統於 上. 蘉

也

内,

西 上養止。主人受上養爵,酌 面坐奠爵,拜。 上養答拜。 以 醋 于户

注 曰:主人自醋者,上養獨 止,當尸 位

尊不酌 也

坐祭酒,啐酒。

主人啐酒者,爲聽嘏。 凡既祭酒而未得

上賽親嘏,曰:「主人受祭之福, 即卒爵者,必啐酒。 胡壽

家室。」

上養 親嘏,且不用黍, 惟以辭, 别於尸

也。 胡,如胡 福之胡

主人興,坐奠爵,拜,執 爵 以興,坐卒爵,

拜。

坐而 重嘏,故 聽嘏 其 也,亦殺於尸 禮 盛。 至是乃云主人興,是

六九

保

建

上養答拜,上養興,出。主人送,乃退。 云上養興出,則是不受主人爵也。主人

徹之也。出亦謂出户。送,謂送之於户 奠爵,上養不受,示禮有終,且爲有司將

外。退者,上賽退立于賓位也。賓以出

爲退,主人以入爲退。

右養

儀禮集說卷十六

正誤

長匕。

鄭本「匕」作「朼」,今亦從古文作「匕」。

緆衣。

鄭本「緆」作「錫」。注曰:今文「錫」爲 「緆」。繼公謂:「錫」、「緆」二字皆誤,●

而緆於緣爲差近,故特取其近者。❷

「二」,原誤作「一」,今據庫本改。 「特」,明本、通本、庫本作「但」。

六九二

## 儀禮集説卷十七

元

有司 徹第十七●

注 曰:《少牢》之下篇也。

繼公謂:此别爲一篇及其名篇之意,皆

與《既夕》同。

有司 徹。徹,直列反,下並同。

徹室中之饋及養者之豆爵,與祝之薦 出,是未歸 也。 其 俎

二佐食乃衆賓爲之,室中事畢,亦反 於

卒

而已。

鼎,

無腊

與膚。

乃

也。

祝不自執其俎以

賓位 此時有 則 祝 司 徹 與佐食皆當與賓尸之禮 祝 俎,或設於堂下 ·與?

敖 繼 公 撰

埽堂。

徹

,則出立於阼階東也

主人於養者之退亦反人於室,及有司既

注 曰:爲賓尸,新之。

司宫攝酒,乃燅尸俎。

注 曰: 燅, 温也。 温 戸俎

焉。 秋傳》曰:「若可燖也,亦可寒也。」 古文燅皆作尋、《記》或 於爨, 斯 作燖。 亦温

實不燅者,以無上位,略之,但因其故俎 言之耳。 所燅者,固不止此,是特爲其已在 羊、魚、豕,及所加于肵俎者也。 繼公謂:皆示新之。俎,俎實,謂尸前之 祝、佐食亦與賓尸之禮,其 雍 俎 者 俎 之

0 徹」,明本、 通本無此字。

略之。 腊全不用者,此禮 然鼎數宜奇,是以併去腊 是時亦不可以專鼎, 者,賓尸之禮,膚不專 繼公謂:少牢當五鼎,此 貶於祭,而 圃 俎 惟 而 乃無 鼎 附於 附 於豕 腊 而 腊 爲三 豕 又賤,故 與 俎 鼎 膚 也。 焉。 故 鼎

### 右新儐禮

乃 也,此 議 侑之言佑 必 相 議侑于賓,謂 異姓 類。 侑于賓,以異姓 與《鄉飲酒》 者,以 以 也,所以 異 姓, 尸 與賓長謀議可以爲侑 既 謂 輔 同 就先生而謀賓介之意 於 助 姓 衆賓之中擇之也, 故 尸者也。 侑 須 用 賓尸 異 姓。 が而 者

立侑,亦示敬尸之意,且貴多儀也。

宗人戒侑。

曰:「請子爲侑。」

注曰:戒猶告也。

南面告於其位,

戒

侑出,俟于庿門之外。

注曰:俟於次,當與尸更人。

右立侑

司宫筵于户西,南面。

注曰。爲尸席也

又筵于西序,東面。

注曰:爲侑席也。

尸北面者,尊大夫,若不敢爲賓客然尸與侑北面于庿門之外,西上。

也。

主人出迎尸,宗人擯 其 則 不 位 敢 當 以尊自居。 在 門外之西。 西 上,賓位尚左也 祭事 已 尸 出 門,

迎之而使宗人擯,待賓之禮也。 賓客尸

而 迎之,亦爲祭事已。

主人拜,尸答拜。主人又拜侑,侑答拜。 主人拜,蓋西面也。答拜者,其皆東

與?●此拜皆再拜,下文拜至亦然。

主人揖,先入門右。尸入門左,侑從,亦

左。 揖,乃讓

讓,經文省,亦以其 亦三揖至於階,乃三讓也。 叫 知 故 也。 惟云 凡 揖 主 乃

見之。 與客揖而先入,皆入門右也,經獨 於此

主人先升自阼階。 西,北面東 上。 尸、侑升自西階, 西 楹

等,如上下射 尸、侑升自西階,尸升三等,侑從之,中 升階之儀 也。 其 八降也 亦

主人東楹東,北面 拜至,尸答拜。 主人 又

東上,尸宜與主人相

當

也

拜侑,侑答 拜。

拜至,説見《士昏禮

右迎尸侑

乃舉。

面

注曰:舉,舉鼎 也。 舉者不

盤

"殺也

司馬舉羊鼎, 司 士舉豕 鼎,舉 魚 鼎以人,陳

鼎 如 初。

明其 司 馬二人,司士四人也。 與豕鼎異人也。 如 初, 魚 如 鼎 其 重言 東 方, 舉,

當序,西面 北 上。

從。 雍正 西 合執二俎以從,司士贊者亦合執二俎 西縮。 匕皆 執 一匕以從,雍府執二匕以從,司 加 二俎皆設于二鼎西,亦西縮 于鼎,東枋。二俎設于羊 - 鼎 以 1

0 面」,原誤作「西」,今據庫本改。

六九五

主 注 西,陳之宜具也 人、主 凡三 婦,其二俎 匕 」, 鼎 占。 設 于 四 豕 俎 鼎 爲尸、 魚 侑 之

者爲尊,亦宜 尊之也。 不 亦先 也。 也。 豕鼎、魚鼎西者,但欲 嫌 一公謂:一匕,羊匕也。二匕,豕、魚 其 北 設之亦北 四俎,乃尸、侑、主人、主婦之羊 所 而後 此 載 執 南 者 也。 也。 上,如 K 異 以 也 此 少 鼎之序, 使 者 羊 皆羊俎 爲貴、設俎 鼎 鼎 西 前皆有俎耳, ,其二乃在 特有二俎 然其 載 以 多 之 俎 K

下並同 覆 雍人合執二俎,陳于羊 二疏 匕于其上,皆縮 俎,西 俎西,並,皆 枋。 覆,芳服 西 縮。 反

注 日 疏匕,匕 柄有刻 飾者

俎 公謂 陳 于其 羊俎,指 西 , 亦北上。 在羊 鼎 其北 西 者 俎,次賓 也 此 以

> 豕匕, 事未 南。 肉消 羞羊 枋,爲縮,執俎者在西也。 羊、豕之湇 二匕覆于二俎之上,羊匕在北,豕匕在 司 ·匕滑、二 至 南非匕消之俎,亦 加 于其北俎,既 權 士以 豕匕消; 加之耳。 宜異 羞 一豕脅、 器也。 其 此 則 湇 南 覆 俎 反之。 覆 魚 俎 匕 將載,則 者,爲 司 于其上者, 疏 馬 縮 匕二者, 以 塵 俎 更以 羞 西西 也。 羊

#### 右 陳 設 鼎 俎 於内

主人降,受宰几,尸、侑降,主人辭,尸對。 所以 也。 爲尸受几,故尸從降。 謂之侑也 凡尸爲禮 與? 之類 此者,侑 侑 亦 降 則從之,此 者,從 P

宰授几,主人受,二手横執几,揖 几 揖尸,尸尊也。 自 東壁來,其授受於 《聘禮》,公受几於序端 阼 階 東 戸。 與?

主人升,尸、侑升,復位

注曰:位,阼階、賓階上位。

主人 三,二手横執几,進授尸于筵前 西面,左手執几,縮之,以右袂推 拂几

尸 進,二手受于手間

推拂,謂外拂之,推者,推手也。

共 間 案 之節耳。此授受者皆横執几,而二手之 此亦訝受也。 執其 有 廣 《聘禮》曰「賓進,訝受几 一廉明矣。 狹,則凡賓主之横執几者,二手 乃云手間者,但言其疏 于筵前」, 數

奠于筵上,左之,南縮,不坐。還音旋 主人退。尸還几,縮之,右手執外廉,北面

遠 特見其一耳。 縮 主人退,復位也。還几,還 於人故也。 執几,亦用二手,此惟 右廉而謂之外者,以其差 几稍高,故設之不坐,《少 云右手執外廉 而 易 教之也。

儀》曰「取俎、設俎不坐」,其意類此。

主人東楹 東、北 面拜。

注 日 : 拜送几 也。

尸復位 户 與侑皆北面答拜。

注曰: 侑拜者,從於尸。

禮重,故侑亦拜。答拜之文,主於尸也。 異於彼者,先奠几與? 訝受几於筵前,東面俟。公壹拜送。」此 尸在筵前,東面 繼公謂:至此尸乃復位,則是主人拜時 也。 《聘禮》曰:「賓進 飲酒而授几,其

右授几

主人降洗,尸、侑降。 尸辭洗,主人對。

洗,揖,主人升,尸、侑升。

辭對之儀,見《鄉飲酒》,故此略之。

尸 西 亦主人揖尸也,文省耳,下放此 楹 西,北面拜洗。主人東楹東,北面

六九七

北 對。 爵,酌獻尸,尸 面拜送爵 卒盥,主人揖,升,尸、侑升,主人坐取 答 拜。 降 北面拜受爵。 盥 户、 侑 降。 主人東楹東, 主人 辭 É

獻受之儀,亦當如《鄉飲酒禮》。

#### 右主人獻尸

方。 西方。 芳中反。 受,設於初籩之南,白在 于房、麷、蕡、坐設于豆西、當外列、麷在東 不興,受,陪設于南,昌在 主 婦 婦贊者執白、黒以授主婦、主婦不 自 婦 東 贊 房 者 薦韭 執 菹、醢 昌 菹、 ,坐奠于筵前 醢 西方。 東方。 以授 主 興,退。麵 興,取 婦, 菹 主 興, 籩 婦 在

稻。 注曰:昌,昌 黑,熬 魏,熬 黍。 麥也。 本也。 主婦 蕡,熬枲 韭菹 取籩興者,以饌 , 醯醢, 昌 實 也 本 白,熬 異,

> 焉。 尸以飲 外列 親之。 因其薦,故於其始亦變而 繼公謂: ,麷在麋臡 不辟君禮者,變而 當外 酒爲主,其 四 豆、四籩,放室 列 西 辟 也 鉶 禮變於饋 也 用 退, 之 用朝事 中 無 之數 食,不可 退 嫌 人 之豆 也。 也 房 也 籩 復 賓

右主婦薦尸豆籩

乃升。

注曰:升牲體於俎也。

胳 正 司 俎 脅一、代脅一、腸一、胃 臑 馬化羊,亦 、正脊一、 司 馬 脡 載。 脊 載右 横 、祭肺一,載 脊 體 ,肩、臂、 一、短脅 肫

注 升羊者,皆司 繼公謂: 日 俎,謂 司 馬爲之,特於此見之耳。 馬 司士所設羊鼎 即 舉 羊鼎者 西 也,以下凡 第 俎

當作匕,下同 者,爲當進羊匕湇、羊 西 載 馬 賓尸主於飲酒,此俎乃 脅皆 俎 於胳者,以其 在 IE 者,其數 有 上 而 爾,是言載時 一俎,謂 明明 ,則侑、 亦 全體之下矣。 祭者略同, ,亦北上,西 序載之。 ,且欲以所折 南面 燅 其 骨及 尸 及 司 神 主 執 俎, 士所 載 俎 每 人、主婦 之 腸、胃 折 先 惟 與 縮,俟時 而 肵 俎 以 設羊 進 臑 後之序也。其 也,折之則 者爲肉消俎 臑 此 既 俎 載 後 俎之法皆有異 必 各一者,義 肩、 載,則 並 於 之羊 鼎西之北 折者,見其貶於神 與 肉 乃 用 胳 有祭肺者,盛之。 臂、 他 消 設 也 爲 俎 遷之於 不爲全體 俎 臑 於尸 耳。 0 異 也。 異 在 耳。 復 亦 俎 脏、 也 所 亦 序 也 其脊、 俎 於 也,司 如之。 以 阼 総 胳 臑 則 上 俎 朼 然 階 此 既 而 與 故 後 實 具

> 羊 肉 嘧 湇, 肺 臑 , 載 折、 于南 Œ 脊 一 俎 • IE 脋 • 腸 \* 胃

俎 明 注 7,雍人 曰 爲上所折 肉 所設 · 清,肉在汁中者 分者。 在 南者 嚌 肺, 也。 離 必 肺 云臑 也

南

其 分右臑 亦北 此俎 云臑 此臑 俟 K 鼎 肉湇與羊俎之實同鼎而 繼公謂 文 時 湇 有 相 貴 而 上 清上、消中之異也。 折 蓋 明 爲之。 而已。 矣。 比 載, 與後足之觳 一云臑 多儀 也 肉消載於南 大 凡羊 也。 升 用 羊俎之外,又分其體以 折 IE 嚌肺,亦别 者,明 内 尊尸,不敢用左體,故 俎之節 消 同, 俎 與 其 以 名不同,以其 羊俎 豕 則 而 無 爲 脅、 於其 其 遂見之,欲 異 臑 北 西之二俎 湇 名,故 之下 正。 俎 魚 爲 也 羞 於 羊 爲 但

司士朼豕,亦司士載,亦右體,肩、臂、肫、

胃 侑 俎 折,正脊 正 胳 俎 一、切 俎 此 此 脋 與 臑 羊 羊肉 謂 ,故此尸 下凡升豕者,皆此 一、代脅 豕 Œ ·左肩、 肺 一、脅一、膚三、切 清俎 脅也。 脊 一,載 組之體骨皆放於羊俎 同。 • 左 膚 二司 脡 肫、 于一俎。 脊 臑 五 Œ 在 士 嚌 司 脊 胳 横 肺 士爲之。 即 下 脊 脅 - , 是亦: 肺 侑 舉 一,載 俎 載 豕 豕 鼎者 于一 短 折 豕 腸一、 脅 矣。 左 此俎 于 無 俎。 也 肩 IE.

百 正 肫 在 前 繼公謂: 注 禮 尸 在 在 體 日 俎,故 : 堂 下 以 祭以 ·端矣。 切 肩, L 侑 肺 因 此 無羊 離 後 ,亦祭肺,互言之爾 其 皆 體 羊 肺 肉消 禮 用 以 俎 其 也 左 肫 亦 有 ,故羊俎得 焉。 ,尊之也。 用 阼 以 祭肺 俎 切 有 亦 肺 者 肩 然 者, 「, 與 有 用二體 右 肫 或 尸 飲 體 酒 俎 則 皆

> **豕**脅同 設 羊肉 之, 亦 又 也。 二,故於此 無羊 在 以 或 無羊 湇 羊 有爲 肉 用 左 鼎 而 湇 肩 南 肉 用 西 殺之。 加之, 俎 湇 ,皆下尸 折 之 嚌,此乃 故 , 不 南 也。 者 或 豕 用 也。 放 脀 相 全 侑之羊 侑 羊俎 因 體 體 之豕 豕 用 數 爲羊 脅之肺宜如 之, 殺 俎 而 俎 司司 用切 於羊 非 與 俎 '士所 常 已 俎 之 用 禮

嚌肺 載 阼 湇 于 俎, 一、脊 羊 俎。 載于 肺 一、祭 一、脅 豕脅,臂 俎 肺 • 一、脊一、脅 腸 載 于 一 胃 俎。 嚌 膚三、 肺 羊 肉

西 注 俎 日 : 臂,左臂也 也 阼 俎 司 士所設豕 鼎

繼 公謂 尸之牲俎 三,主人亦如之,故 其 此

俎設於

房中,故不因堂上之禮。

膚在

猶言 用 無 加 不 貶 肺 正 亦以羊俎太簡故爾。此羊肉湇、豕脀皆 一故加 所别 雍 俎乃用 嫌於與尸同也。 侑正俎用肩,主人之 俎無體 而 人所設之南俎 豕 異 俎 俎宜用尊體。 也。 臂,蓋示其不相統之意。 豕脀 臂不言左者 ,遠下尸也。 也。 豕 骨體數乃放羊肉湇者, 不言肉消者,一俎 ,與尸 其脊、脅之屬,亦 미 無骨之屬, 同 知 也。 Œ 而已, 俎 但 太 用

膚一、嚌羊肺一,載于一俎。主婦俎,羊左臑、脊一、脅一、腸一、胃一、

與作俎 必用膚者 繼公謂: 主婦有 俎 注曰:言嚌羊肺者,文承膚下, ,司士所設在魚鼎西者。 惟 用羊 ,明其可用豕 肺之意 IE 俎 而無豕脅,下侑也。 相 脅而 近。 用 不 嫌也。 用 嚌 也,亦 肺 其

嚌羊肺上,未詳。

上。應,火吳反,鄭又音哻。 侑、主人皆一魚,亦横載之,皆加膴祭于其司士朼魚,亦司士載。 尸俎五魚,横載之,

繼公謂:二司士,舉魚鼎者也。横載之,亦縮俎,其於載者則爲横。此益送魚肉亦縮俎,其於載者則爲横。此益送魚肉斯見之矣。凡經言載俎之例:惟云横載斯見之矣。凡經言載俎之例:惟云横載析見之矣。凡經言載俎之例:惟云横載水流當也。此三羞湇魚,於越者則爲横。此益送魚肉

■ 「無」,原脱,今據庫本補。

### 右通言載俎之法

#### 卒升。

謂已升四羊俎 也

賓長 方,坐,左執爵,右取韭菹,腝于三豆,祭于 尸,●尸受,兼祭于豆祭。 豆間。 設羊俎 尸取麷、蕡、宰夫贊者取白、魚 於豆南。賓降,尸升筵自 長,之丈反。 以 授 西

注曰:賓長,上賓。

亦然。 則右執爵。 繼公謂:賓長設俎,尊尸之正俎也,阼 云賓降,見尸升之節也。 於尸升筵,主人亦疑立于阼 既 俎

階東。

二手執挑匕枋以挹湇,注于疏匕,若是者 以 俎 雍人授次賓疏匕 東 左 廉,縮 面 受于羊鼎之西。 之, 卻 右 與俎,受于鼎西,左手 手 執匕 司馬 一枋,縮 在 羊鼎之東, 于俎 <u>+</u> 執

> 挑,湯堯反,鄭音由。 挹,一人反。

注曰: 枋,可 此二匕者皆有 以抒物於器中者。 挑謂之歃,讀如「或春或扰」之批 淺 升,狀 如 注 飯 猶 撡。 寫 也。 挑長

端也。 矣。 繼公謂:疏匕與俎,在羊俎西之北者也。 文挑作抌。 不游 横 廉,卻右手執 俎西縮,疏 匕湇尊於肉 與 豕 執 手也。 左手執俎 L 俎 然則凡縮執俎者、皆當其 也。 湇 耳。 匕縮 清,故 挹湇且若是,則匕牲體者可 縮 匕枋以受湇,是身當 執俎 二手執 左廉乃縮之,是授受時 俎 ,西枋, 用上俎 以受于鼎西者 挑 羞之。 匕枋,敬 耐 此

下端

知

其事,

惟此

皆

0

「魚」、注疏本作「黑」。

七01

俎

下

左

手

執

左

陳

俎

時

尸興,左執爵,右取肺,坐祭之,祭酒,興,

左執爵

注曰"肺,羊祭肺。

繼公謂:言興左執爵,明其右執爵以興

也,下文皆然。

亦覆手以受,縮匕于俎上,以降。受匕枋,坐祭,嚌之,興,覆手以授賓。 賓次賓縮執匕俎以升,若是以授尸。尸卻手

若是者,謂 匕 妨,則 匕 執 内 上俎 鄉 而 之儀 便於 無變 用。 也。 覆 手 卻 以 手 授 受

受,統於尊者也。縮俎,則不復執之而賓,明其變於有事之時。次賓亦覆手以

清與肉淯相將之物,故以此先肉淯而進地。他時淯不祭,此祭者,重其在俎也。二手執俎矣。祭淯如祭酒然,亦注於

之。

尸席末坐,啐酒,興,坐奠爵,拜,告旨,執

爵以興。主人北面于東楹東答拜

面于東楹東,明其復位,下放此。拜告旨不降筵,以有後事也。云主人北

奠俎于羊湇俎南,乃載于羊俎,卒載俎,縮肺,坐絶祭,嚌之,興,反加于俎。司馬縮司馬羞羊肉湇,縮執俎。尸坐奠爵,興,取

執俎以降。

横 後 縮 執之,尸奠爵 執俎者,既 「湇」字衍。 載 司馬 則錯 亦 北 于 而 左, 宜 面縮奠俎 改執之也。 辟 既則 羞 俎 載 時 西

一燔于俎上,鹽在右。尸左執爵,受尸坐,執爵以興。次賓羞羊燔,縮執面于俎東載之。

執俎以降。

于

鹽

,坐振祭,嚌之,興,加于羊俎。

賓

縮

燔

俎

縮縮

受燔取于俎也。

室中

之事

無

燔

俎,

故

此

與

亞

獻皆用之,

10日

七〇四

末。 興,坐奠爵,拜 尸 東 降 答拜。 筵, 北 面 主 ,執爵 于 人受爵。 西 楹 以 西, 興。 尸 坐卒 升 主人北 筵, 爵, 立 執 面 于 于東 爵 筵 以

### 右主人獻尸禮卒

主人在其右,北面答拜。主人酌,獻侑。侑西楹西,北面拜受爵。

東,及侑降筵北 進受之以 獻侑,亦於席前 復位。 面 西南 主人 則復就其 既 面 拜, 也。 右。 則 侑 文 既 于 拜 西 階 則

房。受之,奠麷于醢南,蕡在麷東。主婦人于婦贊者執二箋麷、蕡以授主婦,主婦不興,主婦薦韭菹、醢,坐奠于筵前,醢在南方。

席南上也。主人席豆相變之法,於斯見 醢在南方,是豆北上也。豆北上者,以

侑 升筵自北 南上也。 之矣。下云侑升筵、降 豆、兩籩同 主 方,司 時設,故 婦 薦 馬 豆 横 不 而 執 必 贊 親 羊 筵 者 自 俎 取 即 籩 以 北 贊 升, 方, 籩 設 是 于 席 兩

凡正俎皆横執,此乃明言之者,以司馬豆東。

進之,嫌

亦

縮

執

也

者,以 則不 放於尸。 不啐酒者,凡堂上每獻,啐 宜 無 啐 肉消 上禮尸 酒,以 故 也 異 嚌 其 湇 節。 乃 啐 侑 酒 酒 無 之節 此 此 羊 無 L 皆當 湇, 湇

爵以興,坐奠爵,拜。主人答拜。侑降筵自北方,北面于西楹西,坐卒爵,執

# 注曰:答拜,拜於侑之右。

事至乃設席,略

倣室中致爵之節,

亦所

### 右主人獻侑

篚,興,對。面。主人降自阼階,辭洗。尸坐奠爵于尸受侑爵,降,洗。侑降,立于西階西,東

洗。尸對。主人復阼階東,西面。 尸適洗南,北面。主人阼階東,南面辭

注曰:設籩于菹西北,亦辟銂。

人降,尸辭,主人對。卒盥,主人升。尸尸北面于西楹西,坐奠爵,答拜。降盥,主卒洗,主人升。尸升自西階。主人拜洗。

可知也。侑不升,辟酢禮也。與尸同主人亦揖乃升,與前後之儀同,不言者,

升,坐取爵,酌。

面拜受爵。尸西楹西,北面答拜。司宫設席于東序,西面。主人東楹東,北

升,則嫌若同

酢主人然

于菹 主婦人于房。 婦贊者執二籩麷、蕡,主婦不興,受,設麷 主婦薦韭菹、醢,坐奠于筵前,菹在北方。 南 以尊尸、侑也。 西北, 面 酢主人。 蕡 在 麷 主人拜受爵,復位 西。 既設席 主人升筵自北方。 ,尸乃於席 前 東

執俎。 祭,嚌之,興,反加于湇俎。 末坐啐酒,執爵 祭之,祭酒,興。 長賓設羊俎于豆 豆籩,如侑之祭。 侑速於尸,主人速於侑,皆所以示其異。 豆席相變之法,愈可見矣。 繼公謂。主人之席亦南上,而菹在 主人坐奠爵于左,興,受肺, 以興。 次賓羞匕清, 西。主人坐,左執爵,祭 興,左執 司 馬羞羊 、爵,右 司 馬縮奠 如尸禮 升筵之節 肉消, 取肺,坐 北方 滑 坐絶 俎 縮 席

七〇六

于羊 者,執 左,辟 此 虚 祭酒 經言羞 俎者,見其 俎 興, 西 肉 俎 消 乃 以 亦 清俎 進 俎 載之,卒載 左 盡 也。 亦 執 一節,其 載 授 爵乃 受肺 於羊 也,故取之。云受言 縮縮 受 文有 俎 亦取於俎,言受 6 執 而 ) 湇。 虚 加 無 俎 尸者,所 所 以 奠 釋也。 降 爵 于

主人 禮 坐 取 爵 以興、次賓羞燔、主人受、如尸

以

足其義,非異

也

燔 不言羊,可知 也。

東,再 執爵 尸、侑皆升就 尸、侑皆北 西 主人降筵自北方,北面 答 拜。 以 拜崇 興,坐奠爵,拜, 主人坐 面于 酒 筵 西 尸、 一奠爵 楹 侑皆答再 西。 執 于阼階上,坐卒爵 于 主人北面 爵 東 以 序 拜。 興。 南 主人 尸 于東 侑升。 西西 及 楹 楹

此尸酢主人,主人拜崇酒,而侑亦 答 拜

> 者,緣 就二二字宜衍其 及尸、侑,先後之辭 主 意, 亦 \_\_\_ 欲 也 并 謝 後 己 文放 也 此。 云 主 一升 人

#### 右尸酢主人

司宫 取爵 于篚,以授婦贊者于房東,以授

主婦

注 繼公謂: 日 : 房東,房户外之東。 以授主婦,婦贊者以 授 È 婦 于

司 房、今司宫乃取爵于下篚以授者, 徹之後,此爵又反於下篚 與 ? 有

房中也。

上篇亞獻畢,主婦

以

爵

干

主婦

洗于房

中,出,實

爵

尊

南

西

面

拜

獻

尸。 尸拜于筵上,受。 尊南

注曰

西

面

拜,由

便

也

且 繼公謂 因室中之禮也,後三獻放 尸 拜 于 筵上受,以 其殺 此 於主人,

興,入于房,取糗與腶脩,執以出,坐設之,鉶以從,主婦不興,受,設于羊鉶之西。取一羊鉶,坐奠于韭菹西。主婦贊者執豕主婦西面于主人之席北拜送爵。入于房,

以示其變。糗、脩北上,明不與初儀序,糗與脩,雜用饋食之籩也。去棗用脩,婦親取之,以其與鉶異類,不可相因也。酒而有鉶,尸尊,亦盛之。設二籩而主直人席北,此時主婦堂上之正位也。飲

西

面

糗在蕡西,脩在白西。興,立于主人席北,

脩」之「祭」,當如下文作「取」,蓋字誤於此乃云尸坐,是受爵時立也。「祭糗尸坐,左執爵,祭糗、脩,同祭于豆祭。

下儀類此。

以羊鉶之柶扱羊鉶,遂以扱豕鉶,祭于豆

也。

祭,祭酒

次賓羞豕匕湇,如羊匕湇之禮。 居其祭之三以序之,且示禮殺有漸也。 其祭之四,三獻居其祭之二,故於此特矣劉乃祭酒者,是禮初獻祭酒之節,居

焉,既則各反之。 焉,既則各反之。 焉,既則各反之。 焉,既則各反之。 焉,既則各反之。 焉,既則各反之。 焉,以實自縮執と俎以受,雍人不復 異者,次實自縮執と俎以受,雍人不復 異者,如其左手執俎左廉以下之儀,其

尸坐啐酒,左執爵,嘗上鉶,執爵以興,坐

奠爵,拜。

主婦答拜,執爵以

興。

牲饋食禮》曰:「尸祭鉶,嘗之,告旨。主此嘗鉶拜也,不告旨,異於主人也。《特

人拜,尸答拜。」

司士羞豕膋。尸坐奠爵,興,受,如羊肉湇

司

士

縮

奠豕

脅于羊俎之東,載

于羊俎

之禮,坐取爵,興。

奠爵亦於左。

禮,坐卒爵,拜。主婦答拜,受爵。 次賓羞豕燔。尸左執爵,受燔,如羊燔之

受爵亦於其席也,下文放此。

右主婦獻尸

酌,獻侑。侑拜受爵。主婦,主人之北,西

面答拜。

亦拜于筵上受,蓋不敢異於尸,不言者,

可知也。北,亦席北。

侑坐,左執爵,取糗、脩,兼祭于豆祭。主婦羞糗、脩,坐奠糗于麷南,脩在蕡南。

無鉶,亦殺也。不祭酒者,上禮尸祭鉶

啐酒同。

乃祭酒,

此

無鉶

則不祭酒,其義與

上不

司士縮執豕脀以升。侑興,取肺,坐祭之。

乃縮執俎以降。侑興。

者,初獻無羊清,故此雖有豕脀,亦不用取肺,亦右取之。肺謂切肺。豕脀無淯

消也。

帚筝年,受爵。 次賓羞豕燔,侑受如尸禮,坐卒爵,拜。

主

婦答拜,受爵。

如尸禮,亦如受羊燔之禮也。

右主婦獻侑

酌以致于主人。主人筵上拜受爵,主婦北

面于阼階上答拜。

之儀也。與主人行禮,故亦得獨拜於阼筵上受,因尸禮也。北面答拜,放室中

階上。

糗、脩,祭鉶,祭酒,受豕 主 婦設二 鉶 與 糗、脩, 如 匕消, 尸 禮。 啐酒 主 人 皆 其 如 祭 而降洗者,例無徒降之禮,●蓋於此篇及

尸禮。嘗鉶不拜。

尸禮 也。 在 鉶 有鉶者 7,羊在 麷北,脩在蕡北。 嘗鉶 , 阵俎如尸, 故鉶亦因之。 菹北,豕在 不拜,鉶,己物也,言此以别於 羊北。 此啐 酒,爲 設 糗、脩,糗 將當鉶 設二

拜。主婦北面答拜,受爵。其受豕脅,受豕燔,亦如尸禮。坐卒爵,

## 右主婦致爵于主人

尸降筵,受主婦爵以降。

爵也,其西面于主人之北以待之與?主婦受爵,尸即降筵,主婦以尸將受己

爲己,宜辟之也。凡婦人於丈夫之爲己侑、主人降,從尸也。主婦人于房,尸降主人降,侑降,主婦人于房。

《士昏禮》見之矣。

主人立于洗東北,西面。 侑東面于西階西

南。

北,侑云西階西南,未詳,疑文有誤衍于西階西,此亦從降也,而主人云洗東東序,則宜西於洗北。又上文侑降,立設洗,當東榮,而主人降位在阼階東,直

也。

尸易爵于篚,盥,洗爵。

易爵酢主婦,因室中之禮也。

主人揖尸、侑。

者,尸酢之意已見於前,今無嫌也。酢主人之時,侑不升故也。必揖之使升亦異揖之。於此乃并揖侑者,以曏者尸

● 「徒」,諸本同。据文意,疑当爲「從」。

主人升。尸升自西階,侑從。

主人北面立

七0九

于東楹 東。 侑西楹西,北面立

以 尸方行禮,宜俟之。

于侑東答拜。主婦人于房。 尸酌,主婦出于房,西面拜受爵。 尸北 面

酢之。 西 面,亦於主人席北,蓋尸亦就此位而

西。 司宫設席于房中,南面。 主婦南面立于席

爲下。 變於不賓尸之禮 既受爵乃設席,降於主人也。 未設豆而立席西,亦異於上。 也。 立 於席 西 席南 者 亦西 面,

方。 者不興,受,設麷于菹西,蕡在麷南 婦贊者薦韭菹、醢,坐奠於筵前,菹在 婦人贊者執 麷、 費以授婦贊者, 婦 西

左執爵,右取菹, 抨于醢,祭于豆間。 主婦升筵。 注 曰:婦人贊者,宗婦之少者。 司馬設羊俎于豆南。 主 一婦坐, 又取

于房,見其不就席

燕禮》曰:「公立卒爵,坐奠爵拜。」云立

坐絶祭,嚌之,興,加于俎,坐捝手,祭 **麷、蕡,兼**祭于豆祭。 主婦奠爵,興,取 肺

啐酒

注曰:捝手者于帨。 帨,佩巾。 <sup>《</sup>内 則

曰,婦人亦左佩紛帨

繼公謂: 凡祭離肺者必捝手,經不 盡 見

之也。

人,立于房。尸、主人及侑皆就筵。 卒爵,執爵拜。 主婦執爵以出于房,西面于主人席 次賓羞羊燔。 卒爵,婦人常禮也。 人君及主婦耳,其異者,奠爵 出房卒爵,宜成禮於所酢者之前也。 主婦興,受燔,如主人之禮。 尸 西楹 西北 立卒爵 面答拜。 而 與 拜既 執 北,立 爵 主 也。 立

#### 右尸酢主婦

注曰:上賓,賓長也,或謂之長賓。奠楹西北面拜送爵。尸奠爵于薦左。賓降。上賓洗爵以升,酌,獻尸。尸拜受爵,賓西

爵,爵

止也。

禮也。不奠於右,爲妨往來及行左,醢東也。不奠於右,爲妨往來及行獻而奠爵,亦欲助祭者皆受獻也。薦繼公謂:拜受爵,亦於筵上也。尸於三

### 右上賓獻尸爵止

主人 辭。 主 西 侑 人降,洗鱓。 實 尸對。 楹 不升者,酬禮不及己,升,嫌也。 觶 西 酬 北 卒洗,揖。 尸,東 面 尸、侑降。 答 拜。 楹 東 尸升,侑不升。 坐祭,遂飲,卒爵, 北 主人奠爵于篚 面 坐奠爵,拜。

> 解, 尸 拜。 于 坐奠爵于薦左。尸、侑、主人皆升筵。 篚 尸答 對。 拜受爵。 拜。 卒 洗,主人升,尸升。 降洗,尸降,辭。 主人反 位 答拜。 主人奠爵 尸 主 北 實 面

也。 以酬尸者,宜終尸禮,乃可 異於士也。主人於尸爵止之後即 昌本之東與? 之席前,尸階上 卒洗亦揖乃升。主人實觶,亦北面于尸 人既答拜尸,乃進,北面奠爵。 侑升堂之節,其在尸奠爵之時乎? 酬 拜,乃進受之而反位,主 而授觶者,大夫之禮 以 獻 薦左,其 助 祭 舉 者 觶

# 右主人酬尸,尸奠酬

婦、皆右之。司士羞庶羞于尸、侑、主人、乃羞。宰夫羞房中之羞于尸、侑、主人、主

注曰:房中之羞,其籩則糗餌、粉餈,其

主婦,皆左之。

豆則酏食、糝食。

矣。 中以别於庶羞,明庶羞不自房來 亦恐或然,但未必其俱用之也。 在左乃其常處。 食之禮,庶羞亦設于薦豆之左,則庶 公謂 注以羞籩、羞豆之實爲此房中之羞 庶 羞之物恐亦 :房中之羞,饌于房者也。 庶羞 不 左,則内羞 過 胾 醢 丽 己。 也。 右 言房 亦 羞 宜 饋

右羞于尸、侑、主人、主婦

門東,北面,皆答壹拜。主人降,南面拜衆賓于門東,三拜。衆賓

之禮異於士者。主人三拜旅衆賓,衆賓異也。未獻之前衆賓位在門東,亦大夫之而尸、侑不從,與《鄉飲》、《鄉射》之禮繼公謂:助祭之賓,主黨也,故主人降拜繼公司:拜于門東,●明少南就之也。

答一拜,大夫、士之禮同。

對。卒洗,升,酌,獻賓于西階上。長完主人洗爵,長賓辭。主人奠爵于篚,與

長賓辭亦北面,蓋於門東少進也。升,拜受爵。主人在其右,北面答拜。

主人

西

河市。已酌,長賓乃升,遠下尸也。獻賓當

南面。

宰夫自東房薦脯醢,醢在西。

也。 豆相變之意 醢 在 賓位 西 者 於庭,北 爲 也。 降 設 由是言之,則他禮 於其 而 位 脯 醢 則 南 脯 上 當 之類 亦 在 席 南

司士設俎于豆北,羊胳此者皆可得而推矣。

一、腸一

胃

切

肺

一、膚

注曰:羊胳,羊左胳。薦與設俎者,既則

「注」,原誤作「主」,今據明本、通本、庫本改。

0

俟于西序端。

亦因尸禮。 堂上者也。 繼 公謂 上 賓 肺繼胃言之,羊肺可 用 切 體, 肺 者,賓俎設於堂,故 又 無 脊、 脅,遠别於 知。

南。賓坐取祭以降,西面坐委于西階西興、坐奠爵,拜、執爵以興。主人答拜,受興、取肺、坐祭之、祭酒、遂飲、卒爵、執以興、东肺、坐祭之、祭酒、遂飲、卒爵、執以

尊之。祭,脯肺。下位也。反下位而在西階西南,已獻,注曰:成祭於上,尊賓也。取祭以降,反

獻乃立於此,尊者之禮,節文彌多,以相宜親執之。西階西南,賓之正位也,既繼公謂:賓取祭以降,以己所有事者也,

宰夫執薦以從,設于祭東。司士執俎以

變爲

貴。

執以興,似脱一「爵」字。

從,設于薦東。

夫、司士,大夫之私人也。 薦,則自此以下皆私人爲之明矣。 其間之前耳。 此設薦于祭 東,則是 此 獻 長 凡 賓而宰 祭 于 豆 夫、 司 間, 乃 士 宰 當

以辯。辯受爵。飲,卒爵,不拜既爵。宰夫贊主人酌,若是衆賓長升,拜受爵,主人答拜。坐祭,立

謂皆如「衆賓長升,拜受爵」以下之儀。者,見獻賓一人乃贊酌也。若是以辯,虚爵授宰夫,宰夫爲酌之。於此乃言之率夫贊酌,大夫尊也。贊酌者,主人以

而南,皆東面。其脀體儀也。其薦脯、醢與脀,設于其位。其位繼上賓

言辯受爵,嫌或有不與

者也

體盡,儀度餘骨,可用而用之。今文儀注曰:亦宰夫薦,司士胥。用儀者,尊

皆 作 騰

用體 設之 之屬與? 薦脀設于其位。」然則此 辯。」此下經言兄弟之儀云:「升受爵,其 公謂:《特牲饋食禮》曰: 爵,坐祭,立 也。 折,卑者但 」,則此 體儀, 又下云「長兄弟之脀折, 非折 |用儀,且儀者其脊若 謂 飲,薦 或體,或 而 俎,設于其位。 儀者,惟有膚 薦 儀 脀 「衆賓升,拜 也。 亦於每 尊 脅 脅 者 獻 而

### 右主人獻賓

乃升 長賓。 主 人 、酌,酢 于 長賓, 西 階 上 北

画。 賓在左。

注 繼公謂: 長賓」二字似衍。 曰:言升長賓,則有贊者爲之。 乃 升 長 賓 蓋此乃主人自酢,非 者,其 宗 人與

> 故主人自酢以達其意 以 酢,變於士禮。 酢 酢 于 長 于西階上。」 賓 也。  $\wedge$ 賓辟尸,不敢親 鄉 此 飲 文 酒 宜 類之。 主 酢主人, 人 編獻 實 乃

祭,遂飲,卒爵,執爵以 主人坐奠爵,拜,執爵 以 興,坐奠爵,拜。 興。 賓答 拜。 賓 坐

答拜。賓降。

注 繼公謂: 曰:降反位 賓降反位, 則主 人 亦就席矣。

右主人自酢

西階 宰 賓答拜。 夫 注 南 洗 北 觶 宰夫授主人觶,則受其虚爵,奠于 坐祭,遂飲,卒爵,拜。賓答拜。 以 面。 升。 賓在左。 主人受,酌,降 主人坐奠爵,拜, 翢 長 賓于

篚。

日

繼公謂: 宰夫授觶于上,便其酌也。 此

亦異於士。

爵。 洗 主 ,升,酌,降復 人洗,賓辭。 賓西面坐奠爵于薦左。 位 主 人 、坐奠 賓 拜受爵,主 爵 于 能,對。 人拜送 卒

説 亦北 位 此 一,西階 時當 見《特牲禮》。 面 也。 西 南之位 面,乃 賓 西面奠爵 薦左,薦北 也。 云復位 以《 未 特 于薦 牲 詳 左,由 禮 》例之, 主人拜

#### 右主人酬賓

立飲,不拜既爵。 長升,拜受爵。 主人洗,升,酌,獻兄弟于阼階上。 兄 異 知 獻兄弟不殊其長,與衆賓同,亦大夫禮 也。 (弟卑於衆賓,主人於其次者不親酌 下 不言宰夫贊主人酌,略其文耳。 獻内賓放此 主人在其右 皆若是以辯。 此獻 答拜。 亦 西 辯受爵 南 兄弟之 坐祭, 面 П

> 設于其位。 其位在洗東,西面北上。升受爵,其

薦

脀

降也。 同,故互文以 諸其席,是禮似之矣。 其受獻,則爲之設薦脀于位 也。 之節也。至此乃言其位者,因文而 酌,獻衆賓 又著兄弟長以下既獻之位,及其設薦 升受爵,謂每人升受爵之時 《鄉飲酒禮》衆賓 不言升受爵 相足也。 此不言宰夫 而設薦脀,其 每一人獻,則 明明 不 也。 見之 俟 其 於 薦 脀

其先生之晉,折,脅一、膚一。其衆,儀也。

注曰:先生,長兄弟。

也。 以 豕,則不可考。 繼公謂 此别 俎不設於堂,故無切 長幼 脅猶俎也。 也。 先生 無 離 脅折,其 其 肺 折 肺 者,因 與 衆則儀,亦 脅,若羊若 上賓 俎

### 右主人獻兄弟

爵。 人南 主人洗,獻 若是以辯,亦有薦脀 面 于其右答拜。 内賓于 房 中。 坐 祭,立 南 面 飲,不 拜 受 爵, 拜 既 主

婦北 日 亦設薦 之席東,南面 注 日 堂 内賓立于房中西 内賓,姑 ,東面北上。 脅於其位。 於其 姊 右,主人之位 妹及宗婦。 《特牲 「墉下, 饋 東 食禮 面南上,宗 獻 恒左人。 于主 · 記》 婦

爵,已 皆北 謂 著其位者,嫌未獻、既獻之位異 蓋 繼 公謂: 東北 長 幼 面 於衆賓兄弟見之,此可 拜 也 面 洗不言降,是洗于房也。 一,是或 ,受送之拜皆南 受以下之儀同 一禮 與? 也。 面 若是以辯, ,猶堂上之 知 不言辯 也 也 獻 亦 之 受 不

### 右主人獻内賓

主人於其羣 升受,主人答其 不拜既爵。 主人降洗,升,獻 若是以 私 人不答拜。 長 私 拜。 人 辩。 于 乃降,坐祭, 阼 宰夫 階 其位繼兄弟之 上。 贊 主人酌。 拜 立 于 飲,

注曰:初亦北面在衆賓之後爾。凡獻,南,亦北上,亦有薦脀。

位定。

其文 其間二獻之不言此者爲省文耳。 節 長 東 拜 於「若是以辯」之後,見獻私人之長即 繼公謂 惟 楹 于 拜 以 下 亦 東 前 殊 . 而 而 異。 後兩言宰夫贊 私 之。 降飲 拜 人,猶 於 獻 自獻衆賓 賤 私 其右,私 私 人 也。 臣 圃 降 也,經、記 主 獻 人 至 洗, 賤 亦 人 此 、酌,所 ,其 西 重 故 南 獻 異 獻 但 面 禮 人,故 此 以 答 凡 一, 於 也。 見 其 四

矣。 所親酌 之也。 多,足以任其事,不用公有司與? 此禮内賓以及私人,其俎亦皆儀 内賓、宗婦、公有司、私臣,其俎同,然則 北 有司在衆賓之中,不必别見之與? 更端也。《特牲•記》言衆賓及衆兄弟、 上者,賤於兄弟,故其位繼其 大夫無獻公有司之禮,豈其 者惟於其長,益 以是例之, 則 獻 可見矣。 内 賓以 上,主人 此 後 而 或公 私 有膚 而不 位 臣 亦

### 右主人獻私人

主人就筵。 尸作三獻之爵

升,立於西階上,尸乃舉爵 繼 注曰:上賓所獻爵 之,亦異於士。 賓尸之禮皆尸自作 公謂:主人畢獻 丽 止 就筵。 爵,不待獻 也。 三獻 此 者作 於是 與 不

> 司 士 羞消魚, 縮 執 俎 以升。 尸 取 膴 祭 祭

之,祭酒,卒爵

淯,隆污之殺。 俎,羞匕湇,肉湇。 注曰: 不羞魚匕清,略 豕無 小 味也。 Œ 俎,魚無 羊 有正 禮

可知。 繼公謂:不言左執爵與 興 、坐者,如

上

執俎以降。 司士縮奠俎于羊俎南,横載于羊俎,卒,乃縮 爵拜,行禮之序於此可見。 卒爵,乃執虚 故載魚於此,不得象其在魚俎也。尸既 載者,正俎之實已多,又加以益送之俎, 横載者,於俎爲横,與牲 尸奠爵,拜,三獻北面答拜,受爵。 爵 以 待 執俎 體 者 同也。 降,而 不縮 後奠

### 右尸作止爵

酌、獻侑、侑 拜受。 三獻北 面 答拜。 司 馬

七一八

羞湇魚 如 尸 禮。 卒爵, 拜。 三獻答拜

受爵

拜,其節宜 主羊俎 皆司士爲之,此不宜使司馬,且司 主人亦然。 司 馬」,當作「司士」,字之誤也。 耳,羞 與 尸 湇 同,此略言之耳。 魚 非 其 事 也 卒 下 爵 馬 文 惟 與

三獻西

楹

西北

面拜,受爵,尸在其右以

授

人耳。

之禮也。

賓尸而不因室中之禮者,惟主

俟其

軍獻

乃酢之。

酢

圃

不洗,亦因室中

繼公

謂

賓尸,則尸

與侑、主人爲序,故

注

日

:

既

致于主人,尸

乃酢之,遂賓意。

之。尸升筵,南

面答拜。

坐祭,遂飲,卒

拜。三獻答拜,受爵 面 酌,致主人。主人拜受爵,三獻東楹東北 答拜。司士羞 一消 魚,如尸禮。 卒

尸也 不 以與主人爲 致」下蓋脱「于」字也。賓拜東楹 致爵于主婦,變於不賓尸之禮 此 與 禮 侑 如 ,則不敢 尸 禮、皆兼 獨 拜 祭 西 階 酒 上,辟 而 東 者, 言

右上賓獻侑,致于主人

尸

降筵,受三獻爵,酌以酢之。

爵,拜。尸答拜。 尸在 遠辟主人獻賓之禮 是既卒爵亦奠之而拜矣。 其右,並授也。 執爵以降,實于篚。 也。 並 云 授 執 圃 不 爵 司 以 降,則 面 拜,

右尸 酢 上賓

答拜。 遂飲 奠爵,拜,執爵以 二人洗觶,升,實爵,西 卒 爵 皆降 執執 爵 以興、坐奠爵、拜。 興。 尸、侑答 ... 西北 拜。 面 東 坐祭, 尸、侑 Ŀ 一, 坐

酬下爲上,所以逮賤也。」其是之謂與?二人舉觶,爲旅酬始也。《中庸》曰:「旅

洗,升,酌,反位。尸侑皆拜受爵,舉觶者

皆拜送。侑奠觶于右

南。 坐,文省也。 前,不變於主人之儀也。 席,拜送亦於其位。 反位于西楹西,俟拜 于右,亦由便耳。 舉觶者不 也。 受爵 侑奠觶 奠 亦 觶 右,糗 不 於 于 其 席

# 右二人舉觶于尸、侑

尸遂執觶以興,北面于阼階上酬主人,主

人在右

也。尸雖不奠觶猶坐,以其當然也。言遂執觶以興,是曏者亦執觶以坐而俟

不拜既爵,酌,就于阼階上酬主人。坐奠爵,拜,主人答拜。不祭,立飲,卒爵,

謂 亦 東 執 面 觶 興,主 授之,如《特牲》賓兄 人乃答拜 也。 此 弟 酬 旅 主人, 酬之

儀。

筵。 興。 爵,酌,復位。 幡 主人拜受爵。尸拜送。尸就筵。主 侑 侑答拜。 于西京 楹西, 侑在 侑拜受,主人拜送。主人復 不祭,立飲,卒 左。 坐奠爵,拜,執 爵, 不 拜既 人以

乃升長賓,侑酬之,如主人之禮。復位而西面授之,下放此。

至于衆賓,遂及兄弟,亦如之,皆飲于上。注曰:遂旅也。

遂及私人,拜受者升受,下飲。注曰:上,西階上。

次者也,惟云拜受,云下飲,是兄弟及私下也。下飲,謂就其位而飲之,以酬其私人拜而升受兄弟之爵,俟兄弟答拜乃

七二〇

因酬己者之儀,且賤者禮簡也。酬者在下,難爲禮也。私人飲不拜者,人飲時皆不拜矣。兄弟飲不拜者,以所

卒爵,升,酌,以之其位。相酬辯。

注曰:其位,兄弟南位,亦拜受,拜送,升

酌由

西階。

相酬,則私人之長其下飲之時,亦在此繼公謂:以之其位,飲所酬者也,亦於此

卒飲者實爵于篚。

明矣。

注曰: 末受酬者,雖無所旅,猶飲。

#### 右旅酬

乃羞 兄弟酌以相酬之時,房中亦旅 無 祭 房 庶羞于賓、兄弟、内賓及私人。 薦 中之羞,别於主婦 脀,文不具 耳。 以 此 上也。 羞 同 時 此 羞 節 一,則 亦

## 右羞于堂下及房中

兄弟之後生者舉觶于其長。

注曰:後生,年少也。

坐真子,库,兔子从具。是等手。 洗,升,酌,降,北面立于阼階南,長在左。

似有爲主人酬長兄弟之意,故位如主人此後生者舉觶,與主人酬賓之儀略同坐奠爵,拜,執爵以興。長答拜。

而長在左。

坐祭,遂飲,卒爵,執爵以興,坐奠爵,拜,

長既拜,則復于東面位也執爵以興。長答拜。

洗,升,酌,降,長拜受于其位,舉爵者東面

苔拜。爵止。

面答拜,宜鄉之。爵止奠之於薦左也,亦變於士也。酬而受爵,因賓禮也。東此拜受于其位者,别於主人之親酬,是

#### 以 其 未即舉,故言止,亦省文。

# 右兄弟之後生者舉觶于其長

賓長獻于尸如 酢也。 爵 也。 加 觚于篚,其爲此 牲饋食禮》長兄弟於三獻之後洗觚 賓長者,亦獻于尸,不嫌,與三獻 繼公謂:賓長,衆賓長,即次賓也。 注 爵、大夫禮異 一,此節與之同,器亦宜同也。 此獻當用觚,不言者,文省耳。 如 無清,爵不止 初, 初,無清,爵不止 如 其 也。 用 與? 不使兄弟,不稱 獻 消謂 ,别不如初者。 侑酌致于主人受尸 消魚。 上篇實 者同 爲 但言 ^ 特 加

#### 右次賓獻致如 初

賓 注 一人舉爵 E 遂之于下者,遂及賓、兄弟,下至 于尸 , 如初,亦遂之于下。

> 于私 人。

之儀,其異者,不及侑耳。 即舉觶也。 繼公謂: 賓一人, 次賓之次者也。 如 初,如二人舉觶于尸、侑 亦,上文尸酬 舉 爵

# 右賓一人舉觶于尸遂旅酬

主人以下之禮

賓及兄弟交錯其酬,皆遂及私人,爵 長,亦交錯 尊,不宜無所 無筭爵者,此雖 至醉而止。賓尸至於飲酒 賓與兄弟又皆迭舉如初禮 飲者,洗酌,反之。 酬兄弟長,交錯以辯,不拜。私人之卒 後迭舉,而不並行也。 言皆遂及私人,則是賓及兄弟之奠爵先 以辯。 别異。 變於祭禮 長兄弟乃 卒飲者 無 其禮 筹爵之儀太簡 然 亦洗酌 而堂上不行 則 爵行無數, 尸猶有餘 取 賓 觶 長 無 反之, 酬 取 筭。 觶

不崇敬。

## 右堂下相酬爵無筭

尸出,侑從。 主人送于庿門之外,拜。 尸

不顧。

送尸于庿門外,以其賓之也。 此云不

拜侑與長賓亦如之。衆賓從。 顧,見士於大夫之禮也

從,從長賓也。

司士歸尸、侑之俎。

尸、侑尊,司士徹 俎 而 歸 之。 賓長而下,

則自徹而授其人以 歸。

主人退。

注曰: 反於寢也。

有司 徹。

徹,徹阼俎與堂上下之薦羞之屬也。 人不徹,則其所徹者不以入于房與? 婦

右尸出禮畢

若不賓尸。

端言不賓尸 也。而上下篇以賓尸者爲主,至是乃 此下之禮,視賓尸者爲少質,則 之序此先彼後,如冠禮之醴 者焉。 周禮尚文,抑 與 醮 是 又可 者 制 更 然 禮

心,固不專主於所尚而已。 夫人自擇而行之,是又聖人至公無我之

則相

類也。然既有新儀,又存舊禮,使

是雖與冠禮言醴醮之序者不同,意

見。

則祝、侑亦如之。

注曰:謂尸七飯時。

尸食。

注曰: 八飯。

脅,皆牢。盛音成,下同 乃 盛 俎 臑、臂、肫、 **脡脊、横脊、短脅、代** 

注曰:盛者,盛於所俎也。

舉 也。 繼 而 公 正脊、幹、 上 詞 前體 然。 先 先 此 骼,則羊、豕 IE. 所 臑 體 後 取 臂者 者,三 而 後 脊、 肩 各 體 未 脅,亦以 四 四 舉,若自 體六骨矣。 骨 與? 尊 所 卑 下

魚七。

肩

既

舉

而

俎

但有六骨,以爲

所釋者也。

注曰:盛半也。魚十有五而俎,其一已

舉。

少,故魚盛十有二。已。牢之骨體已多,此可以略,《特牲》幾公謂:魚盛七,并前所舉者一,僅八而

腊辯,無髀。

俎,嫌有之。 注曰:亦盛半也。言無髀者,云一純而

故此明之。腊用一純,故得取其半。云繼公謂:前升腊於鼎俎時,不云髀不升,

胃、膚 體,則賤者略之可 辯者,明 不 盛者 右 體 以以 及 其 其 也 於 脅 骨 與 體 脊 爲 皆 賤 盛 既 也 取 骨 腸

受,加于肵。 卒盛,乃舉牢肩。尸受,振祭,嚌之。佐食

肩之後又實他俎,不宜與肵俎之事並行先盛衆骨體乃舉肩,變於士禮,亦爲舉

也。

羊,當作魚,字之誤也。 佐食取一俎于堂下以入,奠于羊俎東。

實于一俎以出。摭,之石反。 乃摭于魚、腊俎,俎釋三个,其餘皆取之,

魚、腊 脅、正 摭 摭 三脊、三脅,惟當各 猶 四个,腊摭 取 俎釋 脅、代 也 三个而 其餘,謂三个之外者也。 脅 八个。 各 牢 取 其 俎 骨 所釋者 骨 六个者, 肵 魚三个而 而 已,故 1,腊則 俎 牢 俎 於 短 魚

祝、主人之魚、腊取于是。

之所釋,不容不有六骨

不在儐禮後也。

右不賓尸尸食之禮

主人洗,酌,酳尸,賓羞肝,皆如 **儐禮**。

卒

爵,主人拜,祝受尸爵,尸答拜 屬也。 自卒爵以 凡與儐禮 下不蒙 同 如 儐禮者,欲與後 而重見之者,其意皆

禮 相

然。

右主人酳

尸

祝酌授尸,尸以醋主人,亦如儐。

初非 此與上文所謂儐者,皆前篇室中之事 儐禮,乃以 儐爲文者,以其已入儐

之節内故爾,下文放此

其 **媆祭**,其嘏,亦如儐。 腝,亦當作「授腝」,去「授」字,又差近

Ļ <u>рц</u>

佐食受牢舉,如儐。

惟云主人拜侑,省文。

飯。

飯,並符晚反

尸不飯,告飽。

主人拜侑,不言。尸又三

俎之腊用髀,儐與不儐同耳。

者、主人、主婦之魚、腊及祝之魚

也。

祝

取于

是

繼公謂:此亦大夫之禮異者也。

臑。不言主婦,未聞

者,三者各取一魚。其腊,主人臂,主婦

注曰:祝、主人、主婦俎之魚、腊取

於此

注曰: 舉肺脊。

繼公謂:此儐者,賓之之謂,蓋指賓尸之

禮也。 惟言賓,則意有所不備,故 以 儐

蒙之,省文耳。不言如初者,見是禮 元

經先見儐禮已有成文,故此

以

如

也。

言之。

### 右尸酢主人

## 右主人獻祝及佐食

主婦 婦興,反位。 不興、受、設之、栗在糗東、脯在 在稷南,糗在棗 主婦其洗獻于尸,亦如儐。 此 反取箋于房中,執棗、糗,坐 如儐,謂拜送爵以上之禮 南。 婦贊者執栗、脯 棗 設之,棗 東。 主 婦 主

繼公謂:篡位自左而右,綪之,變於敦位注曰:反位,反主人之北拜送爵位。

籩與? 之宜也。 也。 則闕之者,詳於堂上,故略於室中,隆 亦八,當與其豆數同。 有棗、栗無糗、脯。 「栗」下脱「脯」也。天子、諸侯饋食之籩 此饋  $\wedge$ 周 食之禮 官 • 籩 則 人》 蓋「棗」下脱「糗」, 四箋者 職 此從獻之禮,價 饋 ,其饋食之 食之籩五 殺

之,祝受,加于肵。 用俎,鹽在右。尸兼取燔堧于鹽,振祭,嚌尸兼祭于豆祭,祭酒,啐酒。次賓羞牢燔,尸左執爵,取棗、糗。祝取栗、脯以授尸。

卒爵,主婦拜,祝受尸爵,尸答拜。注曰:自主婦反取籩至此,異于儐

#### 右主婦獻尸

主人之北拜受爵。尸答拜。主婦反位,又祝易爵洗,酌,授尸。尸以醋主婦。主婦

七二六

拜。 此 亦當作授。 夾 上 佐 拜 食綏祭, ,内子 ,正禮 如 儐。 也, 卒爵 **儐則略之。** 拜,尸荅拜。 綏

#### 右尸 酢主婦

人之北答拜。 主婦獻祝,其酌如儐。 拜,坐受爵,主婦主

如儐,其酌以前之禮。

祝左執爵,取棗、糗祭于豆祭,祭酒,啐酒。 宰夫薦棗、糗, 坐設棗于菹 西,糗在棗 南

次賓羞燔,如尸禮。

注 繼公謂: 内子不薦 曰:自宰夫薦至此,亦異 而使官爲之者,遠下 (于 僧。

尸,亦大夫禮異也。 士禮,主婦薦豆箋

於祝

卒爵。 主婦受爵,以入于房。 主 婦受爵,酌, 獻 二佐食,亦如 儐。

> 此 以 上如儐者皆在前篇 主婦受,是亦

祝

卒

爵

而

不拜

既

如

儐

也

### 右主婦獻祝及佐食

賓長 洗爵,獻 于尸。 尸拜受,賓户 西 北 面

答拜。 爵 止

受爵而即止,亦大夫禮異 也。

此三獻爵止之義,與《特牲饋食禮》同。

右賓長獻尸爵止

主 主 婦 婦 户 洗 西北 于房中,酌,致 面 拜 送爵。 于主人,主人拜受, 司宫設 席。

設席 亦於主人立處之南也

主婦薦 于菹 婦 肺、皆牢。 贊 北 者 糗 糗 執 韭 棗、糗 菹、醢,坐設于席前,菹在北方。 膚三,魚 在 棗 西。 以從,主婦 佐食設俎 不 興,受,設棗 ,臂、脊、脅、

與牲腊異。既設俎主人乃升筵坐,與主實多故爾,亦遠下尸也。魚一,亦横之,脊、脅各一骨。脊、脅之數皆少者,以俎臂,左臂也,腊臂亦如之。肺,離肺也。

爵,拜。 興,加于俎,坐捝手,祭酒,執爵以興,坐卒遂祭籩,奠爵,興,取牢肺,坐絶祭,嚌之,主人左執爵,右取菹,堧于醢,祭于豆間,

婦升筵之節

同

人于房。 人荅拜。卒爵,拜。主人荅拜。主婦以爵主婦答拜,受爵,酌以醋,户内北面拜。主

繼公謂:主婦亦坐祭,立飲而卒爵,此文李寶之曰:主人不致爵于主婦,異於士。

略也。

右主婦致爵于主人

尸作止爵。

注曰:自爵止至此,亦異於償。

祭酒,卒爵,賓拜。祝受爵,尸答拜。

而無從,與士禮異者,其亦辟尊者之禮尸曏受爵而即止,故於是祭之。於三獻

與?

祝酌,授尸。寳拜受爵,尸拜送。坐祭,遂

飲,卒爵,拜。尸答拜。

亦不得同於主人,是與儐少異者也。以其間有爵止之事,既變於上,故此儀此賓受酢,不夾爵拜,而卒爵之儀又略,

### 右尸作止爵酢賓

獻祝及二佐食。

與? 初。 禮 賓 上 人獻祝 此 |篇此節獻祝不卒爵,又不 《特性 經文 亦 北 略也。 禮》 面 拜,獻佐食亦 日 其 「獻祝及 (或以 主 言獻 婦 西 佐 獻 面 食, 佐 禮 拜 皆如 通之 食 與 之 ?

### 右賓長獻祝、佐食

答拜。坐祭,遂飲,卒爵,拜。賓荅拜,受洗,致爵于主人,主人席上拜受爵,賓北面

爵。

酌 致 主人 爵 雖 于主 拜于 婦。 席,亦立受爵 主 婦 北堂。 與與 祝 司 異 宫設 席,

北

上

明

矣。

注曰:賓致爵于主婦,異於儐。北堂,謂

東

面

記》日 而 儐。 席北 上左也,上 婦于房中南 立于北 上 左 此設 堂 也。 堂, 東 「宗婦北堂,東 席 面 左則北上 即 亦 此禮設席 面 則 所設席之北 北 ,主婦立于席 在 上也。 一宗婦 也。 雖 面 之北 變 賓尸之禮,席 北上。」主 也。 而 西,是 也, 東面  $\Rightarrow$ 亦 特 一, 亦 東 婦 異 牲 宜 上 於 之

主婦席 於此 席北 切近於宗婦長之位 北 故故 上,主婦 東 由 面拜受爵,賓西面答拜 便 乃拜 也。 不 于席北 故 與 拜 於 席 者,以其 南者 其 先 立

以篇首設豆之例言之, 菹在婦費者薦韭菹、醢, 菹在南方。

南方,

則

席

豆東、羊臑、豕折、羊脊、脅、祭肺一、膚一、受、設棗于菹南、糗在棗東。 佐食設俎于婦人贊者執棗、糗授婦贊者、婦贊者不興、

魚一,腊臑。

羊肺也, 曰祭者, 誤衍爾。 豕折而腊臑豕折, 不言其所用之體, 未詳。此肺, 嚌

卒爵,拜,主人答拜。賓以爵降奠于篚。 洗,酌,醋于主人,户西北面拜,主人答拜。 立卒爵,拜。賓答拜。賓受爵,易爵于篚 之,祭籩,奠爵,興取肺,坐絶祭,嚌之,興, 加于俎,坐捝手,祭酒,執爵興,筵北東面 主婦升筵,坐,左執爵,右取菹,換于醢,祭 以至于末獻,室中之事 易爵于篚,亦下篚也。自及佐食至此, 内外之禮異故耳。 亦儐之所殺者,其義與 者,腊與牲並用,則宜放其尊者。 上同。 無復 如 自是而後 儐者,以

# 右賓長致于主人、主婦

乃羞,宰夫羞房中之羞,司士羞庶羞于尸、

注曰:不賓尸,則祝猶侑耳。祝、主人、主婦,内羞在右,庶羞在左

右羞于尸、祝、主人、主婦

如儐禮。如儐禮。其位,其薦胥,皆内賓與私人,皆如儐禮。主人洗,獻兄弟與位,其酬醋,皆如儐禮。主人洗,獻兄弟與主人降,拜衆賓,洗,獻衆賓。其薦胥,其

繼公謂:此禮長賓之俎,其異於儐者,注曰:此與儐同者在此篇。

切肺耳。

右主人獻賓以至于私人

之異於儐者。羞者,羞庶羞。卒,謂皆獻畢也。獻畢即羞之,亦其節卒,乃羞于賓、兄弟、内賓及私人,辯。

無

## 右羞于堂下及房中

降實于篚。 賓長獻于尸,尸醋,獻祝,致,醋。 賓以爵,

注曰:致,謂致爵於主人、主婦。

其 長加爵 惟爵 長,説見於前 繼公謂:此亦洗觚以獻,與《特牲》兄弟 疏曰:此次賓長爲加爵也。 可 知故 不 之器 止與不及佐 也。 同。 此 經見 亦 食耳,餘 衆賓長 此禮之殺 也,惟言賓 則略之,以 於上者,

### 右次賓獻致

賓、兄弟交錯其酬,無筭爵。

文不具耳。 儐禮,在羞於私人之後,賓長加獻之前, 李寶之曰:此兄弟舉觶于其長,亦當如

> 詳。 文不具者多矣,固不止如李氏所云也 賓長以觚加獻之後,而賓、兄弟乃舉觶 行觶,皆以尸用觶之時爲節也。此於衆 舉觶于尸,尸 酬,遂行無筭爵。 爵止,堂下乃舉觶 相酬,而爲無筭爵,似非其節,蓋 庭者爵無筭。以是二者觀之,則庭中之 繼公謂: 《特牲禮》,衆賓長以觶爲加爵于尸, 此亦 乃行酬, 偏及于下, 然後 儐、不 儐同 大夫賓尸之禮,賓一人 而旅酬,既作止爵復旅 ,不言. 如償,未 此上 之 在

# 右賓兄弟相酬爵無筭

於此亦不終其獻,以 畢,其禮漸殺,衆賓 奠之,亦北 面 奠 于 長 其 獻 見己禮 筵 不 前 及佐· 也。 亦 食、故 宜 祭 一殺之 事 祝 將

### 右上利獻尸、祝

中。 前,尸從,遂出於廟門。 階上,東 主人出,立于阼階上, 人。主人降,立于阼階東,西面。 祝命佐食徹 面。 祝告于主人曰: 戸俎 西 面 祝反,復位于室 祝 「利成。」祝 出, 尸謖,祝 立于 西

位,經有脱文也。 祝反,復位于室中。 主人亦入于室復

佐食乃出尸俎于庿門外,有司受,歸之。

徹阼 ·薦俎

徹 堂下俎畢出,與《特牲禮》同也 阼薦俎,亦佐食爲之。 既徹阼俎,則

右尸 出祭禮畢

乃養,如償。

儀禮集説卷十七

出也。

注曰

上

一篇自

司宫設對

席,

至上

般 興

: 謂

#### 右蘉

面,如饋之設,右几, 那用席。 卒養,有司官徹饋,饌于 室中西 納一尊于室 北隅,南

中。 注曰: 取敦及豆。 官徽饋者、司馬、司 佐食不舉羊、豕俎、親餕、尊 士舉

厞,扶味反。

也。古文厞作茀。

繼公謂:南面,亦大夫禮異。

司宫掃祭。

注 三曰: 埽 豆間之祭。舊説云埋之西階

東。

禮》埋幣之處而言也。 繼公案:舊説謂埋祭于西階 東者,據《聘

俎,宰夫

#### 右改設

反。 受,歸之。衆賓出,主人拜送于庿 告:「利成。」乃執俎以出于庿門外,有 出,立于西階上,東面。 主人出,立于阼階 上,西 画。 司宫闔 祝 牖 執 門外,乃 户。 其 俎 司 祝 以

注曰:拜送賓者,亦拜送其長。

言婦人乃爲徹事也,其事在下。

婦人乃徹

徹室中之饌。

房者,婦人乃得爲之,不然則否。室中爲其當以入于房與? 凡徹饌而以入于室中之饌即改設者也。婦人徹此饌者,

與之頃耳,然則改饌之不爲厭神,益可之饋改饌而闔牖户,自闔牖户至此,須

見矣。

禮集說卷十七

儀

右禮畢

也。 此亦以柶祭鉶也,宜云扱,與彼同,不宜 之間祭」,蓋以柶取物而祭,則必扱之。 云挹。 大夫禮》曰「扱上鉶以柶,辯擩之,上鉶 醴」,二《記》皆云「始扱一祭」。又《公食 鄭本「扱」作「挹」。 挹湇」,注曰「今文挹皆作扱」,皆此經文 當從今文。 案《士昏禮》、《聘禮》賓「以柶祭 繼公案:上經 云以

> 故宜取其近者。 也,但換於授字爲尤近,

**媆**二字皆誤

換」。

繼公謂:此當云「授祭」。「綏」、

啐酒 ,皆如尸禮。

拜,今從疏之所謂或本者,去「拜」字。 上無「拜」文。繼公謂: 啐酒之上不當有 本云「拜啐酒」。 疏曰: 或此經「啐酒」之

南面立于席西。 立於席西」。 鄭本無「南面」字。注曰:今文曰「南 繼公謂:宜從今文入「南 面

其換祭。

面」字。

鄭本「腝」作「綏」。注曰:「綏」,古文爲

後序

《儀禮通解》,乃始以《記》文分屬於經文 條之下,謂以從 所以尊經,而 足經意者也。 亡逸焉 《大射》、《少牢》上下也。然以意度之,此 《記》,四篇則 四篇者未必 禮 》經與《記》各自爲篇數,是班固之時,經、記猶不相合 今乃各在其本篇後者,其鄭氏置之與? 禮》古經十七篇,其十三篇之後皆有 爾。 無一《記》之可言,或者有之而 夫記者,乃後人述其所聞,以 不敢與之雜也。 舊各置之於其本篇之後者, 無 簡 之。 便。予作《集説 四篇者、《士相見》、 《漢·藝文志》言 》, 而 朱 子 每 於 作

此則不能從也。

予非求異於朱子也,顧

其

撰者,但十七篇之《集説》耳,若亦用此法,

者,固 可也。 者之意考之,則亦不 者,則或於其篇末見之,否則於他 數繁,其《記》文有不可附於本篇每條之下 於《記》文,亦皆包括 故雖未必盡 記》言壻見妻父之類是也。 射之禮、、士冠・記》言無大夫冠禮而有其昏禮、、士昏 有於經意之外别見他禮者。 阼,以著代也,醮於客位,加有成也」云云之類 亦有兼爲數條 如《聘・ 之《記》,有特爲一條而發者, 勢有所不可耳。 始冠之緇布冠」之類是也。 可用《通 記》云大夫來使「無罪饗之,過 何則? 如 其所謂 解》之例矣,非是,則 《通 而發者, 何以言之? 解》之書,規模大 爲 而 若其 以 有兼爲 無少 無所 如《冠・ 從簡 但 異矣。 遺也。 如《鄉 便之説,而其 如《上 記》云「適子冠 兩 爲 《儀禮 則餼之」是也。 條 射 篇 是 圃 予之所 然 條 未 記》言 附之, 也 發者, · 記》云 以 見 而 ൬ 諸 篇 其 發 亦

宜矣,又何足怪焉? 《彖》、《象》之辭。其始也,四聖之書或前 長樂敖繼公書。 由是言之,則予之不敢用《通解》之法也亦 文,有不可盡入於本篇每條之下者乎? 且正之,蓋不欲其相雜也。而况此《記》之 辭,可以附於每卦每爻之下者也,朱子猶 以復古經之舊。夫《文言》與《彖》、《象》之 分而合之,以從簡便,及至朱子復釐正之, 所謂以吾之不可學柳下惠之可者,吾有取 爲 或後,各居一處不相雜也。 王、周公作卦爻之辭,孔子作《文言》、 之爲書也,更四聖而后成,伏羲畫卦爻,文 焉爾,夫豈敢有求異之意哉! 則其所遺者不既多乎? 故不若仍舊貫之 愈,而不敢效朱子《通解》之爲也。魯人 大德辛丑仲秋望日, 後世學者乃各 且夫《易》

# 儀禮喪服文足徵記

〔清〕程瑶田

校 撰點

喪服經傳無失誤述 七八	喪服無逸文述 七五	<b>儀禮喪服文足徵記四</b> 七五	成人小功本服及長殤服緦麻表附 七二	本服殤服一貫表 六二	喪服通別表 三八	<b>儀禮喪服文足徵記三</b> 三八	喪服經傳考定原本下 二二	儀禮喪服文足徵記二 二三	喪服經傳考定原本上 一	儀禮喪服文足徴記一	自叙 四	儀禮喪服文足徵記敘	校點說明		多		
兩殤服章發例述 一一四	儀禮喪服文足徵記六 一一四	妾服發例述 一一三	公大夫士妾私親服例説 一二一	妾不體君述 ······· 一〇九	女子子嫁者未嫁者不能同服述 一〇七	大功章大夫之妾條從舊讀説 一〇〇	不杖麻屨章大夫之子條經傳義述 九八	據經文決無逆降之例述 九七	降服説 九六	<b>儀禮喪服文足徵記五</b> 九六	報服舉例述 九一	旁治昆弟親屬述 八九	喪服親屬窮殺述 八七	爲庶子不爲長子三年不繼祖立表説 八五	正體於上義述 八四	庶子不爲長子三年述 八二	辨論鄭氏斥子夏喪服傳誤之譌 八〇

友子1777文十7 157 447	喪服小記上下旁殺親畢記	小功卒哭可以取婦取妻説	儀禮喪服文足徵記七	疏食素食説	翦屏柱楣圖説	述總	述髽	娣弟姒長説	謂弟之妻爲婦説	夫之昆弟無服説	爲服舉例説	女子子在室及適人嫁大夫相	妻爲夫親從服表	臣爲君之祖父母從服期述	殤服經傳中從上下異名同實述	殤服中從上中從下辨	再論兩殤服章制禮之由	
	四五	四二	一 四 二	一元九	· · ·	一七	一六六	<u>-</u> 元	三四四				二六	三四	九	一七	六	
	論尊加與至尊之服同非兄弟服之義	兄弟服例表	兄弟服説	夫之世叔父母大功不見報文説	論緦麻旁殺應服不制報服之義	兩章中疑義書	答段若膺大令論小功緦麻	族親諸服旁殺一貫表	儀禮喪服文足徵記八補編一	白虎通釋九族義同喪服説	葬服考	廟主稱字議	葬北方北首説	殯朝葬載柩設紼屬引異制述	述殯	殯飲成服杖數日不同説	君薨世子生哭踴衰杖説	
	九一	一七六	七五五	七四四	一七三	七		一六八	一六八	六六六	六	六	- 五 九	五六	<u></u>	五	四九九	

喪服窮於總麻上殺下殺旁殺表 二二四	夏灵、川苏且公系及长	制禮緣起 二一九	論喪服爲人後者若子降等兩例	後世序親議嗣若子降等兩服錯互表 二一三	其本生親降一等書 二一一	答段若膺大令論爲人後者服	異姓主名述 二一〇	儀禮喪服文足徵記十補編□ □□○	小功之縷譌字記 二〇八	丈夫婦人稱名緣起記 二〇七	妻從夫服表微記 二〇二	父之姑緦麻服述 二〇一	省文説 二〇〇	姑姊妹報惟子不報互見	姑姊妹女子子服述 一九八	鄭注夫之諸祖父母條轉寫譌字考 九七	喪服報例皆報其所施説 一九二
										父之姑在室不制服表 二四五	喪服經文服限表 二四三	喪服經文服限大例疏證表敘 二四〇	竭姓别戚單表 二三七	上下治旁治推至服窮親殺屬	上殺下殺旁殺數世本末源流表 二三二	五爲九表 二二七	喪服窮殺差等生於以三爲五以

### 校點説明

疏園。 堪稱一代通儒,著有《通藝録》四十二卷、《蓮飲集》 全集》(黄山書社,二〇〇八年)。 四 元年(一七九六),舉孝廉方正。 授太倉州學正。 學、天文、地理、生物、水利等領域皆有深入研究 輟,嘉慶十九年卒。 七五二),與戴震、金榜等師事江永於歙縣汪氏不 歙縣人,徽派樸學代表人物之一。乾隆十七年(一 易 卷、《果贏轉語記》一卷等。 疇、伯易、號讓堂、葺荷、葺翁、或署葺郎。 三十五年恩科,始中式舉人,大挑二等,選 瑶田(一七二五—一八一四),字易田,又字 五十三年,選嘉定縣教諭。 程瑶田在經學、文字、音韻、數 今人整理有《程瑶 晚年失明,著述不 嘉慶 安徽 田

《儀禮喪服文足徵記》十卷是《通藝録》中的一

改動 種,由 義,簡潔 禮。喪服》無缺失、無逸文、體系完整、駁斥了鄭 經 前二卷爲《〈喪服〉經傳考定原本》,指出《儀 傳的 明瞭,便於後人理解,後七卷主要是製 系列文章組成,相當於研究《喪服》的論 做法, 第三卷以 表格的形式説 明 經 玄 題 文

繁說,以推闡《喪服》大義,與前三卷相爲通

足也。 解本 文語 由 法維護了《喪服》經傳的完整性與權威性。 文足徵記》,對鄭玄之學强烈質疑乃至批判,主要 服 表現在三個方面。一、注重涵泳《喪服》經傳,從本 足徵」名此書,正是認爲徵之於經傳本文而 》經傳無失誤,從而駁斥了以鄭玄爲代表的學 ·興盛時期,程 懷疑而至改動 》研究雖不無質疑,但多不出其範疇。 經而忽略語境差異的方法不同。 境出發求其文法義例,與之前學 鄭玄《儀禮注》影響極大,後代學 他不僅論證了《喪服》無逸文,進而論證《喪 瑶田 經傳的做法。 繼承前人成果,撰《儀禮 三、對 聖人旨意的 者好以 二、以此方 者對 清代考 工其《喪 無不 他以 他 喪 者 經 服

罕來者。 處。 關 取 些現實問題上,依據經典立論(如《小功卒哭可 爲大」的精神,反對 通 闡 婦取妻説》、《廟主稱字議》)、表現出强烈的現 發比 |的思想闡發《喪服》精義,表現出其深得「禮 總之,程 較獨 此外,他對文字、名物的考釋也多有可採之 到 瑶田對《喪服》專篇研究可謂精 他 禮學研究中的教條主義。 經常以《易經》中「窮則 變, 細、後 變 在 實 以 時 則

述 由 卷八)全書對 數語可了者,何必 堅,是也; 澧曾說: 晚不同,常常有一文已就、後文補述的情況,但 故》)。另外、《儀禮喪服文足徵記》中各篇成 題上不乏駁之者(如凌曙《禮説》、黄以周《禮 此可見,表達重複累贅確實是此書一 一般只是側重點不同,因 程 瑶 「《喪服 田的研究成果並非定論,後人在具 其駁難 這 》無高 鄭注至千餘言,則贅矣。 剌剌不休乎?」(《東塾讀 問 題 祖、玄 的 討 而顯得重複累贅。 論 孫 前 之服,程氏持 後 不 止千餘字。 病。 此此 書 之甚 文早 書 體 記 陳 補 問 通

> 久。 小。 這兩個版本各有少許文字錯謬,整體而言差别極 (一八二九)學海堂《清經解》本(簡稱「經解本」)。 清嘉慶八年(一八○三)初刻本,二、清道光九年 第一册),本次整理有所參考,時 本次整理以初刻本爲底本,經解本爲校本。 卷六《述免》一篇,兩本均有目無文,蓋 此書原有謝芳慶先生的標點本(《程瑶田 儀禮喪服 文足徵 に記》主 一要有 兩 加改易。 個 版 本: 闕已 全

校 點 者 徐 到 穩

集

## 儀禮喪服文足徵記敘

淺 文 不 疑 記 慶 精 所 末 義 衰 七 云 鮮 爲 足 鄭 傳 確 論 之殤中 注 年夏,先生 説宗 旦 本 以 不 也 歙 卷 鄭 ,辨疑 之非 刊 昭著, 通 明 長 見 康 海 法、 儒 試 1 殤 成 示 從 ,率皆憑執空論, 揭 氏 程 溝 内 所 氏 似 上,大 中 其 之傳意。 易 來 元 深 洫 於 間 以 殤 精 疇 杭 於學術者宗之久矣。 古 按 裨 豪芒之間, 以 降 者 孝 功 州 爲 益 器、 略述之。  $\wedge$ 廉 出 之殤中 經學、啟 失誤,後 儀 等, 孝廉 方 九 禮 所著《喪 Œ 穀、草木 下 無 聖 之《 此 從下。」 . 殤 有 之 以 迪 人 篇 降 緦 通 顯 儒 玩 後 制 服 自 一等。 麻 證 諸 藝 鄭 禮 索 者 人非 子 足 篇 録 章 徵 嘉 氏 精 終 或 夏 巡

中 言之, 之殤 服」傳 然未 之殤中從上,大功之殤中從下」者,以 並 下 齊 未 大 大 法。」 文,於是 下 以 從 功、 殤 小 衰 嘗 功、小功 長 文 爲 下 功,成 中從 於 服 見 嘗 會 盛 小 傳 小小功 則所謂 會 經 功、 於「殤服」者十四 世 文 全經之文核 經 也 問 上,小 是 文下,此數 佐疑之云: 全經之文 皆 人大 謂 注 傳 中 <u>궁</u> 以 「大功之殤 殤 謂 云: 下緦 因 雜 成人之服 『中殤 斷 功見於「 服 服 功之殤中從下。」鄭 陳 其 長、 麻 是 之 之也。 核 鄭 成 語 不 婦 中 中 何以 丽 之也。 專 注 人。 無 人 中從 條 降 言之,所 殤 人,並 成 古 所 指 爲 不見 理 服」者十一人, 先 人 屬 執 郝 婦 夫之族 上,小 等 小 生則 故綴 作 敬 又「小功 長 也?』大功 功 貫 应 解 疑之云 謂 中 功 親 攷 語 後 注 著 而 大 於末 Ź 殤 成人 爲 齊 無 然亦 云 殤 功、 緦 經 殤 衰 中 殤 散 服 服

姊妹報,因斷 妹、女子子無主者,惟子不報」,而不言姑、 報」,而不言女子子不 然未 人,妾自爲 似誤。」郝 經:公妾 亦 中明矣。 麻 盛世佐疑之云: 云: 男子同不報耳。傳唯據女子,似失之。 子子適人者爲其父母期,故言不報也。」注 矣。「不杖期」章:「唯 然則 妾不得體 姑、姊妹、女子子適 在報中,故辨之。 章「庶孫之中殤」亦 嘗以經文核之也。 女君 敬 及大夫之妾 女子適人與其餘十人 重 有 君,得爲 疑 其爲 服 以尊降其父母者歟? 此 之云:「謂妾之父母,君同 以自遂。 男子爲 互見互省之例。 其 鄭譏傳失,未達斯義。 人無 父母 爲 報,此經言「姑、姊 無容 子不報。」傳曰:「女 父 其 先生則考上 以君之貴,尚不 不 主 遂也。」注云: 父 改「中」爲「下 服期,不在 者,姑、姊 母。 (服期) 又此章 傳云: 河,疑 傳 經 妹

之不 經文 服大 在 女子嫁者例,不降正親 而 舊讀,疑鄭注者甚衆,然均未以經文核之, 朱子嘗疑之,以爲 氏謂「女子子」別起貫下,斥傳文爲不辭。 者爲世父母、叔父母、姑、姊妹」。 「大夫之妾」爲建首,下二「爲」字貫之。鄭 「大夫之妾爲君之庶子、女子子嫁者,未 氏以女君爲 於是知妾之於父母當以妾之於子例,而 子」傳云:「妾不得體 未 厭 嘗以 室 鄭 妾父母之服,所 制服、小功末之可以娶婦、從父昆弟 章 功,今嫁大夫,當降 爲 注與 世父母、叔父母 句 經 舊説 與傳文不 文 例,擬 核 尚 之也。 兩 舊讀 以 不 相 可 爲 於 君,爲其子得遂 溷 也。 先 服 正得傳義。 重 倫 必 服 一,傳 淆 期 生 先生則考女子 也。 矣。 降旁親 小功。 一出降 則 安得 考 一大 至 一妾 誤? 旁親,當 舊讀 又考定 嗣是依 於 。於是 功 爲 也。 嫁 章 鄭

而擇善確,不肯出此。揚州阮元敘。而擇善確,不肯出此。揚州阮元敘。面晉、南宋門户之錮習。我朝學者持論公也。若云有背鄭旨、不考卜氏之本書,此也。若云有背鄭旨、不考卜氏之本書,此也。若云有背鄭旨、不考卜氏之本書,此四晉、南宋門户之錮習。我朝學者持論公西晉、南宋門户之錮習。我朝學者持論公而擇善確,不肯出此。揚州阮元敘。

#### 自敘

説。 繆。 作《儀禮喪服文足徵記》。 在 孔子欲説夏、殷之禮,而 傳,故觸處 等」四句, 漢之經師, ,足則能徵 ,則文獻不足之故。今《喪 吾於《喪服》末章「長殤、中殤 今余拈出,則文從字順,全篇一貫。 治 經不 知其 難通,不得不改經文以 涵泳 ,知其解者旦 失其趣, 確是經文,而鄭君 白文, 即 圃 有豪釐千里之 嘆杞、宋之無 暮 惟 注 遇之可也 服》經文具 之徇, 誤 降一 從其 以 爲 雖

四

### 儀禮喪服文足徵記

#### 喪 服 經傳考定原本上

喪 服 子夏傳

喪 服 斬衰 裳, 苴絰、杖、絞帶, 冠 繩 纓,菅

傳曰 有蕡者也。 : 斬 者

屨

者

之帶也,去五 也 去 分一以 一、去五 五 分一 爲 分一 以 帶。 何? 苴 爲 分一 以 帶。 絰 齊衰之經, 爲 大搹 不緝 以爲 帶。 大功之絰 左 也。 帶。 小功之經,大功 斬 本在下,去五 苴絰者,麻之 ,齊衰之帶 衰之帶也, 緦麻之經

> 子何 冠繩 杖? 擔主 本。 竹 小 既 粥 朝 居 勿 也 功 灰。 倚 虞,翦屏柱楣,寢 ,朝一溢米,夕一溢米。 一哭,夕 之帶 以不 杖者 /纓、條屬、右縫、冠六升、外畢 也 廬,寢苫枕 亦不能 削 衰三升。 ·杖? 何? 杖, 非 也, 哭 主 桐 去 病也。 而杖者何? 不能 爵 而 也。 五 菅屨者, 菅菲 塊。 也。 틴。 分 有 病也。 杖 哭畫 絞帶者,繩 席, 既 無 各 以 爵 練、舍外寢、始 食 齊 爲 寢不説絰 夜 婦 輔 圃 疏食,水飲 其 帶。 無 也,外 人何 杖者 病 心,皆下 時。 也 苴杖, 帶 以 何 也 納。 歠 童 ? 而

食菜果,飯素食,哭無時。 詳 讀 瑶田案:居倚廬,翦屏 析其義。 之。 賈 疏 飯 甚 素食,當依 明。 余爲《疏 鄭 柱楣、余有 注, 食素食説》以 食作 去 圖

聲

説

父。

諸侯爲天子。 傳曰:爲父何以斬衰也? 父至尊也。

君。

傳曰:天子至尊也。

父爲長子。

日

君至尊也

傳曰:何以三年也? 正體於上,又乃將

所傳重也。庶子不得爲長子三年,不

祖

也。

者爲一體,明非庶子也。「又乃將所見。云「正體於上」,言爲父後者與尊子」二句反正互明之故剔清,其義自瑶田案:此傳須將「正體」二句與「庶

《庶子不爲長子三年述》詳之。 子,乃 《小記》云:「庶子不祭祖者,明其宗 主長子不傳重 不爲祖禰宗 之宗也。故曰「不繼祖 子不祭禰者,明其宗也。」言其非 也。」言其非繼祖之宗也。 不爲父後 而言。言非一端,隨文解之,自 重而不繼祖矣,故不爲之服三年也。 喪服》傳 爲道。若彼此互纏,則鑿矣。 得 繼祖,故爲 義 Щ 雖 廟主,故不爲長子斬。 爲 而言,一主庶子非宗子 庶子,則其長子將 貫,而言各有 之服 與禰」,指 三年。 又云:「庶 當 然 庶 若 通 與

爲人後者。

之後。何如而可以爲人後? 支子可服之。何如而可爲之後? 同宗則可爲傳曰:何以三年也? 受重者,必以尊服

祖

斷

指長子言。

是爲父後者之長

適

相

承以

傳

重

一,明

其將繼祖

也。

此

傳重」者,言爲父後者之長子,又將

適

也。爲所後者之祖父母、妻,妻之父母、

瑶田案:祖父母、妻,著所後者之正親昆弟、昆弟之子,若子。

後者之高祖,則高祖不制服明矣。 但 同也。 親 服」,爲私外親 爲後者爲其外祖父母、從母、舅無 弟、昆弟之子若子者,例在記文「庶子 足以包之。 則大功以上服之可知。蓋於彼記文 子。」是小功以下之旁親服之皆若子, 也。下記云:「於所爲後之子兄弟,若 當服大功。此處不見者,以其爲旁親 期,其昆弟之子,則後人之從父昆弟, 也。至其昆弟,則後人之叔父,當服 服也。 以祖建首,不數曾祖,以曾祖乃爲 又傳著爲所後者之諸親若子, 今爲人後,自與庶子爲後者 若所後者之妻父母、昆 無 服,則是將爲適母外

妻爲夫。

傳曰: 夫至尊也。

妾爲君。

傳曰:君至尊也。

女子子在室爲父。

布總,箭笄,髽,衰三年。

女有冠、纓、笄、髽之異,故特明之。男子者。」瑶田案:斬衰同男子,而男注云:「此妻、妾、女子子喪服之異於

子嫁,反在父之室,爲父三年。

《喪大記》文不應。《喪大記》曰:婦人也。注云「謂遭喪後而出者」,疑與余初謂女嫁反者,即《曾子問》所謂余初謂女嫁反者,即《曾子問》所謂瑶田案:此言女反在室,亦爲父服斬。

父之室,無 喪父母 `,既 練 由 被 而 歸。 出 了,及歸 則自奔 而 服當 喪後舉在 除

云: 未 出,則三年,既練 然《喪服 練 「卒哭,子折笄首以笄,布總。」 而被出者,注蓋本之。 小 記 | 云: 而 「爲父母喪,未練 出 則已。」則 故下記 是 彼 有 而

有歸之事,故賈疏云:「《喪大記》女子 以歸於夫家而著吉笄。」是亦言未 注云:「卒哭而喪之大事畢,女子子可 練

悖。 權許之耳。」據此,則經權自可並 歸是正法;此歸者,容有故許之歸, 子『既練而 然則遭喪被 歸」,與此注違者,彼小祥 出者,亦是 反 在 室 行 不 可

> 者,繩 不以即位。 皆衆臣 傳曰:公、卿、大夫室老、士,貴臣。 菲也 也。 近臣,君服斯服之矣。 君,謂有地 者也。衆臣杖 繩屨 其 餘

公、士、大夫之衆臣

,爲其君

布

帶、

繩

人耳。

出

有

先後,服亦

隨

時,故特明之以

曉

之服

及除

喪

而

出

則

不復追服三年。

受服

有既

虞

丽

出

,則受以三年

時之期服

有出

而

虞,則受以三年之

别 降 諸 於其貴臣 中有降殺者,則公、士、大夫之衆臣 瑶田案:臣爲君,無不斬衰者,而 ,例在「大功」章公之庶 則 侯 非厭 故 降 者 . 其 降論 也。 衆 臣 親 注 布 疎 以

帶繩

屨」,

非

也。

爲「厭於天子、

斬

衰

異

遠

近,與厭

義

昆弟爲

母

爲父三年之正

服。注

必據遭

喪

後

出

而言者,以三年中節次不同: 有未

出

妻,味之自見。

塗,而父母死,則女反」,自是

反

在

事。

其父在,被出

圃

反,及

了女在

四

疏衰裳齊,牡麻絰,冠布纓,削杖,布帶,疏

屨,三年者。

也。牡麻絰,右本在上。冠者,沽功也。傳曰:齊者何? 緝也。牡麻者,枲麻

父卒則爲母。

疏

屨

者,藨蒯之菲

也。

繼母如母。

傳曰:繼母何以如母? 繼母之配父,與

因母同,故孝子不敢殊也。

慈母如母。

貴父之命也。 養之,終其身如母,死則喪之三年如母,子。』命子曰:『女以爲母。』」若是,則生者,妾子之無母者,父命妾曰:『女以爲傳曰:慈母者何也? 傳曰:「妾之無子

引舊傳證成己義。凡六條:經五條,瑶田案:傳中别舉傳,賈疏以爲子夏

母爲長子。記一條。

不敢降也。 傳曰:何以三年也? 父之所不降,母亦

何也? 降也。 敢 子 推 爲適子之長殤、中殤。」注云:「天子亦如之。」女 在外必有歸宗,故亦不降其 子子,出降也,然亦不降祖 降也,雖諸侯亦不降其 雖大夫不降,故大夫之子亦從之不敢 所不降,子亦不 其夫與父之所不降者,則亦從之而不 瑶 亦不 服 從 田 也。 父 案:降服,妻從夫降,子從父降。 敢 不 故父所不降,母 敢 是故君所不臣之諸父昆弟, 不 不降 服, 降 之義,故 敢降 祖 君之所 ,不降宗,不降適。 也。 適 亦 君 不服 其 也。經曰:「公 不 之所爲 與適。 所不降者 敢降,父 小宗也。 ,子亦不 服, 而

皆君 服 與妻之服,不 則皆君之所爲 者也 之 所 不 服 在五服 服者也 者 也。 中者,君之所 3 故公子爲 其所臣者, 其 不 母 則

疏衰裳齊,牡 麻經、冠布纓、削杖、布帶、疏

屨,期者。

大功, 也。 傳曰:問者曰:「何冠 帶緣各視其冠。」 冠其受也。 緦 麻、小功,冠其衰 也?」曰:「齊衰、

父在 上爲母。

傳曰: 志 伸其私尊 何以期也? 也。 父必三年然後娶,達子之 屈 也。 至尊在,不敢

也

氏 瑶 三年後娶,達子之志,故賈疏云:「《左 觀 傳》叔向云:一歲王有三年之喪二。 傳 田 一「屈」字,不得云厭,亦非 案:禮家輒 云「母以厭 降 降 余謂 也。

大誤!

顧

寧人亦謂當別爲

一節。

據大子與穆后,天子爲后 年喪者 以 ,據達子之志 而言三年。」 亦期, 而 云

妻。

出

妻之子爲母

傳曰: 世目 爲妻何以期也? 厭降,殊失禮意。 妻至親

無服。 出 曰:「與尊者爲 傳曰:出妻之子爲母期,則爲外祖父母 服 瑶 妻之子爲父後者,則 以 妻之子」二句承「親者屬」句爲文,遂 條皆當爲子夏傳。别出兩「傳曰」,皆 當爲引舊傳 加 爲舊傳釋「爲父後者」,不合爲出 田案:據兩「出妻之子」文法,則兩 傳曰:「絶族無施服、親 以 末一「傳曰」爲子夏 證 一體,不敢服 成己義也。 爲 出 其 母 疏 私 者 無 以後 釋 親 屬。 服 也。 二出 傳 母 傳

今特劃開録之,其誤自見。

四

然而

父卒,繼母嫁,從,爲之服,報。 傳曰: 何以 期也? 貴終也

瑶田 如此嫁母爲所從之子當報以 報某之服 杖期」章者是也。 案: 經於爲某服下見報文者,則 不重見於經,此經之例也。 余有《報 服舉例 期,不見

詳之。

不杖,麻屨者。

祖父母。 傳曰: 何以 期也? 至尊也。

世父母、叔父母。 故父子,首足也,夫妻,胖合也,昆弟, 子一體也,夫妻 旁尊也,不足以 一體 傳曰:世父、叔父,何以期也? 也。 然則昆弟之子何 加尊焉,故報之也。 一體也,昆弟一 以 亦 體也。 期 與尊者 也? 父

> 則資之宗。 北宫,異居而同財,有餘則歸之宗,不足 成爲子,故有東宫,有西宫,有南宫,有 者,則辟子之私也。子不私其父,則不 體也。故昆弟之義無分。 世母、叔母,何以亦期也? 有分

以名服也。

後經,而傳必曰「報之」是也。 叔父母期,則二父母 例,亦傳之例 經,其傳亦必 經不見報文,則報某之服,必重見於 瑶田案: 經於爲某服 也。 見「報之」之文。此經 如此經爲世父母、 亦報以期,見於 而某當報者,本

大夫之適子爲妻。

敢降 傳曰:何以期也? 父之所不降,子亦不 也 何以不杖也? 父在,則爲妻

瑶田案:注言:「公子、大夫之子以厭

不杖。

-6

厭之有? 之所厭,此指公之庶昆弟。 章:「公之庶昆弟、大夫之庶子爲母 從乎大夫而降也。」據傳,則大夫子何 妻。」傳曰:「何以大功也? 厭降,何況大夫之子? 例在「大功」 其母、爲其妻是也。 余以爲公子厭 余論 「厭」義,屢有文詳之。 降記 大夫之庶子已不 大夫之庶 所謂 先君餘 公子爲 |子則 尊

昆弟。

爲衆子。

昆弟之子。

傳曰:何以 期 也? 報之也。

大夫之庶子爲適 昆弟

傳曰:何 以 期 也? 父之所不降,子亦不

敢降也。

適孫

傳曰: 何以 期 也? 不敢降其適也。 有

> 適子者,無適孫,孫婦 亦如之。

爲人後者爲其父母 ·, 報

下。 尊祖 宗 ? 也。適子不得後大宗。 者也,不可以絶,故族人以支子後大宗 始祖之所自出。尊者尊統上,卑者尊統 之士,則知尊禰矣。大夫及學士,則 不知父。野人曰:「父母何算焉!」都 傳 爲人後者孰後? 貳斬也? 持重於大宗者,降其小宗也。 曰:何以期也? 不貳斬也。 大宗者,尊之統也。大宗者,收族 矣。 大宗者,尊之統也。 諸侯,及其大祖。 後大宗也。 禽獸 天子,及 曷爲後 知 何以不 母 其 大 知 邑 丽

尊卑,此所以有尊者統上、卑者統下 自然之别,由其所知各有限也。 瑶田案:「禽獸」以下,言其尊之統有 緣人情以制 禮」,因 以 辨上 下 而 聖

之殊。 載古文「尊」字。《華岳碑》作「爲」,似 似蒙上文「何尊」言之。今檢《汗簡》, 格者遠矣。○昔嘗疑「何算」「算」字 通 經之妄,姑存其説以俟考。 恐「尊」字之譌,觀下文連言 算」字,《碧落文》作「瓷」,不惟下 算」,即上亦 ,雖秩然之分凜不可 若夫豪 絶似 傑之士,其 竹頭。 ·踰,而 雖不敢蹈 知 足 則 誠 知 之所 以 同 尊 改 Ŀ

者。女子子適人者爲其父母、昆弟之爲父後

貮 義 婦 傳曰:爲父何以 者,妻之天也。 夫, 夫死 天也,婦人不能貳尊也。爲昆弟之爲 ,無專用之道,故未嫁從父,既嫁 人不質 從 斬 子。 者何 婦 故父者,子之天也 期 也? 人 也? 不貳斬者,猶 婦 婦人不貳斬也 人有 三從之 日 美 不 從

> 有歸宗,曰小宗,故服期也。 父後者,何以亦期也? 婦人雖在外,必

繼父同居者。

子幼。 焉。」若是,則 爲之築宫 傳 居,然後爲 適者亦無大功之親。所適者以其 衰期,異居 日 . 何以 子無大功之親,與之適人, 廟,歲時使之祀焉。 異居,未嘗同居,則 則 期 繼父之道也,同 也? 服 齊 衰三月也。 傳 E 「夫死,妻稺 妻不 居 不 必 則 · 爲 嘗 貨 敢 而 服 異 與 所 同 財 恋

居。

爲夫之君。

傳曰:何以期也? 從服也。

期也? 爲其無祭主故也。 傳曰:無主者,謂其無祭主者也。何以姑、姊妹、女子子適人無主者,姑、姊妹報。

瑶田案:此言「姑、姊妹報」,下經「大

以期報期也。 妹適人,本爲姪與昆弟服大功,今則女子子適人,本爲父母期,非如姑、姊女子子通仇,本爲父母期,非如姑、姊

爲君之父、母、妻、長子、祖父母。

子,君服斬。妻,則小君也。父卒,然後傳曰:何以期也? 從服也。父、母、長

爲祖後者服斬。

云君服三年也。 父爲文,故以斬包齊。君服斬者,猶年之降殺,斬、齊並三年之喪。母連瑶田案:此爲從服期而釋之。期乃三

妾爲女君。

傳曰:何以期也? 妾之事女君,與婦之

婦爲舅姑。

事舅姑等。

傳曰:何以期也? 從服也。

昭然。

若不敢降祖,女孫適人者之通

者,同

`於女之適人。禮窮則變,文義

夫之昆弟之子。

傳曰:何以期也? 報之也。

公妾、大夫之妾爲其子。

例,大繆! 余有《妾不體君説》辨之。瑶田案: 注以女君體君爲妾不體君比

明雖有出道,猶不降」,非也。前經傳曰:何以期也? 不敢降其祖也。女子子爲祖父母。

不然,寧於父母而敢降乎? 爲人後者爲其父母服期,爲不貳斬之義也。也。明言不敢降祖者,對女子子適人也。明言不敢降祖者,此條專言已嫁者明雖有出道,猶不降」,非也。前經

當降 之以 當降旁親 親,吾於經傳中未之前 義,非指 二人也。 旁親 概通 也。 已笄未嫁 有出 設有之,自然不降, IIII 而 義 不敢降祖,正與此 乎? 不 道 敢降 而 者有 總之,有 遭喪,十百 祖 聞。 出道 同 例 出 下 猶 何必 可 道 適 經 中 不 以 人者 之 大 降 豫 夫 互 援 降 旁

命婦者,唯子不報。 弟之子、姑、姊妹、女子子無主者,爲大夫大夫之子爲世父母、叔父母、子、昆弟、昆

證

者、命婦之無祭主者也。 傳曰:大夫者,其男子之爲大夫 命 也? 父之所不降,子 不報」也? 言 婦者,其婦人之爲大夫妻者也。 不報 也,言 女子子適人者爲其 其 餘 皆 亦不敢降也。 報 何以言 也。 父 何 者 「唯子 母期 以 無 也 期 主

> 於室矣。 夫曷爲不降命婦也? 夫尊於朝,妻貴

章。 傳 爲 服 服。」於尊不同而並 降,亦宜發傳 爲不降大夫也。 子,爲大夫者於此從略。故下文止 數語,其爲世叔父、子、昆弟、昆弟之 女子子無主者,爲命 姊妹、女子子嫁於大夫者,在「大功」 適 瑶田案:大夫之子爲姑、姊妹、女子子 大夫曷爲不降 不杖期」章。 士 中發之。 士者,在「小功」章,大夫之子爲姑 今則嫁於大夫而又無主,故在此 者 「尊不 服 大 下經大夫爲 功 同 而不發者,欲 此傳偏 也。 人數正 命 然則大 婦」,而 發尊同之傳,所以 尊 婦者,唯子不報 同 重發「姑、姊妹 與 夫 世父母 不 則 此 於大 爲 ·發大 得 同 尊 服 諸 故 夫 同 夫曷 其 親 發 本 不 發

於此 罅 衆子,則大夫之庶孫,本大功服,亦 嫂",其子之叔母,則大夫之弟婦,大夫 意也。 得云「何以 親而言也。 六命婦之親,服期不降,非指其子之 過於此。真聖於文 夫矣。文章之鍼縷不亂又極錯綜,莫 夫者二條,而此條大夫之子亦得包大 章諸男子之爲士者、諸女子之嫁於大 婦 而經不見者 命夫、六命婦者,大夫爲之皆期 補 「父之所不降」,言大夫於此六命夫、 隙 附 此 無不 人本無服,不得 傳之 見於此 又案。「父之所不降」,則 到 所 期 若其 ,乃免譌誤。 ,蓋互見。 不 也。 傳, 發 子之世母,則大夫之 亦 者 讀書於此等處 所 也。 云不降。 者 分見於「大 以 也 顯 大 蓋 ! 他 夫 經 其子之 又案: 處 不 互 此 所 足 降 边 也。 謂 之 命

父母

遂

也

大夫爲祖父母、適孫 不以尊降 親,如「大夫之適 父之所 不 適婦,重適也」者是也。 降 \_, 爲士者。 即 子 其 爲 /妻 /注 子 所 不 云「大夫 敢 降 之

傳曰:何以期也? 妾不得體君,得爲其公妾以及士妾爲其父母。

父母 瑶田 服 注 論 此 曰 與?《春秋》之義、『雖爲 傳 妾 吾 云:「然則女君有以尊降其父母者 當當 是嫌 案 似誤矣。 服 季姜』。 以 安 鄭氏 不自 妾子爲外 得 是言子尊 以 駮 禮,妾從女君 服 傳與 女 其父母,故以明之。」 君 解經並大誤。 祖 爲 父 不 比 母 加 天 例 而 爲 ? 於 E 服 父母。 一后,猶 比例, 妾爲 其黨 此

下記云庶子爲後者爲其外祖父母年

服、不爲後如邦人是也。

疏衰裳齊,牡麻絰,無受者。

寄公爲所寓。

以爲所寓服齊衰三月也? 言與民同傳曰: 寄公者何也? 失地之君也。何

也。

丈夫、婦人爲宗子、宗子之母、妻。

尊祖故敬宗。敬宗者,尊祖之義也。宗傳曰:何以服齊衰三月也? 尊祖也。

子之母在,則不爲宗子之妻服也。

爲舊君、君之母、妻。

也。何以服齊衰三月也? 言與民同傳曰:爲舊君者,孰謂也? 仕焉而已者

庶人爲國君。

也。

君之母、妻,則小君也。

大夫在外,其妻、長子爲舊國君。

同也。長子,言未去也。

傳

日

何

以

服

齊衰三月也

?

妻,言與民

:

繼父不同居者。

專目: 可从释度三月 1.? 曾祖父母。

之服也。不敢以兄弟之服服至尊也。傳曰"何以齊衰三月也? 小功者,兄弟

期,庶孫大功。又下殺之,則曾孫當瑶田案:爲長子三年,衆子期,適孫

小功之差矣。而小功者,兄弟之服,小功之差。以下殺例上殺,曾祖亦當

月,爲之服齊差三月。於是爲曾孫,不敢以服至尊,故重其衰麻,減其日

同。經傳中無此指。 也。注言高、曾皆小功之差,曾、玄服亦不得多其月數,而止爲之服緦麻

大夫爲宗子。

傳曰:何以服齊衰三月也? 大夫不敢

降其宗也

也? 言其以道去君 月也, 言與民 傳曰:大夫爲 大夫去,君埽其 同也。 而猶未絕也 舊 君, 宗 何大 何 廟,故 以 服 夫之謂 齊 服 衰 齊 乎? 三月 衰

曾祖 父母爲 士者 如衆

傳 曰:何以齊衰三月也? 大夫不 敢降

其祖也。

大夫。 瑶田案:蒙上文「大夫爲宗子、舊君」, 而言「曾祖父母爲士者」,故知曾孫是

女子子嫁者、未嫁者爲曾祖父母。

其成 傳曰:嫁者,其嫁於大夫者也, 人而未 嫁 者 也。 何 以 服 未嫁者, 齊 衰三

大功布衰裳、牡麻絰、無受者。

月 ?

不敢

降 其

(祖也。

子、女子子之長殤、中殤

子生三月,則父名之,死則哭之,未名, 日易月。 則不哭也。 八歲以下皆爲無服之殤。 十二爲中殤,十一至八歲爲下殤,不滿 成人也。年十九至十六爲 者,其文不縟。 無受也? 傳曰:何以大功也? 未成人也。 以日易月之殤,殤而 喪成人者,其文縟 故殤之經 不 長 無服之殤 樛 殤,十五 無服。 喪未成 垂, 蓋 何以 故 未

子,見下殤於「小功」章。 瑶 長殤、中 功」章不見下殤,於昆弟之子、女子 田 案 -殤,蓋 經於子見長殤、中殤,而「小 互文也。 敖繼公以爲 而此經不見

脱文,大繆 1

昆弟之長殤、中殤,夫之昆弟之子、女子子 叔父之長殤、中殤,姑、姊妹之長殤、中殤,

庶子爲適昆弟之長殤、中殤,公爲適子之之長殤、中殤,適孫之長殤、中殤,大夫之

長殤、中殤,大夫爲適子之長殤、中殤。

其長殤,皆九月,纓経,其中殤,七月,不纓

絰。

小功衰,即葛,九月者。大功布衰裳,牡麻絰,纓,布帶,三月,受以

傳曰:何以大功也? 出也。

瑶田案: 此親特著適人服者,明在室

章不特著此親在室之服,以此條見婦人與男子同也。敖氏謂「不杖期」

不得經意。

之,蓋經之例。

其

(説似

是

而非,往往

從父昆弟。

爲人後者爲其昆弟。

傳曰: 何以大功也? 爲人後者降其昆

弟也。

庶孫。

適婦。

女子子適人者爲衆昆弟、姪丈夫、婦人,傳曰:何以大功也? 不降其適也。

報。

傳曰:姪者,何也?謂吾姑者,吾謂之

姪。

此卷曰「足徵記」,蓋徵於經傳 瑶田案:經云「丈夫、婦人、報」、統 兩節,單承「姪」釋之, ·女子子適人者」六字以 爲衆昆弟、姪」而言之。 而 鄭君 立言。 不 知 其 誤 本文 余名 蒙 斷 E 爲 承

也。

夫之祖父母、世父母、叔父母。

傳曰: 何以大功也? 從服也。夫之昆

 $ar{\pi}$ 

乎? 也。 皆母 弟 母乎? 何 道 謂弟之妻「婦」者,是「嫂」亦可 以 也 無 故名者,人治之大者也,可無慎 服 其 也 夫屬乎子道者,妻皆婦 ? 其 夫 屬 乎父道者, 謂之 妻 道

之。 弟無服》及《謂弟妻爲婦》二篇詳論瑶田案:此傳義例精妙。余有《夫昆

子爲士者。 大夫爲世父母、叔父母、子、昆弟、昆弟之

則得服其親服。 傳曰:何以大功也? 尊不同也。尊同,

二字,鄭君「上而同之」,今從舊讀,歸還下節。公之庶昆弟、大夫之庶子爲母、妻〔昆弟〕,

傳曰: 不得 夫 而 過大 降 何以· 也。 功 大功 也。 父之所不降,子亦不敢 也? 大夫之庶子,則從 先君餘尊之所 乎大 厭 降

也。

也。 服之中矣。 則 厭,故亦必變而爲今君庶昆弟之服 謂舊 之服,不得仍前爲公子時爲正尊之所 變而爲今君之庶昆弟。 此 其母、爲其妻之服。傳所謂「不在 厭」 今君薨,爲先君矣。則先君之公子, 者也,故謂之厭。 服之中。君之所不服,子亦不敢服 正尊之所厭也。 上 瑶 者,鄭 向之不在 處見餘厭,而定其服之爲正尊所厭 田 正尊但厭公子爲其母與爲其妻, 讀是也。 案 語 而決之,有餘 君易舊讀,「上而同之」。 注: 然猶 五 「舊讀 服 據傳「先君餘尊之所 不 正尊之所厭,公子爲 中 而 者,今可 得過大功焉,蓋先 昆弟在下。」今在 不 尊之所厭,由 其 見「厭」字,以 爲 以進於五 母、爲妻 五 有

服 母只叔 叔父母」,而「小功殤服」不見者,二父 包三人也。 子」,即可決大夫條之「大夫」二字實 中,「大夫、公之昆弟、大夫之子,爲其 皆在所包。何以知之?「小功殤服 著大夫之服,則公之昆弟、大夫之子, 從舊讀,不憑鄭 故 爲 君 昆弟、庶子、姑、姊妹、女子子之長殤\_ 加之哉?「昆弟」二字,斷屬下節,余 二父母,只叔父 「大夫」下,連言「公之昆弟、大夫之 條,即上大夫條之長殤服。於其 以君厭之。若夫昆弟,豈可以私親 母、爲妻。 餘 可 尊之所 以比例。 父有 殤 然大夫條中有「世父母、 厭 蓋母、妻者,其 也 服。 有 君也。 亦 殤 據 猶「不杖期」章爲 此猶婦 服,見於「小 此 〇又案:上條 則 人人爲 餘 私 厭 親 功 夫之 止於 也 殤

於五 君 在 庶之昆弟,以公之庶昆弟言,則先君 子,其母、其妻,皆大夫之所不降者。 其妻,亦猶大夫妻服期。 弟,其母,諸侯夫人也,服齊衰三年。 之適昆弟,大夫之適子。 著其爲母、爲妻,遠不同 别出「公之庶昆弟、大夫之庶子」,專 者,以世父母、叔父母得包姑,昆 姊妹、女子子」,大夫條不見 父之殤服,可省文不必見 殤服 今别出者,著二庶之爲母妻也。 包姊妹,子得包女子子也。 二父母,亦 庶 時,爲公子之庶者,不聞其爲昆弟, 昆弟,其於昆弟之爲士者,自 服 外 亦 可 制厭服。 只叔 以 比 父有 例。 今先君 殤服 故 於大夫及公 此 蓋公之適昆 也。至「姑 ,見於「大功 大夫之適 然則 薨 修中 成 而 爲 弟得 人服 此 並叔 司 今 條

子,無 大功; 者也。 功,長 等殺 爲衆 大 包在 爲大 條,爲昆弟長 大功,下 庶子爲適昆弟,成人不杖期,長、中 大夫 不同者,奚必 子」諸人中,非 夫庶子之昆弟,則固從 矣,安得以 功,長殤同 之爲 夫, 差之,當 昆弟,雖 上條「大 論 殤小功,中、下殤緦麻, 此大 今撿 殤 適 則 昆 庶 小 先 又 夫、公之昆 此 弟 其 服小功,考之於經,期 殤果小功。 功,已 別出 不見於經, 君 降 夫 在 百 大夫條,爲昆 服 餘 爲衆昆弟,成 其 爲 尊 大 等。 之耶? 尊 ]明見 爲 子、 同 功 厭 母: 得 弟、大夫 昆弟、昆 然則 大夫而 之耶? 妻之服,遠 則 若 然 服 於 況大夫之 服 親 據 其 弟 經 矣。 此 成 服 服 昆 大 成 人 服, 之子 夫之 例之 若 人 弟 同 可 之 弟 人 果 與 大 殤 服 知 其 有 之 已 大 例 己

子。 訛誤 言二庶爲母妻條 降,此條下又發皆爲從父昆弟之爲 成人 大、小 弟,以先君 發 母妻條復出「昆弟」二字乎? 人服 子 不言爵之尊卑,不言親 夫者, 言其 大夫條已見子、昆弟、昆弟之子諸 昆弟、大夫之子,而公之昆弟、大夫之 小 爲昆 亦 著,無豪 功殤 E. 甚 服已包之矣,安得於二庶别 ,則二庶爲子、昆弟、昆 得包庶昆弟與 功,三 明。 當 弟之爲士者,言其 服」條 厭 髮爽。 (尊同 餘 且公之庶 條 其 尊厭之,則 中,所謂「爲其昆弟、 互 姑 得服 中,插 出 是大夫條 姊 庶子無疑 親 昆 義 妹、女子 之等殺,其爲 「昆弟」二字, 服,忽於中 例 弟,若爲 並 相 尊 當 弟之子 得 貫 不 況 矣。故 厭 子, 包 其昆 其 同 上 出 公 彰 間 諸 庶 如 庶 大 而 條 爲 成 之 明

八

服例。 弟」,不應遺其 弟,無所别異,不當 之長、中殤,必先言子之長、中殤,以 言「子、昆弟」。「大功殤服」章言昆 舊讀屬下,猶爲彼善於此者也。 其服之别異者,惟母與妻,於子、於昆 子之服切於昆 之親,切於昆弟。 插 子、姑、姊妹、女子子之長殤」者,何獨 「子、昆弟」。「大功」章大夫之服,連 如「不杖期」章大夫之子之服 人「昆弟」二字而遺其庶子? 「昆弟」二字,苟非衍文,且從 八庶子。 弟之服。今二庶特著 又昆弟不得包子。 插言。既插「昆 細撿全經,不合 連言 弟

弟」二字從舊讀,歸還[皆]字上。 昆弟〕皆爲其從父昆弟之爲大夫者。 「昆

瑶田案:「昆弟」二字,既考定不能屬 前,而 此節以「皆」字起,明必有上

大夫者」,自無不同服大功也。合三 者,三人無不 别出一條, 爲此人不降,服大功本服。 條傳云「下言」者同 法、蛛絲馬 條成一筆書,經云「皆爲」,其屬文之 不同服大功。今此爲「從父昆弟之爲 三人同服之外又 余謂:上兩條既洞悉其一氣相貫,而 者,皆大夫公之昆弟、大夫之子也。」 則曰:「此承上經兩條而言,則「皆」云 疏言承上「公之庶昆弟、大夫之庶子」 其上,於文氣亦非大不順者。 文。又此節正言昆弟,則加「昆弟」於 皆者,言其互相 跡之巧,與 則其爲 同服大功,即二庶亦 有二庶之異,不得 爲 一脩辭之妙也 同父昆弟之爲士 服」,未實其人。 下經大夫之妾 而敖繼公 惟注釋 不 無

爲夫之昆弟之婦人子適人者。

者,爲世父母、叔父母、姑、姊妹 大夫之妾爲君之庶子、女子子嫁 者、 未 嫁

親 傳 成人而未嫁者也。何以大功也? 母、叔父母、姑、姊妹」者,謂妾自服其 君之黨服 也。 曰:嫁者,其嫁於大夫者也。未嫁者 ,得與女 君 同。 下言「爲 妾爲 世 私 父

瑶田 章句》兩表,詳説以 作《 案 (經傳 此條 舊讀 注 不依舊讀。 章句》及《鄭君 辨之。 余 不 改 謂 讀

姑 大夫、大夫之妻、大夫之子、公之昆弟爲 、姊妹、女子子嫁於大夫者 期 大 姊妹亦嫁 嫁爲大夫 瑶 功 田 ,有一適人,相服大功, 案:婦人適人、爲姑、姊妹 也 爲大夫妻,得尊同 妻,爲姑、姊妹 然則 姑 、姊妹 小功。 在 兩皆適 室 服 相 親 大功; 今姑、 服之 爲 服

> 見 亦猶 功 夫者,可 亦 兩皆出 也 相 服 尊 大 同 蓋 見兩相 室之例,惟此 功,不 同 得 服 是 親 適 彼 出 服 此 室 之義 再 冒 無 大夫妻 降 是 兩 也。 而 降 相 相 服 再 他 爲 爲 大 降 嫁大 處 服 功, 不 小

君 弟。 君之所不服,子亦不敢服 臣諸 祖諸 得禰 得服 傳 爲姑、姊妹、女子子嫁於國君者。 故始封之君不 之子孫有封 也,不祖 曰:何以大功 也。 父而 故君 先君 其親 侯。 公子,此 之所 臣 ,公子之子稱公孫,公孫不 服 此 昆弟,封 自卑别於尊 爲 諸 臣諸 爲 國 服,子 也? 侯之子稱公子,公子 自尊别 君 父昆弟,封 君之孫 者 尊 亦不 · 者也。 則世世 也。 同也。 於 敦 卑 盡 者 不 臣 君 若公 祖 尊 服 之子不 也。 諸父昆 是 也 同 子 · 得 是 則

案 降 服 服 服 則 以 屬 諸 服 妹、女子子若嫁 子爲大祖 祖是人,不祖公子」者,是後代 言若自尊而别於卑者則有異。「世 瑶 以 非 皆 諸 「君之所 未 其 一,不得 不 侯之尊, 田 尊降其親」,「降」字未 「尊同 臣 服 侯 竭 案 親 1從於 降也。不臣之,則服其親服,故 一之則 之, 服 尊絶旁親 丽 此 日 m 亦 始 推言卑於諸 而不得立祖禰之廟 絶其親服 因 爲服」,不得 君之例也。 圃 不 百世不遷也,非於公子親 君之所降也。 得 諸 因 廟 服 於大 侯 以 祭之也。 服之節限。 其 尊同 發君 大夫,君 故 親 服 侯者 者不 諸侯 之子 日 日 「君之所 諦。 君之所 故 即 注云諸 之即 ·别之 則 絶之 絶 服 蓋 又終之 不 姑、 旁 臣之 與 以 丽 又 别 而 姊 又 不 侯 不 親 不 公 # 推 於 得

> 亦不敢不服」之例,公子當有從服也。 子子嫁於國君者,據「君之所爲服,子 不見公子之服,只此君之姑、姊妹、女 服」四句參看。所 記「公子爲其母」條之傳「君之所不 不爲之服,其公子亦從之而 此傳「君之所爲 以 服 通《喪服》一經, 四四 句,當 不 與 敢 下 服

# 儀禮喪服文足徵記二

## 喪服經傳考定原本下

總衰裳、牡麻絰、既葬除之者。

傳曰:總衰者何? 以小功之繐也。 段氏

玉裁曰:「之縷」,唐石經已譌「之總」。 瑶田案: 據注

亦當依段君改正。

諸侯之大夫爲天子。

傳曰:何以繐衰也? 諸侯之大夫以時

接見乎天子。

小功布衰裳,澡麻帶經,五月者。

叔父之下殤,適孫之下殤,昆弟之下殤,大

夫庶子爲適昆弟之下殤,爲姑、姊妹、女子

子之下殤。

- 4

爲人後者爲其昆弟、從父昆弟之長殤。 傳曰:問者曰:「中殤何以不見也?」大

功之殤中從上,小功之殤中從下。

中從上、下之傳。此大功、小功並 中每言「長殤」必連見「中殤」,故發此 殤」不連見「中殤」,與上「大功殤」章 瑶田案:此因「小功殤」章中初見「長 殤服言,非若後經 論 殤服 由 本 服 而

制。 皆指成人本服言之。鄭君誤以 其曰「齊衰之殤」、「大功之殤」、 後經

文爲傳文,遂誤以此傳爲亦言成 致欲改經以通之。 服,所以經傳中有數處不可 發例述》數篇,反復以辨之。 余作《兩「殤服」章 通,鄭 人之 君

爲夫之叔父之長殤。

昆弟之子、女子子、夫之昆弟之子、女子子

之下殤。

爲姪、庶孫丈夫、婦人之長殤。

者在

「緦麻」章比例而知之。

又案:爲

妹適人者在「大功」章、從祖

姊妹適

人

從父昆弟在「大功」章,男女同也,故

子、姑姊、妹女子子之長殤。 大夫、公之昆弟、大夫之子,爲其昆弟、庶

大夫之妾爲庶子之長殤。

小功布衰裳,牡麻絰,即葛,五月者。

從祖祖父母,從祖父母,報

從祖 昆弟。

從父姊妹、孫適人者。

瑶田案:「適人者」三字總 承「從父姊妹

妹」離 孫」。 鄭氏以「孫適人」者與「從父姊 而二之,致賈疏謬釋之云:「姊

妹既逆降,宗族亦逆降報之,故不辨 在室與出嫁也。」如此謬論,皆由 鄭氏

者,明當及時」之説誤之也。 女子子成人者有出道降旁親及 知「適人 終 出

經文,無逆降之説也 大功,適人則降在此 而 鄭注云: 長

殤,在小

功

殤服,成人未嫁

乃

服

章服

小功。

細

「其

姊妹在室亦如之。」在

爲 人後者爲其姊妹適人者。

爲外祖父母

從母,丈夫、婦人,報。 傳曰:何以小功也?

以尊加也

傳曰:何以小功也? 以 名加 也,外親之

服皆緦也

夫之姑、姊妹,娣姒婦 也? 傳曰 以爲相與居室中,則生小 娣 姒 婦 者, 弟 報。

長

也。

何

以 小

功

功之親

者」三字必連承「從父姊妹」者,以

婦人長 居室中,又何服之有乎? 姑、姊妹」總發傳也。 居室中, 適人則不爲之服矣。 瑶 田 案 殤,皆與 則 夫之姑、姊妹,不見適人者, 生小 功之親焉」,并「夫 適 人 正 傳 適人 服 日 「以爲 同, (則不 經中 惟 諸 爲 相 相 之 夫 爲 與 與

此正服爲在室之服明矣。據此,則凡之姑、姊妹長殤,視此正服降一等,則

必視其長殤服加一等,無逆降之説亦婦人見殤服者,其在室正服雖不見,

孫,姑、姊妹、女子子適士者。 大夫、大夫之子、公之昆弟爲從父昆弟,庶

明矣。

大夫之妾爲庶子適人者。

差。故鄭氏注此經推廣言之,曰:「庶「女子子嫁者、未嫁者」爲降一等之瑶田案:此正與「大功」章大夫之妾爲

者。 者」。 女子 丽 功。」曰「嫁於大夫」,即 乃欲矛盾自陷,何也? 子在室大功,其嫁 日 是此經之注,與彼 「在室」,即 彼 經 彼 經 於大夫 所 經 舊 謂 所 讀 「未 謂 亦 嫁 大 嫁

庶婦。

君母之父母從母。

傳曰:何以小功也? 君母在,則不敢不

從服;君母不在,則不服。

是妾。 是《小 後者,君 母 黨服。」《喪服小記》:「爲君母後者,君 君之黨服,攝女君, 瑶 雖爲後 卒,則不爲君母之黨服。」然則不爲 田 案 記》此 所以 母 《雜記》:「君 ,實是庶子,雖攝女君,終身 雖 明適庶、適妾之分者綦 説 卒, 義 與 亦 妾 則不爲先女君 當 母 攝 爲 死, 女君同。 其 則 黨 妾 服 爲 矣。 若 之 女

與 ? 記》義 章 미 益 ? 嚴 此 ,乃欲以女君例妾之爲其父母,而 傳文得遂之説耶 相 傳云「不 而 爲 又豈 然於此 别。 防 比例 小 此 敢」, 贵 加 者。 亦 經亦主爲君母後者言之 大之逆道者意深遠 時 可知妾與妾子尚有不 注以 王之制 圃 鄭君於「不杖 恩輕解之,與《小 久之亦有 期 也 損

縷

了,其細直同十五升,但去其半,不

同

君子子爲庶母慈己者。

難

傳曰 何 以 小功也? 君子子者,貴人之子也。 以慈己加 也。 爲 庶 13

緦 麻 ,三月者。

傳 日 總者,十五 升 抽 其 (半,有 事 其 縷

無 事 其 布, 日 緦

五 蓋 瑶 升 七 田 升 抽 案。「總者」十八字作一句讀。 其 半 半,不得名之曰七升半也 之縷,麤 於八升。 此 總之 +

> 具。」 窓 只 用 經黄草布 别 縷之細與縷 數不 朝 其 也 絲,不得 〇朱子曰 ,以分哀有在 服 密而 下記 同。 升數,故 疎 不 經 : 耳。 此「窮 「錫者」十八字亦 皆只 同 總十五升,抽其半者,是 一 也。 數 必 於 所 並 抽 + 今廣 内、在外之不同耳 則變,變則 以 同 經 其半, 五 然 '; 惟 也 中 升 者,治其 事 疏 《廣韵》: 則 圃 **縷、事布各** 作 布,又如 + 縷 通」之義 同  $\overline{\pi}$ 縷 句讀 「篾,織 升 而 細 單 升 則 如

族父 母。

族

祖

父母

族

曾

祖父母

0

族 昆 弟 0

注 云 族祖 父者, 亦 高 祖 之孫 則 高

fi.

儀禮 喪服 文足徵記

於《《喪 免。 故其服 孫之服 似 高 衰三月以 尊,不敢服以小 服 祖 世 祖 亦精義,而 袒 故 有 |免| 是 此 不 服 亦不爲玄孫 高 服〉 得 止於緦 明 ,則亦不 祖 矣。」瑶 服 無 無 也 與玄孫不制服之精義,余 之。 服 非《喪服》經文之義也。 逸文》篇 麻,於是玄孫但爲之祖 所以 宜 得過三月而 功兄弟之服,故 田 準曾祖之服 制服 同 案 曾祖齊衰三月, 然者,以 中詳之。 、《大傳 經不 爲 服 曾 ₩ E 而 高 若云 小 制 祖 制 祖 功 曾 齊 Ŧî. 至 制

孫之婦  $\overline{Z}$ 婦 耳。」瑶田案:「不杖麻 敖繼公曰: 小功也。 「有 適子 「庶孫之婦 「小功」章不見之者,文脱 者無 適 孫 緦 屨」章「適孫」傳 孫 麻 婦 ,則適 亦如之。」

孫

之

言孫

婦雖

適

孫之妻,而適

婦

現

在,則

庶

婦 仍 適 婦 爲 ,非有脱文,敖氏誤矣。 庶 在 孫之婦。 也,故「小 然則 功 章 爲 適 不 孫 著 妻, 適 孫 恒 之 當

庶 孫之中殤

從上 **嘗參考下文而紬繹** 字之誤 殤中從 法 之例、故連著中殤、下殤以明之。蓋 之叔父之中殤、下殤」,是三發中從 例,故特著下殤 父昆弟、姪之下殤」,是再發中從下之 之例,故特著中殤 功,中、下 三條互文 瑶 也。 田 必長、中連 案: 上,此當言下 而鄭氏 庶孫 (明其 殤緦 是 不 乃 例。 者,成人大 麻。 以 言者變調,亦屬 謂 解 明 以 此 庶 之也。 此 又與「大功」章 殤。 之。 明之。下經 經屬 孫 經始發 成 功, 言中殤者, 又下經 文之妙 人大功,其 余於《「 中 長 文之 從 殤 一夫 一從 中 殤 下 小 殤,而於「小功殤服」章中概不見其

見。亦因 殤」,又於「小功殤服」章中復見其下 爲適子之長、中殤,大夫爲適子之長、 殤者不同。 中、下殤,則皆成 此三條,皆成人正服之殤。若「爲人 服 於降二等之中、下殤不見之例 於適昆弟之正 概不見。是又 大夫之子,爲其昆弟、庶子、姑、姊妹、 後者爲其昆弟」,及「大夫公之昆弟、 「大夫之庶子爲 女子子」、「大夫之妾爲其庶子」,諸 大功殤服」章中見子之長、中殤 經傳中從上、下異名同 又此經中見中、下殤 可以證 然其所 與「大功 服 人降服之殤, 此經成人降服之殤 適昆弟之長 本 以 不降,故 不同者,乃 殤 服」章中見 實述》中詳 服 也。若 兩 經中一 (殤、中 止 止 經 及公 此 重

> 懸國 省。 見下殤者,益知 服」章中反不見其長、中殤,爲互文从 此見此經屬文之法,變化因心,真 之子、女子子之下殤,而 下殤,是又與「小功殤 以見長、中殤 門 而不能易一字者也 其必 者 服 知 服」章中 其 長、中殤。 於「大 必 服 見 下殤, 功 昆 於 口 弟

從祖姑、姊妹適人者,報。

從祖父、從祖昆弟之長殤。

服。 下」,由 瑶田案:此人長殤緦麻,則中、下殤 「小功」章不見中殤 鄭 注 不 明 必 中 日「不 殤 何 而 見 發也。 以 中 不見之傳,爲 殤 者,中從 無

外孫。

夫之叔父之中殤、下殤。

從父昆弟姪之下殤。

瑶田案:「小功殤服」章曰:爲姪庶孫

: E

旨,而 也。 下。 其 深 長 文之法,宜 互. 見 從 下 以 之長 父昆弟、姪之下殤,在「緦 可 昆弟之長 考「小 殤 例。 出 下 殤,在「小功殤服 知,乃 下也。 成人, 所 不 以 故 謂 殤,蓋欲令「中」、「下」二字彼 殤 見 誤 中 明爲 於「緦 不 其 中 明一中 於 以 功 殤從下,義例 殤 中、 如 則 殤 殤 以 其 庶 見 姪與 此 麻 於此 服 庶 句 孫 中 所 下 也 從下」之例,亦 變化 一章 下先 又但 孫 ? 殤。 謂 八爲 殤 章不 大 之「中從 節注云:「言 」章,二人一例 從 Ė 服 也。 已特 功、小 蓋 見中殤,而 小 父昆弟同爲「中 並 「從父昆弟姪 見 額 章 功 在 故姪 中 然。 麻」章,二人 發 内 之 「緦 下, 功 殤 傳 於 殤 皆 發 以 鄭 庶 日 麻 中 中 謂 問 注 亦 孫 見 反 從 殤 從 之 章 之 屬 此 服 不 從 從 何 父

> 也。 乃臆 矣。 傳 殤 者 之「中」字易爲「下」字之例,而 中從下」, 下」,於此 長 與 姪」之專言下殤者爲一 改去經文「中」字, 陽。條 者爲 經 所言三人 明中 傳義 見之例,而 〇 鄭 中從上,故 從 必注 蓋 條 氏 例 下。」是以 於一從 所 又必注 者 相矛盾也。 日云不 以 加 非《喪 證 並 以 祖 以 其 曰「言中 司 專言下殤不言 見 觀 父、從 庶 、改去 之,其 於 服》經 中 例, 孫 今合 殤者 「從父昆 當爲下 庶 祖 圃 -殤者, 之義 繆 昆 W 不 孫 不 中 立 弟 知 中 章 知 殤 例 其 殤 明 從 之 見 經 其

從母之長殤,報。

長 疏 瑶 殤」, 兼 田 言 案 亦 姊 從 妹 但 母 有 者,若下經「夫之姊妹之 有 妹無姊。屬文之法不 長 殤 者 一, 母: 之妹 也。 臣

,室老、士也,貴妾,姪娣也。天子、

得偏言之,亦以爲姊妹之服同,不嫌

諸

侯

降

其

臣

妾,無

服。

士

卑

無

臣

則

也。

庶子爲父後者爲其母。

傳曰: 何以緦也? 傳曰: 「與尊者爲一

也? 體 有死 敢 服 於宫中者,則 其 私 親 也。 然 爲 則 之三月 何 以 不 服 駆 緦

祭,因是以服緦也。

士爲庶母。

傳曰:何以緦也? 以名服也。大夫以

上,爲庶母無服。

瑶田案: 疏云:「庶人無庶母。爲庶

母服者,唯士而已。」

貴臣、貴妾。

傳曰:何以緦也? 以其貴也。

君 瑶 也, 田 案 殊 其 注 臣 云: 妾 一此 貴 賤 謂 而 公、士、大夫之 爲之服

> 娣; 注 士妾 賤,雖姪娣亦從之而賤矣。 無子則已。」又案:《士昏禮》「女從者 云: 而 又 其貴實因 賤,不足殊。 謂 姪娣也。」然則貴妾雖 公、士、大夫 有子 則 也。 爲 之 指 士身 緦 姪

乳母。

傳

日

何以

緦

也

以名

服

也

?

從祖昆弟之子。

曾孫。

以 數 孫 衰 得 當 瑶 以 服 ,亦小功之差 田 麻, 小功之差。 以之服至尊、故制 案: 服 曾孫,爲 減其月數以 曾 曾祖 祖 則 服 然小 父母,由 曾祖、 也。 緦 麻。 服之。 功 然曾 亦 齊衰三月,重其 爲 祖 仁至 不 兄 父 得 孫 曾祖 弟之服,不 母 多其 既 一義盡 Ė 減 一殺之, 於曾 月 其 數 非 月

į

聖 人不能定其制也

瑶田 初以經不見適人者,誤以 爲在 室

服。 適人服緦述》篇,録後正之。 考此 人在室不制服,作《父之姑

從母 傳 昆 日 弟。

何以緦也? 以名服也。

甥。

傳 日 : 甥者. 何也? 謂吾舅者,吾謂之

何以緦也? 報之也。

壻。

傳 曰:何以緦也? 報之也。

妻之父母。

傳曰: 何以 總? 從服也

何以緦? 報之也

舅。

當從服緦。

若從服總,則夫之從母以

者,以尊加

也。

其夫本加

服

,妻亦不

何以

傳曰:

總?

從服也

舅之子。

夫之姑、姊妹之長殤

傳曰:何以緦?

從服也

夫之諸祖父母,報

舍從祖父母而 非「外祖」。且凡服必由近及遠,不當 小功者也。」據疏之文氣,是「從祖」, 從祖父母」者,此依「小功」章夫爲之 父母」,故此疏云:「云『從祖祖父母、 前「小功」章連言「從祖祖父母、從祖 及疏「外祖」字皆當爲「從祖」之譌。 從祖祖父母、外祖父母。」瑶田案:注 注云:「諸祖父母者,夫之所爲小 「外親之服皆緦」,爲外祖父母 服 從祖 祖父母。況據 小 功, 功

辭,非 諸 名加 親」字,則注、疏 不當從服,又無 祖父母,本以 父母」連文可 譌 此 疏云:「妻從夫服其族親 以從祖父母 「小功」章其夫爲「從祖 「夫之所爲兄弟服妻降一等」條下, 也。 祖父母見於『緦麻』章。」據 미 以決注、疏「外」字爲後 服小 外辭。 又案: 功 關從祖 者, '比例 且 緦 經曰「諸祖父母」, 兩「外」字爲「從」字之 經 加 論 妻亦當從 曰「諸 服 耶? 른 祖父母,況 小 功,其 祖父母、從祖 至其 ,即上經夫之 祖 又檢記 父 服 人 母 妻 夫 轉 緦 此「族 又有 於 義 是内 耶? 寫 文 外 之 亦

君母之昆弟。

譌

無疑矣。

傳曰:何以緦? 從服也。

瑶田案:注云:「君母在,則不敢不從

章「君母之父母從母」一條之傳而決服。君母卒,則不服也。」蓋據「小功」

之也。

能之。 一爲從祖祖父母。在「小功」章, 一爲從祖祖父母。在「小功」章, 是一爲從祖祖父母。在「小功」章, 是一爲從祖祖父母。在「小功」章, 是一爲從祖祖父母。在「小功」章, 是一爲從祖祖父母。在「小功」章, 是一爲從祖祖父母。在「小功」章, 是一爲從祖祖父母。在「小功」章,

爲夫之從父昆弟之妻。

傳曰: 何以緦也? 以爲相與同室,則生

緦之親焉。

殤中從上,大功之殤中從下。長殤、中殤降一等,下殤降二等。齊衰之

皆依經發義,無憑空立義之例。自鄭瑶田案:四句乃《喪服》經文。若傳則

. . .

意。 降 殤也 也 服 以 殤 其 此 而 服 在 章 兩 經 此 氏 降 緦 例 也 也。 大 齊 制 專 發 四 誤 「殤 等,而 然則 若大 麻 衰 之? 爲 功 殤 旬 以 以 服 等之大功 降二等之小 **而** 之 了; 下 成 所 何 上文同 服 以 明 大功成人之長殤,何以 功 殤 以 章而發之; 以 人服 之 爲 下 殤降 觀 制 不爲之特制 中從 成人之殤, 有 知 例 傳 殤則 此 兩 其 降 室生緦之傳 齊衰,今爲長、 者 文 經 在 殤服 專 ,專爲 上、故長殤、中 殤 降二 而 發 小 功 等、二等之殊者, 爲 注之。 且不 服 例 功,而 殤 一等也 成 中、 則中從 齊 四 制 服 章 人 審兩「殤 句 衰之長、中 大 連言 ,齊衰之下 之精 又不 下 服 爲 功、 而 之制 中殤 殤 故 齊衰 下, 知之。 亦在 之 特 義 殤 審 小 遂 服 服 並 微 發 並 者 降 此 功 此 并

不見者 下也。 之,夫之姑、姊妹之長 殤 小 並 長 非特 是亦 Ħ. 審 服 殤 大功之殤中從下,則 不 齊衰、大 小 據 並 功 在 殤 得 此 制 小 功 其 無 成 忽 在 其 爲 經 此 令爲之服 功 殤 人,其 小小 以以 服 此 義 此 小 解 麻」,謂之「中從下」是也。 服」章 主 而 功 功之殤 主 人 例 己 謂 功 此 又不 乃 了,皆明 制制 謂 長 殤 妻 不 求之。」 從 又 中 妻爲 長 者 殤 爲 服 得 誤 可 而 服。 也? 其 殤之服 服 降 謂 夫 章 以 復 爲 夫之親 成 小 小 大大 在 丽 之「中 親 此 之 人 殤緦 中, 人也。 緦 功 功 大 蓋 服」之説 經 小 辭 之殤 殤服 也。 麻,中、 功 既 功 丽 爲 功 麻,則 從下」矣。 注 服 長 爲 中、 成 傳 正 此語 鄭 也。 亦 之 齊 殤 人,其 服 下之 下 而 中 於是 氏 日 而 適 衰 不 中、 求 誤 殤 凡 從 不 於 初

之,所 成 首 爲 主爲 也。 殤 殤 中諸妻爲 服」章中。 殤大功,則下 小功言之,所謂「大 中 下 小功 小功 服 即 成 者 連 人 殤 殤 書 一章所 大 列 人齊衰 丈夫 服 夫之昆 無 7殤服 殤服」章中,中從上、下之傳 謂 下 功之 之, 下 服 無 「齊衰之殤中從上」也。 殤 殤諸 夫親之殤服 此條以成人齊衰降大 也 異。 日某 制 可 緦 中。 長 ? 制 弟之子、女子子之長、中 長 殤 無 麻 殤,適 下 人 何分於此 至「小 殤、中殤之服,故於 某之長 論 小功,現見「小功 以 殤之服 此條以成 則 己。 終前章之義 當當 功之殤 長 ,與諸丈夫之爲 功 若夫之叔 殤 殤 服 以以 殤 主 ",遂不 小 小功,於是 服」章,本 人大功 謂 中從下」 功 配 妻, 大 得 八功言 是篇 現 父之 章 爲 如 而 功 耐 殤 降 見

詳之。 得同言 謂 殤 也。 殤降 言長 服 謂 功。 殤,不得見中 從下,見於「緦麻」章。 功之殤」,其成 答之曰:成人齊衰之長、中殤 傳者發問 大功」章 服 服 指 大 「齊衰之殤」,故 此傳所謂「小功之殤」,其成人本 其 言 殤 功 是爲 在 殤 成人也。 鄭氏未審此傳發問之旨,指 服言。 前 中從 必 小 即 大功之殤,其中殤從上,故 功,是爲 見 曰:「中 之 誤注 後 中殤。 連 下」也。 殤 經 余别 人本 之曰:「大功、小功,皆 長 『大功之殤中從上』, 所謂「大功之殤」,故 也。 殤 殤 小功之殤,其 有 服 今成 得 何 IIII 是 齊衰 同言「中從 《異名同 以 見 丽 指成人服 此 不 人大 中 傳 此 見 即 殤 所謂 也? 章言 降在 後經 功之長 實述》 也 中 E 言 大大 謂 長 所 殤 大 故

意; 庶孫 既誤 也。 傳所 之 以 以 知其 謂 誤 大 衰之 爲 則 問 殤 功 通 明 其 殤者 以 齊 者據從父昆弟之下 丽 即即 中 其 「中從下」者,不能貫通其精 之 謂 中 殤 衰 以 經 下 成 遂 中 傳 之殤 殤不在總麻,乃中從 服。 從下」之義 意 爲 之中 人大 殤 小 後 欲 中之見。 殤 成 在總 義 經 功之 改經之「中」字爲「下」字, 、功之殤 凡不 亦 人 與從父昆 例 從 所 大功其 中 顯 麻,不言 殤 謂「大功之殤中從下」 上 從上 見者,以 然, 中從下」,其成人在 以 例相 爲中 丽 就 鄭 一,此主 又 殤 弟之下殤 殤在緦麻 中 丽 戾,故 氏 與 中 從上,故 此求之。」是 殤 亦 從 後 未 上也。 謂 之, 經 者, 能 上 又 丈夫 審 故 大功 義 從 互 故 正 舉 知 微 文 於 此 不 之 面 意 齊

> 合《喪 徴」名此 其 宜 丈 曾 夫之 其 本文以 不 説 細 服》 服 之自 檢 編, 殤者 諸 全 疏 章 篇 亦徵之於其本文而 相 通 妻爲夫 全 經 矛 而 無 傳,考 盾 證 異同。 至 明 親之殤 於 之。 ·其義 如 此 余以 例, 校録之, 服 也。 無 皆 與諸 「足 據 余

記。

足

也

縓冠 公子爲其母,練冠,麻,麻 傳 不 服 ,葛經帶 曰 ,子亦不敢服也 何以 不 麻衣 在 縓 Ŧī. 緣。 服 ; 之 君之所爲服,子 衣 皆既葬除之。 中 線緣; 也 ? 爲其妻, 君之所 亦

不

敢不服也

君 功 服 瑶 尊 者 田 章「先 所厭 案 君 尊 此 ,説詳「大功」 君 厭 不 餘 在 之 尊 也。 五. 之所 服 中 厭 厭 章 傳 字, 中。 故 以 知 爲 見「大 注 此 不 云 爲 敢

爲

心之辭

曰「此主謂妻爲夫之親服

一,而

諸侯之妾子厭於父」,語亦未 審諦。

當與「大功」章傳所云「君之所 ○又案:此傳云「君之所不服」四句 爲 服

四 句參看。 彼見公子從君不敢 服 旁

大夫、公之昆弟,大夫之子,於兄弟降一 親之義,此言公子不敢服其私親也。

子兄弟,若子。 爲人後者,於兄弟降一等,報,於所爲後之 等。

我爲其後,本非其子也。於其子兄 弟之子,若子』,據賀循《爲後服 正。」瑶田案:必云「所爲後之子者」, 金輔之云:「今本誤作『於所爲後之兄 議》考

弟,我往爲後 上「子」字即 下「若子」「子」字,皆不屬 服之, 如 其親生子。

兄弟皆在他邦,加一等。不及知父母, 與

爲人後者」言也。

兄弟居,加一等。

傳曰 何如則可謂之兄弟? 傳曰:小

功以下爲兄弟

朋友皆在 他邦,祖免,歸 則

朋友,麻。

君之所爲兄弟服,室老降一等。

夫之所爲兄弟服,妻降一等。

服。不爲後,如邦人。

庶子爲後者,爲其外祖父母、從母、舅,

無

親 宗子孤爲殤,大功衰,小功衰,皆三月。 ,則月算如 郊外人。

功衰 其長、中 降二等。 也,經所謂「長殤、中殤降一等,下殤 減其月數,以本服止三月,殤服 瑶田案: 宗子本服齊 也。 殤爲服大功衰,下殤爲服 皆三月者,衰如大小功 齊衰之殤中從上」者也。 衰三月。 其 亦止 河面 故 殤 小

五屬之内」,五屬之内,月算如邦人,絶屬者」,言非親也。又云「親,謂在三月,不得過之也。注云「謂與宗子

改葬,緦。

不止三月也。

童子,唯當室總。

傳曰:不當室,則無緦服也。

凡妾爲私兄弟,如邦人。

衰。大夫用於命婦,錫衰,命婦用於大夫,亦錫大夫用於命婦,錫衰,命婦用於大夫,亦錫

布,曰錫。 者,十五升抽其半,無事其縷,有事其傳曰:錫者何也? 麻之有錫者也。錫

記未誤之文與?」司農云「錫,麻之滑易者」也。其據此誤,蓋二字各有似也。《司服職》注鄭敖繼公曰:「「有錫」,疑「滑易」二字之

今疏作「妾爲女君之服」,蓋「君之黨

氏玉裁考定,據傳古本經文,不當有「惡」字。有首以髽。卒哭,子折笄首以笄,布總。段女子子適人者爲其父母,婦爲舅姑,惡笄

吉笄者,象笄也。何以言子折笄首而不者,櫛笄也。折笄首者,折吉笄之首也。 嬰兒:笄有首者,惡笄之有首也。惡笄

妾爲女君、君之長子,惡笄有首,布總。

言婦? 終之也。

三字轉寫譌作「女君之」三字也。今

據經傳服例參考改正。

凡衰,外削幅,裳,内削幅,幅三袧。

若齊、裳内、衰外。

負,廣出於適寸。

適,博四寸,出於衰。

衰,長六寸,博四寸。

衣帶,下尺。

袂,屬幅。 衽,二尺有五寸。

衣,二尺有二寸。

衰,三升,三升有半,其冠六升。 袪,尺二寸。

以其冠爲

受,受冠七升。

齊衰四升,其冠七升。以其冠爲受,受冠

八升。

總衰四升有半,其冠八升。

: E

# 儀禮喪服文足徵記三

#### 喪服通别表

傳之氣脉貫 不嫌煩碎。 必别之於其人者,至纖至悉,分 經之緯之,等殺畢具。 爲表廿有九事。其丈夫、婦人之通服, 出,從而障之,端緒益棼。 細,輕心掉之,門仞難得。  $\sim$ 喪服》一篇,精義之學也。 通,作聖述明,豪髮無憾矣。 然後知此經之鍼 至服有升降,而 今稍條理之, 加以 縷 密 而録之, 羣言錯 服 |緻,此 例深

歙程

瑶

田

六

	鳥所後者之 鳥所後服表		總麻。 昆弟,若子,爲之於所爲後子之族	
	。」 宋、昆弟之事,妻之父	總麻。父母,若子,爲之於所爲後子之族		子,爲之總麻。祖昆弟之子,若於所爲後子之從
	之總麻。祖父母,若子,爲於所爲後子之族	之小功,報。 祖父母,若子,爲於所爲後子之從	之大功。 父昆弟,若子,鬲 於所爲後子之從	子,爲之小功。 父昆弟之子,若於所爲後子之從
	爲之小功,報。祖祖父母,若子,於所爲後子之從	子,爲之不杖期。父母叔父母。若於所爲後子之世		
齊衰三月。 若子,爲曾祖所後者之祖,	不杖期。 若子,爲祖父母 所後者之父母,	年。所後者斬夷三	□□國人後神。	
	父母小功。母,若子,爲外祖所後者妻之父	衰三年。子。爲母父卒齊 所後者之妻,若		
		麻。 弟,若子,爲舅總所後者妻之昆	之子總麻。 之子,若子,爲舅所後者妻之昆弟	
	總麻。 之姑,若子,爲之 於所爲後子之父	爲之不杖期,報。人無主者,若子,之大功。其姑適。人者,若子,爲於所爲後子之姑	不杖期,報。 無主者,若子,爲之 大功。其姊妹適人 適人者,若子,爲之 於所爲後子之姊妹	
		子,爲之總麻。祖姑適人者,若於所爲後子之從	子,爲之小功。父姊妹適人者,若改所爲後子之從	
泗口[臧-			於所爲後子之從	
含、tint。 於所爲後			子,爲之怨麻。 祖姊妹適人者,若	
米、拓小。	_		1 6 745 12	

## 爲人後者爲其親服表

爲其姊妹適人者小功。	己爲人後者。	爲其昆弟大功。

爲其父母不杖期報。

記曰:「爲人後者,於兄弟降一等,報。」

四

庶子服表

	服。母不爲後,如邦人。記云:爲其外祖父無	
不爲後,如邦人記云:爲其從母無服。	爲其母總麻。	後,如邦人。記云:爲其舅無服。不爲
	己	

者,大功。 從父昆弟

昆弟爲士者, 昆 爲士者大功。 弟之子

世

叔父母

爲

小功。

士者,大功。

大功。

子 爲士者, 不杖期。 適孫爲士者, 庶孫小功。

大功。

士者如衆 曾祖父母

士者不杖期。 爲祖父母

大功。

功;嫁大夫者,

者,小功;嫁大

者,小功;嫁大 女子子適士

夫者,大功。

夫者,大功。

姑適士者,小

姊

妹 【適士

爲

爲

齊衰三月。

四三

### 大夫之子服表

記曰:「大夫之子,於兄弟降一等。」

從父昆弟小功。 是弟之子爲大夫 昆弟爲大夫者,不 者,不杖期,報。 大夫之子。 一型大夫之子。 一型大夫之子。 一型大夫之子。 一型大夫之子。 一型大夫道子爲之不 杖期。據傳,父在不 杖期。據傳,父在不 杖期。據傳,父在不 杖期。據傳,父在不
。 爲

爲妻大功。	己大夫庶子。	爲適昆弟不杖期。	皆爲從父昆弟爲大夫者,大功。

爲母大功。

士	
服	
表	

「大夫以上爲庶母無服。」爲 庶 母 緦麻。傳云:	- : - : - : - : - : - : - : - : - : - :	スポープ   スポープ	爲 妾 注 云 三 八 一 一 一 一 一 一 一 一 一 一 一 一 一
臣爲君服表			
		君斬衰三年。	2
不 <sub>杖期</sub> 。 君之祖父母	君之父母不杖期。	君之妻不杖期。	君之長子不杖期。
諸候之大夫爲天			

爲國君齊衰三月。

三月。	與民同也。」 曰:「仕焉而已者也,言曰:「仕焉而已者也,言	
	與民同也。」	
	<b>舊國君。傳曰:</b> 「言與民 大夫在外,其妻長子爲	
	也。」 再。傳曰:「言與民同 日。傳曰:「言與民同	

諸侯服表

諸	君
侯爲天子斬衰三年。	爲姑嫁於國君者,大功。
己諸侯。	功。君爲姊妹嫁於國君者,大
	<b>村</b> 河。 君爲女子子嫁於國君者,

## 公子之適妻子服表

子者,大夫及公子之適妻子也。」已見《大夫之 | (己)公子之適妻子。

君子子爲庶母之慈己者注云:「君子

子表》内,今重見者,蓋一例兩人所同者也。

爲其母練冠麻,麻衣縓緣,既葬除之。 (己)「公子」注云:「君之庶子」 爲其妻縓冠,葛經帶,麻衣縓緣,既葬除之。

公子服表

五 〇

公之昆弟服表

從父昆弟小功。

(己) 公之昆弟。

庶孫小功。

記曰:「公之昆弟,於兄弟降一等。」

姑

嫁大夫者大功。

姊妹 嫁大夫者大功。

女子子 嫁大夫者大功。

爲母大功。

皆爲從父昆北之爲大夫者大功。

五

儀禮喪服文足徵記三

# 公士大夫之君爲臣妾服表

### 己公士大夫之君。

爲貴臣 貴妾總麻

# 公士大夫之衆臣爲其君服表

之矣。」注云:「近臣,閻寺之屬。君,嗣君地者也。衆臣杖,不以即位。近臣,君服斯服爲布帶,易其菅屨爲繩屨。傳云:「君,謂有爲其君布帶繩」履蓋斬衰三年,易其絞帶

也。」

等。」注云:「公士、大夫之君。」等。」注云:「公士、大夫之衆臣」,衆臣别於貴臣。傳管層。」記曰:「君之所爲兄弟服,室老降一帶管層。」記曰:「君之所爲兄弟服,室老降一

五

妻之父母總麻。

舅緦麻。

**己** 舅之子緦麻。

外祖父母小功。

小功,報。● 從母丈夫、

婦人

從母昆弟總麻。

姑之子總麻。

壻總麻。

甥總麻。

外孫總麻。

0 「小功報」三字,原作大字,與全表體例不合,今

作小字處理。

<u>#</u>

#### 婦人通服表

<b>總麻。</b>	夫之姑 <sub>小功</sub> ,報。 夫之姊妹娣姒	母總麻,報。 大功。	婦爲舅姑不杖期。  妻爲夫斬衰三年。  □	齊衰三月。	弟大功,丈夫、婦人報。 女子子適人者,爲衆昆	之爲父後者,不杖期。
	子適人者 大之昆弟之婦人	天 大 之 昆 弟 之 子	母爲長子齊衰三年。		歌昆 女子子 適人者,爲姪	0

記曰:「夫之所爲兄弟服,妻降一等。」

夫之君不杖期。

五四

爲姊妹嫁於大 爲女子子嫁於 大夫者大功。

者大功。

夫者大功。

爲姑嫁於大夫

記曰:「命婦弔於大夫,亦錫衰。」

五五五

妾 服 表

功爲姑大功。 大夫妾爲姊妹大功。	不杖期。公妾以及士妾爲其父母	己妾。	妾爲君斬衰三年。	「女君於妾無服。」
	公大夫妾爲其子不杖期。		子嫁者、未嫁者、大功。 大夫妾爲君之庶子、女子	ジューフララルが言語して

記曰:「凡妾爲私兄弟,如邦人。」

爲
宗
子
服
表

	大夫爲宗子齊衰三月。
母齊衰三月。 丈夫、婦人爲宗子之	(己) 丈夫、婦人爲宗子
	齊衰三月。  文夫、婦人爲宗子之妻

# 宗子在五屬中及絶屬成人殤服分别表

						族人爲宗子。
絶屬齊衰三月。	總麻親齊衰三月。	小功親齊衰三月,卒哭,	大功親齊衰三月,卒哭,	期親齊衰期。		
絶	緦	4	-	孤爲殤期		
下殤小功衰三月。長、中殤大功衰三月,	<b>麻親</b> 下殤小功衰三月。	小功親長、中殤大功衰三月。	大功親 下殤小功衰三月。 長、中殤大功衰五月,	我我一样,下殤小功衰五月。 長殤大功衰九月,中殤大功		

從母之長殤總麻,報。	姑長殤緦麻。 之子爲姑長殤小功,夫之 功。大夫公之昆弟、大夫 好長、中殤大功,下殤小		功、中、下殤總麻。小功。夫之叔父長殤小小功。夫之叔父長殤小	從祖父長殤總麻。	
	之姊妹長殤緦麻。 之子爲姊妹長殤小功,夫 小功。大夫公之昆弟、大夫 外妹長、中殤大功,下殤		長、中殤大功,下殤小功。 長、小功。大夫庶子爲適昆弟 以功。大夫之子爲昆弟長殤 小功。爲人後者爲其昆弟 長殤小功。大夫公之昆 長殤小功。為人後者爲其昆弟	下殤總麻。從父昆弟長殤小功,	從祖昆弟長殤總麻。
	女子子長殤小功。子爲女子子長殤小功。大夫公之昆弟、大夫之	哪小功。公爲適子 長、中殤大功。大夫公之昆 長、中殤大功。大夫公之昆 長、中殤大功。大夫公之昆 長、中殤大功。大夫公之昆 功。● 大夫之妾爲庶子長殤小 功。● 大夫之妾爲庶子長	鬼弟之子女子子下殤 小功,下殤緦麻。夫之昆弟之子、女子子長、中殤大功,下殤總成 是,如此是獨 是,如此是獨 是,如此是獨 是,如此是獨	殤 <sup>總麻。</sup> 從父昆弟之子長	
		麻人長殤小功,中殤總婦人長殤小功。庶孫丈夫、殤小功。庶孫丈夫、	昆弟之孫長殤緦麻。		

■「功」,原誤作「中」,今據經解本改。

#### 童子緦服表

母、族父母、族昆弟也。 爲族親「總麻」章所謂族曾祖父母、族祖父

也。一 (LL)記云:「童子唯當室總。」注云: 主,與族人爲禮。」傳云"「不當室,則無總服 「爲

家

(己)注云:「服總者,臣爲君也,子爲父也,夫

爲妻也。三月而除之。」

改葬緦服表

記云: 改葬緦。

記又云:「朋友皆在他邦,袒免,歸則已。」

記云: 謂疑之言擬也,擬於吉者也。 素裳。」《周禮・司服》注:「疑衰十四升。」玄 《檀弓》曰:「羣居則絰,出則否。」其服,弔服 也。」又云:「朋友之相爲服,即士弔服,疑衰 朋友麻注云"「相爲服緦之経帶。 <u></u>

### 本服殤服一貫表

傳 功殤 殤 據本服名之,一據 殤中從上」; 爲之服大功殤服、小功殤服者也。故 之殤」、「小功之殤」者,言今已爲 當服大功,而今爲殤者 下 即以其殤服 大功之殤中從上,小功之殤中從 大功之殤」者,言爲其 曰「小功之殤中從下」。 「齊衰之殤中從 中從下。」此以 殤降二等。 服」章: 喪 服》 傳 經 經曰「大功之殤中從下」, 名之,故經曰「齊衰之殤」、 日 齊衰之殤中從 日 成人本服 : 殤服名之也。 上,即 中 長 殤 (殤、中 也 成 何 名異 傳 人當服 名 以 日「大功 傳 上,大 -殤降一 傷服。 不 〈實同: 曰「大功 鄭君 見 下。」此 齊衰、 殤, 八功之 也? 小小 等, 誤 即 之 丽 經

> 程瑶 誤立 閡,雖從而爲之辭,而 之。今復以 屢爲文正之,又於經傳 以傳所名者亦據 見,則 田。 瞭 本服、 如指 成 殤 掌, 人 服 (服言, 昭 卒不 每 相 若發矇矣。 條 承 可 下 所 列 立「案」 通 以 表,俾 觸 余 處 破 歙 既 譌 隔

六

之。」	大夫之適子爲妻。	世父母、叔父母。注云"「姑世父母、叔父母。	祖父母。	「不杖麻屨」章此齊衰本服,成人服之。及其殤也,長、中殤當降服,以,長、中殤當降服人服之。及其殤也,長、中殤當降服人服之。及其殤也,長、中殤當降服
長殤、中殤。民務之長殤、中殤,姊妹之	無場服。	殤。 叔母無殤服。姑之長殤、中 叔父之長殤、中殤,世父母、	無殤服,故不見。下同。	「大功殤服」章此大功殤服,先 是成人服齊衰,今爲長、中殤,降成 人一等服大功。經據本服,名其殤 是成人服齊衰,今爲長、中殤,降成
昆弟之下殤、姊妹之下殤。		叔父之下殤、爲姑之下殤。		等,服小功也。等,服小功竭服,完是成人服齊衰,今爲下殤,降成人二

皆是。」

長殤、中殤。

下殤。

六五

公妾以及士妾爲其父母。	者。 大夫爲祖父母適孫爲士	夫命婦者,唯子不報。 母、子昆弟、昆弟之子、姑、母、子昆弟、昆弟之子、姑、 一	女子子爲祖父母。	公妾、大夫之妾爲其子。
無殤服。	前適孫之長殤、中殤。祖父母無殤服,大夫不降其適,當如	無鴉服。	無殤服。	殤」。 寒其當如前「子、女子子之長殤、中 不見殤服,據傳「爲其子得遂」之文
	當如前適孫之下殤。			當如前女子子之下殤,得包子也。

庶孫。注云:「男女皆是。」	が如之。」 爲人後者爲其昆 が如之。」 爲人後者爲其昆	姑、姊妹、女子子適人者。	其殤曰「大功之殤」。 其殤曰「大功之殤」。 其殤曰「大功之殤」。
		人者。	經據本服名
庶孫丈夫、婦人之長殤。	昆弟之長殤。	無殤服。	名期殤曰「大功之殤中從下」。 傷口「小功乃傷服」章此小功殤服、先 場,故傳曰:「中殤何以不見也? 場,故傳曰:「中殤何以不見也? 服小功、此章中見長殤,不連見中 服小功之殤中從下也。」傳據殤服名其 是成人服大功。今爲長殤,降一等 是成人服大功。今爲長殤,降一等
從下,亦其屬文之例也。	之中、下殤,以長殤中可互明也。 有説詳之。不見爲人後者爲其昆弟於「大功」章中從上。屬文之例,余明中從下。此「緦麻」章中從下,異明中從下。此「缌麻」章中從下,異		[ 總麻] 章 此總麻殤服,先是成人 服表功。今爲中、下殤,降成人二等

母。 母。 世父母、叔父	好子子適人者爲衆昆弟、 五	適婦。
爲夫之叔父之長殤。	姪,此偏言姪,則昆弟可知。 殤。 爲 姪 丈 夫、婦 人 之 長殤。 爲 姪 丈 夫、婦 人 之 長不見女子子適人者爲衆昆弟之長	無殤服。
房, 互明中從下之例。 見中、下殤以與上偏見下殤、偏見中	殤。 姪之下殤。	

於大夫條後以示異。

而「皆爲」條中

唯爲母、爲妻遠不相同,故別出此條 爲上下條中諸親並與大夫同其服 者一條,中間夾二庶一條者,以二庶 領下昆弟皆爲其從父昆弟之爲大夫 此「大夫」二字包三人,以領此條,并 姊妹如昆弟,女子子如子,可相包 見姑、姊妹、女子子者,姑如二父母, 母,只叔父有殤服,可互知也。此不 殤人數與此合而決之,此有世父母、 其昆弟庶子、姑、姊妹、女子子之長 子三種人。據「小功殤服」章三人爲 者。此「大夫」包公之昆弟、大夫之 子、昆弟、昆弟之子爲士 母無殤服,與「不杖期」章爲二父 夫爲世父母、叔父母、 昆弟之子猶子,故彼亦不見長 ○瑶田據「小功殤服」章決 而彼無長殤服者,以二父 服,則此條中省文,亦經之義例也 中屢見其服,亦屢見其爲叔父之殤 服見叔父之長、中殤矣。二父母,經 「不杖期」章爲二父母,亦於大功殤 爲叔父,文同於彼,義可互見。 父」,此章中已見長殤服矣。則此條 叔父母」牽連爲文,其「爲夫之叔 本章中,乃承婦人爲夫之「世父母 見叔父之長殤。然大夫條在「大功 章「大夫爲世父母、叔父母」來,則應 殤服,叔父有殤服。此條承「大功 女子子之長殤世父母、叔母無 爲其昆弟庶子、姑、姊妹、 況

叔父母。

也。

殤服也。

下殤服,以長殤中可互明 不見大夫三人爲其 昆 弟諸人之中、 也

大夫公之昆弟、大夫之子

大

七〇

君爲姑、姊妹、女子子嫁於 子、公之昆弟爲姑、姊妹、 大夫、大夫之妻、大夫之 子子嫁者、未嫁者,爲世父 大夫之妾爲君之庶子、女 國君者。 女子子嫁於大夫者。 瑶田依舊讀别有説 母、叔父母、姑、姊妹。此條 謂「大功之殤中從下」,別在「緦麻」章及「小功殤服」傳所謂「中殤何以不見」、「小功之殤中 中從上」之義。後一表,見成人大功之殤亦不輕,而令其長殤亦服小功殤服 從下」之義。至於成人小功,其長殤服在「緦麻」,中、下殤無服。今亦表而出之,以附於 謂「長殤、中殤降一等,下殤降二等。齊衰之殤中從上」,及「小功殤 右二表,前一表,見成人齊衰之殤綦重、《儀禮》爲制大功、小功兩殤服之由,因以 服」傳所謂「大功之殤 因 以 明經所 明經所

# 成人小功本服及長殤服緦麻表附

從父姊妹、孫適人者。	從祖昆弟。	一小功」章此小功本服,成人服 之。及其殤也,長殤當降服總麻, 中、下殤無服。
無殤服。	從祖昆弟之長殤。	「總麻」章殤服此總麻長殤服, 既。從祖父之長殤。從祖母無殤 服。從祖祖父、祖之昆弟能見其爲 服。從祖祖父、祖之昆弟能見其爲 服。從祖祖父、祖之昆弟能見其爲 以之長殤同。經雖不見,得以包之。 見從祖祖父之報服,安得昆弟之孫 見從祖祖父之報服,安得昆弟之孫

ŧ:

L

無殤服。	大夫之妾爲庶子適人者。
脚下降一等,可互見而省文也。姑、 一等,可互見而省文也。姑、 一等,可互見而省文也。姑、服大功者也。今成人降一等,則殤 服大功者也。今成人降一等,則殤 服大功者也。今成人降一等,則殤	姊妹、女子子之適士者。 弟,爲從父昆弟、庶孫、姑、 大夫、大夫之子、公之昆
<b>夫之姑、姊妹之長殤。娣姒</b>	夫之姑、姊妹、娣姒婦、報。
從母之長殤,報。	從母,丈夫、婦人,報。
無殤服。	爲外祖父母。
無殤服。	者。爲人後者爲其姊妹適人

庶婦。	無殤服。	
君母之父母、從母。	適子同,可互見也。同也。父母無殤服,從母長殤,自與此謂妾子從君母服其黨服,與適子	
君子子爲庶母慈己者。	無殤服。	
文,故不復重見其服也。文,以此人爲從祖父母,經見「報」從父昆弟之子當服小功。不見經	從父昆弟之子之長殤。	
故不復重見其服也。此人爲從祖祖父母,經已見「報」文,此人爲從祖祖父母,經已見「報」文,以	昆弟之孫之長殤。	

七元

## 儀禮喪服文足徵記四

### 喪服無逸文述

九, 杖 無 大 服之窮也。」 殺、下殺之服 無 又曰:「 功 子 期 連 服 一者也。 ?,曾孫 ,曾祖  $\overline{\mathbf{H}}$ 齊 喪 但 世袒免數之,明言六世親竭 服 衰 五 以 不杖期 世 父母 與宗法 袒 緦 爲父斬衰三年,祖 謂 袒 免 也。 麻。 曾 免, 齊衰三月,長子 行 孫 令大 繼 事。 此 適 殺 緦 高 同 孫 上治、下 傳》曰:「 《喪服小記》言親親以五 麻, 祖 齊 姓 以 也 衰不 服 則五世親猶未竭 下 至 治 父 四 謂 杖 斬 此 四 母 而 小 己爲玄孫 期,庶孫 世 而 衰三年, 齊 宗 因 窮 而 有 衰不 通 緦 也 E 爲

旁治之 豈 服 則 弟之孫 爲 説 必 麻 而 矣。 即 載此二人之長 丽 夫曾孫之窮於緦 菲親 報」文者,皆不 報」文之例, 則 昆 旁 小功 此 以 以 此 章 明之。 殺 弟之孫 親連 二人服者,爲從 而「小功」章不 小 二人者,爲此二父 載 從父昆弟之子亦 也。 之, 亦 而 功 爲 袒免數之乎? 猶 昆 報之。 亦 此二人之 因披「小功」章反復 同 而「小功」章不 弟之曾 止宜緦 無 姓 不 殤 更見其 服 當 也 麻 及 也。 一,則 則 更 麻",從 孫 檢《 祖祖父母、 爲 見二人之服 長 以 其 見其服,非 猶 皆從玄孫之祖 曾 玄孫 服,兼 母 殤 止 昆弟之曾 喪 本 同 孫 宜 服 見其服, 服 父昆弟之孫 服 則 姓 爲 一總麻。 但 小 之爲 **>** 此二 也。 有 曾祖 以 全 功,二父母 從 尋繹,而 一經,凡 孫 者,蓋 袒 緦 祖 逸之也 人 從 小 注 窮於、 加 免, 無 麻」章 父母 父 免 本 功 亦 服 昆 則 見 服 緦 無 知 無 見 明 恋

七六

緦麻? 服 則 月 之,故注 不 母 殺之,從祖 宜緦麻 服 其月 行之,夫其不 月,恩殺也。」曾孫 小功者,兄弟之服 恩殺」也。 敢服 也。 得 年矣,於 上 至尊也。」注云:「服之數窮於五 見高 一殺之,曾祖父母亦當小功之差。 數 月也。 非 萬 曾祖 以兄弟服 然曾祖齊衰三 云 -有 祖 :「重其 曾祖 庶 殺 祖 然, 絶 爲 祖 之義。 宜 玄孫 父 承重也, 無矣,故 曾 何 小 母 既 祖 以 則玄孫 得 當 功。」其義 恩益 不 衰 而  $\equiv$ 齊衰 也。 曾 見曾祖者 小 可 月, 麻 制 亦 經 月,高 殺 孫 功之差,則 尊尊 小功,高 爲齊衰三月 不 惟袒 無 承重者 而 矣 得 月 敢 蓋 寧空其 爲 當 見 也 以 祖 也; 由 曾 曾 免 鮮 ? 亦齊 兄 事 且 祖 祖 孫 而 矣, 祖 則 減 弟 文不 則 服 亦 由 父 傳 不 已矣。 者 衰三 以 之服 安 故 今既 母 袒 斬 其 祖 高 能 F 鮮 制 口 免 衰 旁 H 服 父  $\Box$ 祖 加

子 緦。 緦。 特著 羣族昆弟之所宗,吾故曰:「宗之道,兄道 世 族 謂 豈 其文 父母、族昆弟。」由 則 即 祖 玄孫之服 不 **總麻」章**日 昆 得 矣,此繼 非 下 爲 建 然,玄孫之父曾孫 或 見族 弟 故《大傳》曰: 是 也,其旨深遠矣。 殺 不 後 首 爲 即 緦 以 至 者之高 一, 制 所後者之祖父母、妻諸人若子,以 吾之 也 曾 亦可 上之四 於 高 高 以曾祖 -曾孫 祖 祖 實 曾 祖之宗法 祖 同於其 服之確 族曾祖 由 ,由齊衰三月旁殺之而 祖 人亦 四 小功之差 上 傳 建首,以 高 四 世 也, 治而旁殺之,四人皆 重 祖 父乎 前 皆總。 世 證 且. 父母、族祖 焉 曾 所 無 而緦,服之窮 乎? 以 义旁殺之, 經 ? 服,故不見。 孫 由 所後者之曾 而 於爲 至於吾 齊衰三月 起 自 殺之也。 然則經之空 得見曾 也 我數之 一父母、 人後者, 其 至 而 也 矣 此 於 族 故 服

麻,則 麻,其 之宗,不相 弟與其從父昆 之,則「六世親 之子無服,以 庶姓,各宗 之子輩之高 子輩之高祖, 吾之族 弟之玄孫 昆弟之子無服 别 焉,皆出 蓋 爲 過 姓猶 從父昆弟之子當小 族 庶 此 昆 五五 姓 以 當 其 親其 未 聯 祖 弟之子,自吾曾 往 别 緦 其 所 世袒 屬。 四 别 屬竭馬 ,此人與我 於 弟、 宗 親 則 麻,經乃空之,不見其 姓 小 也。 於是各祖其高 上。 焉 高 别 宗 而 從 免」者 而 戚 祖 也 而 吾之曾祖 祖 曾祖、至是爲 之外,而 夫從祖 」者也。 而 已矣。 單 , 與 昆 其 從祖 功。 也 遂 於下矣。 其 弟、 子 爲姓别 昆 祖 孫 昆 昆弟 各宗 族 自吾高 是 而 弟 而 一至是 視之, 祖 則 弟之子 故 昆 從 吾 各 之子 父 族 各 族 其 弟 子 戚 是 視 統 單之 昆 昆 成 昆 爲 所 與 諸 祖 爲 故 服 其 其 之 弟 緦 緦 弟 弟 其 吾 繼 昆 視 昆 族 H 子 ŝ 昆弟 之。 於 亦言 竭 同 不見 從 而 加 而 姓 昆 四

相

序

始。

之所

孫

而

也。」

世,自 於曾祖,而旁殺之,則自族 祖,而皆爲 法,窮於曾孫,故「四 窮則變。 殺之,亦不能 已矣。 旁殺之,不能 父 隻也。 其 爲 至於「五世 昆 而 弟 世 高高 五 服 袒 之 弟之子 而 祖 若夫宗法遞遷,則上殺之法 屬竭 服 空之者,所 免,故 曾 「庶姓 之父 緦 | 之説 之窮,爲之 獨 所 孫 服 姓 以 殺 小 袒 從 更 而下視 故 别 日 其 然者,以 之, 功 父昆 免」,殺之極 服昆弟之曾孫 「 殺 於上」者也,故曰 「戚 也 姓 以 亦 則 世 緦 單 弟之 獨 通 同 其 當 昆 上别 ௱ 麻 其 宗 姓 孫 曾 緦 弟 緦」, 不 曾祖 孫 窮 ,則各 也 於高 其宗,不 單之言盡 孫 及 麻 之 也 也 緦 經 經 於 止 孫 而 總麻; 麻 祖 於緦 五 亦 隆 至於 有 至 亦 下 五 矣。 下 親 世 小 於 同 空之 雖 其 世 而 殺 功 也 族 單 異 焉 又 屬 之 窮 高 猶 殺

於何人,而不可少有假借焉者也。 經,錯綜參伍 旁殺之,亦應如此。 明「五世祖免」、「六世親竭」而姓别戚 之孫二人小功服外,又補 精義,而以 孫緦麻」及「昆弟之曾 沖遠之疏《喪服小記》也,至曾孫之下,疑 不失其 於玄孫,其 喪服》之有逸文,於從父昆弟之子、昆弟 爲玄孫必有緦麻之服,故推 義未嘗異也。 自非聖人,安能 一,以證 卒不能融 明同姓、庶姓之分之在 孫總 出「從父昆弟之 禮 麻」二條,由 窮 議 會《喪服》全 則 禮 變, 哉 單諸 孔 而 而

#### 喪 服 經 傳 無失誤述

子子無主者,爲大夫、命婦者,唯子不報。」 叔 父 母、子、昆弟、昆弟之子、姑、姊妹、女 示 杖期」章:「大夫之子,爲世父母、

父服 也。 非有失 又「不杖期」章:「公妾以及士妾爲其父 期,曰「唯子 之期,曰「姑、姊妹報」,此經亦見此三人之 報 期 子之期,疑於報而 嫁於大夫之無主者,其 子子爲父亦期也。今在「不杖期」章,乃爲 爲此三人嫁於大夫者,在「大功」章,其女 適士者,在「小功」章,其女子子爲父期也。 以爲主謂女子子,似失之矣。」 瑶田 報 人 傳 中,獨 期 者 日 也。」鄭注云:「唯子不報,男女同 也。 斬,自不報 若姑、姊妹 :「何以言『唯子不報』也? 爲 也。 其父母期,故言不報也,言其 指女子子不報,故 況上經見爲此三人適人無主者 大夫之子爲姑、姊妹、女子子 不報」,互見互省 別以 爾,不待言也。 不爲報也。若夫男子爲 期報 女子子爲父 以期,故 日 其 體 於兩 餘 日 女子 例然也。 帷 皆 案: 傳 固 女子 以 相 餘 子 期 服 期 傳 適

體 服 父母 如注 子爲 父母 辨。 之所 母。 尊降 女 爲 母遂也,下記 王 母 不爲後,如邦 \_ 體,不得 其 黨 者與? 言 父 此傳似 其父 之 攝 蓋妾之爲 駮 父 傳 女 服 後 日 義 妾子不 日 曰 母 君 遂 : 者 爲 爲外 則 吾季: 嚴 攝 誤 者 近 雖 也 爲 何 適 所 義 雜 女 矣。」 與? 與 人」者是 其父母,猶妾子之爲 非 ,於妾之不 子 其 祖 以 謂 姜」。 君 記 尊 Œ 鄭 體 有 外 父 期 一,足以 者爲 瑶 》云:「女 「庶子爲 注 君 《春秋》之義 則 以 祖 母 也 田 云 是言子尊 不 遂 已。 體 ? 父 然 案 : 得 也 君 一體,爲 母 動 得 古 妾子 妾不 其外 爲 · 下 傳不 然 而 人, 君 遂 已 無 先女君 則 不 攝 之義 死, 記 得 服 尤不 服 與 祖 不 一。 其 .誤 女 之, 所 體 則 尊 其 君 其 父 加 外 也 亦近 是 謂 君 則 之 妾 外 者 母 外 祖 可 於 爲 有 己。 黨 於 爲 祖 庶 爲 祖 不 父 注 父 天 得 以

通 女君 得 妾不 者爲 服 後者 其 其子 同。 子得 君 復 體 良 子」傳曰: 異義》駮云:「女君 母 其 例 立 君 由 因 之尊 女君 得體 之三 爲其 不得遂也。「 是禮 妾 私 ,猶妾子之爲 爲 遂也。」與「得 妾之不 欲 固 耶 親 夫 破 其 也, 降 母 月不舉祭,非 ? 不 一何 君,故爲其子得遂 人。」是其 傳「不得體 是已。 分 其子 得 降 於 又案: 以 也。 傳 父 擬 經 期 例之,此 曰「與 母 於 緦 其 亦  $\sim$ 其 爲 也? 卒,繼 義 「公妾、大夫之妾 女 服 麻 母 有 服 其父母遂」之文義 君」之文 例 也 故 君 實 間 例 緦 尊 章 妾 以 自 爲 也 미 **>** 者 者 所謂 妾子 體 攝 不得體君,爲 孔 0 亂 之 舉。 而 前 爲 其 君 司 氏 注 若 而 服 其 ,體父, 事 之 於死 偈 注 庶子 乃 疏 例 蓋 妾 也 體,不 耳 義 乃 偈 妾 欲 載 之 不 故 以 今一 宫 爲 則 之 爲 以 不 鄭 不 於 中 可 不 敢 父 爲 爲 相 其 其 女 得 君 得

長

子三年,其 餘 以 尊 降之,與 妾 子 同 也

曰「以尊降之」,則是與大夫尊不 同 而 降 夫

大夫 爲 一例,豈 妻 而 妾 與君一 擬 之矣。 體不得遂之例乎? 豪 釐之差,繆 以 千 是

里,此之不 可 不 辨 也。 又「緦麻」章「庶 孫

之中殤」鄭注 中從上。 此當爲下殤,言中殤者,字之誤 云:「庶孫者,成人大功,其

爾。」瑶 田 案 經不誤,注大誤 也。 經 曰

文,今誤爲傳,余曾辨正之。 齊衰之殤中從上,大功之殤中從下。」此 此以 成人之服 名 殤 經

殤 服 "殤服 中從 下。 傳 E 此 : 即 「大功之殤 以「殤」名 中從 其 服 上,小 其 名 功 不

同 其服 則 \_\_\_ 余 有 文辨之詳 此 庶 孫

見 ? 服 成 人大功,降在 中 小 庶 功之殤中從 孫 之 長 長 殤 殤 下」者 傳 小 功者,其在 所 也, 謂 中 亦 即 殤 小小 何 喪 功 以 服 殤

> 求其説 經 爲夫之親 服 注 下 中 庶 凡 下」者 經 喪服》經 於經 如如 從下 略皆龃 孫一條是也,一見下殤不 三例 末 傳 以 文, 連 也 傳 丽 也 成 見 則 兩 末 不 服 人 龉 長、中 得,乃 見中殤不見下殤,明中從下,此 中從上、下,不悟 曰 舉 緦 名 而不 此 連 麻 殤 殤 無 服 ·能通 見 從 服 主 殤 章 怪 中、 之 謂 而 者 所 中 乎 例 爲之辭 也 丈 之 下 列 謂 據 夫爲 · 殤 爲 則 中 其 大 明 , 亦 曰 其 殤 見中殤,亦 説 八功之 殤 此 中 從 於「小功 通 者 以 以 從 下諸 服 徧 È 明 殤 無二, 上 檢 謂 中 中 也 妻 於 殤 從 明 從

#### 辨 論 鄭 氏 斥子夏喪服 傳

吾不 憑 鄭 氏《 也 喪 昔 服 嘗 》注 爲 有指 文是 謂 正 子 夏 已 傳 復 爲 裒 誤 列 觀

之,則 乎 無涉 適 其於 也。 止 大繆之説 期 H 不報爾。 本 以 父母爲女子子不降服 者 成 人者,於其 愈 服 無 上 ,不兼男子也。 報之也。 經 傳 經 互 以 何 覺 期, 意 解 師 經言「報」、此 一義自 有 解 期 論 其言 以 也 今 「唯 可 於 「公及士妾爲其父母 報 尊卑常變,本爲 而 爲 一,請循 謂 報 見。 而 子 豪 期 之 姪 故「唯子不報」實專 È 體會入微。蓋以女子子適 服 不 釐之差 誤 也 民 謂 若男子爲父三 其 0 其 報」句,主謂 而 女子 弟本 女子 而鄭注乃云:「男女同 本服,非 本 乃 經言「不 云「不報」? 未 而言之。 知 子 期,而 服大功,今而 始 子 讀 ,似失之矣。」此 父母 不 適 書 以 後 期 繆 報」合 人 期,非 之 期 女子子言 以千 姑、姊 女子子服 年, 者 報 難 曰 不 主 於於 期 女子 亦 與 而 因 里 雖 也 妾 贅 期 觀 其 服 妹 今 者 以

義 母 體 不得 真 也。 子三年; 女君尊降其 而 不得體 故公妾、大夫之妾爲其子 瑶 是言子尊不加於 不 日 儗 春秋》之義,『雖爲天 大繆 與 君 鰓 田 得 人必於其倫」,妾 之例。 誤 爲 遂之例, 鰓然及於女君,云: 鄭氏之誤大率在比 謂 體 然 不不 也 其 君,爲其子 君 則 其 1 得 子 部 亦繆 女 鄭 餘 子 兩 女君 蓋女君於子 爲 君 氏惟 以 也。 節 乎 喪 其 尊 有 父母也。 ,得遂 本 服 父 説 女君 降之,與妾 不 以 固 母 與君 **>** 並 明 八王后 抑 尊 精 不 遂 與 服 也 説 與君一體,唯 「此言二妾不 降 例 義 非 期 得 也 傳 經 例,故於妾爲 猶 其 未得 此傳 體,無 私 以 殊 鄭 在 之 傳 子同 父 親 女 鄭 異 難 注 明 亦 其 君 似 母 吾 注 轉 體 亦 於 也 無 日 誤矣。 也 審 爲 者 季 駮 不不 得 駮 比 疑 。」。此 爲 得 比 姜。 與? 之而 之, 例 其 妾 口 從 例

者。 功,其 明,必 然後 注之譌 加之而爲之服 層。從小功而爲尊同得服親服之大功,又 義 人之無祭主者,則於尊同不降之外,又有 婦,皆在尊 婦 處 無 名同實,故 ,擬得其間以 種不降之義。 人,初見以爲大夫並降其本服期而服 聰 服 以 知三婦 明 子 舉 嘗 附及之,以見説經不可不慎有 例 亦 大繆。 我 尤 述》篇中詳言之矣,兹 同 從 之 不 人降 五 不 父 聰 可 期。 婦 如 相 降 丽 而經傳 明 恃 大功後,又有 人得 降。 大夫之子爲五男子、五 送 之例 者 蓋 聰 難 升降 正 明 並 今以 旧 復 0 而 列 乃 |渾言之,疑有漏 其 雜 不 五婦人中三 其爲大夫、 復罄心思之, 中 糅 15 條 降 0 中而 似 因 也 小 辨 是 功 如 歸 余 用 論 丽 婦婦 此 鄭 於 於 大 命 聰 非

## 庶子不爲長子三年述

《喪服》 見 至 廣 謂 子不祭,明其宗」 祖 爲 將 宗,乃禰之正體,我與尊者爲一體,是正 也。 於上,其長子將來 小宗。」小宗,宗子也,非庶 庶子既非大宗,亦非小宗,故不 於大祖 ,兼大、小宗言之。「祖」字上 長 所傳重」也。 庶子不繼祖 也。反傳重之言,猶云「不傳重」耳。此 《大傳》、《喪服 子三年」。 庶子 》傳文義較然者也。 皆祖 不爲 也。「不 「不繼祖」者,謂 承「傳重」言,而曰「庶子 也。 長子三 而言,而 即 小 故 爲繼祖之宗,是「又 記 繼 下 》皆日 年」,以 祖」之云,所包者 文 日 《大傳》則承 子 「不繼 即 也 通 徧 父 長子不 繼 曾、 祭,亦不 陳 祖」者, 我 庶 禰 宗 高 爲 爲 者 一庶 法 而 不 乃 體 小 爲 斷

子,而 子不祭 也。 之。 在從父昆弟之長兄主祭,是爲明其繼 於上」,兄之長子 兄宗子則必 禰」,爲 人不繼禰,安得 固祭其禰矣,而 禰者,亦將不 記 得包大、小宗,轉 爲 庶子不爲長子斬,不繼 》既言 長 等而 一者,恐人 言「不繼祖」中 子三年 己爲庶子。 則 兼 禰 「不祭祖 必 上之,己與 有 者 為其 無 此 也。 爲 疑「不繼祖」之云,或容 明 人 其弟則斷 長子斬,故增「 長子 其 祖 繼 所謂 也。 不 己庶子不爲其 明其宗」矣, 亦 宗 祖? 者。 雖 繼 父 得 斬。 也。」明 有 故 又 祖 兩 包不繼禰 故言「不 繼 祖與禰」。 下又復 故云「不 乎不 世 乃 固 其兄 禰者 皆 有 將 其 繼 下 繼 所 所 庶,則宗 禰」字以 繼 適 出 繼 禰 即 禰 謂 傳 長 日 繼 兄 也。 禰 必 綴 祖 者 圃 子 重 一 正 祖 爲 祖 者 有 兼 之 , ^ 子 者 體 小 庶 與 此 則 繼 E 既 破 不

若在 外皆 中所 者,明 安得不爲之三年乎? 正猶 繼禰 宗 此宗子之子,將傳 義之盡宜 之法必從「不繼禰」起。 「不祭祖 凡此皆「庶 皆庶,宗其繼别子之兄,而明其 祭,是爲 之,四世皆庶,則宗子在族昆弟之長兄 之長兄主祭,是 統 故鄭 又上之,三世 下正廟中, 庶子,故不得 爲庶。」蓋對 以 之宗子, 庶弟 -, 明其繼高 如此也。然不繼 氏云:「凡正體 又 子不祭,明其宗」之義。明宗 必 宗其 則 則於上 復 爲 上 皆庶。 重者, 主 祖之宗, 明 祭其上正所主祭之廟。 言「不祭 正 適兄。《小記》所 此 其 爲 廟 Œ 繼 則宗 言各有 傳此 宗 立法示人,充 之祭。 無與也。 曾祖之宗, 在乎上者,謂 子言之,宗子 祖者不必皆 禰」者,論 其又上,則累世 子在 主 當,事 祭之重 爲大宗矣。 其 從 爲此 長子 祖 非 以 類 又上 五 昆 爲 宗 廟 而 不 至 主 而 弟

信 以 也。 恒 於祖,名曰 是 端 及於「庶子不祭以 禰,名曰重。」故曰:「三年以爲 殺焉者也。 禰之宗始。 名、實二者,舉無 之曰「庶子」,又爲 之名而無宗之實,既立之爲小宗,而 庶子」,則「 繼 乎以父庶爲斷。 主於禰。 爲 而 人道親親,自小宗始,小宗有 殺。」隆殺之義,輕重之名,所 繼 祖 如 祖 祖 也 必 與 以 禰 輕;白義 而繼曾祖,而繼 親親之殺,則繼禰者爲隆。 故曰:「自仁率親,等而上之至 然則「庶子不爲長子三年」者, 繼 繼 小記 」者, 禰者 禰 而 所據,先王之禮不 明宗」之義,故必如 彼 》亦言父庶,而 有宗之實而無宗之名。 庶子不繼禰,故其 爲 不 率祖,順而下之至 蓋 小宗」之語 繼 論 祖 五宗之法 高 者 祖 泛 隆,緦、小功 丽 則 隆所 爲 四,自 必 其 稱 兼 如是 猶 長 丽 所 有宗 之 此, 重, 因 於 漸 由 稱 E

> 其言之當而已矣。 乃始完備。肄業及之,其義自見,亦求

平

#### 正體於上義述

也。 重 法 如 將於長子傳之,是爲「又乃將所傳重 禰 言己與尊者爲 繼 既詳述之,且 之文義,似猶未諦。 以「正體」字、「重」字皆偏就長子説。 祖。 ,然後傳,非傳與長子,然後謂之重。 猶 此 廟之祭。 , 則 其長子適適 「庶子不爲長子三年,不繼祖」者,余 云「又乃將所受之重傳之也」。 然注云「重 傳文「所」字乃着 斯謂之「重」,言其爲受重之人 據 一體 鄭 相承,是己所受之「重」, 其 氏 前 當先 注 瑶 丽 田 爲 祖之 決 力字,是倒 謂「正體於上」 繼禰之宗子,主 其 Ē 爲 謂 體」,意 長子 先 裝 也 於傳 有 文 注

年 祖 ? 傳; 所得受,則 子不繼祖,以庶子本不與尊者爲一體,不能 何 謂 而 正體於上」,不主禰 正體於上」,言己正其體於上,以主禰廟祭。 ·與不服三年,繼祖、不繼祖之分而已矣。 繼 重 重如之? 然將欲傳之,而將使之「當先祖之正 乎祖,故爲長子服三年也。 傳重 其 重之,不合傳文「傳重」之旨。 當先祖之正 故繼 亦非 將傳 庶子所能傳,其長 祖,不傳重故 者,時 一體」,意以 廟之祭。 重尚 不繼祖 其重本非 長子當先 在己,猶 庶子之長 子烏得繼 服三 傳言 庶子 祖 未 E

# 爲庶子不爲長子三年不繼祖立表説

年,重 宗 廟 主 注 其當 云: 也。」蓋 先祖 「此言爲父後者 謂 之正 己非 體 庶子,與尊者 又 、 然後 以 其 將 爲 代 長 爲 己 子三 爲

纏。 年耶 之變。 參 得爲長子三年。 子言, 其, 不知《小記》説之不云 四世,乃得三年。」是謂 適子死而 疏 即 子 體 子死後乃立適 不與父爲一體,其長子烏得繼 云:「庶子者,爲父後者之弟也。」蓋謂 觀 己 乃云:「周之道,有適 爲祖 適 説之 ,庶無遁情矣。 ? 曰「以 適 既 則 若然,則其父已死,誰 後,又以代己爲宗廟主 相 疏 與父 繼 難 立 承 其 又云:「繼父、祖、身三世,長 祖 盡 亦 適孫,以孫 爲 者,言 孫,乃得爲長子三年。」 其藴,今試各爲 爲 據文義,二「其」字皆 此據《小記》 體 「當先祖之正 長 而 爾 繼 子 必已繼 子繼 正 者無 也 祖之法,蓋 體 , 彼 於 丽 祖 爲 適 祖 也。 E, 祖 爲之辭 長子 體 此 也 孫。 表 一與禰 哉? 不 」, 將 則 比比 日「重 服 得 明 是 其 注 指 其 要 類 互 乃 子 禮 謂 適 Mi 既 又 來 長 丽

# 庶子不爲父後長子不繼祖表

祖適父適長子 此三世適適相承者,長子繼祖 與禰者也。

此父爲祖庶之適,不得謂之不繼

祖庶父適長子禰,則長子安得謂之不繼祖?

其父亦安得不爲長子三年乎?

此父爲庶子,長子雖爲父適而繼

而其父本不繼禰,則長子亦非繼祖

祖適父庶長子

不繼祖也。」

故曰:「庶子不爲長子三年,

祖庶父庶長子 此祖、父皆庶、長子雖以適繼禰而

繼祖,故其父不得爲長子三年也。

祖適父適己適長子 此四世適適相承者,據疏,己始

爲長子三年也。

此己雖繼禰而不繼祖者,據疏。

祖庶父適己適長子父既祖之適子,安得非繼禰之 不得爲長子三年也。 〇瑶田案:

宗? 父既爲宗而己又繼之,

己安得謂之不繼祖也?

此己雖適,以父庶不得繼祖

祖適父庶己適長子田案:己是父之長子,是爲繼禰 據疏,不得爲長子三年也。〇瑶

之宗矣,安得以父爲庶子不繼禰

并己之小宗亦不論乎?

此已不繼祖與禰者,據疏,不得

爲長子三年也。〇瑶田案:此

祖適父適己庶長子 原不論祖、父之適庶也 所謂「庶子不爲長子三年」也

八六

## 喪服親屬窮殺述

立别子適庶相承之表,以證疏説之非。

爲祖

子

繼别

爲大宗。

别

子

世適

	爲之三年。	祖,故二世不	,以其不	爲機爾之小 の適上承 是	三世長子亦		年。	二世爲之三	以其繼祖,故	繼祖之大宗。	適相承,是爲	三世長子世
	之三年?	世安得不爲	繼	機爾之小宗	· 世 · 世 · 不				爲之三年。	子,其三世自	承,以上承别	四世適適相
其由在曾孫之服止於緦麻。《大傳》曰:	以緦麻報之乎? 然則二服之所以不報,	祖昆弟之孫無服,其於族昆弟之孫安得更	祖父母爲其從祖昆弟之子總麻,則爲其從	乎? 何以爲族祖父母緦麻不報也? 族	孫無服,其於族曾孫安得更以緦麻報之	曾祖父母爲其曾孫緦麻,則爲其昆弟之曾	也。何以爲族曾祖父母緦麻不報也? 族	功言報,爲族祖父母緦麻不言報,亦不報	母緦麻不言報,蓋不報也。爲從祖父母小	爲從祖祖父母小功言報, 爲族曾祖父		<b>喪肌親屋窮殺过</b>

子不

爲 繼

宗。 别 不 二世庶

八七

於四世之曾孫,而因殺於五世之玄孫?

曾孫,蓋己於曾孫爲四世

也。

夫服何以窮

「四世而總,服之窮也。」謂下治之服窮於

言 贵 之以三 乃 加 齊衰 玄孫 之 麻 乃 輕 名 月 四 孫 祖 曾 之 服 喪 斷 於 同 日 一重 不 也 E 世 齊 袓 之 之。 服 緦 月 以 爲 輕 ? 也 衰 下 得 「高祖 月 之服 於 齊 月之數,仁 一,其義然 者 麻之上, 數 至 多其 自 大傳 是 苟 同 然則 於鄭氏 衰 ? 月,則己爲曾祖 於 義 之, 三月? 而 如 百 一、曾祖 己 曷 率 ₩ E 月數,故 弗 是 曾 也。」其於 爲 爲 亦 其於玄孫 也。」重之以齊衰 祖 加 祖 則周 四 之義 至 皆 必 定 ,順而下之,名曰 之服 者 豈 「自仁率親 世 義 有 無 曾 爲 於三 公當日 此 盡之道也。 小 又 口 何何 高 己 孫 之總 之 推 功之差 則 加 下 之服 爲 祖 月之上 謂 以 而 之月數? 曾 曷 以 則 服 義 麻 等 止 極 孫 以 也。 爲 曾 以 一,則曾 於 四 之,謂 而 之服 圃 緦 曾 必 定 孫 而 重。 齊 世 服 F 上之, 今之 曾 之 祖 麻 無 鄭 衰 > 窮 服 孫 齊 緦 之 輕 曾 而 ? 可 祖 Æ 於 曾

年,而 短 以 謂 喪, 自 母 其 爲 以 免,足以 袒 人 不 之 孫 衰 之於 (悲哀, 經之 短 期 以 袒 有 悲 免 輕 之 麻,免而 而 哀 )所 喪 於房。」鄭注:「衆 免 鄭 月 杖之 袒 免代冠。』《喪服 心而 《士喪禮》曰 本 議 氏之補 之 耐 及 上 明 飾 免 喪 無 已矣。 其 見 關 用 飾 以 則 所 其 則 已矣。 其 後 者 高 桐 也。 布。」是故緦 悲 重 通 義。 義 也,言 祖 者 年 哀 乎 世 而 袒免,非 高 以 矣。 後 也; 心 輕 不 所 況 誠 :「主人髻髮, 祖 上 喪 知 人 重 小 罕 惡 高 心 外之 父 以 主 也。 記》 聖 但 夫 祖 聞 喪 夫 卒, 上 麻之服 夫喪 人免者 人 或 推 服 之喪,其玄孫 百 日 高 所 無 之 是故父在 一言之,人 廣 也,然施 即 乎 爲 祖 服 所惡者, 爲 父 服 「爲 加 有 母 但施 以 徒 齊 之, 者, 丽 袒, 之, 齊 爲 母 上 已矣。 衰 不 之 以 之 所 於 括 衰 衆 亦 爲 敢 猶 且 爲 在 袒 飾 以 輕 髮 將 È 則 遠

呼 以 祖 精 及於 若袒免而符於五世之殺乎? 司 内,有一日之離其次乎? 人 其 曾祖 1 .曾 後 義 及之,則 (孰能 者 斯 有 孫 疏 周 祖 建首? 爲 齊 事 節 公,聖人 之 無 與 也, 所後者之祖父母、妻,傳曷爲不 衰三月之服,爲父子之無 也 疑 (於斯 亦 不 於服之窮殺 有不就 在 制 所以 豈不以曾祖即爲後者之高 也 衆主人之列 服 ,其 服者 此 於其 制 非 「, 則 喪 其 耳 位 其 服 精 矣。 明 者 朝夕之哭,以 然則服 也。 如 義 乎? 證 是。 也 不然, 乎? 三月 别,孰 與其 非 求 以 之 聖 爲 鳴 其 飾

## 旁治昆弟親屬述

至 於曾 上 孫 治 祖 尊 禰 尊 服 親 至 親 於 其 曾 祖 義 尚矣。 下治子 旁治 孫 昆 服

弟,則 也。 族 其 其 曾 曾祖之昆弟 曾孫曰族昆弟,其玄孫則無服 則 祖 祖 也。 也。 屬 言大衆 子,其曾 有 弟奈何? 文曰 也 無 昆 祖父母也。 祖之昆 以四 其子曰 其子 其子 服 孫 弟,其曾 由 族。 矣。 是故《喪服 則 之 親 孫 昆弟統之。 日 E 弟焉,有曾祖之昆弟焉。 詞 無服矣。父之昆 有己之昆弟焉,有父之昆弟焉 而 言族 則 曾 從 族 昆弟之子,其孫 也 則 疏 其子 孫 無 父昆 祖 祖 更疎 矣。 日 服 之昆 而 父母,其孫 昆 》「緦 從祖 矣。 從曾祖之義見 日 弟,其孫曰 弟 祖之昆 己之昆 一從 而其 弟 至 麻 昆弟之子,其玄孫 祖 何 祖 之昆弟何? 人 ? 父 章 親 弟,則 弟 又大 日 母,其孫 日 弟 日 也。 矣。族之爲 族曾祖 從父昆 族父母,其 何? 昆弟之孫 : 何 矣,故 衆焉,變 ? 又疎矣。 族 父之昆 凡四 從 曾 弟 父 日 同 從 父 祖 母 之 父 從 曰 親

弟 昆弟之法,由己之昆弟、父之昆弟、祖 之孫」,而此孫爲從祖 父昆弟之子」無 從祖父母小功條内見「報」文,即與見「從 即從父也。 而人者,己昆弟之親 昆弟之親 功」章雖 矣。「不杖麻屨」章曰:「世父母、叔父母。」 之子。」凡若而人者,從祖昆弟之親服 章曰:「從 人者,從曾祖 曰:「從祖昆弟。」「緦麻」章 報」文,即 昆弟,昆弟之子。」「小功」章雖 而 、族 至於曾祖之昆弟,四親之屬 祖 不見「從父昆弟之子」,而此子 「大功」章 服 與見「昆弟之孫 祖 父母、族父母、族昆弟。」凡若 盡之矣。 昆弟之親服 祖 異矣。 父母、 曰:「從父昆弟。」「小 服 示不 祖父 從 盡之矣。 凡若而 盡 祖 杖 」無異 Ė 母 之矣。 父 麻 小功條 「 從 母, 腰」章 人 不見「昆 是故 矣。 者,從 服 報。」又 「小功」 祖 之昆 見 旁治 内 凡 日 盡 昆 弟 爲 於 若 父 見 之 弟 而

别於上 以 玄孫 玄孫 族。 於上 ^ 正 於始祖之正姓矣。 既 獨 姓各自爲族,故曰「庶姓 視其 故 之高 上之, 祖之昆弟,各爲庶姓以别之,所謂「庶姓 喪 姓。 小宗有 領 戚 别之後,兩 服》經傳者章章矣。 羣 其 ,各自别 族之言庶也,此庶姓之名所由 而 高 祖 則各 則高祖之昆弟、與 (戚,亦 族 而 **而** 祖 戚 始 之諸昆弟,所謂「大宗收族」者 四 兩族之玄孫各宗其 之 單於下」者也。 姓 戚 祖 親 其 庶姓 猶之乎别焉 其 自 適 至此一宗之玄孫 屬 高 單 庶 適 猶 然則 祖 姓, 於 不復謂 相 同 下。 承之宗子謂 以 而 姓 庶姓之别 别於上」。 高 L 由 各自 已矣。 單之爲言獨 也 之同 故自其 祖 曾 而 外然 繼 同 祖 别 别 姓,而 ,上視其高 高祖之宗, 故 乎 而 之爲 其 昆 之大宗, 别 玄孫 夫既 自成 始 高 自 弟 立。 祖 祖 於 上 庶 兩 而 也 之 其 姓 姓 同 庶 其 别 自 族 又

宗、繼 限。 紀者 見 是 附 而 之者也。 而 祖 宗之法 之而又别之,故有 而 族之高 也 仁之至」,此之謂 萃之。 其 ,故《喪服》無 故 麗之,虚文 諸 各 又從而宗之,則恩漸殺而情 等而 形, 皆有 昆弟之所宗。 祖 族之玄孫 故 禰之宗,亦皆爲 日 祖 遷 四 聽 萃之矣,故有百世不遷之宗, 誠以 下之,則爲繼曾祖之宗、繼 別其 以 . 於上,宗易 遠 以 「大宗者 萃之也。 者 繼高 相尚,聖人不 過萃難治 則自宗其各族 (庶姓 高 不 祖玄孫之服。 五世則遷之宗。 聞 「義之盡 羣 而 祖 ,以萃其各族之玄孫 ,尊之統 其 於下 之宗 然過 其同禰、同 聲,豈非 ,而又不可 分之,乃正 殺 萃 0 而 以 也。」使散 則 之宗子,故 爲大 使五 同 漸微。 此 難 其 姓 視 文 祖 治 、勢使之 小宗之 遠 世 此之謂 無 所 而 教 故 者 親 强 以 祖 不 同 以 無 也 萃 . 之 不 屬 遷 萃 合 曾 小 而 友

> 然 有 ∭ 乎? 改 弗 殊 然 後 百 而 世 知 繫 不 周 之以 通 之道 昏 姓 姻 與 而 天 由 弗 無 周 别 公 極 以 綴 嗚 來 之 呼 未 以 至 之 食

#### 報服舉例述

服,即 必 云以 舉 此 殊,故謂之報。 小 因 其 爲彼服 功 也 有 」章:「父卒,繼母嫁,從爲之服,報。」 る報大、 服 申 以 報者 不復 則此 · 其説 也, 也; 而見 小 必 則 見報 同 其 也。 功,以 報之。 彼 服 「報」文,則彼之爲此,不 然在《喪 必報之",彼之服 ,此爲 文, 相 試 爲之名。 緦 條舉 是故 而 報總 傳 彼,彼 服 件繫 者 以 ~ 無 乃 期 此 以 爲 發「報之」之 兩 報 此 之 明 此,並舉 例 此 期 重 之。 服 也 彼 其 彼 輕之 非 也 杖 則 其 復

大功出 而 姑 服大 之子,不復舉 主者若而人,身爲大夫、命婦,其爲 世 雖 姑、姊妹、女子子無主者,爲大夫、命婦者, 適人無主者,姑、姊妹報。」則姑爲此姪、姊 章 亦大功,本相報之服也。 唯子不報。」曰「唯子不報」,是其餘皆 爲世父母、叔父 妹,爲此昆弟,不復舉其 此子,不復舉其 此 、姊妹 未見 叔 爲之服大功 嫁 八功,其 爲 父母、昆弟、昆弟之子、姑、姊妹 母 ,又降在 爲 「報」文,亦猶之乎見「報」文也。 人後 亦 子,不 大 本 者爲其父母,報。」則其父母 其 功 服 也。 小功。 以 服 大 服 母、子、昆弟、昆弟之子、 復 (功,其 也。 出 此爲 也。 舉 降 又以 其 上條之姑、姊妹 而 「姑、姊妹、女子子 彼大功, 服 大 服 今皆以無 服 也。 尊 也。 功 者 同 以 也。 「大夫之子 不不 在 則 得 此 祭 彼 服 室 此 杖 主 之無 尊 條 大 爲 親 報 期 則 降 之 夫 丽 此 本 服

夫長 此特發 服 報。」 也。 同 應,以見制服之義。非至精者不足與 姑、姊妹、女子子「唯 衆昆弟、姑爲姪丈夫、婦 章首日 妹、姪爲 之法也。「大功」章:「女子子適人者 不 姊 加 加 昆弟、姪 服 也 報」者,言「姑、姊妹報」也。 服 妹報」者,言「唯子不報」也,特見「唯子 服 「小功」章:「從 相爲之名明矣。 殤 ,然於「緦麻 則昆弟之孫、從父昆弟之子不復舉其 爲 圃 在 「姑、姊妹、女子子適人者」。 其例曰「出 爲之期,是之謂 之期,則此 姑之報服,先已與女子子同 丈夫、婦人,報。」其衆昆 總 麻」,則 宣章 也」,則章内又見姊 無祭 祖 本 則 子不報」之文遥 爲從母,丈夫、婦人, 祖 報 服 主 又 人報者,正 父母、從祖 也。 舉其長殤之服 在 一者於是人, 「小功」,報爲 蓋 經特見「姑 互言省 弟 與 父母 於 傳 前 妹 爲 爲 亦必 相 見 斯 於 衆 呼 巡 爲 於 姊

母、 從母 從 以 也。 服 母 皆言同 適 不復舉其 報 麻」章:「爲從祖姑、姊妹適人者,報。」則此 姪之妻、昆 夫之姑、姊 報之也。」其曰:「世父母、叔父母。」 緦 申 也。 母爲 則 人之女爲 麻 叔父母。」又曰:「昆弟之子。」傳 「夫之 ·其説 報在「小功」,從母長 其不見「報」文,而傳者 心则 從 凡此皆見「報」文,不復舉報服 服相 姊妹之子之長殤,不復舉其服 章 母 服 昆 曰 何也? 此父母爲此夫之妻,不復 爲 妹 弟之妻,不復舉 爲之爲報 也。 從 姊 娣 弟 父昆弟之子,及從祖 妹 舅。」 之子。」傳 「爲從母之長殤,報。」 姒 之子,不 示不 婦, 傳 也。 杖 報 日 期」章曰:「世父 \_: \_\_ 日 : 「爲夫之諸 殤 則 復舉 發「報之」之云 其 報在 從服 女子 服 其 報 忽 也。「緦 服 也。」又 之 在 昆弟 也 之例 也。 麻, m 日 舉 祖 室 • 也。 又 則 : 其 父 爲 爲

報也 祖父母 期 疏 體於上,又乃將 父爲長子 説者也。 亦不敢降也。]是以衆子於父卒,同爲母 衰三年,非 三年,而父爲衆子在「不杖期」章,故 三年,不繼祖 此,皆不見「報」文,傳者發「報之」以 也。」又曰:「姑之子。」傳曰:「報之也。」凡 母。」傳 一脈之服 日 報之也。」曰:「舅之子。」傳曰:「 衰三年,而 : ·, 故 甥。」 爲 父卒爲母 日 吾於是有 亦斬 無所 適 日 報也。 傳 孫 非 從 母爲衆子與父同服,在「不杖 也。」是以衆子 日 謂 衰三年,非 亦 報 服 所 : 不 報 也。 疏衰三年,母爲長 傳曰:「父之所不降, 傳 也。」又曰 杖 也。子爲父斬衰三年 報 以通其義焉,而 重 之也 期 孫 也 爲 報 非 祖 也。 同 庶 報 父母 日 「壻。」傳曰 子 爲 也。 : 傳曰 父 木 不杖期 子 服 爲 知 妻之父 傳 一: 正 從 亦 日 斬 長 至 申 服 母 非 子 親 其 疏 衰 服

九四

之 麻。 緦 祖 爲 夫 緦 月之 也。 也 服 之,於是 上 父 孫 庶 服 與 夫之 之 麻 殺 母 父 期 在 孫 敢 服 不 故傳 皆 ? 0 以 之 祖 與 齊衰三 同 曾祖 爲 齊 緦 小 敢 法, 父 若 功 姑 重 非 其 衰 麻 以 祖 母 功 而 曾 其 報 爲 適 宜 :「世父、叔 三月, 較 與 章 父 父母服,不 兄 月,傳 服 曾 祖 衰 適 也 也 齊衰 尤 服 ·, 故 母 大 弟之服 祖 於 麻 婦 小 服 功, 曾孫 父 妻 非 有 蓋 曰 曰 大 三月較, 減 功。 不 母之爲 或 報 : 非 適 爲 服 功, 其 杖 服 之婦 也。 如 見於經。 子 報 之言 父何 庶 小功 今不 期, 日 至 庶 夫之 者 也 孫 月 尊 婦 曾 是 則 非 無 而 報 以 之 爲 者, 敢以 月 也 小 故 無 曾 報 祖 適 孫 者 期 婦 其 數 功 婦 兄 服 也 服 孫 父 孫 緦 也? 謂 夫 則 小 意 而 也 爲 齊 弟 母 爲 麻 旁 服 即 凡 從 舅 服 衰 功 蓋 之 曾 爲 是 也 親 此 曾 爲 服 服 以 緦 服 謂 與 姑 祖 庶 以

爲

報

故

云

報

也

然則由

昆

弟

非

報

之

例

有

尊

同

得

服

親

服

之義

兩

相

服

期

即

兩

相

是

兩

昆

弟

並

有

降

大

、功不

相

爲

報

之

差

亦

並

大 此 其 降 報 以 異 麻 弟 則 與 此 也 尊 夫 昆 之 ? 昆 衆 也 大夫之子爲昆弟之爲 於父子之 推 從 者 發 亦 之 弟 ? 之 子 弟 子 父 報矣。 旁尊 報 子, 故故 族父 則 以 昆 相 體 彼其 爲 弟 尊 爲 文 也 也 亦 子 當降 大夫之子仍 一體 母 之 之 服 昆 , 初 不 本 不 與 子 期 例 弟 不 然 敢 以 也,然 足以 昆弟 從 相 之 也 報 則 父之 不 祖 爲 爲 體 也 昆 降 加 昆 是 服 報 不 也 弟 尊 而 而 服 尊 大夫 故 弟之子 也 得 其 小 大夫之子 之 不 爲 爲 期 焉 世 功 云 其 敢 不不 昆 , 故 相 子 者服 故 叔 報 昆 弟 亦 不 爲 何 報 相 從 父 報 也 弟者,乃 服 降 爲 服 以 爲 以 期 祖 0 也。 之 大 昆 期 報 父 得 服 也 亦 顧 父 與 功, 也 也 尊 云 何 緦 母 期

0 = 4

可 變,變則通」,制禮之精義也。 麻,亦不能爲 以旁殺之義,則 經皆闕其服者,以曾孫之服止於緦麻, 麻,則爲從父昆弟之孫亦當報以 弟之曾孫亦當報以總麻; 皆不得云 弟之相爲服小功,族 推之,則 報」文也。其爲族曾祖父母 通,尤制禮之精義 此禮「 從父昆弟之 報。 窮則變」之義也。 從父昆弟之孫服總麻,故 故經 不 能爲 也。 傳於 昆 相 弟 爲 昆 此 之相 服 弟之曾孫 爲 大 緦 四 族 然禮 此則變而 [條皆 功、從 麻, 爲 祖 緦 服 父母 麻。 則 緦 不見 服 窮 爲 祖 闕 緦 昆 不 則 緦 斷 丽

## 儀禮喪服文足徵記五

降服説

得謂 父; 葛絰 故 在,爲母期 也,故曰「屈」也。 之妾,與 其母, 、大夫之衆臣爲其君,布帶麻屨。」鄭注 父在,無 厭者,厭 帶, 之降。 喪 服 練 其 麻 有 也。 衣 冠 爲 庶 屈,有 且父之所不降,子亦 以 母 縓 麻, 婦, 緣。 父者,子之天。 君。 三年之服。 麻 以諸侯 何謂 厭, 何 衣縓緣; 皆既 有降。 謂「屈 厭以 而 葬除之。」蓋諸侯 厭之也。「公、 君」? 無 爲其 於父」? 家 屈 其服, 者, 無 妻, 縓冠 不 「公子 屈 敢 則 尊, 不 於 降

期。父必三年然後娶,方將達子之志矣。

者

,不得伸之謂

,厭於尊者也。

父在

一,爲母

實

異:

屈者,不敢

伸之謂

爲

尊

者

屈

也;

厭

貴臣。 殺,故 降之也 之服。 賤,其 之也。 其服 不 中 功 雖 公、 喪,仍服期。 曰:「何以期 君 奪其恩,故 無其服 也 士、大夫,厭於天子、諸 故故 薨 也 妻更疏遠,在君前則不得伸,故 不得 若以君之尊厭其公、士、大夫 已先 若 而 日 進於 閻 也。 蓋 日 如其貴臣,非 百詩 先君 不得 此 君之所 於五 也? 爲父之餘尊所厭。」非 無其服,斯之謂 五服之中矣, 其 曰:「父卒,服未除 私 伸矣。 餘 服之外制爲 屈也。」屈 也,若 尊之所 不服,子亦不 侯。」衆 以天子諸侯 君尊,公子 五 厭 然猶不 臣 服 與 也也 既 厭。 疏 中, 厭 遠 敢服 葬除 則 得 厭 而 似 也 而 之 恩 五 則 而 固 而 遭 亦 過 同 也。 母 較 服 其 厭 非 大 無 猶 傳 0 而

九六

説 從降 從降 功也? 也。 大夫之庶子 弟、大夫之庶子、爲母妻。] 傳曰:「何以 不敢不降也。 出 親,子亦從之而 親矣,不降同 者,降其親服一等也。 死 面 明 降。 其 謂 遭 公之昆弟擬 斯 ,而後「父者,子之天」之説 父, 其從降者何 以 母: 而後「父之所不降,子亦不 夫 尊者,大夫 夫 乃聖人緣情 更 先君餘尊之所 惟 三年之内 而 仍 大夫之庶子但從降 ,則從乎大夫 厭 尊, 故「大功」章 服 其 降 期」者, 也? 不降 妻乎? 於大 也。 也。 猶若 制禮之精 厭,不 祖,不降 夫,爲其旁親 有尊降,有從降,有 蓋 父爲大夫,尊降 大夫尊,則 此孝子之心,不 疑 而降 故「父卒,服 父之所降,子 其 日 ·得過 :「公之庶昆 意 父之未 也。」夫惟 明 其母 適, 與? 敢降」之 大功也。 夫惟 不 降 則 降 其 降 卒 而 未 大 亦 後 有 有 旁 大 旁 降 也 忍 除 服

> 乎? 服 旁親 之,賢人述之,後之人皆未聞其審也 蓋 其 以 不降其宗,故不降其祖。不降 爲 夫不厭妻」之説益明。 婦 屈服也,而 「夫者,妻之天」,婦人不 禰 人後者降其小宗也,女子子適 也。 人 乎 其 必 ? 爲 降其 有 父 不 歸宗也。 非降 母 降 旁親而 期 其 也。 者,猶 爲 父 不降其小 宗者,繼 之數義者,聖人作 後 其出 父 ·
> 貳尊 者, 在 降 爲 故 其祖 宗, 祖 豊 者 母 禰 降 爲 者 何 何 期 者 其 父母 豈 降 也 也 也 降 父 其

### 據經文決無逆降之例述

注云:「姊妹在 <del>조</del> 女子子,注云:「女子子在室亦如之。」 見夫 「姑在室亦 不 杖 期 章 如之。」見昆弟 室亦如之。」見衆子而不見 見 世 叔 父 而 而 不 不見姊妹 見 姑, 注

殤服 服 有適 章:「女子子適人者爲衆昆弟、姪。」而繼之 言其女子子,不以男 姑,言昆弟又言姊妹,言夫之昆弟之子又 子子者,以子關適庶。」 然則言叔父又言 注乃曰:「凡言子者,可以兼男女。 疑 成 灋。而略於成人服,又必詳於殤服。若 子,又見女子子。 見姑,見昆弟,又見姊妹, 見夫之昆弟之 功殤服」章,見子,又見女子子,見叔父,又 皆是。」此經文互見省文之法也。及觀「大 之昆弟之子 ·姑、姊妹、女子子在室如之」者,正 其 人服 獨詳不略之旨脗 庶之關乎? 必不然矣。且鄭 成 如此,成人可知,使後之人不得議 人有出 之從略,更不得因其略於成人,而 而 不見其女子子,注 道而妄生逆降之説 此 兼女者,豈 可見省文者,屬文之 合。 況 余檢「大 云 亦以其 又云女 注 也。 與 男 所 「殤 男 鄭 其 E 謂 女

> 降期 兼在 疑 子。經於大功之成人婦人不逆降,而 無 日 不足者也。 「丈夫、婦 室之姊妹,以姪兼在室之昆弟之 親之成人婦人,當不其然。 朝 而破。 人。」及婦 《喪服》義例,徵之經文,信 人者, 明 以 千古之 衆 女子 謂 昆 逆 弟

# 不杖麻屨章大夫之子條經傳義述

傳則 主 之爲大夫者,於此從略,觀下文止發「大夫 無主者,爲大夫、命婦者,唯子不報。」而 母、子、昆弟、昆弟之子、姑、姊妹、女子子 人之嫁大夫者,别見「大功」章。 邊,故傳曰:「無主者,命婦之無祭主者也。」 一者之「唯子不報」也。此經於婦人側重 專 此 發姑、姊妹、女子子爲 經言:「大夫之子爲世父母、叔 其 爲 世 命 叔 婦 其 父諸 而 爲此 無主者 無 祭 此 父

諸

者,以 嘗試 所以 夫」可 報」,見姑、姊妹報:正經文之互相足者也 正與 者,姑、姊 不疑於報。 節 期 夫 期」 顯 婦」互見於此 服 而 爲不降 綜 目 補此傳之所不 此 報 經互足之意也。 其 爲 不發者,欲於大夫本服中發之。 大 章 同 世 期, 論 親 而 夫 ·; 故 妹報」,見子不報,此言「唯 命 叔 之。 服 内 然則 其 故 有 唯女子子適人 於尊 父 婦」,而 「姑、姊妹、女子 發 子 降 經言「不報 母 不别 大夫之子 傳 從之,故 . 旁 大夫 諸 日一尊 親 -發者 不 人爲 不 爲 男子 同 見「大夫本服」章,亦 發「大夫曷爲 又 尊 也 而 不 士 異 有 ', 其 E,以 同 爲父母 爲 並 同 者 也 尊 不降 父 子 大夫之「不 發尊同之傳, 也 服 服 同 釋 斬 大 適 然 異 得 八功,人 人 期,疑於 衰三年, 則 服 於 尊 人 亦 不 疑 下 欲 衆 子 無 親 同 宜 降 耳。 明 服 人 主 降 數 則 經 發 大

以

命

得

大

傳

曷

又

以

爲 婦 妹、女子子,專言其爲爲命婦之無主者, 妹無主者爲大夫、命婦 父母、叔父母、子、昆 降,子亦不敢降 謂 是故 而 子之嫁大夫而 是爲從大夫而 大夫於兄 小功,嫁大夫大功,以大夫爲女孫,在 功,與爲庶孫同 大夫之子 「無主者」三字於「爲大夫、命婦」之前,乃可 何以 者,别見「大功」章。 其 日 「大夫之庶子從乎 父母期,故言『不報』,言其 大夫之子,爲 言 唯 弟 子 之服 降一等。 唯子不 不 報」。 又 降之 適 必必 者 因與諸爲大夫、命婦 無 士 報』也? 嫁 參 是 女子子在室大 主 緦 故 服 大夫 大 弟、昆 互 者,在 《傳發 麻,衆人爲孫適 也。 夫 其 者 大 而 小 例 夫之服 女子 弟 問 同 降。 此 也。 功,尊 大 其非 之子、姑、 列,此經姑 而 章,與「爲 功 以類 父之所 子 者 其爲 釋 無主而 功, 同 以 人者 餘 同 適 章 之 列, 服 相從耳。 明 皆 女子 適士 人 傳 日 親 小功 故 之。 爲 者 報 姊 世 服 : 所 姊

尊 爲 其 詳 尊先從之而降此旁親者,今皆以此旁親 功 大夫之子今爲諸人之服比 言之,以見言各有當 命 父母、叔父母、昆弟、昆弟之子,身爲 降其父。」然則子於其父之服 不得 以期報期之疑之專在女子子,勢不得 遭 命 也 男女同」也,而 事故而 者,爲大夫之子。 而 命 婦 餘 味其文義耳。 婦 (), 雖非 降在小功者也。 諸 婦者,其於在室 ,則皆降其旁親 言報也。《喪服小記》:「大夫降其庶子,其孫不 蓋 人爲大夫、命 有升降。 謂 女子 命 子於 傳非不 婦之無祭主者」,本 其言其餘之皆報,又當以 偏屬之女子子者,以 大 期爲大功; 若姑 一期親,已降大功,又 夫大夫之子,以 今此旁親 也。 婦尊降旁親之服,與 前定而不移,不以尊卑及 知「唯子不報」者之 夫之子, 鄭 而論之。 注 應降大、小 父 駮之,蓋 服 也 大夫、 、姊妹 蓋 期 父 不 欲 雖 故故 以 之 世 與 未 别 破 非

> 皆 得 親 在 姑 父 報 室之親 尊 不 服 姊 也。」同服相爲之謂報,余有《報服舉例 以 本 同 妹 期 其親 復 丽 也。今並 服 得 又以 期。 服 從 之期 服 其 夫 其 無 報之乎? 爲 諸 親 主 我 人之爲 服 服 而 之 親 加 期 服 服之期,則安 大 故 與大 之,得 夫之子, 曰 述》詳之。 功 「其餘 服 其 其 偂

# 大功章大夫之妾條從舊讀說

得與 從。 井然,無 其私親。 夫之妾爲此三人之服。 之庶子、女子子嫁者、未嫁者。」舊讀言大 叔父母、姑、姊妹。」舊 乃竊 女君同」,女子子亦君之黨也。 「大功即葛九月」章:「大夫之妾,爲君 余細 一字錯 爲之説曰: 玩 爛。 其 章 傳言「妾爲君之黨服 三復之,覺舊讀 讀 句,一經 又曰:「爲世父母 亦 依 傳 一傳,條 謂妾自 不 彌 傳 服 口 理

父母 得 也。 於大 父母、叔父母 以 服 謂 不可。 殤亦如之矣。 亦得與女君同 得與女君 子」,正得 女子子嫁 下者,以庶子之爲君黨易見, 於「君之庶子」下,而 大夫之妾爲庶子之長殤。」是女子子之長 服 女子 大功。 女子子嫁 夫, 親 大夫妻爲女子 服 服 期, 故先傳「嫁者、未嫁者」,後傳 子嫁者言之,其在室爲世父母、叔 又 ,亦在「大功」章 余以 同 於 以 當 出 者 也。 大夫者服大功,今其妾服之, 包 服 降 以 經傳 今成人而未嫁者不爲殤,故 服大功 庶子也。 . 旁 降 尊 未嫁 又「小 親 服 丽 子 服 必退 者爲 在 ,當服大功矣。 降 嫁於大夫者,以 也。 例 大 ,功澡 在 考之,不相應。 案下經大夫妻爲 其傳於「女子子」 小 明 世父 鄭氏 功」章,此 尊不 功,大夫 麻帶經」章: 即不見,亦無 母、叔父母 不從舊 同 則 「女子 尊 其 今嫁 爲 降 讀 同 世 例 且

之薄 服。 子成 殤 姑同。」是不主成人逆降之説矣。 成人未嫁者不 子嫁 昆弟,女子子視 鄭氏注《 哭踊之節,不得視童子之不 服 亦不逆降此未嫁者。《檀弓》曰:「姑、姊 氏乃曰「此著不降,明 未成人。 成人未嫁者,明 嫁於大夫者,明適士以下者得包之也,及 母,是不降其祖 是又大夫妻尊降旁親之例也。 大 則 也, IE 人者有出 功 於大 《檀弓》「叔仲皮」章:「姑姊妹在室齊衰,與婦爲舅 其 服 明 蓋 爲 者 今笄不爲 夫者 矣。 人服 有受我 姑 道,降 其 「齊衰三月」章,爲 泉子。 視 ,及嫁者,明 非 與 世 人 殤 不得爲世 而 殤,將責 父母、叔 . 旁親。 也。 爲 厚之者也。」 有所 己 其 不逆降旁親,人 喪 服 降」,以謂 備 成 殤 出 余謂 父 父 者皆 禮 人 者, 亦不降; 母 母、 然 禮焉 也。 姊 不 謂 得 曾 謂之喪 則 叔 然 其 女子 妹 服 祖 女子 父 也。 圃 妹 爲 適 視 Œ 凡 及 鄭 母: 父

之服 經亦 旁親, 又 爲 昆 也。 不 理 可乎? 之。」是無 女有 昆弟同,故不見正服。 例,姑、姊妹、女子 父之子 我之世父、叔父,父之昆 之服 其然。《公羊傳》曰:許嫁則字而笄之, 如 弟 也 不重 則 然雖 明 之, 司 吉 脯 有 也 月 見 日 未從 旁親 壻 正服之亦 不 終其身爲之服 ,如爲 但 數、若無 可 有受我而厚之者,而我 則 IIII 爲 見 如 女死 經 之服 夫,則從父而已矣。 者爲 可以 Œ 衆子、適孫、衆孫、 殤 何 服 服 , 壻 同 成 ·子成· 期 爲 之服 逆降之乎? 而 之月數,至適 矣。 也。 人之服,是成 不 見 齊衰而 案: 見 其 人之服,皆各 則逆降,此 殤之月數 弟也 且 婦人屬服之同於夫者 正 曾 殤 殤 曾 服 弔,既 子 服 3 服 孫 問 也? 我不 我之昆 等服 殤 與 人之月數 人後 顧 而已,當 從父,則 其 必 葬 服 皆 薄之, 與 逆 滴 案 無 同 丽 弟, 不 其 之 降 其 服 除 取 見

不

必更

見

也

「爲

曾

祖

父母」章

已

發

嫁

者、未嫁者」之傳,而

於「大功」章復發

傳

無

尊卑

之差,言

嫁

者、未

嫁

者,足

包

適

祖

父母,經不

見適人者之服

蓋

不降其

祖

與? 例。 之嫁 服 章 更有 女君 無逆 言 之尊同不降者也。 之,傳曾不一發之以 死 見於經者, 小 適 以 可見爲 降 功,是其 於 成人之喪治之。 鄭氏改讀,略 逆 同 未也。 之説 者多矣。 大夫 降 服 大 者 嫁 復 功,蓋 者,與女君 也。 也。 余更撿大夫之妾爲 服 於 有 之差 大 其未 爲 是故· 展轉 無 夫 於其 女君 庶 也。 相 者 明其 子 適 如 大夫之妾於 應者。 推 之尊 服 (成人 同 適 人 有 又撿女子子爲 求, 大功,爲 例, 吾是 者 人 服大功,蓋 逆 八未嫁 降 經 降 者 舊 然 旁親, 之 在 讀 曾 君 則 者,亦 服 「 小 適 黨服 彌 女 從 以 不 人者 不 女 子 舊 通 知 則 曾 之 君 其 讀 與 子 及 服 復 經 姑

、姊妹、

、女子子適人者」在「大功」章,

此

者,但 不見。 適人與 服大 惟姑 也。 以 例,爲姑、姊 見尊同 明例也。 婦之異, 無 夫尊同 女子子嫁者,即 明「 爲父母黨之異。 祭 詞 八功,顯 又撿大夫妻爲父母黨服之見於經者, 、姊妹之嫁於大夫者在「大功」章、 主 在 得 同 妾爲君之黨服,得 見女子子嫁於大夫者之大功,餘 者 蓋 室 服親服之例,不降其在室服之之服。 者 義 妾不 同 又撿大夫妻爲夫黨服之見於 服 與大夫妾之所見 復 嫁 違 殊 大功,則 妹 發 經 大夫與 得體 降服 傳, 以 傳 所 明 其 謂 此 君 因 適土適人者 例 小 大夫 尊 復 又義 謬 功。 也 一發傳 不 爲 其 妻者 同 與 適 者 同 矣 圃 者 因 因 女君 無不 明 互相 事 1 鄭 也 服 不 殊,亦 同 氏 敢 又 小 同」之例 足,亦 爲君黨 降 爲 功。 撿 改 據 如 祖 明嫁 所 爲 婦 經 讀 經 之 因 例 皆 經 以 X 見 爲 協 丽 可 命 大

> 親 舊 男子、婦 姑、姊妹適 女子子嫁爲 讀、 也? 推求至此,舊讀信足多哉 改 讀 兩《章句 通 人者服大功,烏 大夫 例 也 妻, 表》附 與 如 不爲 鄭 録於後。 氏 在 大夫 所 其 改 爲 妻者 讀 尊 治 降 經 因 同 則 著 爲 旁 是

經傳舊讀章句表

觀之,得失具見矣。

未嫁者,句。爲世父母、叔父母、姑、姊妹。大夫之妾,句。爲君之庶子、女子子嫁者、

句。

傳曰: 句。 世父母、叔父母、姑、 者,成人而未 下 右 妾爲君之黨服 經 兩 「嫁者,其 個「爲」字,分君黨、私 章〇以「大夫之妾」句 嫁 者 嫁 得 也。 於大夫 姊 與 女 妹者,句。 旬。 君 者 同 何 親 也。 以 黨 句。 建 大 謂 句。 兩 首 妾 功 下言爲 項 自 也? 未 領 嫁 起 服

其私親也。句。」

後 其解 爲成 互之指,復以鄭君所改讀者,擬一表 即鄭君以前諸 今表其經傳章句 讀云云,未聞前 瑶田案:此經傳章句,鄭君所見者如此, 項人,故必見「下言」字以别於上言也。 以二句必退在 右 包「庶」字。若不退下而先傳之,不得包 「女子子」矣。一「大夫之妾」句領起 而解説之,讀者庶不迷於所往矣。 傳一章○分傳上經 ,因疑其中必有錯爛,且有「不辭 人有出道,降旁親,遂於此 竄入其中,故獨出己見,改易章 經師所見者亦如此,故舊 「嫁者」二句下者? 爲得 人有 於前 異 ,爲詮釋其 兩「爲」字之義,何 (詞也。 鄭 八略無 經不得 君 誤 句。 於 譌 以 兩

鄭君改讀章句表

大夫之妾,句。爲君之庶子。句。

也?句。妾爲君之黨服得與女君同。句。傳曰:二字據注意以爲脱去,宜補。何以大功

发言也。上之妾,爲言之是子下明。」爲君之長子亦三年,自爲其子期,異於君之黨服得與女君同。』指爲此也。妾爲注云:「下傳曰:『何以大功也? 妾爲

瑶田案:注及下注意,要將下傳「何以大女君也。士之妾,爲君之衆子亦期。」

子體君,即目其母爲私親,義見「緦麻」考,即爲妾之私親,非君之黨也。以妾今從之,以便治經者觀焉。妾子不體功」數句補「傳曰」二字移次此經之下。

章傳,是其例也。

母、姑、姊妹。句。女子子嫁者、未嫁者,句。爲世父母、叔父

注云:「舊讀合『大夫之妾爲君之庶子、母、姑、姊妹。』。

女子 三人之服 子 嫁 者、未 也 嫁者。』言大夫之妾 爲 此

傳曰: 嫁者,其嫁 於 大夫者也; 句。 未 嫁

章,則 士 姊 服 子 指 大夫之文,亦不 姊 與 則 不 瑶 妻,尊降旁 一,不報 備。 服 子是大夫之子,其 妹之嫁 服 H 妹 ,在「小功」章,以大夫之子從父 在室者言之,服 人而 大 案 例 服 此 且 大 功,「大功」章 小 服 未 傳 注 戾,不 於大夫者是也。 據 功 女 親 止 嫁者也。 意 尾弟 服 服 此 此 既 例,嫁 見 小 然 移 姊 功,不 以 適士、適人之文,則 小 一句 也。 一何 妹 旬 適 小 功 耳,於 所 於 亦 以 功,而 士 無 至 謂 當 大夫 以 大功」數 也。 於「成 疑矣。若 大夫妻爲姑 今不見 服 大 文 加 大 而 夫之子 義 昆 服 功 爲 弟 似 旬 大功, 尊 嫁 大夫 而 加 爲 此 爲 於 未 滴 降 之 於 女 是 日 辭 H

下言 服 例 萬 服 嫁 服 蓋 服 當 嫁者」, 處 是大夫之子,當從父服大功。 功。見「大功」章。今不 司 在 ,可與 天其 服 者, 其 爲 此 而 不 於大夫者,其妾得與女君 小 室之姑、姊妹 服大功,其 私 能 謂 人。 功 世 嫁者、未 惟「齊衰三月」章不降 親 成 同 嫁者爲此 父 而 爲 未 也。 服 人未嫁者有逆降,然後 亦惟此章大夫妻爲女子 諸 母 反 嫁者 也。 加 親 爲 嫁者必 叔 服大功者之與例不 皆 姑、姊 父母、姑、 同受人之大 又明矣。 若欲 諸親中之女昆弟,不 服 不能! 期 見適人之文, 妹 同 服,惟 無 適 惟 同 姊妹者, 逆 人 同 其 成人未 功 其 降 者,乃服 然又 破 服 服 服 祖 例 可 經 君 協也 也。 之黨 子之 則 謂 傳之 否 可 其 無 嫁 亦 妾 則 同 報 者 是 以 大 不

注 云:「此不辭,即 實 八爲妾 遂 自 服 其 私

自

文爛在 功也? 旁親,及將出者,明當及時也。」 與此同,足以 親 「女子子嫁 ,當言其 下爾。 妾 爲 以 者、未嫁者爲曾祖 (明之。 明之矣。 君之黨服,得 女子子成 「齊衰 傳所云 [何 人者有出 三月』章 與女君 父 母。」 道 以 同 日 降 大

此 瑶田 同服 大夫妻,當尊降,妾得與女君 宜 故不在尊降之例。此及嫁者,言女君 「三月」章 例相 女亦大夫妻,故又 删 案: 大功,更不得援「三月」章以爲例 去。 懸,本難牽合。 注意直以「下言」二句爲 及嫁者,言雖尊不敢 今從之,以便治經 在尊同不降之例。 若依鄭改讀,不當 同 者 降 服 其 觀 衍 焉。 文, 祖 是 今

言以

下廿

一字非傳文,因爲案曰「此

廿

爲「此不辭」也。

則此「不辭」之云,可指

讀

因

將

經

傳

及

鄭

注

反

復

涵

泳

頗

疑「下

通《喪服》

篇無「下言」文法

故

鄭

斥

瑶

田

少

日

肄

業

及

此

經

見

鄭

注

改

舊

斥之?

惟

以

此

#

一字爲傳文,而

傳

文

辭二三 通,而: 文,相 私親」,謂之「辭達」可也,安得以「不辭」 覽,再三推求,於今廿有餘 字及『者謂妾自服 傳 言「妾爲此三人之服」,下言「妾自 證余之所見。 今以義,必是鄭君置之」云云,因據之以 氏引舊讀 也,下接『此不 字,鄭 字,既非子夏 有 爛 一字而 貫 此廿一字斷非鄭注。蓋於「 文 讀 氏 耳。 而又辨之,并引『三月』章 之,正復文從字 決之,竊 注 然終疑信 也。 後 辭」,並 **夕**白著 閲 其 上 以 賈 7、又非 私 蒙 疏 爲 廿一字接上爲 親 參半,因 爲 中有『下言』二 上 也』九字,總十 年,覺舊 舊讀者自安。 此 順 節 三人 注。 是 時 謂 服 之 此 讀 證 時 蓋 其 注 不 披 明 鄭 服 可

欲分别 字 辭」。 當斥 注 傳 辭」者,謂此分别文句,不是解義言辭。」瑶 從字順者得謂之不成話乎? 可 意,觀 也。 文,不 斷 鄭 其義 舊讀 不 下 氏 接 辭 得 者,如此意趣,然後以 爲 之不 即 者,猶諺 指舊 斥 實爲妾」云 傳文,是傳文實有此廿一 協, 讀。 云「不成話」也, 豈文 不 鄭 云可見。 當 氏 斥 注 於 一破之。 其 於 舊 疏謂:「鄭君 田 言之「不 此三字, 讀 謂 굸 不合, 此尤非 此 不

# 女子子嫁者未嫁者不能同服述

以 何 傳必申明其義,大書特書以 親 以 ,故女子子適人者爲其父母 有 期 出 女子子在室、出室之不 也? 降之例也。 婦人不貳斬也。夫者,妻之天 出 降旁 曉人曰:「爲父 親 能 服不杖期 同 而 其 不 服 降正 者

視姊 是故 降在 祖與 明 有不 鄭氏於「大功」章改其 妹,視衆昆弟,於姑於世父母、叔父母,皆 外,必有歸宗,曰小宗,故服 爲昆弟之爲父後者服期,傳 子 貮 也。 皆言出亦不降,亦猶大夫之以尊降者 月,傳曰「不敢降其 女子子嫁者、未 子爲祖父 出 尊 丽 妹 女子子適人者爲衆昆弟見「大功」章, 降者。經見姑、姊妹、女子子適 適,不降其宗也。若夫旁親,出 降大功,不同在 大功,傳曰「出 敢 也。」 不 一出降 貮 降 母 故 其 斬 者 父哉? 服 爲 大 父期 猶 分功 期,傳曰「不敢降其 嫁 不 日 者爲曾祖 祖 者,其 同 也」,所以明其例 是故正 不 室 也。 舊 在 貮 讀 服 室 天 義 而 期 服 女子子適 父母 親 也。 日「婦 期 至 也。 期明矣。今 不 一大,豈· 曰「女子子 也。凡 降。 婦 服 其於姊 祖 人 齊 人 人者 則 雖 人者 也, 女子 衰三 女子 不 不 也 未 隆 此 在

成人者 降,大 爲大夫,亦不見其適人、適士、嫁大夫,傳 父 祖也。」今但 月」章曰:「何以服齊衰三月? 功。 夫, 也; 嫁者 不其然。然或禮窮則變,容有 大功。是在室者降其服,而嫁大夫者 妹」,是欲 嫁 人之疑 何 母、 例 以 又當尊降,更不 者, 是出 出則必降 從 叔 破出 期 未 而 大 有 經 父母、姑、姊妹。」經不 也? 嫁 降、尊降之例,從此 解 大夫服 以 出道,降旁親」之例矣。 當揭出 降、尊降之例,而 者 在 人之惑。 一當服 "「女子子嫁者、未嫁者 不 室之女子 爲 降 敢 世 服,已而 以 得服 降 小功。 父 曉 如 母、 其 人,傳當發 小 示不 子與 祖 功,而 叔 至出 嫁 也 杖期」 一 人 生出「女子 父 破 適 矣, 見 不敢 母、 乃 圃 人 其 而 例 所 若謂 齊 章 問 嫁 者 反 姑、 破、當 爲 謂 衰 降 轉 於 以 服 反 同 日 決 生 大 其 出 未 子 服 大 姊

功哉? 見 例。 其 者」。 功,大破 夫、尊爲大夫妻,則 室、 不見「大夫」字,傳必申之曰:「大夫不敢降其 夫者」; 之子、公之昆弟爲姑、姊妹、女子子」,必别之曰「嫁 父昆弟」,必别之曰「爲大夫者」,「大夫、大夫之妻、 母、子、昆弟、昆弟之子」,必别之曰 而嫁者之於諸 二事。今所爲之諸人,既非不降祖之例 「不降其祖」 亦 於 爲 不 女子子」,必别之日 出 經 別生 又如「齊衰三,月」章:「曾祖父母爲士者如衆人。」經 由 ·發問 室,其 「君爲姑、姊妹、女子子」,必别之曰 此言之、嫁者、未嫁者 總之,在室服大 出 例。 比 以 降之例, 與 顯 物 爲 其 人,經亦 嫁 推 又「女子子適 義。 論 大夫者之尊 服。 「適人者」,「大夫爲世父母、 又 而 即 經 非 不見諸 夫 以本章證 一合者。 傳 尊 功, 其 「爲士者」, 又 同 爲 嫁者 安 同 無 得 人」之例, 人之尊爲 之, 得 明 服 得服 服 如 嫁 「皆爲 祖 鄭 仍 同 文 親 爲 者, 也。」在 於 服 以 服 服 親 姑 國 叔 具 見 大 大 之 服 止 君 大 父 姊

### 妾不體君述

則 攝 黨服。」此嚴 爲 奚以 體君也。 而 君,得爲其父母遂也。」 妾不得體君者,不 爲其父母。」傳曰:「何 妾爲其子。」傳曰 君,爲其子得遂也。]又曰 女君之黨服, 儼 미 也 一,不得 乎 明。 知 然 喪服》「不杖麻屨」章。「公妾、大夫之 ? 其 同 不體 然 而 於女君之自服 是故妾之分,本從女君而 爲女君。 小 也 適、妾之分也。 加大之逆道,自 ? 君 攝女君,則不爲先女君之 :「何以期 也者,妾無 ^ (雑記 若爲先 以期 \* :「公妾以及 其黨,是適 也? 「女君 也? 妾不 蓋妾攝女君 女君之黨服 體君之事 我開 妾不得體 死 其 服 妾之 士妾 得體 隙 則 也。 也 其 妾

降也。 妻,與 哉? 故攝女君不爲先女君之黨服,亦微 體 爲其父母得遂,此傳者之精義也。 則 以 黨,故女君 體君哉? 女君 於父母。 爲天王后,猶曰 於「爲其父母得遂」條駮之曰:「然 之事也」。 有以尊降其父母 女君者猶 君不相涉。 有 妾終其 比 女君之嫌,故不服先女君之黨 是 其適人者 與妾之爲其父母,一是雖尊 例也。 謂 此傳似誤矣。」據注,是欲 身也。 以妾終其身也 妾無體君之事,故爲其子得遂, 雖死 蓋 妾 是不體君 女 有 夫妾也,安 君 猶 體 同 吾季姜』。 者 若 於其黨服,雖 爲 君 . 與? 攝 仍 者 其 女君 其從 加 父 也。 一, 故 《春秋》之義 得 母 得 而 服 是言子尊 遂、截 )期,不 夫妾 日 比 仍 而 妾 服 一嫁爲 例 不 也,安得 然 其 敢 不 以 於 示不得 以 則 圃 無 兩 改, 降,與 從 尊 大夫 女 鄭注 妾 不 女君 體 明 君 與 雖 而 加 君 攝 明

869

儀禮

喪服文足徵記五

0

繹至此 早 之分也 遂之意 辨者有 ,然後凛然於正名定分辨之不可 正 嗚呼 如 避 此! 此 1 不 聖 降 人 父母 制作,細 之嫌 人 而 無 嚴 倫 適 礻 紬 妾

之時, 爲 從 是 據 私 母得遂。 者,則爲之三月不 緦也? 其子,猶妾子之爲 比 E 於於 長 其 此,是妾子本不與尊者 親也。」然則何以 例 女 例 「庶子爲父後者 子三年,其 ,不當以 余曩 耐 君 也 傳曰:『與尊者爲一體,不 爲 今二妾不 尊降 論 其 而 一妾不 女君 母 鄭 其 不得 餘 注 子 舉祭, 比 得 其 服 也。 乃 以 體 爲 例。 體 母,蓋妾子有體尊 緦 遂 曰:「此言二妾不得 尊降之,與 君,亦爲其子得 其 君」二條 女君與 也? 之 、母。」傳 因 其略曰: 爲 事。 是 以 有 體 君 曰:「何 當 服 死 緦 本 金子子 於宮 敢 妾之 緦 以 體,唯 麻 爲 妾 也 服 同 其 中 以 章 者 爲 其 子

> 者爲 其外 爲 不 記 外 亂 不 年」章所謂「父之所不降,母 遂之例。 大 妾 也 (功,乃 爲 其父母得遂,是其例也。 祖 其 曰「庶子爲後者,❶爲其外祖 與體君例 無 後,如 祖 例 父 體 牽合「女君 體,是本爲 耶? 父母,蓋妾子有體尊者之時 母 君之事 尊降一等之例,非 其「爲長子三年」者, 不 邦人」是也。 相妨者。 得遂之事。 妾之爲其父母,猶妾子之 也。 與 其外祖 君 案 若牽合體君,不 女君 體 今諸妾不體 若妾 父母 以 爲 與 亦不 立言 子本 君 得 其 父母 則 徐 敢 遂 降 齊 也。 不 而 體 諸 無 而 君 將 衰 與 爲 不 服 子 不 下 亦 尊 爲 自 得 服 其 又 知

<sup>●「</sup>子」,原誤作「了」,今據經解本改。

. --

### 公大夫士妾私親服例説

緦也? 氏 麻。 麻 不得體尊者也。 者爲一體,不得爲其母遂。不爲父後,是 子,猶妾子之爲 三月不舉祭,因 今二妾不得體君,故爲其子得遂也。 然則何以服緦 章:「庶子爲父後者 君,爲其子得遂也。] 此其 妾爲其子。」傳曰: .乃曰:「此言二妾不從女君尊降其子也。 衣、線緣,鄭注云「此三年練之受飾也」,蓋 大夫之庶子 喪服 與尊者爲一 》 不杖麻 也? 是以服緦也。」蓋妾之爲其 其 服大 於是公子服厭服,練冠、 「何以期也? 妾不得體 母。 爲其母。」傳 體,不敢 屨」章: 有死於宫中者,爲之 功, 妾子爲父後,與尊 皆爲 、例在「緦麻三月」 「公妾、大夫之 服 其 其 日 母母 私 : 「何以 得 親 而鄭 重於總 遂。 也。

子爲後 爲其父 母。」傳曰:「何以 不爲後,如邦人。」蓋妾之爲其父母,猶妾 又「不杖麻屨」章:「公妾以及士妾,爲其父 氏乃以女君之降餘子爲不遂,失之遠矣。 遂。不遂之義明,然後遂之義 祭,是緦之服,亦不得言遂也,夫是之謂 爲例,則爲父後 唯不以女君體 女君 雖服緦麻,僅比於有死宫中者之三月不舉 大功,亦爲其子服 長子三年,是遂其子之正服矣。 得遂者,絶之不服,非 失傳中「遂」字之義。 降之,與妾子同也。」鄭氏以 與君 者 母 爲 遂 一體,唯爲長子三年,其餘以尊 其 也。」 外 尊者爲 者 此 祖父母、從母、舅,無服 期也? 絶 其 所應服,無不遂者 例,而 其 例 遂者,遂其正服。不 降服 在 母 妾不得體君,得 《喪服》 服,是謂不 也。 以 女君 以 妾子體尊者 其餘降爲 明。 且 例二妾, 記:「庶 女君 而鄭 遂 也 爲

遂。 子之爲 母 祖 猶 傳 猶 父母 也。 是不 女君 女君之黨服。」意謂 妾子之爲父後者,不得 矣,然必絶其父母之服。令不得遂。若 相 義 爲 之服。 父母也。 是妾也,安能 亦亦 殊 似誤。」鄭氏 日 一體,不得 - 得體 ,明適、妾之分也。 邈遠,使 吾 者 今諸妾皆不得體君,故爲 而 昧 其外 三季姜」。 鄭 乎 是故《雜記》曰:「女君死,則妾 氏 尊者 周 今諸妾不得體君,乃使 祖 乃  $\sim$ 公制 爲 妾 以女君例諸妾,不惟不明 日 父 是言子尊不加於父母。此 春秋》之義,『雖爲 也 其 如 丽 :「然則女 母。 ,於是爲 外祖父母 禮之原也。適、妾之分, 女 攝 女 女君, 儗 君之服 君 妾子 如適子之得 又曰 雖 爲父 死,妾不 其 遂;不 君 其黨 外祖 於得體尊者 有 其父 「攝女君, 後, 以 天王 服 爲父後 父母 得 遂 母 服 尊 與 降 死 其 其 得 尊 后 則 爲 父 外 傳 遂 得 其 猶 日 其 者

> 之原 妾爲 者爲 服 也 乃 親 女君 則 君之時,亦終無爲其子不 之 女 能 不 私 妾之異於其子者,其子猶 以 辨 君 柄 爲 如 也。 親 記 女君例諸 妻,夫亦猶行 國之權,義 如 當爲之事,故 死 女 女君之黨 之通 曰:「凡妾爲私兄弟,如邦 體 君之得 此,所以 君必三年然後 夫然,則公妾、 哉? 例 與? 妾, 體 服 於 至 弭 君 吾故 間 精 奪 疑 須 意 哉 公所制 也。 於 妾攝之,而豈 適之禍 謂 ? 日 體 取。 大夫、 妾 得 明 : 桓 君之時 雖 遂 昧 適、 有 禮 此三年 ,所以 公之命, 攝 之妾 乎 也。 得 服之時。 妾之分 女 周 體君 人。」是其 君 得 杜 終 而 公 而 中, 之時 與 無 無 制 鄭 其 嚴 也 體 禮 氏 以 私 爲 尊 有

> > 872

大功 適人服 者、未嫁者。」傳曰:「何以 之事,故得遂服其私親,此 遂 無 君之黨服,得與女君同。」此又一 功」章曰:「大夫之妾爲其庶子、女子子嫁 也。」不得體君 曰:「何以期也? 小功」章曰"「大夫之妾爲庶子適人者。」 也。」又曰:「妾不得體 其子。」「公妾以及士妾爲其父母。」 傳 妾。「不杖麻 未嫁 也。 妾者,公、卿、大夫、士之妾也 小 者,成 故 功,故爲女子子嫁者、未嫁 其 (傳曰:「嫁者,其嫁 者,不體君 人而 屨」章曰:「公妾、大夫之妾 妾不得體君,爲其子得 未嫁者 君,得爲 也。 大功 也。」成 一例也。「大 謂妾無 也? 例 於 其 , 人未: 大 也。 父 庶 夫者 妾爲 者 體 母 人 嫁 故 服 君 遂 則

> 姑、姊 服,得 相 私親之例也。 等服 父母、姑、姊妹」,其文總承 曰:「凡妾爲私兄弟,如邦人。」是妾得 而言,故傳曰:「下言爲世父母、叔父母、 貫 相 不 女 通, 降 君 差 小 妹者,謂 與 服. 功 以 也 無豪髮爽,女子子無成人逆降之 女君同」也。 大 尊 相 降 功,亦與 妾服 差 妾之服 也。 服 妾自服 大 如是,故曰「妾爲君之黨 (功,正 嫁於大夫者 適人者再降一等服 唯 若夫 其 此 與 私親也。」下記 上「大夫之妾」 「爲世父母、叔 兩 適 例。 人 以以 者 經 女 再 傳 遂 君 降 自 服 小 尊

功

司

説明矣。

兩

殤

服

章

發例

述

儀禮

喪服文足徵記六

依 後,遂誤以 下。」四 語 也 長 齊衰之殤 定 殤、中 經說義,無憑 服」章發例 故 喪 爲 語 經 齊衰之 服 殤 經 皆經文。 所 加 爲「總麻」卒章之傳,不知 制 文, 發 制之也。 長 也, 也,又 例 殤 而 空立 之言 殤、 小 中 知 説者以 功 從 知 其 義之例。 中 大大 章 口「長殤、 上 兩 爲 殤 爲 爲 八功」章 「殤服」章專 降 大 其綴 齊哀 大 功之殤 間 功 等,下 中殤 一 之 爲 嘗 小 紬 下 齊 麻 中 傳 殤 殤 衰 主 功 繹 降 章 從 皆 降 制 之 於 兩 其

等,下 服」章 下, 升; 成人者 故 别 服 以 從下」,蓋申言長殤、中 又繼之日 其 中 服 衰 功衰之布 之意,誠以 制 重,故 殤,而 本服 齊衰之殤中從上,非若 九 重 殤之絰 其 小功布十一升,其 服者,傳曰「喪未成人者,其文不 月而 故故 殤降 專主於齊衰之殤 中 重 也。 其 殤 雖 殤, 齊 不樛 也。是故大功布八升,其 必 爲七月, 齊 所 服 殤 然 同 等」, 降 則 衰之殤 亦從重 而 衰 而服之所以 垂 其 降 之服 本 服降,猶 七 亦降殺之等所必 專 而「無受」,此 服 升,於降 等 以 猶 中 指 重 殤 ൬ 别 也。 殤 從 必 齊 也。 必爲 之也。 則 制 司 同 上,大功之殤中 衰 别 大功之殤中從 之也。 於長 + 殺之中 故 降一等之義。 之殤 制者 至 卉 之别 日 一於下 服 故 殤 而 之别 齊衰 則 遇從 殤 然。 雖 因 兩 言 制 殤, 則 以 其 雖 至 之。 服 t 於 本 殤 本 齊 於 則 降 而 減

其成

人之本服

而

命之。

若

日是成

人

爲

之

服

何

以

稱之曰

「齊衰之殤」也?」日

一:「從

制

之也。

中,故曰

殤

而

同

在

降

殺之等

功之殤之長

上之服耶?

服

衰者,

今而

爲

殤者

也。

謂

之「齊衰之

鄭注謂大功之親,爲 麻,何以中殤變而 在緦者反變,亦 否」,謂「小 連言「長中」,是主謂中 一大功 是故《服 輕矣。 問者曰:「服爲 所必 且下殤同 兩 緦 殤,得列於 功 殤 非 殤 麻 然 非 下殤 殤在 情 殤服」章中所列之下殤也 服 間 服」章專主於齊衰之 者 輕 也。 宣章 親 否 緦 之也, 不得 也 日 也? 小功者,可以 也,何以獨不變耶? 如 所 日 殤長、 小 與 其 大功殤服、小 從上者,若中從下並 列 降 正服小功已不變矣,降 親 功 中 於 者 親」,何不制 殺之 殤服 益 也, 小小 中 變三年之葛,非 輕 變三年之 等 功 中者, 日 則 所 殤 「下殤 爲中從 其 功 殤 從 必 服 亦 殤 大 而 下 然 在 其人。 在「殤 長殤 服 服 而 因 殤 殤 而 ||百各有當者也。| 問 長 長 也 長

緦

加

也。

記

明

則

葛

一,謂

者

也

漸

即

於

殤中從下』也?」曰:「此主 功之殤中從上」,於大功之殤 從其本服 見,故問以發傳。 不 必連中者,中從上也,此「小功」之殤 而 者 殤服 稱 服 服從 問者之意,以『大功殤 連 見,此『小功 其 而 人,不 章 中 而 發 小 殤後 者,中 中, 命之也。」「然則「小功殤服」章 功 傳 殤 稱 何以 故 而服 服 其 即 從 殤服」章 傳答以 服, 以 下 於齊衰 之。 稱 「殤 也。 其 是 殤者之名,則 人,則 論 故 服。名之,所謂 彼『大功』之殤 中 主 之 服」章 殤 耐 成 殤 論 殤 服,不 日 不 E 小 殤 而 服 · 連 中 大功之 服 曰 大 功之 長 殤 主 プ大 功 且 殤 連 必

Ŧi.

X

### 再論兩殤服章制禮之由

中 之 爲 殤 殤 長 者 或 緦 功 功 長 服」章 本 殤 服 也 殤 殤 稍 麻 此 殤 也 功 ? 亦 ,今大功殤之降 降 降 間 疏 殤 長 服 服」章, 殤 不 者 乃 於 服 中 在 爲大 殤 服 ·者,所 余應之日 爲 티 : 其 + 矣。 小 而 」章,則 制 功 中 五 緦 禮 制 小 子 '、 下 + 小 升 服 如 謂 也 之 功服 論 功之殤 Ŧi. 者 而 謂 禮之相 相 : 其 殤 兩 則 抽 升 既 亦 此 因 服 長 不 其 者 其 mi 殤 在 小 爲 而 適 殤 制 中、下殤 服 而 半 抽 服 今「小 因 當 齊 制 之 功殤 緦 制 也 其 一章爲 降 者 衰 小 而 之殤 似 半, 今人於「小 本 何 制 也 功 服 功 服 以 者 亦 ,故人「小 服 其 直 專 亦 殤 服 大 章 也。 如 制 爲 無 殤 必 人 服 功 於 未 小 更 亦 齊 知 不 服 功 章 功 制 兼 小 制 之 衰 抑 其 則 可

情, 爲 親 爲 從 長 然,於是斟 所 余 下 殺 亦 丽 也 九 日 殤。 齊衰 更 矣,故《 猶 月 上一之制 不遠矣,然 謂 齊 小 小 殤 ,長殤降 圃 即 衰 然則 是 功 則 功 而爲七月,於從隆之中 其 至 聖人 之親 殤 而 長、 殤 爲齊衰之親 否 殤 親 服 制 其 服 服 ",亦服 之 服 酌 中 以 制 之制, 之制 中 禮 問 重 mi 以 小 年 焉 殤 期 殤  $\leq$ 之 殤 於 下 降殺之節又限於情 功,其情更殺,似 又在 日一 而 其大功七升布之衰,惟 斷 面 服 初 亦 大 則 殤 則 制 制 之意 而 漸 心, 功 殤 者, 之親 順 所 十九 爲 也 制 成 之 長、 丽 謂 固 大 之也 而 其 童 親 ,其情 摭之。 順 歲 起 功 蓋 中 繹 慟 一, 故 也 以示降殺之節 圃 於大 之, 然 殤 以 此 變三年之葛, 悼 摭之者。 内, 齊衰 又定爲 服 又殺 實 若 其 然 可 而其情 功 踰 理 其 以 大 初 不 亦 殤 之 也,故 之 於 功 服 去 似 猶 必 服 必 常 蓋 中 成 減 其 車 專 之 是

謂 在 亦 爲 宫 小 微 順 制 而 示 服 功 摭之者 以 殤 故 長 服 其 殤 也 章 中、 本 者,實以 不 下 必 殤 專 之不 爲 相 制 因 制 服 而 緦 之意 制 麻 殤 亦 服 所 而

### 殤服中從上中從下辨

文有 也。 也 功 不見長、中 殤之小 功 而 (者,下治起於子,由子 經 起 中 所 經 殤 於子 於 功, 於 脱 服 殤 子與昆弟之子成人 下 從 也 庶 有 殤之大功。 於昆弟之子 父 長 孫 見長、中殤之大 殤 敖 殤、中 見長 昆 《繼公以 服總 弟。 、殤之 -殤服 麻者,下 爲 成 有 蓋經、 見下 人 加 小 脱 大 服 服 文。 旁治 功與 功 之 功 治 殤之小 同 同 有長 而 互文也 殤 起 中 而 起 殤 下 於 殤 服 殤 不 服 於 殤 庶 功 之總 見 亦 服 亦 昆 服 非 孫 同 小 下 同 弟 小 而

也, 大違 功皆 下」者 功,並 殤發 麻,而 所 功 故 中 麻。 故 中從上,小功之殤中從下。」所謂 傳於爲 殤之小 中一字 以 於 從 長 不 而 服 異 殤 庶 上 謂 見 問 亦經之互文也, 「,與 指殤 不 必 於大 爲 服 服 例 孫 中 日 功與下殤之緦 不 見下殤之緦 中殤 也。 大 「下」字, 意 後 其 殤 於 據 服 功 蓋 成 功之長 此 者 也 中 成 ,蓋言此是「小功 之總 (人) 以 殤之長、中 夫小功 爲 殤 人 而 經 而 何 其 服 以 不 麻 殤 爲 誤 鄭 以 昆 非字 麻 見 言之者 就 不 必 麻 長 以 省 氏 不 弟 中 其誤 連言· 可 殤 見 文, 從 乃 及 於從 有 殤,恐 而 並 通,於是 服 也? 父昆弟之殤 以 從 所 不 見也 以 解, 中殤者 以 之 爲「大功、 父 父 誤 見 傳 之殤 發 人 經 昆 而 昆 也 中 大功之 大功、 爲 mj 不 中 弟 始 改 不 殤 弟 補 有 中 於 明 殤 經 見 知 之 是 之 見 爲 其 小 傳 其 文 從 小 殤 長 故 緦 長

章,而 注 等。 經 爲 故 前 以 據 四 緦 傳 殤 於「小 語 殤 云「主謂妻爲夫之親服」。 成人之服言之。 小 麻」章後 者服 爲 蓋 齊衰之殤中從上 服 誤以 功殤」章之傳相戾, 之大 一義,又强分之以一 經 功 -; 文,專爲齊衰 爲「總麻」卒章之傳,又疑 殤服」之傳,注云「主 「長殤、 、功、小 於「總麻」章後之經誤以爲傳 功者 鄭 中 氏 殤 一大功 殤 以 降 不 而 服 明 得 例 一等,下 發 其 既强 必欲求其説 之殤中從 其指, 爲 例,别爲 例 謂 兩 丈夫之 勢不 同之以 殤降 又不 例。 其 下 與 明 得

大功 庶子、爲姑、爲姊妹、爲女子子也,爲人後 孫 功之殤中從上」也: 適子、大夫庶子爲 也 人 此支離之説。 衰之殤中從上」也, 大功,下殤小功。 則夫之昆弟之子,女子子 子,女子子也,適孫也,公爲適子、大夫爲 服殤之例大異,總由誤認 功之殤中從下,則小功之殤亦中從下」。是謂男子、婦 功之殤中從上,則齊衰之殤亦中從上」,婦 則 夫之親 也 ,叔父也,姑也,姊妹 齊衰見於殤 其説之不 ,大夫公之昆弟、大夫之子爲昆弟、爲 見於殤服 服 抑 綜攬 足據也、審矣。 余 服 者十一人: 又 服 者十四 以 適昆弟也; 攬 「總麻」章末之經文爲傳,故 以殤 例 非 成 服 也,昆 有 人 無 例 人 服 也, 並 異 服言之,所謂 男子 從父 圃 注謂丈夫服成人「大 例 言之,所 弟也 子 其婦 通 , 婦 也。 昆 考之,凡 長 也,女子子 人 見弟 弟也 殤、中殤 服 人爲之, 人之異 凡成 成 謂 人「大 一焦 一大 齊 成

大

功之

殤

中之從上、從下者爲「主謂

妻爲

經

並

見

E

殤

之總

麻

服

安

得

復

有

下

殤之服

而

爲

中

殤

之

所

從

者乎?

至

謂

此

所

謂

齊

衰

麻

也。

若從

祖

父、從祖

昆弟皆小功之親

爲

成

人之小功。

夫成人之小功,其長殤總

嘗

即

其

説

丽

推之,如謂「小功之殤中從

下

中殤、 中從 功親 中從下」也 所見 殤 見 殤 者爲其昆弟 之誤,兹不復詳其人數矣。 之。是故以成 小功,其中、下殤服,惟於從父昆弟姪 也 人不易曉,傳特 中 者 緦 -殤、下 三條, 以以 麻,於 ,無中、下 下」也, 下 爲姪也,大夫之妾爲庶子也,並 殤緦 明下殤在「緦麻」之例; 一,以 即 殤 庶 也 亦 傳 緦 麻 孫 ·殤服。 ; 人服言之,所謂「大功 非 殤服言之,所謂 於其始見長殤 所 者, 其 麻,餘皆不見。 見 有 發問 婦 中 異 以明「中從下」之例。 殤 人爲之,則夫之 余既 例 之旨。 緦麻,於夫之 也。 據 若 之以 處 經雜 夫 見 然則 小 發 正 成 功 問 中 陳之, -殤及 之殤 之殤 見下 鄭 人 以 見 叔 長 叔 氏 小 明 下 父 父 殤

《檀弓》以證之。《檀弓》曰:「君之適長殤,小功,非成人之大、小功。余即據鄭氏所注「大功之殤中從上」二句,指殤服之大、

服》經中不見其長殤之服 以鄭氏所不誤者證鄭氏之誤,其義益明矣。 甚且以經文爲有誤字 以 明,至注傳時牽於五證,偶然不得其解,遂誤 傳指大功殤服言明矣。 乘,下殤一乘,尊卑以此差之。 殤,車一乘。」注云:「成人遣車五乘,長 車三乘,公之庶長殤,車一乘,大夫之適 公之庶長殤,則成人之絶 之殤中從上。」」余案: 喪服》,皆成人斬衰降 大、小功指 謂 成 人。 而 在大功殤 君大夫 然則鄭氏於傳 從 也 切謬説皆生於此 而 而 無 改易之也。 傳曰:「大 之適 服 服,鄭 者,故《喪 長 殤三 旨 氏 殤 今 功 本 引 在

# 殤服經傳中從上下異名同實述

兩 「殤服」 余以「緦麻 」章發例,揭鄭氏之誤 一章+ 末 四 語 爲 經, 注 而 與 斷 賈 其 疏 爲

爲

並 數 節 功 並 中殤,傳 之承 章中,傳所謂「大功之殤」也。 殤,七月,不纓絰。」凡此並在「大功殤服 長殤、中殤。 殤,公爲適子之長殤、中殤,大夫爲適子 殤、中殤,大夫之庶子爲適昆弟之長殤、中 弟之子、女子子之長 之長殤、中殤,昆弟之長殤、中殤,夫之昆 之長殤、中殤,叔父之長 之綸之,始不致 大功布、衰裳、牡 殤 ,寓降殺之意 制 齊衰之親 不可廢也,故於同服大功衰中 服 大功服,於中殤不降殺。 襲 之精 若 所謂 示 義 也,經曰「不杖麻屨者」是也。 其長殤,皆九月,纓経,其中 諸 「大功之殤中從 也。 於從隆之中。 如 掌 麻經 治絲 矣。 然此 殤、中殤,適孫之長 無受者,子、女子 然必詳 而 大功殤者,在 殤、中殤、姑、姊 棼之也 上也。 然 此聖 陳經 言長殤 而 而降 異 人 傳 經 其 成 制 二殤 殺 必 加 日 大 月 之 見 之 妹 子 . 經

此 之下 子、女子子之長、中 子、女子子之下殤。」凡 庶子爲適昆弟之下殤,爲姑、姊妹、女子子 父之下殤,適孫之下殤,昆弟之下殤,大夫 經 章之義例顯 謂 殤並 衰而下殤者,宜服 人,其殤服已關「子、女子子」條中矣。 其子」一條不見殤服中,以「妾不得體君」,得遂其子如國 叔父一人人「殤服 如 除 「大功之殤中從 亦如「大功殤服」章見子之長、中殤,而 曰:「小功 世父母、叔父母」條中,世父、世母、叔母二人無 此經所列不得有殤者若干 「齊衰之殤 殤,昆弟之子、女子子、夫之昆弟之 在 「大功殤服」章中。 著於經傳中者也。 布衰裳,澡麻帶經,五 中從上」也。 章。 上一者 其餘 小 殤未 功,故又制 上諸 即 得 見「大功 後經 有 惟、公妾、大夫之妾爲 此「大功 殤者,其長 人,惟 人,不 然 據 若成 小 殤 成 則 功殤 月 得 昆 服」章。 傳 人言 者,叔 殤 有 弟之 人齊 所 鴻者, 殤 服 服 惟 中 所 謂

其 婦 殤,爲夫之叔 又 應 緦 服 殤 必 服 者 其 夫之妾爲庶子之長殤。」 功 知 麻腐 《昆弟、庶子、姑、姊妹、女子子之長殤,大 衰 亦 小 親 服 又 有 人之長殤,大夫公之昆弟、大夫之子 也 下 見? 功。 之長 人 親之下 亦 爲 此 殤 服 服 「爲人後者爲其 小 圃 不 本 制 余嘗繹此 三種之殤 長、中殤, 知之。 功 雖 見 殤 爲 小 小功之殤中 不 ·殤制 殤 於 降 齊衰 父之長殤,爲姪、庶孫 功 必 而 服 殤 小 特 等,亦 章 小 中。 以 親 功 服 而 因 爲 已 功 制 重 制 下 其 制 殤 故 服 昆弟、從父昆弟之長 章 章 而 從 殤雖 此 應服 服 服 親 之殤 之 小小 ٠, 也 制 下」者 傳 ,以其中、下 而 重 意 之 蓋 功 服 小 復 所謂「中 以以 也 然 爲 此長 兩 降殺 殤 功,今已 服 也 則 制 章 成 服 此 若 此 殤 大 殤 互 人 丈夫、 然 宣章 殤, 不别 其 殤 適 夫 功 小 齊 見 在 何 經 自 爲 大 應 亦 功 殤 衰 口 制

麻 之叔父之中殤、下 者」,庶孫 中殤之 然則傳所謂 豈以其適人不在室,故不及見與? 者爲衆昆弟 餘 據成人言,所謂 以有歸 是 麻 成 大夫爲其昆弟,上可 叔父長殤,大夫爲昆弟之子,亦當有長殤,今逸之。 而 小功殤服」章 小功」章中之長 正 中 得 也 絰 人,並大 服。 有 殤 宗而 纓 義 殤 除此 不 布帶,三月,受以 亦應 服 之中 不别制 者其 見。 例, 期 功之親 小 經 有 則 唯「大夫爲世父母 顯 中 長 所 殤 殤 緦 其孤爲殤者,必 關 「大功之殤中從下」也 功之殤中從 服 麻殤 ",從 得 殤並 著 列 殤 叔父,下可 殤 ,然適人者,爲昆弟之爲父後 人 不得 於 其 服。 經 父 小 在「小功殤服」章 經 日 經 昆 中、 經 功 傳 有殤者若 小 止 弟、姪之下殤 關昆弟之子 大 長 然斷 曰:「總麻三月 有殤服而 下 中 、叔父母 功 列 下」者, 殤、不 功 殤 者 衰 此 非 布 直 也 無 干人 傷服 即 衰 亦不見者 條 人 得 即 也。 中 葛 裳, 於 是 人 後 者 了, 其 然 適 中 故 其 此 緦 經 也 者 牡 X 有 有

也 功 且 子、爲大夫之妾者,其於諸殤皆降 者、爲大夫者、爲公之庶昆弟、爲大夫之庶 者,一爲姑爲姪,一爲婦 於從父昆弟,從父昆弟外無 孫 也。 連 緦 二人則女人之應服 之,亦如「中從上」者長 베 殤之故,故首見之,以明 緦麻」章 殤 麻 其 見 已見長 ,庶孫外 條 三條 且 下殤 服 中殤、下 見中殤者,爲人 而所 亦以兩「殤服」章中錯 章 不 也 殤,今不見者 中 見公與大夫爲適 無服 謂 見 止 殤者,明 於「小 中從下」者 次二條見下 見 成人大功者 四人:一 殤 必 功 者 **一疑**「小 中 殤 **一**, 蓋 殤、中殤連 人爲夫之叔父,此 也。 必 視 中之從 服 一爲 - 殤者 省 子 從下,特 此 功」章 互相足,其不 服 章 文,亦如「大 下 之長、中 至於爲 也; 中同 爲 成 治 明下 下, 服 人大大 見之 旁治 起 次 不 從 連 人 於 殤 故 見 殤 服 例 後 例 功 起 庶 見 條 在 在 中

> 等。 降二等,蓋「大功之殤中從下」,不 殺 從 等 之茫 殤亦同長 上者以爲 以經但言「長 例,又必以爲專爲齊衰親之殤 語 脈 可 齊衰之殤中從 3、故惟 二,偏指 省者靡 上 斷 可 也。 所以 尋。 以 無 爲 津 長 齊 若 殤 然者,以 經 惟 弗見,其 涯 殤降 言, 文,且 衰 大 而 不詳 也 殤、中殤降一等,下 親 其意 功 降 上也 服 抑 校 一等」,必至下 親 齊 以 可 等, 若 降爲大功 余 録之, 輕 爲 不 衰親 以 丽 日 專 於 必 中 爲 見者皆其 齊 則若没若滅 重 長 緦 殤 兩 衰 中 殤降 殤 麻」章末 則 殤 服 服 其 殤 亦 與 之「中 服 發例者, 殤降 得 乃 中 加 顯 下 等, 章 比 降 降 之 殤 殤 然 於 中 從 發 同 又 而 四 望 有

殤 何 中從下。」此爲殤服發傳,故大功、小功 以 不見也? 小 功 殤 服 宣章 大功之殤 傳 E 今中で 問 從 者 E 日 一<del>,</del>小 功 中 之 殤

凡

中

也

從上」者,是成 求之。」鄭氏 從下也」。 注云「大功之殤中從下」,亦不得不贅以「小 者,主謂丈夫之爲 殤中從下」之説,則以爲「大功之殤中從上 父昆弟之下殤在「緦麻」而 mi 從 可 人大功,其長殤 亦 昆 不見者,以此 服 殤 中從 知 其 弟之下殤在 服 下」,則注 丈夫之爲殤者服 又 言。 成 然小功據成人言,不得有中、下殤服 無 上。 人。 即 解 鄭氏 之意,謂「大功 此 於 所解既誤,不得不贅此語 大功之殤中從 傳 人 云: 成之。」然 誤會傳意,云:「問 服 「總麻」也 緦 所 殤者服 在 主 齊 麻 謂「大 此一小 也。 衰者,固 謂 章 \_ 而不見者,止「大 妻 末 功之 不見 凡不見者,以 功」章 殤 爲 所 上,則 而「大功之殤 大 服」章 宜 謂 殤 夫之親服 功、 中殤,則從 然 ·功之殤 故 者, 「大功之 中 也。 小功 者 齊 緦 從 矣。 諸 如 麻」章 衰 據 亦 從 中 此 之 從 此 皆 而 中

成

主

謂

之長 例。 發,其 説 水之。賈氏承襲其誤,輒以「中從上」 見 爲 庶 m 其誤解而云然也。 者,明中從下。」既有前注,此注不必復出, 節 弟、庶子、姑、姊妹、女子子之長殤,凡諸 以「中殤」爲字之誤,而改爲「下殤」 不見中殤者,爲其 功」章者,注云:「不見中殤者,中從下也。」此 止「爲夫之叔父」 一條。 夫之妾爲庶子之長 不見中殤,此經下殤連中殤言之,故復注此, 中殤者,皆於其 殤 孫 相 而於其中殤、下殤在 者服 連,注 殤、大夫公之昆弟、大夫之子 見 而爲人後者爲其昆弟之長 意 中 似 殤在 是「大功之殤中從上」者相戾,故 又不 以 所 爲 蓋 誤解之「大功之殤中 怨麻」章**,** 見 此 「中從上」矣。 所主「丈夫爲殤者服」 經上云「從父昆弟、姪之下殤」、 中從 「緦麻」章者,又注云:「見中 殤 之之例 鄭氏於此人長殤在「小 又 條, 與 」疏之。 其所 宜 而 其 殤、 從 而又注者, 發 與 上也 見者,亦 ,以明上 爲 姑 以 注土 注最 然 例 上 其 從 大 而 爲 而 合 中 昆 夫 夫 姑 不 姪 其 不 而 殤 傳 所 由

説 以 夫。 上」,亦與 爲 之不 處 若 此 雖 可 大 非 通者 其主爲丈夫之例 夫 余 妻 (之妾 既 爲 如 明辨 夫 此 爲 之 庶 經傳之指, 親 子, 實 不協 亦 意 婦 以 復詳 又 人 爲 當 而 鄭 中 何 非 氏 説 從 丈

## 臣爲君之祖父母從服期述

卒,固 祖 又 以 死 屨 是 與適也。」據此,則諸侯亦然。 卒,則 或 則 」章「適 其父已先 「大夫爲祖父母、 立 君言之,唯 祖 已爲之服 適 爲宗子, 君 孫 孫 承 條 適 卒 重 亦亦 而 以 始封之君有之。 適孫 斬矣。 鄭 孫 孫 孫 將 爲 爲士者。」傳 注 爲後, 承 上 之 所 父卒祖 重 爲祖 服 諸侯之不降適,已見 謂 也。 則 斬。 日 後 周 孫 此「不 存, 之道 例 者 爲 「大夫不降 君 在 也。 祖 E 有 示 服 杖 父 適 而 杖 斬 期 先 若 祖 麻 其

宗者 之發 受重 斬。 以 有 所 廢 君 君,此 之祖 云 可 矣,當其曾孫 不 位 功 殤 爲 父 廢 爲 謂「受重 疾不立,故以 得從服 於孫言之。 云「爲君 此 卒 降 疾 於曾 爾時 章 父母 曾 父服 例萬不 例 然 其 者之喪,此 祖 則 其祖 不 也 從服 後 小宗,斯 祖 · , 而 期,皆當爲 服 者 降 斬」,不儼 斷 爲 而 祖 斬」,不得云「爲 承 미 傳 祖後 孫 益可 廢 期 服 必 曾孫 以 祧 通。 位 固 承 疾 以 亦 斬,父已 始封之君 時 之 知 於曾 者服 不 尊 桃, 如 承祧。 矣。 謂 ,曾孫已受重於曾祖, 先 今以 其 然 承 服 爲人後之持重 君 所 不 孫, 爲 ন্য 君 斬之例 祧 服 光卒, 服 也。 先 先 嗣 服 雖 貢 有 之,而 爲 彼其父已先卒 斬 君 君 父 君 斬 斬」也, 遭 其父若 至 矣。 通之? 亦 服 爲 服 乎 今又 祖喪者 於 其 ? 斬 服 祖 斬 爲之服 若 繼 臣 斬 烏 遭 曾 於 祖 其 以 而 體 爲 傳 若 只 有 先 臣 傳 之 君

母、祖 也。 祖 斷 如 其 諸 高 鄭 嗣 發之,必 之 ? 小 侯 祖 氏 君 乎其有所 間 以傳 必欲 喪 宗 之貳 異 制 其然,豈其 父母」 而 者 説 而 服 乃 不 設 國爲重。 謂 斬 以 不 一代 日 謂 而 難 之 者 解「父卒」句, 服 而 口 而 承 始 必 通 而 三斬 斬, 然 頂 不 祧 鄭注 封 也。 欲 著爲 <u>;</u> 乎? 其 之君 大夫 之 則 於經 也,此古今罕有之事 斬, 然則 所 君」,説已精 諸 例 又皆廢疾不 可 謂 天子 承家 可 外 侯 是亦 貢 「爲 經言「爲 令其臣 補 之 毋乃三思之失 斬 3, 猶以 以繼 持 之以 君 猶經 也 重 ௱ 一從服 當 死,以 統爲重 著 持 有 君 更 斷 況 之父 當 而 父若 重 爲 不爲 繼 期 又 何 降 例 體

子、 母、 祖 長 父 不 母。 杖 子, 麻 君 傳 屨 日 服 章 斬 : 何 爲 妻, 以 君之父 期 則 也 小 君 母、 從服 也 妻、 也。 長 父

申言· 於曾 矣,而 卒, 祖 義 期 君 祖 若是繼體,則其父若祖有 重 者,猶云君 封之君」外,又轉出「繼體之君」,將傳文之 三年之喪,故 者,父爲君之孫 母」連「父」爲文,故 於其 説 後 乎 父已卒,己雖 父 然 者服 ? 之者 母本 成 期 祖 後 有 祖 兩 \_ 0 乃三年之 而 父 爲 斬 而 橛。 期 瑶 欲 鄭氏之注「父卒」句 服 若 祖 爲之服 服,今臣 田 臣 明 圃 = 祖 後 案 不 (\*) 宜嗣 君 爲 臣 非受 年 者 之 知 小君 亦 服 也。 降 斬 喪 服 此 傳 當 斬 或 亦 殺 者 斬 位 以 傳 特於「從 者,臣 從 則 期 服 君 於 **新、** 專爲 斬 而 服 其 亦從服 廢疾不 謂 其 期 爲 鄭 早卒,今君 包 期 臣 者 妻 始 乃 祖 注 齊。 從 也 鳥 也 齊 服 期 封 謂 從 : 然 服 得 也 並 立。父卒 也一下 之君 服 乃於「始 通 不 固 始 亦 君 期 此 期 從 已 封 謂 服 受國 唯 而 爲 必 服 承 之 爲 之 斬 釋 君

儀禮喪服文足徵記

也,而 於曾祖,則曾祖 衰」章中臣 封 之君」耳。 顧爲之從服 爲 君 忽 乃先君,諸 服 又 期乎? 斬,且 别 出 忘却人 義,豈 臣 一所當 今君果受國 志 服 却 斬 者 斬

### 夫親從服表

記文"「夫之所爲 爲「夫之諸祖 注 父母、外祖父母。」賈疏與注同。 云 云"妻從夫服其族親,即上經「夫之諸祖 「報」文,此所謂「夫之所爲小功」者也。 報」文,其爲妻爲夫親從 小功」章「從祖 |疏「外祖」字,並 「諸祖父母者,夫之所爲 緦 麻」章:「 父母報」,恰降一等, 祖父母、從祖 兄 「從祖」字轉寫之譌 夫之諸 弟 服,妻 服 祖 無 小 父母,報」,見 父 降 疑 功,從 母 一等。」 矣。 瑶 報。」注 田 亦 又 以 祖 疏 見 檢 今 案 爲 祖

> 不在將 所爲服相銜録之,反以三隅,義自見矣。 爲 字、益無 以釋注,則注本是「從」字,今本譌爲「外」 之,可見疏之「外」字確 母」見於「緦麻」章者。 小功」服 信將 可 ,不别白而定之,安知賈氏之説 置 疑 辨。 間 乎? 然外祖父母,亦「夫之所 請循 是「從」字之譌。 賈氏特舉 其本,與夫之 族 親 以 疏 實

夫之所爲服
「小功」章"從祖祖父母、從祖父母,報。
案: 夫爲從祖祖父母、從祖父母服小功,則 此夫之所爲小功服,妻降一等,從服總麻,
見見見於「總麻」章,所謂「夫之諸祖父母,報」者
亦也。
此降殺之
若諸祖父母中,有外祖父母,是夫之爲外
0
而外孫之妻乃爲夫
,
經傳
麻
夫服從母小功,
從母小功,則 一次,故經見 一般, 一般, 一般, 一般, 一次, 一次, 一次, 一次, 一次, 一次, 一次, 一次

	之差。
	故報之也。本服期,長、中殤大功,下殤小功,降殺
	夫之昆弟之子服期。 傳以爲旁尊不足以加尊焉,
服,亦互見例也。	瑶田案:夫之昆弟之子爲世母、叔母期,二母亦爲
中殤服,互見之例也。長、中殤轉見其妻之	服」章。
從夫服降一等之例。見下殤服而不見長、	夫之昆弟之子、女子子之下殤。見「小功殤
其妻與此人以期報期,義起於妻身,不在妻	「大功殤服」章。
子之下殤。見「小功殤服」章。	夫之昆弟之子、女子子之長殤、中殤。見
以期也? 報之也。」昆弟之子、女子	以期也? 報之也。」注云:「男女皆是。」
「不杖麻屦」章:昆弟之子。傳曰:「何	「不杖麻屨」章: 夫之昆弟之子。傳曰: 「何
弟服,其從服降殺之差同也。 於「不杖麻屨」章者也。雖非夫之所爲兄	
E.	也?從服也。」
「斬衰」章: 君。 專 曰: 「君 至 尊 也」。	「不杖麻屨」章:爲夫之君。傳曰:「何以期

傳曰:「何以大功也? 大功」章 夫之祖父母、世父母、 從服也。」爲夫之 叔 父母。 不

. 杖

麻

屨」章:

祖 父 母。

傳 日

何 以

夫之叔父之中殤、下殤。見「總麻」章。

叔父之長殤。見「小功殤服」章。

焉。 孫婦情又較遠,爲夫之祖父母止服大功,而祖舅姑 功,而適婦大功者,蓋不降適之意,此又一義。若 期,情止於此,不嫌與庶婦同 小功,坐未窺尋禮意耳。 於緦麻焉耳矣。抑余於斯竊窺聖人制禮之精義 亦不以過情責人。是故夫之祖父母爲庶孫之婦止 功,情之所及,其厚有所止。聖人惡人之不及情 爲舅姑服止於不杖期。孫婦爲夫之祖父母止於大 孫婦,是雖適孫承重,其婦猶謂之庶孫之婦。 適子者無適孫,孫婦亦如之。」據《喪服》經不見 屨」章:「爲適孫期。」傳曰:「不敢降其適也。有 瑶田案: 夫之祖父母爲庶孫之婦緦麻。「不杖麻 敖繼公欲增出適孫婦,疑經有脱文,以爲當報 婦爲舅姑,雖適婦止不杖 也。 舅姑爲庶婦小 蓋婦 適

> 期也? 叔父之長殤、中殤。見「大功殤服」章。 何以期也? 與尊者爲一體也。」 至尊也。 世父母叔父母。

叔父之下殤。見「小功殤服」章。

於「大功」章者也。一 此夫之所爲期服、妻降一等、從服大功、見 殤從服,妻亦遞降其

夫一等。

室成人服期,傳曰「報之」,是其例也。 室成人服期,傳曰「報之」,是其例也。 「大功」章:爲夫之昆弟之婦人子適人者。	功,長殤小功,中、下殤緦麻、降殺之差。
在 下殤小功,則長中殤大功。成人在室期適 以大功報大功,義起於妻身,不在從夫降一 以大功報之也。	大學。門,無叔代

	110000000000000000000000000000000000000
	婦人類聚,同室生親,亦緣情而制者也。
一等服之例。	瑶田案:夫爲從父昆弟之妻無服。今爲之緦麻,親焉。」
其妻亦與此人同室生親,不在妻從夫服降	「何以緦也? 以爲相與同室,則生緦之
從父昆弟之妻。無服。	「總麻」章:爲夫之從父昆弟之妻。傳曰:
	夫之姑、姊妹小功,長殤緦麻,蓋降殺之差。
爲姑、姊妹之下殤。見小以殤服」章。	「聖人緣人情以制禮」,仁至義盡,非苟而已也。爲
如奶奶~~~~~~~~~~~~~~~~~~~~~~~~~~~~~~~~~~~	居室之先,情本不屬,今以同居生親,相維相繫。
十二、七十十二三、三元、二三元、二三元、十二、七十十二、二二二、二二二、二二二、二二二、二二二、二二、二二、二二、二二、二二、二	從服乎? 今亦爲之小功,據傳,此其人當未相與
一等之所。	小功,非降殺之差。夫爲昆弟之妻無服,烏在其有
其要與北者人司居主規,下主要從長及卷一	瑶田案"夫爲姑、姊妹服期,從服當大功,今爲之
昆弟之妻。無服。	夫之姑、姊妹之長殤。見「總麻」章。
如之。」	以爲相與居室中,則生小功之親焉。]
「不杖麻屨」章: 昆弟。 注云: 「爲姊妹在室亦	
「姑在室亦如之。」	
「不杖麻屨」章"世父母、叔父母。注云"	「小功」章: た 之) 古、 お 未、 弟 以 帚, 段。 專一

# 女子子在室及適人嫁大夫相爲服舉例説

其然也 姑、 諸 爲 服 妻,初在室與 大夫之妻爲姑、姊妹嫁 功 之外,又以 人,其相爲 相爲服,亦大功與? 人者,其 三女子子在室,其 也。 服 人如有適人者,此大夫妻亦必還 期者也。 姊妹,人視 大功 姑、 厥後諸 (與諸· 姊妹、女子子,此三人 出 尊降爲 日: 也、皆服之報焉者也。 大夫妻先嫁,在室之姑、姊 降 ,姑、姊妹,皆其家之女子子 在 在室者亦適人 之皆其家之女子子也。 之 有 室者 服。 例 在 相爲服皆期也。有一 室者 미 相 曰:大功 圃 於 舉 爲 此 小 大 也。 服 功。 大夫妻於 夫 降 與先 大大 者。 也 (者在 一等,皆大 厥 (功)章 此 奚以 爲服 後 適 蓋 室, 出 大 此 人 在 此 適 小 室 降 妹 相 夫 知 諸 者 其

也。 唯 子 故 報者 報」。 非 服 服 服大 也。 非 功, 此 於經者 「姑、姊妹、女子子適人無主 之相 大 爲 然則無不報者也。 子 亦 大功也。夫此三人之相爲服也,皆旁親 適 而諸 ൬ 見「大功」章、即上舉例之「大夫妻」一條經中亦 木 夫之子,其 姑、姊妹、女子子無主者,爲 報之期也。又「不 也,見「大功」章經文。 功 尊同則不服其降服之小功,而 人而 夫姑、姊 爲 矣。 報。」夫 報者也。 人之爲其 此大夫妻亦必還 據 嫁 以 此 大 爲 此 妹 兩 夫,此大夫妻 例, 本 2姑、姊 爲 嫁 有一偏 服 服 此 因 於 亦 是 則 姪、此 大 知 杖期」章:「大夫之 妹之爲 今因 如 服 故 夫 兩 尊者,乃 爲 其 尊 「不杖 相 適 服 昆弟,本 本 其 視 同 者,姑、姊 人 爲 大 命 爲 服 之 大 者 服 功。 期」章 命婦者 婦 我 而 功 偏 與之 則 亦 大 者,爲 服 不報 降 相 功 尊 今乃 期 功 妹 爲 諸 爲 見 同 同 列

也。

之相爲服,

唯偏尊不

報,其餘未

有

不

報者

後者

本

服

期,

則

亦

有

似於不報。

此

皆禮

窮則

變」,不

可

以

常

例

論

者

也。

蓋諸

旁親

爲

此

姊

妹

亦宜

加

服

大功,而

此

姊

妹

於爲父

爲父後者之姊

妹,其

、爲父

後者,

大夫

也。

適 其 姑、姊妹服大夫諸人,則大 大夫之子,蓋命婦尊,大夫之子亦爲從大夫之尊。 大夫、大夫之子、公之昆弟爲 (適士 爲我 士者」,在「小功」章,此尊降之服。 而 無主 無 主者 而 服 ,則大夫諸 期,故 亦報 功不報 人當爲 之期 姑、姊 也。 也。 之 丽 服 妹 然則 今因 之 大 此

功,而

彼本爲諸人服偏尊之大功,則

有

似

其

於唯子之不報者。

而究不得擬於唯子之

不報,以其爲旁親

也。

H

如

此

無

主者,

乃

#### 夫之昆 弟 無 服 説

其妻爲婦; 報之,以婦 其妻亦猶子婦 弟有 我以期報之,其妻以大功服 子道者,妻皆 服大功,以母道服之也。又曰:「其夫屬乎 父、叔父之妻即世母、叔母,故與世叔 期,傳曰「報之」,其例也。今使爲夫之昆 之服,必 曰:「其夫屬乎父道者,妻皆母 大功,二父母亦必報之以大功。 功,而夫之昆 服,則夫之昆弟將 間 者 彼此 以 道 昆非父道, 夫之世、叔 服 婦 相 弟 也。 之也。 道 服 何 也。」言昆弟之子 也。 以 故 昆 無 圃 今弟 弟之子 以 爲 從 父 呼 世、叔 何 服 母 其 非 我,我以 服 也 有 妻 道 子道, 以 報之? ? 昆弟 從 爲 父 也。」言世 期 嫂。 母 服 蓋 猶 服 父同 大 從服 而 之子 之大 旁 子, 功 呼 故 嫂 親

. ....

ĮД

女君 也。 則 則變」,制 報,故於夫之昆弟不制從服 服之,則所以 之服,又轉使 不可 之者,所以序男女之别,假借稱之以示 者,尊嚴之稱 而遠之之意。 嫌。」精 於妾 服以 非真以母 無 義之學也 禮者之微 母 服。 與婦之服 稱 全於義者多矣。 其義至精,學禮者可 道奉之,以 婦者,卑遠之稱。 嫂、 鄭君 權 稱婦之微意不見,惟 日 也。 也。 妾 爲 婦道使之,故 報之則重,降之 然苟爲之平 也。 以 女君 其不便 夫禮 尊之、 以 期,而 意 「窮 於 不 等 斷 推 會 卑

### 謂弟之妻爲婦説

屬乎子道者,妻皆婦道也。謂弟之妻婦曰:「其夫屬乎父道者,妻皆母道也,其夫「大功」章傳言夫昆弟之所以無服也,

微也。 《説文》云:「婦,服 「販夫販婦」,婦皆對夫言之。《喪服》經言 Ŧi. 婦婦,而家道正」,《記》曰:「天下之達道 禮》之言「妃,匹也」,「士曰婦 遠之,故謂之婦。是爲序男女之别。」夫禮 而言之,皆正言妻、曰 人》之彖曰「父父、子子、兄兄、弟弟、夫夫、 也。」是故婦者,女適 故借婦之稱以 者,辨嫌明微者也。 而 婦,謂弟之妻婦者,非 大者也。 者,是嫂 : 君臣、父子、夫婦、昆弟、朋 不改者,何也? 「命婦」、《周官・司市》稱朝 抑婦之義安昉乎? 亦可謂之母 可無慎乎?」然則弟之妻不可 示卑遠,所 鄭氏蓋言之矣,曰:「卑 也。 乎? 嫌疑之間,其幾甚微 人之通 婦。 也。 从 以 故名者,人 是故 然 辨 女持帚, 昉 人」,《易・家 稱 資夕賣 而聖人仍 其 友。」配 於 也 大夫 嫌 大夫婦 而 故《 者 灑 之 Ŧi. 治 明 也。 曲 妃 E 埽 其 之 謂 之

而

以婦

稱。

婦」,而 慎名者雖以婦名弟之妻,是弟妻本可名「弟 之夫曰「女壻」。 猶壻謂夫壻也。故姊之夫曰「姊壻」,妹之夫曰 妹婿」,女 之則受而獻諸舅姑是也。若夫弟婦則不得 得專婦之名。婦爲舅姑,婦事舅姑,婦或賜 卑,男貴女賤,故以服人爲義。 斬」,長婦與穉婦相名,謂之「娣姒婦」。 自餘壻、婦,必曰某壻、某婦也。 於室者,必稱之曰「命婦」也。婦謂女適人之稱 專其名,故稱之必曰「弟婦」,猶大夫妻之貴 婦」,猶言弟之婦、人子之婦人也。 男尊女 稱而推之,弟之妻曰「弟婦」,子之妻曰「息 丈夫、婦人者凡四見,以婦人爲對 未可 爲女適人之通稱。由夫婦及婦人通 女子子謂之「婦 以臆見難之也 斷 然 不制夫昆弟之服,其義至深遠 今女壻得專壻之名,猶子婦得專婦之名 人子」。 然則《喪服》傳之言 息婦最卑,故 婦婦 人不 丈夫之 貢 皆 條,義 不聘。 娣

傳及注,皆以己年之穉、長爲娣姒,不憑夫 之,釋曰:穆姜,宣公夫人兄妻,大婦 弟之妻相謂姒」,是言無論穉、長,皆稱 嫂也,是亦不以夫年爲大小也。左氏二 姑,曰:『長叔姒生男。』]子容之母 夫年大小之證也。《左傳》又云·「叔 聲伯母,宣公弟叔向。妻,小婦也。是不憑 年爲大小也。是以《左傳》云:「聲伯之母 穉婦,長謂年長,故注謂姒 巫臣氏,生伯石。 也,姒,長也」。 傳以「弟長」 並 穆姜曰:『吾不以妾爲姒。』」賈 與《喪 服》傳同。 弟謂年穉,故注 子容之母伯華妻。 釋「娣姒」,猶言「娣, 而杜 婦爲長 注 謂 則云「兄 亦 婦。 走謁 娣婦 (疏引 叔 向 也 據 弟 姒 向 諸 娶 爲 ţ

895

也 明 幼 也 其 尊 又 雖 馬 敬 小 注 也。」是 猶 亦 隨 云 夫爲日 出己意以 婦婦 長 人 也 無 所 解經,余不憑 先 專 娣 以 後姒者 夫爲長

#### 述髽

髽, 斬 喪 則 也 著笄之髽。 纓 未 服 喪 姑之 冠 既 成 着 服 布 布 服 纙 髽 》所 成 衰 總、榛 纓 髽,所謂「榛以爲笄,長尺 , 婦 時 名髲者 之髽 服 謂 也、《檀 之 時 制 去笄之髽,猶男子之髻髮免, 笄之髽,齊衰之髽也 喪 之制 布 也。 也; 而言之也。 結 總 弓》記夫子誨南宫 也。 去繼之通 著笄之髽,猶男子之冠 於男子, 箭笄,髽,衰,三年」是 是故 有 則 名, 布 去笄之髽 冠 總、箭笄之 對 一,於男子 繩 而 吉時 縚 纓 總 之 一,有 也 八 妻 首

也

專

釋

未

成

服

之

髽

是

矣。

丽

又

引《

檀

弓》夫子所

誨之髽

以

實之日

「爾毋

從從

寸; 服 《檀弓》之所云,而乃以髽與笄、總别言之。 是髽 髻髮 麻,則髽亦以 不 在《士 曰 故於《喪服》「布 而 在《喪服 皆既成服 髽,露紒 櫛 之髽也。 知髽之名得連 紒」結同。 笄 去 了,袒,衆主人免于房。 也,猶男子之髻髮、免,所 ^ 喪 喪 釋 纙 禮》「卒 小記》則 也, 服 時 悪 而 於《小記》「婦人髽 之髽 影記 者也,是爲髽 笄,注言 以 麻。」是 猶 髮 所 男子之括髮。 歛徹 總、 也。 爲 笄、總 謂 曰「男子免而 紒,如 箭笄」之髽, 以 或或 惡笄 帷 若夫未 未 二之後 而言, 日 成服 一中之一 今婦 有 婦人髽于室」; 榛 首 成 笄」是也。 之显 斬 于室」,解之 人 如《 以 謂 則 服 婦 事。 型。 露 衰 解 時之髽 去 喪 人髽 紒其 釋 括 之日 主 笄 既 髮 服 鄭 傳 象 成 以 Æ 纙 斯

然去 别於 且 師承,説之不審,乃致誤也。 在 之髽 曰髽。」《奔喪》注亦云:「去纚大紒曰髽。」可知髽義 髽」,則髽有著笄者明矣」。 二説並以笄言 爾 於《喪服》記惡笄「以 去笄纚而紒」,「今言髽者,亦去笄纚 之節次矣。 下 如 去纚,不在去笄。 ,然意皆主於别髽於笄,不知髽之露 ·衰以上至笄猶髽,髽之異於髻髮者」, 知 毋 「笄於」 至笄遂不髽 鄭氏説「齊衰以上至笄猶髽 ,證《小記》未 斬衰者實其 夫子之所 扈扈爾」, 案《奔喪》云: 露 鄭氏注《士喪禮》,言「髻髮者 紒 而 無 誨者,意專主於以笄、總之 耶 齊衰之髽乎? 又逸去「榛以爲笄」二句 與也,去繼 成服之髽,亦昧於髽 ? 鄭氏《檀弓》注云:「去纚而 婦 雖其 《小記》孔疏:「大功以下無 髽」釋之曰「言「以 人奔喪殯東哭盡哀,東髽 始 則 髽 紒 也 引既 」,則齊衰 斯露 實 去 而 成 矣 蓋有 紒 又 義 紒 服 紒

之髽又不待言。矣。「魯婦人之髽而弔者」,必非盡斬齊婦人,其爲著笄房,變於在室者也。」然則婦人容有大功親,則大功正髽注云:「婦人,謂姑、姊妹、女子子也。髽於東序,不髽於

#### 述總

之髽。 是,則 鄭 唯 《檀弓》曰:「南宫縚之妻之姑之喪,夫子誨 田 髽。」傳曰:「總六升,長六寸。」 其記曰 妾爲君,女子子在室爲 有首以髽。卒哭,子折笄首,以笄 ·女子子適人者爲其父母,婦爲舅姑,惡笄 注 出 謂 云 紒 髽之必有總 斬齊婦 據《内則》「櫛、縰、笄、總」之次,蓋櫛 蓋 後所垂之長有六寸、八寸之異耳。 「總者,既東其本,又總其末。」瑶 榛以爲笄,長尺 人之髽 也。 ^ 皆有總。 喪服》曰: 父,布 而 總八寸。」若 總皆用 總,箭笄 「妻爲夫。 布總。」

三八

子與? 者,總 眉 聚 角 者 髦而 以 也。 爲之,「聚兩髦者」 之真髮垂眉 故 韋 云:「髦用 而 内 謂 ,子事父母之飾。」然曰「 ,收髮結之。」《詩》「總 笄著之,其制 兩髦也。」「髮彼兩髦」傳曰:「髦者,髮至 繞 後 世子昧爽朝君也。 著之。 則 則 縰 所束之髮, 之 縰 日 用布,其不以覆紒明矣,豈如 去 總 然 縰 「櫛、縰、笄、總、拂髦、冠 既著髦, 則 が櫛 髮爲之,象幼時 曰「以笄布 而 也,「收髮者 然 紒 後 ,縱,拂髦,總 露 則 結 乃 不 笄 著縰,乃以簪約之。 」,亦聚人之髮爲兩髦 加 髽 其 可 示 笄 冠,又著緌 末 得 必 露 總」,又似 則 丽 去 而 紒 角 一,必 紒 垂之,令不飛 縰 聞 禮 角 鬌。」而 成矣。 至 傳 矣。 纓, 。 注 收 也。 眉」,非 維, 韜 日 然 取 《柏舟 設總 又著總 緌 後 云 未 今之勒 必 《纓。」注 乃 他 朝 總 後 冠 謂 、》詩 加 髮 以 君 也。 角 也。 總 笄 必 總 者 帕 疏

> 未 與? 許 小 然, 畧似成 斂 「親没不髦」是也。」然則 幼小之心。至此尸柩不見喪無飾,可以去之。 之,服闋又著之。 未聞。」《柏舟》詩疏 否則男左女右。 日「説」也。 既 前 髪, 冠 兒戴首圈 夕禮》云: 笄者, 蓋 蓋 覆眉上,旁著兩髻,殆總角之遺 子 聚 事父母 則拂 人 兩 注 一,周 長大猶爲飾存之,謂之髦,所以順父母 之總 若二親並 云:「兒生三月,鬋髮爲看, 髦 云: 既 遭 髦 爲 , 其 「若父母有先死者,於死三 殯 垂 總 著 角 總角之總,亦是爲 ,説髦。」惟 角或 於額、 没,則固去之矣。 黑線 成 著於總之兩 人 稍異於成人,然 以象髮,長二寸 有 項 總 之間 又 非 真 男 髦之形 邊 有 者 玉 角女羈 如 物 髦 日 象 × 角 以 故 説

#### 翦 屏 柱 楣 둽 説

而

不

可得

聞


矣

喪服 斬衰,居倚廬; 既虞,翦 屏 柱

《爾雅》精義,漢人已失,余嘗作《棟梁本義 西啟户焉,是之謂「柱楣」云爾。 虞,乃翦其屏,於是柱其梁之垂於地者 謂柱楣也。」瑶田案《爾 梁,楣謂之梁。 闇。」其注《喪服 楣 以持楹之横木曰梁也。 垂之,西至於地楣 述》明之。倚廬者,廬倚東壁,但 屏,謂楣但結草屏 鄭 「杗廇謂之梁。」蓋言屋之上覆者。 注 云: 楣 闇 四制》「諒闇 謂之梁。 也。 謂 廬 雅》 蔽之。 即 楣不納明,北户 也。 梁 」云:「諒,古作 也 柱 「楣謂之梁。」 廬有梁者,所 初不翦 一楣,所 非 一片 如 後 陂 謂 而 既 而 世 陀 梁

#### 疏食素食説

猶能 者,富室亦不專食稻米。 室食二米飯也: 紐,雜飯也」。 米之稱也。 儉 《説文》:「食,一米也」,「飯,食也」, 也。 雜飯不一米,則飯其一米者 Ш 「雜飯」云者,如今山西人富 雜稻米於小米中爲之,不 西少稻,貧家 蓋唐魏之風,今 無 飯稻米



也;復 讀 稷 大 黍 必深 **豈今北方小米飯對大米飯之云乎?** 此不 也。 身,然豐年亦 者,黍、稷 黍 米」者,明非「雜飯」,而亦非「一粒」之云 也。」食雖一米,必亼衆粒 不使勝食既」。 則「素 大禮》 去 也。 而 」是也。 《説文》又曰:「既,小食也。」引《論 己。 論已。 「食,或説 飯, 余有説詳之。 平生時 》皆加 食」者,對 鄭 疏 食 也。賤者食稷,是疏 若稻 注《玉 食食稷,今則稷食之外可輔 疏食 也。」故 得 饌 食 5,自非 食黍、《良耜》之詩「其 、粱二者,據《聘禮》、《公食 藻》云:「諸 人皀 既 (者,稷 也。」余謂:「平生時 素食,鄭注 上 曰:「食,一 爲 也。」「皀,或説 疏 諸侯,平生 小飯,則食爲大飯 食也,不食稻、粱、 侯日食粱、稻各一簋。」 食」,二「食」字 而爲之,是故「一 云:「素,猶故 米也。」《 食 時 以終其 食 饟 食 語 粒 之 並 伊 説

傳 水旱,莽輙素食。 邑 不 無 之義,蓋 以 節,漸爲降殺。 雖 食 食菜果、糗 稻也。顔師古《匡繆正俗》説: 故 是雖「既練、飯素食」,亦必不食稻也。是 故夫子斥宰我曰:「食夫稻,於女安乎?」 食 以 憑 王 酒 難鄭氏注。不知注據「飯素食」「飯」字 不禁稻、粱,然斷不能如諸侯之日食粱、 ,則宜止 賤 黍。 云「始食菜果」,即 之哉? 也。 過 肉更何待言? 者食稷,豐年兼 失,典 若 指 顔氏又云: 稻 米 於黍、稷。 餌之屬 至 喪不 圃 粱 於 安得 言, 加 居 太 素 無 饌 喪, 非 練 后 食 班 顔 接 得食黍,準之以 豐膽 飲 即 酒 詔 時 書《霍 更 説 云 <sup></sup>王 酒 平. E . . . 肉 便復平生故 何 難 之家 飯 也。 生亦 食肉之謂。況 鄭 忍 莽 光傳》: 素 未諦 素食, 食 今秋幸孰 傳》云:有 平生 據禮 食 安得 稻、粱? 」, 其 謂 時 釋 食? 家 人 爲 人 余 變 旧 食

公幸 矣,豈喫白飯之云乎? 之爲言白也。 可,況以解《喪服》傳乎? 所謂「耆老不徒食」,今俗言 又案《毛詩 以 然不可 是 蓋無功爲空,無佐亦爲空。 時 無 食肉。」據此, 肉 伐檀》「素食」傳,訓 據之以 之食。 余以 爲用此 解《喪 今桑 則《漢書》所云「素 服 闁 釋《詩 業已「食菜果」 》傳之「素食」。 「喫白 素 食,蓋 》,然且不 《王制 「素」爲 飯 」,素 古 遺

記》日 服》傳 去聲。 始飲 食菜果,祥而食肉。 歡粥,朝一溢米,夕一溢米」, 酒者,先 居三年之喪,飲食變除 之法 既 : ,參以《喪大記》,畧備矣。 「既葬 練, 也,初 「始食菜果,飯素 飲 ,疏食水飲,不食菜果。 醴 惟 酒。」然則《 歠 始食肉者,先食乾 粥 直不 喪服 飯 之節, 食」。 既虞,「食 食,已 》傳 初  $\sim$ 據《喪 喪時 喪大 飯 練 加 肉 食 疏 飯 而

> 常,故 食,否 食,亦據 溢米,既虞,疏食,食亦米飯。 後未食肉,明 酒食肉也。 果,祥而食 以菜果而已。 所 疏 食」「食」爲「飼」 喪大記》而其 天子以下 食。 謂 復平 日 則 疏食, 米 「飯素食」也。 兼 平常 生 飯言之。 肉。」明 得 故 專 稷 時 故《喪大記》曰 飯 曰《喪服》 義 食也。 據 之食,皆有牲 讀,不爲「食」讀,申之日 食」也。 黍。 米 乎 益明。 蓋古者名飯 飯 未祥,雖 黍、 丽 然而 練, 平生 傳 言。 賈氏 稷 然後 飯 兼 牢、魚 ]: [練 一時 飯 不食粱肉,佐 以 食之法參以 謂 飯,平生 "惟子 素食,不 飯素食,注 復 爲 其 平生 平 食耳。」 初 腊 而 生時 據 食 卯 時 飲 之 練 菜 稷 :

斯言可謂明辨晳已。

### 儀禮喪服文足徵記七

## 小功卒哭可以取婦取妻説

冠、取 子 以 説之,初非 此 經真. ·, 可 嫁子。 《雜 妻 以 如 記》曰:「大功之末,可 取 父小功之末,可以冠 聚訟。 下殤之小功 難曉者。 婦。 己雖 瑶 田 小 以 河則不 功,既 爲文從字順,依 可。」議 卒 子,可 以 哭, 冠子,可 禮 以 可 者 於 以 嫁

斷

之以

年

月

者

先

王

亦

念夫人之送

死

有

夫喪

服

者,所以

飾人之哀

痛

也

其

必

立中制節焉。

若者隆、若者殺、若者在

隆

喪

而

冠,與

備

行冠禮殊也。」又案鄭氏

注

生有節,故爲之别親

疎貴賤之等,而

矣。 齊衰三月者,「不敢以 故 其 之君子,亦必俯 殺間 者, 然則小功以下爲 窮期也。 也,案《曾子問》曰:「冠子未及期日 記》又曰: 齊衰、大功、小 高 有 成人之服。」 鄭氏注《曾子問》曰:「廢吉禮 隆 日 於可 松之問 ,使皆足以 焉 是故《雜記》之言可 以小功卒哭爲斷 已 不 小功以下爲兄 夫君子之所以爲 耳。 日 미 以 一一一在 據此 之分耶? 若緦 喪冠者,雖 功之喪, 成文理 而就之而 服之殺,則 喪, 則 小 舉 冠而 弟。」曾祖父母,必 功, 兄弟之服服 而 杜 則 可 也。 以 不能遂其哀 後釋之。 三年之喪可 氏《 則 已不行冠禮 因 因 取 至 亦 固 喪 痛 喪 婦、 通 而因 至 情 其 典》范 極 而 而 一於其 之 可 殺 者 冠 冠 喪冠,俱 至尊 雖 所 以 者 矣 言 亦 痛 脩 殺 取 也 而 汪 也 服 從 無 飾 者 冠 妻 因 雜 有 答 何

注異。 説。 俟考云。 加之耶? 豈晉時所見鄭注無「子」字,今本爲後人妄 汪相問答,辨之解之,皆「冠」下無「子」字。 卒哭而可以冠矣。」「冠」下無「子」字,與今 記》注云:「父大功卒哭而可冠子,己大功 父。今鄭同之,謂父及己身俱有大功之 孔氏疏云:「以經文大功據己身 卒哭而可以冠子,小功卒哭 子、嫁子,小功卒哭而可以 也。」瑶田三復注意,疑大功冠子不應復 以冠子,小功卒哭而可以取妻」,是父子同 末、小功之末,故又注云『己大功卒哭 「大功之末」節云:「父大功卒哭而 及披《通典・大小功末冠議》篇引《雜 且引晉傅純、賀循相難答,高崧、范 今據經文立二表,復詳説之,以 取婦 而 可 小 以 己大 功 取 可以冠 妻。」 而 據 其 功 可

为 父 吉 己 또 施 之 小	末之功小父	末之功大
医是马,而有父施公子、马施施之可知,故經文不見「父」字之事,惟有父可施於子之事,小功,情有異施。大功之末,小功,情有異施。大功之末,	可以取城分。	可以嫁子。
短 义 施 。 为, 於 大 服	哭卒功小己	
为区界之,而有交施公子、已施公身之公办区域之可知,故經文不見「父」字。同一小吉之事,惟有父可施於子之事,言子則是己小功,情有異施。大功之末,無已可即己小功,情有異施。大功之末,無已可即之小功,情有異施。	可以取妻。可以取妻,而服下殤小功則不可。	

同,故父必見「父」字,己必見「己」字也。 攻卒哭也 言大功末可以冠子、嫁子,則服齊衰 而有父施於子、己施於身之不

Щ

大功 意當不其然。 之姊妹適人者,子之姑,父之女子子適人者,子之姊妹。 乃得行此冠子、嫁子。所謂己者 子 此二親皆非大疎遠者,必選擇此二人以爲可以冠、嫁,經 者,是非此則不行。 注「必偕祭乃行」句,謂父是大功之末,己亦是大功之末 子,非己身自爲之,故可 但 必 必在 從 終 固 大 喪 不 小功末。 功 而 可 説 後 若 以 起 可 取 取 檢五服中父子同大功者只二人"父 以 婦 婦 且 冠、 冠 ,則子雖小功亦不可,以 也 冠、嫁吉輕,又父施 嫁 嫁 子 也,故言冠 以冠、嫁。《正 ,即子也。 者 在 大功 必 如此乃行 、嫁子, 末, 義 》解 於 則

乎? 注 宫 猶 者 口 Z, 中 在哭無時之限。 蓋 以 者,爲之三月不舉祭。」況 取婦,己可以 小 而 至於卒哭,則喪之大事 未卒哭,則兄弟之殯猶 功 服兄弟之服者,漸以即吉可也。 以 下 爲兄弟,其服本從殺,故 取妻。 《喪服》傳 然亦必至卒哭 畢 在 日 堂,其 有 鄭 服 有 氏 《喪 之 死 主 下 服 親 於 人 後

> 禮 比 於 必 以 其 功服 小 謂 知 功 情 殤 凡 之善物也。 而同之,失聖人制服之意,過情之論,非 特 其 情哀切,而 功 此 者,宜亦當 兄 與 之 之特 小 制 等小功,是凡 弟 凡 小 殤 爲 功, 功, 本 出 小 服 而 制 服 功 後 當 圃 乃 间 非若 殤 娣 以 降 可 如下殤小功之不可 爲 乃舉凡小功之 别。 小 服 小 以 妹 齊 之乎? 功 功,爲之服 凡小功服之乎?不然。 小功,當其降時,即 下殤 出 衰 若荀 服。 適,亦周 親 小功,不忍 若曰:此 特制之下 伯子之難 制 爲 服 小 服 功 之意,欲 周 取 再 再 可 殤 裴 殤 降爲 以 妻。 降者, 也, 小 服 松 凡小 是 别 何 以 不 小 其

小功末謂卒哭,則大功末亦謂卒哭矣。大必在五月之前、三月之後,末即卒哭可知。「卒哭」言。小功五月服除矣,而云末者,大功之末、小功之末二「末」字並指

卒哭, 哭」,是「末」與「卒哭」不異也。 所 蓋 條 也。」 功卒 加 以 以 云 喪之大事 鄭 末 故 哭可云末者 「弔服 金革之事 其注 釋 注 此 即 葛。 畢。」 條 而往 雜 大功之末」,直 記 疏云: 又注《喪大記》大夫士「 鄭 無 一不以 》一大 辟」云 注《喪服》記云: 「葛,謂卒哭後 私喪之末臨兄 夫有 私 輕 喪 云「大功卒 可 之葛」一 以 卒 弟。 也 即 ಿ 既 事 哭

## 喪服小記上下旁殺親畢記

殺 杖 期,父卒齊衰三年。 爲 喪服 期; 九、上殺、 喪服 高祖父母 》明之。 又殺之,爲曾祖父母 小記》曰:「親 下殺、 子爲父,斬 **→** 上殺之,爲祖 、喪服 旁 殺 經不 親 而 衰 以 親 齊衰三月 見其服 = 父母 畢 年。 一爲五 矣。」 父在爲 齊 既 衰 請 以 又 不 不 以 五 母

麻,非 大功; 杖期; 之也。 曾祖 文,精義 曾 減 不 麻。 見其服,亦猶 服,吾又徵之爲 必 見 能 無寧空之,故經不 爲所 孫 其 敢 不 高 由 日月,爲之服齊衰三月。 以 可 古人三十而娶,及期 祖 爲經 徒 後者之 服 又殺之,爲曾孫緦麻。 下殺之,爲 父爲長子斬衰三年,爲衆子 得 月 五月兄弟之 者 之至 限 不 而 III 之 得 不 高祖之年 見者也。 殺之,又不 高祖 也 以 祖 制 過 人 勢, 高 父 適 之不見其服 見 後 又殺 母 祖 月 圃 服 孫 者三. 其 服,故 妻」,以 已 矣。 與 齊衰不杖期 恩殺之分亦 服之,故 之而 服 其 百 可 年條 也。 生子, 越 有 殺 虚 傳亦不 至玄孫,經 祖 曾 制 小 則曾祖 而 抑 中 重 建 + 孫 無 月 功 則 經 其 首, 爲 爲 餘 用 玄 而 齊 得 稱 其 不 而 衰 之服 高 歲 之於 衰 爲 情 不數 傳 孫 庶 而 見 服 矣, 麻 祖 緦 立 其 由 能 見 緦

之服 親 未 蓋 功 祖 又 節 其 寓 所  $\mathbf{H}$ 之,世父母、叔父母不 凡 功,又殺之,族昆弟 之,從父昆弟大 己 跨 及 殺之,族 其 隆 有 祖 祖 而 恩 四 偂 而 殺 疎 變 者 不 以 爲 旁 於殺,義則然矣,又殺之,從祖父母 越,至緦 旁殺 勢亦 上,自 而 也 見 小 殺 輩 之分既 凡三 Ź, 族 功 之,從祖 親 父 不 由 曾 曾 3 屬 爲 曾 母 得 而 變 又 親 祖 祖 畢。 遠 祖 不 咋 昆 緦 殺之,族祖父母 面 功 及 父母 父母 於 旁殺之,見曾祖 祖 跨 弟 親 麻 疎,凡二變 由 、總麻。 昆弟 父 越 世 又 齊 屬 齊衰 面 者 己以 杖期,與 母 大功 叔 衰 殺 畢。 止。 也 亦 父 之,從 三月, 不 上,自 蓋從期 軰 即 不得 母,而 而 杖 蓋 由 亦 由由 爲之小 期 丽 父 父 尊者一體 緦 祖 不跨 父而 則 未 加 一輩,由 親 父 親 遞 麻 殺之之 昆 族 有 又 上,自 屬 殺,無 母 面 及 曾祖 越 旁殺 弟 不 功 旁 畢 止 疎 爲 大 小 殺

於是 輩 昆 緦 功 孫 子 族 服 彼 不 寓 下 尊我,我何足以 弟之子猶子也 父 而 .,自子 弟 麻 服 之大 以 之 父母緦麻 報 以 得 隆 旁 母 之乎? 之曾 人,不 下 親 者 我,我報之以 從 不 於殺之義 殺 爲 蓋 功 跨越 祖 之 於 而 自 由 孫服 M 父 緦 其 得 孫 旁殺之, 我 親 大 服 服 母 麻 更殺 上 又殺之,從祖昆 之曾孫 而 及 一,彼 我,故報之以總麻。 功, 小 小 也。 緦 焉 旁殺 加 亦 疎。 功 功 麻。 之 者 小 然亦止於跨越大 尊焉? 以 稱 7,彼蓋 服 又殺之,從父昆弟之子 昆弟之子 功。 丽 之。 我 凡三 情 止 我 雖 畢 爲 爲 立 於 ,我安得 以 於 昆 與尊 以 文, 從父昆 加 變,畢 緦 故報之以期 昆 斯 弟 孫 從 麻 弟之子, 弗易 弟 不 矣。 者 - 輩 祖 之 之 勢 於 杖 弟 孫 祖 不 之 體 孫 是 功。 期。 由 不 之 殺 以 父 而 道 子 彼 能 孫 親 小 母 於 小 丽 **分,亦** 也 以 爲 功 服 畢 小 庶 由 以 功 蓋 旁 昆

遠 疏《喪 子小 服 下殺補 不見此二人 麻 殺 所憑者 矣。 則 之,似 也 功服 服 從父昆弟之孫 玄孫 是不 在 小記 口 曾 而 服 緦 知喪服空之而不見者,其旨 緦 孫 爲 影以 緦 麻 之服 麻 也。 麻 之外,又爲此二人補 服,以爲經逸之也,故 五 矣, 夫 緦 爲 亦 然 昆 麻 不 九」之義 丽 矣。 弟 得 不 之曾 憑 能 而 從 因《喪 憑之者, 孫 孔 父昆 沖 不 遠 弟之 緦 服 服 之 深 麻 於 緦 以

### 練冠易服附殤述

殤,則 例 例 之麻易之,唯杖 也。 也。 練冠 雜記》曰 知 有 爲 附 父 小 於 母 :「有三年之練冠 功 之喪 殤。」此 屨不易。」 此大 殤 者,小 尚 小 功衰 功殤 功 以 功 練 而 下 附 易 冠 則 爲 練 而 兄 以 兄弟 弟 冠之 附 大 之 之 功

下殤。 親之下 於祖 亦宜 功以 葛。 雖 當附於己之祖 麻 練 嫌 謬 説 緦 廟之必主於尊者 中,變三年之葛,終殤之月 故 者 冠 尚 不 己於緦親之殤 ,其中從上、下之義,先已誤 小功者」,蓋 謂 下殤則否。」今曰練冠附殤,則 不祔乎? 袝 廟 功 미 下 其 不得祔輕殤。 然於其 者。 殤降 輕 ,必尊者主之,故雖 衰 從 殤 爲 殤 者 也。 廟者。 鄭注 在 兄弟之殤。 所當 也。 有 小 其 記 重 如 降 乃 功,及大功親之 大夫爲庶孫小功 然則 則 祔 曰 : 於《喪服》長、中、 服 發 然殤 以 而 在禮 者 例 無服 烏在 爲「大功 者, 丽 也 小 ^ 有 袝 功 服 兄 ,若大夫爲庶孫 必 不 之則 其不 有 烏 親 筭 問 弟 爲 當 重 在 之 之親 (),其  $\Rightarrow$ 而 解,故 之 日 袝 輕 服 其 袝之也? 殤 、殤中 殤 反 : 者, , 而 也 殤 殤 不 降 下 爲 降 是 易 殤長、 服 二以 又袝 殤之 以 其 袝 年之 之中 在 得 殤 在 齊 服 緦 以 説 祖 衰 在 小 E

八

以 又 殤 兄 袝 而 本 功之麻 有 丽 殤 鄭 則 庶子之殤,當室之白 也 冠 冠 曰 所 肄 者,變三 弟 祔 由 練 冠 氏 而 「陰童」。 然余 其 包。 而三年 業 爲 故 殤 袝 冠 既 同 袝 意蓋 不 小 之 袝 之 誤 日 於 年者。 是故 易練 功以下之服名,而 以 而推之,凡一切有事之節必無 之, 丽 通 殤 解 言祔殤之禮,又如是 年 之喪至 謂 爲 也 紬 殤 例 稱陽童某甫,不名 之葛 則 必 上言大功之麻易練 ? 冠 記 繹 服 一,故曰 也 兄十九而 小功之麻 如是, 也, 之, 人之意 中從 夫 是是 於練冠,則 言 「陽童」。若宗子殤祭之於奥 如 兩記 服 也。 上、下之説, 殤之當 乃 是 問 不 得 死,己 雖 蓋 則 下言  $\forall$ 如 冠 曰 所 互相 不 是 | 祔者 是 亦 而 神 易其 謂 其 記 冠 兄 明 袝 可 也 麻麻 足, 冠 鄭 也 也 弟 年 又不 其 以 不 而 練 重 之 之 則 中 抑 兄 因 兄 祔 可 實 也 謂 或 殤 有 之 以 小 復 余 喪 爲 殤 不 練 祭

殤」, 衰」, 言 此 祭 然 弟 =額 則 曰 日 日 冠 免 廢 有三年之練 亦亦 未 有 年 之 : 則 既 者。」既 者 如之何? 未 唯 2殤當 練 而 ~ 葬 所 喪 明 葬 絰 如 易其 練 杖 冠而 時 不 服 不 未 不 皆 期 而 屨 日「有 問》所 葬 也 行 行 練 袝 易 緦 年 功 有 袝兄 不 矣, 而 功衰, 而 衰也 得 曰 : 小 之喪,則 冠」, 而 而 則 易 受 得 行 功 況 謂 練冠」,然必言「練 非 於 而己三年之喪 弟之殤,其 斯禮也,余未之聞 服 行 之 3 小 於 前喪之祭者矣。 未 其 而 明 亦不 下言「有父母 時 前 經 輕 練 未 不 既 所 功 也, 喪 喪 ·曰「尚 時 葬 額 易 不 易 是 練 之袝 練祥 也。 易 義 練 者 其 也 雖 祥之祭 喪 則 冠 非 練祥 功 前 乎 皆 未 猶 之 然矣 是 但 衰 也 之喪 ? 喪 練, 行者,是 未 練 冠 故 皆行 易 也。 練 也。 雜 練 雖 冠 祥 問 E 袝 其 則 如 尚 記 也 之 雖 既 兄 者 於 功 練 必 如 禮 既 袝,而 衰葛 有 則 時 親 或 祥 葬有不報虞者矣。《喪服 也 葬 不 者 未 期 面 一,余固 遠 卒哭; 經 而 孫 親 練、當爲子若昆弟之子袝、而 己 輕殤之祔祭必不可以 一
袝
期 矣。 袝者矣。 死 不 猶 即 ,猶是附 未之聞 準以 未 不卒哭,則 祔者 親於祖矣。若夫兄弟 練,夫袝兄弟之殤 《雜記 練祥之祭 於王父也。」是己於 而 況 W E 不 於殤 袝。 小記》云。 :「王父死, 有 乎? 或緩乎? 緩 是 成 殺 而 不報虞, 人之喪 然 於 之 得 不 而 行 袝 殤 以 父 未 斯 且 之 當 期 邨 疏 練

### 君薨世子生哭踊衰杖説

入門。 日,少 師奉 曾 子升自 子 子 問 以 》篇言: 西 衰, 階 殯 祝 先, 前 君 北 子 薨 画。 從 而 世 宰宗人 祝 子 日 生。 : 從, 「某

踊,不 儀。 德求 備禮 彼幼 杖。 夫聖 後 不踊 正其 之子 不能備禮 日 氏 者 子 曰:「奉子者拜,哭。」專見此以 責 踊 成服杖之義 又云「踊,襲衰杖,成子禮也」者,蓋言 爲之也。 彼 備於中材,故成人 ? 弱 以 杖之禮,然皆奉子者爲之,若子則 襲 不杖 某, 世子爲繼體之君,雖始生不能杖, 杖,不菲,不廬。」鄭注云:「未成人 、之教, 雖 已大異乎人矣 成 然天下多中材 衰 從 小 人禮 也。」夫未成人者,未冠也。 也。 杖。」凡 故鄭氏於「拜,稽顙,哭」釋之 執 弱 十年 焉。 也。 也 事 (雑記 , , 敢 ൬ 所 將 童子不杖,童子當室 出 豈 稱 見。』子 》:「童子哭不偯, ,豈必至於冠 由 不 以 就 ,聖人不 子 夫上智者 識 年二十爲 外 云云者,皆 不 傅, 拜 明例也 知之人 朝 以 稽 與? 夕 上 斷 mi 顙 學幼 (哉? 智之 哭。 後 冠 奉子 若 者 能 不 當 則 而 固 則 鄭

喪》曰 得 袒。 乎? 猶之乎子之袒、襲,故記於少師之所爲,皆 爲 者爲之。 世 不能 辟 皇氏説非。」余謂哭也、 疏 也」,故曰「踊, 者,故曰「凡稱子云云者,皆奉子者 室者,成人也。 象、學射御 至 之。 子 不 日 踊之節, 於十有三年,學 生而 袒 :「當子踊 皇氏言子踊 不當室,則 然天 :「童子 ,安得不 何 襲無 也 爲 下 矣。 必不 ? 繼 無 當 不 襲衰 時 成人而有不踊不杖者乎? 豈於父母之喪,必 體之君, 少 襲 始 亦不能不杖。 能 室 先 不 亦 乎? 師 樂、誦詩、 生而 則 病、不能 袒 袒。 袒。 杖,成子禮也」。 固 杖。」童子而 踊也、杖也、皆奉子 則 衰 不 能 丽 奉子者之袒、襲, 注 袒 以 袒 杖、能 云『襲』, 有 杖乎? 與襲 奉子 一,何得 舞勺, 不 何 踊 亦奉子者 哭、 矣, 也 爲 成 不 不能 有 明 故《問 ? 孤 孔氏 爲 能 夫安 杖 童 襲 初 子, 之 者 時 踊 循 舞

> 未 能 苴 子以衰之謂,「人爲之拜」, 衰 哭之謂。 質言子以明之。《喪大記》曰 得 加 絰 抱之,人爲之拜。」「以衰 其審 於其身? 大 扇 安 然則 也 能 衰經 皇氏説固非、孔氏難之、亦 加 於 亦非始生之子所 其首? 即 抱之」,即 即要絰 此奉子 子 幼 能 亦安 者 此 則 勝, 拜 以

### 殯斂成服杖數日不同説

襲; 也 數 注 日 日」是也。 《七喪禮》:「二日 云 :而后 厥 此天下之通義。 朔 曲 分小 斂」、《檀弓》所謂 與 禮 斂; 殯斂 **\*** 猶 又 厥 以 數 生 明, ,成服,杖。」鄭 死 也 與 大 Ħ 來 喪三日而殯」: 自天子達於庶人,其 斂 數 謂 日 丽 死 也。」《士喪 殯 成 服 注 與 即 杖 「既殯之明 往 常問 皆於死者三日 以 日 喪 禮 死 \_\_\_ 所 明 鄭 謂 日 死 全 日, H 氏 死

《箴膏肓》曰: 大夫以 舉 殯則曰 「五 之,故於士三日 余謂如鄭氏説,豈《春秋》不足據耶? 故鄭又云:「人君 數死月死日。 遂謂 以 殯,天子七日而殯,見於《王制》者, 大夫之三日殯 日」者也。 大記》「士之喪,二日 日之朝既殯」、「君之喪,五 喪大記》所數者,授杖之日,所謂「生與來 别之,並爲 事之日不同, 殯、斂以死 大夫、士、庶人三日 上,皆以 日既 「禮、人君之喪、殯、葬皆數 於是 若春秋之時,天子、諸侯之葬,皆數死月。」 殯數來日 死 則 來 日數,爲士禮貶於大夫者。 殯」。 與 並 殯 而 日 日數。孔氏《王制》疏引鄭氏 則 其 往 其 「三日既殯」,君之五 ,葬數往 而殯」、「大夫之喪,三 殯之日,亦 三二日 日 數日之法無不同 易「而 也。 而 殯,諸侯 日 日既 鄭氏 殆不然矣。 殯」言「既 據 面 來 《春秋 殯 從 殯」之文, 月 誤解《 來 來 無 五 日 》爲説。」 不 而 日 異 日 殯 也 士 數 喪 H 於 知 辭 而

之法。 者,猶 杖」者,「三日之朝」下省「既殯」二字,而 喪,二日而 杖」,承上「既殯」之文而言之也。 喪,三日之朝 未殯之前,或在 必云「既殯」者,欲 五日之節,不合間 授大夫、世婦杖。」欲見授杖之日有三日 日」之例 日 並從「生與來日」以 二日 曰:「君之喪,三日子、夫人杖,五日既 二日而 而殯」二字屬「二日」下,變文協 數 牽 mi 昨日 又以見上所言「五 殯」之文,則 以 連 殯」,「五 殯,三日之朝,主人杖,婦 數 殯之云 丽 殯 及 既 既殯之後 日,意 於 殯,主人、主婦、 日 見 以 殯,遂 也。 立言。 既 所 人君禮大,授杖 四 殯 謂 固 然則 日  $\equiv$ 不 不 日既 猶 也。 蓋所數者,杖之 而 主 得 準 之 日 殯 一於殯 用「死 殯」、「三日 之言, 曰「大 既 四 以「士之喪 義,修 殯 日 室老 日「士之 也。 而 猶之 夫之 與往 或在 人皆 圃 故 又

既 殯 非 五. 日 圃 殯、三日 丽 殯之云, 蓋

數

łi.

日之義。 三日,實於死者爲四 來 H 爲五 而所謂「二日而殯」者,亦 日<sub>,</sub> 實於死 者爲六日; 日,主於欲 見 數來 生 數 日 數 來 爲

而 來 殯 日以立言。 也 夫然後知古人之文一字不可 若數往日,實於死者爲三 假 日

相

承

借 如 此。 因以 嘆 古人立言比於立德、立

功 如 ,謂之不朽。 日月之懸象著明者也。 其立言之法,亦不憑解説,

#### 述 殯

殯, 菆 之間 凡柩自外 夏后氏殯 周 夫殯之説,記 塗龍 來 人殯 者,正棺 輴 以 於 於東階之上,殷人殯於 掉,加 西階之上。 於 兩楹 言 之綦 斧椁上,畢塗屋,諸 之間 ,因殯焉。」天子之 詳矣。《 鄭氏《雜記》注 檀 兩楹 弓》

卒殯,斯謂

之殯矣,故

日

哭殯」。

喪大

殯而

歸

也

《聘

禮

》:「君弔,卒殯。

賓卒殯,乃歸。」

《士喪禮》: 梁傳·僖九年》「背殯而 殯。 百人。 人,及兄弟北 而塗之也。」《説文》:「殯,死在棺,將葬柩,賓遇之。」《穀 有數」注:「塗木曰殯。」劉熙《釋名》:「於西壁下塗之曰 幬之,不名爲殯 乃名之爲殯,則苟未嘗 菆之、塗之、屋之、 諸侯車殯,大夫欑塗,土瘞。」尊卑之差也。」夫 菆之、 不 塗之、屋之、幬之,是殯之也。 必如是而後 也。」故棺在車上,車在舟中。 通》曰: 《稽命徵》曰: 「天子舟車 大記》曰:「大夫之殯以幬,欑至於西序,塗 侯之殯, 暨於棺。 殯,賓也。賓客遇之, 言稍遠也。 紼者,人所牽持棺者也。 用 輴欑 卒塗,賓出,主人拜送於門外 士之殯見衽,塗上帷之。」《白 面 「哭殯。 也。 出注 章昭《楚國語》「哀殯喪,於是 至於上,畢 臣子更執縛,晝夜常千二 夫賓之出,所 「欑木如椁,塗之曰 故禮曰: 殯 塗 何爲? 『天子舟車殯 欑 塗 ( ) 攢 屋 避水火 木於上 卒

912

之前 葬者 H 也。 者、 前,北面哭」, 記》日 之見柩 曰「君於大夫在殯,三往焉" 公子札曰:「君又在殯。」《史記·泰伯世家》注: 塗之後,啟之前,謂之「在殯」。 曰「有殯,聞 委衣於殯東」,曰 賈逵日 檀弓》曰「有殯,聞遠兄弟之喪」、《雜記 **賵者,既殯而來也,則**曰 是也。 禮 鄉殯」 則日 7,有事 荀子• : 論篇》又曰: 焉,不謂 「言衛君獻公棺。 哭 「不及殯」。 禮論篇 奔喪者至於家,則曰「殯東,西面 獻材者,則曰「於殯門外」, 馬皆日 自居 殯 外喪」是 則 執圭,坐委於殯東南隅」, 「三月之殯何也? 杖,哭 喪者言之,謂之「有殯」。 之殯,故 「殯」。 「殯久不過七十日 執璧; 也。 在殯未葬。」」《喪 柩 在禮,未 則 日 主人往兆歸,則曰 故凡塗之後、啟 輯 坐委於殯東南」, 士在殯, 壹往 哭 杖。」 《左傳》: 티 : 柩 當有 其有含者、襚 速不 將葬 大之也,重 凡將命,則 也 哭」。 大記 損 異 五 「殯 E 故 啟 日

阜,惠 沃。 問》 棺 爲將殯。 館、至於廟門、大夫、士至於家、皆適所殯 子少孤,不知其墓,殯於五父之衢。《曾子 實既復命,往卒殯,乃歸。 卒復命,出,奉柩送之,君弔,卒殯, 野 謂道矣。」韓文《改葬服議》: 事,事足以容成,成足以容文,文足以容備。 故天子七月,諸侯五月,大夫、士三月,皆使其須足以容 之也,所致隆也,所致親 面 曰 Œ 也。出 ,則謂之葬。《聘禮》曰:賓人竟而死,歸,介 歸丘陵也。 • 義》曰: 터 : 「薨於乾侯」。 一共 注云:"「殯, 窆棺也。」《釋文》:"「窆, 一本作塗。」 叔 《左傳》曰:晉文公卒,將殯於 、殯服 絳。 君 取 「殯則攢置于西序,亦是下棺于地,故殯爲穸 先王恐其不文也,是以繇其期,足之日也 出 而 公孫敖卒於齊, 。」《雜記》曰:諸侯行 殯之。 疆,薨,其人如之何? 定公元年六月癸亥,喪 也。 昭公三十二年十二 「殯於堂,則謂之殯, 將舉措之,遷徙之,離 《檀弓》曰:「孔 飾棺、置於堂 曲容備 而 介死, 孔 死於 瘞於 物 官 曲 之 室

ħ.

作階 乃 卒 棺 卒殯 矣。 斂 既 乃曰 往 地 此 至 殯,大斂也。」考之《喪大記 以尸入棺 君若 主人 奠 焉。」夫大斂云者,視斂也。 往 皆 復 加 異 而 乃 加 蓋 矣 升 而 而 有異焉 蓋 戊 加 有賜焉 奉尸 斂。 以 君 後 蓋 뻾 ,殯之不繫於斂章矣。 棺 辰 蓋 棺在 名斂,亦名殯也。」《淮 往 君 出 久 ,定公即 視之者,明斂 而 焉 斂 至 君 不視殯 間當略 而 至 一建中 於 則視斂。」其 者, 後 夫 撫 及 於士,既 棺 君 殯 視 而 斂尸焉,所謂 位 視 視 焉 塗 降,主人乃奉尸,斂 也。 殯 非 而言之。 斂 者也。 蓋 與 也。 君 殯 里 ] 》曰: 殯而 南子 故《士 未 殯 也 升 視 心 殯, 了, 即 異 既殯 降 斂 其 往 **企**士 視斂則視殯 「於外命 而 要畧篇》注 殯 而 事 也,君 喪 時 弗 ,爲之賜大 (也。」疏 位 鄭 丽 論者之説 ',以 圃 禮 喪 異 即 · , 卒 氏 至 往 禮 **>** 矣 位 之注 加 於 升 曰 了,其 婦 굸 也 立 淦 於

皆殯 於西 相 爲 與記 綴 與 殯 以 此 反錯見於大斂之前。 知大斂之奠 視斂,或不視斂, 爲 檀弓》 既殯」後 加加 錯 即 殯之始。 於卒斂之下,又遷 殯也,相 」矣,烏又别之曰 加 又皆不見「殯」字,此所以以卒斂之 階 蓋 所謂「爲之賜」者。 節 蓋 事 孔 之前 日 之上。「 也 而 有 子 者 承以 出 「公爲 曰 所 在卒 爲殯 ൬ 也。 故 便, 謂 其 不 能 既 有 塗之後,此 列則 掘 奉尸、斂於棺爲殯也,不 亦以 記 與 視 動 加 事 既 肂 執干戈以 斂 其 日 蓋 其 者 於 而 斂、殯 加蓋 見 嬖 加 外 大 也 多 有 加 衽 僮 蓋 爲 斂 命 君 連 故 蓋 一,爲 斂事之錯出 爲之節 汪 相 將 之 婦 視 而 乎 及 衛社稷,可 丽 錡 禮 殯 斂 承 將 位 ? 當 斂 避忌焉, 至 乘 則 故 前 一,卒事 殯 之始 棺 正言 大斂 也。 若 然 皆 也 加 行 不 矣。 깷 既 而 於 事 待 如 或

死

不葬

柄 流 面

故襲《管子》諸書足成 七日,尸蟲出於户。 殯爲棺。《左傳》曰:十月乙亥,齊桓公卒。 夫棺之、殯之,兩 行道之人弗之改 也。《大戴禮》云: 十二月乙亥赴,辛巳夜殯。 公死七日不斂,九月不葬。《説苑 赴,辛巳夜斂 桓公之死,葬以楊門之扇。 「桓公蟲流 蟲出户。一夫既 吕氏春秋 一此可 :「宫中空,莫敢棺。 不得 下 蓋以 殤 見 以 出尸而不葬。」然《管子・戒》篇則 楊 棺 「身死不葬,而爲天下笑。」而《 斂 門 殤 事也 知節》篇:蒙衣袂而 斂 焉。 之扇,三月 殯。」司 則 以殯爲棺,則必以 而 於 十二月乙亥,無詭 不 其説 棺 宫中, 殤者 之 殯。 以 馬 爲 不葬。 • 尊賢》篇:「桓公身 棺 身死十 如 未嘗言其未 不 氏 殯 自 此 爲 今殯,是 尸在床六十 殯,未嘗不 以 殯,則 之 周 《韓 ,誤矣。 絶乎壽宫,蟲 一月,蟲 殯 公以 也明矣。 非 爲 子 更殯 必以 弗 立, 來, 出 《管 棺 굸 史 棺 以 户 禮粗 喪,不 殯,五 是以 於市 求得 赴同 是遷 注 於是景公求 以家亂 弑 注 其 爲 國 云 易棺。 莊 更殯爲易棺矣,不然也。 成 亂 側瘞埋 以示 1月而 公 而 ^ 而 自

記》乃曰

爲

殤

矣。

棺,然則

殤

也

0

子》書:

不收。 出於户

上

乃棺

里。二二十八年,「 亦賊立之,故 君光。』《左傳》曰 未也。《春秋》不見蓋未更赴。 崔杼之柩 赴於同, ,是之謂 更殯之於路 側之葬之,皆賊 之,不 春 或 後葬,爲同 加 經死, 殯之於廟,三月 1秋》襄 人 亦不 發 得之, 同 殯 更殯。 也。 圃 齊 於 盟 而未 : 戮 廟。」丁 公二十五 能 人遷 亦 崔氏 則 杜 寢。」蓋 之,而即 討 盟之可盡至也。 必 可 更殯 氏 得其尸以爲戮 賊。 爲之。景公之立 無 莊公殯 未, 以 以 側 至者也。 Œ 諸 矣, 爲 圃 其 葬 莊 年 然 以 厥 莊 葬 侯之喪, 諸 於莊公之 公於北 乃 於大寢 其 罪 而 「崔 公之棺 土 以 棺 殯 不 矣。 孫 及賊 其 尸之 廟 知 杼 也 所 其 於 之 之 既 君 弑

《韓詩外傳》

棺 柩 葬 同。 以 記 禮》,棺、柩 居 所 不袝 寢,寢謂 謂 而貴之,彌 室足矣。」 凡夫人不薨於寢 日 ,更殯也,更殯豈必易 進 大 至 在 至於廟 不殯 1柩。」 謂 其 ,彌子瑕 . 【謂之廟。」孔沖遠《檀弓》疏中引之。 於姑,則 史 於 所 無 無事 然則塗柩曰 於 廟 小寢。 衛 、殯三字不相假借。 祖 廟 子瑕退之, 謂 前 廟 君 不 考之 且 也。」皆 《襄公四 不 廟 者,因 問 肖 死 不得謂之殯於 弗 其故 辟 而 祖 不 謂 殯,去塗曰啟矣。 廟 不 致 廟 其子 徙殯於正 能 ,子以 考之 殯於 棺耶? 年》:「定姒薨,不 與 而失其指矣。《 而 也。」服 ,不殯於廟,不赴於同 門。」《檀弓 退。 此 日 後 父言聞 《問喪》云: 廟,廟 死 同 廟。 行 「我數言 不當居 且 堂, 義。 氏 廟 以 成禮 於君。 所 是 謂 云 殯 ×. 殷 杜 喪 遽 謂 「在 殯宫, 朝 案 殯於廟。」杜 īfīj 爲 伯 朝 Œ 氏 乃 调 《喪服 不不 後去。」徙 也 牀 儀 左 棺 玉 而 喪 以 召 一之賢 廟  $\Box$ 禮 [傳》: 遽 薨 殯 一戶,在 以《周 朝 爲 不 鬼 則 伯 我 而 於 將 慮 則 不 神 於 所 小 不

> 上 不 不 時,文宜與 祖 薨 袝亦不致。 周 於寢 朝 而 一袝 則 遂 不殯 葬。 若以 姑 廟 相 今考其言之次 殯 不 屬, 廟 爲 赴 不 朝 同。 當 祖 在 及 一赴 則 第 其 朝葬 同一之 葬 蓋 也 同 謂

之。」瑶 子 曰 殯 成 班 寝、杜 漢 氏 田 書 承漢世譌 案:《檀弓》言葬 氏 哀 之殯 帝 本 在 繆也 紀 西階 Ē 下, 此 日 請 言殯 合 葬 昔 呼 而 季 許 武

## 殯朝葬載柩設紼屬引異制述

播 爲 柳 曰 地 榆 曰:「天子龍 於引輔車 子鞼之喪,哀公欲設 沈,故設 天子、諸 十滑。二二 撥 侯 輴 殯 注: 臣 而 以 以 椁 者 輴 幬 水澆 謂 撥。 則 諸  $\equiv$ 家。 榆 設 設 白 侯 紼 撥 皮之汁 廢 朝 則 輴 m 設 設 拂。 檀 有 急以 幬 顔

載

板

所

用

之

紼

而

屬

於柩

車

者

則

謂

之

引

也

柩

車

者

 $\sim$ 

周

禮

謂

之

蜃

車

也

 $\wedge$ 

地

夫

以

Ŀ

用

輴

故

并言之。」

此

所

謂

紼

朝

廟

鄉之衆 綍 ; 紼。 引也 引 通。 行 禮 謂 用 記 地 注 道 其所著之紼 官 車 力也 引 同 葬之車, 而 野 云 云 一,載 . 大夫 故《 蓋 行,有 遂 耳 喪 朝 役 庶, 及 「引」、「 車 柩 師 廟 蜃 然「引」即「練 遂 雜記》云: 執引者三百  $\wedge$ 車 **×** 廟 索 Œ 地官 車, 室, 屬其 日 匠 似 自天子 謂 中 也。 柩 : 納 之引。 於蜃,因 周 柩 抱 紼」二字 日 . 後 六引。」 大喪, 車 路 磨,共 禮》謂之蜃 大司 綍, 六 諸侯 達於士,並 於 厥 也 鄉 人。 故《既 在 也也 階 明 使 徒》云: 主 丘 鄭 取 對 柩 塗 間 請 帥 紼 執 籠 鄭 六 司 名焉。」 文 路 日 其 祖 夕禮 農云:「六 車 及 綍 氏 引 則 見 載 屬 引 鄭 「大喪,帥 蜃 注 Ŧi. 用 異 日 繩 柳 以 氏 然 云: 在 車 分散 互言 百 蜃 側 體 謂 幄 遂 注 則 四 之 車 乃 帝 先 主 既 文 引 輪 載 云 鄭 之。 綍 也 載 則 四 六 見 勺 柩 氏 : 泊

東。

鄭

氏

注

云

軸

狀

如

轉

轔

刻

兩

頭

爲

遷

於

祖

用

軸

記

日

輁

軸

饌

於

西

階

• 輴

輁

軸

大

夫以

F

皆

載

以

 $\wedge$ 

既

夕

禮

 $\Box$ 

輴

故

不

設

紼

至

啟

面

朝

廟

則

士

載

柩

於

專

備

以

引

殯宫

之輔

車

也。

士、大夫

殯

無

紼

加

行

事。」言天子

殯

乃

設

紼

也

是紼

也

之不

中

者

也

言

不

廢

輴

者

乃

設

紼

也

 $\pm$ 

制

喪三

年

不祭

唯

祭

天

地

社

稷

爲

越

軹

輁

狀

如

長

牀

穿

桯

前

後

著

金

m

歸

軸

以

龍

。」《士喪

禮》

注

굸

:

輁,

狀

如

牀

軸

其

輪

輓

而

行

0

至

是

則

士

大夫

皆屬

紼

故

既

夕

禮

屬

引

注

 $\Box$ 

:

引

所

以

引

柩

車

在

軸

輴

日

紼

疏

굸

士

朝

廟

用

軸

大

;

焉

大

大夫、諸

侯

有

四

周

謂

之

輔,

天

子

畫

之

一五七

五八

者,謂 文誤 輇。 碑 君 云: 引 中。 輴 云 虎 與?」疏謂千人無正文,以《雜記》約之。 耑帥 大 綍。」 鄭氏 喪,帥六遂之役 大 通 葬 可 者,屬 夫、 夫 臣子更 載 影 讀从《雜記》之文。 士 爲「國」。 用 知 以 與説也。 蜃 載 廢 《稽 士: 葬 輴 車 天子、諸 與 皆 於 輴 (執紼,晝夜常千二百人。」凡此 用 命徴 四四 蓋 注 行 説 屋 或 鄭 此 \(\frac{1}{2}\) 至 ¥ 綍二碑; 用 時 輇 綍。」 車 車 言 氏 壙 綍旁六,執之者天子其千人 也。 者也。 而 侯殯 車,柩 約 乃 輔, 天子舟 致之。 綍, 説 「輇」字 而 塗中引柩,鄉 綍 地 皆 時 大夫葬 舉 知 官 無 更復 車 又鄭氏《 用 車殯,棺 當 之。 碑。 棺 • 也。 或 及葬,帥 輴 爲 索 遂 載 作「團」, 車 用輔 ^ 載 也。 鄭 在 師 以 人》 喪大 ·, 明 在 以 車 帥 瑶田 氏 所 龍 遂 棺 Ė 之,故遂人 <u>.</u> 輇 葬 葬舉 注 謂 而 輴 日辞 記 師 案:《白 車 車 是以 時 屬 曰 綍 在 之 用 疏 注 與 棺 六 大 舟

隧。 紐 大夫、士, 木 縱 負 鹿 之緘,又樹碑於壙之前 緘。 注 麻,始用葛茀。」注云:「茀,所以引柩 綍 去 葬則以下棺。」故《喪大記》又曰:「凡封· 連言之。」據此 行 下 <del>芸</del> 横 引 盧 也。 碑 出 道 於棺 今齊 貫 之 舒 凡 負引 0 日 「封,《 《左傳》作 滅耳, 滅耳者, 豈謂每 時 柩 縱 此 引, 上可 君封 也。 之, 時 車 旁 至 謂 令横 棺 及 牽 周 備 壙 (壙,説 棺 衡,平 「茀」。 下室,使輓 ,則窆時 禮 緘 貫 以 將 失 束 以 》作室,下棺 窓又 而 衡,大夫、 脱 爲 **©**宣 木 己。 與? 也。 也。 載 緘 八年》 下棺 日 後,以 除 繩 東於棺兩邊結皮爲耳 者皆 禮 綍, 0 居 人 用 飾 士以 所執 殯 紼 「冬,葬敬 君 據 旁 唯 也。 而 紼 繫 而 則有之以 之 持 去 此 設 天 繞 屬 者又 紼 咸。」 喪, 碑 咸 而 碑 子 則 碑 紼 而 、嬴、早 者 平之。 又 葬 間 説 繞 於 讀 鄭 用 謂 是 備 載 有 以 謂 之 柩 爲 氏 綍 火 之 以 要 如 無

者,脱其紼

也

屬

紼

於

柩之緘者,

即

以

所

與?

天子至

壙

脱

蜃

車

復

載

龍

輴

亦

還

用

子、諸

侯殯

時

用

輴

倘

即

用

其

輴

以

朝

廟

紼引之或設

了,或

屬

或

脱

可

知

其畧矣。

天

中。

於此

之

時

用

碑

繂

也

合數

條觀之,

乃

屬

紼

於

棺之縅,

從

E

而下

棺,人於椁之

壙

説

面

載

以

龍

輴

從

羨

道

而

至方

中

椁,於其

方

中

南

畔

爲

羨

道

以

蜃

車

載

柩

至

壙

, ,

漢

書》

謂

之方

中。

又

方

中

之

内

先

所

以

用

碑

者。

凡天子之葬,掘

地

以

爲

方

碑

也

案《

春

秋

》,天子

有隧

以

羨

道下棺

其

殯

輴

與

諸

侯

葬

無

羨

道

則

脱

蜃

車

即

### 葬北方北首説

視

豐

碑

家

視

桓

楹

鄭

氏

注

云

:

天子

繂

四

碑

諸

侯

四

繂

碑

,大夫二繂二碑,

士:

脱

之

紼

轉

而

屬

之

於緘

也

《檀

弓》:

「公室

大記

×X

君

四

繂

碑。

故

知

天

子

六

繂

四

四

碑

者,案《周

禮

\*

「大喪,屬其六引。」《

喪

繂

無

碑。

孔

疏

云

繂

即

紼也。

天子六

繂

斂衾。 待之? 東。 疾 幽 猶 哉 广 乎 禮 而 如是,其之幽 病 猶若其 得 绌 1 焉,失之矣,於斯 也 其記 見其 冥,人子於此 ,之幽之故 云 故北 檀 屬 奠 爾 是 弓 纊 生也, 八脯 日 棺 方、北 0 \* 故 以 也。 醢  $\wedge$ 焉 士 殯 士 俟 葬 何 也。」之 處 猶 而 醴 喪 絶 首,先王之制 得 敢以「 於 適寢 已矣。 無 禮 酒 南 氣 見其 北 可 ₩ E 爲 首 升 方、 ,寢東首於北 如 甚。」 幽 鬼神 乃 棺 自 不 若 何, 卒, 者 死 北 作階,奠 以 果且 夫 魄 如 尚 於適 首 故 葬 設牀 其 未 得 坳 日 體 禮 親 室 闇」之義 見 葬 奈 以 往 代 第, 爲「之 無無 墉 其 于 之 爲 反 之達 而 下。 當 子 用 誠 何 而

之。 下堂 間。 祖 于 聲三、啟三; 南首 也。 祝 當尸 之文考其 内,大斂于 皆言始 受貝,奠于尸西。」注云: 南 牖 腢 兩 執 首 期 注 楹間 矣。 設 載於車。」據此、載亦北首也。 疏 如 巾 也。 肩 肩 云 日 枕 從 死 商 頭 云 頭 側 車  $\sim$ 南 祝之事 入,當牖 也。 也。」 及 事位,於尸皆南首, 遷 士 載 作階,殯于客位。 注云: 拂 乃 既 首 在堂 尸 喪 柩 載。 夕哭, 柩 也 疏 據 0 車。」 禮》於飯含之節 位,則尸 此, 云 北 即 遷于祖 其記曰 北 是時 注 由 牀 首,今卻 面 請 疾 「尸南首, 是 云: 而 ,徹枕,設 當牖 寢東首,始 啟 柩 而 奠,當 南首 升 既 襲, 期 北 Œ 舉 下 柩 首。」質明 自 北 於柩 據《 柩 而 明 遂 腢 以 夙 西 則 面,值 又曰 矣。 巾,徹 卻 小斂 匠納 足鄉 興, 1: 階 在 夫正 亦 死 下 注 正, 正 喪 牀 車 戸南 遷 而 商 無 于 凡 清請 禮》 云 於階 楔, 前 東 户 柩 此 P 載 柩 祝 不

然後 於此,焉 首之禮, 窮 以 也 然 纊 死不能不 死 妣 南 商 始 于 順 商祝 不窮。 で、」是は 襲 二馬 致 首 祝 矣,窮之至 而 絶 死 楹 其不 北 也。 猶 氣 間 御 者之孝 也,小斂、大斂 御 而 首焉 祖 得 柩 及 得而 然 之 已矣。 柩 葬也。 然 夫然後 窮之思 載 乃 爲 見 而 幽 所 呵 行 乃 其 行 心 柩 猶 不窮? 矣。 矣, 必有 於於 始, 祖 于 柩 得 今夫. 謂 是故親疾 非「之幽」之義。 行 無 者 階 見其 先 也。 「葬于北 是 猶 注云: 窮者, 復 如 而 間 也, 王 人子之於 出 還 必必 鄉 P 至 此 故 乃 官 車 丽 殯 明 止矣。 也 于 未 則親 爲 至于 北 至死不窮也,爲 丽 南 之日 方、 壙, 還 也,皆 ; 之制 葬 首 病 首 再 車 以 其 北 至 邦 者 不 也 窮 至于 鄉 門,無 北 南 前 能 親 首 壙 於 窮於屬 故 外 以 方、 首 蓋棺 也 」、「之 乃 不 厥 遷 葬 爲 下 朝 一, 所 室, 死, 明, 北 而 P 經 祖

然

### 廟主稱字議

所諱 哭 薨,卒哭而祔,祔而 四 重,既虞而埋之,乃後作主。] 孔疏云: [《士 也。」鄭注云:「始死 禘於廟。」杜注 而 上,不通於卿、大夫。」《檀弓》曰:「重,主道 十四四 乃 問 諱。 乎?」謹案:《春秋左氏傳》曰:「凡 廟主於其姨子 從 豐潤縣令,聞赴,致其官,將奔喪 年 母 『有重無主。』此云『重,主道』者,據 之夫 書之主,將 夏 四 云: 月 默 廿二 庵 瑶 「凡言君者,謂 作主,特祀於主,蒸嘗 先生,年八十四,乾 未作主,以 稱 田 日 字 卒於家。 乎 且 ? 日 :「在禮 重主其神。 抑 其 諸 猶 侯 稱 孤 卒 君 以 其 應 隆

其 唯遺 作 云:「小喪,卿大夫也。」卿大夫言賜諡,明諸侯可知。」是 義》:「《白虎通》云:「君薨請諡,世子赴告於天子,天子 曰 帥瞽而廞,作匶,諡。 據此,則 氏 誄於天子,天子乃使太史賜之諡。」4氏《正 主,著其 郊,若云受之於天然。」《周官 云 帝。」《曾子問》曰:「天子 曷稱乎?《曲禮》曰:「措之廟,立之主,曰 禮、天子、諸侯 大夫不禘祫,無 天子、諸侯有主者言之,卿、大夫無主。」鄭 主 :「諸侯 廟主亦宜 注《祭法》曰: 大夫會葬而諡之。』《大史職》云:「小喪,賜諡。」鄭 「《春秋公羊》説,以爲 者 也 (所諡 相誄, 稱之以諡矣。 鄭 日 氏 始作主也。 主 唯天子、諸侯有主,禘 非 ^ 某 駮 爾。 禮 帝 異義》:《公羊》説: 也。」注云:「禮當 與? 由 ,稱天 若夫大夫,固不 是言之,周 周 讀 然則天子之主 禮 大師 誄 曾 而誄之。」注 於天子 制 子問》 職》 諡 公之 於南 大 祫 喪 又 廟

矣。 兄弟 書字,於易名之禮庶有合與? 所諱,則 者,孝子之主 尸,而作主,又非 禮也者,三王之所不相 大夫、士無 袝 字。」童子無字,以不名之故而爲之造字。 云:「某甫,且 是言之,大夫之 殤 且然, 之殤 稱字,非 不 稱 口 不 圃 陽 惟 耳。 作主 繫 況 字也。 1、童某 稱 心 子 士 功令 一者。 爲 有 也。 孫 於 諡 然 之於祖 廟 尊神不名,爲之造 甫,不名,神也。 所 襲 也。 者 顧 雖 也 者 不 書 世 非 以 許, 也, 況今世 諡 諡 俗 周 考 雜 於主, 公之禮,然 相 哉? 今之 記 則祭有 士 沿 則 無 稱 稱 主 注 其 無 袝 字

### 葬 服 考

大夫三月,士踰月。葬宜何服? 而世人《左傳》曰:天子七月而葬,諸侯五月,

易

事,弁 居喪之禮也。 然自宋以 申之日 皆弁經。」此言天子絕期而爲臣有服,則但以弔事弁 侯也。」據此,則大夫以下,葬不變服 夫與士三月而葬,敬心未生,故知天子、諸 以葛爲環 服服之。 之道也。」弁経者,在《春官 云『有敬心焉』。 忽之。《檀弓》曰:「弁絰、葛 與神交之道 麻矣,示敬故 爲 以 環 純 絰 諸 絰 :「『天子、諸侯變服 。」故鄭注《檀弓》曰: X 又《夏官· 侯 服。 経。 後,言禮 緦 天子、諸 又牽連及之: 至於 衰,爲大夫、士疑衰,其首 則心主乎敬 既虞卒哭,乃服受服也。」 疏 也。」 日月踰時,敬心乃生。 弁師 家往 葬, 侯變服 陸佃 》。「王之弁経 往疑 則 以 ・司服 日 而 焉。 而 三王 「接神之道,不 弁易冠 夫 而 葬」者,以 葬,冠素弁, 葬,與 弁経、葛 厭 爲 方慤 》:「凡 冠 公 以以 麻 弁 卿 神交 日 絰 葛 服 大 錫 弔 而 絰

加

可

衰

唱而祭,! 葬」以 據矣。 如之, 則亦不 所據。 制》言祭服,下繼之以「養老」,又曰「凡三 葬,殷人哻而葬。 官· 交之道 是。接神之道,不可純 宜通上下言之,故曰 不得,從而 無服可 禮通考》爲 丽 葬,卿、大夫以下禮。 葬、殷人哻而葬知之也。 司 定卿、大夫以 則亦 耐 也。」《王 經之甚矣。 服》、《弁師》之文,即 變,但有弔服弁絰而 疏謂大夫、士三月 周 疏言「敬心未生」,所謂 人 案日 當 爲之辭。 弁 以 . 圃 制 弔 蓋葬與 注以 祭。 ℽ 瑶田 服 下亦變 :「弁経葛 惟陸 夏后 爲 知然者,以 《檀 此爲 XI ° 其變服。 、祭同 謂天子於斬齊 面 氏 弓》: 氏 故徐健庵著《讀 服 王侯之禮 瑶 爲鄭 己。 葬 據 收 服 以 敬 田 葬,其 而 而 諸侯 周 竊 周 求 下周 注 葬, 祭, 然則《周 或疑《王 心 亦 人 其 説 未生 人介 弁 説 之所 殷 與 以 説 弁 X 而 人 神 爲 近 而 mi 服

矣。 從 大 王 服 服 之服,即 帶,金革之事 某人者,統辭 禮 周 上。」又曰:「某也,殷人也。」是 東 也 弁 通  $\pm$ 夫之弁 者,輕 之弁経、諸 金 階 之言皮弁也,而 弁、殷哻、夏收, 服 養 《喪大記》曰:「大夫、士既卒哭,弁経 章甫 雖見 上 老 緇 丁, 亦 一,殷 以 可 1 君爲 布 絰 則 即 殷 以 弔 人 冠 冠 某 無辟 也。 道 可 即 殯 服 侯之弁経, 禮》之 然 氏 臣服弔服; 服 事 也 服 于 則 其 《檀弓》曰:「夏后 某 三王 弔 ; 也 也。」注 之。 曰「三王」, 兩 弁 記 人 毋 陳 服 楹 絰 似 又曰:「 據 追 共 服 以 大 間 本 指 然 即 此, 云:「變喪服 皮 也 在《弁 夫、 周周 夏 弗 亦 介素 事 后 服 則弁經 日 王 士 兼 則 人 統 委貌,周 氏 爵 言,不得 既 是 見 師 殯 所 積。」於士 而 辭 之道 弁 卒 弁 孤 於 謂 君 之明 氏 在 服、 哭 絰 雖 西 殯 某 爲 而 也 司 面 見 道 通 臣 徵 階 於 氏 皮 弔 下

之。 前。 其 包也。 斂 孤, 於大 而 而 而 侯 服 大記》文義繹之,固宜通於大夫、士矣。 夫、士也? 在 天子、諸 既 八伯」, 葬 時 節 所謂 變服而  $\sim$ 夕 如 者 服 既 次 是士之可相如 士服「如大夫」,又曰 夫、士。 禮 王, 故《司 「, 其 葬者, 案《士喪禮》要經 非 夕記 則 》請 侯 孤 葬,王之弁 一,今言變服 此 變服 在 服 侯、 夫變 啟 自啟 服》之言服之可 臨 時 》 三 日 故 期、 伯 如 萬 言,而 鄭 **室之時乎**? 服 子、 服 殯 無 注 散 而 絰 變 以至於反 者,亦得 「如公」,子、 帶 絞 男」,卿、大 大 弁 葬,據《司 服 服 垂 而 垂, 散 夫、士未 絰 之 不 葬 蓋 二其 帶 理 可 葛 相如 上通乎王 絞要 昔 見 則 垂 虞,皆葬 以 而 X 尸 陳 服》及《 然 必 下 嘗 葬 夫「服 絰 男 也 廷 非 服 通於 則 柩 陳於小斂 不 散 J, 曰 公 服 會 自 亦 變 反 垂 在 雖 然 著 服 者 电 安 小 啟 如 大 如 如 所 主

六四

麻

至

服

限

竟

而

除

心不

待主人葬除

也

囚

其

餘

謂

旁

親

也

疏

云

麻

終

月

數

唯主

喪

者不除

其餘

以

麻

終

月

數。」注

主

既

未

來,故

諸

親

不

得

變葛、仍猶

意耳 也。 窓時 變除 至輕 卒哭乃服 也。 者 仍 與 除。」 葬 神 ,斬衰以六升衰受而易 喪 服 服 服,反 者。 既 與 之 若 謂 交 小 説 室 義 抑《喪服 神 日 之道,未 芝時 記 》嘗見及之、蓋先得我心矣。 受服 復 變服 變 交 先 不 而 w 日 服 喪 服 而 亦 虞 (服,乃 其 ,所變之服 也 變 悖 而 : 小記》之言「久而 既 久 0 葬,不 輕,乃受 服 平 卒 今日 ? 反 所 哭,然後受 而 自 加 不葬 謂 惟 反 是 變 成 虞,斯 爲 以 依 更 喪 服 弁 弁經 服 六 陳 者 服 服 經、 時 則 升 氏 爲不 之三升 服 主喪 而 既 是 之重, 不葬 説,於 葛 葛 於 宝 臨 而 失禮 服 既 受 後 窆 者 是 葬 臨 於 衰 之 虞 服 亦 時 不 故

> 服,以 今欲 有 不 除之。」注云: 除喪已,及其葬也 然此皆藏之,至 臨 服 全《檀弓》「弁経、葛 麻 室交神之一説, 其 之事,豈主 未經葬故 「小功以下。」據此, ,反服其 葬 也 則 人 服 反 蓋 丽 ,報虞、卒 《喪服小記》云:「爲兄弟 服之也。 亦 可 而 亡 易 葬 則 - 哭則 於 二之義 葛 雖 禮者 免,不 旁 而 雖 葬 親 緦 之禮 報 則 平 無 亦 虞 唯 ? 葬 藏 則

#### 附論題主時服

與?

之説 爲之 鄭氏 後 謹 許 世 而 案 慎 一士、庶 主 駁曰 袝 不 異 卿、大夫、士無 具論 耳 袝 義 **\*** 而 無 「孔悝祏 試 據 作 不  $\overline{\wedge}$ 鄭説 言 主,特祀於主,蒸、嘗、 作 公羊》説: 作 主 主者 主。 者 猶 昭 是 穆, 禮 ,祭其所出 據《 大 不 大 不 左傳》: 夫 相 夫 得 無 沿 有 無 主 一之君 無 主。 主。 也。 主

六六

梁》説 遷入 畢 然 蓋 廟 祖 依 鉉 乃 也。 義 凡 兩 用 於 作 突後 頗 E 既 也。 翁 階 ,奉主升 未 日 廟 略同。 大祥後入廟。 陳祥 日 栗 于 有 互 事,言作主 作 間,易 袝,仍特祭 練 實實 及於題 異,無 主 於 杜 主 廟 一禮 主 將 是奉主反虞,虞 注 道 以易之也。 注 車。 用栗 土築之,乃 用 以 曰 是 云: 既 栗。 所 主 人 葬 止 而《公羊傳》則 至家,安於靈座,日 也。」是初 見於經傳 「《左氏》、《曲禮》之説 折 者。 廟 期 作 於寢,終喪給,乃以入 周 栗主 7,非 袝 中,存之以 主,欲神靈之 主用 人以栗,三年 年練 據《文公家禮》,送 題 亦言大祥後人廟 一者,藏 主 祭。 而 而 爲 栗,袝 及 於 袝。 後 後 桑主,至 主 曰:「虞 慕 埋 作之也。」 備 儒之説 虞 也。」《穀 而 孫 有 前 喪 考耳。 中 從 主 作 終 所 練 而 題 於 憑 於 之 家 順

> 如《檀] 義也。 卒哭, 主人 再期 虞。 於禮者之禮 某甫,不名,神 前一日先題 而 主遞遷之,乃奉 歸,復安靈 雜記 安之。 祠 而 祭 弓》所 明  $\Rightarrow$ 然則 大祥 日 畢 日 今世禮,或 竊 奉 埋 座。 附 圃 謂 ' ', 告 題 以 主於家。 主 魂 已矣。 也。 兄 主時,孝子或 爲 「與神交之道」者 遷 新 袝 帛 期 弟之殤; 作 是袝 主 於 於 於 而 主 題 人 祠 潔 祠 小 者 題畢,奠告,即 主 祠 堂,改題 堂。 處 mi 祥,祭於 於 堂,次 於 以 作 再 當 墓,或 主 殤 神 袝 虞、 則 服 事 畢,奉主 稱陽童 ,神之之 前 其 弁経 、靈座。 三虞。 之也 亦亡 於 昭 世 送 葬 穆 諸

#### 白 虎 通 釋九族 義 同 喪服 説

 $\wedge$ 白虎通 1》曰:「族者何 也? 族者, 湊

二乎?

喪服

姑之子緦

麻。

非

所

謂

衰三

月,自

齊

也。」瑶

田

謂

此

親

旁殺之亦至於緦 者,妻之父爲一族,妻之母爲二族。 母族三者,母之父母 子爲三族也,身女子 之不虞。』《尚書》曰: 爲二族也,母之女昆弟爲三族也。 昆弟適人有子爲二族也,身女昆弟適人有 略,故父母各一族。 案《喪服》: ,有會聚之道,故 九之爲言 恩愛相 者,謂父之姓爲一 衰 也。 釋九族, 自 期 麻。 服 斬 父族 流 衰三年上殺之至於齊 爲 非 下殺之至於緦 適人有子 湊也。 究 《禮》曰:「惟是 以以 所 與《喪 四 也 謂 族也 謂 親 , 之族。 母族 生相 「父之姓爲 九 親 族 服 爲 ,母之昆 族。」 疎 **>**  $\equiv$ 也,父女 恩愛, 四 妻族 通 恩 族 麻, 族 妻之 義 三族 妻 愛 所 也 無 又 弟 族 究 同 以 死 於斯? 殺,弗 焉 麻。 昆弟 賤 母 服 族」乎? 父女昆 使 之節 小 人 可

竟,謂

之九

族

父族

四

九

者

何?

相

哀

痛

也

聚

也

謂

相恩愛,死相 所謂「母之昆弟爲二族」乎? 族」乎?《喪服》:舅與舅之子皆緦麻。 爲外祖父母小功。 爲三族」乎? 身女子適人有子 爲三族」乎? 非所謂「妻之父爲一族、妻之母爲 功,從母之子 甥緦麻 一, 而 觀 損 弟 然則族之言湊、 於其 益 稱 適 情 哀  $\wedge$ 人 非所謂 喪 外 痛」。 鳴 立 有子 服 《喪服》:妻之父母皆緦 , 緦麻。 爲 呼 非 ௱ 文 四 有 爲 所 先 爲二 身女昆 族 外孫緦 謂 以見其心, 之 非 E 聚也 非 制 「母之父母爲 乎? 聖人其 因 族 所謂 喪 别 者 弟適 麻 喪 服 乎 其 ,實乃「生 母母 喪 孰 服 爲 以 親 入 ? 非 **\***: 服 之女 能 隆 飾 疎 有 所 ^ 非 與 爲 從 羣 謂 喪 7

## 儀禮喪服文足徵記八補編

### 族親諸服旁殺一貫表

《喪服》無逸文,余言之蓋詳。 今復立《旁殺一貫表》,即目直尋,疑義乃析。 先其易明者,

緦麻三月 故從緦麻始。 曾祖行下之旁殺 歙程瑶田。

族曾祖父母昆弟之曾孫爲服總。

族父母從祖昆弟之子爲服總。 族祖父母從父昆弟之孫爲服緦。

族昆弟相爲服總。

昆弟之曾孫|族曾祖父母,應報服總,經不見「報」文。

從父昆弟之孫族祖父母,應報服總,經不見「報」文。

從祖昆弟之子族父母,報之服總。

案: 我之從祖昆弟之子,其父,我之從祖昆弟,則我爲其族父母。 故其服我也總麻,而

孫 者,蓋不報我。 我之昆弟之曾孫呼我爲族曾祖父母,二人服我皆緦麻,我應報以緦麻。 我 服之窮也。 服緦麻。 亦報以緦麻。 又旁殺之,亦不得爲從父昆弟之孫服緦麻。 亦緦麻一服窮則變之理,實亦義之相貫者也。 其故何也? 此總 麻 一服義之相貫者也。 我爲曾孫服止緦麻,由曾孫 至於我之從父昆弟之孫呼我爲族祖父母, 經不爲二人制服者 而旁殺之,則不得爲昆弟之曾 加 經不見其服 ,限於旁殺

又案: 止 重其衰麻,尊尊也。減其日月,恩殺也。」曾孫服曾祖,止於三月,所以曾祖服曾孫 於緦麻。 曾祖 傳曰:「小功者,兄弟之服也,不敢以兄弟之服服至尊也。」故鄭 服 、曾孫以上殺、下殺例之,皆小功之差,而爲曾祖父母,變小 有所限 ,無可假借,亦精義之學也 功 注申之曰: 而 服 齊衰三

小功五月 祖行下之旁殺

從祖祖父母昆弟之孫爲服小功。

從

祖

昆弟相爲服小功。

從

祖

父母從父昆弟之子爲服小功

昆弟之孫從祖祖父母,報之服小功。

從父昆弟之子從祖父母,報之服小功

案:我之從父昆弟之子,其父,我之從父昆弟,則我爲其從祖父母。 而 我 亦報以小功。 我之昆弟之孫,其祖,我之昆弟,則我爲其從祖祖父母。 故其服 故其服我也 我 也 小功,

小功,而我亦報以小功,此小功一服義之相貫者也。

大功九月 父行下之旁殺

從父昆弟相爲服大功。

章。 案:世父母、叔父母,加尊之服在「期」章,昆弟之子,又世、叔父母之報服,亦在 故大功一服。 惟從父昆弟相爲服而已。 此一服。 當與期服參觀之,乃得其相貫之 期

義。

齊衰期服 亦父行下之旁殺

昆弟相爲服期。世父母、叔父母昆弟之子爲服期。

昆弟之子世、叔父母,報之服期。

學者潛心玩索,乃見精義之學。 尊焉,故報之也。」由是言之,加尊故服期 者一體也。」則是加尊之義也。然傳又曰:「昆弟之子何以亦期也? 麻」兩章旁殺之服通例之,則世、叔父母亦大功之差而乃服齊衰期者。 ൬ 案:我之昆弟之子,其父,爲我之昆弟,則我爲其世父母、叔父母。 我亦報以齊衰期。然據昆弟期旁殺之,則從父昆弟當大功之差,而 圃 兩服相 不足加尊故報之期 貫之義,其指甚微,一爲表 ()實則其服皆大功之差也。 故其服我也 旁尊也,不足以加 而出之,毫髮無疑 又以「小功」、 案傳曰:「 齊 衰 「與尊 期, 緦

矣。

又案: 凡 皆平行。 報」文以明例 由己以 上治祖禰,下治子孫,至親皆正服不報。 下旁殺之服,皆所 先死雖兄,弟豈爲施? 也。 以 報 先死雖弟,兄詎云報? 由 己以 上旁殺之服,故 旁治昆弟, 或經 故經傳並 惟期、大、小功、 或 傳,於每 不見「報」文。 發端處,特 緦 四昆 弟, 其餘 見

由

此

表

௱

.撿《喪服》全篇,逐條校勘,曾有一字逸文乎?

七二

# 答段若膺大令論小功緦麻兩章中疑義書

功; 其 我 報 在 Ħ. 加」,誠然也。 世、叔父母期,爲從祖父母殺之服 法通觀之,爲祖父母期,爲從祖祖父母殺之服小功, 祖 恐 小 皆 證 視 據 孫 祖 有 功 非 / 總麻」章。 '服宜小功'不得謂之「往者則加」也。 我也,我 據經文,是言來往皆服小功 譌 服 以 來 父母報,從父昆弟之子爲從 適孫期 其 經 之,是來者 誤。」案:「小功」章,昆弟之孫 教云:「昆弟之孫,從父昆弟之子, 加 文 視 來,我不止於緦 爲昆弟之子期,爲從父昆弟之子殺之服 在 我 庶孫大功爲昆弟之孫殺之服小功。 二人服我緦麻,若我報之亦 乃族祖父母;其服我,據經文 也 緦 一,我 麻 示加 乃 章。 族 III 曾祖 往者 小 麻 從父昆 功。 前 父母; 則 所謂 人也。 若昆 如其來之 加 弟之孫 祖 來 以旁殺 其 弟之 父 爲 數 旁通 者 服 母 從 小 不

> 『諸祖 章 字,明是頂「小功」章其夫之服來。 遞殺之也。 乎? 以爲「諸祖 來教言:「『夫之諸祖父母』,疑古本當作 之子,確當報以 之,不應更 昆弟之子,雖報服小功, 孫、從父昆弟之孫、經所以不制總服者,據昆弟之孫 者,實斷以旁殺之義也。 之曾孫。 見旁殺之節,一則服從父昆弟之孫亦如 緦 一所謂「 麻,一 然 父母、父母」,以 從祖祖父母、從祖 有緦服。 則 則 其爲因曾孫之止於服緦 其何 經文之所以 父母 服 小功。 昆 然余通 以 弟之曾孫 處昆 則下一輩之不制 實止應服 統 考服例,昆 詞 弟曾 一『諸』領二 不 也 來書之意,以昆弟之曾 緦 如己之曾 爲 父母,報」者,其 孫 而旁殺之無疑 比弟之孫 而足,故 此 經 轉 總服,非 著 不爲之 「小功」 爲「夫」 從 由 人 件。」竊 父昆 孫 由 緦 制 搋 此 從 服 服 不 ďií 殺

爲統詞以包兩種人。若增「父母」二字,以「夫之諸祖父母,報」。用「諸祖父母」四字

夫之服

也。

今「緦

麻

章

主欲

省

文,故曰

爲

從祖 言 之旁殺者有從祖父母,又有世叔父 祖父母」目之。 疑「從祖 詞 諸父母」字專之。 諸 曰 日 祖父母,又有族祖 日 「諸祖 「諸父母」者,指「從祖父母」言。竊 領 諸 祖父 二件,是 祖 父 母」,不 父 竊又疑 母」, 母者」,指 曰「諸父母」,則父 不 則 得 爲 祖 父母,似並 以「諸祖父母」字 「從祖父母」不得以 統 一從 輩之旁殺者 詞 祖 而 祖父母 可以「諸 母 分 與 爲 族 有 車 車

又案:此節「諸祖祖」字是跟「從祖祖」字

也?

明

白

[者矣。

鄙

見如此,不知先生以

爲

何

如

統

訶

不

미

專屬,使人覆按前章

可

以

曉

然

母」

四

字

中,冠

以「爲夫之」三字,

上頂「小

功」章省文見義。

諸祖者,猶云諸父諸兄。

屬

轉

有

漏

義。

惟爲

統

詞

൬

包於「諸祖

父

父母,

似

並

可

以「諸父母」目之。

今欲

車

與族昆 叔父母 帶「祖」 足包此 祖 來。 從祖父母」,此一服之昆弟,必别之曰 從祖昆弟」。 祖 故 父 」字言之,以 弟也。 與族父母、昆 母」; 一服中兩輩父母言之也 此 服 此一服之父 然則 之 同 祖 是父母也、昆弟 别異 「諸祖 一父母,必 弟 於父 同 父母」四字, 輩之從父昆弟 母 母 必必 别之曰「從 同 别之 輩之世 也,必 E

## 論緦麻旁殺應報不制報服之義

者,是 之,於行乎不能不行之時 止,斷之於義 義之學也。 喪 服》旁殺皆報 人有恒 知 其 言 義主於斷,通 加 説 **E** 已矣。 服 丽 「天下 不 而 知 彼 緦 其 謂 止 而 乎 麻 理之 又 天下 止之以 」章中之旁殺 理。」 有 岐 止 不 途 此 説 二理」 得 非 而 也 不 權 精

旁殺 於是 精 服 祖 殺,殺之定限也,不 制 而 爲曾孫服緦 當報之理言之,則宜 於是妄議 説 服 弟之孫 服 有 義 義之分始定,此之謂精義之學也。 之報服適限於曾孫之旁殺,而必不能 服 則 我 應 之義 乎 ,乃可與議禮,可議禮,乃可 伸於此,不得 而經皆不 以 報 出 服 緦, 我當 而 又一 一所謂 足以 增補,而 不 此必《 我 而旁殺二人之理言之,則不 制 説 制 以 奪之。 報 報以 也。 義 緦,我 服 喪 服者二人: 不 也。 不 可 服》 者,持以天下止一理之 二説相 制服,此一説也; 知 緦,不應 屈於彼。 游 大哉 當 以二人服 應 經之有逸文者 移。 報 報 權 以 未 權,曾孫之 無 昆弟之曾 而 乎 始 裁制之宜 族 緦 服 以制 我總 不 非 曾祖 從父昆 義,而 權 夫惟 應 服 以 而 也 、族 孫 旁 制 官 我 無 我

#### 夫之世 叔父母大功不見 報 文説

大功。 小 也? 無 孫 婦 緦 庶 有 之於其妻。 世 緦 也?」曰: 功,同 節 耳。 婦 人服 婦 説 、叔父母 麻 不報。 矣。 乎?」曰:「不服也。」「曷言乎其 小功,又以夫之祖父母言之,孫 巴藝之曰:「族曾 試以舅姑言之,於適婦也大功,於其 其 也,報之大功,同於適婦矣, 今以舅之昆弟、姑之娣姒 而經不見「報」文,苟非逸之,豈 .於庶婦矣,即降二等緦麻 於 旁 「不可服也。 ,於其 妻從夫服大功也,是宜報之 殺 服 言之綦詳 之謂 也,不其 大夫之 何 服 祖 然則何爲乎其 則 傎 以 父母、 既 矣 親 期 聞 乎? 疏 報 之矣。 不 期,則 族祖 婦 分, 亦  $\Rightarrow$ 降 而 論 父母 隆 夫之 同 爲 婦 不 不 以 語 於 等 此 服 服 亦 以 例 可

乎哉 牽義 也, E 所 圃 可 謂 説之,不可 昔者讀《喪服》,言其所不見者,皆 與 一權, 立,未 然 後 可 與立矣,烏在其 知 與 輕 權 重』者 聖人之 也 可 若 制 與 拘 喪 權 文 服

#### 兄弟服説

其

所

不

制服

者也,於今猶信。」

者,如 殺、下 昆 父尊而子卑; 之,以至親屬之,不 亦不得名之曰兄 弟,至親 弟,雖不分尊卑而 也,可謂之兄弟服乎? 大凡服之重來 兄 殺 如 皆 也。 弟 不 ,平等往 夫妻 得 而 爲 弟 顧 兄 服 而輕往者,率皆以 以 可 體,夫尊 弟服。 一來,施 也。 平等相視,故不 以 同 如兄如弟平等必 服 是故父子一 期,然 則 正親 兄弟 ൬ 必 妻卑。 報 亦一 一脈,上 服」云 之義。 尊 體, 體 至

嘗無 服乎? 矣。 旁親 於昆 兄弟」也? 而 經傳全文迴環三復,爲之理其緒、比其類 以下爲兄弟」之傳而 鄭君知之矣,故於 要而言之,期 大夫 以 弟之子」條中,特書以 例 下,注之曰:「兄弟,猶言族親 報之名名之乎? 經之綸之,以 加尊也」。 也 兄弟 降 弟之子,謂之兄弟 然謂之兄弟 耐 降 其 雖然,夫固 不於「昆弟」,而 服 殺之,斯 旁親,於昆 也。 蓋小 夫不足 大功 功以 然則曷 揭其指,是言期大 服 旨 亦 記中首見「兄弟」一條 中,未嘗無兄弟服 不亦 不得謂之非 哉《 加 毅然别 弟 下率皆兄弟服,故得 疑 示人而 尊, 亦 服 言乎「小功 喪 於兄弟服 於 以 在 也 則 服 「世父、叔父、昆 輕 樹 降殺中, 》傳 亦 也。」先「小 世父、叔父之 曰「旁尊不足 名 旁親 宜 之發 而 義,蓋 以 焉 功 加 雖然 服 介未 下爲 之重 圃 以 報 也。 矣。 功 爲 服

名之不可苟也如是。 得專兄弟之名也。 次於期,故亦不以兄弟名, 而惟小功以下 也審矣。 專兄弟之名。 而制之,而何況於期? 期服重,不以兄弟名,大功之重 齊衰三月,爲不敢服 不爲典要,惟變所 期之不 得 名 兄弟 兄 適 弟 服

#### 兄弟服例表

列眉矣。歙程瑶田。而隸之,令不相雜厠,綱舉目張,較若記爲兄弟服舉例,其服盡在經中。分

大夫、公之昆弟,大夫之子,於兄弟降一

等。

案:此非兄弟服。傳曰:「父之所不大夫之適子爲妻。

大夫之庶子爲適昆弟。 降,子亦不敢降也。」

降,子亦不敢降也。」案:此非兄弟服。傳曰:「父之所不

大夫、命婦者,唯子不報。 昆弟之子、姑、姊妹、女子子無主者,爲大夫之子爲世父母、叔父母、子、昆弟、

寨:此大夫之子,從大夫於兄弟降一 等,為大夫妻,得尊同不又降。今以 等,爲大夫妻,得尊同不又降。今以 等,爲大夫妻,得尊同不又降。今以 其無祭主,厚之,得全不降。傳曰: 「父之所不降,子亦不敢降也。」大夫 「父之所不降,子亦不敢降也。」大夫 之子降其子者,不分適、庶,傳曰:「有 之子降其子者,不分適、庶,傳曰:「有

不主謂男子不報也。 也。」男子爲父斬衰,不疑於報,故傳 子子適人者,爲其父母期,故言 瑶田細究經意 不報

昆弟雖一體,亦旁親也,故大夫以尊

降之,而列在兄弟服中也

大夫爲祖父母、適孫爲士者。

案:此非兄弟服。 傳曰:「大夫不敢

降其祖與適也。」

齊衰三月」章

大夫爲宗子。

案:此非兄弟服。 傳曰:「大夫不敢

降其宗也。」

曾祖父母爲士者,如衆人。

案:此非兄弟服。傳曰:「大夫不敢

降其祖也。」

大功殤服」章

大夫之庶子爲適昆弟之長殤、中殤,大

夫爲適子之長殤、中殤。

適殤者,重適也。」 案:此非兄弟服。注云:「大夫不降

大功」章

大夫爲世父母、叔父母、子、昆弟、昆弟

之子爲士者。

子之長殤、中殤。」注云:「不降,重 注云:「子謂庶子。」上經:「大夫 案:此大夫於兄弟降一等者。傳曰: 尊不同也。 尊同,則 得服其 親

也。

公之庶昆弟、大夫之庶子、爲母

子,則從乎大夫而降也。」此蓋言公子 尊之所厭,不得過大功也。大夫之庶 案:此亦非兄弟服。 傳曰:「先君 餘

昆弟、爲母妻,進於五服中,然不得過 厭於君,五 一服 中 無其服,今爲公之庶

七七

八爲適

適

服。

典要。 者,服 降服 注 創 也 從 降 其 從大 降,必其貴妾之服總者, 君 子不爲後者 履」章公、大夫之妾, 大 大 乎 親 夫之庶子,則父在也。」其義精 此 。』《喪服 . 親 ,爲其子得遂」,是其例 关之君,貴妾服 功 大 了,是爲 夫 經 例,於無 服 服一等也。 緦,今日「大夫之 其親服也,從乎 日 一等服 鄭 夫而 而 君 降服大 》經於此等處,每於通 先君餘尊所厭 「公之庶昆 思通 爲母 降者, 典要 大功 當 乎 大夫於賤 功。 時見一 也,故 微、往 緦,大夫 則 如 傳 於 邦 庶子爲 大夫 弟,則父卒也 案 曰「妾 人。 父卒 鄭注 其子 確 也。 往 也。 服 妾無服 而 八於庶 得 不 示不 例,不 母、妻」, 降者,降 得從 曰 : 如 不 之。 今日 可易 公、士、 得 婦宜 或 服 杖 言 矣。 其 之 之 妾 外 從 體 降 麻

者 日: 母皆如 也? 則當 以爲大夫之子一切皆降,此獨 著 妻不 章 則是爲妻不杖期 杖 也 而 卒,庶子爲母三年。 注 不杖期」。 緦 」。」此條 傳 爲之 麻 ,以父之所不 <u></u> 麻 「父之所不降,子亦不敢降 例。 如衆 論父在、父卒,並杖 屨」章乃曰「大夫之適子爲妻」, 曰:「爲妻何以 因答之曰:此大夫父也。「父在 舉 衆 章: 君卒, 故傳問之曰: 其例。 下文不增 人在 人。」鄭 故又問之曰: 庶子 庶子 降 杖 了專爲大夫之適子特 瑶 君 爲 者 期」章,今乃 一字,則 田 蓋 爲 父後 士雖 也 期 昔嘗 會 母大功,大 「何以 也? 期也。 通 何以 者 然既 在 疑 前 是 爲其 期也?」 妻至 獨 也。」意 士 杖 後 庶 至「不 不降, 不降 移 諸 不 庶 子 母 期 杖 爲 親 爲 夫 經

許我乎?

姑、姊妹、女子子嫁於大夫者。 大夫、大夫之妻、大夫之子、公之昆弟爲

同無尊降,惟有出降,故服大功也。降一等者,適人又當降一等。今以尊瑶田案:此四等人皆尊降旁親於兄弟

「小功殤服」章

瑶田案:此非兄弟服。「大功殤服」章大夫庶子爲適昆弟之下殤。

夫、公之昆弟、大夫之子爲其昆弟注云:「大夫不降適殤,重適也。」

子、姑、姊妹、女子子之長殤。 大夫、公之昆弟、大夫之子爲其昆弟、庶

功殤服也。降一等者。於長殤又降一等,故服小瑶田案。此三等人皆尊降旁親於兄弟

「小功」章

庶孫、姑、姊妹、女子子適士者。大夫、大夫之子、公之昆弟爲從父昆弟

功」,今降一等,故服小功也。妹、女子子適人者,其通服皆在「大妹、女子子適人者,其通服皆在「大路一等者。從父昆弟、庶孫、姑、姊瑶田案:此三等人皆尊降旁親於兄弟

子兄弟,若子。 爲人後者於兄弟降一等,報;於所爲後之

首,起下兩「於」字。以文氣論之,若瑶田案。此條以「爲人後者」四字建

以一「報」字關上 弟、大夫之子於兄弟降 條 所 者於兄弟降一等,報 ·爲屬對之文,若曰:大夫、公之昆 爲 於所生之子,兄弟 後之子兄弟若子也。 兩條,亦無不可 也。 降 一 等 ; 如 又 等,報; 此屬對 (與上 爲 即 後 於

不杖麻屨」章

爲人後者,爲其父母,報。 齊衰 子 重 報」,何也? 案:子服父斬衰三年,父 其父母,不報,「爲人後者爲其父母 至尊也。父服長子亦斬衰三年,將 瑶田案:此非兄弟服。 也。 適人者爲其父母」同。 三年,恩同於父母。 服衆子期年,下殺 其義如「女子 然女子子爲 母爲長子亦 也。 子爲 母 傳

父子、母子一脈至親,凡皆各服其正

父所不降,母亦不降也。

父母雖 親,而視生我者轉爲旁親矣。 宗,亦以 報 於兄弟見「報」文。 母爲昆弟之子 服,服之所必報 故其服不報也。爲人後者持重於大 斬 歸 服 無不報。 故記數兄弟服 爲宗之統以收族,則視 視父母,依然至親,亦義之前定者也 年,父之服 報」文以 衰,以 也 非 出 報 又 一脈至親,然已出 不貳 其 也,義 服 省 何 明 本 不貮 也。 其 文互 論 斬 期 例,且 例不一條,惟爲 服報服,此其 於 之前定者也。 而 婦人内 者 年,亦降 斬 見,亦《喪服》之例 兄 降其 言雖 也。 也,故於父 以見 弟 小宗。 服 世父 夫家 所後者 爲其父母 服 他兄弟服 爲大宗 耶? 例 大 母、叔 旁親 降服 生我 人後 也。 功。 出 以 爲 特 後 爲 嫁 著 者 亦 是 父 之 TE. 其 期 夫 ௱ 爲

也。

大功」章

爲人後者爲其昆弟。

報也。 瑶田案:此爲人後者於兄弟降一等, 傳 曰:「爲人後者,降其 民弟

也

小功殤服」章

爲人後者爲其昆弟之長殤。

報也。 瑶田案:此爲人後者於兄弟降一等, 上 經「爲其昆弟」在「大功」。

長殤降一等,故在「小功」也。

小功」章

爲人後者爲其姊妹適人者。

報 瑶田案:此爲 也。 姊妹 適 人,通服在「大功」。 人後者於兄弟降一等, 此

降 弟姊妹 一等,故服小功也 輩人,其餘皆可省文。 〇此項惟見昆 且正

服 可

覆,降

等類推之,亦

例也

斬衰三年」章

爲人後者。傳曰:「爲所後者之祖、句。 父、句。母、句。妻、句。 妻之父母、昆弟

昆弟之子,若子。」

兄弟 其服 隨其文勢,無 從母,亦不暇及者也。 内兄弟。 者之外祖父母,而遂及其旁親之舅與 旁親,旁親可類推也。外親數爲人後 也。不及昆弟與世、叔父母,不暇 者,爲人後者之祖父也。母者,爲人 後者之祖母也。 祖者,爲人後者之曾祖父母也。父 瑶田案"此所數者,所後者之正 服,傳中遽數之不能 之 正者也; 順 而 義 摭之而 例也。 妻者,爲人後者之母 旁親,其 不及其適人之 此屬文之法, 是故 終其 兄 E 弟 一親者, 物,故 服 也。 親。 及

但於傳中畧言之,亦省文例也。弟,若子」也。若子之服,具在經中,於記中發其例曰「於所爲後之子兄

弟居,加一等。 不及知父母與兄兄弟皆在他邦,加一等,不及知父母與兄

服, 焉。 謂 遠之義,必小功以下漸推 以 例 財矣。」余於此傳此注,不能不少 則親自親矣; 上又加 氏注云:「於此發兄弟傳者,嫌大功已 兄弟? 瑶 之疏。若大功以上,豈可盡以 「族親」括之。然謂之兄弟,實 而 田 頗多期功之親,故鄭氏 間 案: 無 其目。 嘗泛覽 也。大功以 傳曰 此於 "小功以下爲兄弟。」 若不及知父母 兄弟 傳 經傳,於兄弟 曰:「如 加一 上,若皆在 等者, 何則 漸 於上記 ), 則 遠 降 但 可謂之 他國 乃 一躊 疏遠 有 固 有 躇 口 注 等 疏 冒 鄭

> 世推移之妙也。 此天地之化,所以不凝滯於物 而 比儗者。 大功以 下始可爲兄弟 别之? 隆 殺 互權 上又實有 夫是 惟變所適於不可典要之中, 皆 以立其主名,必 也。 有 不能與至親至尊相 其 若夫寓 至 情 至 疏 理 於親 小 而 存焉。 有 功 與 則 以

君之所爲兄弟服,室老降一等。

「斬衰三年」章

以即位,近臣,君服斯服之矣。」皆衆臣也。君,謂有地者也。衆臣杖不皆衆臣也。君,謂有地者也。衆臣杖不以、士、大夫之衆臣爲其君,布帶繩屨。

傳連言「室老、士、貴臣」,是既有 擾爲 以 有地者也。」瑶田 相,又有邑宰。 注:「室老,家相也。士,邑宰 類,陽貨、子路等爲季氏 也。」又案: 賈疏 地,是天子、公、卿、 有地者也。 瑶 邑宰,又有家相。若魯三卿,公山 云:「孤、卿、大夫有采邑者,其邑既 云:「諸公者,大 命》:大國 家邑任稍 田案 有采地者。《左傳》云:鄭武公、莊 爲公、卿、大夫也。 季氏費宰、子羔爲孟氏 注云:「士、卿士也。」故 地,小 立孤一人。 賈疏引《周禮 傳 謂。天子之公、卿、大 都任 云:諸侯無公。《典 國之孤 又繼之曰:「君 大夫 稱君者,傳 縣 鄭注《燕 地 家 也。」賈 有 大大 載師》云 相。」 采 郕 也。」今 都 地 宰之 傳直 據 疏 任 以 禮 謂 家 者 鄭 弗 有 又 疆

老」, 公爲 則 有郕 賈疏所謂「 王 叔 氏老」、《論語》有「趙 老 視伯、元士受地視子、男」是也。 所謂「天子之卿受地視侯,大夫受地 也。」又云:「周采地,扶風 封 周城,諸侯、公、卿、大夫有采地。」即 又《左傳》杜注云:「周公忌父,王 云:「公、卿、大夫厭於天子、諸侯,故 士。」又云:「宰周公,天子三公兼 向 畿 隸 疑 西都畿内,有采 者也。 並指諸侯之卿家臣言。 呼范宣子之訾祏曰「吾子之家 平王卿士。 卿士之臣,未聞 於諸侯之卿者,《左氏傳》有 未 能 明者 魯三卿」,季氏有費、孟 然則畿内采地 也。 在春秋前 地 相繼 孟 然 有室老之稱,是 老」,即《國語 鄭 雍縣東北 注 爲 ,即《孟子 爲桓公受 周司徒。 是 而天子 顧 經 冢 臧 室 氏 卿 有 宰

老,此 對 得 奪 降 臣,不從服。」然室老對士言爲近 其貴臣、室老、士服 "閻寺屬之近臣,則又爲貴臣矣。 等」。不及士者 伸,記則言其 其 其 正 衆 미 臣 無 是天 布 容指 帶、 子 服 摘 繩 折 ,賈疏云:「邑宰遠 卿 君之兄弟,「室老 屨 斬衰, 辨者矣。 士 貴 鄭 即 臣 以 帶、 得 是 爲 伸 經 有 屨 臣 降 亦 室 不

「不杖麻屨」章

服斬。妻則小君也,父卒然後爲祖後者「何以期也? 從服也。父母、長子,君爲君之父母、妻、長子、祖父母。傳曰:

言 説 父若祖 瑶 也 加 田 [案: 不 之喪 又曰:「若是繼體,則其父若祖 能 此條之君,鄭 通 者 ,故爲之辭 謂謂 始封 之 注 曰 據 君 : 爲 畿 也 君 外 此 諸 而 有 侯

不敢 親。 臣 降 也 降 其臣 之服,父母,至尊; 之例由君之本服而 君之規模,而 又反 説以從前説,然終不能 傳 嗣 有 君」字亦是公、士、大夫之君,其 末 位 廢 爲君之祖 等服 等從服 降 父卒爲祖 之從 瑶田 是 復思之,而得 有「父卒」一語,而又變一説 而早卒,今君受國於曾祖 疾 適,猶 故其君爲 不 大 以爲此説 服必須 立,父卒者 功 期 實 夫人也。 父 也。 丽 後者持 爲 母 公、士、大夫之君,其 亦 著例 卿、大夫之實體,故 長子, 從 從 君 出,故傳歷數其 更難 其 ,父爲 服 服 爲 間。 重,不敢 以 無 君 妻 通者 期 期 傳重; 明之。從 隔閡 服 竊 者 服 述 君之 ②駮 「, 小 期 斬 也,曾 以 心此 也 妻,至 臣 降祖 者 孫 君 爲 正 以 「, 臣 故 不 此 君 服 今 後 通 宜

八四

始封 其 與 祖 則當著一大共臣從君服之例 服 弟 間 記 屨」章 臣 服 爲曾祖持 且 章之君爲天子、諸侯,則義多齟齬矣。 合 經、傳、記中詳之,以明其 經 小宗,不 ,亦自若諸臣之常耳。 如始 其 崛 ,以其别於爲天子、爲國 著 」,爲其 而 所 君 起者,自若通服。 起 斬 繩貫絲 從 著 謂 者,自若大夫之服。 封之君,不臣諸父昆弟,從民 其從君之旁親兄弟 衰」章, 君 父祖 重 例 爲 貢 之正 也 而 人 斬 聯,義始完 皆 後 承 其臣爲公、士、大夫之 I廢疾 者 桃 親 至於「今君受國 者 服 持 同 不立,故以 著 此乃爲曾祖後, 從大夫公之昆 重於大宗、降 也 備。 例也。 此一不 即 而 君者,故 服,見 其 欲著例 若以 乃出 無緣 三條 曾孫 臣 杖 於曾 附 爲 從 此 於 於 麻

> 説也 皮傅; 例。 豈其 受國 父卒時,必已曾爲父後 斯 服 贅 之 縣 斬 心此 余故紬繹 然 時 疣之傳曰:「父卒,然後爲祖後者 時,又爲 謂君爲「受國 乎 所 而 ? 服 已受曾祖 曾祖之斬, 謂君 祖 全經,而 後 爲「始封君 而 一於曾 服 或 得 爲 圃 斬 而 其間 祖 三服 服 ,則當其 爲君 」,尤悖 斬,與其 一,義 以爲之 斬矣, 矣,於 既 先 經

夫之所爲兄弟 服 妻降 等。

不杖麻屨」章

爲夫之君。傳曰:「何以 期 也? 從服

也。」 夫之昆弟之子。傳曰:「何以期 服,而 瑶 田 案

此

雖不

得

名之

曰

夫之兄

弟

亦降一

等從服

期者

也

也?

報

之也。」

八五

瑶田案"此報服非從服之降一等者

也。

「大功殤服」章

夫之昆弟之子、女子子之長殤、中殤。

瑶田案:此亦與夫同服大功,非降

等者也。

「大功」章

夫之祖父母、世父母、叔父母。

瑶田案:此皆夫服期,妻從服降一等

服。世、叔父母,則夫之兄弟服也。服大功者也。惟祖父母,非夫之兄弟

下無叟具的 昂之及。據傳,妻不服夫之昆弟,故夫之昆弟

亦無嫂與弟婦之服。

爲夫之昆弟之婦人子適人者。

瑶田案:此與夫同服大功,非降一等

者也。

「小功殤服」章

爲夫之叔父之長殤。

妻從服降一等服小功也。 瑶田案:此夫之兄弟服長、中殤大功,

「小功」章

夫之姑、姊妹、娣姒婦,報。

長殤。」長殤服緦,則小功是爲其在室瑶田案:「緦麻」章見「夫之姑、姊妹之

服也。其夫服其在室期,妻服小功,

降二等,與「夫之所爲兄弟服妻降一

等」之例不應。然則妻於此二婦人不

從服也,故其傳特揭其義以示人曰:

生小功之親焉。」與娣姒婦同爲生親「何以小功也? 以爲相與居室中,則

之昆弟已不從服,其妻烏得復有服之服。娣姒婦者,夫之昆弟之妻。夫

姊妹? 其姑則益疏遠矣。然而必著

乎 ?

夫夫之昆

弟

無

服,又

何

論

夫

之

中 則 生親之服者,夫其 爲 丽 顧 之三月不舉祭」,婦人相 可恝然已乎? 夫「有死於宫中者 於此見聖人精 與 居室

總麻」章

義之學也

夫之叔父之中殤、下殤。

瑶田案:此夫之兄弟服 下殤小功,

夫之姑、姊妹之長殤。

從服

降一等,服緦也。

妹」條詳之。 瑶田案:説見前「小功」章「夫之姑、姊

夫之諸祖父母,報。

等,其尊者亦必報之者也。 之尊者,而尊者必 祖父母,報。」其夫之以兄弟服 瑶田案:「小功」章:「從祖祖父母、從 諸祖父母,報」,正上條之從 報 之也。 此 故 服 云 服 鄭 夫之 降 族 注 親

> 之,不 祖一可 緦。」 乎? 母。 唐初已譌「曾」字,故賈因 字尚未譌 之世、叔、見於「大功」章。」以諸祖 譌,賈氏實未見上「從」字譌「外」字, 母爲「族親」,則鄭 祖 氏疏云:「妻從夫服 今刻本上「從祖父母」「從」譌「外」,下 『夫之諸祖父母』,見於『緦麻』章, 云:「諸 從祖父母」「從」譌「曾」。 祖 瑶田考鄭氏注,爲訂 曾祖於曾孫之婦 父母,從 能 從 知。 祖 是正。 祖 作「外」字也。 然則 父母者, 夫之所 父母 祖父母。 然 唐 Œ 注 初 亦確 服 其 賈 是「從祖」非「外 小 作疏 族親,即上 無 或 是「從」字之 下「從」字則 功, 正之如是。 服 爲 其譌 檢下記賈 E 時 小功,從 妻 而 曾 從 而釋 從 云 祖 夫 父 報 經 服 父

> > 947

一八七

吾輩又烏得逆料唐以前爲「外」字譌

八八

二等; 殤 叔 爲 服 其 其 無 服 夫之兄弟服: 昆弟之子服期,其 親」字不得侵入母黨也。 族,若言兄弟,恐本 親 親之名者,雷氏 後,爲外祖 云:「母黨皆不 ノ妻亦 服 期, 服 父 兄 ,姑、姊妹 、尊親之號以别於族 」,是指 曾」字 之服 母 大 弟 服 昆弟之婦人子適人 功,妻從服 服大功, 昆弟服 服 服,妻降一等」者,則世父母 其長 其 期, 本 乎 父 族 ? 妻從 服 説 殤緦,亦降二等。 母、 期,其 服。 言。 云: 『爲父後者服 見 又 小功; 服 前。 案: 族亦無服,故泛 從 不言兄弟 觀 大 、妻乃 母 八功; 人。」可見「族 下 至於「夫之所 賈 期 從祖祖父母 〇瑶田 舅 條 氏 服 ,其妻則 者服大功, 無 叔父之長 小 所 丽 庶 服 功,降 謂 此 妻亦 子 通 其 顯 蓋 著 無 檢 尊 本 爲 疏 族

於夫之母 妹 於經 父母、夫之從母,夫僅爲之服 本 相 生 之姑、姊妹、娣 服 不 其 總麻,不以 服 從 從 此經之所不制 以從母報姊妹之子小功,故知其爲兄弟服也。 尚 無 與 小功之親。 ,以外孫服外祖父母 服 》經中於有 見其妻之從 妻之從服; 祖 者 服 同 見 父 猶無 也。 室 外祖 妻之 母 小功報,故知其非兄弟服 黨抑 面 服 服,情之有 尊 生 從 小 服 父母 從母服 姒 如 夫之從父昆弟之妻,以 又 緦 服 功 服 服 者 《婦,以 者也。 疏遠 夫之姑,親 之親 者 小小功 無 服 妻 也 不 瑶 從 小功 矣,於· 小 ,而外祖父母服外孫 所止者 ·見,其 相與居室中 田 功,此 服 妻於夫黨,夫 夫生親之服 其 一此兄弟 竊 緦 也。 夫 如 不 麻。 以 小功, 不 非 之外 也。 見 夫之姊 丽 爲 見 :兄弟 妻 此 不 丽 更 之 經 至 m

聖人不以過情責 不爲其 妻制總麻之服者,情有所止。 人,其旨亦微矣哉

凡妾爲私兄弟,如 邦人。

觀此 瑶田 也。然則女君有以尊降其兄弟者。」 注,益知旁親之以尊降者,皆謂 案: 鄭注云:「私兄弟,目其族親

之兄弟,而以「族親」注兄弟,鄭氏之

精義也。

斬衰三年」章

妾爲君。

瑶田案:傳曰:「君至尊也。」注云: 一妾謂夫爲君者,不得體之,加尊之

弟。 也。 雖士亦 不足加尊, 然。」觀此,知 雖尊者亦 可謂之兄弟 加尊者 非兄

與?

不杖麻屨」章

妾爲女君。

降之則嫌。」義亦精矣。 覆之階,故抑之。注云:「報之則重, 瑶田 婦小功,女君於妾無服,並 事舅姑等。」然舅姑服 案:傳曰:「妾之事女君,與婦之 適 婦 后 大 功,服 兀 一適,傾 庶

公妾、大夫之妾爲其子。

傳曰:「妾不得體君,爲其子得遂也。」 瑶田案: 二妾爲子服期,自若其常。

然則庶子不爲父後者,爲其母 亦 得 遂

者,爲其外祖父母、從母舅無服,不爲 後,得如邦人也,故記 母。」注云:「君卒,庶子爲母大功, 子爲母皆如衆人。」據注,蓋謂 夫卒,庶子爲母三年也。士雖在,庶 也。「緦麻」章:「庶子爲父後者爲 日 庶子爲後 其 不爲 其

後,如邦人。」是其例也

公妾以及士妾爲其父母。

儀禮喪服文足徵記

遂矣。 降服 得爲其父母遂,與不爲先女君之黨 之服,何以别於不攝女君者乎? 不 矣,是行女君之事也。 適之嫌,釁不可啓。 其黨也。 先女君之黨服,服之,疑於女君自服 傳 也。」然則妾之父母爲此諸妾,亦遂 瑶 曰:「妾不得體君,爲其父母 田 案 大功也,蓋不體君,故彼此 若攝女君,非即女君也。 諸妾爲父母服期,自若其常。 儼然抗禮於女君之外家,並 然既已攝 而猶遂其父母 不服 得遂 女 皆 君 得 其

大功」章

服,固道之並行不悖者也。

大夫之妾爲君之庶子、女女子嫁者、未

嫁者。

曰:「何以大功也? 瑶田 案:此言妾爲君之黨服 妾爲君之黨服, 也。 傳

> 以從大夫爲之服與否耶? 也。三人者之於此妾,或當殊其貴賤 得與女君同。」女君爲 此三人皆大功

爲世父母、叔父母、姑、姊妹。

母、姑、姊妹者,謂妾自服其私親也。」 邦人」。故傳曰:「下言世父母、叔父 降一等服大功,所謂「妾爲私兄弟,如 瑶田案"此皆妾在室之期服親也。出

「小功殤服」章

大夫之妾爲庶子之長殤。

瑶田案:此亦言妾爲君之黨服得與女

「小功」章

君同

也。

大夫之妾爲庶子適人者。

君同 瑶田案"此亦言妾爲君之黨服得與女 也

九〇

# 論尊加與至尊之服同非兄弟服之義

也,而 乎? 日 相 至尊 尊 疏之 不得謂之兄弟服 而 弟服,於世、叔父 母,則不得謂之兄弟服。 亦 也者,言不得 而 不 夫之所爲兄弟服 池,服 細。 乃可以 「旁尊也,不足 及外祖 世、叔父母,夫之所 所 祖 父母 以 弟 然則 服 服 當 父母之不 兄弟 之者 服 也。 小 不 外 期,傳 報 功 也? 祖 外,但引從母不見於經, 則 服 假 之 之 以 父母之服 也。 大異 服 差。 令曾祖 也,得不謂 加尊,故報之。」報之 曰 見於經也,於此 世、叔父母服 之乎? 若祖 爲 故賈疏釋夫之兄 矣。 一至尊 小 兄 曾 功, 小 父母、外祖父 弟 曾 功也 之兄 服 故 孫 大 祖 也。 , 同 致 由 父 放期,傳 易易 從母 見賈 其 彼 母 夫 弟 此 之 期 爲 小 至 服

> 報。 外親 功之差 衰三 何如之? 而 三月,以 服 也。 是服 月之意 小 功,斯 而 視緦麻,尊卑較 於服,外親皆緦, 外祖雖 服 加之 乎? 之, 不 亦 而 至尊 小功,而 於服 曾 服 祖 小 之 功。 以 並 謂 然矣。 小 不得謂之兄弟服 在 何? 而爲母之父,尊 外 功 所 之 祖 加 外 差 以 服 故 祖父母, 之 而 緦之差 皆 齊衰 服 不 齊

也。

### 儀禮喪服文足徵記九補編

### 喪服報例皆報其所施説

斯之 言,「報」之義,非 經、傳、記見「報」字十七事,可得而説 謂 人 必 報 有 所 施 故 無因 「施」之義 而 後 而至者也 如 其 據 所 施 創 以 《喪服 意者而 答之, 焉

「杖期」章

子,貴終其 傳曰:「何 經 曰 恩,此子猶 以 「父卒,繼母嫁,從爲之服,報。」 期也? 貴終 施之期服 也。」言曾 此 母 亦報 爲 母

「不杖麻屨」章

之以

期

也

言昆 子。 以 報 則昆弟之子何以 也。 加 叔父何 弟之子以期 傳 尊焉,故報之也。」經又曰:「昆弟之 經 E : 「何以 以 世 期 父 也? 亦期 施,而世父、叔父亦 期 母、 也? 叔 與尊 也? 父 報之也。」二傳皆 母。 者 旁尊也,不足 傳 體 日 也 : 以 然 世 期

子各服 其 小宗,若旁親 經 曰:「爲人後者爲其父母,報。」言父 Œ 服 無 然,故 報 例。 以 今此 期 服 子 施 後大宗,降 於其父母

姑、姊妹報。」言姑、姊妹適人,姪與昆弟皆經曰:「姑、姊妹、女子子適人無主者,其父母亦以期報其子也。

期服,故姑、姊妹亦報之,而還服期也。降服大功,今爲其無主,哀憐之而施之以

期也? 報之也。」言夫之昆弟之子以世經曰:「夫之昆弟之子。」傳曰:「何以

母、叔母之名加服而施之以期,故二母亦

報之以期也。

之以 其中唯 爲其 期 婦 皆從降大功,今以尊同,還施之服期,爲三 女子子不報 餘人本當報以大功者,今悉如其所 之大功,今以 也。」此言大夫之子爲 子、昆弟、昆弟之子、姑、姊妹、女子子無主 何以言『唯子不報』也? 人適 而 爲大夫、命婦者,唯子不報。」傳 期 父母 有 經 也。 改 女子子本服父母期,非報 人者,本皆 曰:「大夫之子爲世父母、叔 易,無 期,故言 也 子於父 其無祭主,哀憐之而 以 位 從降 期 母 不 報期之疑,故 本 報 五男子、二婦人,本 斬 小功,又以 也,言其餘 齊 女子子適 服 不 服 施之期。 專言 尊 大 施 期,其 父母 皆 人 同 施 而 唯 報 者 之 施

瑶田案:昆弟、從父昆弟、從祖昆弟、族

報之殊,故經傳於諸昆弟 大。」又曰 期,故此 條之昆弟乃大夫之子,因其 昆弟,此 四昆 昆弟 稱,不可典要,唯變所適如 弟皆兩相爲 亦 必報之期。 不見 服, 尊 一禮, 無 同 報 而 例 此 時爲 施 此 施 之 此 彼

「大功」章

以大功服,而此人亦報服大功也 夫、婦人,報。」言女子子適人 經特著「丈夫、婦人」,並指同姓者言 婦人,「女子子在室」。 殤」,其三也,「小功」章「從母,丈夫、婦 之母、妻」,其一也,此經,其二也,「小 瑶 功殤服」章「爲姪、庶孫 人,報」,其四也。 齊衰三月」章「丈夫、婦人爲宗子、 田 經曰:「女子子適人者爲衆昆弟、姪 案 經中「丈夫、婦 鄭注「爲宗子」章云: 五字最精妙。 丈夫、婦人之長 人」凡 者 爲 此 24 人施 見: 丈 四

九四

之兄 異 切 謂 且 夫之服,舅姑期年,夫之祖父母大功, 經「丈夫、婦人」一律命 又繼之曰「及嫁歸宗者」句,殆非 則鄭注「爲宗子」章於「女子子在室」下, 母,女與男同服 在 未適人者」,不應此 故女服 矛 無 姓 同 室者不待言。 婦 如 況同 服 弟 且歸宗者,五 降,不當於此 婦 其 人爲 此 ,於夫之姑、姊 人,以 服 其薄 爲 姓 皆降 在 必與男 在室明 婦 室 路 也,無緣從 人,爲同 者。 一等。 小功,非在室 人 母之姊妹 同 處 矣。 服 來 衆昆弟 又牽 處又添出一 盡 與 妹、娣 其 姪 姓 吾嘗謂 若 夫胖合者,其 名,其婦 於 夫 從 連及之。 未 庶 日 姪,例皆女 宗 夫之昆 服 姒 適 從 孫 而 宗 在 合 婦 之殤, 何? 母 歸宗 室者 子 人皆 族 也。 又 一,爲從 時 若 獨 降 弟 屬 斷 之 夫 從 夫 婦 與 厚 四 爲

> 謂 大宗 於爲 日: 是專言繼禰之宗,故曰「爲 子子適人者爲昆 而 無 人」之例,鄭氏 以薄之之故矣。 治之,至有不爲制服 人,女子子在室」,可見經之鍼 未 注之思通乎微矣。 爲 豫 歸宗 乎? ,故不降,非 祖 異姓 降旁親 婦人雖 後 主名治 時,不降 以上之三小宗,皆不在算,況 適人者之服爲父後者期, 例, 在外,必有歸宗,日 又特申其 蓋所以厚之也。 指 經於此 際 其 弟之爲 謂 會 、服、爲 「不杖 者,亦 歸宗時 之事 義 特 父後 ·, 故 父 而 麻 因 出「丈夫、婦 可 之服 注之日「婦 後者。 屨」章: 有 默 於 者」。 鏤 此 小宗。」 喻 夫 異 也 細 歸 其 黨 姓 宗 亦 至 傳 女 所 嚴 婦

以 曰:此儼 後,不 又案: 丈夫、婦 然 爲 丈 殤 夫 ım 也, 儼然婦 始 人之名,起於年 成 人 者, 人也 故目 之 此 九

其可 此同 别於 服》經 之字而已矣。 以 丈夫、婦人,不妨假借通 經已見「殤」字,可不疑其溷於成人之 故又别異之曰 傳中以婦人不杖與童子不杖連文,疏 異於異姓之辭,故雖 同 名之所由起者也。 人」。可見「丈夫、婦人」專據同 夫、婦人之長殤」,於殤而曰「丈夫、婦 齊衰三月」章:「丈夫、婦人爲宗子。」 此丈夫、婦人之殤」也。 呼, 婦人爲「童子婦人」。然則婦人者, .姓從宗合族屬之事,直下「丈夫 加 女子之辭,而女子未 中 則連文曰「丈夫、婦人」。 施之、未可以文義 者 四 事,即 屬 「童子婦 文之法自 凡同姓之親,男女 如 殤亦 「爲姪、庶孫 人」也。 稱,直作男女 是 散文通之日 始非 拘牽之也。 有 以「斬衰 心 見《 裁,當 今此 婦 .姓别 丈 喪

此,則 以 也。」童子與婦人皆不杖,不能病,是 爲喪服之通例 令飾之,不 至,故情 服,童子不當 之長殤 長 人乃能服之。從母之報此丈夫、婦 功」章所謂「丈夫、婦人」也。 疏 室緦」注 婦人者則 婦 童子於親者恩且不能至,豈於宗子之 於有親者 恩不至也 殤報。」殤者從母爲 遠,恩反能至 人」以領之,因以 凡 ,亦必從母成人乃能服之。 不能 服 云:「爲 無服 雖恩不至,不可 亦 殤者之人皆必 虚乎 通 也。 室無緦服,以其恩不 矣。 乎? 家 ? 故 不 觀 明未成其爲丈夫、 主, 稱 曰:「杖者,扶 童子 又案:「從母之 記 陽者服,即「小 與族 情 中「童子唯當 無服。」可見 不緦,可 而立文,强 成 人爲禮。 人始 必已成 能 病 以 有 據

言 爲 從 從 祖 昆 弟 袓 祖 經 父母 之孫 日 父 母 亦報 爲 從 施 從 祖 以 以 祖 祖 小 小 祖 父 功 功 母、從 父母,施 服 服 從祖 從父昆弟之子 祖 以 父 父母 小 母,報。 功 亦報 服

報之也。母之服男女皆施之小功,故從母亦以小功母之服男女皆施之小功,故從母亦以小功。經曰:「從母,丈夫、婦人,報。」言爲從

以

小

功

服

也

服 婦 以  $\Box$ 爲 人 則此人亦以 來至夫家,服 相 經 娣 日 與 姒 :「夫之姑、姊妹、娣 居 婦者,弟 室中,則 此 服報之也 此 長 生小功之親 二項 也。 Ĵ, 何 姒婦? 以 施 小 以 焉 生 宣言 功 報。 親 也 之 此 傳 ?

例於娣姒婦,足以互 章「爲夫之從父昆弟之妻」, 例 瑶 田 似 案 此 例 傳 專 釋 以 娣 娣 姒 姒 而 婦 明。 大 言。 發 而經 同 又「緦 亦發 室 生 與「夫 親 生 麻 親 之

> 亦 見此 之姑、姊 與娣 婦 姒 以 妹 婦 路 等,足可省文附 連言之,不 人 來 與 (姑、姊 生分 妹 見 同室, 别 也 者, 亦

九六

「緦麻」章

爲其從 也。 從祖 緦 昆 也。 弟 從祖 之 姑者,從祖 經曰 祖 子 昆 :「從祖姑、姊妹適人者,報。」夫 姊妹者, 施 弟 而 施 服 父之姊 而服之以怨,其報我 從祖 之 以 昆弟之姊 緦 妹 也。 其 我爲 報 我 妹 其從 亦 也 亦服 服 我 緦 父

章 心 報之也 從 母 經 服之長 曰:「從母 殤 降 之長殤,報。」此 等者也。 我 即 施 小 之,彼 功

之甥。 以 從 服 經 緦 何 日 : 舅 以 「甥。」 緦 亦報以 也? 傳 緦 報 日 也 之 : 也 謂 间下。 我 舅 甥 者 施 吾 於 舅 謂

經

曰:「壻。」傳曰:「何以緦也?

報

見與旁親服等耳。

之也。」言壻 於妻之父 母 施 以 從 服緦,妻之

父母亦報 以 緦 也

報之也。」言姑之子施於舅之子以從服緦, 經 曰:「姑之子。」傳曰:「何以緦也?

舅之子亦以緦報之也。

諸祖 報之緦 父母從 也 曰:「夫之諸祖父母,報。」言爲夫之 夫服施之以怨,此諸祖父母亦

記

爲 人後者於兄弟降一等,報。

見 之,而況其父母以外乎? 服 瑶 ,今爲人後,雖還 田案: 記發兄弟服例不一條,唯 「報」文者。 本 生之親,類 而服 其父母 必著「報」文 皆 然 不 報 此條 且報 之

## 鄭注夫之諸祖父母條轉寫譌字考

之婦 母。 鄭注 字,亦「從」字之譌。 因外祖父母服 祖祖父母 正服小 無 云: 緦 服 或説因從、曾同聲 麻」章: 「諸祖 ,外祖父母。案:「外」字乃「從」字之譌 功,妻從服 亦在「小功」章而 而 云 因承上文句法既 父母 報乎? 「夫之諸 者,夫之所爲 一而致調 總。 調之。 曾 祖父母,報。」今本 也。 祖 同 父母 或曰 曾 、聲义相 祖 小 案此「曾 曾祖 於 ·功,從 似 曾 而 父 孫 調

報」,特著「報」文,是爲夫之兄弟 有 瑶 一,「小功」章「從祖祖父母、從祖父母、 緦 報」文。 四證 田 麻」章「夫之諸 案: · 非 余決 兩 孤 「報」字遥 據 「外」字爲「從」字之譌 臆見 祖 以 父 遥 難古人也。 母,報 相 應,記 服 亦 所 而 厥 著 其

孫之非 數族 見於經,故爲 有 謂 之世叔見於『大功』章。」決此二經所 妻降 矣。 注 得 但 祖 從服及之。於此益見賈氏於兄弟服例, 夫、婦人、報。」於例當 上經『夫之諸祖父母』見於『緦麻』章,夫 外 夫之兄弟 外親 之族 父母 謂 服 祖」「外」字之爲 别爲《兄弟服 其三,下記 親從 之兄 緦 一等。」賈疏 兄弟 親 雖同 麻,不以 條在「小 其 弟服。 「夫之所爲兄弟服 服, 服 在 表 非 ,故賈氏不 「小功」章,而 妻 曰:「夫之所爲兄弟 m 外 小功報之。不報者, 云:「妻從夫服 説》以 余 降 功」章,日 親 出之。 後世轉寫之譌 徧 明矣。 等」也。 有其妻從服 明之。 考經 以 可見 經不見其 二條 :「從母,丈 傳,折 外祖於外 其 於此 外 四 其 族 「,賈氏 祖 外, 親 而 無 益 中 即即 服 妻 外 不 見 疑 决 鄭 不 孫 外

> 世 其 注 固 斡 是 譌 轉寫之譌殆在宋元以後刊本乎? 在 豁 轉寫者譌 瑶 從」字以是正之,亦見賈氏之疎矣。 旋 一從 誤 田 唐 然 解 又案:鄭注第二个「曾祖」字, 確 ,賈不任受,鄭更 初 祖」字之譌。 釋,不 時 斯 , 一從 誤久矣。 晰 疑 能 消 破「曾」字 字並 滯 此 賈 者 難 未譌作「外」 氏 在 人矣。 誣 门即據 之譌 唐 矣。 初 時 所 然 丽 易爲 譌 則 字 亦 鄭

#### 姑姊 妹女子子服述

室亦 於是「世父 「不杖麻 亦如之」,「爲衆子」條下注 如之」,「昆弟」條 姑、姊妹、女子子在 履」章 母、叔父母 舉不 見 一條 其 下 注 室皆齊 服 下 日 「爲姊 注 「女子子在室 鄭 日 君 衰 「爲 親 默識之, 妹 也 在 姑 在

例也。 焉。 者,豈以其齊衰 也。 之下殤」,亦姑、姊妹與叔父、昆弟同見。 殤」,亦女子子與子同見。「小功殤服」章, 見,「夫之昆弟之子、女子子之長殤、中 父之長殤、中殤、姑、姊妹之長殤、中殤,昆 子子之長殤、中殤」,女子子與子同見,「叔 從上」,「長殤、中殤 皆是」,以爲省文比 必詳之與? 子不見下殤者,已見子長、中殤,可省文比 殤」,「昆弟之下殤」,「爲姑、姊妹、女子子 經所謂齊衰下殤降二等者,曰「叔父之下 弟之長殤、中殤」,姑、姊妹與叔父、昆弟 亦如之」,「夫之昆弟之子」條下注曰「男女 「大功 諸不見齊衰 女子子已見長、中殤,又必 殤服」章 抑齊衰 正 Ė 服 降一等」者,曰「子、女 經 服 事例 舉 正 者無 所謂 服不見者,其適人 不見,故於三殤 也。余因之詳 不見其三殤 「齊衰之殤,中 見下 殤 服 同 服 考

> 理,而 尋」、「裁縫滅盡鍼線跡」者也 文,空中見 降一等者,亦降其齊衰一等也。 其長、中殤降 之殤者,若曰 獨詳於殤服,而又必大書特書名之曰 其人雖皆齊衰之親,有 九,猶在長殤之限,年二十則適人矣。 衰正 無 適人者, 適人服 妹、女子子適人者」,爲夫之昆弟之婦人子 之服又無不見者也。「大功」章 空之以存其理。 一處用省文比事之例,而獨 服,何 無 服之年限。 也? 出 此 一, 所 一等者,降其齊衰 其人。 無不見,三殤服 經不制服,是其例也。 我知之矣。 謂「羚羊挂 與其 成人 爲服 虚 固 制 齊 女子子年十 角, 不一 一等; 齊 服 無不見,且 衰 曰「姑、姊 衰 天 名,不若 E 無 見其 親 |齊衰 地 服 適人 也, 叫 至 之 抑 故 齊

## 姑姊妹報惟子不報互見省文説

降,而 子服 在 報。」 也,亦只以 降,又以 女子 加 此 爲父三年 女子子無 母、叔父母、子、昆弟、昆弟之子,姑、姊妹 服 無主 室 服 子在 瑶 例 斬 大 期,則姑、姊妹亦當報之服期矣。若 其 不杖 者,姑、 功。 之定限 衰三年 田案: 姑、姊 爲父也無升降之差。 出 室 者 主者, 降 出 麻 一, 雖 今以 自 降 而 屨 、姊妹報 若 父以 服 適 服 爲 章 厥 其 也。 小 期 大 後 無 妹 尊降之,服 功, 不 不 雖 祭主,哀憐之,爲之 夫 姑、 適 至 貢 其父 再降 「大夫之子爲世父 命 而 於適 人 姊妹、 斬 者,當 適 婦者,唯子不 服 服 今父以 服 人者之於父 人,父 期 大功,而 之 大 女子 出 也 功。 此 降,彼 其 女子 以 有 子 升 尊 無 其 滴

無祭

主,哀

憐之,而

加

服

期

則

(姑、姊

妹

亦

夫之 大 經載 服,彼此 本 以 也。 也。 同 列,而大夫之子亦以 貮 已皆爲大夫命婦,則又自居 人之爲大夫之子,仍當服 先,大夫之子,從大夫尊降服 弟之子之數人者,當 祭 從 夫服之,已爲尊 期 不降之列。故大夫之子於此大夫命婦 斬 主 子 大 者 於「不杖期」條 大夫之子爲世父母、叔 經 之 哀 也。 曰 夫降服 亦當從服 期 憐 皆小功。 非 「姑、姊妹 之加 至大 因 彼 服 其 夫之子 大 期 今此姑、姊妹 同 此皆大功,適人 一 而 加 功 其 報」,容 不 從父之故 其 服 矣。 降 其報之,亦未有不 於 未 期 於姑、姊妹 期 加 父 乃 爲 而 於尊 父母 不 子 服 也 大 後 又以 大 降。 不 皆爲 自 大 夫 報 降旁 功 、昆弟、昆 自 報,省 功 今數 此 又當從 命 之 居於尊 圃 若 命婦 在室, 則 婦 以 命 親 之 其 大 之 數 文 之 期 不

報也 之意,又嫌於世、叔父母諸人或亦不報,故 無主 也。 於以 又申之曰: 正 報之以 亂 前 其女子子 期 ,仍爲父服期,疑 ,故傳以「唯子不 期 章「姑、姊妹 報 唯古於辭 耳。 期 「言其餘 故 雖 若 傳 夫 非 乃能 釋 其子爲 皆報 無主,本爲 ,報」互相發。 唯 於以 報」,專指 如是。 也。」端緒雖多 子不報」不 期 父服 報 父服期,今 期 女子子言, 斬 ,然實非 衰,不 而 及 傳 者 子 疑

#### 父之姑緦麻服述

當小功之差而服緦,或 室與 等人並見適人者之服。 適人者」三字,以爲 (男子 檢《 喪服》,姑、姊妹、女子子、女孫 同 也。 今父 必 亦 在 之 其不見在室者,在 姑 室 如曾孫當小功之 者 服 服 緦,獨 也。 不 在 見 室 四

未見在 之。 皆不 不見 焉,因 即 服; 於父之姑並未 殤服,蓋凡女子之殤 姑在室而爲之服者。 十,未有不適人者。 父之姊妹也。 適人者言,非 明之,自以 者」三字也。 差 六十矣。 適人,在室但有正服之理耳。 而 殤服 故適人云 見 而 服 反復 適 室,無庸 正 恕, 祖父之姊 人降一等已無服,故 服,固 則 爲 紬 不 於是爲案於《考定原本》中以 無 釋之。 確 在室者服 者, 見其 孫得 與 當之至矣。 正 别 是 男子同, 服 别 女與 異 在 妹 見祖父,祖父年已五 故姪之子必無 服,皆從正服 可 異 父之姑服 , 無在室之服,故不見 室,即 少者年 知。 一言其 於其 (男同 也。 故 Ē 今閲此 且 ' ; 亦 在 父之姑 亦 必 亦 服 凡 服,便是適 總者 室之云也 不 見 今姪之子 當 之理 是 見 降一等。 見 出 在 殤 見父之 過 案 者, 實 適 長 服者 三四 室 亦 而 祖 主 之 疑

言 高祖 與 姑 功之差矣。 歸 從 、姊妹、女孫諸人上下降殺之差 服者,爲玄孫必無見高祖者同 何 母家時乃見此 祖 必 祖 又贅「適人者」三字 父 《爾雅》「謂姪之子爲歸 一輩 男 孫也。 女同 服 義。 乎? 之理 如 並 此 相 此 孫」者 亦如 買,亦 在 乃 不 小 與 制

#### 妻從夫服表微記

嘗 焉 親 合之以 來 紬 也 出之者,首其義於序男女之别也。與 與 妻之天 别 一無寧 繹 夫胖合。 妻之從夫 嫌 、情,重 明 喪 也。 疎之,與其近 微 服 其 之指,爲 其 **>** 而 經 在家從父,出 所 於 服 文,然 重 夫黨之親 丽 家之人,聯之以 無以 輕 也,無 後 其 歎 尚 所 也,以 聖 嫁從夫。 之 寧遠之。 輕 人 者 不不 精義 也。 路 敢 義 人 之 間 其 苟 面 而

兄弟服 者,人治之大者也, 書 經乃 也。 之所 弟之妻婦 道 服 遞 重 姑 衰 曰 之世父母、叔父母,從之服大功。所謂 ൬ 愐 以發 服之, 也。 此 ? (,亦夫 無 輕 殺 三年,服 别有説詳之。 也。 無 不 爲 不 於夫之父母也,從之服大功,由重 夫之祖 其 其 服 見其 云者,於服例旁親服之名也。旁親 兄 報,而此獨不報者,服之限於例者 齊衰 所 雖遞輕焉,然非旁親者比 夫 例 者 者,是嫂 弟服,妻降 同 之 屬 曰:「其夫屬乎父道者,妻皆 也。 妻之從服。 一父母, 期 尊 至 乎 夫於昆弟,期親之重 何以 年。 者 重 子道者 也。 者 亦 亦夫所尊焉 可 雖欲 可 一等」者,此 也。 無 無 不 謂 於 ,妻皆婦 服 慎乎?」《大傳》 之母 夫之所尊者,從 舅,夫 也? 見其 不重,烏 (服者, 乎? 傳大 道 者 所 之謂 得而 也。 也。 也。夫 至 服 故 書 經若 尊 也, 也。 謂 母 特 夫 而 然 不

妹

至

以

是

母

我

者,經 親之 父母 昆弟之子抑 及之矣。 其 之 不不 矣乎? 報之以 昵之,不近以褻之,不亦 從服 爲兄弟 ,從夫之小 親之近之之義耳。 防 而 旁殺之,夫之從祖 互異 蓋有 爲 序男女之别 期 於 以 夫之 姓 由夫之昆弟 期。 服 止 序 於是 此 主 微 又 服,妻 我 於 男女之别者,疎 期 名治際會。」此 權 面 遠 以 心此,過: 親 由 功 馬,其 我不 後 矣。 尊臨之,以卑畜之,不親 服 與 夫之昆 降 而 知妻之所 昆 丽 足 相 此 然 無 義 弟等。 爲之服 等」者 與同 加 以 祖父母、夫之從 服 而 於是由夫之祖 至精 弟 尊 往,不復 爲 而 别 明 而 居 之遠之, 而 之 下殺之,夫之 以 嫌 也。 總, 「治之」 及 而 室 尊 服 爲 明微 其 於 有 中 我, 期 是亦「夫 能 所 夫 大 夫 上 之義 之姊 殺 轉 不 慎 我 推 乃 以 黨 之 旁 同 於 彼 而 祖 父 不 大 服 從父 而 緦 謂 如 中 月 相 或 服 不 親

之所

失其

爲

也。

母

而

之姑, 中,亦 中,如 者,妻 居室而 夫之昆弟, 殤之緦 之姑、姊妹不 已適 等服之小 者,不循 娣 如 昆 舉 相 路 來時 絶 姒婦」者, 亦 生親 服 贅 祭, 於 弟之 人,無 近 夫之 無 人矣,不 之義; 是 疣然者亦 斷 思 夫之 畧皆 而 而 功。 也者 妻 妻,容或 以 深 制 自 僅 況 期 服 無 所 與夫之姑、姊妹 哉 適人之總服, 生親,不服之矣。 有 適 於 有 親 復 至 夫 亦服 服,而夫之昆弟之妻, 者 爲 人 夫 於適 死 也。 鮮 黨之親 可 爲之服 兄弟 矣, 有 也。 之姊 於宫 矣, 謂 小 相 人, 然 通 加 功。 亦 與 降 口中者, 有 妹 荷 經經 乎 緦 或 則 之則 無 乎? 同 得 微 矣。 有 又推之夫之 而 不 等 遺 中 居 相 同 者 又必制 相 相 且 無 者 例 服 ...相 經 與 若 若 矣。 與 與 爲 制 溢 小 於夫 夫 居 居 之三 居 而 加 功 或 以 與 夫 長 夫 室 所 室 降

義之盡也。乃爲表以明之。如漏卮然者亦鮮矣。慎之又慎,仁之至、

姑服

適

婦大功、庶婦小功,

其

祖

舅姑

服

孫婦

緦

麻

爲比

例,則二父母

無

服

矣。

此

正服

爲夫斬衰三年。

夫之正親從服

爲舅姑齊衰期。

爲夫之祖父母大

功。

夫之旁親先施而妻報之服

爲夫之昆弟之子,報服期。 爲夫之

昆弟之子、女子子。長、中殤大功,下殤小功。

案: 此報服之降等,故亦在報服限。 爲夫之

夫之旁親妻先從夫施而不見報之服 昆弟之婦人子適人者,報服大功。

爲夫之叔父。長屬小功,中、下殤總。爲夫之世父母、叔父母,從夫降服大功。

例,則二父母當以大功報大功。以其舅瑶田案:以夫之諸祖父母緦報緦爲比

夫之旁親妻先從夫施而見報之服

限,聖人制禮之權也

蓋限於正親,不得不殺其旁親。

服

有

所

與族曾祖

父母爲昆弟之曾孫無

報服同,

爲夫之諸祖父母,從夫降服總。

不從夫服

夫之昆弟。 夫期服,妻無服

不從夫降一等而同室生親妻自爲之服

夫之姑、姊妹。 夫期服,妻小功。

適人者,夫

大功,妻無服。 夫之姑、姊妹之長殤。 夫大

功,妻緦服。

夫無服而同室生親妻自爲之服

娣姒婦,夫之昆弟妻也。夫無服,妻小功。

爲夫之從父昆弟之妻。夫無服,妻總

服。

#### 夫之母黨

夫之外祖父母。夫小功,妻服不見於經。

文例 之婦 有實無,又無可互比,是經不 未見彼之施服,此經之省文例也。 兩 瑶田案:凡服,無論尊卑平施 夫之從母。 夫小功,妻服不見於經 見 者,即 亦 人子適 經之例 據 人者大功,是此之報 此 也 以 決彼。 如爲夫之昆 制服,非省 心,有彼 服 若宜 此 弟 而

服矣。 哉 親 服 不降 夫黨 不 又案: 夫之母黨無從服 見 之例,言其服 服 緦 從服 等服 故妻於此姑、姊妹之適人者, 服 例 於 例之。 夫黨 無 不 大 降 相 二等 功 不 如 姑、姊 與 起 而 此 居 於從夫。 者 服 則於夫之母 室, 也 小 妹 見於經者 功, 又何 夫之期親 傳 從 蓋 發 服 非 夫 同 據 之 黨 則 從 室 也, 有 經 經 無 夫 生

服也。 服 僅 然。 言,在《禮 二十國寶書不啻也。 於《周官》、《儀禮》外,存什 之前,三代書之遺亡散失不 學者之所傳述。 肯輕下,詳 段氏據《禮記》駮 爲夫之外祖 爲公子之外祖父母從母 不容妄增。 子之妻爲公子之外兄弟。]鄭注云: 日 實 不 ,舍此安歸 有《禮記》耳。 然余終無 爲 服問》云: 吾細玩《喪服》經之義 之制 記》者最 審精 父母 顧《禮記》一 ? 服 解於《喪服》經之不 密 燔阬之後,挾書禁未 也。 即 學者保殘守缺,當 從母 『有 辨, 示,豪 如《 爲 繁富 從 段 況喪 無 以 緦 喪 經,爲 矛 無 氏 間 麻 緦 服 欲 然,不 固 制制 陷 服 若 麻。」然則妻  $\approx$ 可 於千百 例,一字不 盾,聞 而 膺 之大 從 勝 七十子 不 篇 有 事 原。 見之 貽 可 服 義 如 易。 獨 於 爲 余 之雙 「謂 者 喪 微 除 後 服 不 百 制 書

二〇六

服於五 者亦 爲其 不可 宗者,公子是也。 此。又如《大傳》言:「有小宗而 不見於《喪服》經,而《服問》之云,又從 見於此。 之適者,公子之宗道也。」公子宗道,畧 公,爲其士、大夫之庶者,宗其士、大夫 者,有大宗而無小宗者,有無宗亦莫之 服 不 公子爲其妻之父母。 庶昆弟,非公子矣,然後進其 不敢服」者也,正所以甚言不爲公子制 載公子之服 也。 在 得 不 (皇姑,公子之妻爲公子之外兄弟, 五服中者,所謂「君之所不服,子亦 而聞 一服中而服大功,而公子之服則固 可 至公子於先君卒後,而 若並《禮記》一書無之,此箋 得 也。 " 雖記 而 聞 如《服問》言:公子之妻 之也。 公子有宗道,公子之 中見公子爲母妻服 公子喪服,畧見於 然公子之服 爲 爲 無大宗 母妻之 今君之 究 茎 之

有所 習禮 《檀弓》一篇,類皆聖門弟子之所紀述, 世之聖人,知所損益,聞貴於多,疑所 然而游、夏文學 時 曠 多出於漢儒之雜故 以爲準,亦無不可,何也?《儀禮》乃聖經,而《禮記 禮》三祝辭,皆其子主祭事。《喪服小記》之説不必 喪,虞,卒哭,其夫若子主之,祔則舅主之。」及考《士虞 廷相《答劉遠夫論喪禮書》云:《喪服小記 異,彼注云"「姑之子,外兄弟也。」亦是望 始終疑 義,展轉逆料,别出一解以釋之。 三字,鄭氏 大傳》推 世不 酌 改 感 不 矣。 , 隨俗 相沿 免殊情,從俗 不 能 廣 又與 從周之孔子,學兼夏、殷,論 襲,即 明,當存 旁側 便宜 也。 同 其 而 **難** 科,魯、衛兄弟之政 抑余又嘗論之, 所注《 知之。 其説 亦多異制。 朝 以 制 畫 以 喪服 度,亦容 且 俟 者。 外 考。 学自 吾因之 兑 試 案: 王 禮 此 文 有 婦婦 相 必 讀 因 生 條 違 盡 之

### 闕,是吾夫子之教也。

### 丈夫婦人稱名緣起記

女出 也; 而 義 加 人,故曰男女之恒稱也。 則未爲大夫、命婦,未始 上 地 而 喪服 之焉,自始成人以往,亦遂 視之,日: 爲 無 者 而 命婦者,其婦人之爲大夫妻者也。 弗 乎殤而 皆 天名曰 有 不 (\*) 傳 是故男子、婦人者,男女之恒 可 所 知 미 曰:大夫者,其男子之爲大夫者 改 見 其 者,而於是天下古今之人,見在 始成 也。 天,地名曰 此丈夫也,此婦 異 爲 解 天,見 人之於稱 人之稱。 所聞 在 地。 異 下者皆知其 丈夫、婦 不 名 遥 辭者,則緣 有不名之天與 人也。 口 丽 也,亦若 可 稱男子、婦 望 通 之,瞠 人者 然由 稱之日 |稱也 爲地 是則 起之 写男 然 是 目

婦人子 男 姓 其 姓婦 爲同 其 則 之下殤;其一則稱 之女子子之長 婦人之殤,若曰 則異,而散文又通。 成人之稱也。 姓,使之不溷 人之在室者,遂别異之曰 「丈夫、婦人」之稱。 丈夫、婦 女 婦 成 然也? 獨 人者 姓之所得 稱名之例,如 人 人 以 者 適人者。 稱之見 爲 又别 凡三事: 通檢《喪服》經,異姓婦 同 人」矣。 姓男女之 以 於 專,故 殤、 異 於經者 此 其 同 之日 據此, 同 中殤, 成人者曰爲夫之昆弟之 其 吾上所數者 耐 同 姓 故於殤,亦遂曰丈夫、 自 姓之殤也云爾。 稱 雖然,丈 姓得專之,是以 也。 又 婦 喪 稱 異 則在室之女子子, 未 人子。 如 服 婦 姓 成人者,一 於 日 所 此。 人子。 婦 經 是 夫之女子子 夫 以 人 蓋 之 同 於是 蓋 别 婦婦 稱 不 稱 自 姓 人 異 何 同 誣 人者 名 此 其 稱 對文 得 日 夫既 以 於 姓 也 經 異 夫 專 知 婦 同 異

法,紛 名?」可 是 心 子」也。《論語》曰:「君子去仁,惡乎成 其 出 名,謂之君子之子。 使其 曰:「君子也者,人之成名也。 失節之人。故於得見君子,注者以爲 於色莊;以其有 之稱,在《論語》,以其誠 慈己加也。 其 曰「大夫及公子之適妻子」是也。 耳,曰:「 「君子子者,貴人之子也。」爲庶母 而 已成君子之名,故貴人之子 親之名也。」由是言之,謂大 「衆之名也。《禮記・哀公問》篇: 日 論之,天下人之稱名有不同,然一辭 紛 君 以 然 子子」者 君子子爲庶母慈己者。」傳 想 如 傳以爲貴 此 見 其 君 爲有守也,而别異於 何 淆 子之名矣。 也 也。 人,鄭氏注乃實其 ? 中形外也,而 然察 親爲君子,是成 小小 謂之「君子 夫 功 其 夫 百姓 案: 日 緣起,平 小功,以 稱名之 章 ]貴人, 孔子 歸之 君子 才 無 别 德 能 異 見

也哉。

小

功之縷譌字記

故也。 之縷,小 縷 也。 之縷 衰 譌之後,千有餘年人皆忽之,讀 小 唐 氏若膺治余書 余因檢鄭注讀之。 縷」字之譌,可謂 名 也。 功,而成布四升半。 石 也。 升數少者,以 經 也。」今本「之縷」並 總衰」章傳曰:「總衰者何以? 嘗試論之:總衰者,猶大功衰、小 **繐也、大功** 已 功衰之縷即 其縷名, 然。 《考定原本》中 曰:「縷」之譌「繐」也,蓋 則 明辨 也 服 注之言曰 名 大 一、小 至尊也。」據 細其縷者,以 小 功 哲也。 功 譌 功之縷。 衰 之縷 也,皆衰名, 作「之總 :「治其 加 宜更正 即 書 唐 注 名大 不 獨 石 一。段 小 字 以 縷 繐 恩 經 之。 功 非 功 過 Œ 衰 邨 如 自 功

某某、

之總

錫

繐

字

用

爲

衰

名

便

成

喪

服

中

用。

如

總衰

,緦之縷

五.

衰

而

以

之代

字代『縷』字,則 縷,不可云繐之縷爲小功之繐。 功,名之曰 縷。 「縷」字? 亦 亦 外 也 爲 「繐 乃 借 治其 總即言其縷之細 之 可 又 可 四 縷 通 成 即 一升半。 通 Ì 疑之者曰: 繐衰之布,即較之大功 稱 之 大功之縷亦 稱 經緯,但治 治 也 乃衰名,縷 稱 緦 極 <del>可</del> 小 之總 衰 若 不 日 細 功 굸 之名, 以 故 某 者,豈 同 之 小 縷 某 耶? 其 小 縷 小小 功 小 則 細, 之 布 功 ,故謂之小 不 可 之縷 可 功之 以 織 緦 功之繐 雖 之 稱 口 能 因 繐 若 衰 織 + 細 耶 經緯 大 通 其 作 衰 以 爲 之經 爲 升 功之 活 是 稱 細 總之 而 繐 字 定 總 也 爲 緯 功 即 衰 疏 + 日 衰 縷以 也。 之前 所不 爲 以 其 齊 縷 之 鉅 繐 繐 慨 絰 口 其 衰 鄭 ? 當 衰 良 末 移 こ以 可 縷 聞 之 輕 俗 别 言 易 可 氏 而

之。

即

欲

僧

也。

繐衰

不

之繐。」余日

小

功之縷。

於

小

升,

而

但

布。

其

布

不

治

繐

之

布

亦猶

粗

又有説焉。 成布 答曰 , 細 爲 細 之 縷 之 者 子 舉 二小 已矣。」 或者不 一,借以 用 必 薄 字。 也 柳 mj 人 漢 蓋總 當 縷,人 皆各有 也。 也。 妻 用 喪服 法 此 時 功之縷。』言 爲 如 之。 名輕細之布 大 以 言 别 衰之異於五衰者 Ŧi. 繐 舅 所 小 中, 證 爲 檀 定 用 服 之 服 故 共 功 繐 限。 其 何 之衰,衰各 非 萬 當當 間 衰。 衰 知 縷  $\forall$ 衰 縷 無 中 日 即即 及 齊 日 即 之 而 借 明 所 緦 此 後 衰 矣。 縷 用 於 繐 理 如南 世 謂 衰 斬衰之縷 mi 繐 矣。 而 衰 小 五 借 在 之 有 服 衰 之縷 後 功 成 衰 陽 繐 縷,其 縷 名, 繐 抑 衰 其 者 中 有 世 衰 也 衰 别 之 布 未 何 取 余 無 鄧 因 環

二〇九

## 儀禮喪服文足徵記十補編三

#### 異 姓主名述

皆婦 諸此 尊之,故不可異 母 也。 不貮斬也。 也。 以 也。 期 斷 矣。 也。 遠之者,不近之也。 母,生我 異 傳曰:「其夫屬乎父道者,妻皆母 姓主名,名者何? 婦, 了,故以重服服之,昆弟之妻之 妻之服 婦之服,視子降 妻,齊 事 我 者 也。父在期 我者 者 也。上之,則 杖期,齊我 也。 也。 下之,則 一等。 母之服同於父, 序男女之别,基 屈 母也, 妻也, 而 也, 祖 體我。至 非 卑之,故 孫 母 異 也。 以 婦 上 齊衰 以 無 下 皆 婦 道 遠 親 服

婦道

之謂也,斯不亦卑之、遠之使不得近

遂不

爲之制服也。名之曰婦、夫子道

而

適

之稱。 之制服 名之曰嫂。 之妻婦者,是嫂 也 服 義 人治之大者也,可 乎? 而 於世 世 近之義焉,故以疑 婦,而因等之婦。 1叔母,夫父道而妻母道之謂也。 也。 馬, 不謂之母,以尊之者遠之,有不敢近之 婦、庶婦、庶孫之婦皆降二等而旁殺之, 其夫屬乎子道者,妻皆婦 叔父尊而遠之,斯不 昆弟之子之妻,服當報 故以疑於 弟之妻,名之曰 也。 弟之妻而 嫂者,尊嚴之稱。尊之疑於母 由是而 亦 母 無 可婦之乎? 可謂之母 以卑之者遠之,有 者示 於婦 世、叔父之妻,名之曰 慎 乎?」是故兄之妻。 其别, 弟 者 婦。 示 亦不 乎? 其 以大功,然由 道 丽 别, 婦者,子 卑之疑 敢 不爲 也 故 其服 而 近 名者 之 謂 之 不 不 制 弟 爲 得 於 婦

之。 於族 之義 丽 男 於是 女 乎? 屬之中,必主於其名之尊 有 顧 别。」言異姓之女來 故 名思義,昭 -異 姓 著 主名治際會, 於稱 與 卑 謂 男 遠 間 相 近 際 名 以 而 犂 會 著 治

# 答段若膺大令論爲人後者服其本生親

然其

有别

也

鳴

呼至矣!

母 服 功」章爲人後者爲 者爲其父母,本三年 之,故而薄之也。 者,本大功而 大功也; 特見昆弟、姊 喪服 爲 欲 影記 「小功」章 厚 曰 其 降 :「爲人後者 故「不杖 妹 本生之親,令 一等服 其 前 適人二 爲 昆 降 人 弟 小 後者 本 麻 等 事: 功 屨」章爲 於其 服 期 也 爲 一男子, 毋 期 而 其 兄弟, 也; 以 姊 降 經於父 人 疏 妹 等 後 大 滴 遠 降

然則 也。 宗? 降當 也 也。 祖 也。」又「爲人後者爲其父母」條,其 可爲之後。 條,其傳曰 至於疏 小 祖 父母、世叔父母 等」云者,皆倣 女出 「爲人後者孰 功。 父母,本齊衰 祖父母、從祖父母、從祖 爲人 且夫 族人以支子後大宗,義起於族人。爲 不可以絶,故族人以支子後 緦 室。 大宗者,尊之統 遠 蓋 麻 爲 聖 後者,事之不得已而 也? ,爲其從父昆弟,本 舉 : 何 人 人 兩 後? 後者 如 何 制 此 例 三月 嘗讀《喪服》「爲人後者 本期 禮 如 也。 而 以 於其本生之親 可 而 ,義至精 後大宗也。 明 m 也。 以 可 而 故由 記 降當總麻; 降 爲 爲之後? 中於「兄 當大 大宗者,收 人 昆弟,本 是推之,爲 而 後? 大 用 功; 不 曷 大宗 功 情 易 可已者 爲 弟 支子 同宗 傳 至 而 小 爲 爲 後 也。 族 爲 降 深 降 功 其 其 其 者 大 遂 可 埭 則 當 而 從 曾 祖

明矣。 親 從祖 也 人 可絶 若 則 屬 所 謂 收 圃 小記》曰 取之於疏遠也。 疏 等,而 夫非 ,乃凡無 議 必 本生之親等於路人,可乎哉? 殺之降 以 ,何必大爲之防哉? 日 遠 族 若 日 一祔食之義,則爲人後者後大宗之義 嗣 也 杜 繼 無 故 後大宗者,義主 與與 主 族 此 大宗 不 異姓亂宗之萌 别之大宗,防其 進 其 人以其支子後之也? 可也。 於 殤 、後者 疏 後 大宗同義。 支子 序 而 遠 世法,非制禮之意,故《喪服 與 親 立後者,大夫世 而近之,則加 不 夫 爲 人 後 無 故 於大宗不 易 皆立 後 E 爲 者,從祖 同 也。若立後先取 後之明 至於家家 於收族,不主於序 不可 以不同宗者爲後 是 宗 必 加 制 則 以 分至 Ŧi. 隆之義焉耳。 禮之初指 證 袝 可爲之後 其 適子後之, 服 蓋 食。」斯 也 家,其 立 於疏遠, 之 人未有 後,人 親 明 不 平 禮 親 雖

之 不可 子無子,次子不得有子。 者 其 義。宗法之不行於天下也久矣,其 無後,則其財無 財之法。無有餘 有香丁本生父喪議》略具其説。 立 所顧忌爲大公無私,不窮經之過也。 成其爲子。觀於《喪服》,而知私之時義大矣。 弟無分。」然而有分者,則辟子之私也,子不私 宗之故,而奪人之私宗以後之也。 誠 日 不 初 而 親 後以 樂 以大宗必不可 指 以 立之,由親及疏,不 者 自 心止争, 也。 而 收 人後者事 父 立爲 族,今人立後 其 故 父, 而要非《喪 俗 後。 所 絶,而 論之最 之不得 而 歸,而 歸之宗、不足資之宗 無 樂 親 於子人之子者, 以 又不可以必欲後大 服 已而 容 争端 不 者 何 丽 止 乃取 可 「或紊。 》經傳立 也? 適子不得後 争。 吾嘗日 通者 起矣,故 不可已者也 吾 其 無異宫 不 有《嘉定 傳曰:「昆 後 人死 乃 後 稍 其 如 父則 世以 制 日 疏 必 長 服 遠 擇 mi 之 故 同 不

若子,不得

不

於

降

等

中又降等與?

母之大功、父母

之期

不容

再降;

自

餘

悉

生之親

惟

曾

祖

即

爲

後

者

之曾

祖

丽

祖

父

者?

或

如

曾

祖

爲

曾孫

緦

麻,

而

爲

昆

弟

之

曾孫

當報

以

緦

丽

毅

然不

爲

制

服

者,旁殺之

義

重

而

緦

麻

報

服

較

從

輕

與

?

如

此,

則

本

義,必

有

所

以

處

之, 豈以

斯

禮

主

於

爲

人

後

在今日,

權

以

時

爲

大、宜次之、

稱

次之之

者。 功; 之記 議禮 宗之禮,從 是若子之服 服 比 如 爲 小 比 何 考之經 後 本生姊妹適人者降小 丽 功 兩 於從 然 į 兩 敢 本 較 此 憑 傳 比 祖 生昆弟降大功者,若 以「若子」之傳記 之,則本生父母 廢矣,豈其然乎? 胸 之降服,有又下一 父母云云。 ,其禮未之前聞 臆説之? 功,若子服緦麻 此 然使 降 等 與「降 期 立 等或 前 學 來 後,近 者, 子 世 者 教 服 若子 聖 岃 二等 等 : 輕 小 ## 礕

> 持之以釋《喪 事 者,援 經 比 服 例, 》經傳 禮 固 則 可 以 不 義 敢 起 知 與? 也。 然

欲

其

# 後世序親議嗣若子降等兩服錯互表

族父母 乃 同 服 世、叔父母 人 人,低昂錯互,表以明之。 財 支子,不主 可 分爲二事,不 之義廢。 止 喪服 後者。 争。 後 × 如 一序親。 者 爲 於是 無後 不 相 人 有 序 後 雜 若子 爲 者 親 故若子之服 者 厠。 從 争端 財 1,專後. 祖 降 無所 後 父 等 彌 世宗法不行 母 大宗,取之族 M 歸,必立後 熾 後 服 與降等之 故 恒 聚 有 有 爲 爲

子若生本	子若生本	爲
	衰三月。 曾祖父母齊	爲世叔父母後此取後於世父、叔父之支子。
	父母 期。 祖父母即祖	於世父、叔父之支
世叔父母降大 时。一即父 时。一即父 时。一即父 时。一即父 人。 人。 人。	期。	-f
父昆弟大功。 乃 從	乃從父昆弟 路 解 大功。	
子 降 總。 乃 之 於 又 昆 弟 之	表 克 克 光 是 是 弟 之 子 降 是 弟 之 子 降	
	服。 昆弟之子 無 配弟之孫 降	

. pq

子若生本	爲從	子若生本	子若生本
· 整三月。 曾祖父母齊	從祖父母後此世父、叔父皆獨子,故取後於從祖父之支子。	曾祖父母 <sup>總</sup> 。 乃族	
祖父母小功。祖父母降大	父、叔父皆獨子,故:	祖父母總。乃族祖父母降	功。 祖祖父母小 從祖祖父母
乃從祖父母 舉 期。	取後於從祖父之支	母總。 形族父母降無	父母小功。 從祖父母降
乃從祖昆弟小功。	子。	弟 <sup>總</sup> 。 乃 族 昆 族 昆 弟 <sup>降</sup> 無	思弟 <sub>小功</sub> 。 起弟 <sub>小功</sub> 。 祖 昆弟 降
思弟之子 降 起弟之子 降			子 <sup>總</sup> 。 子 <sup>降</sup> 無。 乃 一 一 一 一 一 一 一 一 一 一 一 一 一
展。 乃從祖 昆弟之孫降			

一 二 六

子若生本	子若生本	爲旌	子若生本
	祖父母總。乃族曾曾祖父母降	爲族父母後此世父、	曾祖父母總。 降無服。乃族 族曾祖父母
	父母總。  乃族祖  祖父母降大	叔父皆獨子,從祖父亦皆獨子,	祖父母總。  八 族祖父母降
母總。 乃族父母降大	乃族父母總。 段 姆 卿。	文亦皆獨子,故取後	母總。乃族父母降無
昆弟總。 乃族	乃族昆弟總。	故取後於族父之支子。	弟 <sup>總。</sup> 乃族昆
無服。 無服。 一 無服。 乃 一 一 一 一 一 一 一 一 一 一 一 一 一	展。 起弟之子無 起弟之子降		
	親。 乃族 昆 弟之孫 無服。		

子若生本	子若生本
月。在一个一个一个一个一个一个一个一个一个一个一个一个一个一个一个一个一个一个一个	
族祖父母 脚。 無服。一即 無股。一即 是文、叔父其孫皆 是文、叔父其孫皆 是文、叔父其孫皆 是文、叔父其孫皆 是文、叔父其孫皆	祖父母總。乃族
族父母降無 時一年。餘 時世叔父母 時世叔父母 以此所後父 之民弟無支子可 之民弟無支子可 之民弟無支子可 父民弟無支子可 父民弟無支子可	母總。乃族父降
功。 展	<sup>總。</sup> 乃族昆
想。 是服無降。 是 是 是 是 是 是 是 是 是 是 是 是 是	無服。 從祖昆弟之子 於昆弟之子

者,此 言 中,隆 之服 等至 爲人後者 勢,而不 破 後之義 也 服 服 之親嫌於無服之爲薄,故但 者 竊 示 瑶 者 有下 乎親 厚, 無 而 以爲聖人始制 田 乃乃 也。 案 上四等者,自服若子之服。 論 加 而其制若子之服也,又所 義 後世序親 所 屬 已。 隆 · 得不 於 所後之服 當 較 通 ,實則不得已 既 爲 斯 此 降 輕 隆 其 檢三表,若子之服同 其 竭,無 義 於奪 不 服 復 矣。 父母 也,天 有上於降服 可 議 本 一等,或下二等、三等 情中更奪其情。 破 何疑 、義至 嗣,勢所不 有 今其 生降等服 期、 不 經 則 一而從殺 焉? 祖 地 爲之服 人在 彼 重 父母 義, 一等,或 已 也。 降 ·得不然者。 也 至若 若 成 萬 等 以 以 者 大功,此 必 子 萬 伸 雖 以 奪 加 丽 於 也, 子之 若 是故 破之 親 爲 其 隆 本 降 不 視 上 口 X 以 子 情 無 服 生 服 而

> 焉, 喪,誰得而禁之哉? 莫之禁而 年也。若子之義不 喪者,三年然後娶,服除矣,而 年,子之志也。 爲 喪者,稱 輕 中 何 義 母期,古人謂之三年之喪。 論 미 即 其在若子服 乎哉? 已前定,豈 有 情立文,固 不 得 不 亡於禮者之禮 爲妻杖期,亦謂 容遷 破 中 乎? 其 可 所 就 降 自 破, ? 自 盡 服 圃 者 餘 者 瑶 降 也 心 田 在 心喪三 等 禮 自 若 喪終二 之三年 竊 之心 弗 父在 重 子服 窮 以 爲 則 爲

# 論喪服爲人後者若子降等兩例制禮緣

變,其然乎?

其不然乎?

起

於兄弟,降一等,報,於所爲後之子兄弟,《喪服》記特著爲人後者服例曰:

定者。 之例 之義 耶 計 兄弟 若 則 記 著 轉 宗,本主 義 本生親已出五服之外,截然 玾 也,至於爲後者偶遇 人,烏乎可 緒 變,而權 ? 義 外 例 出 及於爲人後者容或有 矣。 又 不 比類,立三表以 例不合,烏 不相 服 余因 復多 迴 且 義,亦仁 降 兩 疏遠者言。 ~護者? 後 聖人制禮,就 例 應,破若子之例, 耶? 出焉 後世叙親 等報 判 生枝節,與 人世殊 然, ,然權生於經。 至義盡 可 著降等服 者,爲 不 以 一有 事 與 議 既 相 服 難 異,本與 言禮者參之。 族 嗣,觸處窒礙,爲 迴 迴 來爲大宗後, 親,乃事之不 五服 之道也、聖 聖人 事 族 護者 人以 護,則於 之例 之前定 人以 亦 之親 無 創 因 支子 也 降等之例  $\stackrel{\sim}{\sim}$ 是 服 支子 意 喪 以 視視 前 者言 之 轉 人 服 後 於 破 必 禮 初 則 可前 大宗 豊 後 制 降 出 如 毅 無 經、 之 指 之 然 路 於 等 不 服 大 於

> 例 出 於若子 爲之的 之例。 母母 倒 置焉 進退 可 屈伸 也 :之間 以若子之

#### 喪 服 不制高祖玄孫服述

孫之服 不 曾 之玄孫各宗其 爲其玄孫之高 上 者,上至高祖下至玄孫 九,上殺、下殺、旁殺 據此,則玄孫當 於下」,亦上 而 祖 制 ,宗易於下。」言高 遷之宗,其繼高 高 、喪服· 齊衰 也。 祖之服,下殺之服 小記 而《喪 三月」章 至 祖,是爲「祖遷於 繼 高 1》:「親 有 高祖之宗子, 祖、下至玄孫 服》經文,上殺之服 高 祖 日 祖 祖之服 者也。 ௱ 親 也。 昆弟 曾 親 以三 止 畢 又曰:「有 祖 高高 分爲 爲五 矣。」 是 於 父 是爲「宗 丽 E, 故 曾孫,「 母 祖當 兩家, 爲 所 祖 上是 九 兩 謂 遷 止 有 Ŧi. Ŧi. 也。 緦 玄 於 世 九 爲 之節 爲 當 幼 即 也 功 夫 遂 之 祖 服 制 麻 也 由 人 未壯盛 準之爲 五 曾 出 居 也 月 之限 祖 服 爲 章 父 是 月 期 服 度 祖 服 也 而 其 也 何 年 今制 何 窮 而 <u>一</u>十 限 不 所 不 三年 0 之 齊 之年,血 也 丽 以 之 皆 制 有 曾 以 稱 衰 小 外,此 限 ? 殺 必 齊 稱 室 孫」 以 絶 大 也 功 矣。 五. 之 居 衰 也。 其 弱 功衰 喪 一,期 人 是 兄弟服,不 月 也 服  $\equiv$ 曲 情之悲 氣未 服 凶 冠, 亦亦 經 一月之 0 也 曾 限 此 禮 年 年 之情 短 所 , 祖 期 之 周 也 **>** 定,筋骨 不 猶 月 折 三十日 日 以 年 窮 居 服 公緣 九 哀 制 未 之 之極 之下 圃 服 不 也 以 加 得 敢 玄 月 限 又 ? 制 限 服 人 Ĺ 立 爲 服 孫 限 也 壯,有 未 殺 高 之 曾 生 情 其 而 曾 稱 至 大 <u>,</u> 五 之也 之 堅,不 之, 祖 窮 祖 + 文 蘄 以 功 尊 情 祖 服 服 月 以 人 制 年 則 九 之 室 立 高 則 也。 也 至 褿 任 文 然 服 日 小 月 祖 曾 飾 吧 應

服 聚 至 幼 必 過 至 夫 者 緦 不 曾 曾 歲 服 壽 |矣乎 於成 弱 有 百 未成人之人也。 。」注云:「 加 孫 見 考 孫 斷 亦 堂,世 之 準 有 出 是 之 一二人得見者。 刑 尚 子,六十二歲 不 謂 服 曾 + 猶 悼 故 福 人,差可 以 其 限 ·歲矣。 孫 三十 謂 不 入殤之年,曾祖已 也 斯 所 識 識 之窮 服 能 雖 其 禮 見 慮 慮 其 備 有 恩 未 由 之周 者蓋 備 也, 曾 淺 禮 皤 此 室 不至,不 有 見孫,九十三 而 禮 洎 祖 少 舍 於曾祖 禮 皤 制 識 知、 寡。 於 踰 得 夫 也 周 丽 遠 斯 齊衰三 慮。 曾 見之, 僧 年 恩 數 公其 祖 不 可 然 祖 孫 情 生 之, 然 亦 百歲矣。 無 千 眇 子, 七年 由 之 童子 則 月 孰 則 則 稱 服。 以 百 眇 歲 幼 曲 聖 曾 能 之 情 不 則 制 末 而 盡 日 見 人 惟 與 服 祖 可 恩 立 曾 中 孫 以以 弱 曾 悼 之 當 + 於 文 不 年 爾 不 祖 孫 Z 斯 制 於 令 歡 已 責 度 至 室 罪 時 之 而

字 也。 例 知衣 存其 矣。 姑 不 於 能 飲酒 孫成 精義 之乎 殺之 哉 高 ,或曰此 萬 也, 亦 祖 盡 姊 父之姑 名已 傎 服 老者 人 也。 不 食 以 妹 此 圃 吾於《喪服》經文中得 高祖之年百有 乎? 八乃爲 肉 可見之玄孫 食味,孝子要盡養道。 頤養之恐 制 不見其 奚 所 適 之執 耳。 今即以曾祖 處 爲 必在室服也。 暇 以 人 在 於 服 斯 況不見其人,不爲 不 以 一總 者 百百 内,則曾祖之爲曾 親 緦, 曾祖 人,不 服 曾孫 制 大 喪 也。 麻」章,不 年日 齊 (功,其 而 也, 之緦 衰 爲曾孫 爲 四十歲矣,而謂 必 若夫玄 期,頤。」注 五 爲 七十惟 已在 制 夫在 在 之制 月 服 服 見 室 , 繩 ,此《喪服 **緦麻言之**,曾 百 孫 而 適 室男女同 期 之乎? 衰 高祖 有十歲 確 制 得 殺 孫 ), 男 麻 人 服。 謂 之 備 服 (者」三 證 之 在 女同 其 得 禮 緦 而 服, 芝 未 外 至 亦 不 見 於 又

五

月之服,以

服曾祖,而

以

齊衰

三月

服

高

所

恒

見

耳耳

所常

聞

緣

小

功月

數

以

制

齊

則 也。 在 在 降一等也。父之姑不見殤服,亦可決 妹、女子子、女孫 生子,奕世綿聯,八十外當見玄孫。 在 之孫哉? 見昆弟之子十歲者有之,安所更得見昆 長,其又長,至二十年止矣。 但 豈 嫁,男三十 父之姑何以 室服: 玄 室 適人之後,言告歸 有 於父之姑 又嘗 孫 無 適 也。 服,明此 人 得 服,故 論之,後世二十 故父之姑得見昆弟之孫 見 -有室。 《喪服》不見「適人者」字, 高 遂 而 祖 有 無 經不見其人不 不 並 者 異 兄 在 必著「適 見 比 乎? 室 4 妹 「殤服」,從在室 比 之日。 年相 服 然。 内 也? 此 人 恒 者」字 差,或十年 比 人 後 爲制服 娶婦 是 無 其 女二十 世 故 (嫁也 在 聖 也 者, 姑、 如 室 要見 其 之例 踰 IE. 此, 一,得 姊 弟 夫 無 服 必 以 偂

982

父母」立傳之言曰

「小功者,兄弟

服

宜

禮之善物

窮

則

變,變

則

通

F

一, 下

觀

千古

, 其

道

而

已矣。

子

夏

爲

之勢。周公非

自

亂

其

例

也,曰

時

日

稱

衡

哉

圃

至於

高

祖

、玄孫,則有

萬

不

能

制

九

非

周

公制

喪

服

上殺、下殺、旁

殺

之

權

非

古人所能

限

者

然則

以三爲五

以

五.

爲

韶

曷

嘗

貴

沿

襲

哉?

故

今之禮

必

有

爲

邦則

日

行夏

時,乘殷輅,服

周

冕

樂

則

惟

禮

亦

然

夫子去周

公五百

有

餘

歲

而

論

日

乎

嗚

呼

 $\vec{\pi}$ 

帝不相沿

樂,三王

不

!

相

襲

二,殊

時

異

世,

豈

必

雷

同?

夫

子

繫

易》不

云乎?

「不可

爲

典要,惟變所

滴

百

世

可

知也者。

夫子之言,不已驗之於

今

情

文

文

以

飾

其

悲

哀

也。

此

吾

夫

子

所

謂

殷

因

夏、周

因

殷,所損益

可

知

,也,其

或

総

周

雖

祖

於

斯

時

也

以

年

數

校

之,

亦

未

始

非

稱

之」、日 《信南山》、《甫田》、《大 我文王 箋並 統 嗣子,主祭者之通 怒」,皆謂 名,尤爲 於祭之稱 但 此 服 「太平告文王」,在周 孫爲之服同。」義未 日 反 稱 : 復言之,其 上 條 制 也 情立文」。 「高祖、曾祖皆有小功之差,則曾孫 世 指 0 中 齊衰三 一,曾孫 「稼」、 成王言, 加 容 不 臆見不可從。 勤 言之矣。」 曾 敢 Ŧi. 民觀農不必主祭祀時言。 孫,不 一月殺 以 月之月 篤 上殺之服 旨 曰「穡」、 兄 之。 稱 昭 弟 之 稱 之 論 此 諦 然 之 公居 數 也。 丽 E 世 也。 若 傳 論直 服 田》諸 又殺之者, 曰 數, 而 況 限  $\sim$ 曾 揭 謂 攝 服 「 來 維天之命》序 不 顧寧人 曾 寔 矣。 成 欲 孫 而 至 五 制 窮 孫 王 詩 抹 尊 知 年 0 止 於 齊 之稱 鄭 ', 曰 能 煞 曾 毛 然 日: [ 此,自 衰 君 要 厚 高 祖 明 傳 曰 験 日 Ŧī. 之 見 見 祖 之 明 惠 不 田 鄭 於 之 觀 注 吾 得 於

吾友 告先 抑 此 F 叔、 日 亦可 器長子之名,確 孫 猶 名,不可上通子孫,於是易傳之義 非不是也 之,是也。 言之,不專指孫之子 也 無徵 重也。 論 關 又 ,欲使後王皆厚行之。 文 難 通稱 祖 戴 又 四 成 曾 不信」,曾祖之名,斷難 祖 者,爲主祭者之通名; 出 世 東 王, 孫 襄 原 於 已 之日 自 蒯 然傳指 文王之孫。 公。」孫 據《 信 細繹 以 F 孫 瞶 顧 , 曾祖。 之子而 小 不 五爲九」之外, 敢昭 氏之説,乃 荷 經文,旁穿交通,實係 雅》諸 成 可 稱 相 易。 王,以曾孫上通之, 告皇 見,則 曾 《左傳》衛太子禱 也。 下,事先 可 詩, 孫 此謂 且 見曾 祖 箋 日 曾 實以 祖 服 文王 通 不聞祭先祖, 紐 曾孫 孫 孫 不 全 齊 曾祖 乎 祖 於 曾孫 之稱 寔 日: 烈 無 衰 + 稱 曾 皆 可下 統 曾 服 父 世  $\equiv$ 見於 孫 祖 爲 稱 子 矣。 曾, 限 月 母 祖 不 康 主 亦 曾 之 通 孫

> 之,在 遷 人 所開 也? 統高祖 大者,正 爲 就 疑 高 依 不 先,一爲宗易於下 祖、 此 玄孫 違 能 ,以曾孫統玄孫,深没 二人。 宜 玄 如 明 表 何 此,此 孫 如 丽 服 制 出 如 人也? 制 服。 吾之所 之以 應 鉅 制 典,諸 不 示 服 之所歸宿, 不 然, 一爲 人,而 是 能 儒 其文,使後之 高 解 典 祖 説 者 祖 禮 遷 乃 經鏗 也 何 以 之 始 於 之終 曾祖 犖 E 如 犖 人

## 喪服窮於緦麻上殺下殺旁殺表

窮矣。 孫  $\equiv$ 禰 也 五. 由 月矣,下治子孫,由己而 ,服窮於緦麻三月矣,旁治昆弟,由己之 喪 己而 月也,三月也。 其等差,則 服 年月之限: 上 殺 之, 由 至於曾 隆 三年 至於三月, 而 也,期 漸 祖 下殺之,至 殺 服 焉 年 窮 而 也, 服 於 F 一於曾 治 齊 之 九 衰 限 月 祖

尊

,故必

報之總

麻

祖父母

,尊我

丽

治

之旁殺

止

至

於

昆

弟

之曾

窮

於

緦

麻

三

孫

之昆

報

服

緦

麻,

嫌

於

何

可

失

也?

服

者

以

我

服

曾

其

加

隆

於

昆

弟

孫

決

然

報

服

於從祖日

月矣;

由

曾

祖

弟

旁殺之,

至

於

父母

服

於此

於於

是

下

治。

於族父

母

, 服

窮

月

矣。

於

是上

治,

由

父之昆弟

昆

弟

旁殺

之,至於族

昆

弟,

服

窮

爲

族

祖

父

爲

尊,故

弟旁殺之, 昆弟之子, 窮於緦麻 於此。 一月矣; 之昆 孫, 於 族 孫 故 失 服 = 服窮於緦麻三月矣。 服 緦 至於從 由 緦 祖 由 弟 不 旁 昆 月矣。 而 我緦麻。 麻三 窮 子 麻 旁殺 父 曾 制 弟之曾孫,呼 殺 之昆 於 母 緦 孫 服 之 而 月矣; 緦 之昆 父 麻」章 之,至於 等。 昆 服 上治之旁殺 圃 麻三月矣; 弟 昆 弟 旁殺之義 我 窮 旁殺 弟旁殺之, 弟之孫 夫 之 於 不 不 旁 曾 制 殺 孫 此 於 之 亦 報 殺 之 (限,瞭 如指掌矣。

人,已在

所

行

旁

殺

之

極矣。

其

限

之

内。

今 一

# 喪服窮殺差等生於以三爲五以五爲九表

旁殺 白。 加 因 所 必 彼 父親 九」,注 五 孫 九。」注云:「己上親父,下親子,三也 一句,又 之 使 説 與 親 而 云,是於三上因 又爲 九 據記 玄孫 祖 而 兩「爲」字並見 而言五 重之乃爲 喪服 爲 似 九 ,以子親 將  $\overline{\pi}_{i}$ 九 九 則 文,兩 未 兩事,祗一事。 小記》:「親親以三爲五 通 世 得 可。 節 也。」瑶 如此説 未遷之宗、親親服 記 九,謂以三加之而 孫,五也。 涵 「爲」字非三 文指趣。 今日「以三爲 泳之,蓋 而重之乃爲 分曉 田初 爲五 ,始爲正 如如 以 如此説 看 合上 因 與 此 祖 彼 反 五 Ŧi. 五. 注 説 親 限及親親 復 殺、下殺 解。 一,於五 不不 以以 五,以 高祖 又爲 爲三;如 爲 以以 涵 兩 能 泳 五. 如 五 九。 事、 以以 以 注 此 爲 Ŧi. H 明 爲

祖 也; 窮畢 三世,曾孫 也,是故 自 之,曰己也、子也、孫也、曾孫也、玄孫也 然此兩班人,實止一班人。自尊者向下呼 言之,是一班 止 孫 五,自高祖下數之,至於玄孫五 也;由己下殺之,己、子、孫、曾、玄,五也。 Ŧi. 下 孫、曾、玄,是爲「以五爲九」。 合上殺、下殺言之,高、曾、祖、父、己、子、 也 卑者向上呼之,曰己也、父也、祖 於五也。 上數之,至於高祖亦五世 殺言之,祖、父、己、子、孫,是爲「以三爲 0 一、高祖 由己下殺之,己子、孫,三也。合上殺 一之義 由己上殺之,己、父、祖、曾、高,五 自 也。 也:異名同實。 四世,玄孫五世。 己 惟以己 下數之,己一世,子二世,孫 人止 由 己上殺之,己、父、祖,三 一於五 居其 兩 中, 然則九者,虚位 班 而 爾,故曰 蓋服限 自玄孫視己 世爾 人乃 合上、下殺 爲九。 也、 自玄 服 止 曾 限 於

故 之大限。 又 而 其 竭 上 高 世 麻 孫 高 父二世,祖三世,曾祖 經 緦 爲 之故 加 旁 加 遷 高 祖 服 日 矣,玄孫 之月數 祖 不 麻 高 、玄孫 殺 之 之小宗,故 曾 祖 視 爲 祖 戚 也。 而 九者,虚 Ź 之制 祖 皆不 未 司 自 窮 故其 至於九也。 齊 爲 關 單於下,五世之宗未遷 於 亦服 曾 於 若夫六世,則兩家玄孫 於 衰三 玄孫 服 出 高 (服由 繼 孫 四 在 也。 位 祖 乎「以 日 别 窮之月數,蓋亦 視 世 月。 ,自曾祖 Ŧī. 「六世 五. 己 之大宗, 矣。 族曾祖 世 自 世, 爲 由  $\vec{\pi}$ 雖 中,言乎庶姓 四 三爲 己上 曾 上、下 爲 [世,高 高 齊 而 經不爲之制 視己 祖 九,非 祖 衰 而 親 五 丽 數之,己一世, 於玄 族 屬 也 殺 不 爲 祖 曾 以 祖,下至於 竭 同 服 而横 於五之外 五世。 曾 而 祖 矣」。 親 五 孫 各自 於 未 窮 同 孫 服 爲 服 Ŧī. 推之 五 屬 别 於 於 曾 九 也 世 自 吾 於 世 别 未 四 緦 曾 孫

曾 也 族 之 不 治 麻,蓋 治,實關上、下治。數世之法,必從上、下 君 世 之旁 云云,是説旁治,故 弟」,主旁治言。 窮 也 此言旁殺之服 族 族 祖 祖 能 ş 推 注之,乃曰「 服 父、 也 同 非 曾 殺, 也 爲 明 窮 而 於 亦 族 謂 祖 四 者 及 請 父之二世,其曾孫,己之族 所 同 而 即 昆 數 世 於 也 揭 循 謂 旁殺之服 於 弟 爲 ,同於曾祖之四 旁治 至 其 其 祖 自 旁 蔽 上 本。 窮 四 並 四 曾 之三世; 蓋 殺 焉。 也。 同 世 殺 殺 世 祖 因 之 於 必 四 注 丽 之 共 則 旁殺,爲曾 下 由 試 緦 曾 上 緦,服之 族 據之爲 丽 高 己 記 爲 麻, 下殺,一以 祖 親 順 爲 其 祖 姓 明 上 世, 曾 服 然 而 緦 孫 治 辨言之,俾 五 言。 摭之 窮 窮 别」、「戚 後 麻 其子, 孫 祖 己 而 世 之 乃 也 昆 數 然説 之 耳。 高 斯 云云 報 爲 貫之者 丽 之,至 弟 族 昆 祖 爲 服 服 下 單 弟 疑 旁 昆 鄭 之 四 緦 殺 窮

口

以

之 《大傳》曰「四 者,從祖昆弟之子也, 之限 之輩 族 謂 服 弟之孫 孫 、曾之輩 窮之限 麻 同於曾孫之 世 同 世。 之「四 昆弟者, 旁殺,呼己爲族曾祖者,昆弟之曾 窮 由 而 並 於 而 己下治 行,亦豈 之 總」。 在 己 己 也, 旁殺之,故亦 加 緦 世 行 服 之 爲 旁殺之,故 麻 同 贵 而 世 窮 互 其「四 此 而 總」者 於孫 之限 四 加 得 相 世 得呼 四 數之,至曾孫 其 世 呼其 緦」者,以 0 呼 種 數 世」字, 之三世 爲 己於 同於子之二世; 其 人 呼 # 溯 以 溯 其 人爲 族昆 之族 ,己爲 人爲 也, 源 此 源 數 此 探 此 ; 斷 探 世 四 依 屬,報 弟 四 四 族祖 呼己爲 本 皆 屬 本 人 也 爲 也, 己、子、 世哉? 族 世 皆 一,依 而 自 之 而 四 者,從 哉? 屬 謂 此 曾 同 於 自 謂 世 己 之 於 呼 族 曾 孫 四 曾 之 並 孫 交、 日 服 而 己 己 父 父 孫 祖 曰 祖 自 而 服 之節 宗 也。 不 衡 九 者 未 世 孫 E 四

昆

也

也

服

四

祖

緦

也

究之不 之窮也」之旨。 分,又不抉出《 服之數盡 法 也。 高 制 先人爲主, 嘗 以三 也 世 明, 服 而 確 知 祖昆弟、六世 度 不 而 權衡 之義 昔 表《 能 是,説之 圃 也 指 爲 緦 知節度之不可 高 1 人 於五 其 五,以 \_\_ 喪 之不 解 精 祖 於「 權 人,分 亦祗鶻 玄 服》 大傳》所 其 於 衡 如 亦 可易, 四 則 鄭 其 五爲九」 不 經 以 注 孫經不 四 世 可 别 高 注 心 可 文 突閲 外 世 所 T 祖 也。 其 字 易, 踰 而 止 親 謂 以 齊 解 字 宜 與 鶻 後 而 一者,制· 去,不復作聲, 盡 云 於 衰 制 於 或 緦 而 四 己 突 七者, 無 亦 服 五 麻 口 後 曰 世 四 節 世 讀 屬 斷 月」章 者 世 高 : 共 世 度 喪 數 而 名 去 屬 則 祖、玄孫 同 加 祖 不 制 服 何 以 後之讀 不 不 之 遷 祖 緦 宜 之權 口 喪 五. 其 同 爲 於 Е 也 小 踰 服 爲 説 Ŧi. 服 之 曾 丽

齊衰三 之差, 差,而 之不 後 月之分,而 也 是 皆 五月 功,亦固 之,而窮於三月,加一等爲五 也。 止 功。」 功 而 )哉? 世聖人與前 等 也 矣。 重 一,此不 爽, 而 殺 差 其 丽 瑶 據 高 而 月。 爲 不得 稱,不 衰 田 一等,乃 祖 思之 其 祖 小 齊衰 麻 以 期 可 空之以 在 節 功 所。 焉 有三月之窮,則曾祖 爲 於是曾 思之, 想見聖人神而 緦 亦 度 兄 世聖人,所爲 五 由 則 小小功 麻 之止 反復論之,曾祖 善乎? 弟 月,亦 權 期 曾 待其 之限矣。 服 衡之 祖 而 而 祖 也。 於 不 後 殺之而 五 宜 人 猶 至善 敢 而 月, 乃今恍 加 大 而 準 由 服 輕 經 夫曾祖 百世 功, 明之從 緦 麻 三 月 服 行 也, 1月,曾 高祖三月, 至尊 九 重 之 焉 盡 均 月, 高 皆 制 然 以 有 於 大 ", 祖 節 小 俟 齊 於 乎 服 祖 功 而 鳴 既 Ŧi. 其 而 而 呼 衰 權 不 度 小 小 功 宜 服 不 五. 而 之 時 之 不 五 衡 如 爲 功 功 小 言 月 小 而 可

> 惑者 前表參互考之,可以 祖、玄孫以 也。 據 應虚 ^ 喪 位之九,立 服 **>** 經 知 文 其通一 服 表 限 以 之七, 無二之故 明之,又 增 高

矣。

緦麻				己			齊衰五月	月
玄孫							曾祖父母	高祖父母
	總麻						緦麻	
	昆弟之曾孫						族曾祖父母	
		總麻						7
		之孫				緦麻		
		從父昆弟				族祖父母		
			緦麻					
			之子		緦麻			
			從祖昆弟		族父母			
				緦 麻				
				族昆弟				
					_			

據經文推出九世服表

## 上殺下殺旁殺數世本末源流表

乎? 世 道 案 庶 弟,合族 禰 殺、旁殺 曰 殺 雖 面 袒 竭 旁治 百 姓 ,必上治、下治先 尊 記傳三條,數世之法當從 矣。」又曰:「 也 免,殺同 世 别 木之生也 親 繫之以 尊 ,必先源 之 而 於 親 以 也 而 昏 上, 以 事 食, 親 姓也。 姻 姓 可 下 畢矣。」《大傳》曰: 丽 序 不 爲 Mi ·治子 得 必 而 戚 四 以 Ŧi 通 弗 後 先 而 其親 六 世 單 昭 者, 别 孫 及乎其 本 以 舉 而 繆 於 世 而 者而 綴 矣。 周 五 緦 親 下 而 後 之以 别之以 爲 道 親 親 流 及 服之窮也。 九。 ^ 後 香 己起。 然 也。 屬 喪 於其 由 食 姻 也 竭 親親之等 禮義, 服 上 上 親 而 可 旁治 矣。 末 殺 小 及 弗 上治 瑶 以 治 記 疎 殊 下 其 昆 水 田 通 祖 五

治之義 義,必 變所 單 旁治 治 貫 純 此 木 六 於曾、高, 世 世 世,玄孫之子六世也。 也 祖 是 世也。 高 昆弟之世數,夫然後綱 數 而 之有本而水之有源 禰 孫 空 適, 生, 祖 百 以 須 而 通 也 己 運, 故故 昆 世昏姻 數 探 Ħ. 而 後 而 弟, 下治子孫,己一世,而 曾祖 世 滌 如《易》之爲 鄭 鄭 世 以 至於曾、玄; 據 無 其 六 君 君 見上殺、下殺、旁殺、 上 不 而 之注 本 世 據 因 四 下 者也。 上殺 源,分 通, 世 以 下 以 一,高 治之世 外 則 爲 經 暢 也。 之, 書然,不 言。 親 日 此 詳 曾孫 别 發 祖 今欲 舉 盡 言 數 父 其 旁治以全上、 四 Ŧi. 旁治之世 其實 目 無 數 世之緣 姓 世 也 上 世共高 四 明 張, 屬 一,高 治 可 世 白 下 名」, 古人文章 祖 别」、「 典要, 一、玄孫 殺之,子 推 喪服 下 數 固 祖 也 起, 祖 數 之 求 治 世 專 丽 之 之 以 惟 下 戚 <u>Fi.</u> 父 由 猶 旁 主 至 五

## 上治祖禰由隆而殺之曰上殺

己	世
父	二世
祖	世世
曾祖	四世
高祖	五世
高祖之父	六世

衰三月。自己上數之,至曾祖 瑶田案: 四世而總,服之窮也」同。 斬衰」章:父三年。 五世高祖,經不制服,據經上殺蓋如此。 四世。 「不杖麻屨」章: 雖非服緦,然服限窮於三月,與緦同其月數。 祖父母期年。 「齊衰無受」章: 曾祖 其義 父 母 與 齊

## 下治子孫由隆而殺之曰下殺

一世
二世
三世
四世
五世
六世

窮。 章 瑶 世玄孫,經不制服,據經下殺蓋如此。 田 庶孫九月。「緦麻」章:曾孫三月。 大傳曰:「 案:「斬衰」章:父爲長子三年。 四世而緦,服之窮也。」瑶田必於此據之爲言者,以爲旁殺服窮之根也。五 「不杖麻 自己下數之,至曾孫四世,服 屢」章:爲衆子期年,適孫期年。「大功」 緦 麻 三月,爲服限之

## 旁治昆弟由隆而殺之曰旁殺

### 有己一輩之昆弟

所旁殺。	己之昆弟,一世之	昆弟	一世
世之所旁殺。	父之昆弟之子,二	從父昆弟	一世
世之所旁殺。	祖之昆弟之孫,三	從祖昆弟	三世
世之所旁殺。	曾祖昆弟曾孫,四	族昆弟	四世

弟之所殺,己爲之服總,所謂「四世而總,服之窮也」。 瑶田案:自己上數之,至曾祖四世。 今曾祖昆弟之曾孫爲己之族昆弟,是從曾祖旁殺昆

### 有父一輩之昆弟

				世
	之所旁殺。	父之昆弟,爲二世	世叔父母	二世
世之所旁殺。	之昆弟之子,爲三	父之從父昆弟乃祖	從祖父母	一世
世之所旁殺。	祖昆弟之孫,爲四	父之從祖昆弟乃曾	族父母	四世

所殺,己爲之服總,所謂「四世而總,服之窮也」。 瑶 田案 自己上數之,至曾祖四世。 今曾祖昆弟之孫爲己之族父,是從曾祖旁治昆弟之

	世
	世
第八角	<b>芝姐姐父母</b>
所 弟 之 社 2	<b>英</b> 祖父母

之所殺,己爲之服緦,所謂「四世而緦,服之窮也」。 瑶田案:自己上數之,至曾祖 四世。 今曾祖昆弟之子爲己之族祖父,是從曾祖旁治昆弟

### 有曾祖一輩之昆弟

	世
	二世
	三世
世之所旁殺。 曾祖之昆弟,爲四	四世

瑶田 之所殺,己爲之服緦,所謂「四世而緦,服之窮也」。 案:自己上數之,至曾祖四世。 今曾祖之昆弟,爲己之族曾祖父,是從曾祖旁治昆弟

瑶田又案:吾論旁治昆弟之窮殺,必根於上下治之窮殺,於是立表以觀之。 而族曾祖父

儀禮喪服文足徵記十

::::六

不 不 疎之無别, 例之嚴密、豪髮不爽矣。而經不制昆弟曾孫與從父昆弟之孫二人之服,則以嫌於旁殺親 族曾祖之緦,又殺之爲從父昆弟之孫之緦,以上應乎族祖父之緦,又殺之爲從祖昆弟之 服之窮也」之義。而下殺服窮於四世曾孫之緦麻,由是旁殺之爲昆弟曾孫之緦,以 子之總,以上應乎族父之總。 母、族祖父母、族父母、族昆弟之四緦麻,皆從上殺之曾祖旁殺而得之,適合乎「 相 可典要,而典要存焉。 貫,而 與曾 無寧闕之以全其例。 孫 之四 世 夫如是,則吾本末源流之説或亦不爲無所見乎? 相 配、難 而此 且即如法制服、雖與「四世而緦、服之窮也」旁穿交通、無 以 所應之諸父,又皆因此諸孫服己之緦 立説。 蓋禮 「窮則變」,乃制作之大關捩,觸處生義, 而 還 而 四 報之。 世 上應乎 丽 緦 義

: ::

右
E
殺
旁
殺
0

高祖之父六世 自己之玄孫之子視其宗 自己之玄孫之子視其宗 子、爲百世不遷之宗,其 祖即百世不遷之祖;自 起弟之玄孫之子視其兩 尼弟之玄孫之子視其兩 尼弟之玄孫之子視其兩					上下治旁治推至服窮親殺屬竭姓别戚單表
高祖五世自己之玄孙视高祖"庶姓未别;自昆之玄孙视两家之高祖,为庶姓别於由民,为庶姓别於	姓而同正姓, 别庶 对此, 故				窮親殺屬竭姓到
曾祖四世	曾祖,故曰四世 曾祖昆弟,殺從	高祖昆弟之子 殺從高祖,故在五 世之限,别庶姓而 世之限,			成單表
祖 · · · · · · · · · · · · · · · · · · ·	祖,故曰三世.祖之昆弟,杀從	族祖父 曾祖昆弟之孫, 曾祖兄弟之孫,	高祖昆弟之孫 一高祖昆弟之孫		
父一世	父,故曰二世 父,故曰二世 父,故曰二世	世之限、世之限、世之限、世之限、世之限、世之限、世之限、世之民弟之子、	族父 曾祖昆弟之子, 曾祖昆弟之子,	高祖昆弟之曾 八十二十二十二十二十二十二十二十二十二十二十二十二十二十二十二十二十二十二十二	
己,此	献於己, 故曰 世, 故曰	從父昆弟 父之昆弟之子, 殺從父,故在二	世之限。 世之限。 世之限,故在三	族民弟 曾祖民弟之曾 曾祖民弟之曾	高祖 昆弟之玄 粉從高祖、故在五 世之限,别庶姓

己一世	<b>配</b> 一世。 一世。 一世。	從父昆弟故在二世之限。	從祖昆弟 故在三世之限。	发,故在四世之限。 之,故在四世之限。	姓,而戚單於下矣。 姓,而戚單於下矣。
子二世	起弟之子 從己之子旁殺 之,故曰二世。	從父昆弟之子 從己之孫旁毅 之,故在三世之	從祖昆弟之子	族昆弟之子 從己之玄孫旁殺 次 也同於正姓,限。上同於正姓,	
孫:世	定"故曰三世。 定己之孫旁殺 之"故曰三世。	從父昆弟之孫 一之,故在四世之 之,故在四世之	從祖昆弟之孫 從祖昆弟之孫 後山之玄孫旁殺 上同於正姓,		
曾孫四世	故日四世。	在五世之限。上同於在五世之限。上同於在五世之限。上同於		,	
玄高祖五世 至高祖五世 至宗則戚單于下, 查庶姓既别于上, 之宗列,戚未單也, 之宗列,戚未單也, 之宗列,戚未單也, 在 於,等其五世未遷 之宗子,戚未單也, 在 於,等其五世未遷	姓,而戚單於下矣, 從已之玄孫旁殺之, 起日五世。上同於正				
玄孫之子六世玄孫之子六世					

未

單

玄孫十六房 姓於高祖。是高祖爲 弟,上視己一世爲 房,孫三世爲四房,曾孫四世爲八房,玄 以人生二子言之。己一世,子二世爲 今爲表明之,而 根於上、下殺世數之所 之昆弟曰旁殺。旁殺之世數,虚位 矣。 未别。而此支視彼支之高 於上,此支視 五世爲十六房。 ,非表不足以明之。 行,順 案: 分兩大支。 祖之玄孫 是故 圃 數 下之曰下殺,推 庶姓之别 世之法 相 也。 戚 又 彼支之玄孫,爲 兩支自 有 爲 高祖,十六 起 此 至 不 戚 與 高 庶姓未别於上 於己,等而 玄孫 限 得不辭 未單 未别 視 祖 若夫玄孫之子 其 昆 而 十六 而 祖,則 、戚之 於下也,此 高 推之者 弟之玄孫 房 及之累世 費者,試 祖 皆 戚 房之昆 上 爲 )單與 單 庶姓 同 之日 也 耳 於 庶 而 庶 兩 世。 功 由 此 以俟覽者默會之耳 别

孫

上

殺

瑶

田

爲六 故,有非 爲戚單於下矣,況乎兩支前此之庶姓已 孫彼此視之,已爲庶姓别於上矣。 今爲庶 是爲吾高 於玄孫之子,上視其本支,吾父之高 而 此高祖之父生兩支高 世,玄孫之子 戚 姓别於上矣",向之戚 己 祖之父,則 表所能盡 單者哉! E 者,故 此 向之庶姓未别者 視 中 高 祖,自 重 必析而言之, 祖 未單者,今 之父 出 間 兩 而至 見之 亦 支 祖 玄 六

貫,邪 之。 矣,而三世、二世、一世之旁殺一以貫 四 ,由三世祖旁治而殺之也,從父昆弟 四 表,如衡從其 世 試 # 上鱗 而 一曾祖 以 總, 昆弟一輩言之,族昆弟 次。 旁治 服 之窮 (畝,如 悉心 加 殺之也,從祖昆弟小 也」之義 觀之,則 經 緯 有 幅 四 旁 通 治 旁行 緦 六 旁 闢 殺 魚

與我

别

下

姓

共高

0

年,由 準 於是 旁殺之始, 大 此 功 等而 矣 由 上 世 世 而 之, 推 父 E 旁 順 治 而 治 及 加 而 之 隆 面 下 殺 之, 服 旁 之 治 窮 其旁殺之法 也 從 而 ; 終 殺,以 昆 之也 弟 爲 期

## 喪服經文服限大例疏證表叙

高 麻」章「族祖 非 祖 高 殺 功之差,則曾孫 曾祖父母」下注之曰:「高 、旁殺 祖之孫 顢 制 祖 下 服 預 親 下 從 殺 而 親 則 事 當 親 不爲玄孫 以三 父母 也。 高 及 畢 祖 於 爲五 矣。」若 」下注之曰: 玄孫 而 有 玄 鄭 服 制 孫 爲 君 以 明矣。 服 是 之服 於「 五 而 祖 此 則 爲 經 齊衰 族 同。 蓋 、曾祖皆有 上 如 九,上殺、 文 祖 有 殺 鄭言,曾、 上不爲 又於「 三月 道 父者,亦 當 焉 極 緦 小 章 下 必 高 於

之,其 從 功,從 母之; 三表。 弟 祖 族 曾祖 爲 服 爲 説 以 玄之 孫,止矣。 三日 於經文紬 曾 之 昆 齊 曾 限 曾祖父母 曉 衰三 孫也。 於曾、 子 聖人 孫 弟等而上之,以 • ıŁ, 爲 祖 齊衰期年,爲祖 緦 等 矣。 昆 服 爲長子、 而 月旁殺之而 日 制 繹 麻 而 弟 限 高 絶 之,於 也。 E 禮 = 下 服 小 四 不 一殺 兩 之,以 必必 月旁殺之而爲 限 旁 功,族 日 服 祖 服 衆子也,爲適孫 窮 殺,又準 下 是 不 昆 見 司 限 於三月,人 殺 限 取 然 至 弟 至 爲 服 窮 昆弟 父母 使 準 也。 經 於昆 於族曾 期 緦 於三 後 則 文 年, 麻 Ė 上 也; 斬 緦 瑶 人 益 所  $\equiv$ 一殺、下 弟 月,人限 殺 從 齊 無 麻 作 列  $\mathbf{H}$ 宜 月 之曾 祖 而 齊衰三月, 父 限 服 之 以 想 明 , 庶 年 爲 皆從 月。 昆 及 殺 當 由 服 爲 白 之, 孫 孫 蓋 等 於 極 爲 還 而 然 族 限 見 也 曾 昆 皆 曾 由 大 亦 當 之 之 昆 爲 於 父 爲

也;

世

其

在

室

子。

父之姑

及檢

「父之姑」,長

殤

當

在

故

經

不

制

服

是

乃

經之

獨

無

其

服

乃恍

然

於

人服

在

緦

麻

一,

獨

不

見

並

見「適人者」三

妹

適

人

服

子

適

姑,次

日

姊妹

爲

表

以

疏

證

是

通

服之初,此作者之所 覽《喪服》全經,而得父之姑一 祖者,高 自 父、叔父之姊 然者 上 服 於 也,父之姑, 適 人 大 之。 無 次 乃《 不 曾 袓 限 曾 人 服 功,女子子適 服 矣。 爲 孫 未 日女子子,次 孫 服 止 以「父之姑」建首 喪 哉? 小 高 視 於曾 有 三月, 緦麻, 功,皆 服 是 祖 之, 見玄孫者。 觀 經 制 何 妹 祖 從 爲 以謂聖也。 則 於旁 姑 也? 文之大例; 服、 下 也 降 祖 族 昆 適 人服 其 祖 下不爲 殺之服 弟之曾孫 曾 日孫之婦人 姊 殺之服 在 父 玄 祖 妹 大功, 服 之 室 不 孫 之 條, 昆 次次 大 ·見其 姊 定之 服 未 玄 曾 限 功 限 妹 孫 於 别 曰 有 孫 安 11 孫 之姊 大例 字。 見其 自 閲 不 服 以 當 父之姑 妹也,女子子也,孫之婦 「殤服 同,是其例 子,孫之姊 適人者」三字。 緦 者 不 見 必 爲 如其輩之昆弟。 麻」,而「緦 惟父之姑適 爲之 一殤 者 見「適人者」三字,以 見 妹 」,亦四人之適人服 不見其 目 在 非 殤 也 制 室 無 ; T 服 服 也。 妹 女子 殤 無 其 之或 解 則 也。 人,不空制 服 服 麻」章 也。 服

於制

見

高

空制

服

制

服

, 有

斷

有

在

室

服

可

知。

又其

適

降

等,或

降二等,

其意

也。

凡

此

皆

服

之定

例,

别

異於在室服

之

今通

檢經

文,姑也,姊

人子也,四人並

見

然

雖

不

見

在

室

服,必

子、子

之姊

妹

也

孫

婦

人

3

是五

人也,

其

在

室

服

加

經

文

不

見者,女

與

男

於

曾

孫

而

益

知

上

殺之

得

不

殺之爲

也。

服

限

窮

弟之曾

孫

四

蓋父之姑

在

室,必

服

無

在

室服者

別異,故獨不見「適人者」字,以 見歸 歸孫 經文固非顢預從事者也。 觀於此,而後乃今知高祖、玄孫之不制服, 歸乃見此孫。此孫既得見父之姑,故經於 「總麻」章始見其服。以在室不制服,無所 孫者有之。故《爾雅》謂之「歸孫」,言 者,必適人 有年, 或有 時 歸 明其 寧 母家,得 例 也。

己 旁殺之限四 其上下	己下殺之限三	□上殺之限三
旁殺皆準此 昆弟 期 年	期 年 子 三 年	<b>突</b> 斬衰 三年 母
從父昆弟大功九月	功九月 大	祖父母齊衰期年
<sup>功五月</sup> 從祖昆弟小	月 曾 孫 總 麻 三	衰三月 齊
月 族 昆 弟 總 麻 三		

喪服經文服限表

止於曾 豈 之差。 之大,人無所憾,嗚呼至矣! 孫 據 衰 月 則自 齊衰五月之服,所謂「先聖、後聖,其揆 觀 聖如 三十 以 見高祖之事,故服 五 服 一月以 服 應 限 祖。 周公而見不及此哉? 以 有室之年,規以 高 如 表,見期年、三月之間,原有五月 服曾 高 祖 果玄孫 爰定大例 祖 又準 祖。 爲 服 得見 此天造: 小 限之極,而制齊衰三 限 功五月之差,制 高祖 上壽 用 極 制 於 地設之服位 一、必當 禮 年數, 也。 三月,人限 後世聖人增制 文,天 制 無 其 服 地 玄 齊 時

父之姑怨麻。	父之姑然祖祖 父之姊妹也。從 祖祖父小功。 以不制在室服故 也。從
功。	好妹也。 世
大 <sub>功</sub> 。 姊妹 適人 者	妹也。 昆弟之姊妹也。 昆弟男如之。」 姊妹在室亦如之。」 姊妹之下殤小功。
者 大功。	女子子子之姊妹也。
<sup>功。</sup> 孫 適 人 者 小	孫婦人子孫 法

父之姑在室不制服表

